

DE  
**CHYMICORUM**

*Ex bibliotheca comitatus P. annuatiōis Pannōnsis ordi<sup>ni</sup> FF. Prædicatōrum.*

CUM  
**ARISTOTELICIS ET GALENICIS**  
CONSENSU AC DISSENSU

LIBER:

*Cui accessit*

APPENDIX

DE CONSTITUTIONE CHYMIÆ:

*in v. casal. AUCTORE 13 Aprilis 1704*

**DANIELE SENNERTO, D. & Medic. in**

Acad. Witteb. Prof. P. ac Scien. Elect. Sax. Med.

*Ex legato D. L. Cioques. J. S.*



*Mus - C.*

*Tab - 86*

*no 15*



*Cum Gratia & Privileg. Cesar. Rom. Majest.*

WITTEBERGÆ,

*Suntibus Viduæ & Hæred. Zacharia Schüreri Senioris,*

ANNO M DC XXIX.

CHYMICORUM

ARISTOTELICIS ET GALLENICIS

CONSENSU AC DISSENSU

LIBER

CHIMICIS

APPENDIX

DE COAGULATIONE CHYMICIS

AVTORIS AUCTORITATE

DANIELI SENNERTO, D. & Medic. in

Acad. Med. Praes. & Soc. Med. Praes. Med.

Handwritten notes in the left margin, including "110 12" and other illegible scribbles.



Com. Gm. & Fr. Pr. C. G. R. P. M. P. S.

WITTEBERGA

Small text at the bottom of the page, likely a publisher's or printer's mark.

*Strenuis, Generis antiquitate, Virtute, Eruditione,  
rerumq; usu Nobilissimis Viris,*


**D. N. WOLFGANGO** *Osneri*  
Hæreditario in *Reinhardtis & Neutou.*

**D. N. MAURITIO CHRISTO**  
PHORO à *Cantis* / Hæreditario in  
*Treven & Widera:*

*Dominis Fautoribus suis officiosè coleendis*  
S. P. D.



**V**T reliquos vitæ hu-  
manæ errores, *Viri Strenui &*  
*Nobilissimi*, eleganter depinxit,  
qui *Peregrini in patria* errores  
nobis spectandos exhibuit: ita  
errorum reliquorum omnium  
quasi principium *Philantias*, & præconceptarum  
opinionum amorem graphice descripsit, dum  
in humanæ infelicitatis vestibulo magnum victo-  
rum numerum vinculis & catenarum diversitate  
ultra vires aggravatum sibi occurrisse scribit, qui  
tamen



tamen usq; ad eò sortem suam non dolebant, ut inter se valde de compedum excellentiâ & prærogativâ concertarent, dum alius suos annulos lamberet, alius tangeret, alius metiretur, alius fasciis ab aëris injuriis teget, omnes verò de suis carceribus gloriarentur, & si quis minus oneratus esset, doleat & invideret proximo ferramentorum præpondium. Nimirum regitur Mundus opinionibus, & suum cuique pulchrum. Etsi enim omnibus seculis DEUS Opt. Max. heroica aliquot ingenia excitavit, quæ deterfis oculorum nebulis aciem intenderunt, & falsas opiniones agnoverunt, atq; hæc non ornamenta, sed impedimenta, non aurea monilia, sed ferreos compedes, quibus in ignorantia lutum demergitur genus humanum, esse animadvertunt, quiq; nervum sapientiæ esse intellexerunt, Nihil temere credere, & propterea pro virili ab ista servitute, quam plurimi serviunt, liberare mortaliū genus conati sunt: tamen plurimi contra sunt, qui opinionibus potius reguntur, quam veritatis studio ducuntur. Et alii quidem nimio majorum suorum amore fascinati, quam quisque opinionem de rebus seu divinis seu humanis à majoribus & doctoribus suis hausit, eam plerunque & amat, & fovet, & propugnat, ac ad sanguinem usque mortemq; defendit, & nihil eâ verius & rectius dici posse persuasissimum habet, & compedes falsarum  
opi-

opinionum, quibus vinculus est, licet ferrei sint, licet impoliti, licet onerosi, pro aureis habet, imò non pro compedibus, sed pro ornamentis. A quibus, si quis aliquem liberare tentat, tantum abest, ut id admittat, ut etiam renitatur, imò magnam injuriam sibi fieri clamitet. Alii contra suis ingenijs nimis fidentes omnia ab antiquitate etiam bene inventa evertere & sua substituere conantur.

Et ut hæc eò, cujus gratia dixi, transferam, in ipsa etiam Medicinà ista opinionum diversitas & dissentendi studium omnibus seculis Sectas peperit. Nam ut de antiquis Medicorum Sectis jam non dicam, Chymia hoc ipso seculo artis Medicæ formam non parum mutavit. Quanquam enim & hodie non pauci sint, qui Galenicam Medicinam, eo, quo superioribus seculis tradita fuit, modo, strictè retineant, nec quicquam de Chymicis sint solliciti: tamen non multò pauciores esse, opinor, qui longè aliam Medicinæ rationem, quàm quæ superioribus seculis usitata fuit, sectantur. Cum enim superioribus seculis ex Galeni, Avicennæ, aliorumque Græcorum & Arabum libris Medicina doceretur & disceretur; & in Pharmacopoliis ex usu receptis, quæ vocant, dispensatoriis, & maxima ex parte è vegetabilibus, decocta, infusiones, syrapi, pulveres, pilulæ, conservæ, electuaria, & alia ejus generis medicamenta pararentur; pluri-

miq; Medici essent, qui quid alembicus, retorta, phiola, sublimatorium, reverberatorium, & alia Chymica instrumenta essent, ignorarent; ac qua ratione operationes Chymicæ hodie passim usitatae fieri deberent, plane nescirent: Hodie plurimis hæc omnia sunt notissima.

Inter Medicos tamen, qui rerum Chymicarum peritiam habent, magna rursus sese offert diversitas, & cum in opinionibus, tum in modo Medicinam faciendi discrepantia. Alii enim Chymica cum Galeniis conjungunt: alii verò Galeni & Avicennæ, eorumque interpretum scripta nunquam viderunt, aut si viderunt, nunquam legere animum induxerunt; sed solum Paracelsi scriptis inhærentes, novam planè Medicinæ rationem sectantur, ac non solum de morborum origine & causis novas opiniones fovent, sed & omnibus vulgatis dispensatoriis, & quæ ex iis fiunt, compositionibus neglectis, nihil nisi magisteria, essentias, spiritus, olea, extracta, sales, &c. & præparant, & ægris suis propinant. Atque ex iis quidam, quasi piaculum sit è vegetabilibus medicamenta parare & exhibere, nulla nisi ex antimonio, mercurio, vitriolo, nitro, auro, argento, & aliis mineralibus ac metallis parata, aut certè longè frequentius ista, quam vegetabilia, usurpant.

Cujus mutationis in arte Medica longè maxi-

mae primus Theophrastus Paracelsus, Helvetius, auctor exstitit. Quanquam enim & ante ipsum Chymica à multis colerentur: tamen vix aliquis eorum veterem Medicinam evertere animum induxit. Ipse præcipuè se veteri Medicinæ opponere, novamque sectam condere, ejusq; se Principem, imò Monarcham, profiteri ausus est.

Ingentibus hominis audacis & gloriosi (qui non solum unius anni spatio eximium Medicinæ Doctorem se perfecturum promitteret, sed & singularem ac novam morbos quosque gravissimos curandi rationem, & quod caput rei est, ac quo plurimorum animos sibi devinxit, lapidis Philosophici, quo omnia viliora metalla in aurum mutarentur, cognitionem præ se ferret ac polliceretur,) promissis moti plurimi, & partim novarum rerum, partim auri avidi, neglecta prisca Philosophia & Medicina, sese Paracelso totos addixerunt, eumq; ut Magistrum ac Ducem sequi statuerunt.

Quo factum, ut quidem, qui id, quod Paracelsus pollicitus est, præstare potuerit, ne unus inventus sit: novarum tamen opinionum & Paracelsi sectatores reperti sint plurimi, atque etiamnum hodie reperiantur, totaque Europa, & in ea præcipuè Germania nostra, portentosis dogmatibus non solum in Medicina, sed & Philosophia & Theologia repleta sit. Quanquam n. Medicinam præcipuè profi-

profiteretur Paracellus; & si inter Chymicarum præparationum limites se continuisset, laudem suam mereri potuisset: tamen cum applausores inveniret non paucos, audacior factus, falcem in alienam messem immisit, novaque in Philosophia dogmata invexit, nec Theologiam iuviolatam reliquit, sed se aliquando LUTHERUM & Papam, non minus, quam Galenum & Hippocratem, in ordinem redacturum minatus est; neminemque eorum, qui in sacram Scripturam hæctenus scripserunt, sive veteres sive recentiores, scripturæ nucleum rectè eruisse, sed circa corticem tantum hæsisse, non solum professus est, sed & ipse novas in Theologia opiniones scriptis suis inseruit. Præterea Magiam discipulis suis sedulo commendavit; imò istud pronunciare ausus est: si DEI deficit auxilium, diaboli succedat. Quam impietatem cum discipuli & agnoscerent & reprehenderent, atque in lectione publica Basileæ istud affirmanti D. VVolfius VVisenburgius contradiceret: ne impietate dogmatis sectatores suos offenderet, Magiam quandam, seu naturalem seu cœlestem, commentus est: quæ tamen ipsa non minus impia, & in Salvatorem ac DEUM nostrum contumeliosa est, ut cum ex aliis, tum ex libris de Philosophia Sagaci patet, ubi inter alia scribit, *lib. 2. cap. 4.* Secunda Magiæ speciei posse transmutari unum in aliud; ferrum, in cuprum;



cuprum; homines, in lupos; Sapphiros, in margaritantes; hominem divina virtute invisibilem fieri, quemadmodum CHRISTUS, qui se occultavit; & vestiri tali veste, ut CHRISTUS transfiguratus est: Tertia, posse quem verba proferre; Sume lectum tuum & ambula; Lazare, surge: Quarta, posse quem facere, ut asinus loquatur, sicut asinus Bileam; posse facere hominem ex DEO natum, ex DEO doctum; posse facere, & potestatem habere faciendi ex viribus divinis, quicquid velit.

Ex Paracelso nimirum, tanquam fonte, dogmata sua hauserunt VVeigelius, Crollius; imò illi ipsi Enthusiastæ, qui ante paucos annos in Thuringia religionem Christianam turbare conati sunt; & plures alii ex eis, qui Fraternitatis R. C. seu socii seu clientes videri voluerunt.

Quæ omnia cum mecum perpenderem, & absurda hujusmodi dogmata plurima sub specioso Chymix nomine hodie spargi, & hoc modo Chymiam multis seu invisam seu suspectam reddi animadvertentem; contra dignitatem ac utilitatem Chymix agnoscerem maximam: facere non potui, & id Professionis meæ ratio exigere videbatur, ut quantum à vera Chymia Paracelsi & Paracelsistarum somnia & absurda dogmata differrent, monstrarem. In primis cum viderem, curiosæ & novitatis avidæ juventutis ingenia pravis istis dogmati-

bus imbui, corrumpi, atque à multis errores hosce, quasi lac maternum, bibi, quod pravum ingenii alimentum, tanquam in membra iudiciorum transmutatum, nunquam postea deponere possunt.

Ut verò vobis, *Viri Strenui & Nobilissimi*, hoc quicquid est operis dedicarem, me movit, quòd non solum vos bonas literas literatosque amore & benevolentia profèqui, sed & ipsos non leviter bonis literis tinctos, verum planè ac penitus imbutos animadverti. Cum voluptate enim insigni sæpius, cum Vos, Vestrosque valetudinis causa invisi, non solum de rebus politicis & historicis, sed & aliis, quæ literariam rem concernunt, & inter ea etiam de rebus Medicis ac Chymicis non vulgariter differentes Vos audivi. Quapropter nullus dubito, Vos etiam de hac, quæ est inter Aristotelicos, Galenicos & Chymicos controversia rectè judicare posse: Idque ut faciatis, & à gravioribus, quibus occupamini, negotiis huic etiam scripto legendo aliquid temporis subtrahatis, & meum hoc in vos observantiæ documentum animo benevolo suscipiatis, etiam atque etiam oro. Bene valete.

Wittebergæ, Cal. Febr. Anno Christi 1629.

## LECTORI BENEVOLO

S.

**N**Eci tandem, Lector Benevole & Candide, hanc  
aleam, & dogmata inter Chymicos & Peripate-  
ticos ac Galenicos controversa quadam propo-  
sui, atq; de iis meam sententiam exposui. Et si ve-  
rò nullo alio fine, quàm veritatis investigandæ, atq; artis  
Medicæ propagandæ studio istud negotium à me susceptum  
esse, noverit is, qui novit omnia; & instituti mei ratio bo-  
nos viros, qui me norunt, non lateat: tamen facile conjice-  
re possum, non omnium idem de hoc meo labore futurum ju-  
dicium, nec omnes eo, quo à me hæc profecta sunt, animo ac-  
cepturos. Indignabuntur enim procul dubio quidam rigidi  
& pertinaces Peripatetici & Galenici, qui in magistro-  
rum verba jurarunt, ac cum Aristotele, Hippocrate &  
Galeno errare, quam cum recentiorum aliquo verum di-  
cere malunt, quod Chymicorum quasdam opiniones non  
planè rejeci, sed, si dextrè explicentur, recipiendas censui:  
atque Aristotelicam Philosophiam, & Galenicam Medici-  
nam Chymicorum opinionibus contaminari conquerentur.  
Contra agrè Chymici nonnulli ferent, quod non omnes Pa-  
racelsi opiniones pro oraculis habui, & quod studiosam ju-  
ventutem à Pseudochymicorum absurdissimis & porten-  
tosis opinionibus debortatus sum. Verum quid aliud fa-  
cerem, qui unicum scopum, veritatem præfixam habui, &  
tantum quid diceretur, non à quo diceretur, spectavi, ve-  
ritatemq; omnibus autoritatibus posthabui? In quo exem-  
plum Aristotelis sequendum mihi proposui, qui, lib. I. Ethic.  
c. 6. Platoniam rejecturus sententiam, Præstat, inquit,  
atque adeo oportet etiam ita veritati nos addictos esse, ut præ illa

vel nostra ipsorummet secreta evertere non dubitemus;  
itidemque monitum Galeni, qui censet, ut is, qui solidam  
eruditionem sibi comparaturus est, à teneris summo veritatis amore teneatur, seu, ut ipse loquitur, ἀληθείας ἐρωτικὴν  
μανίαν, ὡσπερ ἐνθουσιῶν, habeat, tum dies noctesq; contendat,  
ut ea, quæ à clarissimis veterum tradita sunt, cognoscat:  
In hoc tamen non acquiescat. Jubet enim porro, ea,  
quæ cognovit, κέρνει καὶ βασινίζειν χρόνῳ παμπόλλῳ καὶ σοσιῶν,  
πόσα μὲρ ὁμολογεῖ τοῖς ἐναεργῶς φαινομένοις, πόσα δὲ ἀγ. φέρεται, καὶ  
ἔτιως τὰ μὲρ αἰρεῖσθαι, τὰ δ' ἀποστρέφασθαι. *Quamquam ve-*  
*rò hoc mihi non polliceri possum, me ubique verita-*  
*tem, quam sectatus sum, assecutum esse; sed poti-*  
*us eo sine ea proposui, ut & alios ad veritatis in-*  
*vestigationem invitarem: tamen, ut rectè Galenus*  
*lib. de usu respir. c. i. habet: πολμητέον τε καὶ ζητητέον τὸ ἀληθές. ἐρ*  
*γὰρ καὶ μὴ τὴν ὁμολογίαν πάντως: ἀπὸ τῶν πλησιέστερον, ἢ νῦν ἐσμεν, ἀφί*  
*ξόμεθα. Audendum est, & veritas investiganda, quam etiamsi non,*  
*assequamur, omninò tamen propius, quàm nunc sumus, ad eam*  
*perveniemus. Quo verò ego animo ad scribendum accessi,*  
*eo ut alii ad legendum accedant, opto: Lectoremq; candido*  
*dum oro, ut judices illos imitetur, qui post velum caussas*  
*cognoscebant, ut quid diceretur, audirent, quis diceret, non*  
*viderent; atq; existimet, non hic Aristotelis, Galeni, Pa-*  
*racelsi, sed Caii, Titii, Sempronii, vel alterius cujuspiam*  
*dogmata ventilari, neq; ullum hominem tam charum ha-*  
*beat, ut ei veritatem posthabendam putet. Quod facile*  
*fiet, si nemo quicquam approbandum sibi proposuerit, nisi*  
*quod cum certissimis illis veritatis in rebus naturalibus*  
*& humanis κερμητοῖς, λόγῳ καὶ πείρᾳ, consenserit. Qui*  
*verò veram credit esse propositionem quampiam, ideò,*  
*quod Plato, Aristoteles, vel quivis alius eam crediderit,*  
*nec aliam rationem & causam inquirat: certè inge-*  
*nia*

nio omnicare. Veritas enim non in ore ejus, qui quid affirmat, sed in re ipsa, quae explicatur, consistit. Et ex libris colligere, quae prodiderunt Autores, longè est periculosissimū. Rerum ipsarum cognitio vera è rebus ipsis est, ait Scalig. exerc. 104. l. 6. Qua in re tamen utrinq; peccari video.

Ex una enim parte Aristotelicae Philosophiae sectatores quidam, umbratilibus disputationibus, & in sua cerebro natis nonnunquam hypotbesibus nimis confisi, quid in Rerum Natura fiat, non considerant, neq; experientiam consulunt. Verum non nostrum est, Natura leges prescribere; sed ex ipsa Naturâ Natura describenda. Negavit olim Antipodas Laëtantius, & Philosophos, qui Antipodas statuunt, multis exagitat, de fals. Sapient. l. 4. c. 24. ineptosque esse putat, qui pendulos istos Antipodas, hominesque, quorum vestigia sunt superiora, quam capita, esse credunt. Refert quoq; Aventinus, Vigilium quendam, hominem eruditum, quod homines undiq; terræ globo circumfundi, & conversis sive adversis inter se pedibus stare, asseruisset, excommunicationis fulmen evitare non potuisse. Zacharias enim P. ad Bonifacium scripsit; ut Vigilium, tanquã hereticum, ab Ecclesia depelleret, sacerdotioq; dejiceret, nisi perversam doctrinã missam facere vellet. Ita ratiunculis quibusdam Zonam torridã non habitari umbratici quidam superiorũ seculorum Doctores disputabant. Verum quis jam iis fidem habeat; cum Recentiores in suis Navigationibus longè aliud experti sint? Eundem errorem in non paucis aliis à plurimis errari existimo, qui satis esse putant, si aliquid in antiquorum libris legerint, an verò cum re ipsa atque experientia consentiat, ne cogitant quidem. Verum, ut rectè Scaliger, Exerc. 306. censet, Nihil infelicius iis ingenis, quae mordicus sentiunt; Majores nostros nihil ignorasse. Dies diem adhuc docet; & multa in lucem protrahuntur.

de rebus  
hypotbeses.

ipd'it' vop'it'it'it'  
Custod'it'it'it'  
2'it'it'it'it'  
2'it'it'it'it'

cyque antiquis parum cognita fuerunt. Nimirum, ut Seneca ait, Multum egerunt, qui ante nos fuerunt, sed non peregerunt; multum adhuc restat operis, multumque restabit, nec ulli post mille secula præcludetur occasio aliquid adhuc adjiciendi. Παντα καίτοι. Ideoq; Zabarella, de propos. necess. lib. 2. cap. ult. optat, ut temporibus nostris Philosophos habeamus, qui rerum naturas perscrutando philosopharentur, nec solum verbis Aristotelis addicti, eaque sæpius perperam intelligentes ad ea res ipsas accommodare soliti essent, nil aliud quærentes, quàm quid dicat Aristoteles, neque aliunde, quàm ex ipsius verbis argumenta ad omnium cognitionem & comprobationem sumentes.

Contra & ex altera parte peccant quidam Chymici, qui de rationibus, quibus sua dogmata probabilia reddant, parum sunt solliciti; sed audacissimè quidem & confidentissimè nova dogmata producunt plurima, eadem verò nullis rationibus probant; imò nec, an cum experientia consentiant, monstrant.

Ego quidem ut utrumque effugerem, & medio tutus irem, unicèq; veritatem inquirerem, sedulo laboravi: quod verò ubique eam invenerim, polliceri mihi non possum. Et enim, ut Galenus ait, χαλεπὸν ἐστὶν, ἀνθρώπων ὄντι, μὴ διαμαρτυρεῖν ἐν πολλοῖς. Et ut Scalig. exerc. 297. sect. 1. scribit, sapientum sententias oppugnare paratius est unicuique, quàm suam tutò alienis committere judiciis. Ideoq; ut ejusdè Scalig. 1. de plantis, verbis utar: Laudem hinc nullam quærimus; culpam vacare volumus: quin enixè petimus atque etiam oramus, ut vicissim absque contentione, sed humanè atque liberaliter unusquisque conferat in medium, quod habet, ad literariæ rei incrementum. Nihil mihi potest esse beatius, quam scire. Discendum verò, ut sciamus. Ego quidem sapientiæ ambitum, tanquam animi nostri ærarium, quoddam semper judicavi, in quod communia commentationum

num nostrarum vestigalia inferenda censeo, sed proba; unde sibi  
suum quisque in usum sumat sine invidia atque similitate. Unum  
enim corpus sumus, unusque spiritus hujus corporis, qui a Deo  
profectus, pro communi excubet utilitate.

Age ergo, Lector benevole, hoc agamus, ut seposita  
omni autoritate & sectarum studio, & anteceptis opinio-  
nibus valere jussis, nullo litigandi studio ducti, sed, ut in-  
ter bonos bene agere oportet, sine dolo, sine calumniis, sine  
convitiis, animis utrinque studiorum communitate & ve-  
ritatis investiganda amore, eodemque juvandi, & de hu-  
mano genere bene merendi studio conciliatis & devinctis,  
junctas vires ad artem medicam propagandam & amplifi-  
candam, infestosque humane sanitatis hostes, morbos,  
expugnandos & evertendos conferamus. Id quod feliciter  
feri atque evenire Deus Ter Opt. Max. jubeat. *VVitte-  
berga, Calend. Jan. Anno Christi. 1619.*



CAP. IV.

INDEX

CAP. V.

De Naturae & Qualitate

# INDEX CAPITUM.

## CAP. I.

De Chymia Naturæ. Pag. 1

## CAP. II.

De Chymia utilitate, & necessitate. Pag. 9  
In Metallorum transmutatione. 10  
In Medicamentorum præparatione. 15  
In Naturæ obscuritate investiganda. 16

## CAP. III.

Antiquitati quantumtribuendum. Pag. 17  
De Chymia origine & cultoribus. 19  
De Adamo. ibid.  
De Tubalcaino. ibid.  
De Hermete Trismegisto. 20  
De ejus tabula Smaragdina. 21  
De Maria sorore Moſis. 23  
De Argonautica expeditione. ibid.  
De aureo vellerẽ. ibid.  
De Pomis Hesperidum. 24  
De Salomone. ibid.  
De Democrito. 25  
De Egyptiis. 26  
De Maximi Olybii lucerna. ibid.  
De Arabibus, & qui eos fecuti. ibid.

## CAP. IV.

De Paracelſo. Pag. 28

## CAP. V.

De Nominibus novis, & principiis cognoscendi Paracel-  
ficorum. Pag. 51

De Luce Naturæ & Gratia. 56

CAP.



## CAP. VI.

De Analogia majoris & minoris mundi. Pag. 60

## CAP. VII.

De Materia prima, & mysterio magno Paracelsi. Pag. 66

De Anima mundi Platonica. 70

De Spiritu mundi. 71

De materia prima Aristotelica. ibid.

## CAP. VIII.

De Elementis. Pag. 73

De Qualitatibus occultis. 82. & seqq.

## CAP. IX.

De formis, seminibus, Astris & radicibus rerum. Pag. 85  
& seqq.

De origine formarum, & causa formatrice corporis animati. 91. & seqq.

De vita; & an metalla ac lapides vivant, crescant, & se multiplicent. 109. & seqq.

## CAP. X.

De Spiritu, Calido innato & Calore coelesti. Pag. 114

De Speciebus spiritalibus. 120

De Magia Naturali. 123

## CAP. XI.

De Principiis Chymicorum. Pag. 127

## CAP. XII.

De Generatione & Mitione. Pag. 190

De Transplantatione. 199

De

De Erucarum & papilionum generatione.	ibid.
De Anserum Scotiorum generatione.	201.
De Plantarum generatione.	202.
De generatione æquivoca.	203.
De mitione.	206.
De Atomis, <i>συγκρίσις &amp; ἀνεπίσις</i> Democriti.	211.
De fixitate & volatilitate.	214.

### CAP. XIII.

De Fundamentis Medicinæ.	Pag. 215.
De Magia Paracelsi sententia.	216.
De Cabala.	218.

### CAP. XIV.

De viribus Imaginationis.	Pag. 230.
---------------------------	-----------

### CAP. XV.

De parte Medicinæ Physiologica.	Pag. 243.
De corpore hominis duplici.	ibid.
De Synovia.	246.
De humoribus.	247.

### CAP. XVI.

De Pathologia.	Pag. 252.
De Morbis & morborum causis.	254.
De humoribus.	258.
De morborum differentiis.	268.
De Tartaro.	274.
De morborum & symptomatum causis in specie.	276.
Medicina reformata Scheunemanni.	283.

### CAP. XVII.

De parte Medicinæ Semiotica.	Pag. 296.
De pulsu.	297.
De	De

De urina.	533
De urinarum destillatione.	303
De locis affectis ac temporibus morborum.	304
De periodis, continuitate & intermissione morborum.	307
De prognosticis; & an omnes morbi curabiles.	309

## CAP. XVIII.

De Medicamentis & methodo medendi.	Pag. 312
De Diæta.	ibid.
De universali Medicina.	314
De Signaturis plantarum.	325
De verborum & characterum vi.	334
De curatione Magnetica.	342
De Medicamentorum Galenicorum vulgarium & Chymicorum collatione.	349
De methodo medendi; & an morbi contrariis vel similibus curandi.	377

## CAP. XIX.

De Chymiaë Natura.	Pag. 38
De Chymiaë Instrumentis.	386
De Chymicis operationibus.	389
De Chymicis operibus in genere.	395
De Chymiaë operibus in specie, & quæ fiunt primò è vegetabilibus.	402
Secundò quæ fiunt ex animalibus.	406
Tertò quæ fiunt è mineralibus & metallis.	408

DE

De prima & secunda  
De prima & secunda  
De prima & secunda  
De prima & secunda  
De prima & secunda

PAR. XVII.

De prima & secunda  
De prima & secunda  
De prima & secunda  
De prima & secunda  
De prima & secunda  
De prima & secunda  
De prima & secunda  
De prima & secunda  
De prima & secunda  
De prima & secunda

PAR. XVIII.

De prima & secunda  
De prima & secunda  
De prima & secunda  
De prima & secunda  
De prima & secunda  
De prima & secunda  
De prima & secunda  
De prima & secunda  
De prima & secunda  
De prima & secunda



# DE CHYMICORUM CUM ARISTOTELICIS ET GALENICIS CONSENSU AC DISSENSU.

## CAPUT I.

### De Natura Chymie.



**C**HEMIE, CHYMIE, seu cum Arabico articulo Alchymie, vel Alkymie, vox unde sit deducta, alii aliter sentiunt. Alii Chymiam  $\chi\eta\mu\acute{\iota}\alpha$  vel  $\chi\eta\mu\acute{\iota}\delta\gamma$ , seu  $\chi\eta\mu\acute{\iota}\omega\upsilon$  dictam existimant; quod scilicet metalla dura, visceribus terre effossa, liquare, & fundere primum docuerit. Alii  $\chi\eta\mu\acute{\iota}\alpha\upsilon$  nominant, quasi, ut quidam volunt, artem *Ægyptiam*. Cum enim, ut refert Plutarchus, in libro de *Iside & Osiride*, *Ægyptus* à Sacerdotibus Sacra linguam Chemia appellaretur; aut, ut est apud Herodotum, in *Ægypto* oppidum quoddam vetustum, Chemis nominaretur; hinc Chemiam, quasi artem *Ægyptiam*, in *Ægypto* scilicet primo seu inventam seu excultam, dictam putant. Alii à quodam Alchymo, seu inventore seu cultore hujus artis, dictam existimant: Sed

sine fundamento; imò imperitè. Cum enim ab aliis ars hæc Chemia & Chymia appelletur: ex Arabica lingua articulum, AL, accessisse facile patet. Alii Halchemiam, quasi salis fusoriam dictam putant; sed etiam eadem de causa ineptè. Caelius Rhodiginus, *Antiquar. lection. libr. 7. cap. 2.* Archymiam, quasi  $\delta\epsilon\gamma\mu\acute{\iota}\alpha\upsilon$  nominat. Verum cum nondum satis constet, an vox hæc Græca vel Arabica aut *Ægyptia* sit, de ejus derivatione non multum laborandum.

Paracellus & alii recentiores *Spagyria*, nominant; quæ appellatio forsitan  $\chi\eta\mu\acute{\iota}\omega\upsilon$ , quod est, divellere, &  $\alpha\gamma\gamma\acute{\epsilon}\lambda\epsilon\upsilon\omega$ , congregare, deducta est; quasi artem corpora naturalia dissolvendi atque iterum componendi, dicas.

Sunt, qui arti huic Philosophiæ nomen *Chymia*, sed nimis arroganter atque insolenter, attribuunt:

Vulgatumque jam est apud Chymicos, eos inprimis, qui circa artificium aurum conficiendi occupantur, *Philosophos, Philosophorum filios, & libros* hac de re scriptos, *Libros Philosophorum appellare*. Atque hinc liber, in quem multorum de *quædam* sententiæ collectæ sunt, *Turba Philosophorum* inscribitur.

Appellatur & *ars Hermetica*, ab Hermete, de quo postea dicitur, ubi de Inventoribus & cultoribus Chymicæ agitur: Et in ipsâ arte ab eodem *vas Hermetis & sigillum Hermetis*, atque alia denominantur.

Ab officiis tandem & quibusdam ejus operibus appellatur *ars perfecti Magisterij, ars segregatoria, separatoria, destillatoria*, unde vulgò sæpè idem est Destillator & Alchymista.

Verùm ne in vocabulis & nominibus diutiùs immoremur, rem ipsam videamus, & quid Chymia sit, investigemus. Cum verò disciplinarum distinctio ex fine petatur, primò quis *Chymicæ finis* sit, videamus. Finem autem Inventio Chymicæ nobis monstrat. Chymicæ inveniendæ & excolendæ occasione præbuerunt Metallurgi. Hic enim primò non solum quâ ratione metalla fundi & ab alienis, quibus admista effodiuntur, corporibus separari possint, inveniunt: Sed etiam cum aurum inter metalla nobilissimum esse animadvertenterent, spem ignobiliora in id transmutandi conceperunt. Et cum, quod in Chymia fieri solet, usus atque operationes semper aliquid adportent novi, destillationes atque a-

lias separationes vegetabilibus quoque applicare, & viam medicamentâ artificiosius præparandi aperire ceperunt: ut sic totius Chymicæ ambitus metallorum elaboratione & medicamentorum præparatione concludatur. Ac si primùm istam Chymicæ inventionem spectemus, etiam Metallurgi Chymici nomine complectendi essent. Verum cum artificium illud metalla effodiendi, fundendi, à scoriiis suis separandi, probandi, & similia agendi, vulgariùs & vilius sit, quàm ut splendidum hoc nomen sustinere posse videatur: usus serè obtinuit, ut non quivis sine discrimine, qui circa metalla & mineralia occupantur, & serviles operas in iis præstant, hodie Chymici appellantur: sed ii solum, qui metalla viliora in aurum & argentum transmutare conantur; vel utilia medicamenta ex metallis & mineralibus elaborant, ut & qui ex vegetabilibus artificiosè idem præstant. Neque enim, quod nonnulli opinantur; circa metalla & mineralia tantum versatur Chymicus: sed etiam copiosam, in quâ artem suam exerceat, materiam vegetabilia & animalia suppeditant. Atque ita circa omnia corpora naturalia composita Chymicus versatur.

Quomodo autem circa corpora naturalia Chymicus versetur, jam dispiciendum est. Qui purum ab impuro separandi artem Chymiam dicunt, nimis generaliter loqui videntur. Dum enim *psoriatum* vel Pharmacopœus radices à sordibus purgat,

Chymicum quoniam,

Chymicus circa quid versetur.

Quomodo circa corpora naturalia versetur Chymicus.

Ars Hermetica.

Ars perfecti Magisterij.

Chymicæ finis.

purgat, easdem lavat, dum despumat, colat, succos exprimit, & nihil præterea agit, Chymicum agere non dicitur. Nam et si & ista Chymico non omittenda sint: tamen in vulgaribus istis operationibus industria ejus non terminatur & subsistit, sed amplius quid agit, & non saltem externas impuritates, & foris adhærentes sordes removet; sed ad interiora penetrat, & corpora naturalia composita seu concreta in ea, & quibus naturaliter consistat, dissolvit, eorumque partes separat, utile ab inutili secernit, singula purificat, alterat, perficit, & exaltat, & omnino efficacissima reddit, eaque iterum, si opus sit, conjungit, & componit. Nonnunquam enim non solum partium singularum vires seorsim, sed totius compositi requiruntur. Imò est, cum è pluribus naturalibus corporibus vires conjunctæ requiruntur, quæ idcirco Chymicus artificiosè resolvere & iterum componere docet. Et aliàs etiam sæpe ad actiones Chymicas perficiendas plurimarum rerum permixtio est necessaria. Ita ad metallorum & aliorum corporum solutiones Aquæ solventes è pluribus componuntur. Quæ & similia si ad propria opera Chymicæ pertinere alicui non videntur: pertinent certè ad organa & instrumenta, quæ quælibet ars sibi parat & fabricat.

Ex quibus manifestum evadit, qui Chymicæ finis sit. *Chymia* nimirum, finis duplex est: *Internus* & *Externus*. *Internus finis* est, cujus opere perfe-

cto operatio desinit. Et *Chymia* finis internus est, corpora naturalia composita in ea, ex quibus constituuntur, resolvere, purificare, alterare, exaltare, atque omnino ita elaborare, ut vel partes omnes seorsim & singula, vel iterum conjunctæ & compositæ, purissimæ, efficacissimæ, & ad usum in vitâ humanâ necessarios aptissimæ sint, & seu Medico, seu illis, qui in metamorphosi metallorum, occupantur, utilia adminicula præstent.

Hujus finis respectu *Chymia* per se ars est, à medicinâ sejuncta, utpote quæ non solum Medico, sed etiam aliis artibus utilem operam præstat, & multis vitæ usibus inservit. Chymicus nimirum parat aquas, Spiritus, Olea, Sales, Flores, præcipitata & alia, quibus diversi artifices uti possunt. Quia tamen operas suas plerunque ad certum finem & artem dirigit Chymicus, ad eam redigitur.

Hic enim finis subdividitur, & quasi duas partes habet. Vel enim Chymicus omnes suas operationes eò dirigit, ut quicquid parat, metallorum transmutationi inserviat, vel Medicinæ suam operam dicat. Quatenus Medico solum inservire cupit Chymicus, & præparationibus ingeniosis ac subtilioribus, quam aliàs fieri solet, efficacia & utilia ad sanandum Medico instrumenta suppeditat, vel peculiarem artem non constituit, vel certè, quod artis suæ est, ad Pharmacopœjam applicat.

*Chymia finis duplex.*

*Internus.*

*Chymicus  
& Phar-  
macopœus  
in quo con-  
ueniens &  
differant.*

Atque ita Chymicus hoc modo consideratus, & pharmacopœus nō differunt; cum unum utriq; sit propositum: aut certe si inter eos aliquod est discrimen, valdē erit exiguum. Atque hoc respectu Chymia ad medicinam redigitur, & ad *Φαρμακονομικὴν* pertinet. Et licet hodiē plerique, qui medicamenta præparant, Medici non sint; Ipsa tamen pharmacopœia ad Medicinam pertinet, & Medicus pharmacopœis, ut ministris, utitur. Et hoc modo Chymicus etiam, quatenus scilicet habitu Medicinæ destituitur, ac solum medicamentis præparandis occupatur, Medici minister est. Director vero tum atque *ὑπερτεταύ* huius artis est Medicus, qui non solum simplicium medicamentorum, ex plantis, mineralibus, metallis atque animalibus petitorum noticiam habet, & quid in quolibet medicamento utile, quid inutile sit, novit; sed etiam ultimum præparationis usum, nimirum Medicinam, cognitam & perspectam habet, & propterea rectissime monstrare potest, quomodo quodlibet medicamentum præparari possit, ut, salvis manentibus viribus, quæ expetuntur, & impuritatibus omnibus separatis, medicamentum efficacissimū, utilissimum, & tutissimum præparetur. Hoc enim nisi fiat, & quo fine quidlibet agatur, præcognitum habeatur, Sed, quod nō raro Empirici faciunt, quodcunque fortuito in operationibus Chymicis natum & oblatum pro medicamento arripiatur, noxia potius &

damnosa, quam utilis erit Chymia. Ut autem Medicus sit Director, Chymicus minister: ita res suas comparare debet Medicus, ne Chymicarum operationum ipse ignarus sit. Aliās enim, & si Medicus a ministro discere debet, eo ipso minister sit Dominus & Doctor. Ipse verò Medicus, si medicamenta Chymica præparat, Chymici nomen adsumit; sicut dum ipse vulnera, ulcera, fracturas & luxationes tractat, Chæirurgus appellatur. Neque dum seu Chæirurgiam seu Pharmacopœiam tractat, aliquid extra suæ artis limites agit, sed quod suæ artis est, exsequitur, ut suo loco dicitur.

*Director  
Executor*

*medicus est  
Intelligentia  
eorum  
medicæ, utroque  
Intelligentia  
eorum.*

*Externus verò finis atq; usus Chymia duplex est.* vel enim ad Metamorphosin & transmutationem metallorum ignobiliorum in nobiliora, vel ad medendum & sanitatem corporis humani adserendam, dirigitur. Priorem usum & finem Chymia si spectes, quatenus nimirum ejus beneficio metalla ignobiliora in nobiliora mutantur, etiam peculiarem ab aliis artibus distinctam artem parit. Neque enim ulla alia ars datur, quæ id promittat. Atque appellatur sæpe hæc ars κατ' ἐξοχὴν *Alchymia*, ars magni Magisterij, Magisterium sapientum, Hermetis ars. Quia tamen nonnulli statuunt, scopum præcipuum huius artis non esse aurum conficere, sed sanitatem corporis humani conservare, lapidemque, quem appellant Philosophicum nō solum metalla imperfecta, sed &

*Chymia finis  
externus  
duplex.*

*Metallorum  
transmutatio.*

corpore



corpus humanum perficere, atque hunc finem potius, quam aurificium spectari: Si hoc, de quo suo loco videbitur, ita se habet, Chymia peculiarem artem non constitueret, sed ut mox diceretur, ad medicinam pertineret, & medicinæ summa perfectio esset.

Quantum enim ad alterum finem externum, Usus, & medicamentorum à Chymico præparatorum ad sanandum applicatio, solius medici est; Erqui habitu medicinæ instructus, medicamentis Chymicis, seu à se seu ab alio paratis, utitur, nomen Chymici deponit, & medici personam adsumit; qui, si ob peculiaris & vulgatis nobiliora, quibus utitur, medicamenta, nominis aliquam prærogativam habere velit, *χυμιαργεα* & medicina talibus medicamentis instructa *χυμιαργεα* appellari potest. Et *Chymiatría* hoc modo summa quasi medicinæ perfectio erit, & nobilissimus per medicamenta Chymica medicinam faciendi modus. Et differentia inter medicum simpliciter ita dictum, & Chymiatrum saltem hæc erit, quod ille frequenter integris, sive simplicibus, sive inde mistis & compositis medicamentis, utitur, & coctione aut infusione atque aliis vulgaribus modis medicamenta ad usum præparat: *χυμιαργεα* vero simplicium vires & virium causas diligentius considerans ac perpendens, atque actiones omnes non semper à totius forma pendere, sed sæpè in unius medicamenti integri corpore diver-

sas vires in diversis partibus esse animadvertens, artificiosè illas se jungit, se junctasque & nulla contrariorum admixtione impeditas exhibet, vel etiam cum aliis, prout opus est, componit. Atque hoc modo Chymia si consideretur, novam medicinam non parit. Neque sat causæ habent hodiè quidam, ut utriusque medicinæ Doctores audire cupiant.

Verum ab istis, quæ diximus, sunt qui dissentiant. Quidam enim nec illam quidem, quam ei concessimus, ex artificiosiore medicamentorum præparatione Chymiatría prærogativam concedunt: Alii contra, tam angustis terminis Chymiam non concludendam, sed longè latius extendendam putant.

Sunt enim quidam, qui nec in ipsis præparationibus aliquod inter vulgarem Medicinam & Chymiatría discrimen agnoscunt, omnesque præparationes, quibus hodiè Chymici utuntur, & quibus à vulgaribus pharmacopœis discernuntur, antiquis medicis & pharmacopœis cognitæ fuisse existimant. Ut de vulgaribus medicamentorum præparationibus, Triturâ, Limaturâ, Ustione, Lotione, Maceratione, Colatura, & similibus nihil dicamus, quæ omnibus medicamentis præparatis necessaria sunt: etiam eas, quæ Chymici sibi proprias vendicant, digestiones, sublimationes, destillationes, calcinationes, reverbationes, extractions, & similes antiquis non ignotas fuisse probare

An præparationes Chymicæ sint nobis.

Medicamentorum præparatio.

Chymiatría.

conantur. Equidem non negamus, antiquos etiam quendam harum operationum notitiam habuisse. Nam Acopa medicamenta diutius macerando componere docet Galenus, 7. de comp. med. sec. gen. cap. 11. & seqq. Et Theriacam, antequam in usum venit, longâ fermentatione perfici, notissimum est. χαλκὸς αἰθρῶς, flos cupri quomodo per sublimationem fiat, Galeno ignotum non fuit. De Cadmia non solum nativa, sed & artificiosa, eaque triplici, ex Cupri, argenti venis & pyrite, lib. 9. de simplic. medic. facult. agit. Et ipsam sublimationem per τὴν εἰς ὑψὸς αἰαίου πῆν describit. Et, eodem in libro, in Pompholygos præparatione sublimationem manifestè declarat. Quomodo Hydrargyrus sublimatione fiat, docet Dioscor. lib. 5. cap. 64. Ἰσθίτιλιν, inquit, patinam ferream, habentem concham, Cinnabaris conjicitur; postea verò ἀμβύρα sive ollam imponunt, & luto circumlinunt, Carboesque subitus accedunt, quæ Calici sive Alembico postea fuligo inhaesit, densa refrigerantq; Hydrargyrus est.

Ex quo loco hoc obiter notandum, Alembici vocabulum ab Arabibus à Græco ἀμβύξ desumptum esse. Si enim ad vocem ἀμβύρα addatur Arabicus articulus, Al, fit Alembicus. Et vocem ἀμβύρα non quamliet ollam, sed proprium artis hujus instrumentum significare, ex eo patet, quod apud alios Scriptores Græcos ista vox ita obvia non est.

Ita destillationes antiquis non ignotas fuisse existimant. De quo

quidem cum nemine contendero; parva tamen ejus rei indicia apud antiquos exstant. Nam quod Hippocrates, de flatibus scribit, & antiquis aliis ignotum non fuit, ebullientis aquæ vaporem elevatum, si ad solidum quiddam impingat, crassescere & condensari, guttasque inde decidere, non magni momenti est. Nam hoc etiam Balneatoribus notum est: nec tamen sunt Chymici. Ex appellationibus quoque κατὰ σάγματα & ῥοδοσταύκτα & ῥοδοσταύματα, quæ apud Galenum & alios medicos Græcos occurrunt, vix aliquid solidi deduci potest. Nam, ut Paulus Aegineta, lib. 7. de remed. c. 15. docet, ῥοδοσταύκτων ex rosarum unguibus & melle fiebat: atq; ita non erat Aqua Rosarum stillatitia: nisi id aliundè probetur. Hoc est alicujus momenti esse videtur, quod Aristoteles 4. Meteor. cap. 9. scribit; Vinum flammam emittere, atque id non de vino integro, sed de Spiritu vini alicujus interpretari posse videatur: tamen nec id alicujus roboris est. Familiare n. est hodiè etiam Saxonibus, vinum calefactū incendere, saccharo & aromatibus condere, potumq; ita delicatum conficere.

Verumenimverò etsi rudimenta quædam hujus artis apud Græcos (nam Arabes majorem ejus habuisse notitiam, dubium non est) habeantur: tamen ea talia non sunt, ut propterea ipsis Chymiam ita notam fuisse, sicut hodiè est, dicere possimus. Et ferè quicquid habuerunt ejus notitiæ, eam ex Metallurgis

Iargis habuerunt, ut apud Galen. in lib. de Simpl. med. facult. & Dioscoridem videre est. Nondum verò à Metallurgorum fornacibus & Chymicorum ergasteriis in medicorum officinas tum deducta fuit Chymia. Neque enim, si vi ignis aliquid in altum attolli dicatur, aut si stillicidii vel *καταπυρῆ* fiat mentio, illa artificiosa Chymica per sua instrumenta instituta erit destillatio. Atq; ita viris doctis, qui in Chymia hodiè excolenda & arte Medica per eam exornanda & amplificanda laborarunt, laudem meritam non invidemus, & aliquid ornamenti & adjuvanti Medicinæ veteri ex Chymia accessisse, libenter fatemur.

Sunt ex altera parte alii, qui limites Chymix adhuc latius extendere conantur, & per Chymiam novam Philosophiam & Medicinam condere tentant. Etsi enim antiqui Chymici, sive circa medicamenta præparanda, sive circa metamorphosin metallorum occuparentur, in principia non inquisiverint, sed Hippocratis, Galeni, & Aristotelis doctrinâ contenti fuerint; cum novâ medicamentâ novam Medicinam non parere scirent: recentiores tamen, in primis Paracelsus, limites Chymix latius extendere conantur, neque solâ medicamentorum præparatione artificiosiore se à Galenicis discerni patiuntur, sed iidem de principis quoque disputare præsumunt, & in omnibus ferè Philosophiæ & Medicinæ partibus nova dogmata invenire laborant.

Sed sciendum, de principiis disputare, non esse Chymici, quâ Chymicus, sed vel Medici, vel in primis Philosophi. Et Chymia nihil ad eam rem facit, nisi quod suis operationibus observationes vel experimenta quædam suppeditat, è quibus postea vel Medicus vel Philosophus suas conclusiones deducere potest. Si verò Chymici recentiores sectam suam ab aliis discerni cupiunt: commodiùs, nomine ab auctore quodam, Paracelso vel alio indito, hoc facerent: aut si omninò Chymix nomine ab aliis Philosophis & Medicis discerni cupiunt, id quidem facere possunt; modò aliis, qui ejusdem sectæ & sententiæ non sunt, idem nomen non derogent.

Atque ex his, quæ de fine Chymix diximus, manifestum quoque evadit, circa quid versetur Chymicus. Si enim internus finis Chymix consideretur, circa omnia naturalia corpora concreta, quæ resolvenda, purificanda & elaboranda artificiosè, occupatur. Si verò externi finis & quidem prioris respectu consideretur, solum circa metalla, quorum scilicet transmutationem sibi habet propositam, versatur. Alterius verò finis respectu, non solù circa metalla, sed circa omnia corpora naturalia, quæ medicamenti utilis & efficacis loco esse possunt, occupatur; sive è mineralium & metallorù, sive vegetabilium sive animalium familia sint.

Cum ergò, quæ hætenus de Chymix sine dicta sunt, ita se habeant, & Chymix finis opus

An Chymia pariat novam Philosophiam & Medicinam.

Chymicus circa quod versetur

dogmatizare

propositio

propositio

515

fit, ex gr. Oleum, Spiritus, Aqua de-  
stillata, Sal &c. Artem esse inde  
facile colligitur; Habitum scilicet  
μὲν λόγος ἀληθῆς ποιητικόν, ut desi-  
nit Aristoteles, 6. Eth. Nic. cap. 4. Et  
cum ars sit Chymia, quæ, ut idem  
Aristoteles, 1. Mag. Mor. cap. ult. docet,  
ὅτι ποίησις καὶ τὸ ποιητὴν ver-  
satur, Scientia esse non potest, quæ,  
ut, *ibidem* tradit Aristoteles, τῶν μὲν  
δοποδείξεως ὄντων ἐστίν. Neq; enim  
Alchymia circa res naturales versatur,  
ut eas solum <sup>aperiat</sup> cognoscat; sed ut  
aliquid ex iis efficiat. Et licet habeat  
sua principia & conclusiones,  
secundum quas in operando progreditur:  
non tamen ideo est Scientia, sed hoc ipso  
est ἔξις μὲν λόγος ποιητικῆς, sive Ars. Multo minus circa  
rerum naturalium causas & principia  
investiganda Chymia versatur,  
& proinde non satis proprie nec satis  
caute loquitur Israhel Harvettus,  
*demonstrat. veritat. Chymic. sect. 1. cap. 1.*  
dum Alchymiam Scientiam dicit, quæ  
non solum medicamentorum præparationem  
doceat, verum & eorum ceterorumque  
naturalium corporum causas, partes &  
affectiones inquirat, humanoque  
generi medetur, & quæ merito inter  
Philosophiæ partes numeranda sit.  
Habitus enim diversos & diversas  
disciplinas confundit. Neque Chymia,  
si humano corpori mederetur,  
Philosophiæ pars esset. Verum, ut dictum,  
Chymicus non medetur, sed qui medicamenti  
Chymicæ, sive à se sive ab alio, præparatis,  
utitur, id facit, non ut Chymicus,

sed ut Medicus. Neque Chymia, quæ  
talis, causas & affectiones corporis  
naturalis investigat, sed qui id agit,  
Physicus est; licet Chymicis observationibus  
& experimentis utatur. Sicut qui de  
ventorum natura, causis & differentiis,  
vel de magnetis disputat, vel affluxu &  
refluxu maris, etsi à nautis observationes  
petat, id agit, non ut nauta, sed ut  
Physicus. Ideoque licet ad naturæ  
obscuritatem investigandam, summopere  
utilis sit Chymia; adeo, ut vix quemquam  
excellere hodie in hoc genere posse  
putem, qui non artis hujus cognitionem habeat;  
tamen qui illis Chymicis adminiculis  
ad contemplandas res naturales utitur,  
non amplius Chymicus est, sed Physicus.

Ideoque Chymia nec Physicæ  
pars est, nec subalternatur Physicæ,  
ut Rulandus, *Progymnas. Chymic. quest. 1.* statuit. Licet enim circa  
idem cum Physico subjectum, corpus  
scilicet naturale, versetur Chymicus:  
quia tamen modus tractandi, id quod  
ipse negare non potest, longè diversissimus  
est à Physica tractatione: nec pars  
Physicæ Chymia erit, nec ei subalternabitur:  
nisi quis etiam artes fabriles, quæ circa  
corpora naturalia, ferrum, ligna, lapides  
versantur, Physicæ subalternatas esse  
statuere velit. Ex quibus manifestum  
evadit, quid de iis sentiendum sit,  
qui postquam aliquam operationum  
Chymicarum cognitionem consecuti sunt,  
omnes Philosophos & Medicos præ se  
contemnit.

*Chymiam  
quid con-  
ferat ad  
Physicam.*

*Chymia  
non est  
Physicæ  
pars nec  
subalternatur.*

*Chymia  
non est  
scientia.*

*an alchymista est  
homo sciens et  
intelligens. an  
chymia est de  
veritate corporum  
an est in seipso,  
in Aemonstrando,  
in intelligendo?*

*Chymicus  
non medetur.*

Operatiouum Chymicarum peritia sola nec Philosophum nec Medicum facit. Atque assequuntur eam sæpè non ita longo remporis spatio etiam Idiotæ; inprimis si magnatum vel aliorum sumtibus, qui in hoc artis genere omninò necessarii sunt, & quos tolerare non cujusvis privati est, adjuventur. Atq; tales operarii Chymici semper fuerunt, & hodie sunt plurimi: Integro verò seculo vix unus & alter fuit, qui in operationum Chymicarum caussis reddendis, principiisque Chymicis declarandis, & in morborum caussis, & facultatibus medicamentorum, ad ea reducendis aliquid laude dignum præstiterit. Er plus ingenii ad hoc requiritur, quam in quibusvis operariis Chymicis invenitur.

Hoc tamen hic monendum est, cum Chymici recentiores etiam de principiis disputare præsumant, nos illorum ductum in hac de Chymia tractatione sæpe sequi necesse habebimus, neque semper intra artis limites nos continere poterimus, sed nunc Physici, nunc Medici persona induenda erit

Ex quibus omnibus *quid Chymia sit*, colligi potest. Est nimirum ars corpora naturalia composita sive concreta in ea, è quibus naturaliter constant, resolvendi, resolutaq; pura & viribus validissima reddendi, ut utilia Medico præbeant remedia, vel metallorum perfectionibus & transmutationibus inserviant. Ideoque operationes illæ Sophisticæ, quibus metalla ignobiliora Auri &

Argenti colore tinguntur, honesta Chymicæ appellatione dignandæ vix sunt, sed vel matæotechniæ vel caco-techniæ sunt; vel omninò Metallurgiæ, non Chymicæ propriæ: in quibus tamè tentandæ & explorandæ varia gratiæ etiam Chymicus aliquid agere potest; nobilioris tamen finis gratiæ. Nec illi Chymicorum nomine digni, qui quid & quo fine agant, nesciunt; sed periclitando, sine omni ratione, sumtus & ætatem perdunt, & ut ille aiebat, *Quærunt, inveniunt Nihil inventumq; requirunt.*

## CAPUT II.

### *De Veritate & Dignitate Chymicæ.*

ET si verò Chymia ipsa nec de *Chymia Physico utilis.* Rerum natura disputet, nec medeatur: tamen & Physico multa arcana patefacit, ac utiles observaciones suggerit; & Medico efficacia Medicamenta suppeditat: unde dignitas & utilitas ejus facile elucescit. Monendum enim hic; ut ii, qui solidam sibi Physicæ & Medicinæ cognitionem comparare cupiant, non in generalibus illis, quod hodiè plurimi faciunt, subsistant, sed ad specialia descendant, & ipsam rerum naturam penitus paulò intueantur: ita enim in ea amplissimos divinæ sapientiæ thesauros absconditos esse animadvertent. Nam qui *ἐκ βίβλων κωβερνήται* ipsam rerum contemplationem & inspectionem

negligunt, domiq; conclusi, quibusdam hypothesibus nixi, naturæ leges præscribunt, illi nunquam ad naturæ abdita penetrabunt, nec majestatem & admirabilitatem illam Naturæ adspicient. Præterea & hoc cavendum, ne *Experientia Ratio* temerè præjudicet, sed primò danda opera, ut de re per experientiam constet, postea ejusdem rationes inquirantur. Qua in re à multis hodie vulgò peccatur, qui causas rerum quarundam conantur, de quibus tamen, an sint, nondum certò constat.

*Experientia Physico necessaria.*

*Chymia veritas & dignitas.*

Sed ut de veritate, dignitate & utilitate Chymia dicamus; Cum ea duos scopos sibi habeat propositos, vel metalla transmutare, vel utilia & efficacia medicamenta præparare: utriusq; respectu laudem suam meretur, dignitatemq; tuetur Chymia. Etsi n. è recentioribus quidam Chymia hostes Chymiam artè præstigatoricem, Diaboli inventù, Culinà Dæmonù, esse dicant; & Chymicos à Magistratu supplicii coercendos censent: tamè longè aliter de ea viri eruditi, quib; anim; præconceptis opinionibus obfuscatu non est, sentiunt.

*An metalla transmutari possint*

Et primò quidem metamorphosin metallorum quod attinet, de ea prolixè, in primis cùm Medicinâ propria non sit, in partem utramvis disputare operæ pretium esse non putamus; cùm experientia repugnare hominis sit pertinacis, & ut Aristoteles rectè, *g. Physic.* censet, *querere rationes & dimittere sensus, infirmitas quedam mentis sit.* Ex cineribus vitrum fieri hodiè notissimum est: de quo si

experientiâ non constaret, cui id rationibus facilè persuaderi posset, aut quid contra dici non posset?

Metalla autem transmutari toties hodiè experientiâ comprobatù est, ut disputando de eo frustra tempus teratur. In Ungaria ad oppidù Smolnitium, in monte Carpatho, fontes sunt, in quos ferrum coniectù in cuprum optimæ notæ vertitur. Idem sit hodiè Goslariæ. Neque hoc saltem aquæ naturales præstant, sed & arte idem fieri potest. Ferro n. inquam vitriolatam coniecto pulvis rubeus adhærescit, qui igne fusus cuprum evadit. Ita Mercurium in plumbum verti docet Joh. Rhenanus, in *dissertatione pro Chymia veritate*, hoc modo: *Recipe cinerè plumbi vel lithargyrum vel minium, affunde phlegma aceti, & per noctè maceretur. Postea in aqua forti dissolve Mercurium, in solutionem aliquot guttas illius aceti infunde; & confestim pulvis ad fundum precipitabitur, qui in igne reductus plumbum evadit.*

*Historia transmutationis metallorù.*

*Ferrum in cuprum mutatur.*

*Mercurius in plumbum.*

Et propterea *deposita Navolas* laborat Nic. Guibertus, Lotharingus Medicus, qui nihilominus ista in dubium vocare, & tot experientiis totâ Europâ notissimis convictus etiam de transmutatione ferri in cuprum scribere audeat; *Id apud alios semidoctos* (tales scilicet sunt, si Guiberto credimus, Agricola, Wernerus, Mathesius & alii) *fidem invenisse: missionem quidem esse & temperaturâ satis exactam, qua dederit mendacio locum, non esse formæ mutationem. Qui si ad examen judicii & rationis prius hoc revocassent, longè aliter sensissent. Quasi verò*

*Cuprum ex ferro est ferum esse primum.*

per totum Imperium Romanum, fide publica, omniumq; artificum & Docimastarum consensu non esset notissimum, cuprum illud genuinum esse, imò eo, quod multis in locis è terra effoditur, præstantius; & Guiberto, nescio quas ratiunculas in contrarium afferenti, plus quàm tot artificium censuræ & non unius seculi experientiæ fidei habendum, & umbratilis ad pulpitem speculationi experientiæ tot artificum præferenda sit. *Homine imperito nibil est ineptius.* Qua de re pulchrè Lucianus, in *Hermotimo*:

*Si quispiam fortasse illorum interrogaret, dic mihi, inquit, o Lycine, si quis Æthiops, qui nunquam alios homines conspexisset, quales nos sumus, propterea quod nunquam peregrè extrapatriam profectus sit, in quadam concione & conventu Æthiopum pertinaciter affirmaret, diceretq; nusquam gentium homines albos, aut flavos reperiri, nusquam ullius alterius coloris, quàm nigros: nunquid fidem aliis dictis suis faceret? Diceret autem ad illum quispiam ex senioribus Æthiopicis: Tu verò unde hæc cognita exploratq; affirmas audacissime? Neg. enim unquam à nobis suscepta ad externos populos profectioe peregrinatus es. Neque per Jovem, qualiter apud externas nationes sint, unquam pervestigasti, aut præsens oculorum testimonio didicisti.*

Verum cum de metallorum reliquorum in aurum mutatione præcipuè lis sit, & circa hanc Chymia maximè occupetur, de ea aliquid dicendum. Et si verò ea plurimis

impossibilis videatur: testatur tamen contrarium Experientia. Ut de antiquioribus, Arnolde de Villa Nova, Raymundo Lullio & aliis nihil dicam, talia specimina nostrâ & Patrum memoriâ aliquot edita sunt, ut pertinacis sit, experientiæ tam certæ refragari. Quid Pharmacopola Tarvisinus coram Senatu Veneto; quid Paracelsus, ut postea dicitur; quid ille Alexander Sidorius Scorus; quid Anshelmus Boethius Cæsareus Medicus pulvisculo, quem in libri antiqui asserere contracto invenerat, effecerit; quid Edoardus Kellejus Anglus, & alii præstiterint, fide digni testes, non auriti solum, sed & oculati confirmant & eloquuntur. Qua de re videantur historiæ transmutationis metallicæ ab Ewaldo de Hoghelande descriptæ, & defensio Alchymie transmutatorie utraque ab Andrea Libavio Nicolao Guiberto opposita; Wolfgangus Dinheim de universali medicina cap. 4. Nicolai Barnaudi commentaria in ænigmaticum quoddam Epitaphium Bononiense, Bernhardi Penoti præfatio Apologetica contra Guibertum, tractatus de denario Medico annexa. Ut jam Zwingeri & aliorum, qui vivunt, & nuper vixerunt, testimonia taceam.

Cum ergo de Experientia constet, operæ precium non est, ut multū in rationibus in contrariū allatis laboremus. Et sunt ea fundamenta non ita solida, ut refutari non queant, & ab Andrea Libavio, in defensione

*Historica  
Auri Chy-  
mica arte  
facti.*

*Experien-  
tia ma-  
gnificien-  
tia.*

*An metalla  
reliqua in  
aurum mu-  
tari pos-  
sint.*

utraque Chymie transmutatoria contra Guibertum, & à Rulando, in Progymnasmatibus Chymicis, quæst. 67. & aliis satis refutata sunt.

Quomodo  
species  
transmutantur.

Hoc præcipuè nonnullos movere solet, quod metalla, quæ specie differunt, inter se transmutari non possunt. Verùm quid obstat, non video. Formâ quidem ferri in formam cupri, & plumbi in aurum non veritur, sed formâ ferri decedente forma cupri, & formâ plumbi decedente auri forma introducitur. Et quidem inter metalla facilior est transmutatio; cum communem habeant materiam, atque inter ea, quæ symbolū habent, facilior fiat transmutatio. Et si hac de causâ metallorum transmutatio neganda esset, plurimæ aliæ rerum transmutationes negandæ essent. Ut jam de Elementorum transmutatione nihil dicam: triticum & aliæ plantæ in suo censu & sua forma sunt perfectæ species; nihilominus in chylum mutantur: Sanguini sua forma est, per quam est, quod est: nihilominus in carnem, os, membranam mutatur. Atque idem aliis etiam accidit, & vulgatissimum est, ex rebus in sua specie perfectis ad alias formas suscipiendas dispositis alias res ab alio principio generari.

Aburdum quoque nonnullis videtur, quod tam brevi temporis spacio metalla in aurum transmutari possint. Verum isti vim & potestatem spirituum ignorant, & Chymicarum operationum parum periti videntur. Quanta enim vis fulminis in metal-

la & alias res; quanta vis aquarum fortium & regalium, & spirituum aliorum metallicorum, ut vel ex Bezoardici mineralis & auri fulminantis præparatione videre est?

Neque est, ut quis ad id confugiat, & aurum Chymicorum speciem, quidem externam auri habere, non verò aurum verum esse dicat. Cum enim formæ rerum nos lateant, & nulla alia via res cognoscendi & ab aliis discernendi detur, quam per propria accidentia; Aurum verò à Chymicis factum omnes auri proprietates habeat: pro vero auro omnino agnoscendum est. Sunt autem auri proprietates, esse coloris citrini, non sonorum, extensile sub malleo, ita ut ejus unica uncia, in bracteas diducta etiam decem terræ jugera tegere queat, & tertia pars grani ejus trahi possit in fila 134. pedum, ut Cardanus, de varietate rerum, scribit, incorruptibile in aëre & aqua, ac tandem omnes probas sustinere; Quarum Chymistæ & Decimastæ plures & exactissimas habent. Geber lib. 2. summa perfect. part. 3. c. 31. novem recenset: Cineritium, Cementum, Ignitionem, Fusionem, super vapores acutorum expositionem, adurentis sulphuris admistione probationem, extinctionem, calcinationem, & Reductionis iterationem, argenti vivi facilem vel difficilem susceptionem: quibus à Recentioribus addita sunt; Quartatio seu probatio per aquas fortes; & Fusio per Antimonium. Cum ergo aurum à Chymicis factum has omnes proprietates habeat,

Aurum  
Chymicum  
an sit verum  
aurum.

Auri pro-  
prietates.



& in omni examine omnes probationes æquè ac aurum, quod è mineris effoditur, sustineat, omninò pro genuino auro agnoscendum.

Sunt quidem nonnulli, ut & hoc addamus, qui cum Cornelio Agrippa, *de vanitate scientiarum*, in eà sunt sententia, ex auro Alchymistas tincturam secernere, quam ita extractam, si aliis metallis adhibeant, aurum quidem facere, sed tantùm quantum illud erat, ex quo tincturam extraxerant, atque ita sine omni lucro. Verum Experientia contrarium testatur. Nam pulvis ille, quo tingebat metalla nobilis ille Scotus, ut habent historiae transmutationis metallicæ, tantarum erat virium, ut uno grano 5000. gran. tingeret, & uno grano 10. circiter auri puri uncias produceret. Et Edoardus Kellejus Anglus Pragæ in ædibus Thaddæi Haggæcii libram unam argenti vivi unica guttula liquoris rubicundissimi in aurum convertit, & ita quidem, ut adhuc videre sit signum illius liquoris supra Mercurium in aurum conversum instar rubini hærentis, ut ex illo residuo tantundem auri fieri possit.

Verum etiam artem hanc veram esse experientia testetur, eadem tamen difficilima est, ut cum ex libro de difficultatibus Alchymie Theobaldi ab Hoghelande, tum multoties irritis laboribus videre est. Ac nemo sibi persuadeat, se vel legendo vel experiendo facile hujus artis cognitionem assecuturum. Et vel unicuique & recens quidem Penoti Chy-

mici aliàs satis celebris exemplum, omnes in Chymia tractanda cautiores reddere posset. De quo amicus quidam, mense Novemb. anni 1617. Bernâ ad me scripsit: *Penotum ut in extremo senio, anno scilicet ætatis 98. ita in extrema etiam paupertate & miseria in Nosocomio Tverduni, in ditione Bernensi, circa mensis Augusti finem diem suum obiisset. Addit idem in Epistola Dn. Guilelmi Fabricii Chirurgus ille clarissimus hoc anno bis ipsum invisit & hortatus est, ut si aliquid arcani adhuc sibi suisq. reservasset, boni publici causse communicaret. Sed præter animam ibi nihil. Ex relatione Dn. Fabricii habeo, dixisse aliquando Penotum, se, si alicui malè vellet, quem aperta vi aggredi non auderet, saltem authorem ipsi futurum, ut Chymico studio totum se traderet. In primis verò nemo iis fidem habeat, qui pretio hanc artem promittunt. Prius enim sibi, quo carent, aurum conficiant; postea alios artificium, si libet, doceant.*

Et cum nonnunquam tales impostores incautos miris modis fallere soleant, aliquas eorum fallacias, ut caveri possint, breviter recensere libet. Primò enim compertum est, tales impostores: ligneos baculos, quibus metalla fusa agitare solent, Luna vel Sole aquis fortibus solutis imbuisse; aut in Papyro, in qua materiam reducendam & probandam includunt, literas atramento solutione Lunæ vel auri temperato scriptas fuisse; vel literas, vice arenæ, calce Solis vel Lunæ conspersisse; alios pulverem carbonum solutio-

*Auri arte  
facili bispo-  
ria,*

*Chrysopeia  
difficilis &  
periculosa.*

*Fallacia  
impostor-  
um Chryso-  
peiam  
promittentium.*

ne Lunæ vel auri temperato scriptas fuisse; vel literas, vice arenæ, calce Solis vel Lunæ conspersisse; alios pulverem carbonum solutione auri vel argenti imbutum ad fundenda metalla admiscuisse: quosdam catinos duplicato fundo, eoque auro expleto adhibuisse, ac postea inter agitandum superiorem partem rutabulo ferreo confregisse: præterea animadversum est, quosdam carbones majores auro implevisse & catino injecisse: alios baculos ligneos vel alia instrumenta ad agitandam materiam excavata & auro expleta adhibuisse: quosdam plumbum cum auro vel argento mistum ad probandum surpassasse: argentum colore Orichalci tinctum clam pro vulgari Orichalco substituisse: alios pulveri fusorio vel figenti calcem auri admiscuisse: alios in catinos ab igne removendos elam & celeri manu argentum vel aurum injecisse: quosdam in probando auro antimonium cum auro mistum loco vulgaris antimonii adhibuisse: alios pro præcipitato vulgari præcipitatum aurum substituisse: alios loco Mercurii vulgaris amalgama Solis substituisse: loco aquæ fortis vulgaris aquam fortem, in qua argentum antea solutum fuerat, surpassasse: aurum dealbatum loco argenti summisse, & per cæmentum albedine ablata venditasse, id ex argento factum fuisse: Lunam corneam ignorantibus cum Venere immiscuisse, & incautis persuasisse Venerem in Lunam mutatam fuisse. Alii alias fallacias afferunt. Fraus raro omnium

periculosissima est ea, quando nonnulli de vera aliqua Tinctura partem aliquam suffurati, vel quocumque modo nacti mira artis specimina præstiterunt, atque incautos pecunia emunxerunt: postea vero deficiente tinctura nihil amplius, cum artificii ignari essent, præstare potuerunt. Caveat ergo sibi quisque à talibus impostoribus. Nam si artem cellerent, non ita facile & ultrò ad eam decendam se offerent; cum in occultanda hac arte omnes sint religiosissimi. Si verò ipsam ignorant, eam docere nequeunt; aut si periculum facere volunt, in suis bonis potius, quam nostris id faciant. Iis verò, qui talibus impostoribus fidem habent, accidit, quod Neroni, quem ut Corn. Tacitus, in *annal. lib. 16.* hæc de re scribit, illi sit fortuna per vanitatem ipsius & promissa Cæselli Bassi, qui origine Pænus mente turbida, nocturnæ quietis imaginem ad spem haud dubiam retraxit, vectusque Romam, Neronis aditum emercatus, expromit repertum in agro suo specum altitudine immensa, quo magna vis auri contineretur, non in formam pecuniæ, sed rudi ex antiquo pondere, quod olim Dido, Tyro profuga, abdidisset. Igitur Nero non authoris, non ipsius negotii fide satis spectata, mittit triremes, quæ thesaurum adveherent. Interim & fama per populum sparsa, & oratores ac vates etiam hæc publicant: consumebanturque veteres opes, quasi oblati, quas multos per annos prodigeret: Quin inde jam largiebatur:

batur: & divitiarum expectatio inter causas paupertatis publicæ erat. Nam cum effosso agro, nihil, præter Nihil, reperiret somniator, se ipsum interemit.

*Chymia in Medicamentis conficiendis utilis.*

Verum hæc, cum artis Medicæ propria non sint, mittamus, & de altero Chymicæ scopo agamus, ac quam utilis, immò necessaria Medico sit Chymia, videamus. Ubi omnia ferè, quæ supra in laudem Chymicæ & Chymicorum medicamentorum dicta sunt, ex sententia Chymicorum libenter admittimus. Primò enim, medicamenta, quæ à natura nobis integrè offeruntur, sæpissimè partes diversarum virium habent, & interdum in libra integra medicamenti vix uncia partis, seu spirituosæ, seu oleosæ, quam experimus, continetur. Immo impuritatibus admixtis sæpe medicamenta integra non earent. Hic ergò in separandis mixtis naturis, ut verbis Schegkii utar, admodum ingeniosa est ars Chymica, ut digna sit admiratione, & minimè contemnenda & negligenda à Medicis. Deinde digestionibus & aliis præparationibus vires medicamentorum perfici, intendi, aut si opus sit, mitigari possunt.

*Chymia in ciborum præparatione rudimentis.*

Qua in re rectè Chymici antiquorum in præparationis cibis industriam imitati sunt. Cum enim primi homines animadvertent, cibos planè crudos homini minus convenire, non solum coctione, sed & variis præparationibus eos homini salubriores & gratiores reddere laborarunt, & huc usque in eo genere

laborant. Si ergo panis non simpliciter ex contusa siligine & tritico coquitur, sed palcæ & furfures separantur, fermentatur postea farina, & diligenti artificio panis coquitur: si in vino defecando, in cerevisia coquenda magna adhibetur diligentia, ut non solum pura & defecata reddantur, sed etiam gustui grata evadant: cur non eadem adhibeatur diligentia in medicamentis præparandis? Inprimis cum calor nativus & virtus coctrix in agris sit debilis, & cum causa morbifica pugnet, & medicamenta aliàs nauseabunda sint. Atque ob hanc ipsam causam antiqui etiam Medici, cum multo nutrimento agris opus habent, vis verè concoquendi debilior est, jura consummata dicta invenerunt, in quibus, alienis & ad alendum inutilibus abjectis, illud saltem, quod maxime nutritioni est accommodatum, & sine labore confici potest, exhibetur. Atque ita medicamenta Chymicæ efficacia, grata & tuta evadunt, & Medicus per ea tutò, citò & jucundè curare potest. Cum enim ab inutilibus & alienis crassis & terrestribus, seu, ut Schegkii loquitur, à suis tanquam excrementis & quibuslibet quodammodo atque impuris partibus partes utiles separantur, & ipsæ subtiliores ac spirituosiores reddantur, in totum corpus citò se penetrant, & vires suas efficaciter exerunt, & calori antea debili, in his in actum deducendis, quantum in integris, laborandum non est. Unde quendam non ineptè

*Chymicæ medicamentis efficaciam.*

medici

medicamenta Chymica comparare memini gladio acuto, polito & evaginato, quem quis in periculo vitæ constituto alicui porrigat; vulgata verò medicamenta gladio æruginè obducto & in vagina condito, in quo educendo multum laborandum sit. Alii comparant medicamenta Chymica securi acutæ, quæ faber in secando utitur: eos verò qui medicamenta Chymica negligunt, fabris, qui ad secandum securim hebetem adhibent.

Deinde cum in parva dosi eadem exhibeantur, & à qualitatibus ingratas liberentur, sine minori nausea ab ægris assumuntur, atque ita facilius, quàm quæ cum nausea sumuntur, operationes suas expediunt. Et cum ab alienis partibus liberentur, & præterea artificiosè præparentur, tutius etiam quam cruda plerumq; in usum deducuntur. Tandem etiam diutius durant medicamenta Chymica, & vires suas servant, etiam sine mellis vel Sacchari admistione. Præterea cum in pertinacibus morbis non raro *deperit* & fortia medicamenta è mineralium & metallorum familia petita adhibenda sint: ea ita artificiosè præparat, & in usum humanum elaborat Chymia, ut sine periculo adhiberi possint, & quæ olim pura puta venena habita sunt, jam sine damno homini exhiberi possint. Qua in re naturam ducem habent, quæ nobis, Deo benedicente, ex mineralibus & metallis saluberrimos acidularum, Thermarumquæ fontes suppeditat,

quibus morbi desperati, & in quibus omnis Medicorum diligentia frustra occupata fuit: feliciter curantur.

Ut jam de eo nihil dicam, quantum in naturæ obscuritate investiganda Philosopho lucis præferat Chymia: unde rectè à Mesue, in *Anidotario, distinct. 21. cap. de oleo ovorum*, Chymici appellantur, qui quæ occulta sunt in rebus, manifestant & detegunt: ut confidenter dicere auisim, vix aliquem ad penitiorum rerum naturalium cognitionem pervenire posse, qui in Chymicis operationibus, quibus res naturales artificiosè resolvuntur, & quarum beneficio mirandi rerum consensus & dissensus; ac omnino plurimi effectus aliàs occulti deprehenduntur, exercitatus non est: inprimis verò eos, qui de mineralibus & metallis sine Chymicæ cognitione scribere aliquid tentant, sæpissimè & turpiter impingere necesse est.

Quæ cum ita se habeant, clarissimi quique Medici Chymiam, postquam superiore seculo inclaroscere cœpit, & coluerunt & laudarunt; Langius, Andernacus, Gesnerus, Crato, Zwingertus, Schegkianus, H. Augenius, Minadous & plurimi alii. Neque abs re scriptum putamus ab Andrea Libavio, in *Præfat. nuncup. super Alchymiam*: *Illum Medicum non posse esse magnum, cui Alchymia non sit magna.* Nimisq; seu pertinaces seu ignavi sunt, qui spretis omnibus medicamentis Chymicis, quæ neque viderunt, neque præparare didice-

*Chymia Physico-utilis & necessaria.*

*Chymia in Natura obscuritate investiganda utilis.*

*Chymica medicamenta grata.*

*Durabilia.*

*Medicamenta ex mineralibus & metallis.*

*Chymiam coluerunt Galenici.*

runt,

runt, ita antiquorum insistant vestigiis, ut nihil accessionis ab arte Chymica Medicinam accipere posse existiment.

Verum in laudem Chymicæ hic plura non addo, cum infra, ubi de collatione medicamentorum vulgariū & Chymicorum, *cap. ultimo*, agetur, & ultra digniora sint, disceptabitur, aliqua adhuc de materia illa dicenda restent. Unum hic saltē adhuc monendum censemus, nimirum dum nos veram Chymiam laudamus, nullo modo patrocinari PseudoChymicis, qui postquam unum atque alterum medicamentum Chymicum utcumq; præparare didicerunt, nescio quæ non pollicentur, atque omnes Galenicis alto supercilio despiciunt, ipsi tamen omnium bonarum artium rudes, & inprimis Medicinæ ignari; ac nihilominus nullo alio, quàm Hermeticorum (rectius Hæreticorum) Medicorum appellari volunt nomine. Verum ut quæ genuina illa, & quam laudem mereri censemus, Chymia seu Chymiatria sit, planum fiat, jam ad rem ipsam & sententiarum collationem atq; examen accedendum est.

### CAPUT III.

#### De Inventoribus & Cultoribus Chymicæ.

*Antiquitati quid tribuendum.*

**L**icet hodiè primùm Chymia inventa esset: dignitati tamen ejus id nihil detraheres. Sæt enim antiquum, quod sat bonum: nihilq; in-

venire est quod non aliquando novum fuerit; & multa pro novis habentur, quæ sunt antiquissima. Quia tamen nonnullis nihil nisi antiquum sapit, alii contrâ nimis temerè antiquorum scripta rejiciunt: cum utrisque, priusquam de Chymicæ antiquitate dicam, paucis agendum est. Principiò ergo rerum veritatem à nullo mortalium omni ex parte explicatam esse arbitror:

*Nemo hominum verum naturam integrè perscrutatus est.*

*Non est res unius evi*

*Contemplatio Naturæ, nec nititur agris*

*Unius ingenij fulcris venerabile Verum.*

Unde Sapientissimi quiq; se vel nihil scire, vellea, quæ scirent, minimam partem esse eorum, quæ ignorerent, candidè professi sunt. De Hippocrate quidem scribit Macrobius, *in somnium Scipionis lib. 1. cap. 6.* quod tam fallere, quàm falli nesciat; & de eodem, ut & Aristotele & Galeno, Alexander Massarius, *Apologia lib. 3. disp. 3. cap. ult.* scribit; quod nunquam, si rectè intelligantur, fallere vel falli possint; ideoque Studiosis Medicinæ auctor est, ut in iis solis legendis, ommissis ferè omnibus recentioribus, ætatem consumant. Nemo tamen hodiè est è paulò literatioribus & candidis Philosophis & Medicis, qui non ingenuè fateatur, hos ipsos, etsi magni viri fuerint, non rarò etiam errasse. Ideoq; nullius in verba Magistri est. Et servilia quorundam recentiorum ingenia, satis mirari non possum, qui scribere ausi sunt; se cum antiquis errare malle, quàm cum recentioribus verum dicere. Rectius longè sensit

*Etiã magis viri errarunt.*

Julius Cæsar Scaliger, *lib. 3. de causis linguæ latinæ. cap. 67.* Equidem, inquit, sæpenumerò miratus sum mortalium vel audaciam vel pertinaciam, qui tuentur errores, quos ipsi, qui commiserunt, si viderent, emendarent. Neg, enim errasse semper turpe est. Est enim initium sapientia, si non ei ipsi, qui fallitur; at alijs non fallendi. Verum errores fovere, id verò vel extrema est dementia. Et alibi: Errata majorum disimulanda non sunt, ne & ipsi posteritati imponamus. Et Exercit. 187. sect. 4. Ego verò, inquit, nequaquam homines nos dicere consuevi, sed partes hominis. Ex omnibus enim aliquid fieri posse; idq; non magnum; ex singulis penè minus, quàm nihil.

Interim tamen antiquorum errata non acerbè nimis insectanda sunt. Rectèq; Hippocrates, *lib. de arte.* Ἰὸ λόγων ἔκαλῶν τέχνη τὰ τοῖς ἀλλοῖς δεημένα; αἰχλῶεν περιηρούσθαι; ἐπαναρθῆναι ἰσὺ μὴδὲν, ἀσβάδοντα δὲ τὰ τῶν εἰδότεων πρὸς τὸς μὴ εἰδότες, ἐξευρηματὰ, ὡς ἐν δοκέει ζωσπῶν ἐπιθυμιὰτε καὶ ἐργὸν εἶναι, ἀλλὰ καὶ τὰς γελίη μαῶδων φύσιν. ἢ ἀτεχνίη. Ea, quæ ab alijs inventa sunt, in bonestorum verborum artificio incessere, non corrigendi, sed quæ à peritis inventa sunt, apud imperitos calumniandi studio, id non scientia institutum & opus est, verum petulantis naturæ & ignorantia indicium. Ea enim est naturæ obscuritas, ut etiam acutissimus quisque in ea investiganda facillè errare possit; nihilq; simul invetum & perfectum est. Et sunt aliæ causæ multæ, ob quas veritatem attingere semper nō

potuerunt. De Galeno rectè scribit Cardanus, *lib. de aqua: Galenus multæ sic obiter scripsit, non defectu ingenij, memoria aut eruditionis, vel etiam judicij, quibus fuit admirabilis; sed temporis. Ut enim ipsemet fatetur, totâ die curandis ægris intentus per noctem studijs incumberebat atq; scribebat. Nec tantum refert temporis angustia, quàm si animus jam curis lassatus se applicet studio.*

Multò minus antiquorum bene inventa negligenda aut temerè rejicienda atque impugnanda sunt, abs quibus si esset, in maximis ignorantia tenebris versaremur. Ipsi enim ad sapientiam duces nobis sunt; & isti sunt magni illi Gigantes, quorum humeris nos homunciones subvecti veritatem adspicimus, quam humi hærentes non cerneremus. Et quid hodiè egregii habemus, quod non è veterum commentarijs sublectum? Imò quis hodie ad prisorum illorum commentationes interpretandas satis idoneus? Itaq; antiquorum & magnorum virorum scripta & inventa magnificiamus, & grata mente amplectamur. Iis tamen non tam quia antiqua & à magnis profecta, quàm quia veritati cõsentanea sunt, fidem habeamus. Si verò aliquando à veritate deflectant, nostrum esse putemus, non maledictis eos & cõvicijis incessere, sed corrigere, & defectus illos supplere. Amicus sit Hippocrates; amicus Galenus; imò amicus Paracelsus; sed nullius tanta sit auctoritas, ut veritati, quæ præ omnibus nobis amica sit, præjudicet.

*Antiquorum inventis & laboribus carere non possumus.*

*Veritas omnium auctoritas præferenda.*

*Antiquorum error res ut sãtã sãndi.*

care debeat. Ethic etiam consilium Apostoli, *1. ad Theſſalon. cap. 5.* ſequamur: *πάντα δοκιμάζετε: τὸ καλὸν κατέχετε; Omnia probate, quod bonum eſt, tenete.* His obiter quaſi præmiſſis, de antiquitate Chymiæ dicamus.

*Chymia an ab Arabibus ante pauca ſecula primum inventa ſit.*

Fallopious quidem, *tractatu de metallis ſeu ſoſſilibus, cap. 11.* Chymiam incepſiſſe demum cum ſecta Mahometica ſcribit; & Thomas Eraſtus, *de metall. pag. 101.* omnes hujus generis libros ante tria vel quatuor circiter annorum ſecula ſcriptos eſſe, nec antiquiores Gebro, de quibus certo conſtet, ullos haberi, ſtatuit. Idem ſentit Nicolaus Guibertus. Sed omnes falluntur. Nam, ut poſtea dicetur, libri Græcè ſcripti de hac arte etiam hodie extant, & plura ex hiſtoriiſ documenta, artem Chymicam longè eſſe antiquiorem, monſtrant: licet ab Arabibus valdè excultam eſſe non negemus: quod tamen artis dignitati nihil detrahit; ſicut nec Medicinæ, quod Arabes Mahometani eam excoluere.

*An Adamo primo parenti Chymia nota fuerit.*

Nonnulli contra ut Chymiam planè antiquam eſſe demonſtrent, inventionem ejus ad Adamum primum generis humani parentem referunt, eumque ejus primum magiſtrum fuiſſe, Vincentium Belloccum ſtatuiſſe, referit Joh. Picus Mirandul. *lib. 3. de Auro cap. 1.* Cum enim Adamus Philoſophiam ſuos docuerit & alias artes; probabile eſſe exiſtimant, nec Chymicam artem, ut præſtantiſſimam; eum præterſiſſe. Verum ſunt hæ conjecturæ, quæ hi-

ſtoricâ veritate confirmari non poſſunt, in quibus quilibet ſuo ſenſu abundare poteſt.

Probabilius Alchymiæ inventio & rudimenta ad Tubalcainum referuntur; qui, ut habetur *Gen. 4. v. 22.* fuit magiſter æris & ferri; è quo procul dubio Græci ſuum Vulcanum ſinxerunt. Sunt quidem nonnulli, qui ex iſto loco nihil plus colligi poſſe exiſtimant, quàm ipſum monſtraſſe, qua ratione iſta metalla ad agriculturam & alios in vita communi uſus adhiberi poſſint. Verum ſi cudere æs & ferrum monſtravit; neceſſum eſt, ut prius, qua ratione inveſtigari, coqui, fundi, ſegregari & purificari poſſit, docuerit, vel ab aliis didicerit. Et ſi ferro & ære laborare noverat, proculdubio & reliqua metalla ipſi non fuere incognita. Et omninò non vulgarem, ſed inſignem in metallurgia artiſicem fuiſſe ex eo patet, quod Sacræ litteræ ejus honeſtam, & quidem primo loco in hoc genere, mentionem faciunt. Itaque, ut etiam præcedente capite dictum, Metallurgi primam Chymiæ inveniendæ occaſionem præbuerunt. Ridiculum verò eſt, quod ex recentiorib9 quidam Chymicarum deſtillationum originem à Patriarchis deducit; qui, cum ſacrificia meditati ſublimis flammas Deo placere intelligerent, ſcrutati ſint, an quid ſubefſet arcanæ bonitatis in ſacrificiis, atq; hinc adaptatis Alembicis, exceperint ſublimateos igne Spiritus.

*Tubalcainum Chymia inventor.*

*Tubalcainum Vulcanus Græcorum.*

*Chymia primo parenti origo.*

Coluerunt procul dubio & potius Tubalcaini hanc artem, nec à parentibus & majoribus inventa ignaviâ suâ intercidere passi sunt; sed potiùs summo studio & diligentia excoluerunt & amplificaverunt: verum à quibus hoc factum sit, historiarum monumenta, quæ ad nos pervenerunt, non docent.

Post diluvium à plerisque sive inventio, sive propagatio Chymicæ ad Hermetem Trismegistum refertur, à quo quia ars Chymica hodie *Ars Hermetica, Vas Hermetis, Sigillum Hermetis* dici putantur, de eo paulò diligentius dicendum. Fuisse autem plures Mercurios sive Hermetes ex Cicerone, 3. *de nat. deor.* patet. E quibus Trismegistus dictus est, sive quod summus Sacerdos, Philosophus & Rex, seu, ut aliis placet, Rex, Sacerdos & Propheta esset; sive quod, communi Græcorum ut & Latinorum more, res summè excellentes ter quaterque, maximæ & beatæ appellantur. Sive autem unus is Trismegistus fuerit, sive duo, Avus scilicet & nepos, ut vult Franciscus Patritius, eum antiquissimis vixisse temporibus, & ut videtur, circa annum conditi mundi 2000. certissimum est, eumque Noachum audivisse, & Chamemphis sive Chasi præceptorem fuisse docti existimant. Vixisse autem Isis & Osyridis ætate ex eo patet, quod Diodorus Siculus, l. 1. refert, Isidem in columna sui sepulchri inscripisse, se ab Hermete institutam fuisse, de quibus videatur Franciscus Patritius, in *Hermete.*

Trismegistum autem Hermetem hunc non solum Ægyptii, sed & Græci propter vetustatem & eruditionem summam suspexerunt, literarumque & omnium scientiarum inventionem ad eum referre soliti sunt. Plato, in *Phædro* & *Philebo*, eum literas, *ἡμῶν καὶ σοφίας Φάρακων*, invenisse scribit; Cicero, 3. *de nat. deor.* Ægypto præfuisse, atque Ægyptiis leges & literas tradidisse refert. Atque hoc modo cum omnes scientiæ & disciplinæ à Mercurio Trismegisto Ægyptio credantur profectæ, certatim plurimi scriptores aut gloriam ejus celebrarunt, ipsique, ut Jamblichus, *de mysterijs Ægyptiorum*, refert, suos libros inscripserunt, atque hinc adeò factum, ut feratur eum viginti quinq; millia librorum scripsisse, id est, sub nomine ejus editos fuisse: aut de nomine & gloria ejus suis scriptis gratiam & famam quæsierunt, multisque libris Mercurii nomen præscripserunt. Clemens Alexandrinus, *Stromat. lib. 6.* multa quidem & alia eum scripsisse refert, sed præcipuos ejus libros fuisse 42. quorum 36. Ægyptiorum. Philosophiam continebant, sex reliqui: ad artem Medicam pertinebant. *Ἐγῶν Φωνὰ* etiam nominat Eusebius, in *Chronico Græco*. Galeus, in *Præfat. lib. 6. de simplic. medicament. facult.* dum Pamphilum reprehendit, eum mentionem fecisse scribit Herbarum nomine *ἀερῶν*, seu Aquilæ; de qua Græcorum nulli quidquam sit proditum, verum in libello quopiam ex iis, qui inscribuntur.

*Hermes  
trimegi-  
stus doctus  
simus.*

*Hermetes  
sive Mercurii  
plures.*

*Hermes  
trimegi-  
stus quo  
tempore  
vixerit.*



buntur Mercurio Ægyptio, continente 36. sacras Horoscoporum. Herbas, inveniri; quem tamen Galenus non magnificat, sed pro nugis & figmentis habet.

*Hermes  
Arabs an  
aliquis  
fuerit.*

Fuisse & alium quendam Hermetem longè illo Trismegisto posteriorem nonnulli statuunt, cujus apud Mesuem fiat mētio, dum Hiera Hermetis & Pilulæ Alhandal Hermetis apud Mesuem & alios Medicos nominantur. Vulgares enim istas compositiones esse, & quæ Trismegisti Mercurii nomen sustinere non possint. Et sunt quidam ex recentioribus Chymicæ parùm æqui, qui potius ad hunc Hermetem, quem Arabem fuisse existimant, quam illum Trismegistum, Chymicæ inventionem referunt. Verum istorum medicamentorum inscriptio non satis probat, unquam aliquem Hermetem Arabem fuisse. Citantur & ab Arabibus Hippocratis medicamenta quædam, quæ tamen ejus non sunt; sed ei saltem adscripta, ut aliqua iis auctoritas ab Hippocratis nomine conciliaretur. Idem & in Hermete accidere potuit. Neque exemplum facile reperire est, quod Arabes talia peregrina nomina suis indiderint. Et, ut postea dicetur, cum longè ante Arabum tempora Chymia exulta sit, & Hermes Trismegistus de Philosophia & Medicina scripserit: Chymiam ipsi notam fuisse facile concedimus: quid tamen in ea præstiterit, ex historiis non patet, Neque video quomodo, qui nova hodiè dogmata proferunt,

Hermetis nomine ea tueri possint; cum, quid de iis Hermes ille Trismegistus senserit, planissimè ignorent.

Extat quidem *tabula Smaragdina*, dicta, summæ apud omnes Chymicos Auctoritatis: quæ in valle Ebron post diluvium inventa, sed incertis auctoribus, fertur; ab aliis, in sepulchro ejus à fœmia quadam Zara reperta, sed itidem incertis autoribus, dicitur; & totius magisterii Chymici fundamentum, & modum componendi quandam medicinam universalem, quæ non solum metallis ignobiliora ad summam perfectionem ducat, sed & morbos è corpore humano tollat, idque ad ultimum vitæ terminum incolume conservet, continere creditur. Eam hic integram addere libet.

*Tabula  
Smarag-  
dina Her-  
metii.*

*Verum sine mendacio, certum & verissimum: Quod est inferius, est sicut id, quod est superius: & quod est superius, est sicut id, quod est inferius, ad perpetrandum miracula unius rei. Et sicut res omnes fuerunt ab uno, meditatione unius: sic omnes res nata ab hac re adaptatione. Pater ejus est Sol: Mater ejus Luna: portavit illud ventus in ventre suo. Nutrix ejus Terra, Pater omnis Telesmi totius mundi est hic. Virtus ejus integra est, si versa fuerit in terram. Separabis terram ab igne, subtile à spisso suaviter cum magno ingenio: Ascendit à terra in caelum, iterumq; descendit in terram, & recipit vim superiorum & inferiorum. Sic habebis gloriam totius mundi; ideo fugiet à te omnis obscuritas. Hac est totius fortitudinis fortitudo fortis: quia vincet omnem rem subilem, omniaque*

*Hermetici  
bodierii.*

*solida penetrabit. Sic mundus creatus est, Hinc erunt adaptationes mirabiles, quarum modus hic est. Itaq; vocatus sum Hermes Trismegistus, habens tres partes Philosophia totius mundi. Completum est, quod dixi de opere Solis.*

Hanc tabulam quidam Hermetis Trismegisti esse negant; quod non inter reliqua Trismegisti scripta extet. Contrā omnes Chymici hactenus non solā pro genuino Hermetis Trismegisti scripto agnoverunt; sed & pro lapide Lydio omnium opinionum, quæ de Chymico magisterio circumferuntur, habent; omnibusque Chymicis in eo convenit, quod falsa sint ea, & ab universali medicina aliena, quæ cum tabula Smaragdina non conveniunt: scribitq; Albertus Magnus, *de metall. lib. 4. cap. 6.* quod Hermes sit radix; super qua omnes Philosophi sustentati sunt.

Licet verò non exstet inter opera Græca, quæ hodiè habentur: tamen de eo ipso inter doctos dubitatur; An illa Græca Hermetis genuina sint; & si sint, an omnia sint. Nam seceriora non semper cum reliquis edi solent. Ideoque cum nemine litigabimus, qui hanc tabulam pro genuino Hermetis Trismegisti scripto habet. Ex ea tamen Chymici hodierni suis dogmatibus patrociniū nullum querere possunt. Generalissimè enim artificium Chymicum describit, atque ita, ut certos canones, juxta quos operatio instituenda sit, & qui operantem in operatione sua certum reddant, non prescribit.

Circumfertur & alius liber nomine Hermetis, sub titulo; de lapidis Philosophici decretis: sed certum est, eum liberū nullius antiqui Philosophi, ne dūm Hermetis Trismegisti esse; cum toties filios Sapientum & antiquos Philosophos ipse Philosophorum, scilicet, Pater primus nomet.

Reliqui libri, qui Græce Hermetis nomine circumferuntur hodiè, an ejus sint, plurimos viros doctos dubitare, modò dictum est. Ejus non esse, pluribus defendit Isaac Casaubonus, *Exerc. 1. ad Annales Baronii, Diatribe 10.*

Hermeti Trismegisto proximus fuit Moses; qui quidem in omni disciplina Ægyptiorum eruditus fuit: sed quod in specie Chymiam, calluerit, vix ullo evidenti documento probari potest. Dicitur quidem, *Exodi 32. v. 20.* ipsum vitulum illum ab Aaronè conflatum igne combussisse, & in pulverem contrivisse, ac in aquam projecisse, quod sine Chymico artificio factum non esse, nonnulli statuunt; cum aurum per se nullo modo comburi, & in pulverem redigi possit. Refertque Glossa ordinaria, ut, & Nicolaus de Lyra, *super locum allegatum*, Hebræos Doctores tradere; quod filii Israel bibentes aquam isto pulvere vituli infectam, qui idololatriam commiserant, in barbibus colorem aureum præferabant; quo signo ab aliis distinguebantur, & rei interficiebantur. Alii verò tradunt, quod aqua pulvere isto infecta reis dolorem, & infla-

*Hermetis de Lapid. Philosophici secretis,*

*An libri, qui hodiè Hermetis nomine circumferuntur, ejus genuini sint.*

*Moses an fuerit Chymicus,*

tionem ventris pariebat, per quam ab innocencibus discernebantur, quibus dulcem saporem exhibebat. Quæ si ita se habent, de quibus tamen sacrae literæ nihil testantur, res procul dubio miraculosa fuit. Verum esto; absit miraculum: an tamen Mosen Chymicum fuisse hinc probari possit, dubito: cum verbum Hebræum  $\text{פֶּרֶשׁ}$  non solum comburere, sed & fundere & liquare metalla significet: atque ita quocunque modo in pulvere aurum hoc Moses comminuerit potuerit.

Referunt etiam nonnulli in Chymicorum classem Mariam Prophetissam, Mosis sororem: nec id primum à Monachis superiorum seculorum vel Arabibus factum; sed Græci aliqui tale jam aliquid crediderunt. Refert enim Isaac Casfabonus, loco allegato, in Galliarum Regis bibliotheca librum de Chrysopeia, sub hoc titulo, *ισαακ τέχνη, Ars Sacra*; extare: in quo non solum laudetur Hermes, sed & citetur *Μαριαύ ηγή τδαίναϊ γραφαι*, Maria & scripta Judaica: qui liber forsitan non est dissimilis ei, qui hodie sub titulo, *Turba Philosophorum*, circumfertur, cui adiectus est libellus, cui titulus, *Practica Maria Prophetisse sororis Mosis*. Verùm tam credibile est, hunc librum esse Mosis sororis; quam credibile est, alium librum eidem tractatum adjectum, nomine *Practica Aristotelis*, esse Aristotelis, utpote qui ipsum Aristotelem, qui Avicennam, qui Arabes nominat, & alterum libellum, qui *Epistola Alexandri Regis* inscribitur,

esse Alexandri Regis Macedonum. Nimirum usitatum est Chymicis, ut libris suis famam concilient, eos sub magnorum virorum nominibus edere, aut si auctores ignorentur, iis præclarorum virorum nomina præscribere.

Proxima antiquitate est Expeditio Argonautica, quam quidem pro Chymia allegare velle, nugæ esse indignas, quarum tantum mentio fiat, censet Erastus. Verum non solum Chymia, sed & alii scriptores eam de Chymia explicant. Refert enim Suidas, aureum vellus, quod Jason & Argonauta, Pontico mari in Colchidem profecti, unâ cum Medea Regis Ætæe filia rapuerint, non fuisse ejusmodi, quale Poetæ fabulantur, sed librum in membranis scriptum, qui continebat artem, qua Aurum fieri possit. τῆτο δ', inquit, *ἔχ' αἷς ποιητικῶς φέρεται, ἀλλ' αὖ βίβλιον ἦν ἐν δερμάσι χρυσαμένον ὡς ἔχον: πῶς δ' αὖ γινέσθαι χρυσεύου. εἰκότως ἐν τῶτο χρυσὸν ἀνόμελας αὐτὸ δέσσει. Διὰ τὴν ὄρεσιν ἐξ αὐτῆς*. Et si verò nonnulli Suidæ contradicant, atq; alii de pelle Arietis fabulosi, super quo sit vecta Helle Phryxi soror, exponant; alii de phiala Aurea, in cujus medio agnus fuerit sculptus; alii Aureum vellus ob caritatem; alii ob colorem dictum putent: tamen valde absurdum est, tot Heroas pro Arietis naturali pelle cujusque etiam coloris vel pretii, aut aurea Phiala, aut res simili tantam expeditionem suscepisse, & tanta pericula subisse. Ea fabularum

Argonautica expeditio;

Aureum Vellus quid;

Maria Mosis soror an fuerit Chymia perita.

expositio magis commoda est, quæ veritati, siue in rebus naturalibus, siue in politicis magis quadrat. Cum ergo & Medæ & Jasonis vox medicum significet, & Medea senectutem Parentis medicinâ Philosophicâ depulisse dicatur; si reliqua etiam eidem rei commodè applicari possint, nulla causa est, cur Suidæ expositionem rejiciamus. Quadrant autem omnia aptissimè. Nam Draco ille vigil est Mercurius, quem sopire difficilimum; huic Aurum, quod Phasis in Colchide detulit, custodiendum traditur. Materia ista includitur templo Martis, id est, Athanari siue Fornaci Philosophorum; custodes sunt tauri ignem spirantes, calor nimirum per gradus adhibitus; Draconis dentes, qui in exercitum evadunt, & se mutuis vulneribus conficiunt, est pugna materiæ vasi suæ inclusa, donec ad unitatem redigatur. Ita tandem arte Medæ Jasonem Draconem sopit, id est, volatilem figit, & ex veneno utilem medicinam parit.

De Chymico quoque artificio loqui existimatur fabula de pomis Hesperidum. Hortum enim illud custodit Draco, Mercurius scilicet Philosophorum, qui ab Hercule, Herculeo scilicet & indefesso labore, interficiendus & figendus est. Fabula quoque de Atalanta & Hippomene, de qua Ovidius, *to. metamorph.* fab. 14. Atalanta enim illa Mercurius Philosophorum est; poma illa aurea ex hortis Hesperii Veneris, Sulphur aureum, in quo in fuga figitur & retinetur Mercurius: quem

si quis sistit, sponsam, quam ambit, habebit; sin minus, omnium rerum suam perditionem & interitum. Fabula item de Dracone, quem Cadmus interfecit; de oculis Argi, Mercurii scilicet illius vigilis, in pavonis caudam, Chymicis decantatissimam, conversis; & aliis pluribus.

Salomonem postea Regum omnium, imò mortalium sapientissimum fuisse nemo est, qui dubitat: cujus libri de natura rerum scripti si superserent, facilè Græcorum & Arabum, scripta superarent. An autem in specie Chymiam calluerit vel excoluerit, sine absurditate quidem affirmari potest; sed tamen nullo etiam evidenti documento probatur. Nam, quod, vulgò quidam Chymici afferunt, eum immensas illas, quibus abundavit, opes, arte Chymica acquisivisse, id nullâ probabilitate nititur: cum sacræ literæ modum, quo illas divitias acquisiverit, explicant. Nam, *1. Regum, cap. 10.* clarè scribitur; Classem Salomonis cum classe Regis Hiram ex Ophir aurum attulisse, & *ibidem* narratur; quod pondus auri, quod singulis annis Salomoni obtigit & allatum fuit, fuisse sexcentorum & sexaginta sex talentorum, sine eo, quod Mercatores & Reges Arabiæ attulerunt & transmisserunt.

Ridiculum verò est, quod quidam in Cantico Canticorum artificium Chymicum latere existimant, & per Sponsam Regem siue Aurum, per sponsam Reginam, siue Argentum, quæ duo in arte conjungantur, seque amplectentur, intelligendum censent;

*Salomon  
an fuerit  
Chymicus,*

*Poma Hesperidum.*

*Canticum  
Canticorum  
male ad  
Chymiam  
trahitur.*

consent; & cum dicitur; Nigra sum, sed formosa, caput corvi intelligentium putant, quod foris nigrum sit, intus autem summis divitiis plenum: per Turturis. collum varietarem colorum & pavonis caudam explicant; per Hyemem tempus Putrefactionis; per imbrem, imbibitionem; per Flores & rosas albas & rubras, colorem aureum & album in Lapide; per amissionem dilecti, Auri occultationem intelligi opinantur. Nugæ hæc sunt. Satis aliàs de antiquitate Chymix constat, ut non opus sit, ejusmodi dubia, incerta, imò falsa ad eam probandam conquerere.

*Æs Esdræ  
an Chymi-  
cum.*

Quare nec illud, quod *Esdræ* 1. c. 8. v. 25. & seq. habetur pro antiquitate Chymix facile produxero. *Et appendi eis*, inquit, *argentum & aurum & vasa consecrata domus Dei nostri; quæ obtulerunt Rex & consiliarii ejus, & principes ejus, & universus Israel. Appendi, inquam, in manibus eorum argenti talenta sexcenta quinquaginta, & vasa argentea centum talentorum, & auri centum talenta, & Crateres aureos viginti, drachmarum mille, & vasa æris fulgentis optimi duo, pulchra ut aurum.* Ex quo loco nonnulli colligunt, cum inter tot aurea pocula vix duo illius æris inter donaria reperta sint, rarum & pretiosum id fuisse æs, & vulgari auro pretiosius, & forsan arte Chymicâ confectum. Verum Aristoteles, in *mirabilib. auscult.* refert, apud Indos æs adeò splendidum, purum, sincerumque reperiri; ut colore & specie nequaquam ab auro discerni queat: Inde & inter Darii

*Æs Indi-  
cum.*

pocula quædam fuisse, quæ, nisi olfactus judicio ab auro distare, non cognoscerentur. Quid si hæc ipsa pocula essent ea, de quibus *Esdras* loquitur?

Referunt & inter Chymicos *Democritum*, quem insignem Philosophum fuisse certum est. Nam, ut refert *Diogenes Laertius*, l. 9. in *vita ejus*, Magos & Chaldæos audivit, Xerxe Rege, patri illius, cum apud illū hospitaretur, Præceptores relinquente. Profectus etiam in Ægyptum est ad sacerdotes, & in Persidem ad Chaldæos atq; rubrum mare: & Gymnosophistisi in India congressus est, atq; in Æthiopiam venit: in quibus locis procul dubio arcanissima quæq; didicit. Fuit etiam ditissimus, cum Pater ejus Xerxem Regem, & ut nonnulli referunt, cum exercitu decies centenum millium, hospitio exceperit. Etsi necessarium non fuerit, si Xerxem Regem, hospitio exceperit, ut totū etiam exercitū hospitio exceperit. Circumferuntur autē quædam Chymica ejus nomine; quæ tamen nonnulli non Democriti hujus Abderitæ, sed Arabis cujusdam esse opinantur. Sed exemplum non reperitur, quod Arabes suis Græcorum nomina indiderint: & propterea libri illi vel Democriti hujus Græci sunt, vel certè ideo Democriti nomine inscripti, quod fama esset, Democritum Chymix notitiam habuisse, ut ita de nomine ejus illis libris Fama conciliaretur. Non autem libros illos ab Arabibus compositos esse, ex eo patet, quod Græci adhuc

adhuc superioribus annis in Italia inventi sunt. Magiam certè eum caluisse, refert Plinius, *lib. 30. cap. 1.*

Post Christum ferè natum in Ægypto Chymia ita floruit, ut publicæ etiã fama statueretur, opes publicas, quibus se adversus hostium impetum defenderent, Ægyptios arte Chymicâ sibi comparare.

Hinc, ut refert Suidas, Dioeletianus omnes in Ægypto de Chymia & Chrysopeia libros conquiri & comburi iussit: ne ex illa arte ditati Ægyptii & pecuniã freti in posterum rebellarent. Idem Suidas refert, Zosimum, Alexandrinum Philosophũ scripsisse *χουδναξ*; cuius libros Græcos manu scriptos adhuc in Regis Galliæ Bibliotheca asservant, ut & Isaaci Monachi *δε γηγ υε ποδου*, & Blemaidæ *ωβι χουορνιουα*, refert Robertus Vallensis, *de veritate & antiquitate artis Chymicæ*.

Julius Firmicus, tempore Constantiniani Magni, circa annum Christi 320: Alchymistas, ut jam diu notos, & quorum Astrologi in suis prædictionibus mentionem faciant, nominat. Nam, *lib. 3.* in decretis Lunæ in nona domo scribit: *Si Saturni hac domus fuerit, scientiam Alchymia dabit: si Solis, providentiam in quadrupedibus.*

Circa annum Christi 383. Theodosii temporibus Heliodorus Græcè de Chrysopeia scripsit, teste Cedreno.

Notabile etiam artis Chymicæ argumentum exhibet Historia de monumento Maximi Olibii in agro

Patavino reperto, in quo inventa est Lucerna, quam arsisse anno 1500. referunt; quod describunt Petrus Appianus, in *Antiquitatibus*; Hermolaus Barbarus, in *Corollariis in Dioscoridem*, *l. 5. c. 847.* Ludovicus Vives, in *lib. 21. c. 6. de Civitate Dei Augustini.* Joh. Lang, *l. 2. epist. 52.* Exteriori urnæ inscripti erant hi versus:

*Plutoni sacrum mung ne attingite fures:  
Ignotũ est vobis, hoc quod in orbe later.  
Namq; elementa gravi clausit digesta labore* (bius.)

*Vase sub hoc modico Maximus Oly-  
Ad sit facundo custos sibi copia cornu,  
Ne pretium tanti depereat laticis.*

Interiori hæc inscripta erant:  
*Abite hinc pessimi fures;  
Vos quid voltis vestris cũ oculis emissiis?  
Abite hinc vestro cum Mercurio petasasacrum fecit. (to caduceatoq;:  
Maximus Maximo donum Plutoni hoc*

Posterioribus seculis Chymia maxime apud Arabes elaruit, ut videre est cùm apud alios, tum apud Mesuem, in *Antidotario*, *distinã. 21. c. de oleo-  
overum; De bis, inquit, loquuntur, qui,  
qua sunt in rebus, occulta manifestant &  
detegunt: Eos aggredere, si huius rei cupi-  
didus es. Hoc autem, in principio alleg-  
distinctionis, Alchymistas nominar,  
& Medicinã studiosos cum iis conversari jubet, si qua ratione, quæ oc-  
cultata in conerctis caloribus vi segrega-  
ganda sint, discere velint.*

Et floruerunt postea omnibus seculis inter Arabes & alias nationes multi, qui in hac arte excelluerunt, & de ea scitpserunt Geber, Avicennas, Rhafes, Arnoldus de Villa nova,

Raimun-

*In Ægypto  
Chymia flo-  
nis.*

*Dioeletia-  
nus Chymi-  
cos Ægy-  
ptiorum li-  
bros com-  
buri iussit.  
Zosimus.*

*Julius Fir-  
micus.*

*El. Heliodorus*

*Maximi  
Olybii Lu-  
cerno.*

*Araber  
maximè  
Chymiam  
excolu-  
runt.*

*Autores,  
qui de  
Chymia  
scripserunt.*

Raimundus Lullius, Joh. de Rupe scissa, Bonus Ferrariensis, Hortulanus, Isaac Hollandus, Rogerius Bacco, Riplæus, Comes Bernhardus, Lacinius, Augurellus, & alii plurimi, quos enumerare saltem, cum in publica luce sint, & ordine ab Andrea Libavio, *in exam. sent. Parisiens. Schol. contr. Chym. lat. recensentur*, operæ pretium non est.

Inter quos tamen si qui libri sunt, qui Auctorum, quæ præscribuntur, nomina rectè sustinere non posse videntur, id ita multum non refert; modò Chymicæ, de qua hic quæritur, antiquitatem & veritatem demonstrant. Fieri enim potuit, ut Auctor aliquis suum nomen studiosè vel suppresserit, vel sibi pro subsidio memoriae sine nomine librum conscripserit, qui, cum postea in aliorum manus pervenisset, sub nomine Auctoris, cujus ingenio dignus videbatur, in lucem editus fuit. Id quod in Medicina etiam evenit; ubi multa medicamenta composita præstantium Medicorum, immo & non Medicorum nomina habent; non quod ab iis profecta sint, sed quod tantis auctoribus digna videantur: quæ tamen ideo deteriora non sunt, quod certi Auctoris nomen non habeant. Non enim ab hominis auctoritate & nomine, sed rei evidentia veritas pendet. Deinde etsi libri isti Chymici, qui hodiè extant, inter reliqua eorundem auctorum scripta, quæ semper in publico fuerunt, non reperiantur: tamen id non multum refert. Mystica enim ista sunt, &

occultantur sæpè diu à suis professoribus, antequam in lucem veniant. Ita etsi inter Libros Medicos Avicennæ liber Chymicus nullus extat: tamen refert Sorsanus in vita ejus,uisse eum Chymicæ studiosum & propagatorem.

Ex quibus omnibus apparet, à veritate alienum esse, quod Nicolaus Guibertus & alii quidem censent, libros Chymicos, qui hodiè circumferuntur, haud multis rectò seculis ab impostoribus & Sophistis confictos esse. Verum plura de his addere supersedeo: qui plura de scriptoribus Chymicis cognoscere cupit, legat viri doctissimi Georgii Agricollæ præfationem ad Mauritium, & Augustum Duces Saxonie fratres, *super lib. 12. de re metallica*, & Andream Libavium, *in defensione utraque Alchymia Transmutatoria contra Nicolaum Guibertum*.

Proximis seculis ferè inter Monachos lateat Chymia, quorum non pauci illud, quo abundabant, otium post sacras meditationes & orationes arti huic præstantissimæ honestè tribuerunt: inter quos fuerunt, quorum aliquos jam nominavimus, Raimundus Lullius, Albertus Magnus, Joh. de Rupe scissa, Savorola, Morienus, Rogerius, Trichemius & Frater Basilius Valentinus, quorum scripta multa hoc seculo in lucem edita sunt, & multa adhuc manuscripta passim latent.

Natus est tandè anno Christi 1493. in Helvetia Philippus Theophrastus Paracelsus, qui in Chymia Præceptores

Monachi  
Chymia  
cultores,

Paracelsus,

Chymici libri, an sint auctorum, quorum nomina præ se ferunt.

egregios nactus, ut ipse, *in secunda parte Chirurgia magna tractat. i. c. i.* refert, & institutis non solum à parente in Chymia, sed etiam adjurus scriptis Setthagii Episcopi, Erhardi Laventalii, Nicolai Hipponensis Episcopi, Matthæi Schachtii, Suffraganei Freisingensis, Abbatis Spanheimii & aliorum plurimorum, novam sectam condere., Hippocraticamque & Galenicam evertere conatus est. Quem secuti sunt Alexander Suchtenius, Dornæus, Phædro, Dornheiferus, P. Severinus Danus; qui ipsi tamen nec cum Paracelso, nec inter se planè consentiunt. Plerique tamen, qui hodiè Chymiatri audire volunt, Petrum Severinum, qui dogmata à Paracelso hinc inde disjecta in artis formam redigere conatus est, potiùs, quàm ipsum Paracelsum, sequuntur. Hinc hodie nova quasi secta nata est, quæ Severiana dici potest.

## CAPUT IV.

### De Paracelso.

**T**heophrastus, inquam, Paracelsus cum vulgò in Medicorum Scholis tum temporis ferè silentium esset de Chymia, & multa in præparatione Pharmacorum melius fieri posse animadverteret, ad reformandam Medicinam, animum adjecit. Verum quam reformare voluit, penè cum aliis omnibus scientiis evertit. Primò enim, ut Thessalus ille *seculi* nominavit: ita hic, ad se-

pervenisse Monarchiam omnium artium, in præfatione libri de Tinctura Physicorum, scribere ausus est: *Se arcanorum Monarcham, quem omnes, qui naturalis Philosophia cognitionem appetant, Itali, Galli, Poloni, Germani, Philosophi, Spagyri, Astronomi ut Ducem sequi necesse habeant, ejusdem libri c. i. & 4. haberi voluit; & in præfatione Paragrani, Avicennam, Galenum, Rhafen, Montagnanam, Melfuen, Parisienses, Montpelienfes, Suevos, Misnicos, Colonienses, Viemenses, & quotquot Danubium & Rhenum accolunt, Insulas maris, Italiam, Dalmatiam, Athenas, Grecos, Arabes, Israelitas se Monarcham Sapientia constitutum sequi jubet. In præfatione libri i. de Peste, quem Norlingæ scripsit, libros suos libris quatuor mille annorum spacio scriptis præfert.*

Contra passim Galenum, Avicennam, omnesque Academicos & Medicinæ Doctores acerbissimis convitiis insectatur, & de pestilente tract. 2. Parisienses, Patavinòs, Montpelienfes, Salernitanos, Viennenses, Lipsenses, non Professores veritatis, sed Confessores mendaciòrù, Mendaces, nò Doctores esse scribit. Quælia convitia in Medicos plurima passim in scriptis suis evomuit: quæ omnia hic recèlere nò libet. Quia tamè insigne modestiæ specimè edidit loco modò allegato, *in præf. Paragrani p. 199* integrum eum transcribere placet. *Zhr mißset mir nach/ Ich nicht euch nach/ Zhr mir nach/ Mir nach/ Avicenna, galene, rhafis, montagnana, melfue &c. Mir nach/ vnd nicht ich euch nach/ Zhr von Paris/ Zhr von Wimpeller/ Zhr von*

Paracelsi  
sectatores.

Paracelsi  
in Galeni-  
cos convi-  
tia.

Paracelsi  
gloriantia.

Paracelsi  
modestia.



Ihr von Schwaben / ihr von Meissen /  
ihr von Eöln / ihr von Wien / vnd was  
an der Donaw vnd Reinsstrom lieget /  
ihr Insulen im Meer / du Italia / du  
Dalmatia / du Aethiops / du Grieche / du  
Arabs / du Israelita / Mir nach / vnd ich  
nicht euch nach : Ewer wird keiner im  
hindersten Winkel bleiben / au den  
nicht die Hunde seichen werden . Ich  
werde Monarcha / vnd mein wird die  
Monarchy seyn / vnd ich führe die Mo-  
narchy / vnd gürte ewre denden . Wie ge-  
felt euch Cacophrastus ? Diesen Dreck  
müß ihr essen .

Wie wird es euch Cornuten anste-  
hen / so ewer Cacophrastus ein Fürst  
der Monarchy seyn wird ? vnd ihr Ca-  
lefactores werdet vnd Echlo : seger :  
Wie dünckt euch / so Secta Theophra-  
sti triumphiren wird ? vnd ihr werdet  
in meine Philosophy müssen / vnd ew-  
ren Plinium Cacoplinium heissen /  
vnd ewren Aristotelem Caco-Aristo-  
telem heissen / vnd ich werde sie vnd ew-  
ren Porphyrium ; Albertum ; &c. in  
meinem Dreck räuffen / mit sampt ewer  
Gevatterschafft : Das wird mir zu we-  
ge bringen die vis mineralis vnd gene-  
ratio mineralium ; vnd was zwischen  
den zweyen Polis ligt / wird mein Har-  
nisch seyn / ewer Astronomy vnd La-  
taffel Kunst in Pilats See zu werffen /  
vnd die Alchimimus mir ewern Aescu-  
lapium ; ewern Avicennam ; ewern Ge-  
lenum ; &c. vnd ewre Scribenten alle  
in ein Alkali versieden / vnd in Kever-  
ber bis auff die hindersten Feces ver-  
brennen / vnd seuberer müß ihr noch ge-  
reintzeet werden / denn das Gold durchs  
Fener / ihr müßte durch das Spießglas /

da wil ich sehen / wie ihr vnd ewer König-  
gen Boden sehet / vnd vber den Duff-  
stein wil ich euch pallieren lassen : vnd  
die Tugendt als die vierdte Seul wird  
aus euch ein grosser Spectacul ma-  
chen / denn die Juristen vber keinen Ma-  
lefactorem erdacht haben . Dwie wer-  
den ewre verderbte Krancken lachen !  
Dewers armen Galeni Seele ! Wer er  
vntadlich blieben in der Arzney / so we-  
ren seine Manes nicht in Abgrund der  
Hellen vergraben worden / daraus er  
mir geschriben hat / des Datum in der  
Hellen stand . Ich hette nicht vermei-  
net / das der Fürste der Arzney dem Teuf-  
fel in Arß solt gefahren seyn / nemlich  
sein Discipul ihm nach / oder am wenig-  
sten seiner Mutter ins F. I. Solt das  
ein Fürst der Arzney seyn / vnd die Ar-  
zney auff ihm stehen / so müssen die  
grösten Schelmen in der Arzney seyn /  
so vnter drr Sonnen leben / sie beweisen  
auch wol / das sie ihm trenlich nach fol-  
gen . Et ut omnino odium suum erga  
antiquam Medicinam declararet ; &  
asseclarum suorum in Medicos ali-  
os odium accenderet ; nec Luthero  
inferior videretur ; Canonicum Avi-  
cennæ volumē contempit exus-  
sit ; ut refert Jacob. Curio Hofemia-  
nus ; in *Hermotimo* .

Alibi tamen novitatis crimen a-  
versari videtur ; & ut Galenicus et-  
iam habeatur ; narrat ; in oppido Bo-  
jemorum ; Brünovia scilicet ; in quo-  
dam Cœnobio verissima minimeq ;  
depravata Galeni & Avicennæ vo-  
lumina reperiri ; ex quibus ipse sit  
Galenicus melior ; quam omnes ; qui  
vulgo ita appellantur ; per sua

scilicet, ea, quæ per manus tradita, & hæcenus fideliter omnium nationum consensu in tot Bibliothecis asservata, & ad nos propagata sunt Galeni & Avicennæ scripta genuina non esse, sed ista, quæ vel fingit, vel Galeni & Avicennæ nomen falsò præ se ferunt.

Paracelsi  
encomia.

Nec solum Paracelsus se ita jactat, sed & sectatores ejus illum summis laudibus in cælum tollunt. Inter eos Crollius, pag. 7. suæ præfationis, scribere ausus fuit; *Paracelsi peritiam neminem adhuc attigisse, ne dum superare potuisset; eundemq; omnibus hominibus à temporibus Noë, atque ita Hermeti Trismegisto, Salomoni & aliis satis imprudenter præfert: dum pag. 156. & 67. scribit: Nullus mortalium in universa Philosophia & Medicina indubitato cæli favore tam ardua & abditæ arcana scivit & in publicum protulit, sicut Theophrastus ille Paracelsus, Vir & Philosophus omni æternitatis memoria & honore dignissimus; cujus peritiam nemo inventus, qui attingere, ne dum superare potuerit; Verus Medicina Monarcha & primus Microcosmi Medicus, qui de interno homine, ejusq; officio à Deo creatò, item de magnorum morborum incurabilium origine tam naturali, quam Metaphysica à temporibus Noë solus scripsit; quod è superiorum ætatum Medicis ne per somnium ulli in mentem venit. Ita etiam Henningus Scheuncemannus, in hydromania Paracelsica, in Præfat. ad Lect. scribit: Paracelsum Hermeticam & Hippocraticam doctrinam peculiari Spiritus sancti assistentiæ ita complexisse, ut nihil amplius*

*desiderari possit, & obnavatam hanc operam Monarcha nomen adeptus sit. Et plerasq; ejus laudes discipuli in inscriptione ejus Effigiei & Epitaphio comprehenderunt.*

Contra Aristotelicos & Galenicos omnibus, quibus possunt, convitiis præscindunt: Materiales & Elementares ambulatores, Aristotelicos tenebriones, Vulgares de Schola homines, Rabinos, & Thrasones, Athenienses, Philosophiæ Ethicæ Sectatores, qui lucem tenebras, & tenebras lucem vocent, vanissimum vanitatum defensores nominant. Quibus recensendis tempus terere non libet. Neq; enim ad rem aliquid faciunt. Prudenter Aristophanes, in *Ranis*:

Ἐλέγχ' ἐλέγχῃ: λοιδορεῖσθ' ἑχθῆ.  
Ἀνδρας Φιλοσόφους, ὧσα ἐρ δε τοπίω-  
λιδας.

Hinc tamen factum, ut non pauci & Paracelsum pro Chymicorum principem habeant, & neminem Chymicū esse posse credant, nisi qui sit Paracelsicus. Unde multa dicuntur vulgò Paracelsica, non quod Paracelsus ea invenerit vel usurpaverit, sed quod Chymicum & Paracelsicum nonnulli pro eodem habeant. Quæ in re tamen falluntur.

Neq; enim idem est Chymia & Paracelsia. Quod jam olim monuit Vir clarissimus, & trium Imperat. Medicus, civis meus, J. Crato Epist. 137. ad Theodorum Zwingerum: In multis, inquit, Rebus publicis & aulis cum nominis mei quadam jactura Chymica medicamenta sum tutatus. Nihil ante

Paracelsi  
starum in  
Aristoteli-  
cos & Ga-  
lenicos  
convitiis.

Non idem  
Chymia &  
Paracelsia.

40. annos oleorum destillatorum, nullum Extraculum, nullus succus in Pharmacopoliis esse repertus: à me autem Pharmacopœi & Medici, beneficio Dei, successu medicationis edocti sunt, ut nunc ubiq; ea parent, & in utantur. Insaniam verò Paracelsi, qui summus in arte Magistros, imò ipsa arte Medicam, propter sua arcana, ut appellat, contemnit, & novam nobis è furnis Medicinam fabricat, atq; discentes à bonis auctoribus ad fornaces ablegat, omnem deniq; seculi nostri excellentiam dejicere studet, ut sua medicamenta extollat, nunquam probavi. Hæc Crato. Neque sine causa discrimen inter Chymiam & Paracelsiam instituitur. Dudum enim, ante Paracelsum à multis doctis viris excultam fuisse Chymiam, notissimum est. Et licet ipse eandem coluerit & excoluerit: non tamen ideo, qui Chymie operam dant, necessum habent, ut Paracelso se totos tradant, ejusq; dogmata omnia defendant. Quod tamen à multis fieri videmus, qui cum Galenicis nimiam credulitatem & antiquitatis studium atq; amorem obijciunt, ipsi non minus peccant, dum Paracelsi dogmata omnia, etiam sine ullis rationibus prolata, tantum non pro oraculis habent. Quorum exempla cum passim obvia sint, nec ignota illa ingentia Paracelsi præconia, atque arrogantes tituli, quos sibi tum ipse, tum ipsi affectu ejus non satis prudenter tribuerunt, ut modò dictum; ac vix ulli, ullo unquam seculo, Philosopho vel Medico tantas laudes

tribui legamus: ne in cauti in errorem inducantur, quis fuerit Paracelsus, & an istas laudes sustinere valeat, sine omni affectu videamus.

Parentes ejus qui fuerint, ad rem multum non faciunt. Ipse se appellat Philippum Theophrastum Bombastum ab Hohenheim seu Paracelsum, ex nobilissima & antiquissima in Eremito Helvetiorum familia. Verum refert Thomas Erastus, in Eremito Helvetiorum nullos esse Paracelsos, nullos Hohenheimios, nullos Bombastos, nullos denique vel nobiles vel ignobiles, qui eum ut sanguine junctum agnoscat. Audivisse se, Pædagogum aliquando vixisse ibi, hominem exterum, & quod natus ille sit in loco, quem vocant Alturnidum, unde fortasse Paracelsum denominaverint.

Vitæ ejus quasi summam literis quibusdam complexus est Oporinus, civis Basiliensis fide dignus, qui Paracelsi amanuensis fuit, uxoratus jam. Nam, ut Erastus, *parte 1. diffinit. contra Paracelsum pag. 238.* refert; Relictâ domi uxore, toto biennio enim secutus est, ut admirabilis doctrinæ, quam jaçtabat, particeps fieret. Exstant quidem eæ literæ in vita Oporini à Joesefo descripta: verum cum nō in omnium sint manibus, eas hic proponere libet. Nee refert, quod Levinus Battus, *in Epist. ad Henricum Smetium*, scribit, Orationem illam ab æmulis Theophrasti Basileæ scriptam esse. Sit enim, quod illi, qui vitam Oporini scripserunt, Paracelso

*Genus Pat. nelsi.*

*Vita Paracelsi summa.*

non faverint: Epistola tamen vitæ Oporini inserta, in doctorum virorum manibus vivente adhuc Oporino fuit; cum literas illas scripserit ad Medicos clarissimos Solenandrum & Wierum. Et vivebant tunc procul dubio adhuc multi, quibus Paracelsus familiariter notus fuit, ut mendacium locum invenire facile non potuerit. Ita autem ille:

Quod ad Theophrastum Paracelsum attinet, qui jam pridem obiit, non quidem libenter ejus manibus obloquerer: vivum tamen talem expertus sum, ut cum tali homine ita unquam familiariter vivere, ut cum ipso vixi, non facile cupiam; adeo, præter mirabilem faciendi Medicinam in omni morborum genere promptitudinem & felicitatem, nullam in eo neque pietatem, neque eruditionem animadvertere potui. Et mirari non raro soleo, cum tam multa proferri video, quæ ab ipso scripta & posteritati relicta affirmantur, quorum ego ne somnium quidem unquam illi objectum puto. Adeo erat totis diebus & noctibus, dum ego ipsi familiariter per biennium ferè convixi, ebrietati & crapula deditus, ut vix unam atque alteram horam sobrium cum reperire licuerit; maximè postquam Basilea discedens in Alsatia inter nobiles rusticos, & rusticos nobiles, tanquam alter Esculapio, omnibus admirationi fuit. Atque interea tunc, cum maximè esset ebrius, domum reversus dicere mihi aliquid suæ Philosophiæ solebat, quod ita pulcrè sibi coherere videbatur, ut à maximè sobrio melius non fieri potuisset videretur. Ego deinde iisdem in Latinam linguam vertendis, ut poteram, vacabam. Et sunt ejusmodi li-

belli partim à me, partim ab aliis latinè conversi postea editi. Noctu, toto quo ipsi convixi tempore, nunquam se exiit: plerumque enim non nisi ebrius ad extremam noctem ibat cubitum, atque ita, ut erit indutus, adjuncto sibi gladio, quem carnificis cujusdam fuisse jactitabat, in stratum se conjiciebat, ac sæpe media nocte surgens per cubiculum nudo gladio ita insaniebat, ita crebris ictibus & pavimentum & parietes impetebat, ut ego mihi non semel caput amputatum iri metuerem. Dies aliquot requirere possem, si eorum omnium, quæ me apud ipsum passum esse scio, mentionem facere deberem. Semper habebat officinam suam carbonariam instructam perpetuis ignibus, nunc Alkali aliquot, nunc sublimate oleum, nunc Arsenici oleum, nunc Martis crocum, aut Dypdelbochi mirabile, & nescio quæ brodia coquendo. Mihi certè semel coctione sua ferè spiritum vitalem oppressit, dum spiritus in alembico suo ascendentes contemplari jussu & naso propius admoto, remoto paululum vitro, quod alembico subjectum erat, virulentos illos vapores mihi os & nares occupare curavit, & tantum non suffocare conatus fuit, adeo ut in syncopem delapsus frigide aquæ non mediocri superfusione restitui opus habuerim. Interea se vaticinari quadam simulabat, & arcanorum quorundam cognitionem præ se ferebat, ut clam aliquid, de quo ipsum metuerem, non facile aggredi unquam ausus fuisset. Mulierum nullam curam habuit, ut cum nulla unquam illi remisse credam. Initio abstemius erat usque ad ætatis annum ferè 25. deinde ita vinum bibere didicit, ut totas mensas rus-

Paracelsus à mulieribus alienus.

Epistola Oporini de Paracelso.

Paracelsus ebrietati deditus.

Paracelsus ebrius sua didicit.

ficis plenas propinando provocare & bibendo superare ausus fuerit, digito tantum gula immisso à crapula se liberans, & rursum, tanquam ne guttam quidem hausisset, potionibus indulgens. Pecunia erat prodigus profusus, ac ita eà saepe destitutus, ut ne obulum quidem ei superesse scirem. Crastino statim die rursum crumenam se habere bene instructam ostendebat, ut non raro miratus suerim, unde ei fuisset suppeditata. Singulis ferè mensibus vestem novam sibi fieri curabat, & priorem cuius obvio donabat, sed ita conspurcatam, ut ego nunquam mibi dari petierim, neque ultro oblatam, ut gestarem, recepturus fuerim. In curandis ulceribus etiam deploratisimis miracula edidit, nulla victus prescripta aut observata ratione, sed cum patientibus suis dies & noctes potando ita eos, ut solebat dicere, pleno ventre tamen curavit. Praecipitati pulvere, Theriaca aut Mitbridatio aut Censorum sive Botrorum succo in pilulis redactò in omni morborum genere ad purgandum utebatur. Laudano suo (ita vocabat pilulas instar murium stercoris, quas impari semper numero in extrema tantum morborum difficultate tanquam sacram medicinam exhibebat) ita gloriabatur, ut non dubitavit affirmare, ejus solius usu se è mortuis vivos reddere posse; idq; aliquoties, dum apud ipsum fui, reipsa declaravit. Orare nunquam audivi neg, vidi, neg, curabat etiam Ecclesiastica sacra, sed doctrina Evangelica, quae tum temporis apud nos excelsi incipiebat, & à nostris concionatoribus serio urgebatur, non multum ab eo curabatur. Se aliquando Lutherum & Papam non minus, quam

Paracelsus pecunia prodigus.

Paracelsus in ulceribus curandis felix.

Paracelsi medicamenta.

Paracelsus sacra parvum curavit.

nunc Galenum & Hippocratem redaturum in ordinem minabatur. Neque enim eorum, qui hactenus in scripturam sacram scripserunt, sive veteres sive recentiores, quoniam scripturam nucleum rectè eruisse, sed circa corticem & quasi membranam tantum hærere. Et nescio quae alia nugabatur, quorum meminisse piget. Hæc Oporinus.

Neque saltem ista Oporinus scripsit: sed etiam sæpè aliis narravit, ut Thomas Erastus, disput. contra Paracels. part. 1. testatur. Imò idem refert & testatur D. Henricus Bullingerus, qui Paracelsum Tiguri novit, cujus literas citat Erastus, allegato loco. Ex omnibus, inquit, ejus sermonibus pictatis nihil intelligere potui; Magia autem, quam iste nescio quam fingebat, plurimum. Si eum vidisses, non Medicum dixisses, sed aurigam: & sodalitio aurigarum mirificè delectabatur. Ergo dum viveret hic in diversorio Ciconia, observabat advenientes in hospitium aurigas, & cum iis vorabat & perpotabat, ita nunquam vino sopitus, ut se in proximum scannum collocaret, crapulamq; edormiret. Breviter: Sordidus erat per omnia, & homo spurcus. Rarò aut nunquam ingrediebatur cæter sacros, & visus est res divinas leviter curare.

Heinr. Bullingeri de Paracelsi litera.

Narrat quoque Erastus, secunda parte disp. contra Paracelsum, Georgium Vetterum virum pium, doctum & industrium, ac Paracelsi perquam studiosum & amantem, & qui Paracelsi comes individuus fuerit biennio & tribus mensibus per Austriam, Transylvaniam aliasq; regiones eum sequens, ut Chirurgica, quæ

Georgii Vetteri de Paracelsi narratio.

tum solum profitebatur, ab eo doceretur, quiq; se plurima Paracelso debere profitebatur (ne forte ex odio aliquid commemorasse putetur) illum, inquam, Georgium Vetterū asseveratissimè affirmasse, Paracelsum Magiæ nefandæ perquam studiosum fuisse, & Cadocem nonem haud aliter, quam socium nominatè cõsuevisse. *Nihil magis*, inquit idem Vetterus, metui, quoties ebrius erat (erat autem frequenter), quàm ut agmen Diabolorum accerseret, quod se penumero facere voluit, speciem artis suæ editurus, sed à me rogatus omisit. Cum sobrium mone-rem, ut isthæc missa faceret, quod Deum graviter offenderet, quodq; ad extremum stipendium triste persolvere solitus sit famulus suis Diabolus: respondebat, se non multò post receptui canaturum esse. Toto tempore, quo apud ipsum vixi, neque Theologica, neq; Philosophica, neq; Medica, extra Chirurgiam tractabat.

Verum hæc mitramus, quæ satis docent, Paracelsum satis dissolutè vixisse. Quos Præceptores habuerit, nõ adeo certum. Henningus Scheunemannus quidem, in *Hydromantia Paracelsica*, cap. v. scribit, à Deo ter Opt. Max. Theophrastum Paracelsum edoctum scivisse, quicquid in rerum natura fuit scibile; & satis temerariè exempla Nabuchodonosoris, Abimelechi, Jacobi, Josephi, Magorum, Pauli, quibus Deus res occultas & futuras in somnio patefecit, allegare pro hac re audet. Verum enim verò verum quidem est, omnem sapientiam esse à Patre luminum, eamq; primo hominij in creatione fuisse inditam,

& postea etiam nonnullos à Deo immediatè circa res divinas & alia nõnulla eruditos fuisse: sed ordinarius modus ad sapientiam perveniendæ jam est, ut filij à parentibus, juvenes à senicibus, docti ab indoctis discant; ac qui ordinarium hunc modum rejiciunt, Deum tentant, & in diaboli insidias incidunt. Et an dogmata Paracelsi talia sint, quæ à Deo autore immediatè profecta sint, paulò post patebit. Ipse, lib. 1. de *Po-  
dagricis*, titulo de *Limbo*, Præceptores se habuisse negat: Chirurgiæ tamen magnæ, lib. 2. tract. 3. cap. 1. refert, se institutum fuisse non solum à parente Wilhelmo ab Hohenhaim, sed & Præceptores agnoscit Episcopum Scheid, Schettagensem, Erhardum, Episcopum Laventalensem, Episcopum Nicolaum Hipponensem, Episcopum Matthæum Schacht, Suffraganeum Frisingensem, Abbatem Spanheimensem & alios.

Ex quibus facile apparet, Paracelsum non in publicis Scholis, quas passim exagitat, & usuratâ via Medicinam didicisse, sed quicquid cognitionis in ea habuit, Chymicis libris & operationibus hausisse. Nam non solum antiquorum libri de Chymia extabant, Gebri, Avicennæ, Lullij, Arnaldi de Villa nova & aliorum; sed & circa illa tempora aut paulò antè eam excoluerunt, & scriptis illustrarunt Isaacus Hollandus, Basilus Valentinus & alij; & eo ipso tempore Chymia in Germania non adeo erat ignota, ut libri antiqui ante Paracelsum hac de re scripti tes-  
stant.

Paracelsus  
Magia  
Studiofus.

Paracelsus  
mentum.  
Chirurgus.

Paracelsus  
Præcep-  
tores.

Unde Pa-  
racelsus sua  
dogmata  
hausserit.

stantur. Magiam etiam tum quidam non solum Judæi, sed & Trichemius, Corn. Agrippa, & alii tractabant, à quibus & ipse procul dubio quædam hausit. Nam novarum & occultarum rerum nimis avidus, & nõ semper, quid & à quo disceret, satis cautus erat. Nam quales Præceptores habuerit, satis ex libro de Philosophia occulta, in fine, apparet, ubi hæc habet: *Medicus non omnia, quæ posse & scire debet, in Academijs discere & cognoscere potest, sed opus est, ut interdum vetulas, Zigeunos, Nigromanticos, Agyrtas, Seniores rusticos & similes adeat, atque ab ijs discat. Nam tales de malibus rebus (loquitur de morbis per Incantationem) plus habent cognitionis, quam omnes Academiae.* Et an satis prudenter vel rectè in *Præfatione Paragranii & in Thesaurò Alchymistarum*, scripserit: *se literas à Galeno ex inferno accepisse, & ibidè in Thesaurò Alchymistarum, se cum Avicenna in vestibulo inferni de suo auro potabili, tinctura Physicorum, quinta essentia, lapide Philosophorum, Mubridatio, Theriaca disputasse, quilibet judicare potest.*

Nonnulli, ut Bickerus, in *Hermetice redivivo*, decem annis in Arabia & vicinis regionibus vixisse, reversumque spoliis Orientis onustum occultam illam Magiam cum arte Spagyrica & vera Hermetis Medicina in lucem revocasse scribunt. Qui tamen cum Fratribus R. C. qui ipsi quoque Patrem & Fraternalitatis suæ Fundatorem artes omnes & sapientiam in Arabia præcipuè didicisse asserunt, historicis documentis pro-

bare debebant, floruisse tempore Paracelsi in Arabia bonas literas, atque Arabes Europæis tum bonis literis & artibus antecelluisse. Ipse verò, in *Præf. Chirurg. mag.* refert, se diligentem operam dedisse, ut verum Medicinæ fundamentum cognosceret, & cum multis ægros malè curari, multos nullo modo curari animadverteret, multa falsa in antiquorum scriptis reperiret, & pleurosque fortunâ potius, quàm arte curari videret, adiiisse multis annis Academias Germanorum, Itolorum, Gallorum, & Medicinæ fundamentum quæsisse; postea verò se non solum eorum doctrinæ, scriptis & libris tradere voluisse, sed porro peregrinatum esse in Hispaniam, Angliam, Marchiam, Borussia, Litvaniam, Poloniam, Ungariam, Walachiam, Transsylvaniam, Croatiam, Illyriam, aliasque regiones, & de Medicina percontatum esse non solum Doctores, sed & Chirurgo, Balneatores, Mulieres, Magos, Alchymistas, Monachos, Nobiles & Ignobiles. Et cum multum diuque de Medicina cogitasset, eam pro arte incerta habuisse & deseruisse, atque alia negotia tractasse: postea tamen rursus eandem in manus sumsisse.

Quæ quomodo inter se cohærent, & cum veritate consentiant, ego quidem non video. Nam cum natus sit circa annum Christi 1494. & circa annum Christi 1526. & aliquot annis sequentibus, paulò post ætatis annum 30. Basileæ vixerit

Paracelsi  
peregrina-  
tiones.

Paracelsi  
quo tempo-  
re natus.

& ibi docuerit, ut ex programmata & libro de Gradibus & compositione receptorum, item libris de Tartaro & urinarum judiciis & pulsibus apparet; & jam tūm libros Chirurgiæ confecerat; postea verò anno 1531. ut ex præfatione Paramiri, Sangalli scripta, apparet, vixerit; anno 1535. in thermis Piperinis, ut ex libro de iis scripto, tom. 1. pag. 116. videre est; Chirurgiæ magnæ dedicationem anno 1536. Augusta scripserit; anno 1537. Villaci vixerit, ut ex libris de natura rerum videre est; anno 1538. in Carinthia, ut ex Chronico Carinthiæ & defensionibus videre est; atq; ita ab anno ætatis 30. usq; ad annum 1541. in Helvetia, Alsatia, Carinthia, Austria, Moravia, Suevia & vicinis locis vixerit, & tandem Salisburgi 1541. ætatis 47. mortuus fuerit: necesse est, ut ante 30. ætatis annum 10. illos annos (si modò unquam in Arabia fuit) in Arabia transegerit; atq; ita non multò post annum ætatis 20. in eam profectus sit. Quod si verum est, quando ergo reliquum iter per Hispaniam, Lusitaniam, Angliam, Daniam, Sueciam, Litvaniam, Borussia, Poloniam, Ungariam, Transylvaniam, Walachiam, Illyricum, Croatiam, & ut in libro de vita longa habet, Finlandiam, Laponiam peregit? in quam præterea ætatem multi illi anni incidant, quibus Academiæ Germanorum, Italicorum, Gallorum perlustravit? quando bellis Venetiano, Danico & Belgico, ut Medicus, interfuit, & innumeras febres & 40. morbo-

rum genera curavit, ut in præfatione libri Hospitalis refert?

Et cum animum ad reformatam Medicinam adicere non potuerit, aut certè non debuerit (aliàs valdè temerarium factum fuisset, illud rejicere, quod quale esset, nunquam cognovisset) nisi prius antiquæ Medicinæ falsitatem & imperfectionem cognitam & perspectam habuisset; nisi in Anatomicis & in simplicium medicamentorū cognitione se exercuisset; vulgatam componendi medicamenta rationem vidisset; successum antiquæ Medicinæ in curandis morbis animadvertisset; quo ætatis anno ista didicerit, quom diu in Germaniæ, Galliæ & Italiæ Academiis vixerit, tandemque usitata doctrinæ & antiquæ Medicinæ pertæsus melioris discendi gratià longum illud iter suscepit, non ita facile conciliare est. Ut jam de eo nihil dicam, quando Græcam & Latinam linguam, Philosophiam, & alia futuro Medico necessaria adminicula didicerit; quæ judicii maturitas & perfectio in ea ætate esse potuerit, ut Medicinæ reformationem suscipere, & se Medicinæ Monarcham nominare valuerit. In primis si conjungantur ea, quæ habet in Chirurgia, in fragmento de morbo Gallico p. 649. non satis constat, quando Medicinam didicerit, cum ibi non discendi, sed Medicinam faciendi causa in Litvania, Borussia, Belgio se vixisse scribat. Ita eam habet eò loci. Jam diu inter nos hoc bellum agita-



tatur: expellebant me ex Litvania, Borussia, Polonia: non placebam Belgis, non Universitatibus, non Monachis, non Judæis. Imò cum omnibus adminiculis ad eruditionem destitutus fuerit, sicut testatur, in fragmentis tom. 1. p. 131. suam Bibliothecam non sex paginas continere, & 10. annis se nullum librum legisse: quæritur, quàm paratus ad reformationem Medicinæ accedere poterit.

Id ergo, si hæc omnia in omnem partem versemus, vero magis consentaneum est, & res ipsa testatur; Eum nullâ linguarum & Philosophiæ cognitione instructum, artem Medicam antiquam, quam nunquã satis cognoverat, reprehendere & reformare cœpisse, & experimentis saltem faciendis intentum fuisse, atque ea de causa tot loca pervagatum fuisse, & Agyrtas, Nigromanticos, & id genus alios frequenter consultasse.

Atque id satis ejus scripta testantur, in quibus nulla linguarum peritia, nulla antiquæ Philosophiæ cognitio elueet. ex. gr. p. 112. tom. 2. in interpretatione vocabulorum Synonymicorum, Cicatricans interpretatur, das da Blasen aufsteucht / Flammulam, Hanensuß / atque ipsemet in defensione secunda, scribit, se nihil curare, an Apoplexis vel Apoplexia, Paralysis vel Paralysis, Epilepsia vel Epilentia dicatur, susque deque se habere, an vocabulum sit Græcum, Arabicum vel Algoicum; solum in id se incumbere, ut origines & curationes morborum inve-

stiget. Quod etiam in suis scriptis passim observat. Et de caduco Matricis parag. 4. Logicam, quæ unica verum à falso discernere docet, Medico contrariam esse, & lumen naturæ impedire scribit. Cujus exemplum si omnes Medici imitarentur, nã! latissimam Barbariæ viam aperirent. Imò nec linguæ Germanicæ vel vernaculæ satis peritus fuit. Vix enim puto existare aliquem scriptorem, Germanicum, qui tam incitè, ut gravius nihil dicam, Germanicè scriperit.

Neque video quomodo famæ Paracelsi, quem supra omnes mortales extollere cupiunt, fabulosis narrationibus consulatur, qualem continet prologus cujusdam Valentini Antapraßi Silorani, qui tomo operum primo insertus est, & p. 476. continetur. In eo prologo scribit, quisquis fuit ille Antapraßus; Paracelsum libros suos Latina lingua scripsisse, eosq; in muro quodam occultasse, æque inde indicio famulorum surreptos esse, quos cum ipse nactus esset, imprimendos dedisse Latinos, hinc in 4. linguis versisse. Quæ omnia fabulosa sunt. Constat enim jam publicè, inprimis ex editione Joh. Huseri, qui minutissima quæque Paracelsi scripta conquirit, Paracelsum pleraque Germanicè scripsisse, & ex iis postea non pauca ab aliis in latinum conversa fuisse. Quod verò Cyperinus vel Cyprianus Flaenus, ut addit, in Italicæ & Gallicam linguam, Rebecus Rambæus in Græcam converterit, itidem fabulosum; cum nemo hominum istas

Paracelsum  
Logicam  
contemnit.

Paracelsi  
Bibliotheca  
16.

De Paracelsi  
judicium.

Paracelsi  
linguarum  
ignarum.

versiones unquam viderit. Eandem fidem meretur, quod idem scribit, quod Athenienses (quales vero viri docti jam Athenis vivant, notum) destructorem omnis erroris & magistrum veritatis; Hebrai alterum Rabbi Moſen; Monſpetienſes (quos tamen nunquam doctrinam Paracelſi amplexos eſſe, tam notum eſt, quam quod notiſſimum) alterum Hippocritem & novum Eſculapium; Graeci Monarcham perpetuum nominarint; quod Alexander Perſeus (ſed quis ille?) in quadam epiſtola (ſed quam illa?) ſcripſerit, Paracelſo eruditione aequalem nullum hominem natum eſſe; quod Puteus Benezevel (& quis iſte?) putarit Paracelſi doctrinam eſſe naturale Evangelium; quod in Medicina ſcripſiſſe eum 53. & in Philoſophia 235. libros reſerat Sabauſ Dacus; quod Tarbutus Ariſtolelem Paracelſo comparatum dixerit eſſe inſtar carbonum extinctorum ad accenſam lucernam. Talibus ſcilicet fabulis ad amplificandam Paracelſi famam opus eſt.

Paracelſi  
eruditio.

Verum quam eruditus Paracelſus fuerit, infra demonſtrabitur, ubi de dogmatibus ejus in ſpecie agemus: hoc ſaltem hic addimus; aſſentiri nos Crollio non poſſe, qui, in Praefat. admonit. ſcribit: neminem adhuc Paracelſi peritiam attingere, ne dum ſuperare potuiſſe, ut qui ſupra, quam credi poſſit, omnium ſcientiarum divinarum & humanarum abſolutam habuerit cognitionem, & de origine magnorum incurvabilium morborum a temporibus Noe ſolus ea ſcripſerit, qua ſuperiorum aetatum Medicorum nulli ne per ſomnium in

mentem venerint. Fidem majorem habemus ſacris literis & DEO, qui de Salomone, 3. Reg. 3. v. 12. teſtatur: *Ecce feci tibi ſecundum ſermones tuos, & dedi tibi cor ſapiens & intelligens in tantum, ut nullus ante te ſimilis tibi fuerit, nec poſt te ſurrecturus ſit.* Ideoque Paracelſum Salomoni non aequiparamus, nec eum omnium ſcientiarum divinarum & humanarum abſolutam cognitionem habuiſſe, perſuaderi poſſumus. Si enim tam ſapiens fuit, cur vitæ ſuæ modum habere non potuit? Nam qui proficit in literis, & deſicit in moribus, plus deſicit, quam proficit: etiam in trivio inculcatur. Et cum initium ſapientia timor Domini ſit, eum ne omnium mortaliſimum ſapientiſſimum fuiſſe credamus; quem Oporinus toto, quo cum ipſo vixit, biennio orare nunquam audivit, nec vidit; & qui ſacra Eccleſiæ non curavit? Et qui vel precibus vel ſacris aliis vacare potuit, qui totis diebus & noctibus ebrietati & crapulæ deditus fuit, & vix unâ atq; alteram horam ſobrius reperiri potuit? Monet quidem ipſe Paracelſus, in *Labrinth. Med. errant.* ex Apoſtolo, ut, qui ſapientiam deſiderat, eam quaerat apud Deum, & ſcribit, quod prima inſtitutio, & inquiſitio hujus Medicinae ſit, quaerere regnum Dei: Sed an ipſe hoc fecerit, ea, quæ haecenus dicta ſunt, perpendenti manifeſtum evadit.

Et quod abſolutam omnium divinarum & humanarum cognitionem non habuerit, abſurda quædam imò impia ejus dogmata teſtantur

Paracelſi  
abſurda  
dogmata.

Nam

Nam quis sanæ mentis credat, ea vera esse, quæ infra ex libris Meteor. afferemus? quis nisi amens sibi persuaderi patiatur, quod, *lib. Meteor. c. 3.* scribit, Noctem non ex absentia Solis, sed ex ortu stellarum nocturnarum, quarum fructus sunt tenebræ, provenire? quis credat, stellas quasdam habere se instar cucurbitarum & phiolarum, & suis concavitatibus continere Salem, Sulphur, & Mercurium, atque inde per operationem ætherei Vulcani per emunctoria ventos emittere, non secus, ut cum flatus in corpore humano generantur, & per inferiorem gutturem, seu, ut ipse Paracelsus loquitur, dum homo a sellat, excernuntur? Eiusdem absurditatis est, quod, *eod. lib. c. 6.* statuit: pluvias non generari è vaporibus è terreno globo in altum sublatis, sed esse quasdam stellas, quarum fructus sint pluvia. In iis, ceu olla, operari Vulcanum & Archæum, ac tum ex ipsis stellis prodire fumum æthereum seu nubeculam, quæ postea in pluviam mutetur: ut miram ejus de pluviarum generatione Philosophiam, loco alleg. videre est. Ridiculū quoque, quod, *lib. 1. meteor. c. 10.* scribit: Stellas se purgare cum æstivas tum hybernas non per fulgura, sed per corpora, quæ excernunt, quæ stellas cadentes vocant: Causa est, inquit, quod alimentū habent in firmamento, quod est elementū, à quo sustentantur. Nihil enim est creatum, quod non quotidiano alimentō egeat, ut homo. Ex quo consequitur, ea ex suo elementō edere & cibum capere.

Jam quod cibo & potu servatur, excernentia quoque, gignit Aluntur autē igne solo, sicut homo terra, ex qua natus est. Ex igne igitur suam essentiam extrahunt: sicut homo carnem & sanguinem ex terra sumit. Quod transmutari in essentiam nequit, excrementum fit. Non minus est absurdum, quod, *lib. 1. Meteor. scribit*; Irides etiam à suis stellis generari, & quidē ad earum generationem 40. septimanas requiri, & plurimas generari, sed non omnes conspici. Nam requirere Iridum generationem temperatam aëris constitutionem, idēque si iridis alicujus generatio incidat in talem temperatam constitutionem, absolvi & perfici Iridem, si verō in frigidum tempus incidat, à frigore in ipsa generatione destrui; contra in magno æstu exsiccare & comburi. Qualia absurda & ridicula dogmata qui cognoscere cupit, legat libros Meteor. & alios passim, atque inter eos librum de generatione stultorum, in quo non homini hominis generationem tribuit, qui scilicet non plus ad hominis generationem conferat, quàm rusticus, qui triticum seminat, ad tritici generationem, sed Vulcanocuidam, in cujus absentia discipuli artis hominem fabricandi nondum satis periti stultum efficiant: atque fabros illos non immortales, sed brevissimæ vitæ statuit. Verum opera pretium non putamus, nugis talibus & ridiculis & impiis chartas replere. Quæquam nihil tam absurdum aut ridiculū dici poterit à Paracelso, quod non affectu ejus quasi

mytho

mysterium admirentur. Non enim hoc genus hominum, quid dicatur, & an cum ratione vel experientia consentiat, attendunt: satis est, si à Paracelsò vel Paracelsista profectum sit. Exemplum ejus rei præbet Crollius (ut de aliis jam non dicam) qui de signaturis internis rer. ridiculè planè scribit: *Vitalis Spiritus seu vita in musculis formà refert Animam balæcis, ut loquuntur, seu argentum argento vivo super inductum: ubi in sanguine refrigit, evanescit, punctim vel casim vulnerato, ubi in sanguine profluente apparet, sine mora patienti in potu exhibetur, non sine manifesto juramento.*

Paracelsi  
impia dogmata.

De homunculis.

Ex his ergò satis patet, eum plurima absurda statuisse. An verò impia dogmata non sparserit, ex his patebit. *Lib. 1. de rerum natural generatione, docet, & modum quoque proponit, quo sine patre & matre, artis Chymicæ beneficio, homunculus generetur; atq; hoc secretum maximum esse dicit, quod tamen jam olim Pigmæis & Gigantibus non incognitum fuerit, utpote qui talem originem habuerint. Nam ex talibus homunculis, ubi ad virilem ætatem pervenerint, fieri Pigmæos & Gigantes. Atque tales omnia arcana scire, quæ alii homines ignorant. Nam cum arte vitam & corpus acceperint, artem & scientias ipsas illis connatas esse, nec opus habere, ut eas discant. Quæ de generatione stultorum & eorum, fabris scripserit, in peculiari de ea re libro, ut modo dictum, legat, qui volet. Lib. 1. Philosophiæ Sagaciæ c. 2. statuit, homi-*

De hominibus in

nes in novis Insulis non esse procreatos ex Adamo nostro primo parente, neque nobis sanguine conjunctos, sed ab alio quodam Adamo progenitos esse. Cujus notæ sint ea, quæ, in libro *Azoth seu de Ligno & Linea vite*, habet, cuilibet sine affectu judicanti considerandum & judicandum permittimus; Ut alia omittamus, scribit, *ejus libri cap. 2.* Paracelsus, Adamum & Evam ante lapsum non habuisse testes, renes & uterum, & omnino membra genitalia, sed ea post lapsum accepisse, sicut Carinthiis è potu aquæ nivalis strumæ crescunt; imò nec membra nutritioni dicata, nec dentes habuisse concedit, hominemque post lapsum pro monstro habet, & conceptionem humanam, quæ post lapsum fit, monstruosam appellat. *Ibidem*, Christum non assumisisse corpus, quale primi parentes habuerint, & nos post lapsum habemus, sed corpus suum per Spiritum Sanctum, ex cœlesti Aquastro accepisse. Verba Jehovæ: *Non est bonum, hominem esse solum, faciamus ei adiutorium*, non de Eva, sed de Christo explicat. Verbum Domini in creatione mundi & Adami latum fuisse in aquis, & aquas fuisse semper Paradisi, & quæ alia de verbo & Spiritu Domini. *p. 530. & seq.* habet. Lapsum primorum parentum & restitutionem hominum in fabula illa de Melosina contineri scribit. Sicut & fabulam illam Fortunati de lapsu primorum parentum explicat. Sutures capitis, quæ literâ T referunt, inverso & contrario modo in femina & ma-

De primorum parentum corporibus ante lapsum.

De Christo carne.

De Lapsu primorum parentum in fabula Melosina & Fortunati.

& mate se habere, easquæd Diabolo provenire scribit. Johannem Baptistam in deserto summitates arborū tenellas melli sylvestri immerfisse & comedisse; verum Angelicè comedisse in ore, non in ventriculo narrat. Neque enim alvum reddidisse. Christum in deserto, postquam 40. dies jejunasset, esurientè non appetivisse terrenum illum panem, sed poculū, quod cum discipulis in ultima cœna bibiturus fuit, statuit. Adamū in arbore sive creatum esse sive creviffe scribit, sicut anferes illos in Scotia, pag. 536. & pag. 540. Atque alia de Adamo, Eva, Virgine Maria absurda plurima eodem loco habet, quæ hic recensere operæ pretium non est.

De Adamo

Neque ista, quasi ex Mose hausta sint, palliare potest: cum talia in Mose non existent; Mose etiam in physicis parū, & vix plus, quam Galenus, tribuat. Ita enim de eo scribit, *in fine allegati libri*: Moses donum intelligentiæ particulariter habuit, non totum. Nihil enim scribit de proprietate, qualitate, prima materia limbi æterni & limbi elementorum, sed saltem de materia terræ, è qua homo; & tamen saltem una parte: triū partium, Aeris, Aquæ, Ignis non facit mentionē. Non enim Moses fuit Physicus, sed à Deo vocatus, ut esset Dux sui populi. Ideoq; ejus descriptio Laicis planè obscura est: Et Physic9 valdè infirmis fundamentis niteretur, si textu Mosis sine explanatione fidem haberet, imò rem ridiculam ageret.

Paracelsi  
de Mose  
judicium.

Hic meritò quæritur, si neq; ex sa-

cris literis suam de creatione mundi & lapsu primorum parentū & mundi systemate sententiā hausit, neq; eā ullibi rationib; vel experientiā probavit, unde eam acceperit? atq; in primis unde illa opinionum portenta de Melosinis, Diemeis, Durdalib; Neufarenis, Lorindis, Nesderis, Gnomis, Lamiis, Nymphis, Syrenibus, quæ lib. 1. de Philof. ad Atheniens. t. 13. & alibi proponit, hauserit.

Paracelsi  
nobis crea-  
turas in-  
troducit.

Non meliora habet in aliis libris. Libro de Caducis par. 3. scribit; Adamum cognitionem, artes & lumen naturæ in Paradiso non habuisse; sed dum expelleretur è Paradiso accepisse. *In libro principiorum, seu de mysterioris vermium, c. 1. tom. 1. p. 1088.* scribit; Adamum ante lapsum lucis naturæ expertem fuisse, nec creaturarū Dei notitiā habuisse; summè verò peritū in luce naturæ evasisse post lapsum, ejusq; divina providentiā, causam & quasi magistram fuisse serpentem: Deumq; altiora & majora secreta serpenti in creatione, quàm ulli animali vel viventi creaturæ concessisse. Ideoq; non immeritò lapsum per serpentem accidisse. Deum n. benè novisse, quod serpens habitaverit ad arborē, quā tam severè prohibebat. *Eodem in lib. c. 2.* Techellum illū infamē Magū valdè laudat, & à malè feriatis sophistis (Aristotelicos & Galenicos intelligit) libros ejus malè suppressos, & vulgo è manib; ereptos esse scribit. *In Philosophagaci 1. 2. c. 3.* scribit: Mariam non ex Adamo fuisse, sed ex Abraham; non ex catne Adæ, sed ex carne promissionis. Atque ita

Paracelsi  
laudat  
Magos.

nec Christum ex Adamo carnem assumisse concedit.

Mira quoque de morte & resurrectione mortuorum habet, *Philosophie Sagacis, lib. 2. cap. 1. p. 432. in fine*, dicit, Deum mortem creasse. *Pag. 432. seq.* explicans locum Jobi, *In carne mea videbo Deum meum*, duo genera carnis in terra constituit, unum ex Adamo, alterum ex nova nativitate per Christum. *Caro, inquit, ex Adamo Deum non videt, Caro verò ex nova nativitate per Christum Deum videt.* Et cap. 3. *Caro & sanguis ex Adamo in regnum celi non ingrediuntur. Nihil enim calum ingreditur, nisi quod ex calo est. Caro autem Adami est ex terra. Ergo calum non ingreditur, sed in terram revertitur. Est enim mortalis. Nihil verò mortale calum ingreditur. Caro non prodest quidquam. Ergo non venit in calum. Est plena omnium vitiorum, nec purificari aut glorificari potest, sed opus est, ut tota ab homine separatur, quod in morte accidit, quæ tollit carnem ab homine. Sed quia homo carne ab Angelis differt, Christus ipsi novam carnem dedit, & carnem illam Filius condidit; & Filii creatura calum ingreditur, Patris non item respectu carnis.* Et in seq. satis clarè innuit carnem à Christo assumptam non esse carnem Adami, neque virginem Mariam ex carne & femine Adami esse. Et c. 2. expressè scribit: *Ex Adami carne Christum natum esse, non aliter accipiendum esse, quàm quod dici potest, de eo, quod in vas aliquod infunditur. Hoc enim dicitur, ex vase quidem esse, sed non de vase. Spiritum item mundi Filium Dei*

conspicuum nominat: Quam tamen impietatem Paracelsi laudat Crollius, & in *præfat. p. 45.* scribit; unicum Paracelsum Mosaicæ & viventis Philosophiæ discipulum Verbum incarnatum in creaturis reperisse; cum tamen sacra litera Verbum Dei conspicium & Verbum incarnatum nullum aliud admittant, præter Filium Dei in humanitate patefactum. Ac plura ejusmodi, *citato c. 2. & 3.* legi possunt: quæ omnia talia sunt, ut facile evincat, falsissimè à Crollio scriptum esse, Paracelsum absolutam divinitatem & humanarum rerum habuisse scientiam. Rectius Quercetanus, in *responsione ad Aubertum*, scribit: *Paracelsum quod attinet, mihi nequaquam proposui ipsius Theologia patrocinium suscipere, neque ipsi in omnibus adspirari unquam cogitavi.*

Neque hæc aliquam interpretationem admittunt, quod scilicet idè dicat, quod Paulus *1. Cor. 15.* carnem & sanguinem non posse hæreditatem cæli habere, id est, carnem, quam ex Adamo accepimus, non posse ad hæreditatem cælestem admitti, antequam supernè sit regenerata. Expressè enim scribit, corpus mortale nullo modo glorificari posse, sed in morte totum ab homine separari. Paulus verò, *loco alleg. v. 53.* scribit, *dei τὸ φθαρτὸν τὸ σὸ ἐνδύσασθαι ἀφθαρτῶν, καὶ τὸ θνητὸν τὸ ἐνδύσασθαι ἀθανάτων.* Ita licet Dornæus, in *admonitione ad Eusebium*, scribat, Paracelsum saltem de Virginis Mariæ regeneratione locutum, esse, quomodo scilicet, *Job. 1.* dicitur, *Filius Dei*

Dei

Paracelsus  
de resurre-  
ctione mor-  
tuoꝝ.

De carne  
Christi.

Dei non ex sanguinibus, neq; ex voluntate carnis, neq; ex voluntate Viri, sed ex Deo nasci: tamen si diligenter loca allegata inspicimus, ista explicatio admitti non potest. Si enim hoc semel tantum dixisset, facile in bonum sensum trahi posset: Verum toties expressè affirmat, hominem habere duo corpora, mortale seu terrenum ex Adamo, alterum cœlestes; ejusq; mentem non esse terrenum hoc corpus regenerari & immortale fieri, quilibet candidus lector facile animadvertet.

Verum plura de his, cum ad Medicinam non pertineant, non addo: Prudenti sat dictum. Qui plura hac de re cognoscere cupit, legat Erasmus, *disp. 1. contra Paracelsum p. 244.* & seqq. aliquot. & *ibid.* p. 24. Ubi septem horrendarum blasphemiarum reumperagit Paracelsum. Primò quod fingat cum Ario & Photino, Verbum, quo Deus creavit universa, aliam à Deo essentiam habere, creatum esse & corruptioni adeoq; Dei judicio obnoxium. Deinde quod ponat plures Deos tales, per quos summus Deus hunc mundum architectatus fuerit. Tertio quod neget palam Christum esse creatorem, dum eum facit separatorem, & quidem sociis ei additis pluribus. Quarto quod neget Adamum creatum fuisse à Deo perfectum in principio, sed consummatum ipsum asserat, *in lib. de vermibus*, ab esu pomi, hoc est, Diabolo, qui per pomum omnem suam sapientiam in hominem transferit. Quintò quod contendat

hominem non fuisse eum libertate voluntatis creatum, sed cogi à creatoribus illis ad mala & scelera. Sextò quod adimat Christo potestatem judicandi. Demùm quod faciat Christum peccatorem, quiq; nobiscum cogatur expectare sententiam Dei in extremo judicio. Videatur etiam Conradi Gesneri *epist. l. lib. 1.*

Quales autem in rebus physicis & medicis ejus opiniones sint, paulò post videbimus. Jam quid in Chymicis & curando præstiterit, quæ laus ejus præcipua est, & ob quod tantam famam adeptus est, paucis dispiciamus. Et principio quod transmutationem metallorum attinet, in ea Paracelsum aliquid præstitisse, negandum non est. De eo enim, *in epistola*, Oporinus ita scribit: *Pecunia erat prodigus profusus, & eâ ita sepe destitutus, ut ne obulum quidem ei superesse scirem.* *Craftino statim rursus crumenam bene instructam se habere ostendebat, ut non raro admiratus fuimus; unde ei fuisset suppeditata.* Deinde aurum fecisse Paracelsum ex plumbo & argento vivo Michael Neander testes producit *in sua Geographia* tum publicos tum privatum, quendam Franciscum, cujus etiam epistolam affert, quam & And. Libavius, *libro 2. defensionis Alehymie transmutatoria contra Guibertum*, inseruit. In ea ille Franciscus, annorum tunc 72. pietate, doctrinâ & opibus dignitateq; in Bohemia præstans, qui adolescens per semestre Basileæ cû Paracelso familiariter vixerat, scribit; Jussisse aliquândo Paracelsum pecuniâ destitutum,

*Paracelsus in modo modo qualis.*

*Paracelsus aurum confecit.*

tutum, dato floreño Rhenano, ut ex Pharmacopolio libram Mercurii peteret. Quo allato Paracelsum quatuor lateres in foco composuisse, Mercurium in catinum injecisse, ignemq; excitasse. Postea cum inciperet Mercurius fumare, dedisse Francisco huic globulum, ac jussisse, ut pyraga prehensum parumpet in Mercuriũ demergeret, donec liquesceret. Hinc aucto igne utrumq; in hypocaustũ rediisse, reverbosq; post dimidiam horam aurum in catino invenisse. Hinc catino fracto jussisse Paracelsum, ut Franciscus aurũ istud ad aurifabrum, qui habitabat super Pharmacopolium, deferret, & pecunia permutaret. Aurifabrum pondere cognito ad stateram (erat autem librale minus semiuncia) crumenam ex serico plenam aureis Rhenensibus detulisse, & Paracelso mississe. Medicamen autem, quod in catinum immergebat Franciscus, erat globulus mediocris, avellanæ instar, inclusus ceræ rubræ signatorix. Quæ res autem intus fuerit, se ignorare scribit iste Franciscus, & qua re id præstitit, & an illam Medicinã ipse præparaverit, an aliunde acceperit, non satis liquet. Ewaldus Vogelius, Belga, in præfat. in librum de Lapidis Physiçi conditionibus, ita de Paracelso scribit: *Paracelsus fortè æquo jactantior solus est, qui veterem processum inventionibus suis se progressum gloriatur, & paucissimis verbis, usque obscurissimis, & supra modum ambiguis intentionem divinari magis, quam cognosci maluerit.* Et paulo post: *Quin imò asse-*

*venare ausim, Paracelso Philosophorum lapidem nunquam innotuisse, eumque nec Raimundi Lullii, nec aliorum hujus artis doctorum scripta intellexisse. Quod meum judicium præter rationes certas, quibus ut id credam, adducor, confirmavit epistola quapiam sua mihi vir illustri genere natus, cujus Pater Paracelsum familiariter noverat.* Et videtur hoc probabile: Si enim lapidem Philosophorum habuisset, & quoties liberet, tingere potuisset, non ita invehetur, tom. 1. p. 132. in Philippum, Marchionem Badensem, eumq; ingratitude solus ob mercedem pactam non solum tam acerbe non accusaret.

Quantum verò ad medicamenta Chymica, multa eum ex tenebris in lucem prduxisse etiam negandum non est. Utinam sine invidia id præstitisset, & qualia acceperit, bonâ fide nobis communicasset. Nam dum anriquos omnes etiam Chymicos præ se contemnit, se valdè suspectum reddit. Ego quidem, ne iniquior in ipsum esse videar, hic eum non accusabo: illud tamen tacere non possum, quod Bernhardus Penotus, inter Chymicos hujus seculi non ignotus, de eo scribit, in fine libelli de denario Medico. Si, inquit, extarent Job. Isaaci Hollandi opera, & in lucem mitterentur, Paracelsi opera sepelirentur. Hic ipse Isaacus Hollandus ille est, de quo Paracelsus vaticinatus est dicens: *Et veniet post me Elias Artista, qui abdita rerũ patefaciet. Prævidebat Paracelsus, Isaaci opera tandem fore manifesta, & perventura ad manus doctissimorũ*

*Paracelsi  
medicamenta  
Chymica.*



virorum. Et post: Cum incidissem in Isaaci librum de opere vegetabili, reperi de verbo ad verbum doctrinam de tribus principiis, & de separatione quatuor Elementorum ab eo desumptam. Unde constat, illum præcipua sua opera suffuturatum fuisse, atq; hinc inde expiscatum; ut de gradationibus Medicinarum ab Arnoldo; Archidoxa, à Raimundo Lullio ex sua arte operativa; de arcanis à Rupeccissa; nihil prorsus à seipso, præter quam conditicia & maledicta: à Tritemio varia. Si quis attentè Arnoldum legerit & Raimundum in arte operativa, animadvertet Paracelsum istorum virorū truncasse, & sibi vendicasse scripta. Legite Lanfrancum, animadvertetis Paracelsum ab eo suam Chirurgiam desumpsisse. Cur non citat Arnoldum c. de Paralyti, de Galbaneto suo descripto lib. de morbis Tartareis? Hæc Penottus. Quibus etsi per omnia fidem non habeam, & Paracelsi scripta autoribus istis collata non ubiq; respondeant: omnia tamen non sunt de nihilo; ut allegatos auctores legenti patet. Et Joh. Crato, ad Erastum, ut videre est, part. 4. dist. Erast. contra Paracelsum, ita scribat: Remedia, quibus aliquando usus esse dicitur, non illius esse, ex eo certus sum, quod librum vidi ante 200. ferè annos à Monacho quodam Ulmæ scriptum, in quo eadem medicamenta, quæ ille frustulatum nunc in has nunc illas chartas sparsit, perspicuè scripta erant. Et Andernacus Chymicæ studiosissimus, tom. 2. pag. 651. scribit: Fateor sanè Theophrastum Paracelsum insignem Chymicæ Magistrum præclaram multa in suis libris prodidisse: sed contra hoc do-

lendum censeo, quod non pauca vana & falsa ijs miscuit; ne dicam, quod optima quæque sic obscuravit, ut nemo vel paucere fructum aliquem ex illorum lectione percipere possint.

Quantum verò ipse ægros curando præstiterit, non eadem omnium est sententia. In Epitaphio ipsi tribuitur, quod dira illa vulnera, Leporam, Podagram, Hydropisim, aliq; insanabilia corporis contagia mirificè arte sustulerit. Et Oporinus, in Epistola, ipsi mirabilem faciendi medicinam, in omni morborum genere promptitudinem & felicitatem tribuit, & quod in ulceribus etiam deploratissimis miracula ediderit, nullaq; ratione victus præscripta aut observata; sed cum patientibus suis dies & noctes potando eos pleno, ut solebat dicere, verè curaverit. Ac Franciscus ille, in Epistola nuper all. gata, scribit; quod cum mulier quædam eum accessisset, virum suum graviter decumbere conquerens, adeo, ut metueret, ne instante nocte decederet, responderit: Vir tuus cras tecum prandebit & convalescet, idque præstiterit propinato pulvere quodam albo in calido vino ad sudorem: quod Leprosos, Hydropicos, Epilepticos, Podagricos, morbo venereo infectos sanavit.

Quibus autem medicamentis usus fuerit, si quæratur, ipse quidem, lib. de Tinctur. Physicorum cap. 7. scribit: Se tincturâ Philosophicâ curasse morbum Gallicum, Leporam, Hydropem, dolores Colicos, & pople-

Paracelsus quos morbos curaverit.

Quibus medicamentis Paracelsus usus fuerit.

xiam, Esthiomenon, Cancros, Fistulas, omniaque mala interna. Fides sit penes auctorem. Alii plerique Mercurjalibus Medicinis ipsum usum esse existant. Franciscus ille, in *Epistola*, pulverem Hydroticum, quo virum illum citò curavit, album fuisse refert. Oporinus testatur, ipsum pulvere præcipitati Theriaca aut Mithridatio aut Cerasorum vel Botrorum succo in pilulas redacto in omni morborum genere ad purgandum usum fuisse; Laudano, quod forma pilularum parvarum impari semper numero extrema tantum morborum difficultate tanquam sacram Medicinam exhibuit, ita gloriatum fuisse, ut non dubitarit affirmare, ejus solius usu se esse mortuis vivos reddere posse, idque aliquoties, dum apud ipsum fuit, re ipsa declarasse. Refert quoque Thomas Erastus, *parte 4. disput. advers. Paracelsi. pag. 301.* Medicum quendam doctum & Chymia peritissimum, & qui omnem diligentiam adhibuerit, ut posset verum à falso hac in parte discernere, postquam Chirurgiam Paracelsi legisset, judicasse, Paracelsum omnes morbos solo Mercurio sublimato & calcinato curare voluisse, ac ne id animadverteretur, variis nominibus appellasse. Et omnino medicamenta violenta fuerint necesse est, si verum est, quod Erastus, *disput. contra Paracelsi. part. 3. p. 211.* scribit: *Qui Paracelsum, inquit, familiariter noverunt, & quantum in medendo præstitit, cum judicio animadverterunt: curationis ei ulcerum maligno-*

*rum & difficilium laudem non denegant, at aliorum morborum curationem non concedunt. Vivunt hodie Basilea viri doctri & prudentia ornatissimi, qui nihil verentur affirmare, omnes intra anni spacium interiisse, quicumque ejus medicamenta venenosa intra corpus sumfissent. Frobenium visus est primum curavisse, sicut alios quosdam etiam: sed res postmodum Erasmum aliosque docuit, quam periculoso curationis genere uti solitus fuerit. Usurpant enim pharmaca isti homines illis prædita viribus, quibus magna violentia cogunt naturam, vitiosos humores exturbare, sed interim ita vires debilitant, & tam maligna post se venenata sua conditionis vestigia relinquunt, ut nec illa se recolligere, nec impressas veneni reliquias abstergere possit. Et parte 4. pag. 253. testem hujus rei citat Theodorum Zwingerum, qui, in præfatione, quam libris Santis Ardoyni de venenis præfixit, ita scribat: Multi, quibus pharmaco hoc suo benedicto (Laudanum intelligit) dolorem omnem exemerat, non multo post per caloris nativi suffocationem & extinctionem interierunt. Vivunt etiamnum viri dignitate, virtute, pietate & doctrina præstantes, qui ad unum omnes intra anni spacium diem suum obiisse affirmant, quicumque Basilea pharmaca Paracelsi intra corpus sumfissent. Unde etiam Oporinus, in *Epistola*: Internorum verò affectuum curationem sic administravit, ut nullo in loco ultra anni spacium herere potuerit, quod ipse dicere solitus sit, anno amplius non posse suas artes in uno loco durare. Nimirum in violentorum istorum remediorum usurpatione*

id usu venire solet, quod illis accidit, qui ad fructuum maturationem arborum fructibus maturam admovent, qua fructus quidem citius maturantur, sed arbor perditur.

Paracelsus  
Chirurgus.

Sunt ergo non pauci, qui, ut ex Erasmo dictum, ei ulcerum difficilem curationis laudem non adimunt: tanta tamen in aliis morbis, Hydrope, Podagra, Lepra, Epilepsia & similibus curandis præstitisse, quanta vulgò de eo prædicantur, non concedunt, multò minus quod omnes morbos curare potuerit; idque non obscuris documentis probant. Primò enim affert Erasmus, *part. 3. disput. contra Paracels.* Domini Doctoris Marci Recklau, Illustrissimorum Principum, Elector. & Palatini Rheni Domini Ottonis Henrici & Domini Frederici testis oculati Epistolam, in qua, præter alia etiam, hæc scribit ad Erastum: *Cum inter sermones tussire eum (Paracelsum) ex Catarrho animadvertissem, ac virum Medicum affectus tales dedecere obiter dixissem, sublatò poculo; Nisi hoc esset, vinum digito monstrans, respondit.* Et postea: *Verbum ex eo latinum extorquere nullum potui.* Et Mox: *Monaçi ab aulicis deductum ad virum nobilitate insignem cognomento Monachum, qui tunc Ducis Bojarie culine præfectus erat, illum tum Ducis Medici, Doctor Pantaleon & D. Alexander Carreuserus haud infeliciter decocto ligni curabant, ut manifestè jam inclinaret morbus.* At his dimissis tota curatio Theophrasto commendatur. *Et in cu-*

Historia  
curacionũ  
Paracelsi  
carũ felici-  
cium.

ram recepto, mox unguento ex hydragyro (quod ei Johannes Voigt, Scholæ Paracelsicæ discipulus, Augußæ tum habitans, mihi probè notus concinnaverat) persanare tentavit. Verum Paracelsus cum agrum jam morti proximum videret, pridè quàm moreretur, Monaco clam summo mans profugiens in Austriam descendit.

Operæ pretium etiam fuerit, quia in omnium manibus non est, Epistolam Medici Clarissimi, Joh. Cratonis, trium Imperatorum Romanorum Archiatri, quam ad Thomam Erastum scripsit, *ex 4. disput. contra Paracels. parte,* afferre. Ita autem ille: *Die 25. Maii ad 1570. cum Praga in cubiculo Casaris convenissent Medici, videlicet Doctor Julius Alexandrinus, Ego & Nicolaus Biesius, accessit nos Generosus Baro Dominus Bertoldus à Leippa, Marschallus Regni Bojemie, Cæs. Majestatis Consiliarius & Camerarius, ac cum de Medicis sermo esset, agebat: Paracelsum, cum primò de ipso esset pervergulatum, posse ipsum curare Podagricos, à parente suo, Domino Johanne à Leippa, Marschallo regni Bojemie, maximis sumtibus ex Helvetia evocatum. Laborasse autem Dn. Johannem per intervalla, neque usquam diu lecto affixum fuisse. Hæsisse autem Paracelsum serè per biennium Cromavie, & varia medicamenta adhibuisse, & parentem suum planè arthriticum reddidisse. Dominum Bertoldum etiam, cum leviter oculus affectus fuerat, ita curavisse, ut ne nunc quidem eo oculo videas.*

Accersitum tum ad nobilem inprimis feminam, conjugem Domini Baronis, Johannis à Zerotin, filiam generosi Domini à Bernstein, quæ neg. valde egrotavit, cum ventris tormina haberet, neg. Epileptica unquam fuit. Huic verò cum Paracelsus quaedam medicamenta dedisset, Epilepsia correptam fuisse, & supra 20. paroxysmos passam eodem die exspirasse. Paracelsum reversum Cromaviam carvasisse quedam, & in Ungariam profugisse: parentem etiam non multo post doloribus summis confectum vitam cum morte commutasse. Et mox addit: Imperatorem, quem à maledicentia & falsitate alienissimum fuisse, sciunt omnes boni, Paracelsum mendacissimum & impudentissimum impostorem, qui cum doctis hominibus nunquam conversari voluerit, nominasse. Et tandem: Audivi etiam ab ijs, quibus in Pannonia & Austria notus fuit, perpaucos & nullos ferè eum curasse.

Et in specie quosdam morbos quod attinet, eam, quæ illi tribuitur à quibusdam, laudem desperatorum morborum curatorum alii non concedunt. Nam in Podagra quid effecerit, ex epistola Cratonis modò allegata apparet. Quantum ad Leporam, non jam dicam de eo, quod Palmarius & alii quidam ei objiciunt, cum scabiem aliquam fædiorum pro Lepora habuisse: illud dubium negotium reddit hoc, quod, *Philosophie Sagacis, lib. 2. cap. 8.* scribit: Sunt quidam morbi, qui non sunt à natura, ut Lepora & omnes ejus species. Qui has curare cupit, querat remedia non in natura, sed in cælo. Ibi enim po-

testas hæc sita est. Et si verò aliquis hic pro Paracelso respondere posset, licet per media naturalia non curari possit lepra: (quod suo loco relinquimus) per Medicinam cœlestem, adeptam, quam vocat, curatam fuisse à Paracelso: tamen in contrarium militat, quod, *lib. 6. Paragraphorum, cap. 8.* in curatione lepræ nullius Medicinæ cœlestis, sed naturalis mentionem facit, Auri scilicet & Argenti. Dubios etiam nonnullos reddit id, quod in remediis ad Epilepsiam, tam varius est. Nunc enim curationem Epilepsie pollicetur per Helleborum nigrum, nunc per Antimonium, nunc per liquorem Auri, nunc per Coralliorum tincturam, nunc Vitriolum, nunc sanguinem humanum præparatum, nunc cranium humanum. Putantq; Paracelsum, hinc inde accepta remedia promiscuè memoriæ gratiâ in chartam conjecisse, ut successu temporis occasione oblata singulorum periculum faceret: nescivisse tamen, cui præ reliquis fideret. Atque cum hoc consentire videtur ipsa Paracelsi vitæ ratio, quæ talis fuit, ut tam insignem in tot desperatis affectibus peritiam habere non potuerit. Et quomodo illi omnium morborum curatio adscribi potest, qui se ipsum curare non potuit, sed non solum, diu autem mortem convulsus contractusque vixit; verum etiam vitam, quam aliis longam pollicitus est, ultra annum 47. producere non potuit. Nam nullius momenti est, quod Crollius scribit, ipsum veneno ad-

Paracelsi  
mors.

An Paracelsus de-  
spectos  
morbos con-  
tulerit.

versariorum sublatum, qui diu per naturam & artem suam vivere potuisset. De fide enim istius relationis, quæ nullo teste nititur, non satis constat: & probabilius est, eum mortem præmaturam sibi crapulâ & ebrietatē attraxisse. Sit verò, quod veneno perierit: certè universalis Medicinæ laudem ea non meretur, quæ venenis resistere nequeat. Neque venena inter casus violentos, à quibus nulla Medicina præservare potest, simpliciter referri possunt: cum remedia dentur, quæ & à venenis præservant & liberant: ac meritò illa universalis Medicina, si eam habuit, ab omni veneno Paracelsum præservare & liberare debuit.

Quæ omnia, ut hoc caput concludamus, quæ hætenus in partem utramque prolata sunt, diligentius & sine præjudicio si pensitemus, aliter judicare non possumus, quàm Paracelso ingenium atque animi impetum non defuisse, & si cum talibus ingenii dotibus linguarum, Philosophiæ, & Hippocraticæ ac Galenicæ Medicinæ solidam cognitionem sibi comparare, & hæc demùm cum Chymicis conferre voluisset, eum rem Medicinæ utilè præstare, & magnum inter Philosophos & Medicos nomen sibi comparare potuisse. Verum neglecto linguarum studio & accuratore Philosophiæ cognitione, ipsum, salebris quibusdam & sentibus, quæ eo seculo in Medicina occurrebant, offensum; novam planè viam quæsisisse;

quæ proprio impetu & ductu invenerat vel in Chymicorum libris legerat, multò latius, quàm res ipsa pateretur, dilatasse, & suo tantùm ingenio ac viribus fletum antiqua omnia & artem medicam antiquam, quam nunquam satis cognoverat; subvertere conatum esse, & tamen quibus rationibus sua firmaret vel aliena destrueret, parùm sollicitum fuisse. Cum enim vel libros aliquot rariores Chymicos vel præceptores nactus, aliqua medicamenta Chymica efficaciora cognovisset, eorum fiduciâ veterem Medicinam spernere, & satis impudenter sibi Monarchiam Medicinæ & omnium artium arrogare cæpit. Et cum ex Chymicorum, qui ipsum antecesserant, & Magorum libris & conversatione quasdam opiniones hausisset, reliquos verò libros negligeret, & per integrum decennium alium nullum librum legeret, & suis tantùm opinionibus indulgeret: tam absurdas in Theologia, Philosophia & Medicina opiniones, nullis rationibus adductis, sed quasi Dictator & Imperator rei literariæ, promulgavit, & pleraque ita confusè & ineptè scripsit, ut scopæ dissolutæ potius, quàm libri videantur: ut eum vel omni iudicio carere, vel amore Paracelsi planè occæcatum esse oporteat, qui *doctorem* istam monstròsam probare ausit.

Vita ejus ita dissoluta fuit, ut il- *Vita Para-*  
lum Medicinæ idoneum reformato- *celsi disse-*  
rem agnoscere, multò minus abso- *luta.*  
lutam

lutam rerum divinarum & humanarum ipsi tribuere cognitionem, aut cum Paracelsistis & Weigelianis, Fratrum Rosæ Crucis nomen præ se ferentibus, inter Heroas & ingenia à Deo summè illuminata ad artes imperfectas restituendas, numerare non possimus. Quomodo enim Homo dies noctesq; cum rusticis & aurigis compotando consumens, manè crapulâ gravans, vel etiam adhuc ebrius & quasi *πεπορωμένος*, in medio hypocausti columenæ adstans, manibus capulo ensis (cujus *κρίλωμα* nonnulli spiritui alicui familiari hospitium præbuisse suspicantur) comprehenso, viroborum doctorum sententias abstrusissimas intelligere, refutare, & illis meliora substituere, & mox ad calamum dictare potuit? Ipse toties Galeno & Avicennæ Ethnicismum objecit: an verò ipse Christiano vitam dignam semper egerit, aut Christiano digna docuerit & scripserit, viri docti & candidi judicent.

Felicitatem in curando quod attingit, ulcerum difficilium curationem felicem omnes ipsi tribuunt: verum in aliis morbis curandis etfi discipuli multum illi tribuant, infelicium tamen curationum testes fide dignos supra adduximus. Crediderim Mercurialia quædam eum usurpasse medicamenta fortiora, quibus vehementer natura irritata causas morborum, quas alii Medici mitioribus medicamentis tollere non potuerunt, excussit, atque ita aliquos desperatos, sed non sine pe-

riculo curavisse. Quod tamen eadem curatio illi non semper feliciter successerit, historia testantur. Ut jam non dicam, ipsum multis de Magia suspectum esse. Sed quid suspectum esse dico; cum plurimi, ut supra dictum, id testati sint, & ipse eam & ejus cultores, Techellum & alios toties laudet, & multos morbos medicamentis naturalibus incurabiles Magia curari posse statuat; eamque curandi rationem sibi non ignotam esse, non diffiteatur, & vel à Diabolo medicamenta & beneficia accipere volupe putet. Sed quo jure id faciat, & an Magia illa, quam laudat, naturalis planè & licita sit, suo loco dicetur.

Addo tandem & illud, sæpè famam facta superare & fidè, & murdum opinionibus regi, atque apud vulgus indoctissimos sæpè agytas applausum mereri, & doctissimis Medicis præferri, ut exempla ubi vis obvia sunt, de quibus jam non dicam. Illud judicii informandi gratiâ non omitto. Quantæ autoritatis apud multos sit P. Severinus, quondam Regis Daniæ Medicus, omnibus notum est; qui & ipse in Idæa Medicinæ, p. 341. nec Podagras, nec Hydropes, nec Lepras, nec Epilepsias insanabiles esse scribit: de eo tamen Johannes Paludanus, Medicus olim Regis Daniæ viduæ, postea urbis Wipurgensis, in Juthia Septentrionali Cimbrorum Medicus, ita ad Henricum Smetiosæ scribit: *Quod inquiris de miraculosa & certa deploratorum & incurabilium alitis affe-*

*Paracelsus  
de Magia  
suspectus.*

*P. Severinus*

*Etium*

*Paracelsus  
in curando  
feliciter.*

fructum curandorum solertia & successu, quamquam homini docto & apud multos magni habito nihil detrudere volo, ingenue tamen fateor, famam factis superiorem. Variis medicamentis ad varios morbos usus est, sed saepe vehementioribus, in quorum usu hoc persape evenit, quod illis accidere solet, qui ad fructuum maturationem arborum radicibus calcem admovent. Medicamentis Paracelsicis non semper usus est, verum & compositionibus Galenicis saepe; sed extremis morbis extrema adhibebat remedia. Intelligenti satis. At cum morbus Epidemius Hafnia multum sevirer, circiter annum 1602. ipse quoque peste extinctus fuit. Ita ipsi Paracelsici suorum medicamentorum, quæ ita prædicant, & vulgatis omnibus præferunt, imperfectionem in seipsis sæpè experiuntur: quod & ipsi Paracello accidisse supra dictum. Sed de Paracello satis: dogmata jam ejus præcipua videamus & examinemus. Omnia enim examinare velle, & difficilis laboris, nec fructuosæ operæ res foret. Nam cum Paracellus & assectæ ejus in probandis & confirmandis suis nihil operæ posuerint, sed pro libitu finxerint & sine rationibus proposuerint, quid in iis examinandis multum operæ locetur? præsertim cum raro unam de una Paracellus sententiam posuerit: ut quam potiore habuerit, nescias. Fecit tamen maxima ex parte id jam olim Th. Erasmus, qui nihil ferè dogmatum Paracelsi intactum reliquit.

## CAPUT V.

## De Nominibus novis, &amp; Principiis cognoscendi &amp; discendi Paracelsicorum.

Principio autem id non prætereundum; Sectæ hujus proprium esse nominibus ludere, & nomenclationum novitate aliquam sapientiæ laudem captare. Hinc libros suos inscripsit Paracellus Paragranum, Paramirum: apud eundem occurrunt sæpe Ens Pagoycum, Cagastricum, Illiastrum, Archæus, Relolleum, Cherionium, Evestrum, Ylech, Trarames, Turban, Lessas, Sranar, Perenda, Zenda, & sexcenta alia nova & omnibus sæculis inaudita vocabula, & talia omnino, ut ad quam linguam pertineant, & cujus originis sint, nemo sectatorum Paracelsi adhuc explicare potuerit. Et cū Paracellus & sectatores ejus utuntur usitatis vocabulis, aliū tamè ferè sensum iis affingunt, & symbolismis & parabolis perpetuò utuntur; nec cū Mannam, Essentiam, Ens, Astrum, & alia plurima nominant, id, quod hæctenus apud Medicos & Philosophos per ea intelligitur, sed aliud quiddam per parabolam aut symbolismum innuunt.

Crollius, ut istam nominum sive novitatem sive barbariem, excusaret, in præfat. pag. 77. scribit; Paracellum expertis stylo magico scripsisse,

Nota Paracelsicorum vocabula.

du justis de causes Paracellus nova nomina usurpavit.

non vulgo, sed sibi & intelligentibus in Schola Magica educatis sapientie filijs, mysteria sua sub vulgaribus & varijs nominibus occultasse. Thomas Muſſetus verò, in Dialogo Apologetico de medicamentis Chymicis, scribit: Chymicos consulto & magnò jure novis nominibus uti. In novis enim artibus *νομα το ποισιν* nullam legem vetare: res sacras prophanis hominibus obſcure tradendas esse; idq; exemplo naturæ, quæ castaneæ nucleum non nisi cortice & aspero tegumento abditum offerat. Recentior verò scriptor quidam nec inutilitatis nec obscuritatis nomine ista Paracelsi vocabula nova posse damnari existimat. Primò enim inutilia non esse, sed habere ista nova Paracelsi vocabula certum finem; cum res nominibus veris destitutas vocabula ista nova convenienter ob oculos ponant, illustrent, & notiores reddant: deinde obscura non esse, cum res significatas non intricent; idq; ideo, quia per Paracelsicorum nominum inventionem non fiat aliorum & verorum terminorum abrogatio: siquidem nulli vulgariter recepti unquam fuerint, qui id, quod Paracelsus per talia nomina denotavit, explicarint & enodarint.

Verum enim verò cum bonitas cujusque rei in eo, cujus causa facta est, consistat: sermo verò Dei insignne donum fit, hominibus ob id concessus, ut alter alteri mentis sensa & cogitationes communicare & interpretari possit: dubium nullum

est: illam orationem maximè laudabilem esse, quæ animi sensa clarissimè exprimit, & veluti conspicienda proponit: quæ verò hoc non præstat, sermonis nomen vix mereri; Atque ideo idem esse nihil loqui vel scribere, & loqui vel scribere, quod nemo intelligit; ac vitio & culpa non carere eam orationem, in quam plus laboris & temporis impendendum est, ut verba intelligas, quam ut res verbis denotatas percipias. Sat enim in hac vitæ brevitate & Naturæ obscuritate rerum est, quibus cognoscendis tempus impendatur, ut obscuris sermonibus intelligendis illud consumere opus non sit. Et proinde rectè dictum putamus à Platone in Gorgia, *ὅς ἂν τῶ ὀνομαστικῷ εἰδῆι, ἴσται καὶ τὰ πρῶτα*: cognitionem nominum sequitur ipsarum rerum cognitio; & ab Epicteto, *δεξιὴ τῆ ἀειθέστως ἢ τῶν ὀνομάτων ἤσκησις*, initium cognitionis est nominum consideratio. Ideoq; secundum Aristotelem; 2. Top. cap. 2. *ἀναπτάνουσι αὖ τοῖς ἀιδροτέτοις ὀνόμασι τὰ πρῶτα πρῶτα πρῶτα*. Et prudentissimè Galenus, 3. de simpl. med. facult. cap. 12. scribit: *ἢ τῶν ὀνομάτων χεῖρης πρῶτα χεῖρας καὶ τῶν πρῶτων πρῶτων*. Conturbatus nominum usus & rerum ipsarum cognitionem conturbat; & 3. de Puls. different. c. 6. *Si nomina propria suppetant, his uti nos par est; si non, definitione præstat res singulas explicare, quam à metaphora nomina mutuari, siquidem docere instituas, non obrundere*. Et, de vict. rat. in acut. comm. 4. t. 18. ex omnium homi-

*Oratione bona clam,*

*Oratio obscura vitiosa,*

*Sermonis usus.*



hominum consensu τὴν μὲν σαφὴν  
 νεύει δὲ τὴν εἶναι τῆς ἐκφυγέας, τὴν  
 δὲ ἀσάφειαν κακίαν censet. Et egre-  
 griè J. C. Scaliger, in lib. 1. de plantis.  
 Est primum, inquit, Sapientis officium,  
 bene sentire, ut sibi vivat: proximum,  
 bene loqui, ut patria vivat. Quippe  
 quod animal sit jure sociabile, neuti-  
 quam suos ager conventus impulsu na-  
 ture simplici formicarum, apumvè, aut  
 etiam locustarum more, sed ratione ad-  
 ductus induet sese in commane jus, patie-  
 turque ipse, patique alterum jubebit  
 simul.

ergo si rebus novis nova nomina  
 convenienter Paracelsus & Paracel-  
 sici imposuerunt, culpandi non sunt.  
 Verum si rebus non novis, nomini-  
 bus usu tritis & satis convenienti-  
 bus rejectis & spretis, ipsi nova, im-  
 propria, inepta & barbara nomina  
 imposuerunt, excusationem non me-  
 rentur. At posterius in plerisque  
 verum esse, statuiimus. Quæ enim ne-  
 cessitas adegit P. Severinum, quem  
 Paracelsici hodiè non minus, quàm  
 ipsum Paracelsum sequuntur, ut pro  
 rei constitutione vel natura toties,  
 ut in usu hujus vocabuli sibi quo-  
 dammodo placere videatur, voca-  
 bulum *Anatomia* planè ineptè usur-  
 paret? Ex gr. pag. 29. scribit: *In radi-  
 cali humiditate totius seminis anatomia  
 & potestas* (id est, natura & vis), *viget.*  
*Pag. 38. Multa in mundana Anatomia  
 dubia & incomprehensa*, id est, multa  
 in rerum natura obscura. Et mortis  
 & morborum *Anatomia*, pag. 193 *In  
 humana Anatomia*, pro, in corpore  
 humano. pag. 124. *Que sanitatis Ana-*

*tomiam gerere videntur*, id est, Sani-  
 tatis speciem habere videntur. Neq;  
 tamen istam significationem vocis  
 Anatomia, etsi sibi familiarissimam,  
 semper retinet, sed æquivocatione  
 errandi causam præbet, dum interdum  
 hanc vocem pro rei ἀναλόγῃ &  
 resolutione usurpat; interdum pro rei  
 loco, ut dum, p. 168. dicit, *Semen ad te-  
 stium Anatomiam*, id est, ad testes,  
 confluere.

Quæ causa eundem impulit, ut  
*Tinctura* vocabulo pro rei, proprie-  
 tate, à qua vis agendi fluit, seu ipsa  
 potestate agendi, aut actionum fon-  
 te tam impropiè, toties tamen &  
 singulis ferè paginis, uteretur? Nam  
 p. 138. dixit: *Alimenta variis tincturis  
 imbuta*, id est, ut ipse quidem expli-  
 cat, facultatibus validis prædita.  
*Pag. 150. Seminalis Tinctura*, id est vis  
 seminalis vel principium seminale.  
*Pag. 222. Tincturam morbi*, id est, causam  
 vel principium morbi evanesce-  
 re. *Ibidem: Tincturas morborum inva-  
 lidas*, id est, principia morborum in  
 valida. *Pag. 223. Tinctura Pleuritidis*,  
 id est, causæ Pleuritidis. *Pag. 235.  
 Tinctura subtiles & stabiles*, id est, causæ  
 morborum stabiles.

Ita Paracelsus, à quo ista hausit Se-  
 verinus, sæpè res antiquas novis no-  
 minibus appellat. Sed malè. Nam  
 si *δυνάμεις* Hippocraticæ & *Charionis*  
 Paracelsi sunt idem, ita inter-  
 pretante Severino, p. 133. cur non an-  
 tiquum, usu tritum & idoneum vo-  
 cabulum hoc retinuit, & hoc quod  
 nemo, cujus originis sit, novit, substi-  
 tuit? Si *Retrollaceum* est inefficax,

*Tinctura  
 vocabulum  
 apud P.  
 Severinum.*

*Charionis  
 Paracelsi.*

*Retrollaceum.*

*Quando  
 nova voca-  
 bula frige-  
 re liceat.*

*Anatomia  
 vox apud  
 P. Severi-  
 num.*

impotens & sterile: cur aliquod antiquorum non retinuit, & hoc ineptum & barbarum introduxit? Si Orcus Hippocratis, Nox Orphei, Abyssus & Iliad9 Paracelsi sunt idē, ita etiam interpretante Severino, p. 97: cur non antiqua ista retinuit, & novum istud & inusitatum usurpavit? *Qua* necessitate adductus Paracelsus vocabulum Archæi introduxit; cum si rem diligenter perpendamus, nihil aliud istud vocabulum significet, quàm quod in Scholis Philosophorum & Medicorum facultatem & virtutē naturalem, aut, si parvis, spiritum naturālē, facultatis naturalis ministrum, nominamus. Non sunt certē tanti vel Paracels9 vel Severin9 ut relictis consuetis, & quib9 maximi viri hæctenus usi sunt nominibus, pro eorum libitu, quod prius hoc dixeramus, jam aliud vocemus.

Nec Chymia nova est, & à Paracelso primū inventa, ut ipsi hæc cura novis rebus nova nomina imponendi incubuerit; sed vocabulis, quæ antiqui Chymici usurparunt, commode uti potuisset. Neq; Chymia sola tam sacra est, ut illa præ reliquis disciplinis omnib9, etiam Sacra Scriptura, peculiari stylo, quo profani à sacris ejus arcerentur, indigeat. Antea satis obscuritatis in naturā nobis objectum est: monstris nominibus eā augere nullo modo opus est. Cum ergo nullā causam habeant Paracelsici, ut novis istis & obscuris nominibus utantur: forsani ita loqui placuit, ne intelligerentur, atq; hoc modo reconditæ & sin-

gularis cujusdam eruditionis & sapientię opinionem apud imperitos & rudes sibi compararent; & ne facile ab aliis refutari possent. Si n. verbis claris & perspicuis ea, quæ novis & fictis vocabulis ac inauditis nominibus Paracelsus, & ampullantibus ac sesquipedalibus verbis Severinus involvit, clarē sine verborum involucris proposita fuissent: non tot admiratores invenissent, sed dogmatum multorū absurditas dudū omnib9 innotuisset. Nunc cū ignotis verbis & obscura ratione dogmata proponunt, etsi refutentur & reprehendantur, semper hoc obtinere valent; Non satis intellecta fuisse, quæ scripserūt. Ubi verò novis rebus (sæpe tamen talibus, quæ in rerū natura non dantur, ut suo loco videbitur) nova nomina imponere libuit, cur nō significantia & emphatica, & ex lingua aliqua nota rectē & secundū analogiā deducta indidit, sed talia finxit, quorū origo & derivatio ex nulla lingua mōstrari potest. Quid n. est Ens Pāgoycū, Cagasticū? quid Evestrum, quid Nostoch, quid Scajola, quid Zonetri, quid similia alia infinita? Nā qui nova & prius inaudita, qualia Paracelsus habet, plurima proponere & persuadere conatur, verborū perspicuitate, rerum novarū obscuritatē illustrare debet, nō affectatā nominū obscuritate & monstruosis nomenclationibus rem antea obscuram & suspectā obscuriorem reddere, & ut minus dextrē accipiat & intelligatur, in causā esse.

Quod verò stylum Magicum

Stylus Magicus, Crollii

Iliadus.

Archæum.

Chymia nō opus habet novo Stylo.

Crollii attinet, si intelligit ea vocabula, quæ Chymici etiam ante Paracellum suo consilio suis rebus indiderunt, ut cum metalla Planetarum nomine appellant; cum Aquilæ, draconis, Leonis & similia nomina rebus metallicis & mineralibus imponunt, aut cum multa vocabula à Metallurgis in suam artem introducunt id non improbatur; & illa talia esse concedimus, ut facile intelligi & explicari ab initiatis hujus artis possint. Verum an ad hunc stylum omnia à Paracelfo conficta, & quæ è nulla lingua derivari rectè possunt vocabula, pertineant, quibus, qui Paracellum legere cupit, facile animadvertet. Deinde ubi involvere & obscurare rem operon est, ista parabolica locutiones aut ignota vocabula non adhibenda. Ideoq; ubi docere animus est rem planè & perspicuè, cur non potius *ἐμφυτον θερμόν* & calidum innatū, quàm Sulphur appellent, & nominibus usitatis neglectis ad obscurū parabolismum confugiant. Explicare quidem res Physicas & Medicas ex Alchymia licet; interim tamen usitata evertenda non sunt, ac novitates in artibus non necessariè fugiendæ. Et si ex principiis ipsorum omnia denominanda essent, ut jam non amplius dicatur Sanguis, Bilis, Melancholia, sed Sal, Sulphur, Vitriolū vel aliud quid: cur non etiam in aliis rebus nomina usitata abolerent, & cur panis, vini, Rhabarbari, Senæ & similes appellationes retinerentur.

Summa ergo hæc est: *ἡ σὺν Φύσει*, ut Galenus ait, *δὲσπὴ τῆς ἐμφυτικής*

*ἡ δὲ ἀσάφεια καὶ κῆρα, sermo animi character, & monstruosus sermo monstrosi ingenii index.* Ac proinde in antiqua disciplina tropis & inusitatis vocabulis ludere, & consuetudinem artis immutare, imò ad talia artem alligare velle, id tolerari non potest. Retineantur potius appellationes, quas usus comprobavit, *quem penes arbitrium & vis & norma loquendi.*

Verum mittamus ista, & delectari talibus, quibus placent, sinamus: res ipsas jam videamus. Ubi primò de modo cognoscendi occurrit controversia. Nam novum discendi & cognoscendi modum proponere videntur. Etenim cum hæctenus *λόγος* & *πειρα*, Ratio & Experientia omnis cognitionis origo & fundamentum fuerit, & quicquid cum his consentit, pro vero habitum, quicquid dissentit, rejectum fuerit; & Hippocratis, Aristotelis, Galeni, & plurimorum aliorum virorum doctorum libri, quia maximam partem cum his *κρίσεσι* consentiant, in magno pretio habiti fuerint: Paracellus & ejus assectæ, cum parùm solliciti sint, quomodo cum his *κρίσεσι* sua dogmata consentiant, & pleræque ipsorum assertiones principium petant, ne sine omni fundamento sua proponere videantur, novam cognoscendi viam comminiscuntur; de qua tùm alii, tùm Crollius, in *Præfat. admon.* prolixè disserit. *Medicus, inquit, p. 3. nasci debet è Lumine Naturæ & Gratia, ab interno & invisibili homine, interno Angelo, luce naturæ.*

*Oratio ut virtus perspicatur.*

*Modus cognoscendi & discendi Paracelsistarum.*

*Cognoscendi principia.*

Lux Na-  
tura Pa-  
racelsi.

Jam si quærat, quid sit *Lux natura*, dicit Crollius, pag. 25. *Firmamentum est lumen natura*, quod homini omnia naturaliter influit. Sicut enim corpori suus crescit et terra, ita etiam sidereo hominis spiritui sive homini invisibili, qui exterioris domus incola est, ab igne firmamenti crescit suus cibus, artes omnes, opificia, linguæ, facultates. Cælum enim est Pater et Doctor omnium artium, excepta Theologia, quæ à Spiritu Sancto discitur, spiritusque sidereus hominis à radiis superiorum siderum omnem sapientiam humanam, omnes artes, scientias et facultates attrahit.

Si iterum quærat, qui fiat, quod iis, qui in Academiis docent, quos toties sugillat Crollius, aliisque, qui ab ipso dissentiunt, Philosophis non æquè lumen naturæ influat, ac suæ sectæ Philosophis, non video, quid clarè respondeat: nisi forsân ad imaginationem fixam, quæ sapientiam, è cælo attrahat, vel ad lumen gratiæ confugiat. De Paracelso quidem ait, pag. 63. ipsum indubitanò cæli favore Monarcham Medicinæ factum, sed modum non addit.

Lumen  
gratia Pa-  
racelsi.

Luminis autem gratiæ sapius mentionem facit. Pag. 13. *Medicum nasci debere è lumine gratiæ et natura dixit.* Pag. 67. *Christianè debemus philosophari, non Ethnicè in linguæ et artibus caducis et temporaneis.* Et pag. 69. *Nota sunt duo lumina, intra quæ omnia, extra quæ nihil, et nulla perfectæ rerum cognitio. Lumen gratiæ verum Theologum gignit, non tamen sine Philosophia. Lumen naturæ verum Philosophum efficit, non tamen sine Theologia, quæ funda-*

*mentum est vera sapientia.* Et postea; Inter eos, qui post Paracelsum compendiosè hoc tramite ad veram sapientiam pervenerint, laudat *Valentinum Weigelium*, qui cum suis institutus & illuminatus sit, non in sensuali incipientium, nec in rationali proficientium, sed in tertia mentali sive intellectuali Pentecostes Schola, in qua Prophetæ, Apostoli & omnes verè docti in vita & vestigiis Christi ambulantes sine labore & tædio didicerint. Si quæ verò doctrina illius Valentini Weigeli fuerit, inquiramus: eam fuisse Enthusiasticam, clarè patet, tum ex aliis illius scriptis, quæ hodiè ab aedecis ejus eduntur non pauca, tum ex libello Germanico, cui titulus: *Der gütdene Grifff alle ding zu erkennen.* In quo cognitionem rerum non ex libris, non ex objecto cognoscibili, sed ex cognoscente pendere, omnemque veritatem & sapientiam, antea in homine reconditam esse, non verò ab objecto externo homini insinuari tradit. Ubi inter alia, cap. 16. scribit: *So offte einer sich mit ernst vom euffern entschlegt/ vnd einfehret zu Gott in ihm selber/ so findet er etliches vnd Erkennuß genugsam / er weiß mehr als alle Bücher.* Et cap. 14. scribit: *Wer alle seine Vernunfft vnd Verstand einsondert in den inwendigsten Grund/ in stiller gelassenheit seines Hergens / seiner Seele/ vnd warret auff Gott / der wird erfahren / was der inwendige Grund vnd Zeugniß des Geistes sey.* Quæ eadem Paracelsi, Henrici Cuiradi in Amphiteatro, & ipsius Crollii est senten-

Valentinus  
Weigelius

sententia. Nam pag. 26. ita scribit Crollius: *Essentialis intrinseca cognitio non est ex carne & sanguine; nec in multitudine librorum & lectionis, nec in pluralitate Experientie, & antiquitate dierum, nec in persuasionibus humani verbi & contentione Rationis, sed in ipsa passione divinorum; non in discendo, sed in patiendo hominis mens perscitur.* Et clarius pag. 70. quem locum integrè adscribere licet: *Miseri mortales querunt extra se per multos libros, per multos Præceptores, per longinqua itinera proficiscentes, summo & diuturno labore, studio & defatigatione, illa, quæ tamen intus apud se possident abundanter, si videlicet planè sibi ipsis mortui, & per Sabbatum, & temporalem oblivionem toto animali suppresso homine, qui nihil nisi terra est, ingressi in se ipsos cum Davide Psal. 40. Expectando expectantes Deum. Magistrum in sancto suo templo, in cordis abyssu, sive in intimis animæ nostræ habitantem, suo Spiritu in nobis loquentem, & omnia in nobis operari, mentemq; illuminare cupientem, non impedirent.* Et pag. seq. *Anima si recurrit intra se ipsam, & convertitur in mentem, appropinquat Deo, omnia videt, nec opus habet externâ disciplinâ, angelorum more, qui omnia ab intra discunt, audiunt, vident: conversa in sensu elongatur à Deo, & discedit à Deo, ut impurum à puro. Hoc, inquit, tandem, Mysterium Spiritus Academicus capere non potest.*

Habet ita Pseudochymia suam, velut peculiarem religionem. Nam quia Philosophiam & Medicinam omnem sive reformasse, sive perfe-

cisse se putant, in Philosophia non subsistunt, sed ad Theologiam etiam progrediuntur, & res sacras profanas, profana sacris miscent. Hæc elegantî harmonia quicquid volunt absurdi adstruunt, & de beatorum absurdo, de angelis, de miraculis, de fide, de resurrectione &c. mirificè arguantur, & tantò licentiosius, quanto verbi divini consensu nihil opus habent, sed dixisse vel somniasse inter credulos suos abundè sufficit. Nam qui hoc impetrarunt, ut credantur interno lumine splendescere, iis facilimum est, suum illum hiantem curiosumque gregem verbis insolitis pascere, cui hoc unum plausibile, credere incredibilia, scire incerta, possidere lubrica, affirmare paradoxa, jactareq; impossibilia; tantaque obsequii promptitudo est, ut uno mense ab uno impostore plus persuasum, quam à Christo multis annis impetratum, aut ministris ejus creditum, liquidò deprehensum sit. Et primâ fronte sapere devotum quid, & cœlum spirare videtur hæc Theologia: & propterea politicis & aulicis plurimis acceptissima est; sed supponit mostrosissima quæque, & in religionem puriorem contumeliosissima profert, & hæreseos pestilentissimæ genuinum exfedit, ut id satis demonstravit Rev. Dn. D. Nicolaus Hunnius, in libro de *Weigelianâ Theologia*. Et certè sathana dolo hos libros spargi arbitrandum est; ut verioris pietatis, internæque devotionis linimento, quæ serio hodiè reduci, &

Pseudo-  
chymicorū  
religio &  
Weigelia-

sinceriore piritu plantari cœpere bona, hæc sæda commixtione & religiosis suspecta, & impiis magis dedignanda, irridendaque redderentur, & homines in fœdissimos errores conjicerentur. Cui enim semel Christiana simplicitas displicuit, facile speciosi errores allubescunt, donec Atheismus, religionum expeditissima, subrepat, hominemque tot dubiis controversiisq; refertum in solidum liberet.

Veritas  
quid.

Verum ut ad institutum redeamus & hac de re nostram sententiã breviter aperiamus, rectè principio scriptum putamus à Scaligero, *exercim. 307. sect. 9.* Veritatem esse adæquationem notionum, quæ sunt in intellectu, cum rebus, seu ut habet, *lib. 1. de re Poetica cap. 1.* æquationem orationis cum re. Omnis enim cognitio & scientia naturalis eatenus vera est, quatenus cum rebus consentit. Res enim mensurant cognitionem nostram, non contra: neque quia nos ita cogitamus, res ita se habent, sed quia sic se habent, ita eas cognoscimus, cum rectè cognoscimus. Cum verò notiones rerum omnium, adeoq; scientiã rerum naturalium nobis instam nō habeamus; aliunde nobis eam advenire necesse est. Etsi enim Adam ea inerat rerum ante lapsum cognitio, ut iis omnibus secundum suam scientiam vera nomina imponere posset: nulli tamē homini post lapsū à natura hoc amplius concessum est.

Ideoq; quicquid sciunt homines, vel immediatè à Deo per peculia-

rem revelationem & illuminationem ipsis communicatur, vel alio modo, ut jam dicetur, discitur. Peculiarem illuminationem cum secta Paracelsica nec sibi ut propriam arrogare ausit, nec eam ipsi concedere possimus; reliquorum hominum, more discant necesse est, & ex rebus ipsis cognitionem hauriant.

Verus dī.  
scendi mo-  
dus.

Duplex autem data est homini *Duplex  
cognitio.* cognoscendi facultas, sensus & intellectus. Per sensus enim exteriores res phantasæ, & per hanc intellectuiferuntur, atque anima, dum est in corpore, sine phantasmate non intelligit. Initiumq; cognitionis est à sensibus: atque ex illis, quæ absque errore sensu comprehenderūt principia constituimus: à principiis deinde progredimur ad ignota, quæ ex iis concludi possunt. Atq; hic est ordinarius discendi modus, quo ætas tenera & rudis à parentibus & præceptoribus, indocti à doctis discunt, & vel sermone ac præsentī traditione, vel per literas & libros erudiuntur. Et hoc ipso modo post lapsum Adami omnes; quotquot fuerē, institutos fuisse & doctos evasisse, omnes historiæ & gentium consensus testatur: imò hoc ipso modo Paracelsicæ omnes instituti fuerunt. Et hac ipsa de causa Paracelsus tot peregrinationes suscepit; Crollius suã Chymiam variis ac diuturnis peregrinationibus, laboribus & vigiliis indefessus & longã observatione congestissimè, ipse, *in Epistola dedicationis*, scribit. Ac propterea alterum falsum est, quod postea, *in præfatione* admo-

admo-

*admonitoria*, pag. 70. scribit; *Miseros mortales ex cœcitate & ignorantia quævere extra se per multos libros, per multos præceptores, per longinqua itinera, summo & diuturno labore, studio & defatigatione, quæ tamen intus apud se possideant abundanter.* Ridiculi certè homines, qui quam ipsi nunquã ingressi sunt vel calcaverunt viam, illi ut se aliũ committant, persuadere conantur. Monstret, saltẽ Crollius aliquid, quod in Spiritu in se didicerit. Quicquid enim boni de medicamentorũ Chymicorũ præparationibus habet, illud ex peregrinationibus, laboribus & diuturna observatione se conquissivisse rectè & ingenuè faretur: reliqua ex Paracelso, Severino & Weigelio ac similibus hausit & mutatus est. Idem de aliis ejus generis hominibus dicendum est, qui omnes à suis præceptoribus didicerunt, & non rarò de variis peregrinationibus & conversatione cum variis artificibus gloriantur, & non pauci ex iis Docturæ ex privilegiis Academicis titulo se jactant. Et si non discendo, sed patiendo, & in Spiritu in se, ut Crollius loquitur, homo discere potest, nec doctoribus & libris opus est: quorsũ libros edunt Paracelsici?

Si ergo, quod res est, dicendum, ut paradoxis suis fidem faciant, & aliis in ea inquirendi ansam eripiãt, se aliam, quàm Aristotelici vel Galenici, ad eruditionem perveniendi viam habere scribũt, & nescio quod Lumen Naturæ & Gratiæ fingunt, quo sui cerebri figmenta, quæ rationibus & experienciã probare non

possint, pallient. Quod si admitatur, cuilibet pro libitu nova dogmata ab omni experientia & ratione aliena fingenti, & illa ad Lumen Naturæ & Gratiæ referenti fides habenda erit, & verum erit quod cuiq; videbitur. Ex quo quæ omnium disciplinarum confusio oriri possit, nemo non videt.

Nec tamen quid Lumen illud Naturæ sit, quo tantoperè gloriantur; & aliis se præstare putant, inter se consentiunt, aut satis explicare possunt. Paracelsus, *Paragrani tract. 1. p. 208.* Lumen naturæ accendi per Spiritũ Sanctum scribit; *& tom. 2. pag. 329.* idem statuit. *Libro 5. de origine morbor. invisibil.* asserit, Magos Pharaonis arte ex lumine naturæ miracula edidisse, atque ægrè fert, quod à sacra scriptura Magi (Zauberer) vocantur. *In Philosophia de generatione homini, tom. 2. p. 67.* lumen naturæ dicit esse tantum intellectum sive rationem (dte Vermuiff) & nihil aliud. Muffetus Lumen Naturæ dicit esse primæ naturæ sive integritatis judicii veluti fulgur quoddam non innatum, sed inditum nobis à Deo, quo falsum à vero diviniore mentis oculo discernamus. Crollius, *pag. 1. 4.* dicit, quod lumen naturæ nihil aliud sit, quàm mundi illius invisibilis cum corpore microcosmico divina quædam analogia; quod idem statuit Quercetanus, *in Terrade c. 5.* Idem tamen Crollius, *p. 25.* scribit; *firmamentum esse lumen naturæ, quod omnia homini naturaliter insluit.* *Pag. 36* verò hæc habet: *Altera hominis pars*

Lumen  
Naturæ  
Paracelsi.

*five sidereum corpus vocatur hominis genius, lar domesticus, familiaris Sophorū homunculus, Daemon seu Genius bonus, internus Paracelsi Adech, Nature lumen.*

Donec ergo ipsi secum de lumine naturæ conveniant, nos interea viæ omnibus seculis à sapientibus trita insistamus, & lumen intellectus nostri accendamus, id est, non quid sapiens Sophorum homunculus suggerat, sed quid λόγος καὶ ψήφια dicet, attendamus, & κερήναι illa doctrinæ ab omnibus sapientibus probata sequamur: & inprimis ἡγάρον Ἰνστιτούς & Logicam, non errorum magistram & lucis naturæ obscuratricem, sed ad omnes errores vitandos, & veritatis abdita & occultæ investigationem summè utilem & necessariam nobis commendatam habeamus.

## CAPUT VI.

### De Analogia Majoris & Minoris Mundi.

SI verò rem ipsam spectemus, tota ferè Paracelsia & Paracelsicorum Philosophia ac Medicina innititur Analogiæ majoris & minoris mundi, atque eam ipsi valde late extendunt. Neque enim Paracelsus cum suis affectis contentus est iis comparationibus, quæ vulgò inter hominem & majorem mundum institui solent, sed in lib. 7. de origine morborum invisibilium initio scribit: *In homine esse astrorum motus, naturam terræ, aquæ, aëris, omnia ve-*

*getabilia, omnia mineralia, omnes constellationes, quatuor ventos. Et, Paragrani tractat. 2. scribit: Medici esse, scire in homine Caudam Draconis, Arietem, Axem polarem, Lineam meridionalem, Orientem, Occidentem. Et in Paragrano primo, non ad humores referendos esse morbos dicit, sed dicendum, hunc morbum esse Acorinum, aliū Anthera, Pulegii, Melissæ, Savina, Terbinthina, Sileris montani, Hellebori. Et in libro de Lunaticis, tractat. 1. c. 1. scribit: In limbo nostro est Cælum & Terra & omnium animalium proprietates. In Labyrintho Medicorum errantium c. 4. omnia mundi majoris in homine esse dicit, eumque verum esse Medicum, scribit, qui possit dicere, Hoc in homine est Sapphirus, hoc Mercurius, hoc Cupressus, hoc flos Cbeiri. Ita Crolius, in presat. p. 30. scribit: Circulus dicitur Homo, quod in se omnes Creaturas contineat. Pag. 31. In homine omnia sunt comprehensa, & ipse fert omnia in se. Pag. 32. Est in nobis totum firmamentum cum Planetis & stellis. Pag. 35. Homo totius mundi partes habet, & nihil est in majore mundo, quod in ipsa homine realiter non reperitur. Et postea: Totam mundi machinam collectam & reductam est in Microcosmum, ita ut nihil in toto mundo reperitur, quod videre etiam non sit in homine. Nec aliter Marpurgeneses, disput. 8. Chymicorum sententiam recensent, dum scribunt: Chymicos hominem Microcosmum appellare, non ob superficiale, quandam similitudinē, sed quod re ipsa & secundum speciem (et si invisibiliter) omnia & singula in se complectatur,*

*Analogia Majoris & minoris mundi.*

*Quomodo Homo sit Microcosmus sec. Paracelsi.*



quacunque visibili formâ in triplici illo regno vegetabili, animali, minerali, totiusq; mundi amphitheatro explicata continentur. Communicare nimirum dicit Crollius hominem cum Deo mente; cum Angelis animâ rationali, & corpore invisibili si deo; cum astris eodem corpore invisibili; cum Elementis corpore terrestri visibili.

Hominis  
corpus du-  
plex sec.  
Paracels.

Ut enim hoc (ur quæ mox dicentur, rectius intelligantur) addam, in quolibet homine statuit duo corpora, unum physicum, elementare, visibile, & tangibile ex terra, & quod primus homo ex limo terræ accepit: alterum invisibile, insensibile, si deo, & astris deductum: atq; hoc Crollius p. 36. appellat hominis genium, Larem domesticum, hominem umbratilem, familiarem Sophorum homunculum, Evestrum, & nescio quid aliud.

Severinus etsi reipsâ forsan non dissentiat: paulò tamen cautius hac de re loquitur. Cap. enim 13. p. 39. ita hac de re scribit: *Nec oportet formas ipsas & externas signaturas rerum naturalium in Microcosmi anatomia inquirere: sufficiunt proprietates, scientiæ, dona, prædestinationes, Tincturæ seminales, vitæ & potestatis custodes. Vanum est, bovem in homine inquirere, cupressum, fagum, triticum, vitem, aurum, Smaragdum: proprietates verò & tincturas radicales, actionum fontes, uvarum, tritici, hordei, auri, Smaragdi, rosarum, violarum qui querit, invenit. Neque horum solummodo proprietates, sed etiam in quibusdam Vitrioli, Sulphuris, Salis petrae, Mercurii, Arsenici, Antimonii, Na-*

PELLI, Urticæ, Aronis, Opii, Mandragoræ, Cicuta deprehendet. Resoluta verò sunt semina rerum naturalium & spiritalia in generationibus & transmutationibus microcosmi, & transplantatione externas illas signaturas figurarum, coagulationum, magnitudinum amiserunt, intrinsecis servatis.

Contra Aristotelici & Galenici utuntur quidem & iisdem interdum verbis, sed non eadem mente. Nam inter alia scribit Laurentius, l. 1. Anatom. c. 2. hominem in se continere omnia, quæ universus hic mundus amplissimo suo sinu coercent, ut parvus mundus & universi exemplar & epitome merito dici possit. Verum, mentem suam longè aliter, quàm Paracelsus & ejus affectæ, explicant. Etsi enim passim ab omnibus Philosophis homo microcosmus appellatur, ut loca citare superfluum sit; tamen causam appellationis hujusmodi aliâ reddunt, Ita autem vocari censent, ut Erasius, disp. 3. contra Paracelsum, eorum sententias collegit, vel quia similitudo quædam in eo invenitur totius universitatis rerum; vel quia nexus est & medium utriusque naturæ, corporeæ & incorporeæ; vel quia divinæ dispensationis & moderationis hujus universi illustris est imago. Nam corpus habet visibile & Elementare, animam cœlestem; potentiam vegetandi & nutriendi, qualis est in plantis; sensus, ut bruta; demum adest mens: instar Angelicæ naturæ. Imò membrorum ordinæ & positu universum refert. Cùm enim majorem mundum plerique Philo-

Quomodo  
homo sit  
Microcos-  
mus sec. Pe-  
ripateticos.

sophi in tres partes dividant, inferiore hunc Elementarem, cœlestem, & supra cœlestem: cum omnibus his tribus homo convenit, tribus, quibus & ipse divisus est, regionibus; Capite, thorace & ventre inferiore. Inferiore enim ventre, qui continet membra nutritioni & generationi dicata, respōdet homo regioni Elementari, in qua perpetua generationum & corruptionum vicissitudo est: Thorace, in quo cor vitalis caloris fons & officina refidet, cum regione cœlesti, in qua Sol caloris in mundo fons & reliquæ stellæ continentur, convenit: Capite verò, in quo mens refidet, & è quo omnes sensus originem suam habent, non solum mundo illi super cœlesti seu angelico, ut alii appellant, similis est, sed etiam in hac parte imago Dei in homine & olim ante lapsum, & quæ sūt ejus reliquæ post lapsum, se imprimis conspiciendas exhibent. De qua mundi majoris & minoris secundum omnes partes comparatione plura addere non libet; cum passim de ea multa extent.

*Partiū Hominis cum Planetis consententia.*

Hoc saltem addimus, nonnullos præcipuè ex cœli cum homine convenientia hanc Analogiam deducere; cum membra quædam corporis cum quibusdam stellis convenientiam habere statuant, & cor cum ☉; cerebrum cum ♃; splenem cum ♆; Pulmonem cum ♀; Renes & testes cum ♁; Epas cum ♄; cum felle ☿ cognationem habere scribunt. Quæ opinio non nova est, sed ex antiqua Astrologorum doctrina petita. Atq;

explicat hanc eleganter Leo Hebraeus, *Dialogo 2. de Amore.*

Divinæ etiam gubernationis exemplum in homine cōspicitur. Nam ut creaturæ tum corporeæ, tum spirituales universæ subjiciuntur imperio & rectioni divinæ: ita & corpus nostrum & facultates animæ omnes à mente reguntur, ut quod ad visibilem mundi dispensationem attinet, id ferè mens sit in homine, quod Deus est in mundo.

Itaque si juxta similitudinem vel analogiā aut etiā genericè omnia, quæ mundus complectitur, in homine inesse dicantur: id non improbat Aristotelici & Galenici: verū quod secundum speciem omnia in homine sint, non admittunt. Habet nimirum in se homo virtutem vegetatam universæ; & eatenus cum plantis convenit: non verò habet vires & facultates, multò minus essentiā cujuslibet plantæ in specie. Præterea & sensu præditus est; at non quomodo speciatim animalia hoc vel illo sensu præstant.

Objicit porrò Paracelsitis instantiam Erasus. Cum enim hominem Paracelsus tantum Microcosmū esse dicat: tamen talia alibi docet, è quibus res quælibet Microcosmus dici potest. *De Caduco Matricis, §. 2. in pane omnes Creaturas cum suis astris esse dicit. Et de modo pharmacandi tract. 2. scribit: Quoties homo in manu bolum cibi habet, toties in ea cælum & terram tener in eodem bolo. Quoniam in ipso latent omnes partes hominis, & in eo creata omnia sphaeræ globorumq; perfecta sua habent*

*Inconsuetudine Paracelsi de Microcosmo.*

habent corpora. Sic in manu comedentis est celum & terra. Quod si ita est, & omnia in omnibus continentur, causa nulla erit, cur homo saltem Microcosmus appellandus sit, ipsique soli prerogativa hæc debeat, sed innumeri erunt Microcosmi.

Decisio  
questionis  
de analogia  
macrocosmi  
&  
microcosmi.

Has utriusque partis sententias si diligenter perpendamus, animadvertemus primo, Chymicos nimis late istum majoris & minoris mundi consensum extendere: imò non analogiam & consensum, sed ferè identitatem querere; seu, ut Crollius scribit, statuere iam essentia & interna forma planè unum & idem esse, & saltem externa discerni: Mundum & Hominem & magnum mundum cum parvo per unum omnia esse, instar prolis cum parente suo. Cum enim planetarum & animalium, imò aliarum rerum naturalium, tantus sit numerus, ut nec in majore mundo omnes species satis cognitas putem: quis easdem in homine nobis monstrabit? Requirit quidem Paracelsus, in *Labyrin. Medic. errant. c. 4.* in vero Medico, ut dicere possit, hoc in homine est Sapphirus, hoc Mercurius, hoc Cupressus, hoc flos Chelidivæ: nullus adhuc Paracelsicorum invenit est, qui id præstare potuerit, & tot planetarum in homine, ut & animalium species, monstraverit: Immo vix aliquis est, qui ea in realiquid tentaverit. Ut jam non dicam de innumero stellarum numero, què quomodo realiter & secundum speciem in homine inesse monstrare possint, non video. Non dicam etiam jam de eo, quod Crollius, p. 15.

ex Paracelso scribit; Deum singuli Elementis indidisse peculiare incolas, Spiritus, Nymphas, Undenas, Melosynas, Sirenes, Gnomos, Lemures, Silphes, Mötanos, Zonettas, Pygmaeos, Umbratiles, Sylvestres, Satyros, Gigantes, Vulcanales, Penates, Salamãdras, Superos, Zundel, Flagas; Eoque rursum in multa millia generum divisos: qui certè, si modò sint, omnes ex hac sententia ad majorem mundum pertinebunt: sed quomodo eos in homine monstrare possit Crollius, cum Paracelso viderit.

Inter alios Valent. Weigelius, sectæ hujus facile antesignanus, in *libello cui titulum fecit, γυνῶν σεωντων* cum speciosè de majoris & minoris mundi consensu multa dixisset, ubi tandem ad rem ventum est, c. 4. hæc affert: Wenn ich solte vollkömlich beschreiben den Microcosmum, das ist / den Menschen / so müste ich auch vollkömliche Erkenntniß aller Creaturen in der gähen Welt haben / das ist / Ich müste totam mundi machinam, Himmel und Erde kennen / sampt den Geschöpfen. Denn auß allen Creaturen ist der Mensch formiter nach seinem sterblichen und edelichen theile / dieweil dieser Erdenkos. das ist / die grosse Welt gähe gebracht ist zusammen in einen Menschen. Denn alles was im Himmel und Erden ist / dasselbe ist auch im Menschen / ja der Mensch ist die Welt selber. Darumb er auch *μικροκομος* geschrieben wird. Weiß ich nun / sage ich / den Menschen vollkömlich solte beschreiben / so müste ich diese Stücke als die ganze Welt erkennen und wissen. Denn ich kenne den Vater /

Bater / und auß dem Vater söndte ich beschreiben den Sohn / welches ist der Mensch. Aber ich erkenne mich nicht gemung zu sein zu beschreiben ein solch hohes kunstreiches Werk. Quibus hñce Salvatoris nostri verbis, Matth. 23. v. 4. respondeo: *Ligant onera gravia, difficiliaq; portatu, & imponunt in humeros hominum, digito autem suo movere ea nolunt.*

Interim ex altera parte nonnulli etiam nimis superficialiter hñc majoris & minoris mundi consensum, tractant. Nam negandum non est, non solum secundum *ἀναλογία*, sed etiam revera multa, quæ sunt in majore mundo, in homine repetiri. Inest certè in homine secundum plerorumque sententiam, ut suo loco docebitur, calidum illud cœleste; insunt in eodẽ Elementa realiter; nutritur & vegetatur homo, sicut plantæ; videt & alios sensus habet, ut reliqua animalia, & proinde in eo est animalitas; insunt in eo alia accidentia, quorum quodlibet proprium & primum subjectum habet. Quæ omnia in unum hominem mixta & composita sunt. Et per reliqua rerum naturalium genera omnia quasi per gradus ad Hominis, Creaturæ perfectissimæ, formationem Creator progressus est.

Hic verò per mundum majorem, non solum intelligo Cælum & Elementa, metalla & mineralia; verum etiam plantæ & animalia ad eum pertinent. Ideoque Paracelsi & Severini argumentum non valet: Non datur bilis, Pituita, Melancholia in

majore mundo. Ergo nec in homine. Nam revera humores in animalibus brutis reperiuntur, ut in homine; adeoque rerum, quæ in homine perfectissimè apparent, rudimenta in animalibus imperfectioribus & brutis reperiuntur.

Immo affirmare, & istud Chymicis concedere ausim: multas proprietates in homine esse occultiores, quæ cum plurimis rebus naturalibus non solum secundum genus, sed etiam cum speciebus earundem & specierum individuis mirabiles consensus & dissensus habent, ut multarum rerum cum partibus corporis nostri Sympathia & Antipathia testatur. Non jam dicam de stellis, quæ a nobis remotiores, quarumq; effectus occultiores sunt. Peculiares tamen stellas cum privatis & peculiaribus corporis nostri partibus cognationem habere, quod Astrologi affirmant, non negaverim. Sublunaria notiora sunt. Lepus marinus pulmones; Cantharides Vesicam, partibus aliis illæsis, lædunt. Pæonia etiam collo appensa Epilepsiæ medetur. Non sunt omnia de nihilo, quæ de lapide Nephritico à quibusdam dicuntur. Quantam cum corde cognationem habeant Sapphirus, Margaritæ, Lapis Bezoar, jam multis notum: & sunt etiam aliarum gemmarum cum aliis partibus cognationes. Quantam etiam convenientiam habeat cum corde Melissa, malum Aurantium, Citrium; cum Epate, Epatica, Agrimonia; cum Liene, Ceterach, Polyodium; cum Testibus,

Saty-

Quomodo  
homo sit  
microcos-  
mus.

Sympathia  
& antipa-  
thia exem-  
pla.

Satyrium, Orchides; cum aliis partibus aliæ plantæ. Quanta quoque inter animalia quædam & hominem. ac ejus partes inveniatur Sympathia & antipathia, notum est. Nonnulli scilicet caseum averfantur; alii vinum, alii pisces, nonnulli præsentiam felis in occulto etiam latentis ferre non possunt. qualia exempla passim apud authotes annotata sunt. Atque hoc si voluit P. Severinus, dum, pag. 319. in homine non bovem, non cupressum, sed proprietates horum. querere jubet; ipsi non planè adversamur, imò summè necessarium esse putamus, ut Medicus inquirat, quæ gemmæ, mineralia & metalla, plantæ ac animalia, imò si fieri possent, stellæ cum homine & singulis ejus partibus consensum & dissensum habeant; atque hoc si diligenter annotaretur, quod omnino fieri deberet, mirandæ curationes perfici possent. Verùm causas hujus consensu & dissensu, & unde illæ occultæ proprietates ortum habeant, invenire est difficilimum. Severinus quidem, *allegato loco*, scribit: Resoluta semina rerum naturalium & spiritualia in generationibus & transmutationibus Microcosmi, & transplantatione externas illas signaturas figurarum, coagulationum, magnitudinum, amisisse intrinsicis servatis. Verum si hoc ita se habet, homo illas proprietates non à primo ortu haberet, sed demùm ex victu & transmutatione rerum naturalium jam genitas acquireret; cum tamen illæ ipsæ proprietates homini à primo ortu

inditæ sint, & homo ab ipso ortu Microcosmus sit. Ideoque sympathias, illas & antipathias potius à calido innato sive Spiritu insito, aut quocumque modo appellare libeat, cujuscunq; partis cum Spiritu insito rerum naturalium externarum cognitionem, & affinitatem habente provenire crediderim. Atque hoc modo si Paracelsus in homine si. Cheiri, Melissæ & alias plantas quærat, tolerari posset: Imò rem utilem Medicinæ fecisset, si, modò eum cognitum & perspectum habuit, omnium rerum naturalium cum homine consensum & dissensum annotasset. Et cum rectissimè scripserit Thomas Erastus, *part. 3. disp. contra Paracels.* de hac ipsa materia agens; quod vi naturali fieri nullâ possit, ut alicujus rei proprietates & actio in alia rei insit, quam in ea, cujus est proprietas & actio: & propterea non esse in homine proprietates rerum naturalium aliarum, vel simul inesse in eodem earum subiecta & causas inde concludatur: si Chymici aliquid præ aliis præclari præstare vellent, prima proprietatum quarumlibet subiecta, & ubi in homine lateant, monstrare deberent. Sicuti enim calor, frigus, humiditas, siccitas in homine insunt; quia eisdem Elementa insunt; Et sicut calorem illum vitalem cœlesti analogum ex corde quasi humani corporis Sole in omnia reliqua membra diffundi notissimum est: ita etiam quia Melissæ, quia aliarum plantarum proprietates in homine esse dicunt, quibus subiectis insunt, & quo loci hæreant;

*Unde ver.  
natur. Sym  
pachia &  
antipachia*

*Occultæ  
proprietates  
sunt unde.*

monstrate deberent. Hoc enim nisi facere possunt, frustra sunt; & malè interim vulgatam corporis humani anatomiam & considerationem, qua partium corporis structura & admirandæ operadi facultates reperiuntur, negligunt.

Sicut & in eo peccant; quod solum ab extraneis hominis cognitionem petendam censent. Plus enim est in specie, quàm in genere, & plus habet in se homo, finis & meta ultima rerum naturalium, quàm res naturales alia; & quæ in se habet homo, humano modo habet. Habet nimirum carnem, ossa, sanguinem cum brutis suo quidem modo. communem; verum tamen caro, ossa, sanguis in homine humana sunt.

Comparationibus & analogiæ quantum tribuendū.

Domestica itaque, ut hæc concludamus, argumenta externis firmiora & evidentiora sunt; & animus veritatis amans, & ῥεθρον ἰσχυρὸν calens, non obliquis & obscuris comparationibus contentus & similitudinibus & inanibus opinionibus saturatur, sed solidas demonstrationes expetit, & unumquodque propriis principiis, non alienis & extraneis æstimat. Opinari & similia adducere, scientiam non parit, sed scire est rem per causam cognoscere. Et cum eos, qui apodictica argumenta se habere putant, & demonstrationibus nituntur uti, sæpe falli cōtingat, quid accidit eis, qui comparationibus & symbolis solùm utuntur? Nul- lum enim est simile, quod non etiam aliqua ex parte sit dissimile. Præterea, cum rectè Aristoteles scribat, in

*principio i. Posterior. analyt. πῶς οὐ δίδα-  
σκαλία καὶ πῶς οὐ μὲθης ἀνοητικῆ  
ἐν πρῶτον κινήσεως γινέσθαι γνῶσεως:* Si ex majoris mundi in hominis cognitionem deducere nos cupiunt; Paracelsici, ipsi majorem mundum undique cognitum & perspectum, habèant necesse est. Quod an sibi ar-rogare possint, sese ipsi excutiant & examinēt. *ἔδοξε ἀνθρώπων ἔιν ἀπαρ-  
τα σφός.*

## CAPUT VII.

### De materia prima.

**U**T ergo ad rem ipsam accedamus, & quælibet ex suis principiis æstimemus: primò de principiis disquirendum. Et primò materiam Aristotelis quod attinet, eam Recentiores, Chymici <sup>reprobant</sup> rejiciunt & falsè derident & exagitant, nominantq; Versipellem Proteū, libidinofam Thaida, informe monstrum, ridiculum, Ebulidis somniū, suave delirium, fertiles & inutiles subtilitates, & nescio quid non aliud.

Si verò Paracelsi & affeclarum de-  
rerum omnium prima materia sententia quærat, ita Paracelsus in Philosophia ad Athenienses scribit: *Omnium rerum, que creantur & corrumpuntur obnoxie sunt, unum suum principium, in quo conclusa sunt omnes Creaturæ intra eorum comprehendit. Intelligendum quidem ex una materia cuncta creata prodisse & non obtigisse cuique propriam. Hæc materia rerum est mysterium magnum, & non perceptibile.*

Materia prima Paracelsi.

Mysterium magnum Paracelsi.

quid

de re affer-  
caam rei.

quid, non ullius sensibilis essentia, neque sub aliqua forma vel proprietate inclinatum, non alicujus coloris, nec Elementaris naturae. Quam latè se extendit et cetera regio tota; tam ampla fuit sphaera mysterii magni. Hoc mysterium magnum fuit mater omnium Elementorum, & pariter avia stellarum omnium, arborum & creaturarum carnis. Nam ut ex matre proles nascitur: haud secus ex mysterio magno cuncta creata nata sunt; estq; mysterium magnum una mater omnium rerum corruptibilium, & mortalium, & suam ex ea duxerunt originem non quidem successivè, sed in una creatione, substantia, materia, forma, essentia, natura & inclinatio data sunt. Dorneus verò, in Physica Geneleos, Mysterium magnum ita describit: Eternum aeterna sapientiae verbum in immensi & infiniti sui centro aeterno finiti & quandoque transituri centrum collocare voluit, ut in eo sibi materiam prepararet absque ulla praesente materia quapiam ad mundi creationem idoneam. Recentiores verò materiam primam dicunt esse subjectum essenziale, formas omnes actu possidens, elargiens & conservans, sive punctum quoddam, à quo omnia emanant, ad quod tanquam Centrum omnia collineant, à Creatore Deo in rudem olim massam impositum, quod sit communis illa mater, fons vitae inexhaustus, actionum omnium naturalium, generationum, mixtionum, transplantationum origo, quae universam Anatomiam corporis occupans pro diversitate Tincturarum impressionum, & consuetiarum diversas operationes producit, morborum omnium peccatos,

Crisis & sanationes moderatur, ac digestis temporibus consumtis Elementis ipsa ad novorum Individuorum procreantem permanet.

Hic initio proponendum videtur aut praemittendum Jacobi Zvingeri, qui in Chymia excolenda procul dubio utilem operam, nisi immaturâ morte praevectus fuisset, praestitisset, judicium, qui in Epistola ad Guil. Fabricium, quam citat Andreas Libavius, in praefatione Examinis Philosophiae vitalis Crollii, scribit: Philosophata Paracelsi, sua sententiâ, vel eadem esse cum Graecis, vel deteriora. Eadem quidem interdum, sed affectata verborum peregrinitate, ut aliud dicere videatur, immutata. Diversa verò vel pejora, cum falsis opinionibus veritatem obscurat, & allegoriis alienis nititur, potissimumq; fundamento Microcosmi, quasi in hoc sint omnia Macrocosmi: quo destructo omnia superstructa collabuntur.

Rem ita sepe se habere vel ex Paracelsi asseclarum doctrina de materia prima & mysterio magno videre est. Nam quæ primò de mysterio magno & materia prima à Paracelso & asseclis afferuntur, ut modò dictum, vel pro meris figmentis habenda sunt, & cum sine omni ratione proferantur, eadem facilitate, qua proferuntur, rejiciuntur, vel ex Graecorum libris petita, & peregrinis nominibus involuta sunt.

Ipsos fingere & proponere quælibet, ex eo patet: quod aliter de materia prima loquitur Paracelsus, aliter ejus sectatores, & utriq; sine omni

Jac. Zvingeri de Paracelsi doctrinae judicium.

ratione prolata. Nam Paracelsus & cum eo Dornæus, ex materia prima & Myserio magno omnia creata produisse; Recētiore verò materiam primam in rudem illam. massam impostam fuisse, & ita rudem massam ante materiam primam fuisse statuunt. Deinde hic non afferam, quæ de creatione mundi, *disp. i. contra Paracelsum*, disputat Erastus; nec etiam quæ aliis in locis de mysterio magno scribit Paracelsus. Lib. i. Philosoph. ad Athenens. ex professo hac de re agit Paracelsus. & omnia creata corruptibilia è mysterio magno increato provenisse scribit.

*Mysterium quid Paracelso.*

Myserium autem, si ejus mentem diligenter attendamus, nihil ipsi est aliud, quàm materia, quæ occulto & invisibili modo aliquid in se continet, sive ex quo aliquid provenit, quod in ea non animadvertatur. Ita enim sterces esse mysterium Scabæzorum; Lac, Casei, Butyri, Serici, Caseum, vermium scribit, *alleg. lib. text. 3.*

*Quotplex Myserium Paracelsi.*

Mysteria verò facit duplicia; Specialia, seu singulorum singula, & mysterium magnum increatum, è quo res omnes creatæ corruptibiles sublunares provenierint. Fuisse autem res omnes creatas corruptibiles in eo mysterio non formaliter, non essentialiter, non qualitativè (ut ita dicam) *text. 4.* scribit; sed sicut in ligno est imago, quæ non videtur, donec superflua ligna abscendantur; cum hoc tamen discrimine, quod ligni segmenta abjiciantur; in mysterio, verò increato, nullà re abjecta,

quodlibet suam formam & essentiam acceperit. Atque ita separatione res omnes è mysterio magno productas fuisse censet.

Optandum verò esset, ut de Paracelso hic & alibi dicere possemus; quod Scaliger, *exerc. 61. sect. 3.* de Platone scribit, eum optima quæque illa, quæ sunt in magna hominum admiratione, ab aliis sumta nectare suo condita posteris reliquisse. Verum, si, quod res est, dicendum, Zwingeri iudicium hic potius locum habet, & videmus, eum antiqua, affectata verborum peregrinitate aliqua, ut aliud dicere videretur, immutasse; imò falsis opinionibus antiquorum sententias sæpius obscurasse. Legit procul dubio Paracelsus, quæ Moses de creatione mundi scripsit; innotuit illi fortasse aliquomodo Chaos illud Philosophorum antiquorum, etiam à Poëtis decantatum; imò aliquid fortasse de idea mundi Platonica inaudit; nec etiam, si unquam in Scholis Aristotelicorum & Galenicorum versatus fuit, materia illa prima ἀνορφος, ἀόρατος, πᾶνδεχὴς, χωρὸς καὶ ὑποδοχὴ καὶ μητὴ τῶν ὄλων; ipsi incognita esse potuit. Verum cum ipsi, ut supra, è libro de ligno & linea vita pag. 542 dictum, Moses parum eruditè & perfectè creationem Mundi descripsisse videretur, neque philosophica illa satis caperet; Myserium istud magnum finxit; quid tamè sit, explicare non potuit.

*Mysterium magnum unde Paracelsus finxit.*

Si verò, ut aliquo modo intelligi possit, explicari debeat: nihil aliud erit, quàm vel Idea vel Anima mundi Plato-



Platonica, vel Chaos, cujus plerique antiqui Philosophi meminerunt. Et quidem Ideæ mundi Platonice magis convenire videntur, quæ Paracelsus dicit de Materia prima omnium rerum sive mysterio magno. Plato enim, in *Timæo*, scribit: *Si pulcher est hic mundus, si bonus ejus opifex: perspicuum est, ipsum ad sempiternum quoddam & permanens exemplum factum esse; quod in libro de Anima mundi, Ideam vocat: Paracelsus verò, lib. Philosophia ad Athenienses, t. 4. Mysterium magnum increatum vocat, & ex eo omnes res prodiisse passim. toto illo libro docet: atque ita quatenus increatum esse dicit, cum Idea mundi Platonica convenit. In cæteris est Chaos illud, cujus passim antiqui Philosophi mentionem faciunt.*

Atque ita nihil novi dicit Paracelsus. Ut tamen aliquid novi dicere videretur, nominis peregrinitate id affectavit. Interim tamen antiqua dogmata corrumpit, & res diversas ab antiquis propositas confundit, & sibi planè non constat Paracelsus. Principiò enim absurdissimè est, quod Mysterium magnum, increatum esse dicit. Quid enim magis à scriptura, imò omni, recta ratione alienum, quàm aliquid increatum statuere, præter Deum? Nam quod Dornæus, in *Admonit. ad Erasmus*, Paracelsum excusare conatur: eo ipso eum magis accusat, & absurda absurdis cumulat, dum scribit: *Creationem primæ diei fuisse supernaturalem, & in divina mente solum à Deo*

*per verbum suum conceptam. Et in physico. Genes. Aeternum sapientia verbum aeterna in infiniti & immensi sui centro aeterno, finiti & quædam, transituri Mundi Centrum collocasse, ut in eo sibi materiam prepararet, absq; ulla præjacente materia quapiam, ad Mundi creationem idoneam. Et iterum; Dei Sapientiam conceptione mentali adaptasse sibi materiam idealem invisibilem & incomprehensibilem, Et in hac creasse res omnes unitè & non confusè junctas, donec per divisionem à Creatore tandem patefacta sunt. Quibus omnibus nihil novi docet, sed Ideam mundi Platonice, deinde Chaos illud omnibus notum proponit. Sed forsitan Paracelsus & Dornæus Dei in creando consiliarii fuerunt; quoniam tam exactè sciunt, Deum, in tempore & primà quidem die Ideam Mundi, quem creaturus erat, demùm concepisse.*

Recentiores verò dum describunt Materiam primam esse subjectum essentialè, formas omnes actu possidens, elargiens & conservans, sive punctum quoddam, è quo omnia emanant, & ad quod, tanquam Centrum, omnia collineant quod à Creatore Deo in rudem olim massam, impositum sit fons vitæ inexhaustus, actionum omnium naturalium, generationum & mixtionum origo: Si de Materia loquuntur, parùm consentanea, nec sibi cohærentia, & non nisi verba, quibus res non subest, quibus tamen, quasi *divinitus* sint, nullà ratione prolata fidem habere cupiunt, proferunt. Quæ enim si ista

*Materia prima Recentibus.*

*Duplex Creatio mundi Dornæi.*

materia, quæ formas omnes actu contineat, quæ actionum omnium naturalium, quæ tamen à suis formis quæq; proveniunt, causa & origo sit, quomodo res una omnes formas actu possidere potest?

Si autem, quod semper à veritatis amatoribus faciendum, opinio ista in sensum aliquem meliorem trahi debet, nihil aliud per eam intelligere possumus, quam vel vim seminariam, cunctis rebus à Creatore in prima creatione inditam, cujus beneficio à re minima & puncto quasi res quælibet naturalis in molem suæ speciei convenientem sese augere potest: vel Animam Mundi Platonicam. De ea eam Plato, *lib. de Anima Mundi*, scribit, quod ipsam Deus in medio ipsius mundi indiderit, & extra eduxerit, ipsumq; universum ea contraxerit. Seu, ut in *Timæo* habet, quod animam Deus in medio mundi collocarit, & per totum extendit ac circumdedit corpore, & vestiverit corpore extrinsecus, eamque ut Dominam & Imperatricem obedienti præfecerit corpori. Et *lib. 10 de legibus* scribit: *ψυχὴν* esse *διουρανῶν καὶ ἐνοικησάντων* in omnibus, quæ moventur, eamq; universi mundi curam gerere. Est enim Platonis Anima Mundi nihil aliud, quam *δσολός* ille contrariarum rerum *συναγωγός*, omnis *δολήσιος* in hoc mundo fons & principium.

Quæ in re iterum nihil novi adferunt; sed antiquissimum dogma subschemare peregrini nominis occultant. Anima enim mundi apud

omnes est celeberrima, omnesq; libri veterum & recentiorum Platoniorum ejus commendatione pleni sunt. Quorum sententias egregiè complexus est Virgilius, 6. *Æneid.*

*Principiò Cælum ac Terras camposq;  
liquentes*

*Lucentemq; globū Lunæ, Titaniq; astri,  
Spiritus intus alit, totamq; infusa per artus* (miscet.

*Mens agit molem & magno se corpore*  
Et, 4. *Georgic.*

— *Deum namq; ire per omnes  
Terrasq; tractusq; maris, Cælumq; profundum.*

Animam nimirum mundi ubiq; per terram & aquam spiritualia ac vivifica semina in se continere, & per se gignere, ubicunq; semina corporalia desunt; Semina rursū derelicta ab animatis fovere, atq; ex putrido vinaceo semine variam, ordinatam, pretiosamq; gignere vitæ, & ubicunq; generans deest, solæq; apparent qualitates accidentales, generationē efficere, vicemq; generatricis substantiæ gerere statuunt, ut Mars. Ficinus pluribus docet, l. 4. *Theolog. Platon. c. 1.*

Sed non placet hæc sententia Aristotelicis plerisque, qui nullā evidentem rationem persuadere, vel necessitatem cogere statuunt, ut Animam Mundi dari concedant, nullamque actionem in Mundo apparere, quæ peculiariter ab aliqua totius Mundi anima proficiat; sed omnes mundi partes peculiariæ formas habere, & per eas suas operationes exsequi; Ideoque Entia temerè multiplicanda non esse censent.

*De Anima mundi Aristotelicorum sententia.*

Verum

Verum de hac controversia hic pluribus disputare locus non est. Duo saltem monuisse sufficiat: Primò, ut etiam modò dictum, nihil novi hic adferre Chymicos, sed antiquum dogma novis nominibus occultare. Deinde *ἄρχαῖον τινὰ λόγον* & antiquissimum dogma esse, Mundum seu Animam seu Spiritum habere: quod nec Aristoteles planè negasse videtur, dum *lib. 3. de gener. anim. c. 11.* scribit: *ἡ ψυχὴ ἴσα ἀρχαῖον τὸ ὕψρον, ἐν ᾗ ὁδῶται πνέουα, ἐν ᾗ πνέουαὶ θεομοίτητα ψυχικὴν: ὡς τοῦ πνέουα πάντῃ ψυχῆς εἶναι πλήρη.* Id est, *Humorem in Terra, Spiritum in humore, Calorem animale in universo inesse: ita ut quodammodo plena sint Anima omnia, que verba πάντῃ τῷ λήθῃ ψυχῆς,* & in libro Hermet. Trismegist. cui titulus: *πρὸς Ερμῆ,* exstant.

Spiritus  
Mundi.

Et qui probabilius aliquid statueret, nec tamen animam Mundi concedere volunt, Spiritum quandam communem & vitalem ponunt, qui per universum hunc Mundum diffusus omnia conservet & foveat: quem nonnulli cælum cælorum commune appellant. Quem & Aristoteles agnovisse putatur, *lib. de Mundo c. 4.* dum scribit: *λέγεται πνεῦμα ἢ πᾶν ἐν φύσει ἔ ζωῆς, καὶ ἀπὸ πάντων δὴ κρῶσα ἑωψυχῆ καὶ γόνιμου ὄσῃ.* Imò sunt, qui illud in Tabula Smaragdina Hermetis, *Quod est inferius, est sicut id, quod superius, Et quod est superius, est sicut id, quod est inferius,* &c. de isto Mundi Spiritu explicandum censent.

Ad hanc mundi animam seu spi-

ritum Recentiores admirandorum quorundam seculi nostri artificiorum causas referunt: quorum quædam recenset Marcellus Vranckheim; in *Epist. Lampadrivæ & mortis Jo. Ernesti Burggavii præfixa.* Scribit enim in ea epistola, stupendam & prodigiosam in Anglia existere Sphæram, à Cornelio Drebbelio Batavo fabricatam, qua mobilis sempiterni virtute perennes exploratissimiq; siderum cælestium, motus, ætus item Oceani, marisque affluxus & refluxus represententur. Organum quoque Musicum recenset, quod cælo puro, Sole libero, sola radiorum ab eo structura excitato intus citharædo illo genio, nulla organici manû adnota, Symphoniam edat cælestissimam: cælo nubilo, Sole obstricto, sileat. Atque ista omnia moventis æterni, atque animæ mundi virtute perfici narrat: quanquam addat: Eam esse artificis felicitatem, ut rationem ejus reddat nemini. Que de re experientia consulenda.

Tandem Materiam primam Aristotelis quod attinet, contra quam hæcenus acriter pugnarunt pleriq; Ramei, & Recentiores quidam Chymici, eamq; ut dictum variis convitiis insectati sunt, & versipellem Prothea, libidinofam Thaida, in forme monstrum, Ridiculum Eubulidis somniû, suave deliriû, futiles & inutilis tubilitates, ignavissimû malefieri hominis Cerebri, aut Cerberipotiû figmentû, Ens rationis irrationale, in Utopiâ & gehennâ relegandum appellant. Vide: n. illi, qui hoc

Drebbelium

facti

faciunt, ne in Creatorem rerum omnium injurii sint, atque id, quod illi pulcrum & bonum visum fuit, ita vituperent & insectentur. Nam ut rem in pauca contraham, cum sit differentia inter <sup>factio</sup> materiam & <sup>coactio</sup> formam, atque generatio & corruptio, rerumque naturalium transmutatio negari non possit: nec materia prima negari potest. Cum enim sola forma, etiam in Elementis, totam rei essentiam non <sup>faciat</sup> compleat, nec ut res sit quanta, à forma habeat: necesse est, aliquid adhuc in rebus materialibus inesse, quod cū forma totū constituit, formamque sustinet: quod quid aliud esse possit in Elementis, quā materia prima, non video. Et cū omnia naturalia corpora materiata dicantur: necesse est, ut communem materiam participant. Deinde quicquid sit, fit vel ex nihilo simpliciter, vel ex aliquo. Prius hinc locum habere non potest: Id enim est Creationis, non generationis. Ergo fit ex aliquo. At verò illud, è quo generatur, vel est tantum forma, vel totum Compositum, vel aliquid præter hæc duo. Non duo priora. Nam in nova rei generatione forma prior interit. Ergo adhuc aliquid præter formam est. Materia nimirum, quæ habet privationem rei, quæ gignitur, & tam formam, quam jam actu possidet, quam illam, quæ priori abolitâ introducitur, recipere apta nata est. Quæ licet sensu non deprehendatur: Tamen idcirco neganda non est. Et hac de causa eam negantibus Plato & Aristoteles procul du-

bio responderent; Oculos, quibus materiam ultimam videtis, habetis, quibus primam videatis, oculos mentis non habetis. Cogitare debebant hi, qui materiam primam negant, aliud esse generari, aliud creati; aliud corrumpi, aliud in nihilum redigi. Illa fiunt ex aliquo in aliquod; hæc è nihilo & in nihilum. Et propterea cum ex alio aliud fit, & forma aboleatur, aliquid manere, quod sit ejus mutationis subjectum; Id quod Plato & Aristoteles vocant Materiam primam. Atque ita Materia prima subjectum est primum transmutationis, nullam ex se habens formam, omnes tamen recipere apta nata. Quemadmodum enim æs vel lignum, quatenus æs vel lignum, in se actu nullam formam artificialem possidet; potentia tamen omnes recipiendi prædita est: Ita Materia prima in se nullam definitam & specificam naturalem formam habet; apta tamen est omnes recipere.

Licet verò hæc ejus essentia à forma distincta sensu comprehendendi non possit, sed tantum ratione: non tamen propterea est Ens rationis, vel merum rationis nostræ figmentum; sed Ens reale, & ut Scaliger, *Exercitat. 5.* loquitur; *Materia per essentiam sibi propriam est id, quod est.* Et *Exercitat. 17.* *Materia est sua quidditas, quæ est aliquid, & aliud ab aliis.* Et quidem est substantia seu Ens ab Accidente distinctum: Et quidem substantia corporea. Et si verò Materia prima propria

Datur  
nāa sic p̄t̄  
transmutatio.

fit

## CAPUT VIII.

## De Elementis.

propriam sibi essentiam & Entitatem habeat, quâ à forma quiddam diversum est: Existentiam tamen per se nullam haberi quæ propriè est tantum compositi; Sed tota est potentia,  $\alpha\upsilon\omicron\rho\textcircled{\circ}$ ,  $\alpha\pi\omicron\textcircled{\circ}$ . Non quod sit in potentia ad suum esse, quod ipsa sibi est per essentiam, sed ad esse hoc tale, ut ait Scalig. *Exerc. 17.* Neque  $\alpha\mu\upsilon\epsilon\phi\textcircled{\circ}$  &  $\alpha\pi\omicron\textcircled{\circ}$  dicitur, quod nullam formam & qualitatem habeat: (nunquam enim est sine forma & qualitatibus:) Sed quod omnis forma & qualitates, quæ ei insunt, sunt extra & præter ejus essentiam. Est enim, ut Scalig. *Exerc. 61.* scribit: *Materia prima unum individuum, sicuti v. gr. Cerae massa, cujus pars alia candela formam generat, pars simulacri, alia pile, alia tessera, potestq; massa illa tam hanc quam illam formam habere, nullamq; sibi peculia rem vendicat; ut aliquam tamen semper habeat, necesse est.* Neque enim Materia prima à Deo fuit creata, ut species quædam definita & distincta rei naturalis: Sed est potius rebus naturalibus concretata, & est quasi rudimentum, neque per aliquod tempus absque forma ullibi in rerum Natura universa existat, sed solum sub illa; nulli tamen peculiariter adstringitur, sed sub omnibus esse potest.

Proximum est, ut quæ de Elementis Chymici recentiores sentiant, dicamus: qua in re ita perplexi, obscuri & varii sunt, ut etiam in mente eorum saltem explicanda Oedipopus esse videtur; Lectorique id imprimis difficultatem parit, quod non, Aristotelico & antiquorum Philosophorum more, ex præcognitis quibusdam & notis ad ignota progrediuntur, & ea, quæ asserunt, rationibus munire conantur, sed saltem, quæ statuunt, affirmant, affirmationique nudæ sine omni ratione allatæ fidem adhiberi cupiunt. Multi enim hic sibi ipsis nimium confisi, nequaquam res ipsas naturales earumq; virtutes intuiti, non eam rebus naturam & facultates, quibus à Deo donatæ sunt, tribuunt, sed veluti cum Deo de sapientia contententes, Mundum pro suo arbitrio construunt. Itaque nec eum rerum naturalium numerum, qui à Deo optimo maximo constitutus, retinent, nec eas rebus naturalibus vires, quibus præditæ sunt, tribuunt, sed pro libitu, modò, quæ reperire est, è rerum naturalium numero excludunt; modò illa, quæ nullibi suat, in eadem reponunt; Atque ita Deo & Naturæ quasi sapientiâ præeuntes, Mundum pro suo arbitrato fingunt. Aquorum institutio cum merito simus alienissimi, Naturam, qualem se conspiciendam & sensibus & rationi exhibet, ut contem-

*Unde ex  
fructu  
doctrina  
Physicæ.*

plemur, laboremus, eamque hujus mundi constitutionem asseramus, non quam cujuslibet opinio sibi fingit, sed quam Creator rerum optimus & sapientissimus nobis contemplandam proposuit, & quam sensus & vera ratio nobis monstrat.

Et principio quidem Elementa non negat Paracelsus; & ejus asserit. Et si ea negarent; non tam contra Aristotelem, quam contra antiquos Chymicos omnes, Lullium, Arnoldum de Villanova, Alb. Magnum, & alios disputarent, apud quos non minus crebra sit Elementorum mentio, quam apud Aristotelem.

De Elementis sententia Paracelsi.

Verum longè aliter de ijs loquuntur & sentiunt, quam hætenus in Philosophorum Scholis receptum fuit. Nam cum hætenus ex Elementis mista omnia corpora inferiora constitui creditum sit, & plerarumque naturalium rerum causarum ex Elementis petita sint: ipsi etsi hæc Elementa rebus sublunaribus inesse non negent, parùm tamen ipsis tribuunt, actionumque causas esse negant.

Elementa duplicia Paracelsi. Elementa visibilia.

Ut verò Chymicorum opinio rectius percipiatur, sciendum, ipsos duplicia Elementa constitutere, Visibilia & Invisibilia, sive sensibilia, & insensibilia. Ea, quæ hætenus in Philosophorum Scholis pro Elementis sunt habita, visibilia & sensibilia nominant, & vix Elementorum verorum nomine dignantur, & corpora mortua, carentia arcanis, nihil nisi Refollaceas & passivas qualitates Possidentia, vilia & servilia pecora, per-

enni fluxu generationibus inservientia, & ob id infimè subsellium occupantia appellant, atque eos, qui iis inhærescunt, corticè & filiquas pro nucleo, vestem pro Matriona, Aerem pro Junone, Ancillas pro Domina cum Penelopes procis arripere, & amplexari dicunt.

Elementa invisibilia.

Elementa verò sua invisibilia effedunt, & plerumque cum Elementa nominant, non illa vulgò nota, sed hæc sua invisibilia & insensibilia intelligunt, atque ea essentiam, vitam & actum Entium universorum esse dicunt. Paracelsus, in *præfat. lib. Meteororum, & Philosoph. Sagacis* l. i. §. *Generatio*, Elementa matrices nominat, quæ fructus gerant & foveant, quibus homo nutritur; & ejusd. l. i. c. i. scribit: *Elementum nihil aliud est, quam subjectum, per quod aliquid perfici debet: & Elementa sunt ea res, in quibus Vivum collocatum est.* Et, in *Philosophia ad Athenienses*, l. 2. t. 6. scribit: *Ut rectius intelligatur, quid sit Elementum, sciendum, Elementum nihil esse aliud, quam Animam quandam, non quod ejus essentia sit sicut Anima, sed quod similis sit Animæ.* Et mox: *Anima Elementorum est vita Creaturarum.* Et, in libro *Meteororum* c. 2. *Ut sciamus*, inquit, *quid Elementum sit, hoc exemplum sumamus; Homo habet magnum corpus; quod verò homo est, est Anima; est Spiritus & parvum quid. Quod verò Corpus appellamus hominem, ideo accidit, quod homo in corpore est, & Anima sine corpore non est, sed cum eo. Ita terra appellatur Elementum; cum tamen sit corpus tantum, in quo verum & invisibile terra Elementum inest.*

inest. Et mox: Ita quatuor Elementa sunt corporea, sed in sua essentia & natura sunt spiritus. Et postea: Si dicatur, hoc provenit ex Terra, intelligendum est de vero, spirituali & invisibili Elemento, non de corpore. Et iterum: Caro & sanguis non est homo, Spiritus vero est homo. Ita quatuor sunt Anima vel Spiritus, unus terra, alter aqua, tertius aeris, quartus calis. Terra nimirum habet corpus, sed in corpore est spiritus. Omnia vero, quae ex terra crescunt, à Spiritu proveniunt.

Atque ista Elementa non misceri, neque ex Elementis mistis, quod in Scholis Philosophorum vulgò docetur, generationes fieri statuit, sed in singulis Elementis semina latere, quae certis temporum periodis in generationem progrediantur. Ita enim, lib. 2. ad Atheniens. t. 2. Elementa non possunt simul consistere, neque, ulla res est, quae ex quatuor Elementis constet; vel ex tribus, vel ex duobus, sed quodlibet Creatum habet unicum Elementum. Atque ita Paracelso est Elementum, quicquid fructus, id est, certam rerum naturalium sive creaturarum speciem subministrat & fovet.

De fructibus autem Elementorum, de Caducis par. 2. ita scribit: Terra fructus sunt omnes herbae, arbores & Gramina. Aqua fructus sunt metalla, lapides, & similia: Aeris, Ros, Manna, Ignis, Pluvia, Nives. Esti alibi Stellae Ignis fructus esse dicat, & ignem & firmamentum pro eodem habeat. Eadem vero est sententia Recentiorum, quibus presso pede Paracelsi potius sequi, quam in rerum fundamenta & rationes inquirere placuit.

Petrus Severinus, c. 5. Idea Medicinae Elementa dicit esse loca, matrices, domicilia, vitali validaque potestate munita, quae semina generationi consecrata foveant, suscitent, ad maturitatem promoveant, emeritis receptacula concedant; & quia loca sint, incorporea esse dicit & vacua; aliis enim & nisi à dimensionum legibus absoluta essent, nequaquam corporum & principiorum tantam multitudinem tam facile recipere.

Dividit autem Elementa in duos globos, & utriusque globo duo Elementa tribuit, Superiori firmamentum, Coelum vel Ignem & Aerem; inferiori terram & aquam; & quodlibet Elementum suos fructus edere statuit: Firmamenti fructus esse, quos vulgò vaporibus & exhalationibus adscribunt; Aeris mannae & roris species; Aquae mineralia, metalla, lapides, Terrae herbas & Animalia, & ista Elementa non misceri etiam statuit.

Recentiores ex eodem Severino iisdem ferè verbis Elementa dicunt esse Invisibilia & Incorporea, quae tanquam loca, matrices & domicilia vitali validaque potestate munita semina generationi destinata in Abyssis suis & Orco foveant, digestis temporibus suscitent, ad maturitatem promoveant, ac emeritis diversoria & receptacula concedant inmutabili quiete beatâ. Crollius aliginem & tenebras legentium oculis ab obscuritate Severini offusâ discussurus, ut pollicetur, ferè majores addit. Ita enim de Elementis philosophatur,

P. Severini  
de Elementis  
sententia.

Elementorum  
divisio  
secundum  
Severinum.

Elementum  
Paracelsi  
quid.

Elementorum  
fructus.

Crollii de  
Elementis  
sententia.

p. 21. & seqq. *Vera Elementa cum suis propriis astris non sunt visibilia aut sensibilia, sed sicut anima in corpore est insensibilis, ita etiam Elementa in suis corporibus. Corpus Elementorum est res mortua & tenebrosa. Et postea: Nostra visibilia Elementa sunt aliorum saltem corpora & domicilia, & vim illorum impediunt & remorantur. Terra est duplex, Externa visibilis; Interna invisibilis. Externa non est Elementum, sed est corpus Elementi, & est Sulphur, Mercurius, Sal. Elementum autem terra est vita & Spiritus: in quo astra terra jacent, qua per corpus terra producant omnia crescentia. Idem de reliquis statuit.*

Paracels.  
sua princi-  
pia priora  
Elementis  
attribuit.

Ex quo loco apparet, Crollium tria principia adhuc ante Elementa constituere; quod & Paracelsus, in *Labyrintho Medicorum errantium*, c. 3. fecit, & illa prima simpliciter facere, postea ex his tribus quatuor Elementa condere per quatuor modos, ita scilicet, ut Caelum sit factum uno modo ex Sulphure, Sale & ☿; alio modo ex iisdem aer; alio modo Aqua; alio Terra. In qua re & Severino & plerisque aliis Chymicis dissentit, qui Elementis addunt principia, non ut constituentia ea, sed ut in corpore constituendo socia. Ex corporibus hisce postea prodire Crescentia scribit, & ex his fructus mediantibus astris provenire statuit. Ex corpore ignis, inquit, emicuerit astra visibilia sive stellae firmamenti; ideo ignis est nutrimentum & conservatio stellarum; ex corpore Aquae concresecunt metalla, salia & mineralia: Ex cor-

pore Terrae crescunt arbores & herbae. Firmamenti fructum dicit esse Nivem, eamque generari in igne.

Quercetanus, in *defensione contra Anonymum c. 14.* etiam Elementa alia invisibilia, alia visibilia esse statuit. De invisibilibus ferè ut Paracelsus & Severinus sentit. Visibilia duo esse dicit, siccum sive terram damnatam, & humidum sive phlegma. Facit tamen postea quoque Aeris mentionem, sed qui seorsim capi aut separari nequeat, sed vel Sulphuri vel Mercurio permixtus sit, atque inprimis Mercurio adhæreat. Igneum vero Elementum nullum aliud, præter Caelum, agnoscit.

Quercetanus  
opinio de  
Elementis.

Beguinus, in *Tyrocinio Chymico*, Elementa tantum duo esse statuit, dum ita scribit ferè ex Quercetani sententia: *Observandum est, quod in Spagyrica mistorum ἀνασχυεῖσθαι præter tria commemorata principia verè activa duo alia resultant corpora, quae principiorum numero à Chymicis non adscribuntur, quod illorum tantum sint integumenta, omnique δυνάμεις Hippocratica destituta, quorum alterum siccum, alterum humidum, & accidentaliter Aerem, nempe phlegma insipidum & inodorum, quodque tantum humectat citra ullam aliam ἐπίγειαν aut ἐπιφύωσιν Medicam.* Et hoc modo cum plurimis Chymicis duo tantum Elementa corporea constituit; Terram nimirum, Corpus à Sulphure, Mercurio & Sale separatum, quod terram damnatam, maledictam, & Caput mortuum appellat; & Aquam, omni Sulphure, Mercurio & Sale destitutam, insipidum phlegma.

Beguinus  
opinio de  
Elementis.

Quæ



Quæ omnia hæc tenentur ab his tradita si in pauca contrahantur, Constituant, quod etiam supra dictum, Paracelsici duo Elementorum genera, alia vera, invisibilia & incorporea, quæ corporeis istis visibilibus vulgò dictis Elementis insunt, tanquam Anima in corpore, vitali potestate prædita, seminumque conservationi & rerum generationi destinata: alia visibilia, crassa, mortua, & non nisi qualitates passivas habentia, in quibus illa invisibilia insunt. Utrorumque plerique quatuor statuunt; sed Ignem & Cælum pro eodem habent; alii duo tantum Elementa corporea & passiva admittunt, nimirum Terræ & Aquam, & Aquam accidentaliter quodque Aerem fieri dicunt.

Petrus Severinus tamen nescio quæ adhuc Elementa molitur, dum scribit: *Esse in natura ignem terrestrem, Aerem terrestrem, Aquam terrestrem: rursum terram caelestem, Aquam caelestem, similiter Terram Igneam, Aeream, Aqueam: postremò Aëreum Ignem, Aquam, Terram.* Quo modo Elementorum numerus valde augebitur. Habebuntur enim quatuor terræ, quatuor Aquæ, quatuor Aeres, ut sic dicam, quatuor Ignes. Et cū rursum quodlibet Elementum sit duplex, Visibile & Invisibile, magis adhuc Elementorum numerus augebitur.

*Elementum quid.*

Verum multa sunt, quæ in hisce probari non possunt. Primo enim abutuntur Paracelsici nomine Elementi, contra usitatum morem loquendi omnium sæculorum & ho-

minum. Cum enim Elementum propriè significet minimam partem ejus, ex quo res tanquam materia constat: ipsis Elementa saltem sunt loca, matrices, receptacula. Maximè autem differunt locus & materia rerum.

Deindè, quod Paracelsus, in *Labyrinth. Med. errant.* non ut reliqui saniores Chymici, qui tria, quæ ponunt, principia, vel Elementis posteriora, & ex iis orta, vel ut in corporibus naturalibus constituendis socia statuunt, sua tria principia ante Elementa ponit, & ex alia Salis, Sulphuris & ☿ commistione ignem; ex alia Aerem, ex alia Aquam, ex alia Terram constituit: Id admitti non potest. Neque ullà saltem probabili ratione defenditur, sed eadem facilitate, qua ab illo sine ratione ponitur, hæc opinio rejicitur. Et propterea alii Chymici saniores eam defendere ausi non sunt; Sed ut modò dictum, vel tria ista Chymicorum principia ex Elementis mista esse, vel in corporibus naturalibus constituendis socia esse, sentiunt.

Præterea non video, quomodo tollerari possit, quod nonnulli Recentiores Elementis, quæ æquæ, ut aliares naturales, Dei creaturæ sunt, ita iniqui sunt, & illa vilia ac servilia pecora appellant: Cedunt enim ista in ignominiam Naturæ, & Authoris Naturæ Dei, qui vidit omnia, quæ fecerat, & erant valde bona. Et propterea in Elementa, quæ etiam inter Creaturas Dei sunt, in quibus is suâ omnipotentiam, sapientiam & bo-

*Elementa non continentenda.*

nitatem declaravit, & sine quibus ne momento vivere possumus, ita joculari non decet. Serviant Deo & hominibus, & omnibus Creaturis sublunaribus, atque eo nomine non vituperanda, sed laudanda sunt; qua in re nobis præit Psal. 114. qui laudat Deum, quod omnia in Sapientia fecerit, atque inter ea etiam Elementa. Neque etiam ita ignobilia sunt, & nullus actionis. Quantæ enim illorum actiones sint, & sana & morbida corpora experiuntur. Et quanta commoda Calor & Frigus Elementorum moderata, rursusque immoderata damnum afferant, experientia satis testatur. Non sunt ergo ita Relollacea, nulliusque pretii. Imò quantæ eorum actiones sint, ipsi Chymici satis norunt, qui sine calore & frigore nihil perficere possunt.

Pecant quoque in eo, quod Elementa corpora crassa nominant. Sit terra crassa: non propterea Ignis & Aer crassa sunt. Ejusdem notæ est, quod Elementa ista Visibilia nominant. Viderint enim terrâ & Aquam: quando verò vel Aerem & Ignem viderint, nec vel. Ineptè etiam Mortua appellant: cum enim nunquam vixerint vel vivere debuerint; non rectè mortua nominari possunt. Absurdus est illud, quod quidam in specie Terram maledictam nominant.

De numero autem Elementorum hic pluribus nō disputabimus, cum ea controversia non propriè Paracelsistas concernat, sed etiam inter alios Philosophos agitetur. Argu-

menta, quæ pro numero Elementorum proferuntur, alio loco relinquimus: cum ipsum nobis sensus satis monstret: & supercaneum sit, argumentis ea operosè demonstrare velle, quæ sèsus ipse e vincit. An non Terram & Aquam videmus? An non Aerem amplissimum istud spatium supra terrenum globum explentem haurimus & spiritu ducimus? Quis ignis vim non vidit & sensit? et si de loco ejus dubitant Authores. Ut & aliæ graviore quæstiones & controversiæ circa Elementa agitantur, quas explicare potius debebat Recentiores, quàm Elementa ita contemnere. Ut de aliis jam non dicam, de Aere aliqui contra communem opinionem statuunt, Aerem esse frigidissimum; Et probare id eò conantur: Quod aer sibi derelictus sèper frigidus, ut nullibi Aer calidus ex se ostendi possit, omnisq; aer calidus à causis externis calorem acquisiverit. Deinde quod Aëris causâ & vi Aqua & Terra humida congelatur, & quidem eo usque tantum, quousque Aer penetrat.

Ipsorum verò Invisibilia Elementa quod attinet, dictum antea, nec Aerem, nec Ignem visibilia ex se esse. Deinde ignotis istis Elementis alia adhuc occulta contineri credemus, si quod sint talia Elementa probaverint, & quomodo cognoverint ea dari; demonstrarint. Solæ Paracelsi, Crollii, Severini & similiū affirmationes nova Entia parere nō possunt. Et non est de nihilo, quod Libavius,

*Elementorum  
vires.*

*Aëris  
qualitates.*

*Elementa  
invisibilia  
Chymicorum.*

*Elementorum  
numerus.*

*in Examine Philosoph. Hartm. de Severino scribit: Bonus vir multa dicit, quasi nuper ex Theauris & abyssis Natura prodisset, & omnia nuda vidisset; sed nihil probat.*

Et certè mira sunt Elementa, quæ secundum Severinum, *cap. 5.* sunt naturæ incorporeæ, à dimensionum legibus absoluta, inanes, vacuæ. Corporum enim corporea principia hæcætenus omniū virorum eruditorum cōsensus credidit. At isti, nescio quæ, inania & vacua, imò incorporea nobis Elementa fingunt. Dum tamen infinita non esse, & virtutem vitalem terminos & fines iis præscribere ait Severinus, ipse sibi contradicit. Nam si terminos habent, hoc ipso dimensione non carent. Sicut nec cohæret, quod Elementa hæc incorporea inania & vacua appellat, iisque nihilominus contrarietatem & repugnantiam tribuit, *cap. 2.* Neq; etiam interorum istorum ac invisibilium Elementorum naturam satis explicant. Vidit forsitan eminus Paracelsus, non corpus agendi principium esse, & corpora sine formis & qualitatibus incorporeis nihil agere: at quod vidit & forsitan rectè sensit, rectè explicare non potuit, & pro forma agendi principio & Qualitatū omnium origine aliud elementum in elemento posuit. Aliud verò si sensit vel Paracelsus vel Severinus, parum probabilia asseruerunt, nec quid velint, satis explicare potuerunt. Nam cum Elementa ista externa & vulgaria, quibus sua interna longè præferunt, suas qualitates satis nobiles & efficaces

(ut ut ipsi Relollacæ videantur) habeant, & caliditate, siccitate; frigiditate, humiditate, levitate, gravitate, perspicuitate, opacitate sese ostendant: Illa interna Elementa (horum opinione longè nobiliora) omnibus qualitatibus, & hinc emanantibus actionibus non erunt destituta. At nullas adhuc horum Elementorum qualitates & actiones monstrare & explicare potuerunt. Nam quod dicunt, vitali, validæque potestate munita esse, & semina generationi consecrata fovere, nimis generale est: Imò hoc ipsum quæritur, quæ ista valida vitalisque potestas sit.

Præterea nec hoc probant, quod semina sint extra suam speciem in elementis, eo modo, quem ipsi proponunt. Neq; enim Deus semina Elementis in Creatione indidit; sed speciebus naturalium rerum, quæ sunt in Elementis. Neque semina conspiciuntur extra Individua Specierum suarum in Elementis, sed tantum in suæ speciei Individuis. Deus enim cum res crearet, dixit: *Germinet terra herbam virentem & ferentem semen, & lignum pomiferum faciens fructum juxta genus suum: cuius semen in semetipso sit super Terram.* Non verò dixit; <sup>semē</sup> plantarum sit in Elementis. Eadem ratio est animalibus. Nec Seyerinus hæcenus monstrare potuit, quod Animalibus ex Elementis sine parentibus progenita sint; Sed ad huc usq; diem per semina parentum propagantur; & per Individua sit specierum conservatio. Neque

*Semina rerum naturalium non sunt in Elementis.*

*Ratio plantarum qui bene possunt vivere, id possunt plantarum.*

*Ratio plantarum, qui bene possunt vivere, id possunt plantarum.*

*Ratio plantarum, qui bene possunt vivere, id possunt plantarum.*

Neque anima Bucephali, antequam generaretur Bucephalus, in Elementis istis invisibilibus, Abyſſo vel Orco fuit, ſed in parētibus ſuis. Omnes nimirum res ſemina ſua in ſe continent, quæ Dei benedictione & vi verbi divini, *Crescite & multiplicamini*, multiplicantur, & hoc modo per Individuorum multiplicationem, ſpecies conſervantur, non verò ex progreſſu ſeminum ex Orco vel beatis illis ſedibus Elementorum. Et licet tempore Verno ex Terra & Aqua plantarum & animalium multa genera, quæ tempore hyberno emortua videbantur, viciffim prodeant: non tamen ex Orco Hippocratis progrediuntur, ſed è ſuis ſeminibus aut radicibus, quæ à conſimilis ſpeciei Individuis ibi quaſi in matrice relicta fuerunt.

Neque refert, quod ex Orpheo vel Hippocrate quædam loca, quæ ab hac doctrina aliena non videntur, afferunt. Nam ſcimus, antiquos Philoſophos ſæpè ex vulgi vel aliorum ſententia locutos eſſe; ac multa, quæ Hippocrati attribuantur, Hippocratis genuina dogmata non eſſe. Non ignoramus etiam, non pauca apud antiquos Philoſophos abſurda dogmata reperiri, quorum plurima ex ignoratione Creationis rerum nata ſunt. Et ſi in hiſce Hippocratis autoritas iis eſt tam ſacroſancta: Cur non etiam in aliis ejus dogmata ſequuntur? Verù cū ad ea, quæ Medicinæ propria ſunt, properemus, hic plura in hunc ſenſum non addimus. Prolixè Paracelſi & Severini hac de

re dogmata examinat Eraſtus, *diſput. contra Paracelſi. part. 2.*

Qualitates verò primas quod attingit, quæ nullius ferè pretii ſunt Paracelſicis, & mortuæ, invalidæ, ac Relollacæ appellantur: rectè hic illud Diogenis ipsis objicitur; Qui, Zenone aliquando in Schola ſubtiliſ. rationibus motum negante, ſurrexiſſe & inambulæſſe dicitur, & Zenoni, quid ageret, interroganti reſpondiſſe: Se ipſius rationes confutare. Et quod Scal. *Exer. 13.* Cardano, Frigus nihil niſi Caloris privatione eſſe, aſſerenti reſpondit: Soleas abjice ac pileum, Cardane, quo tempore ex Alpibus Rhæticiſ urit nos Boreas. Stultum nimirum eſt, contra ſenſuum experientiam pugnare, quæ conſtat, ad rerum naturalium generationem & corruptionem qualitates primas maximam habere vim & poteſtatem, ac non minoris eſſe momenti, quam vel odores, vel ſapores, vel colores. Validiſſimæ ſunt iſtæ qualitates, non invalidæ.

Interim tamen dum Elementa defendimus, iis ſolum inhærendum, non eſſemus. Et ſi eâ de cauſa Paracelſicis Elementa & Elementorum qualitates exoſæ ſunt, quod putant, Ariſtotelicos & Galenicos omnes iis ſolis inhære, atque ideo Elementarios ambulatores & Philoſophos nominant: injuriam Ariſtoteliciſ, & qui antè Paracelſum fuere, Philoſophis & Medicis plurimis fieri dico. Fuerint ſanè aliqui, quicunque etiam, qui ſolis Elementis inhæſerint, & nihil ultra ea ſapuerint: at

Qualis aces  
prima non  
ſunt in eſſe.  
caces.

Elementis  
non ſolum  
inhæren-  
dum.

non tales omnes Philosophi & Medici fuerunt. Neque tam infantes & rerum omnium imperiti omnium seculorum Philosophi fuerunt, ut crederent, ex solâ Elementorum permissione tam præstantes Naturas, tam nobilium qualitatum & actionum authores, provenisse. Aristoteles certè multum supra Elementa sapuit; quod non solum ex libris de Anima patet, verum etiam ex insigni illo, 2. de generat. anim. cap. 3. loco, quem omnes rerum naturalium scrutatores perpetuò ob oculos habere debebant, quemque propterea, & cum multis aliis lucè allaturus sit, hic integrum inferere libet. Ita autem ille:

πύρρος ἐν ψυχῆς δυνάμει ἐτέρησιν οὐκ αἰτῶται ὅτι οἶκε κερκοπανηκέναι, καὶ χειρότερη τὸ καλὸν κενὸν στοιχείων. ὡς δὲ Διφφίρεσι πειθίσθη αὐτὸ ψυχῆς καὶ ἀπὸ τῆς ἀλλήλων, ἔτι καὶ ἡ τοιαύτη Διφφίρεσι φύσις. πάντων μὲν γὰρ ἐν τῷ σπέρματι ἐνυπάρχει, ὅπερ ποιεῖ γόνιμα εἶναι τὸ σπέρμα, τὸ καλὸν κενὸν θερμόν. τὸ δὲ πῦρ, ἔδδὲ πειθίσθη δυνάμει ὅτιν, ἀλλὰ τὸ ἐπιβλαμνωμένο ἐν τῷ σπέρματι, καὶ ἐν τῷ ἀφρωδεδει πνεύματι, καὶ ἐν τῷ πνεύματι φύσις ἀνάλογον ἔσται τῷ πᾶσι αἰσθῶν στοιχείων. διὸ πῦρ μὲν ἔδδὲν ἡννοῦν ζῶων, ἔδδὲ φάινει) σωματικὸν πνεύματι, ἔτ' ἐν ὑγροῖς, ἔτ' ἐν ξηροῖς ἔδδὲν. ἡ δὲ τῆς ἡλίου θερμότης καὶ ἡ τῶν ζῶων, ἔ μόνον Διφφίρεσι σπέρματι, ἀλλὰ καὶ ἡ περὶ τῶν πτωματικῆς τὸ φύσις, ὅν ἔπερ, ὅμως ἔχει καὶ τὸ τὸ ζῶον κενὸν δεξιῶν. ὅτι μὲν ἐν ἡννοῦν ζῶων θερμότης ἔπε πῦρ, ἔπε δὲ πνεύματι ἔχει τὸν δεξιῶν, καὶ τὸ τοιαύτων ἐστὶ φάινει. Omnis anima sive vir-

tus sive potentia corpus aliud participare videtur, idq; magis divinum, quàm ea, quæ Elementa appellantur. Verum proxi nobilitate & ignobilitate anima inter se differunt; ita & naturæ ejus corporis differt. Inest enim in semine omnium, quod facit, ut secunda sint semina, videlicet quod Calidum vocatur. Idq; non Ignis, aut talis aliqua facultas est, sed Spiritus, qui in semine ssumosq; corpore continetur, & Natura, quæ in eo Spiritu est, proportionè respondens Elemento Stellarum. Quamobrem Ignis nullum animal generat, neq; constituit quicquam densi vel humidis vel siccis videtur: At verò Solis calor & animalium, non modò, qui in semine continetur, verum etiam si quid excrementi, quanquam diversum à natura, tamen id quoque principium habet vitale. Ceterum calorem in animalibus contentum nec ignem esse, neque ab igne originem ducere, apertum ex his est.

Alexander Aphrodisæus in Proem. Problematum, infinita in rerum Natura existare scribit, quæ solâ experientiâ cognoscantur, & propterea à Medicis arcana proprietates appellentur. Atque eos reprehendit, qui talium effectuum Causas ex Elementorum Qualitatibus afferre conantur, eosque prævè solutiones proponere quamplurimas, quæ inutilis penitus sint & improbables docet.

Galenus ipse, lib. II. de simpl. med. fac. Pelopem Præceptorem reprehendit, quod omnia ad manifestas qualitates reducere conaretur. Et ut reliquos Græcos omittam; Avi-

Substantia  
quælibet

qui in  
libro  
de  
generat.  
anim.  
cap. 3.

Ex Quali-  
tatibus  
primis  
omnium  
rationes  
red-  
di non  
pos-  
sunt.

cennas, *fen. 2. pr. Canon. doct. 2. c. 15.* ubi de iis, quæ totâ substantiâ agere dicuntur, tractat, illam operationem non provenire ex qualitatibus primis, neque ex temperamento inde orto, sed à forma specifica post complexionem adveniente, scribit: quem Mesues & alii Medici plurimi secuti sunt.

*Occultæ  
Qualitates.*

Inter Recentiores Philosophus acutissimus Jul. Cæs. Scaliger. *Exerc. 2. 8. sect. 18. ad manifestas omnia deducere qualitates summam impudentiam esse* scribit. Et *exercit. 101. s. 14.* Cardanum ita alloquitur: *Quis te malus genius Alexandrus adegit eò, ut miserè diceres, sola elementorum permissione fieri posse, ut ferrum trahatur à Magnete? Et lib. 1. de plantis hæc habet: Primæ Qualitates penè ab omnibus existimatae sunt saporum causa: tametsi nobis aliter videtur. Nam si sapor à calore fit: ergo calidum elementum primo & per se sapidum existet. Quid quod multa mista calida insipida. Quod si quis dicat ex quatuor Qualitatum temperatione confici saporem: respondeat, an in Elemento quopiam, quæ Elementum est, sapor insit. Non sanè inest. Ceterum quemadmodum neque vitæ prodit ab Elementis, neque risus, neque sensus, neque intellectus, neque crementum, neque motus voluntarius, sed à formis aliis, quam elementariis: ita sapor quog. Si non est ab Elementis gustare: quare fit gustus? Atq; ita Aristotelici & Galenici planè Elementarii non sunt, neque qualitatibus primis penitus immeriti.*

Imò Sympthias & antipathias

rerum quod attinet, ita eæ non sunt ignotæ Peripateticis & Galenicis, ut etiam pleraq; earum exempla, quæ hodiè adducuntur à Chymicis, ab Aristotele, Galeno, eorumq; discipulis annotata acceperint. Si qui tamè sunt vel ex Philosophis vel Medicis, qui nihil supra Elementa & Qualitates primas sapiunt, ab eorû partibus non stamus. Et qui tentant omnia ad qualitates primas reducere, illis plerumq; evenit, quod de Epicuro & Asclepiade Galenus, *lib. 1. de nat. fac. c. 14.* scribit, ut rationes vel ineptas & ridiculas afferant, vel ea negent, quæ etiâ experienciâ confirmata sunt. Et certè si nihil esset, quod id nobis persuaderet, saltè in venenis decuit acquiescere, ut Scaliger. *Exer. 2. 8. sect. 18. ait.* Eorum namq; multa diversa hæbent ab Elementorum qualitatibus proprietates, quæ omninò latent animos temperatos, illudunt curiosis.

Nam primò quæ à qualitatibus manifestis fit alteratio & læsio, tam subito, quod venena faciunt, hominem interimere non potest. Secundò in minima quantitate maximas vires non habent qualitates primæ. Ignis quidem est calidus, nix frigida: Sed ut rectè scribit Galenus, *3. de Temper. c. 4.* Si quid horum prorsus exiguum est, nullam evidentem in corporib. nostris excitat affectum. At venena etiam in minima quantitate non solum maximarum operationum auctores sunt, sed etiam enecant. *Quis enim credat, inquit Galenus, 3. de loc. aff. c. 7. vel à Scorpione infixio*

*Qualitatum occultarum sicut*

*Venenarum sicut*

fixo aculeo, vel à phalangiorum ictibus totum corpus ingenti & iniustata mutatione affici, nisi sæpenumerò id accidere videret? præsertim minimam quandam rem feris in ipsum demittitibus: Et paulo post: *Marine Tururis, quæ admodum & terreni Scorpii aculeus in partem acutissimam quidem illam finitur, ubi nullum foramen est, per quod venenum dejici possit: Necessè tamen est, ut excogitemus substantiam esse aut spiritualem aut humidam, quæ, ut mole minima, ita facultate quam maxima est.* Et *Ælianus, lib. 9. c. 5. de animal.* refert, *Morsus vestigia, quæ aspis imprimit, tam obscura & parva esse, ut indicia vix acri oculorum acie deprehendantur.* Præterea in minima quantitate venena in corpore illæsa latere possunt, tandemque, longo post tempore vires suas exserunt; id quod qualitates Elementares præstare non possunt. Sic exigua sputi canis arbidii quantitas illæsa in corpore manere, & contra caloris nostri actionem sese tueri potest; tandemque, post menses non solum sex, sed longè plures etiã gravissimas corpori nostro mutationes inducit.

Et quod de venenis diximus, de aliis rebus plurimis dici posset, quarum vires sunt longè majores & nobiliores, quam ut ad qualitates primas referri possint. Quis actiones magnetis ad qualitates primas commodè reducet? Quis, quomodo purgantia suas actiones obeant; qua ratione medicamenta peculiare nostri corporis partes roborent, quod Alexipharmaca venenis resistunt, ex qualitatibus primis rationes suffi-

cientes dabit? Aut quis miras rerum plutarum Sympathias & Antipathias ex qualitatibus primis deducet?

Confugiunt hic quidem nonnulli ad id, ut dicant, occultas qualitates ex variè mistorū singulari temperie nobis planè incognitâ, Deo & Naturæ soli notâ oriri, neque aliud esse, quam latentem variè mistorum *ιδιου γυγοςίας*. Verum falsum est, occultas Qualitates eâ de causa dici, effectusque toto genere differentes satis monstrant, nullo modo, quæcunq; etiam mistio & temperies fingatur, à Qualitatibus primis eas oriri posse. Et rationes paulò ante allatæ equè contra temperiem, seu notam, seu occultam, qualitatum primarum, quam contra singulas seorsim pugnant. Nam, ut modò ex *Scaligeri, lib. 1. de plantis*, dictum; In nullo Elemento, qua Elementum est, sapor est. Et proinde nec in composito sapor ex elementis est. Et si occultas qualitates, quæ in rebus naturalibus deprehenduntur, à singulari Elementorū mistura deducere licet: annon ab iisdem Elementis vita, risus, sensus, motus voluntarius, imò ipsa anima, ut venenavit hanc Philosophia partem Alexander, ut verbis Scaligeri utar, deducatur? Sed nec hic acquiescunt; Et cum dicitur, nihil agere ultra virtutem suæ Speciei, & proinde cum occultæ Qualitates longè alios effectus producant, quam qui à temperie primarum qualitatum possunt proficisci; respondent; *Ut ex mistorum Elementorum varia*

*Qualitates occultas qua.*

miffione nascitur indicibilis qualitas, quæ in nulla re alia extet; Ita quoque esse magna & latentis efficacis, præcipud cum à forma dirigitur. Ita calorem ab ignis forma directum urere, ab anima coquere. Verùm prius quod attinet, petitur principiū. Hoc enim ipsū in quæstione est; An ex quacunque etiam seu manifestā seu occulta qualitatū elementarium missione oriri possit aliqua qualitas, quæ sit tantæ efficacis, qualis in venenis, & aliis rebus pluribus invenitur. Et hoc merito negatur, iterumque illis regeritur: *Nihil agere ultra virtutem suæ speciei.* Effectus autem, qui in venenis & aliis rebus, quæ occulto modo agere dicuntur, deprehenduntur, supravires. Elementorum pluribus modis est, supra monstratum est.

Deinde, quod dicitur tam miras actiones edere, quatenus à forma dirigantur, sciendum: Etsi Qualitates sint formarum instrumenta, & à Formis dirigantur, nunquam tamen amittere suas vires, aut Naturam, sed eas ipsas, solummodo exercere: si quid nobilius edatur, ab aliis Facultatibus & concurrentibus Qualitatibus fieri; Et proinde dum à Formis suis diriguntur, præter, vel ultra suæ speciei vires non agere. Ut res essentiis differunt ita operationibus & instrumentis. Id quod ipse Aristoteles docet, *lib. 2. de Gen Animal. c. 1.* ὡς περὶ, inquit, ἄν πέλκω, ἄν ἄλλο ὄργανον φησὶ αὐτῷ ποιῆσαι το πῦρ μόνον, ἄπως ἄν πόδα, ἄν χεῖρα. τὸν αὐτὸν δὲ τρόπον ἄν δὲ σάρακα. καὶ ἄν πύτης ἐργαζέται σκληρὰ μὲν

ἄν καὶ μὲν λυκά. Ἐχλίσρα. καὶ κραῦρα, καὶ οὐκ ἄλλα παθητὰ ἐρεχί τοῖς εὐψύχοις μορίοις, θερμότης καὶ ψυχρότης ποιήσιν αὐτῶν. Τὸν δὲ λῆρον, ἄν ἢ ἡ τὸ μὲν σὰρξ, τὸ δὲ εἶν, ἐκείν, ἀλλῆ κίνησις, ἢ διὰ τὸ γινώσκοντα τὰ ἐπιπελάσια ὄντα. ὅ ἐστι δυνάμει, ἢ εἶς γίνεταί, ὡς περὶ καὶ ἐπὶ τῶν γομῶν καὶ ἀπὸ τῶν σκληρῶν μὲν γὰρ ἔμαλακῶν τοῖς σίδηρον ποιεῖ τὸ θερμὸν καὶ τὸ ψυχρὸν: ἀλλὰ ἐξ ἡ κίνησις ἢ τῶν ὀργάνων, ἔχουσα λόγον τὸν τῆς τέχνης. Calor nimirum etiam dum est animæ: vegetantius instrumentum, solum calefacit, & solum calefaciendo coctioni inservit. Quod autem in vētriculo & Cibo fit Chylus, non solum à calore proficiscitur, sed à facultate ventriculī coctricæ, seu vi chylica, ut appellant. Sicut idem calor, etsi in diverso gradu, & coctioni in Epate inservit, in quo non solum ob Calorem, sed innatam vim sanguificandi Chylus in sanguinem convertitur: Nunquam verò Anima calore ad frige faciendum, aut humectandum, aut humiditate ad calefaciendum, & siccandum, aut aliquid ultra suas vires agendum, utitur: qualitatesque primæ quocunque etiam indicibili modo mixtæ, in animali venenato non evadunt venenatæ, aut veneni naturam induunt, sed veneni natura longè ab alio principio pendet. Et ut diversæ actiones à diversis formis fiunt: Ita quoque formis diversis ad diversas actiones edendas Natura diversa instrumenta dedit. Magnes non attrahit ferrum.

Occulta Qualitates non oriuntur ex primis.

Qualitates: prima non agunt ultra suas vires.



ferrum calido, frigido, humido, siccum, aut temperie quocunque modo & ἀπὸ τῶν mista; sed occulta & nobiliore qualitate. Materia & particula veneni à Scorpione immissi, non calefaciendo, frigefaciendo, humectando, siccâdo, aut his omnibus quocunq; modo mistis; sed peculiarî vi humores corporis nostri corrumpit, tandemq; hominem jugulat, quod nulla qualitas Elementaris seu sola, seu cum aliis quocunq; modo mista, præstare valet.

Sed nec in his acquiescunt, ac dicunt, quod plus sit in composito, quam in simplicibus. Verum concedimus quidem, plus esse in composito, quam in quolibet simplici seorsim sumto: Interim non sequitur, quod plus sit in Composito, quam in simplicibus omnibus, quæ compositionem ingrediuntur. Si plures Colores miscentur, fit quidem Color alius ab omnibus seorsim sumtis simplicibus: Sed tamen solum Color inde fit; nunquam verò ex coloribus, quocunque modo mistis, fiet odor, vel sapor, vel alia diversa speciei qualitas. Ita temperamentum è quatuor qualitatibus primis aliud quidem est, quam simplices qualitates seorsim sumtæ: Non tamen alia alterius speciei qualitas inde oritur. Et quocunq; modo qualitates primæ misceantur, nunquam ex his fiet Color; nunquam ex his emerget vis trahendi humoris, qualis est in purgantibus; aut ferrum, qualis est in magnete; vel alia Specie differens qualitas.

Verum nec ipsi sibi constant, & tandem confitentur, per formæ introductionem nasci novas qualitates & virtutes à forma oriundas, quæ Elementorum seu rerum miscibiliu: (utpote quæ tantum sint materialia principia) conditionem longè superent: virtutesque, quæ insunt rebus naturalibus, & conditionem Elementorum transcendunt, non Elementis seu materiæ rerum, sed formæ suisque qualitatibus adscribenda esse. Quam confessionem, quod scilicet duntaxat in rebus naturalibus virtutes & qualitates, quæ Elementorum conditionem transcendant, hoc loco acceptamus; unde verò oriuntur, alio loco disquiri.

## CAPUT IX.

### De Formis, Seminibus seu astris rerum.

IN his autem, quæ statuunt, Elementis vacuis & inanibus, sive, ut loquuntur, in abyssu, Orco Hippocratis, nocte Orphei, in Iliado vel Iliastro Paracelsi, semina & astra, quæ appellant, radicesq; rerum omnium generabilium & corruptibilium contineri statuit: quæ semina nec molis magnitudine; nec partium distantia, nec ullis dimensionum vinculis alligata sunt, Elementa ubique penetrent, servantia sine confusione leges à natura præscriptas: cum principiis tamen junctæ partium distantias & extensiones

siones admittere, locorumque angustis includi. Ab his seminibus generationum omnem vicissitudinem absolvi statuunt; atque ab usdem corporibus omnibus magnitudines, colores, sapes, odores, universasque qualitates, vitamque ipsam donari, & hinc omnium actionum vigorem & potestatem provenire existimant.

Atque hinc semina Severinus, & describit: *Quod sint vitale principium, in se continens Spiritus Mechanicos & tincturas universae anatomiae propriae speciei, quibus suum sibi fabricant corpus, colores, sapes, qualitates, magnitudines, figuras, & reliqua officia consentanea.* Atque haec semina & astra in Elementis illis invisibilibus, tanquam in patria, pura & sola habitare ac beatam quiete frui, corporum vero commixtione quasi contamini nati docent. *Semina* autem appellant, quod iis generationum & transplantationum processus in universo mundo absolvatur, & quod perenni vicissitudine decretis digestisque temporibus fructus & individua suae speciei e fontibus suis producant.

*Astra* appellant, quod motuum omnium ordinatas leges, statas periodos in omnibus naturalibus actionibus, herbarum, animalium & mineralium, in alimentorum coctione, excrementorum separatione, in tota nutritione, in augmentis, in procreationibus, in se contineant & constanter custodiat. Nihil enim esse, ajunt, in universa inferioris hujus naturae familia, quod non innatis

astris aetate discrimina constituerent, quietis & laborum tempora gubernare, actionum, durationumque terminos constanter definire possit.

*Radices* tandem appellant, quod in iis fructus dispensationis, maturitatis, totaque fecunditas mundanae arboris contineatur. Et quemadmodum fructuum durationes momentanea stabilitate radicum reparantur: ita in seminibus generationum & procreationum omnium origines delitescere docent.

Porro quodlibet Elementum sua semina habere statuunt. In Elemento caelesti sive igneo, quia semina illa corpora perfectissima nacta sint, etiam individua similia in seculum duratura produxisse putant, Solem, Lunam, Planetas & astra omnia; atque in hoc Elemento astrorum invisibilibus in reliquis Elementis motus & leges visibili specie repraesentari ajunt. Nec mortua illa esse corpora; & licet, ut reliquorum Elementorum individua, corruptioni obnoxia non sint: fructus tamen vitae testes & munera edere, pluvias, nives, tonitrua, grandines, ventos.

Inferiora autem Elementa etsi tanquam pura corpora & perfecta individua non habeant: nihilominus in suis thesauris obtinere corpora in seculum duratura, quibus seminum vel specierum perpetuitas ab interitu vindicetur. Et licet astra visibilia non habeant: quaecumque tamen in caeteris explicata conspiciuntur, in caeteris quoque Elementis virtute & vitali potestate contineri statuunt, a quibus actio-

*Semina quid Severinus.*

*Radices quid Paracelsus.*

*Semina in Elementis sec. Paracelsus.*

*Astra quid Paracelsus.*

actiones proficiantur, & in quibus scientiæ mechaniciq; rerū progressus vigeant, & temporum decreta momenta custodiantur. Sic æstatis, hyemis, veris, autumni sidera in terra contineri, in aqua, in aere cum astris firmamenti conspirantia: mutantq; seminum conspiratione & familiaritate totius naturæ fecunditatem stabili.

Corpora autem astra inferiorum Elementorū duplicata esse docent. Puriora, quæ cælestium perfectionem æmulentur, & in conspectū non veuiant, nisi artificū industria. Quemadmodum verò inter se differant semina officii & proprietatibus: ita hæc quoq; corpora differre; herbarum corpora ab arborū, animalium, mineralium, metallorum, gemmarum. Et in herbis aliud esse corpus Melissarū, aliud Valerianarum, aliud Urticarū; in animalibus aliud hominum, aliud leonum, & sic in cæteris. Et ex his quædam perenni individuorum successione in seculum custodiri statuunt; quo ordine continentur semina omnium perfectorum animalium, plantarū, arborum, & quæcunq; nova sobolis suffectione æternitate æmulatur. Alia corporum quidem conjugum admittunt, sed instabile, & abioluta officiorū dispensatione certis temporum intervallis decrepitem corpus destituere, & se in patriâ ac diviniora diversoria recipere; recidivis verò generationibus & constanti circuitu iterum in lucem prodire.

Ista autem omnia, quæ de Semini-

bus & Astris à Severino imprimis cap. 6. & 8. atque alius Chymicis ex eo traduntur, si in genere spectes, nova non sunt, sed vulgatam de formis, imprimis viventium, quæ Animæ dicuntur, doctrinam continent. Atq; ita rursus nihil novi hic proferunt Chymici, sed notis rebus saltem nova nomina imponunt.

Senserunt nimirum saniores Philosophi hæc, formas rerum naturalium esse principium divinum & immutabile, & instrumentum, ac quasi manum sapientissimi opificis ac creatoris Dei, qui hanc efficaciam his suis instrumentis largitus est. Licet enim Galenus & alii Gentiles Philosophi admirati sint stupendas formarum & admirandas animarū operationes, nec satis assequi potuerint, quomodo, ut Galenus loquitur, anima vegetabilis ἡ μόνον ἔσφῆ, ἀλλὰ καὶ παντοῦ πασι ἀλογῶν, tam admirandarū operationū in generationibus, in quibus τέχνη καὶ σοφία μεγίστη apparet, & ἀνευ σοφῶν τῶδ' καὶ δυνατὰ τῶ δημιουργῶ fieri non possunt, aut esse possit: tamen Christiani Philosophi norunt, nō esse habere hanc potentiam, sed à Creatore in prima Creatione accepisse, cum diceret: *Generet terræ germen, herbam producentem Semen; arborem fructiferam, facientem fructum juxta speciem suam, cui insit semen suum.* Et apud Christianos Philosophos Galenus sui voti compos fieri potuisset. Is enim, *l. de fat format.* frustra se id à sui seculi Philosophis discere conatum fuisse, nec quo animus discendi

Semina & Astra Severini sunt Forma rer.

Forma quid,

Forma unde suas vires habeant,

cupidus fatiaretur, apud eos invenisse, atque ideo tristitia magna affectum fuisse conqueritur, & proinde secum investigare cœpisse scribit, an τινὰ λόγον ἰσχυρον ἴπαι ταῖς τῶν ζῴων κατασκευαῖς invenire potuerit; invenisse autem nullam, & se μὴ ἄρχει δυνάτῃ ἰπνοῖας, εἰ ἄρχει τῆς πῆραν̄ pervenire potuisset: Ideoque omnes Philosophos rogat, ut si quid veri invenerint, id sine invidia secum communicent.

Forma  
quid.

Forma nimirum rerum & Anima, seu semen, Astrum, Radix, ut suis de causis Severinus nominat; aut quocumq; modo appelletur, est actus seu ἐπιτέλεια rei, est causa ut materia, quæ ex se nequit subsistere, fit actu hoc: Est omnis rei perfectio & quidditas: est Causa omnis motionis in corpore: Et breviter, est quædam divinæ essentiæ imago.

Anima  
vires.

Animæ verò, quæ est forma viventium, proprium est, vivificare corpus: per animam fit, ut Corpus moveatur secundum alium motum à motu proprio. Eadem totum corpus fabricatur, ipsumque omni perfectionum genere instruit, ipsi magnitudinem, figuram, omnes qualitates, numeros, ordinem, situm, omnemque apparatus & pulcritudinem tribuit. Præterea admirandus ordo & periodi in motibus ab Anima proficiscuntur: quam ob causam, ut supra dictum, recentiores Chymici eas Astra appellare solent: quod scilicet sicut astra certis temporibus & periodis suos motus

Anima tur  
astra dicuntur  
Socrino.

absolvunt: ita & Animæ in viventibus certas motuum leges observent. Florent, ipsa hyeme Elleborus niger; primo vere, Narcissi; Martio, Violæ; Majo, Rosæ; Junio, Sambucus, Vitis; Julio, Lupulus; & aliæ aliis temporibus: habentq; postea stata maturitatis tempora, post quæ, motu quasi absoluto, quiescunt, donec sequenti anno eandem periodum incipiant. Et quidem aliæ plantæ citius post florem ad maturitatem perveniunt; aliæ tardius. Id quod etiam in animalibus accidit. In hominis perfectione novem menses consumuntur; in plurimorum aliorum animalium perfectione pauciores. Singulorum tamen animalium Species in sætus perfectione certum & determinatum tempus observant. In summa; Omnes motus, qui tam in plantis, quam in Animalibus fiunt, certas periodos & stata tempora observant; quo ipso Creatoris sapientia maxima nobis conspicienda exhibetur.

Atq; utinam plurima & obscurissima quæque de hac Natura & formarum ac animarum essentia & proprietatibus sciremus, libenter ea in publicum proderemus; nec moraretur nos hic Severinus, qui, *in fine Capituli 6* scribit: *Rudimenta hujus naturæ posui; nec fas est, omnia palam interpretari.* Simulat quidem plura secretiora de hac Natura sibi cognita esse: sed procul dubio & ipse hic hæsit in Ignorantiæ luto toti humano generi communi. In hoc enim  
f onte

fonte ii divinæ potentia, sapientia & bonitatis thesauri absconditi latet, quos nemo hominum unquam eruet.

Porrò ab hisce seu Seminibus seu Astris, seu formis Severinus qualitates, numeros, conformationem, & signaturas cæteras, quas appellat, in mechanico processu provenire, rectè quidem scribit. Et miror Libavium istam doctrinam tam acerbè insectari, & in *Exam. Philosoph. viv. Hart. p. 118* scribere: Ridiculum esse, formam internam, dum sibi suum corpus format & fabricat, etiã Qualitates cudere. Sive enim Severinus, sive alius id docuerit, nihil id refert; modò verum docuerit. Et si Severiniana omnia tam facilè in bonum sensum trahi possent, quam hæc de fabrica corporis naturalis: res expedita esset. Et quod Libavio mirum, imò ridiculum videtur, quomodo formæ corporis fabricatrices scire possint, in qua parte debeat collocari auris, in qua manus, pes, nasus & reliqua: quantum caput fieri debeat, quantum reliquum corpus, quibus mensuris Geometricis, ulnis, pedibus, & palmis utatur, ut tantus fiat nasus, tantum os, quomodo idem faber nasum, aures, caput fabricare possit: id mihi nec mirum nec ridiculum videtur. Nam non vi sua formæ tam mira præstant, sed sunt instrumentum & manus quasi sapientissimi opificis ac Creatoris Dei, qui ipsis hanc vim & efficaciam tribuit, Nam Deus quidè omnia & ab æterno determinavit, & pro sua sapientia, bonitate, potentia & voluntate

in tempore, mundum hoc modo constituit, & post creationem quoq; sua providentia omnia gubernat: (quæ omnia libenter cum Libavio admittimus) non tamen immediate rerum generationes administrat, sed formis & seminibus rerum hanc vim indidit, qua ex benedictione divina hæc omnia peraguntur: sive Naturam, sive alio nomine appelles, non multum laboro. Modo constet de re: de appellatione facile conveniemus. Et licet anima ac forma rei cujuscunq; sit uniformis ac simplex: tamen est principium multiplicis potestatis, nec solum diversa potest, sed etiam contraria facit, ut Scaliger, *exerc. 6. f. 8.* rectè scribit. Imò, æque mirum est, quã ratione forma terræ præstare possit, ut ea ad perpendiculum deorsum moveatur, aut forma magnetis, ut is versus polos dirigatur.

Neq; vocabulum *Scientia* hic tan toperè offendere debebat Libaviu, cui alias ἀνεργολογία Severiniana satis notæ sunt. Cum enim dicitur, animam habere scientiam corpus fabricandi, sumitur scientia pro naturali vi, potentia & instinctu à Deo creatore concessio. De quo Hippoc. *6. epid. sect. 5. 1. 2. ἀπὸ δέουτ' ἢ φύσις ἐστὶν καὶ ἡ μάθησις τῶν δέοντων ποιέει* Et Galenus, *1. de fac. natural. ἀπὸ τῆς ἀντικεινῆς ἀδιδάκτως πρὸς τῆς ἀπαντα τῶν δέοντων*. Et, in libro, *an animal sit, quod in utero est; πάντα πρὸς τῆς ἀντιδιδάκτως τῆς καὶ ἀνομοιότητος*.

Imò vocabulo *Scientia* alii etiã Philosophi hoc modo utuntur, scribitq; Galenus, *τέχνην καὶ σοφίαν μεγάλην* in for-

Anima  
Corporis  
formatrix.

Anima potest  
in corpore  
formando  
unde

Anima potentia  
multa.

Scientia  
Anima Severino  
quid.

Nature vis

in formatione foetus apparere; & Scalig. exerc. 6. sect. 5. virtutem tam nobilis templi architectam sapientissimam ab omnibus Philosophis iudicatam esse dicit. Idemque plane, ut solet, egregie hac de re, in 1. de plant. scribit: *Natura, inquit, animalis anima est. Ipsa sibi fabricat calces, dentes, cornua ad vitam tuendum. Itaque ius & utitur, & scit, quo sit utendum modo, sine objecto, aut phantasia ulla. Qui animam fecit, certis eam præceptis oneravit, partim generalibus, partim contrariis: Illa sunt, que pertinent ad unionem suam cum corpore conservandam: cujus nullus autor existimus esse debet. Ejus itaque studiosa movet cor: coquit in ventriculo: reoquit in jecore: perficit in venis: digerit in membris: mutat in corpus: suffert, unit, instaurat, redintegrat. Imò divinè, in lib. 2. de plant. Grave, inquit, etiam ascendit. Fit enim opus illud à vi distributrice; quæ & terram sursum levat, & ignem deorsum vel pellet, vel trahit; terra scilicet atque ignis domina. Domini ipsius opificis primo iussu. Non enim dubito vos existimare, non alium rerum esse conditorem, alium, qui condita tueatur, spiritum. Et illum, ubi ista condidit à seipso, qui à se non potest abesse, ab his abesse noluisse. Deus, o viri optimi, neque otiosus, neque negotiosus; neque in opere, neque extra opus: sed sine opera operis caput, principium, medium, finis, totum, & ut uno verbo omnia tum expleam, tum ambiam, tum superem: IPSE; cujus simplicissima atque indivisibili sui intelligentione seculi facta universa: ita suum queq;*

*finem atque ordinem omnia nanciscuntur.*

Ergo non primus ista docuit Severinus: Sed non solum ante ipsum id docuit Scaliger, qui exerc. 6. f. 5. ab Anima & qualitates, & quantitates & numeros & ordines & situs apparari, eamque tam nobilis templi architectam esse scribit: verum jam olim Themistius, qui Animam sui domicili archiectam esse scribit. Imò ipse Libavius id confiteri necesse habet, dum, eadem pag. scribit, Creatorem iussisse singula sese propagare pro sua natura seminum. Et cum ex semine oriuntur & perficiuntur; unumquodque suam dispositionem & Naturam habere: Eam immutare effluentes attractosque, ex terra vel aqua, aut inde petitos enatosque, succos, & calore aliisque, administrandis coquere, maturare, assimilare. Hoc enim proculdubio nec Scaliger nec Severinus negabit. At quæ est ista natura, quæ hæc facit, nisi forma & anima? Reddat enim rationem Libavius, cur in eodem agro crescant beta rubra, carotta, rapum, calore radicum inprimis differentes plantæ; ribes & pruna sapore & colore differentes; nisi forma plantæ harum Qualitatum autor est. Et cum figuræ plantarum diversæ à formarum diversitate pendant: cur non & sapes, colores, odores? Verum quod corporis rerum naturalium fabricam & originem formarum attinet, cum Scaligeri sententiam hæctenus secuti simus, eamque postea approbarit & laudarit doctissimus Petrus, in disp. de orig. form.; & alii docti viri, ex professo verò hanc Scaligeri sententiam impu-

*Anima  
sui Corporis  
formatrix.*

*Natura  
Dei min.  
fra.*

*A Deo  
omnia.*

impugnandam sibi sumpserit vir Clarissimus, *Andreas Libavius*, in Exā. *Philos. vit. Hartm. scēt. 19.* & quidem acerbius; dum Scaligeri phantasiā appellat, sententiā ridiculam, & sacris literis contrariā; Scaligerumq; superficialiter in Philosophia versatum dicat: veritatis investigandæ gratiā istam opinionem amplius perpendere, & de origine formarum disquirere; ideoq; quæ jam olim hac de re, in *Instit. lib. 1. cap. 10.* propositi, hic repetere & declarare, & in rem omninò difficilem accuratius inquirere libet.

### DE ORIGINE FORMARUM

Opus generationis & in plantis & in animalibus maximè omnes Philosophi semper admirati sunt; cum, ut Galenus loquitur, τέχνη σφρα μεγίστη in eo appareat: fateaturq; Galenus, c. 6. *lib. de fetus formatione*, τὴν τέχνην τὴν κατὰ σφρασίαν τοῦ ζώου εἰς τὸν χρόνον ἀλλοτρίον referri non posse; & se persuaderi non posse, ut credat, ἀνεύ σφρασίαν τε καὶ δυνατώτατος δημιουργοῦ opus ita affabre factum existere.

Non verò tantum omnium seculorum Philosophi generationem, animatorum admirati sunt, sed & in causa illa formatrice investiganda laborarunt; atq; quæ siverunt, quid illud sit, quod omni perfectionis genere materiā instruat, magnitudines, numeros, figuras, ordinem sitamque & alia, quæ in corporibus animatorum conspiciuntur, apparet.

Verum simul in labore hoc difficultatem summam agnoverunt. Nam, ut Scaligeri in 1. *de plant.* verbis utar; ne inter primos quidem Philosophos satis constat, quis sit formarum dator, aut unde proficiantur: ἐκ τῆν ἑκουαγείης depromantur illa. Nec facilis patere videtur ingenii humanis aditus ad huiusce sacrarii penetralia. Aded verò exagitati sunt sapientes, ut Deum quendam (loquar illorum more) subalternum crearet Avicenna, cujus tum beneficio facta, tum officio data forma reciperetur in materiā.

Unde factum est, ut nonnulli de veritate invenienda planè desperarint; alii aliter senserint. Galenus, *lib. de fetus form.* studium suum & diligentiam in investiganda hac causa summam proficitur. Et cum, ut antea etiam dictum, à Philosophis sui temporis frustra id discere conatus esset, nec, quo animus discendi cupidus satiaretur, apud eos invenisset: scribit, se tristitia magna affectum secum investigare cœpisse, ἀπὸ τῆν λόγον ἰσχυρὸν ἐπὶ ταῖς πῶν ζωῶν κατὰ σφρασίαν invenire potuerit: invenisse autem nullum: id quod scripto hoc se confiteri testatur; rogatque omnes Philosophos, ut si quid veri invenerint, εἰς σφρα εὐλογοῖεν, id sine invidia secum communicent. Et paulò post, addit se μὲν ἀρετὴν δυνατώτατον ἄνθρωπον, μήποτε βεβαίως γνώστωσιν, aliquid σφρα τὴν ἀπλάσαντος ἡμῶν τέχνης invenire, εἰ ἀρετὴν πῶν πιθανὸν pervenire potuissent. Nam cum videat ἀρετὴν ἐν τῇ ἀπλάσει σφρα ἀμαρτῶν καὶ δυναμῶν: non se credere posse,

Opus generationis admirandum.

Vim formatricem investigare, difficile.

ποσσε, την εν τω αερακι ψυχην δια-  
πλασειν το εμβρυον, εμονον εν εσταν  
εσφην, αλλα και πανταπειν αλογον.

Qui verò de cognitione forma-  
tionis animatorū non desperarunt,  
in varias sententias abierunt. Quan-  
quam enim nec ipsa forma, nec ma-  
teria seorsim propriè generetur, sed  
ipsum compositum: tamèn cum ge-  
neratio fieri non possit, nisi per for-  
mam, ut principium, quo omnia in  
generatione perficiantur: meritò,  
unde illa proveniat & originem ha-  
beat, quæritur.

*Parie de  
origine for-  
marum  
sententia.*

*Fernelii  
opinio.*

Ut autem omnes opiniones non  
recenseam, præcipuas saltem pro-  
ponere libet. Alii quidem extrinse-  
cus formā immitti statuerunt: inter  
quos Fernelius, *qui lib. i. de abdit. rer.  
causis pluribus in locis*, cum calore &  
spiritu semini vires committi docet,  
quæ uteri vi ac benigno calore im-  
pulsæ subjectam sibi materiam,  
omni præparationum genere in-  
struant, ut substantiæ tandem parti-  
ceps forma extrinsecus assumatur.  
Ubi enim jam omnis ad plenum ab-  
soluta sit præparatio, tum extrinse-  
cus speciem accedere naturali qua-  
dam & inevitabili necessitate. Atq;  
unde formas advenire existimet,  
docet, *cap. 10. Cælum*, inquit, *nullo se-  
mine multas profert tum animantes,  
tum stirpes; at semen nihil quicquam sine  
cælo generat: semen gignendis rebus ma-  
teriam concinnè duntaxat & convenienter  
apparat & instruit: cælum in appa-  
ratam illam speciem summamq; perfe-  
ctionem immittit, vitamque suscitât in  
omnibus. Et post: Animantium, stirpiū,*

*lapidum & metallorum omnium, que-  
cunq; & fuerunt & esse possunt, formas  
una cæli forma potestate comprehendit,  
& innumerabilibus illa quasi gravida,  
formis omnia gignit & fundit ex sese.*

Verum nihil probabile ad istam  
opinionem stabiliendam affert. Nā  
licet superiorum & inferiorū con-  
sensum libenter admittimus, nec  
negamus, inferiora hæc à superiori-  
bus gubernari & foveri: tamen hinc  
non sequitur, quod rebus naturali-  
bus omnibus vires & formæ à cælo  
imprimantur. Rerum ortus pro-  
moveret, ac res ortas fovet cælum, &  
causâ remota, communis, externa  
& administrans generationum est,  
non rebus oriundis species largitur.  
Sed cum ipsimet, qui hanc opinio-  
nem sequuntur, necesse fateri ha-  
beant, Deum opt. max. cum stirpes  
& animalia crearet, ea divinis viri-  
bus & suis quæq; fecundisq; semi-  
nibus implevisse, imò Deum omnes  
herbas & arbores ac omnia ve-  
getabilia ante stellas creasse, atq; ita  
omnia vegetabilia semina sua fec-  
cunda, antequam astra condita es-  
sent, obtinuisse: quomodo negare  
possunt, eodem ejusdem Creatoris  
jussu per semina illa sese propagare?  
Et si possunt, ac stirpes & animalia  
fecunda semina, quibus se pro-  
pagent, obtinent: quorsum à cælo  
formas, quæ seminibus jam insunt,  
petere opus est? Et si omnes for-  
mæ à cælo defluerent, nulla in his-  
ce inferioribus esset univoca gene-  
ratio; sed & stirpes & animalia cæ-  
li tantum soboles essent.

Deinde.



*Peripateticorum, plerorumque de origine formarum opinio.*

*Forme an educantur à potentia materiae.*

Deinde vulgata est sententia inter Peripateticos, procul dubio ex ignorantia Creationis Mundi orta; Formas educi è potentia materiae. Verum quid verbis istis, si ita simpliciter accipiantur, rei subsit, nemo adhuc, quod ego quidem sciam, ita monstrare potuit, ut animus veritatis cupidus in iis acquiescere poterit. Neque enim in ulla materiae potentia latent formae. Et si in suo sint materia formas contineret, ac formae originem suam materiae deberent: Materia esset Ens nobilissimum, nobilius principium, quam forma: imò formae principii nomine vix dignae essent.

Aut si ita velint rem explicare; Materiam quidem actu in se non continere formas, sed in materia esse quandam dispositionem & propensionem ad formam, quae ubi compleatur, tunc rem jam fieri actu, quod erat antea potestate: seminisque hanc esse naturam, ut accedente adaequata causa efficiente ex sua potentia quasi edat actum seu formam, quae ante actionem agentis nondum actu aderat, atque ita potentiam hanc nihil esse, quam certam determinationem, ut ex hac materia fiat hoc, non aliud, ex. gr. ex ovo pullus, non equus: Nihilominus quaeritur, quomodo ista potentia compleatur, & unde actus seu forma, quae substantia est, ad actionem agentis proveniat & originem habeat; an nimirum illa potentia, & dispositio, quae Qualitas est, mutetur in substantiam; an verò ex nihilo fiat forma, ita ut

agens nihil de sua essentia illi, praeter actionem, tribuat. Quorum utrumque absurdum est & à veritate maxime alienum; formam scilicet vel ex nihilo fieri, vel actum ex materia, & substantiam ex accidente, & λόγον ἁπλῆς ex Qualitatum crasi quacunq; deducere. Quocumque enim modo illa ad formam dispositio explicetur, cum successivè & per partes illa praeparatio fiat, & gradus ultimus ejusdem sit generis cum praecedentibus: actum rei constituere, & substantiae essentiam dare non potest. Neque formarum inchoatio datur. Neque, quid agentis actio ad formae productionem faciat, patet; cum ad unius agentis actionem diversissimae formae sese exferant. Idem enim calor Solis tempore verno facit, ut ex plurimis & diversissimis seminibus in eodem campo vel horto plurimae & diversissimae plantae crescant. Praeterea secundum hanc opinionem generatum non à generante haberet suam formam, & generans non ipsam formam, sed dispositionem saltem ad formam, quae postea sua sponte ad actionem agentis alicujus extranei, caloris puta, & quidem varii generis (Nam ova gallinarum non solum calore incubantium gallinarum, sed & ignis calore excludi è Scaligero notum: plantaeque cum calore Solis tum ignis in hypocausto è seminibus produci, itidem notum) è potentia materiae, nihil communicante agente, emergeret. Quod à ratione alienum esse, praestantissimi etiam Peripatetici

agnoverunt. Unde Jacob. Zabarella, *de facult. anim. cap. 11.* scribit: *Viventia, dum generant sibi simile, largiri & communicare aliquid de suamet materia, & aliquid de suamet forma, quatenus exhibent semen animatum ac vitali eadem facultate, qua in generante erat, præditum.*

Neque ex ista opinione dici posset, quod animatum sibi simile generet, & forma omnis sit sui multiplicativa: quod tamen omnes saniores Philosophi concedunt. Si enim nihil de sua essentia generans in generatum transferret, sed saltem materiam determinaret ad similem formam; efficiens postea (quod non ejusdem speciei est) faceret, ut actu prorumpat: quomodo, quæso, dici posset, formam sese multiplicare? Certè si planta aliqua in India, dum semè producit, nihil aliud dat, quàm materiam cum determinatâ potentia ad similem formam recipiendam, è qua post annū, duos vel plures, ipsa plânta jam combustâ vel putrefactâ, forma erumpat vi caloris, non tantum Solaris, sed & ignis in hypocaufto, ut agente; plantam illam sibi similem generasse, & formam illam sese multiplicasse, dici non potest. Neque enim ad univocam generationem & veram similitudinem productionem sufficit dare materiam, cum aliqua proclivitate & propensione ad formam suscipiendam. Et hoc modo agens calor, sçq; accidēs, plus ad generationem confert, quam generans, qui scilicet facit, ut forma actu jam sit, quod per gene-

rans saltem in potentia erat. Atque ita inexplicatum relinquitur, unde forma rei substantialis & specifica, seu potior illa, diviniore & præcipua rei pars resultet & originem suam habeat: quam tamen ex nostra sententia monstrare facile est. Ideoq; si in bonum sensum trahi debet illud axioma, explicari debet, quomodo illud explicat Scalig. *exerc. 6. sect. 5.* *Emergio potius est, quameductio; Er paulò ante; Forma est in semine Canino, cujus in potestate dicitur esse, quia semen est potens dare formam, quam in se continet. Eductur autem de ea potentia remota, qui est ætius primus, ad potentiam propinquâ, qui est ætius secundus, sc. ut forma sit in eadem materia ad eum modum, qui nullis egeat adminiculis, ut sine suo fruatur, ad quem comparatum est totum Compositum.*

Et si admittatur id, quod rectè ex Alberto adducit Zabarella, *de sensu agente, c. 5.* Omnem formam esse sui multiplicativam: non opus est ad eductionem formatum è potentia materiæ confugere. Ex ista enim multiplicatione specierum conservatio pendet. Et forma ut principium est, essentia à Materia distans, ipsa que longè nobilior: ita peculiare & nobiliorem habet originem, quam ut eam materiæ debeat.

Atq; ita omninò statuendum videtur, Formas, vi benedictionis divinæ, factas in prima creatione, cum Deus diceret; *Germinet terra germen, herbam producentem semen; arborem fructiferam facientem fructum juxta speciem suam, cui insit semè suum super ter-*

*Viventia, quomodo generent.*

*Omnis forma sui multiplicativa.*

*Omnis forma sui multiplicativa.*

*Formatum origo.*

*anim;* Et, *crecite & multiplicamini;* à generante, mediâte semine, per traducem quasi propagari, & veluti lumē à lumine accensum, ubi idoneâ materiam & instrumenta nacta fuerit, operationibus sese manifestare.

*Anima est  
in semine.*

Cum enim potentia & operationes animæ propriissimæ in semine appareant: animam ei inesse, negandum nō est. Nam cum potentia non sint separabiles ab anima, cujus sunt potentia: impossibile est, potentiam aliquam alicui propria esse in subiecto, in quo non est forma, à qua fluit potentia. Et cum ex operationibus ad latentis essentia notitiam perveniamus: quid causæ, cur semini animam non tribuamus, quæ suis in eo operationibus satis se prodit?

*Anima & o  
perationes  
in semine.*

Sunt autem illæ duæ: seminis & cōceptus vivificatio; & partium omnium, quæ ad vitæ actiones edendas necessaria sunt, efformatio. Quodvis enim semen, ut in plantis manifestum est, vegetante anima conservatur & aliquandiu prolificum permanet: & quamdiu integrum & incorruptū est, in loco idoneo, & præfente alimento, ut vivens operatur & exercet suas actiones in eam, quæ præstō est, materiam, non secus, ut ipsū vivens integrum omnibus partibus: quod nō solum in animalibus in auctione & partium nonnullarum regeneratione, sed præcipuè, ut postea dicetur, in plantis videre est. Nam eadem operationes in semine, & in planta omnibus numeris integra conspiciuntur: quæ propterea idem in utroq; principium

& movens indicant. Eadem enim est omnino operatio, cum anima in semine latens ex attracta materia corpus plantæ fabricat: & cū eadem postea singulis annis amissa folia & flores instaurat, novos surculos; ramos, & radices protrudit; & propterea ejusdem omnino facultatis, ejusdemq; animæ indicium est.

Neque hoc solum fit in plantis, sed & in animalium perfectorum feminibus idem fieri cōcedendum est. Nam si non fit ex sanguine caros nisi caro ipsa animata sanguinem in carnem mutet: multò minus fiet ex sanguine animal, si semen anima careat; neque attrahere possit semen sanguinem maternum, nisi esset animatum. Cum enim incipit attrahere alimentum semen, jam actu operatur.

Tribuendas verò esse has actiones semini, Arist. *de gener. anim. c. 2.* docet; & rationes idem evincunt. *Ἄλλογον* enim videtur, inquit Philosophus, *ἐξ ὧν ἐν τῷ πνεύματι ἔσονται, ἢ τῶν ἀλάττωνων, ἢ τῶν ἀδύων μερῶν, κινεῖν πρὸς τὴν ἀπὸ τῶν ἀδύων, ἀδύων, καὶ μὴ κινεῖν τὸ πνεῦμα τῶν ἀδύων.* Nimirum efficiens immediatum necessariò conjungitur cum patiente, dum fit actio. In formatione autem partium nihil conjungitur cū materia, quam semen. Ergo illud generat, & agens hic est principale.

Ideoq; Jac. Schegkii Phil. & Medici alias doctissimi opinio admitti nō potest. Is, *lib. de plastic sem facult.* semini *λόγον πλαστικόν* tribuit, docetq; se *ἄλτς* vocabulo intelligere formam

*Iac. Schegkii opinio.*

formam substantialē, ut quæ nullo sensu, sed duntaxat mente & ratione percipiatur. Semen tamē & hunc actum substantialem non ē principium agentium, sed ex instrumentalium numero esse, atq; inftar manus artificis corpora animata efformare, statuit. Item dicit: *quod sit actus substantialis à substantia primi actus separabilis, qui habeat propriū subiectum, humorem spermaticum.* Et rursum: *quod sperma sit instrumentalis causa, & λόγος quidam πινής & seu πλυστικός, sed non ἐν λόγῳ, efficiens seu generans corpus animatum, & non etiam ipsum animatum existens, medium inter animatum & inter animandum interpositum, sine informatione alicujus materiae ad efficiendum efficax, ut actus & ἐνεργεια quaedam secunda.*

Verum quod hic semini solum partes instrumentarii agentis, & generanti principis tribuit: id ex eo falsum apparet: quod generans, & à quo semen communicatum est, vel longè abesse vel periisse potest. Sed ὅσα φύσει γίνεσθαι, ἢ τέχνη, καὶ ἐνεργεια ὄντ' ἔστι γίνεσθαι. Et τὸ κινεῖν ἐνεργεια εἶναι δεῖ. Deinde cum omnia agentia univoca non sint è numero causarū instrumentalium, sed principium, & sibi simile generent: semen verò ab Aristot. 7. *Metaph. cap. 9.* inter agentia univoca rectè numeretur: pro instrumentali causa propriè dicta tantum haberi non potest: nisi ita appellare alicui placeat, quod medio & beneficio seminis generans simile generare dicatur. Sed istam sciat, semen non esse instru-

mentum, ut alia, quæ cum principali agente necessario conjunguntur, & ab eo subordinantur, sed separatam à generante, eò quod in se virtutem & omnem vim agendi habeat. Ideoq; ut ipsius Schegkii verbis utar, cum instrumentum per se nullam habeat efficaciam, utpote quod non nisi χεῖρеси principalis efficiētis definiatur: & cum movendi principium, ut in instrumentis artificum, externum est; ita in naturalibus abditum recondatur intra ipsa instrumenta: hinc colligitur, plasticam vim in ipso semine esse; & quidem ipsum principale efficiens in semine, non extra semen esse.

Et quidem illud agens omnino est anima. Nam (iterum utor Schegkii verbis) animatum corpus cum sit præstantius & perfectius: sequitur, non animatum non esse principalem animati corporis causam: sed animatum ab animato ut principali causa produci.

Ac nisi agens illud principale in ipso semine esset, & anima esset: multa absurda sequeretur. Ita enim nulla erit generatio univoca, & generans nihil nisi materiam generando dabit, ejusque soboles erit animatum, quod animam dederit. Et quomodo anima ibi non præsens sit, ubi operationes animæ eduntur? Cum omnes facultates cujuslibet formæ, atque in primis animæ, emanantes sint proprietates ab ipsius animæ essentia propria, & inseparabiles qualitates: & proinde ubi facultates & actiones animæ repe-

riuntur,

Opinio Schegkii examinatio.

Semen non est solum agens instrumentarium.

Principis formatio- nis causæ est in semine.

riuntur, meritò ibi etiam animam adesse, concludi potest. Quod ipsum voluit & docuit Aristot. 2. de gener. anim. cap. 3. ἔτε γδ ὡς ἀλυσχον, inquit, θείη τις τὸ κύημα, καὶ κατὰ πάντα τὰ εὐ- πιν ἐστρημύθον ζωῆς. ἔδ' ἔν γδ ἡττον τὰ τε σπέρματα καὶ τὰ κύματα τῶν ζώων ζῆ τὰς Φητῶν, καὶ γόνιμα μέγχι λινός ἐστιν, ὅτι μὲν ἔν τῷ θρηπτικῷ ἔχουσι ψυχῶν, Φανερόν.

Ex quo facilè videre est, eorum sententiam à verò alienam esse, qui vim formandi partes in semine inesse concedunt, animam autem inesse negant, eamque nescio unde deducunt. Quomodo enim adsit ibi facultas animæ, atq; ipsa anima non adsit? Nam accedenti alicui soli officium hoc deferri non potest; cum nihil ultra sua vires operetur, & nullum accidens agat, nisi per vim substantiæ, & à forma, à qua pendet, dirigatur. Sed & hic ad aliquam formam præsentem recurrere necesse est, eamque animam non inferiorem, & ignobiliorem: cum omnia illa opera in corpore formando præstet, quæ anima in corpore jam formato, ut ex augmentatione, carnis amissæ instauracione, & similibus videre est. Et quod antea etiam dictum, quomodo ab eo, quod actu non est, fieret generatio, nisi ipsi semini actus atque animæ essentia tribuatur? Et quomodo generatio esset univoca, aut unde anima deduceretur, nisi generans ad huc vivens semini animæ essentiam immisisset; dum scilicet ex ovo, etiam fornacis calore, pullus excluditur; aut dum,

in plantis & animalibus semine ad generationem communicato generans moritur?

Quod verò Schegkius peculiariter hic λόγον πλαστικόν, actum substantialem, ἐσίαν ἐσίως efficientem, αὐλον, qui tamen anima non sit, introducit: næ ille frustra nobis videtur multiplicare entia. Cum enim huic substantiali actui operationes animæ tribuat; cur non concedat eundem animam esse? Et cur actum hūc alium ab anima statuere sit necessarium; cum anima in semine sufficere possit? Aut quid opus est, λόγον πλαστικόν, quasi actum secundum alterius actus primi, & vicarium quasi generantis in semine statuere, qui, desinente motu generationis, ipse etiam desinat? Statuere enim ἄλλο τί εἶναι κεχωρισμύθον, ἄλογον: & θρησθεῖς ποιῆσαι εἶτε πάντα τὰ μέρη εἶτε τινὰ, ἀτοπῶν.

Atque animam in semine hæc omnia efficere, neque formationem corporis animati alterius rei opus esse: satis quoque videtur probare plantarum nonnullarum generatio, quæ ex parte à planta avulsâ propagantur; cum scilicet particula animæ cum parte materiæ cohærens avellitur, unde planta priori similis crescit. Neque enim hic aliam vim formatricem ab anima rosæ vel salicis diversam comminisci licet: sed potius hoc inde colligitur, sicut in hoc propagationis modo ab animæ parte cum parte corporis avulsâ plantæ formantur: ita etiam in semine vim formatricem partium

accidens  
non est prin-  
cipis for-  
mationis  
causæ.

Schegkii  
λόγῳ  
πλάστικῶς  
reijcitur.

Anima in  
semine est  
formatio-  
nis causæ.

non ulli alii attribuendam esse.

Nimirum formæ animatorum etfi per se non sint quantæ & divisibiles: tamen quantæ dicuntur, imò etiam dividuntur ad divisionem materiæ, unde aliquid animæ cum corporis parte avulsum, simile & sibi necessarium corpus fabricare, atque ita novum animatum emergere solet.

Verùm non cum qualibet corporis parte animæ aliquid avulsum ad hoc aptum est: Sed talis fit materia, in qua anima avulsa commodè delitescere, & ad suum opus sese accingere possit. Jungitur enim anima corpori, junctaque retinetur, intercedentibus quibusdam dispositionibus, quæ subjectum aptum faciunt ad suscipiendam & retinendam animam: inter quas præcipuè est calor natus sufficiens, & in certo gradu constitutus. Unde etiam Aristoteles generationem dixit, esse primam vegetantis animæ cum calore participationem.

Hinc varius est propagationis animatorum modus. In plantis quidem si salicis ramus editus à matre ab eadem avellatur, dividitur anima ad divisionem materiæ, & manet in ramo; unde ex ramo in terram condito arbor ejusdem speciei constituitur. Idem fit in aliis per radices; in aliis per semen; in aliis per alios modos fit propagatio, ut apud rei rusticæ scriptores videre est. In quibus tamen omnibus id necessarium est, ut materia avulsa conveniens domicilium animæ præbere

possit; quod non in quibusvis plantis quodlibet præstare potest. Exempli gratia; per ramum avulsum terræ commissum propagatur, ut dictum, salix; sed non pyrus.

In animalibus verò etfi quoque varius videatur propagationis modus, dum alia ova pariunt; alia vivos fœtus: tamen in eo convenire videntur omnes, quod animalia per nullam corporis partem avulsam, sicut plantæ, sed per semen, aut semini quiddam analogum generant. Hoc enim, quod Epicurus, ut est apud Plutarchum, *de plac. philosoph. lib. 5. c. 3.* ψυχῆς ἡδὲ σώματος ὁμοῦ αἰσώμα dicebat, à corpore reliquo deciso, ad subjecti divisionem & ipsa anima dividitur, & aliquid ejus cum semine ab animali deceditur: quæ cum ejusdem speciei sit eum anima, à qua deceditur; jam verò ob subjecti numero differat: ex semine ob hanc animam jam novum animal exoritur, dum anima in semine latens sese exserit & suas virtutes explicat, & operando sese manifestat, calidoque & spiritibus utens, omnia, quæ ad animalis constitutionem necessaria sunt, fabricare exorditur, subjectamque materiam distinguit, disponit, ordinat, format, & effingit: ut ita integrum & aptum domicilium, simile illi, è quo decesserat, habere possit, atque instrumenta in promptu fiat, quibus omnes suas vires exserere actionesque naturales exercere possit; quod domicilium postea occupat, eodem modo, quo in accretionibus induit sese in alimenti materiam

Propagationis animatorum modi.

Semen quid.

Anima est sui domicilii archidia.

riam novam. Nimirum, ut ex The-  
mistio loquitur Scaliger, Anima est  
sui domicilii architecta, quæ sibi fa-  
bricatur conveniens accommoda-  
tumq; instrumentum: &, ut scribit  
Arist. 2. de gener. anim. c. 1. τὸ πᾶσιμα  
τοῖσιν; ἢ ἐχθ' κίνησιν ἢ ἀρχὴν τοιαύ-  
την, ὡς ταυολήης τ' κινήσεως γίνεσθαι  
ἐνάσων τ' ὁμοίων, καὶ ἐν ψυχῶν.

Seminis  
natura ad-  
miranda.

Neque quæm exiguum illud se-  
minis corpus offendat, sed potius  
Creatoris sapientiam, potentiam,  
bonitatem, qui cum exiguo corpo-  
re formas ad specierum cōservatio-  
nem ad finem usque mundi trans-  
ferri & multiplicari in prima crea-  
tione & voluit & iussit, hic attentius  
admitemus: formarumq; præterea  
nobilitatem æstimemus, quæ in mi-  
nimo corpore æquæ suam essentiam  
& potentias integras retinere pos-  
sūt, ac in maximo. Et si forma quercus  
in exiguo germine, quod est glan-  
de pullulat primū, æquæ integra  
est, quod nemo negare potest, ac in  
annosa postea & procera quercu:  
cur non eadem quoque in glande  
esse possit?

Quomodo  
semen po-  
tentia ani-  
maturum di-  
catur.

Quamquam verò Aristoteles po-  
tentia solum semen animam habere  
dicat: id cum Scaligero ideò di-  
ctum putamus, non quia egeat ali-  
qua substantia sese eliciente atque  
perficiente; sed quia caret instru-  
mētis expressis, quæ sunt in ejus po-  
testate: seu, non quia non sit ipsa es-  
sentia animæ in semine, semenq; ac-  
tus primi; respectu non animatum  
esse dicatur; sed solum de potentia  
secunda, quæ perficitur actu secun-

do, id accipiendum est, nimirum  
respectu operationum, quas non-  
dum edere potest ob defectum or-  
ganorum. Nam in semine non est re-  
ipsa apparatus ille organorum ac  
partium distinctus, deestq; semini  
non illa ab anima, sed illa à corporis  
structura, & partium compositio-  
ne, ac dōnformatione perfectio, ob  
cujus defectum semen planta per-  
fecta, vel animal perfectum nomi-  
nari non potest. Nam cum semen ex  
efficientium numero sit, de gen. ani-  
mal. c. 18. atque omne agens opere-  
tur, non quatenus potentia, sed qua-  
tenus actu tale est: animam actu in  
semine inesse negandum non est. Et  
nisi actu inesser, à quo, quæso, in ac-  
tum deduceretur? cum illud non  
nisi tale esse possit, quod simile ac-  
tum habet.

Anima  
est in se-  
mine.

Quod verò Galenus animam ad  
hoc officium formandi partes cor-  
poris ineptam putat, quod sit ἡ μί-  
νον ἐσθ' αἰδὰ καὶ παντὶ πᾶσιν ἀ-  
λογῶν, errasse in eo videtur, quod  
formis naturalibus simpliciter ἀλο-  
γίας adscripsit. Quamquam enim in-  
tellectus & mētis expertes sint nihil-  
ominus sunt principium divinum,  
& immutabile, quod determinat om-  
nes actiones & passionis rei natu-  
ralis, & sunt quasi instrumentum &  
manus sapiētissimi opificis ac Crea-  
toris Dei, qui hæc vim & efficaciam  
his suis instrumentis, quibus nihil  
mirabilius ne cogitari quidem  
potest, largitus est in prima crea-  
tione, cum diceret: *Germinet  
term germen, herbam producentem,  
semen,*

Formarum  
potentia  
unde.

*semen, arborem fructiferam facientem fructum juxta speciem suam, cui insit semen suum super terram. Et; crescite & multiplicamini. Quæ cum Galeno fuerint incognita: mirum non est, quod ex his sese expedire non potuerit. Hoc magis mirum est, quod multi, quibus hæc cognita sunt, ea non diligentius perpendunt.*

*Creationis  
ignoratio  
caussa er-  
rorum.*

*Anima  
matris non  
est forma-  
tionis cau-  
sa.*

Neque tandem ii ex hisce difficul-  
tatibus sese extricare possunt, qui  
& formandi partes officium animæ  
maternæ tribuunt, & ab anima ma-  
terna animam deducunt. Nam si  
hæc opinio vera esset, cur scæminæ  
non absque viris conciperent? cur  
ova subventanea, quæ à scæminis  
absque mate concipiuntur, scætui  
producendo sunt inepta? & quid o-  
mnino de oviparis dicemus, quæ vi-  
vum integrum scætum non pariunt?  
quid etiam de plantis, quæ utero  
non concipiunt, sed maris solùm  
munere funguntur, & semen matu-  
rum in terræ gremium conjiciunt, à  
qua tanquam intra uterum fovetur,  
ut inde suo tempore planta integra  
edatur. Unde enim in his anima!  
Quis hic admirandarum illarum o-  
perationum auctor? quis omnibus  
partibus numerum, ordinem, situm,  
figuram, qualitatem & similia tri-  
buit, nisi illa ipsa anima, quæ in  
planta postea omnibus partibus in-  
tegra, si quid avulsam est, illud in-  
staurat & reparat, & singulis annis  
cum novos ramos producit, & flo-  
res & folia reparat, formationis o-  
pus quasi de novo aggreditur; eo-  
dem planè modo, quo cùm primum

in parvo feminis corpore late ret, ex  
attrahta materia plantæ architectu-  
ram inchoaret.

Et omninò in Plantis, ubi mare  
& scæminæ ad generationem opus  
non est, rem putamus esse manife-  
stam; ob rationes modò allatas: &  
miramur, quod viri docti nonnulli  
veritatem istam apprehendere non  
potuerunt. Neque absurdum nobis  
videatur, (etsi absurdum videatur  
Libavio) quod semen tritici in gran-  
nario actu vivat. Nisi enim viveret,  
sationi aptum non esset. Et quæ jam  
emortua sunt, infœcunda sunt, &  
sationi inepta: quæ verò adhuc vi-  
vunt, humiditatem aliquam nacta  
& calore fota, etiam in hypocaufto  
vel media hyeme germinant. Ubi  
certè illa vis germinandi non est ab  
Aqua, vel à Calore ambiente, sed ab  
anima in semine latente. Præterea  
ex India & aliis peregrinis locis  
multa semina ad nos afferuntur,  
quæ post plures etiam annos terræ  
iterum credita plantas suæ specièi  
producunt. Ubi, si in semine non est  
Anima, à quo, quæ sò, agente plantæ  
anima communicatur, aut à quo a-  
gente fabrica illa corporis artificiosa  
exstruitur? Cum planta, à qua Se-  
men generatum est, longè absit, aut  
jam etiam emortua sit.

*Semina  
vivunt.*

In animalibus verò, in quibus u-  
terq; sexus ad generationem requi-  
ritur, etsi res videatur nō nihil intri-  
cator: tamen si diligenter perpen-  
datur, nō adeo magnam difficulta-  
tem habet. De quo videatur Scalig.  
*exer. 6. sect. 5. 7. 8. 9. 10. 11.* Primò enim,  
qui



qui Aristotelis doctrinam sequuntur, & masculino semine solum vim generandi tribuunt, illi facile se expeditere possunt. Omnia enim, quæ de Seminibus plantarum dicuntur, etiã de Semine masculino dici possunt. Verum cum alteram sententiam sequi placeat, cum ob alias: tum eam in primis ob rationem, quod mas & femina non differunt species, formas autem ejusdem speciei sequuntur potentia ejusdem speciei, ac proinde potentia generandi in femina est ejusdem speciei ac naturæ, cum ea, quæ est in mare: nec ea, quicquam absurdi includit: Si illud observetur, quod Aristot. 1. de gener. anim. cap. 18. ex Empedocle scribit: *Maris ac femina quasi Symbolum esse; totum vero à neutro proficisci.* Et illud, quod Scaliger, Exerc. 106. sect. 6. scribit: *Majus tibi dicam, quod tibi scire præstiterit, ad generationis modos perscrutandum, quam Cylindrorum omnium jura inutilia persequi. Palmularum ossa tria serito, totidem orientur inde palmae, ita demum distinctæ, ut erant ossa ipsa. Si tres stipites actu unum hoc, quod est existens sibi quisq; in unum actu coibuit, unica demique uno contenta stipite palma fient: atque ex iis, non alio sat, exit arbor illa, quemadmodum prodit Theophrastus. Unus, inquam, stipes numero ex ternis truncis, ortu, materiâ, quantitate, loco separatis.* Hæc Scaliger. Habet nimirum quilibet stipes & primò exoriens palma quæque suam animam: nihilominus hæ tres palmæ in unam numero palmam coalescunt. Idque non solum vi-

dere est in palma, sed & in omnium plantarum insitione, in qua sua anima præditus est stipes, in quem surculus inseritur; sua itidem surculi: ex surculo & stipite una planta & arbor fit, una anima prædita. Allusit procul dubio huc fabulam illam Platonem, cum, in Convivio, scribit, hominem, qui nunc geminus est, in principio unum fuisse, postea à Jove discissum in mare & feminam, fuisse. Et hinc provenire mutuum illum amorem, qui fit τῆς δεχάλης φύσεως συναγωγῆς καὶ τῆς ἀπαιχρῶν πειθήσας ἐν ἐκ δυοῖν. Et unumquemque nostrum esse αἰθρώπης ζῆμιόλον, & unumquemque querere: semper τῆς εαυτῆς ζῆμιόλον.

Jam quæ Libavius contra hanc sententiam afferat, videamus.

Primò ergò quod miratur, imò ridet Libavius, ut paulò ante etiam dictum, Semen Tritici in granario sicco actu vivere, id non miror: Sed hoc potius miror, virum tam doctum id perspicere non potuisse. Etsi enim in granario sicco aliæ vitæ operationes in semine tritici non appareant: tamen nec tunc planè otiosa est anima. Sed semen vegetum, incorruptum, & prolificum aliquandiu conservat. Quamprimùm verò locum convenientem, & alimentum idoneum nanciscitur, in plantam perfectam excrescit. Et si non vivit Semen tritici, quæso, undè Triticum, quod ex eo semine pullulat, animam suam nanciscitur: Cū Triticum, ex quo hoc semen collectum est, jam præcedente æstate exaruerit.

Libavii objectiones solvantur, Semina vivant.

Maris & femina semen ad generationem necessarium; & quomodo.

*Famina  
quid ad ge-  
nerationem  
conferat.*

Deinde quod dicit, hoc modo  
fœminam nihil ad generationem  
conferre, nisi locum, solum, & nutri-  
mentum: id nihil contra nostram  
sententiam facit; Sed pugnat contra  
eos, qui semen prolificum saltem à  
mare provenire scribunt. Nos, ut  
Platonis verbis utamur, statuimus,  
utrumq; sexum suum ad generatio-  
nem conferre *σύνεργον*, & neutrius  
sexus semen seorsim sumtum, sed  
utriusque conjunctum, & in utero  
fœminæ ritè unitum, esse Semen  
prolificum & fœcundum. Sed cum  
ex his plura argumenta exstruat Li-  
bavius, ea ordine videamus.

*1. Libavii  
objectio.*

Primò autem ita argumentatur:  
*Si mas est, qui gignit in altero vel altero,  
non in seipso aut seipsam, falsa est  
Scaligeri generatio, quâ mas in seipso di-  
citur generasse essentia formali, per quâ  
res est id, quod est, constans anima.*

*Responsio.  
Mas quo-  
modo in  
alio gene-  
ret.*

Ad quod Respondemus: Licet  
mas in alio gignat, quatenus tamen  
primò Semen, quod in fœminæ ute-  
rum mittit, in se generat, nec illud  
Semen anima destituitur, eatenus,  
suo tamen modo, etiam in se gigne-  
re dici potest: Semen tamen potius,  
quam animal; cum, ut dictum, ad  
Semen prolificum, è quo animal for-  
matur, utriusq; sexus semen requi-  
ratur. Et respondit aliquid ad hoc  
jam Scaliger, *Exerc. 6. sect. 10. Generat  
arbor, cum producit semen: non autem  
generatur arbor, cum pullulat è semine,  
sed tum generatum, quod erat imperfe-  
ctum, perficitur.* Cum enim forma qua-  
vis habeat sese multiplicandi vim,  
& hoc in animalibus fiat per semen,

ut in plantis plerisq; non sine caul-  
sa animal, ut & plantæ, generare di-  
cuntur, cum semè istud prolificum,  
quod Epicurus (ut est apud Plutar-  
chum, *de Placit. Philos. 15. c. 3. Ψυχὴς  
ἢ σπύρατος ἀπὸ πάσης*) esse dixit) ge-  
nerant, materiam nimirum talem,  
per quam aliquid suæ animæ propa-  
gare, & hoc modo sese multiplicare  
possit. Et si enim formæ animalium  
per se non sint quantæ & divisibiles:  
tamen quantæ dicuntur, imò etiam  
dividuntur, ad divisionem materiæ.  
Unde animæ aliquid cum corpore  
idoneo avulsam, facile sibi rursus  
necessarium corpus fabricare potest.  
Sed non quælibet materia, sicuti di-  
ctum, ut cum ea anima propagetur,  
apta est; sed certa: quæ est in anima-  
libus & plantis semen; in quibus-  
dam talæ & furculi; in aliis radices.

Atque hoc ita se habere, ex eo  
manifestum est, ut antè etiam dictum,  
quod Semine genito & emisso, &  
planta & animal emori potest, ante-  
quam fœtus vel planta perfecta pro-  
ducitur. Et nihilominus, etiam  
si jam emortua sit planta vel ani-  
mal, generasse dicitur, & posthu-  
ma quoque proles parentis sui pro-  
les est.

*Secundò ita argumentatur: Si 2. Objectio.  
mas in seipso, dum Semen gignit, fa-  
mal animam procreat, femina est, non  
mas. Femina enim est, quæ in seipsa vel  
seipsam gignit.*

Verum respondeo, Fœmina dici-  
tur in seipsa gignere, quod Semen,  
quod generat, & ad fœtus constitu-  
tionem communicat, in se continet,

*Responsio.  
Famina  
quomodo  
in se gene-  
ret.*

non verò, ut mas, ex se emittit. Præterea etiam, quod generatum, quod imperfectum est, in fœmina perficitur, ut sic forma sit in eadem materiâ ad eum modum, qui nullis amplius eget adminiculis, ut loquitur Scaliger, loco alleg. Id quod non fit in mare.

3. *Objeçtio.* Tertio, Si, inquit, mas in seipso formam fœtus efficit; quia forma sine materia non est: necesse est, etiam singularem & determinatam efficere materiam.

*Responsio.* Id quod totum concedimus. Sed hinc non sequitur, quod annectit; Et sic integrum essentia animal gignere. Nam ad id generandum utrumq; semen requiritur, & ut supra ex Empedocle & Aristotele dictum, Maris & fœminæ quasi *σύνολον* est; totum verò à neutro proficiscitur. Et præterea Corpus animalis in fœmina perficitur.

4. *Objeçtio.* Eadem ferè est solutio quarti argumenti, quando dicit: Si mas intra se gignit & materiam & formam, fœmina non potest esse principium generationis, sed per accidens saltem, & absolutiois.

*Responsio.* Hoc enim nos non petit, sed eos, qui fœminæ Semen activè ad generationem concurrere negant. Præterea nec totam materiam, quæ ad corpus animalis absolvendum requiritur, in mare generari dicimus, sed saltem tantum materiæ, quantum sufficit ad animam tradendam & propagandam: Reliqua materia in utero à sanguine materno communicatur.

5. *Objeçtio.* Cum quinto dicit: Si mas est principium id, quod originem motus & gene-

rationis habet, non in se integram materiam & formam gignit. Aliud enim est principium motus ad formam, aliud est forma. Nullam connexionem video. Principium motus est mas, dum in se habet formam; quæ sui multiplicativa est: Interim nihil obstat, quin aliquid ejusdem cum semine communicare, & ita suam Speciem propagare possit. Præterea non dicimus; quod mas in se animam efficiat, sed quod aliquid suæ essentiæ communicet: Sicut nec hoc dicimus, Quod animal integrum formam & materiâ in mare generetur.

Ad id quod sexto affert; Cum unus canis, unus porcus plures possit procreare uno satu, unicoq; semine, in se jam multitudinem materia & forme animalium gestaret; Jam Respondit Scalig. exerc.

6. *Objeçtio.* 6. sect. 10. Sed objiciunt, inquit, Ergo canis animarum plenus est. Non sequitur. Unam enim habet animam, quæ pluriû sufficit generationi. Sic in ramis oleæ, in quibus multæ sunt taleæ, unica tantum est anima, à quâ multæ. Frustra proinde querit Libavius, in exam. Phil. viv. Hart. p. 117. Si dixit Deus; Germinet terra herbam viventem, cujus semen in ipsa sit super terram juxta genus & speciem suam; Num ergò in plantis anima omnium deinceps futurarum actu erant? Ita de aquatilibus & aëreis: Crescite & multiplicamini. Si actu erant multiplicia, quid opus erat de futuro sancire? Uniuscujusq; Individui & plantarum & animalium, una erat actu anima, quæ plurium generationi sufficit, & quæ, ubi per semen prolificum communicatur, indu-

*Responsio.**6. Objeçtio.**Responsio.*

indu-

individuum sese multiplicare & generare dicitur. Manetque nihilominus anima una & integra actu: quemadmodum dum à lampadis flamma flammam excipimus, illa nihil secius integra manet. Et sicut dum anima in accretionibus & augmentatione sese in alimenti materiam novam induit, non major fit: ita in generatione non imminuitur.

7. *Obiectio.*

*Septimo inquit: Si Semen ex mare & femina simul secernitur, impossibile est, Marem intra se gignere animal formatum, idq; postea transferre in feminam. Deest enim alterum generationis principium.*

*Responsio.*

Verùm Respondeo. Si Scaliger animalia à masculino semine, sine feminino, generari statueret, in eo ipsi non assentimur. Sed cum locutio illa Scaligeri, quæ Semen dicitur esse animal, imprimis offendere videatur Libavium, illa explicanda est: *Primo* si Scaliger solum masculinum semen habet prolificum, in eo, ut dixi, ipsi non assentimur: Sed utrumque Semen ad generationem necessarium esse concedimus, & totum à neutro proficisci, Sed maris & feminae Semen conjunctum demùm Semen prolificum, & ad animal suæ Speciei procreandum idoneum esse statuimus. Quod verò *secundò* Semen hoc prolificum animal appellat Scaliger, & Semen caninum Canem imperfectum, carentem tantùm articulationibus appellat, in eo adeò reprehendendus non videtur. Nam cum

*Semen an dici possit animal.*

denominatio à parte potiore desumatur: Semen verò actu formam integram habeat, (nam cum forma per se non sit quanta, potest æquè esse integra in parvo corpore, ac in magnâ mole: Ac licet infante recens edito vir major sit: infans tamen æquè perfectam atque integram habet formam) & præterea aliquid materiae: Scaligero animal appellare placuit. Si quis tamen ideò, quod maxima materiae pars adhuc desit, & corporis fabrica nondum absoluta sit, neque omnibus membris animal perfectum sit, animal appellare non velit, cum eo non pugnamus: modo hoc largiatur, animam integram sui domicili architectam Semini inesse. Neque enim negandum, non levem inter semen & plantam vel animal ex semine generatum esse differentiam. Nam semen corpus homogeneous est (quanquam enim in plantis semina plures partes habeant: externæ tamen saltem internæ illius homogeneæ, quæ propriè semen est, quasi theca sunt) aptum natum, ut per illud anima traducatur & propagetur: Animalis verò corpus ex pluribus partibus constat, quas anima partim ex semine, partim ex attracto sanguine materno in animalibus, in plantis verò ex alimento è terra attracto fabricat; quæ partes singulæ, ut peculiaria mista, cum suas formas habeant, atque alia forma sit corticis, alia folii in arbore; alia cordis, alia cerebri in animali: non leve apparet discrimen inter semen

semen & plantam vel animal perfectum, si scilicet utriusque corpus & corporis utriusque, quatenus ut mixtum consideratur, forma perpendatur. Forma tamen specifica utrobique eadem est.

*Octavo, quod dicit, Cælum in equivocis etiam hoc modo in se animal generare: nulla est consequentia. Nam in æquivoca generatione Cælum, de sua essentia formam non largitur. Et de æquivoca generatione alibi dicitur.*

*Nonum argumentum idem est cum quarto.*

*Decimo, si, inquit, intra se genitam formam animati mas transfundit, non confert semen ad generandum in femina, sed jam formam constans animal. Verum qua ratione admitti possit vel non possit, masculinum in se animal gignere, jam dictum. Dictum enim jam sæpius, Solius maris semen ad generationem non sufficere. Denique,*

*absurdissimum fore, ait, cum Equus ex asina generat mulum, dicere, cum intra se, dum Semen faceret, formam non equi, & sic non simile sui, sed muli genuisse. Ita est, inquit, de Leone & Pardali, de cane & vulpe, de cane & lupo, & similibus; quibus apertissimè refutari putat Scaligeri circa generationem subtilitatè.*

*Verum nisi firmitioribus argumentis refutetur, hoc non refutabitur. Primo enim notandum, Mulum & similia animalia (quæ ex duabus speciebus proveniunt) non esse rerum naturalium species à Creatore conditas, sed specierum confusiones, quas & Deus, ut Levit. 19. v. 19. videre est,*

*& Natura abominatur. Deinde cum equus ex asina gignit mulum, non in se muli formam vel semen gignit equus, sed semen equi, & hoc modo sibi simile generat. Quia verò hoc semen non cum semine equæ, quod fieri debebat, ad equum generandum, sed asinæ miscetur: Fit inde non equus, sed mulus. Et hoc modo equus gignendo semen quidem sibi simile gignit, sed ut fiat dissimile quid, fit ob admistionem seminis alieni. Et quia ex diversorum seminum confusione & formarum mistione, ut habet Scaliger exerc. 7. talia animalia generantur, fit inde foetus, qui neutrum parentem planè refert, scilicet ex Equo & Asina neque Equus neque asinus fit, sed mulus. Qualis mistio in plantis frequentior est.*

*Offendit quidem hic non paucos formarum mistio, quam Scaliger appellat, ob quædam metaphysica (quæ tamen an ex rerum natura, quod fieri debèbat, in Metaphysica intulerint, an verò in suo cerebro quidam Aristotelis Interpretes finxerint, dubitare quis possit) axiomata: verum ejus rei non pauca neque obscura in rerum natura existere indicia antea dictum. Et quod non unica solum, seu asinæ seu equi, forma in productione muli concurrat, ex partium conformatione manifestum est. Ubi enim potentia est animæ, ibi est ipsa anima. At in conformatione muli utriusque animæ & equi & asinæ actiones apparent. Ideoque illud J. C. Scaligeri, in lib. 1. de plantis, hic etiam merito locum habet:*

*Mulum quomodo generatur.*

*Forma mixta.*

*Ubi res, inquit, constet si opinio ad ver-  
setur rei, querendum rationem, non rem  
ignoscendam.*

Reliqua omnia, quæ affert, fermè  
contra illam locutionem Scaligeri  
pugnânt, quæ semen canis dicit esse  
canem imperfectum. De quâ paulò  
antè dixim, ita locutù esse Scalige-  
rù propter formæ, nobilioris partis,  
præsentiam. Interim si cui ita loqui  
non placet, quia membrorù articu-  
latio nondù adsit, me non offendet.  
Hoc tamen admittere non possu-  
mus, quod Libavius defendit, formã  
non posse esse, nisi in corpore planè  
perfecto, & propterea in Semine nõ  
esse, quia membrorum structura nõ  
adsit. Contrarium enim res ipsa lo-  
quitur, dũ videmus in radice, in bul-  
bo, in furculo, in talea plantæ æquè  
esse animã, æ in tota planta; etiam si  
multæ partes adhuc desint, & pro-  
pterea eadem operationes plantæ  
postea apparent, & ex bulbo, vel ra-  
dice, vel furculo, integrum plantæ  
corpus pullulat. Neq; tamen hinc  
sequitur, quod existimat Libavius,  
quod aqua aut cucurbita facilè ho-  
mõ possit dici, Scaligeriana subtili-  
tate. Nam non quodlibet corpus ad  
animæ propagationẽ idoneum esse,  
antè jã diximus. Et licet in plantis  
plures modi generãdi & transplan-  
tandi sint: in animalibus tamẽ solũ  
per semen ea propagatur & multi-  
plicatur. Multò minus hoc inde se-  
quitur, quod nõnulli huic sententiæ  
malè imputant, quasi anima gradus  
habeat, & in semine primo sit quodã  
imperfectiore gradu, in quo poten-

tia tantũ nominatur, quæ deinde  
paulatim & particulatim ascendẽ-  
do, & ubi plures perfectionis gradus  
acquisiverit, actus dicatur. Non enim  
hæc mea, non Scaligeri mens est: sed  
ut forma eandem perfectionem ha-  
bens est in infante & viro, in anno-  
sa quercu & germine primũ ex  
glande pullulante: ita eadem forma,  
quæ est in perfecta planta, est in se-  
mine, nec per gradus vel perficitur  
vel acquiritur, sed tantũ organo-  
rum apparatus & distinctio deest.

Tandem ad Objectionem, qua  
dicitur; Externum quid causam for-  
mationis partium esse non posse,  
cum quod non tangit, non moveat;  
Et proinde intefnum principium  
esse, idq; aut partem aliquam ani-  
mæ, aut animam, aut habens animã.  
Respondet, partem ab exteriori ali-  
quid effici potest, partem nõ potest.  
Nihil enim interest, inquit, sive semẽ  
efficere dicatur, sive is, a quo est se-  
men; modò semen in se habeat *vis  
vivificans, in Cœteris Cœteris*: quasi dicatur,  
Si semen in se habeat movendi po-  
tentiam, quã ille, qui semen contu-  
lit, habuit, perinde esse, sive à femine  
dicatur effici partes, sive à genitore.  
Verum respondeo; Sit sanè, nihil  
interesse, sive dicatur semen efficere  
partes, sive Genitorem, à quò est se-  
men: hoc tamen in quæstione est: An  
semen, si animatum non sit, ut vult  
Libavius, in se habere possit eã mo-  
vendi potentiam, quam ille, qui se-  
men contulit, habuit. Rectè enim  
Scalig. *Exerc. 6. Sect. 5. nullum accidens  
agit, nisi per vim suæ substantiæ.* Et si tri-  
bui-

*Nihil ex-  
ternum est  
causa for-  
mationis.*

buitur vis formatrix semini, necesse est & animam vegetantem ei tribui, cujus ea vis potentia est.

An verò hæc, ut quæstionē hanc concludamus, quæ de anima in semine existente hæctenus diximus, & quibus animæ vegetantis, ut & sentientis præsentia in semine probavimus, de rationali quoq; anima intelligenda sint: hic non decidimus, sed alterius loci est illa quæstio. Nam sufficit nobis hoc loco, si de plantis & brutis solum id, quod demonstrandum suscepimus, verum esse obtinuerimus, & in seminibus horum animam corporis architectam inesse monstraverimus.

Ut argo ad institutum redeam, appellant Chymici recentiores, Astra, semina & radices rerum, quæ Philosophi & Medici hæctenus appellarunt formas & animas. De nomine cum ijs non litigabimus: Hoc tamen monemus, eos sine causa radices & semina in cœlum inferre, & parabolis res obscurare potius quam explicare. Has formas per se nec molis magnitudinem habere, nec partium distantias, nec dimensionum vinculis alligatas esse: Fieri tamen quantas, & dimensionibus obnoxias, ob materiam, quam informant, rectè docent. Sicut & illud, ab his omnem generationum vicissitudinem absolvi, ab iisdem corporibus omnibus suas magnitudines, universasq; qualitates tribui, vitamq; ipsam, & hinc omnium actionum vigorem & potestatem provenire.

Unde & illa, quæ de progressionē seminum in scenam mundanam dicunt, in sensum bonum trahi possunt. Quod enim scribunt, semen quodq; suæ naturæ suisq; usibus accommodata corpora & convenientes qualitates assumere, non secus ac histrio in theatrū proditur vestem personæ, quam acturus est, aptā seligit: id modò dextrè explicetur, & semina ab individuis suarum specierum, non ex orco aut invisibilibus elementis, progredi dicantur, absurdū non est. Quis enim Peripateticorum negare potest, plantā, cū primum ē semine duobus foliis saltem prodit, nondū universi corporis structuram perfectam habere, sed attracto ē terra alimento idoneo Indies augeri & omni perfectionis genere instrui & absolvi, & ita corpus suæ naturæ conveniens animam plantæ fabricare? Nec in hoc ab ijs dissentimus, quod scribunt, multos Philosophos hæctenus ferè omnes actiones soli firmamento ascripisse, in reliquis Elementis vicissitudines non ab innatis astris, sed à cœlestibus absolvi prodidisse; Imò etiā seminales virtutes & fecunditates ex cœlo inconsideratè deduxisse: modò rectè accipiatur.

Peccarunt nimirū in eo non pauci Philosophi hæctenus primò, quod, postquā viderunt hæc inferiora benigno cœli calore foveri, & quasi suscitari, etiā ipsas formas rerū à cœlo deducere conati sunt; cum singulis rebus suæ formæ sint insitæ, quæ se multiplicandi potestiam habent.

*Seminum  
in scenam  
mundanā  
progressio.*

*Res. natural.  
ordo &  
action. non  
omnes à  
cælo.*

Deinde, quia cœlorum motus ordinatissimos esse observârunt, si quid ordinatum, certisq; periodis recurrentem motum servare in sublunariis viderunt, Causas illius motus mox e cœlo petendas putârunt; cum tamen illa morus constantia & ordinata vicissitudo ab insitris rerum formis proveniat; ut in plantis videre est, quarum aliæ aliis temporibus florent, fructusq; edunt, & semina proferunt, eumq; ordinem singulis annis constantissimè tuentur.

Nec hîc assentimur Libavio, qui Chymicos iterû reprehendit, quod astris seu formis coctiones alimentorum ordinatas, excretiones, nutritiones, generationes, auctiones, pulsum vitalem, Morborum circuitus, mensiû fluxus in fœminis, æstus maris, & similia tribuunt. De mensium fluxu ordinato in fœminis & æstu maris hîc non disputabo: Cur coctionem alimentorum ordinatâ, ordinèq; in excretionem, nutritionem inesse, eumq; ab anima provenire, negare debea, causam non video. Nam quod dicit, istas actiones non esse stas, & unicâ cœnam luxuriosam posse ordinem & tempus coctionis intervertere, facilis est responsio. Cû enim actionibus istis ordo tribuitur, præsupponitur, & constitutione corporis, seu partium, per quas perficiuntur, sese rectè habere, & objectû esse conveniens. Excluduntur verò errores externi, quibus coctiones, excretiones & similes actiones turbati, nemo ignorat. At si externa talia omnia sese rectè habeant, natu-

ram & in coctionibus & excretionibus absolvendis ordine uti, & definitis temporibus actiones suas absolvere, notissimum est: de quo videatur Galenus, *lib. 2. de diff. febr. c. ult.* ubi plurib; docet, non solum in coctione, sed & in excretionem naturam rectè agentem, neq; impeditam stas temporum terminis actiones suas perficere. In primis verò, quod generationes ordinatas esse negat, id valde miror. Etsi enim in regione elementari mutabilitas sit magna, & in meteoris præcipuè multa  $\chi$   $\phi$   $\sigma$   $\nu$   $\alpha$   $\tau$   $\nu$   $\tau$   $\epsilon$   $\rho$   $\rho$   $\nu$  fiant: Animalia tamen certa habent generationû tempora & definitis terminis fœtus suos absolvant & edunt: & qui ignorat, plantas in producendis floribus, seminibus, fructibus, exarcescendo quasi & rursum repullulascendo & revirescendo, stas tempora observare, rei Botanice plane ignarus est. Quod tandem dicit, hospitem esse in Medicina, qui morborum circuitus stas facit: id etiam valde miror, & contrarium verum esse dico; & qui id negat, nunquam febre tertiana vel quartana laborasse aut laborantem vidisse existimor; aut certè, quid in febricitantibus accidat, non observasse: cum frequenter febres tam exactè suos circuitus observent, ut ordinis ac periodorum constantia ac certitudine sæpè cum horologiis certare videantur. Et licet febres sæpè anticipent, aut postponant: tamen & id non sine ordine accidit.

Verum in eo Chymicis non assentimur, quod hæc semina & astra in elemen-

Formarum  
sua & po-  
testas.

Actiones.  
Naturæ  
sunt ordi-  
natæ.



*Forma non  
sunt extra  
individua  
suarum  
specier.*

elementis illis, quæ statuunt, invisibilibus, tanquam in patria, pura & sola habitare ac beatâ quiete frui & hinc corporibus misceri statuunt. Formæ enim rerum naturalium nusquam sunt, nisi in suâ speciei individuis, & per ea custodiuntur & propagantur, ut supra dictum. Neque aliter generationem animatorum fieri, nõ solum omnium seculorum consensus docuit, sed & sacræ literę testantur, è quibus constat, DEUM mundi Creatorem omnipotente verbo imperavisse plantis & animalibus, ut intra se & ex se generent semina, quibus, individuorum propagatione & multiplicatione, specierum conservatio fieret; non verò infra elementa abscondisse, & ex necio quibus abyssis, certis tēporum periodis, ad hanc mundanam fabulam agendam progredi jussisse.

Sicut & in eo non rectè loquitur Severinus, aut certè non satis cautè, quod scribit: Semina in Elemento cœlesti individua in seculum duratura produxisse, Solem, Lunam, & Astra; quia semina obtinuerint corpora perfectissima: cum ex sacris literis sciamus, Deum creasse luminaria & astra, eaque cœlo imposuisse: non verò, sicut plantæ è terra crescunt, ita stellas è suis seminibus crevisse.

Hoc loco meritò excutienda est sententia Chymicorum recentiorum de Vita; cum omnia, quæ ista, quæ appellant, semina obtinent, vivere dicant. Hactenus quidem Philosophi Aristotelici & Medici Galenici vi-

tam tantum animatis tribuerunt, vitamque animæ quendam actum, & vigorem esse dixerunt: & nihil vivere concesserunt, nisi in quo aliqua animæ, ad minimum vegetantis, operatio appareat; & quicquid vivit, nutriri, & contra quicquid verè nutritur, vivere docuerunt.

Verum Chymici recentiores vitæ nomen multo latius extendunt, & cum stellis vitam tribuunt, easque vitali seminum potestate perfundi, nec mortua esse corpora, ut Sever. c. 6. scribit, docent, tum etiam metalla, mineralia, gemmas, lapides, vivere statuunt, & omnino quicquid semen vel astrum, quod appellant, in se continet & agendi vim habet, seu ut alii loquuntur, omne corpus, quod Spiritum habet, vivere dicunt. Scilicet, ut Thomas Moufettus, in dialogo apologetico, habet, *Vita ipsis nil aliud est, quam ἐνεργεια cunctis rebus insita*, id est, hominis ad humanas actiones, astrorum ad astrales, angelorum ad angelicas, brutorum ad brutales, plantarum ad plantales, mineralium ad minerales, metallorum ad metallicas, alimentorum ad alimentares, medicamentorum ad medicas operationes dispositio. Ita vivit Sal, Sulphur, Mercurius, vitriolum, arsenicum, metalla, gemmæ, lapides; quia sapores, odores & alias ἐνεργειας ac potentias habent. Hinc è Recentioribus quidam scribunt, vitam magnetis esse Spiritum ferris arsenici, auripigmenti Spiritum quædam Mercurialem venenatum; vitam excrementorum hominis &

*Vita quid  
Chymicis.*

*Vita quid  
Aristotelici.*

cæterorum animalium esse ipsorum fetorem & halitum malignum; aromatum in odore consistere amabili; rerum dulciū in aërea quadam dulcedine; ligni vitam esse resinam; ignis aerem. Hinc sua principia appellant vitalia, prout rebus naturalibus odores, saporés, aliasq; vires & facultates tribuant: quod verò nihil efficaciæ habet, ipsis est mortuum.

*videre & agere differunt.*

Verum enimverò & hic nimis licentiosè sibi jus nomina rebus imponendi, aut potius usitata abrogandi, & nova substituendi arrogant, & vitæ nomen nimis latè extendunt, ac res diversissimas confundunt. Longè enim generalius est agere, quam vivere. Et nemo plantam jam aridam & emortuam commodè vivere dicet: At nihilominus etiam emortuæ habent suas vires & agendi potestatem: & hoc modo è sententiâ Paracelsicorum dicendum esset, emortuas plantas vivere; eademque res esset & mortua & viva. Imò res combustæ sæpè numero saporés atque odores, qui Paracelsicis vitæ indices sunt, validiores habent, quam integræ; atque hoc modo cineribus vita magis tribuenda esset, quam corporibus naturalibus integris. Quod de plantis dictum, etiam de animalibus dici potest; quorum jam mortuorum partes non omnem agendi vim amiserunt. Nam ratione caret, & ab usu, quem penes arbitrium & vis & normaloquendi, planè abhorret, quod Thomas Moufettus, in *Dialogo apologetico*, scribit, vitam splenis bovini non solum esse,

quæ in corpore bovis attrahit, concoquit & expellit, sed etiam quæ in morbis expedit lienis obstructions, mensesque provocat. Etenim, quis hanc licentiam nomina rerum mutandi Moufetto tribuit? Et si cui libet hoc liceret, etiam bovem vel asinum rationalem dicere fas esset. Et aliud esse vitæ, ac specialius quid, quam rei *ἐπέγεια* & ad sui generis actionem dispositionem, patet in animalibus, quæ vivere possunt, licet multis actionibus destituantur, ut in apoplecticis, epilepticis, cæcis, surdis & similibus videre est. Neque ipsi sibi hac in re constant. Nam si vita, ut Moufettus definiit, nihil aliud est, quam *ἐπέγεια* cunctis rebus insita: mortificata vim agendi habere non deberent. Cum tamen quidam scribant, multa esse, quæ dum vivunt mala sunt & perniciofa, sed ubi sunt mortificata, insignem usum suppeditare. Ut mercurium vivum nullum vel verè exiguum in Medicina usum haberes; imò plus damni, quam commodi afferre: mortificatum, verò, id est, sublimatum, præcipitatum, insignes in Medicina usus habere. Ubi certè nimis magnâ licentiâ vita non solum pro agendi vi sumitur, sed ad usus Medicorum saltem adstringitur, ut illud saltem dicatur vivere, quod utiles & insignes in medicando vires obtinet.

Rectius verò Aristoteles & ejus *Vita quæ* sectatores sentiunt, qui inter Naturam & animam distinguunt, & ab iis etiam in Natura rebus, quæ ani-

mata non sunt, vidē Creatore indita, definitas & ordinatas actiones provenire statuūt; vitæ verò principium tantum animam esse, & ubi anima non est, ibi vitam non esse docent: & propterea plantarum & animalium emortuorū partes, etiam si aliquam adhuc agendi vim habeant, amplius vivere non dicunt

An metalla  
& lapides  
vivant.

De metallorum tamen, gemmarum & lapidum vita res adhuc majori cōsideratione digna videtur: cum non solum Chymici, sed & Cardanus, & alii quidam vitam metallis tribuāt. Argumenta Cardani videantur in ejus libris de subtilitate & apud Scalligerum. *Exercit. 102.* & Gabriel. Fallopius in *tract. de metall. & fossilibus c. 8.* ubi eadem examinantur. Et cum antea rectē dictum sit, animam esse vitæ prtncipium, hoc præcipuē nonnulli in controversiam vocant; quænam animata sint. Nam licet ex Aristotele dicatur, quod anima sit *ὄψις λέχεται ἡ πρώτη σώματα. Φυσικῆ ὁργανικῆ*; tamen alii necessarium esse negant, ut omne corpus animalium sit: alii quidem concedunt organa corpori animalitō, sed negant, necessarium esse, ut omne organum ē diversis & heterogeneis partibus componatur, neque admittunt, omne organum dissimulare esse; id quod etiam in corporibus animalium apparet, in quibus multa sunt partes similes, ut dentes, in quibus non est partium compositio, nihilominus tamen inter Organicas merito habentur.

Ut ergo meam de ista quaestione

sententiam breviter aperiam, primo in eo vulgō à multis philosophis errari existimo, quod metalla, mineralia, gemmas, aliosque lapides promissitantum & simpliciter habent, & ea nihil præter elementa certo modo mista in se continere statuunt, ac formam, quā quodlibet metallum ab alio metallo vel lapide differt, tantum mixture formam esse dicunt. Aliud longē effectus mineralium & metallorum demonstrant, qui nobiliores sunt, quàm ut solis elementis adscribi possint.

Præterea singula metalla, gemmas & similia formas specificas, præter elementa obtinere, vel ex eo patet, quod singula non solum suos peculiare colores & alias qualitates, sed pleraque etiam proprias figuras obtinent. Alia enim figura Crystallus; alia Adamas; alia aliæ gemmæ crescunt & coagulantur; Sic alia etiam figura vitriolum, alia nitrum, alia alumē concresecit. Cum salem ē minera vitriolata Schmidbergensi coagulare tentarem, Crystalli provenerunt, perspicuitate adamantem, figura octaedrum tam exactē referentes, ut ab incautis ex aspectu solo adamantes haberentur; cum figura esset tam exacta, ut artifex sculpendo exactiorem vix inducere posset. Quæ certē à solo calore vel frigore provenire non potuit; sed à forma interna, quæ ut in plantis & animalibus, ita & hic sui domicilii architecta est. Scribit non sine causa Severinus, c. 8. scribit,

Mineralia,  
metalla &  
lapides non  
sunt tan-  
tum mista.

Mineralia,  
metalla, la-  
pides habent  
suas specifi-  
cas formas.

An omne  
corpus ani-  
malium sit  
organicum.

non esse majus artificium in formis & figuris animalium, quam in proprietatibus & qualitatibus metallorum ac gemmarum, & æquè mirandum esse colorem Sapphiri, duritiam adamantis, perspicuitatem Crystalli, pulchritudinem auri, ac organa vespertilionis. Et aliis formis coagulationes vitrioli, aliis margaritarum, aliis nitrosorum, aliis Crystallorum, berillorum & adamantis representari, qui dubitat, gemmas saltem aspiciat, & earum colores & figuras consideret, & ab alia, quam mistionis formæ eas provenire, facile concedet: quæ de re etiam infra cap. II. dixit.

*Mineralia  
metalla &  
gemma sese  
multiplicant,  
& renascuntur.*

Ergo etsi metalla, mineralia, lapides & gemmas vivere & animata esse vel nutriri, quoniam in eorum augmento partibus partes accrescunt, non autem, quæ prius erant, ob nutrimentum per omnes dimensiones augentur, non facile dixerim: formam tamen quodlibet horum specificam, præter formam mistionis, habere puto, à qua, uti & in vegetabilibus & animalibus, omnia hæc, figura scilicet & qualitates reliquæ, proveniant & orientantur. Imò suam cujusque formam sese multiplicandi habere, absurdum esse non existimo. Etsi enim aurum igne excoctum aut fusum in agrum coniectum & satum se non multiplicet: quin tamen in terræ cavernis, & locis, ubi metalla crescunt, id fiat, nihil prohibet: Cum aurum & reliqua metalla non semper eà formam, quam fusa habent, generentur, sed sæpè

immatura reperiantur, ac temporis progressu maturentur. Præterea certum est, exhaustas venas aluminis, vitrioli, imò metallorum post aliqua temporum intervalla, iterum sæcundas reddi, & metallis ac mineralibus repleri.

Qua de re doctorum virorum observationes collegit, in extracto *quæstionum Chymicarum de lapide philosophi*. Joh. Conradus Gerhardus, M. D. contra eos, qui statuunt, omnia metalla, quæ hactenus est terra effossa sunt, & post hæc effodientur, simul in prima creatione condita esse, & nulla amplius crescere. Aurum Corbachæ in Westphalia crescit & recrescit in cumulis singulis quadrienniis. Sic argentum in cumulis plumbi cinerei, ubi prius nullum inerat argentum, certo tempore maturatur & perficitur. Itè vena plumbi in Sclavonia quadragesimo anno transit in argentum. Squama æris in arena sicca anno trigesimo in aurum. Ferrum in Silesia ad Saganum oppidum decimo renatum anno denovo foditur; non aliter ac in Ilva ferrum, quæ est Italiæ Insula in Thyreno mari. In Misnia limus ruber palustris quinquennio; In Suecia similis limus uno anno Soli expositus, in bonum ferrum abit. Idem in cumulis ex lapide fissili usu venit, circa aurifodinas Mansfeldiæ, ubi æs similiter maturatur & renascitur. Fessularum mons in Hetruria lapides plumbarios habet, qui si excendantur, brevi temporis spatio novis instaurantur incrementis, ut tradit

*Historia  
metallorum  
renascentium.*

Boca-

Bocarius Certaldus, qui id comper-  
tissimum esse scribit. Plinius et-  
iam, *lib. 34. cap. 17.* scribit: mirum in  
his solis plumbi metallis, quod de-  
relicta fertilius reviviscant. Sed id  
nō in solis plumbi, verum in omni-  
bus metallis usu venit; imō & mine-  
ralibus. De ferro, quod in Ilva Thy-  
reni maris Insula effoditur, refert  
Andreas Cæsalpinus, *lib. 3. de metall.*  
*cap. 6.* terram inanem metalli, quæ  
eruitur, dum vena effoditur, totam  
precedente tempore in venam con-  
verti. Sulphuris vena quadriennio  
reparatur, ut refert Fallopius, *de*  
*Thermis cap. 5.* Terra detracta haloni-  
tro in cumulum redacta post 3. aut  
6. annos nitrum reddit, ut scribit  
Cardanus, *lib. 5. de subtilitate.* In India  
montem esse Oromenum appella-  
tum salis nativi, in quo lapidicina-  
rum modo cedatur sal renascens,  
refert Cæsalp. *de metall. li. c. 16.*

Neque est, ut quis hic subterfu-  
gium aliquod quærat & obtendat:  
forsan lapides illos vejectos in cu-  
mulos metalli jam olim in se conti-  
nuisse. Aliud enim exploratio ex-  
actissima Probatorum docet, qui ne  
minimum ferè granū in scoriis re-  
linquunt. Et planè insigne ac notatu  
dignum est, quod Garcias ab Horto,  
*simplic. in Ind. nasc. lib. 1. cap. 47.* de  
adamante ita scribit: *Adamantes, qui*  
*altissimè in terra visceribus, multisq̄,*  
*annis perfici debebant, in summo ferè solo*  
*generantur, & duorum aut trium an-*  
*norum spacio perficiuntur. Nam si in-*  
*ipsa fodina hoc anno ad cubiti altitudi-*  
*nem fodias, Adamantes reperies. Post*

*biennium, rursus illic excavato, ibidem*  
*invocies Adamantes.*

Neque absurdum videtur, in mi-  
neris spiritum aurificum vel argen-  
tificum cum materia idonea coale-  
scere & aurum vel argentum fieri;  
aurumque & argentum hoc, ante-  
quam solidescat, & excoquatur, ite-  
rum à se posse spiritus argentificos  
& aurificos emittere, qui materiam  
dispositam in aurum vel argentum  
convertant; & hoc modo perpetuari  
metallorum fodinas. Quod certè  
ipsi ductus & fluxus venarum me-  
tallarum monstrare videntur, in  
quibus ἀνάλογον quid naturæ vege-  
tabili apparet. Idem què & hoc con-  
firmare videtur, quod à Medico quodam  
experientissimo, qui diu Fri-  
bergæ, fodinis metallicis nobili Mi-  
sniæ oppido, Medicinam fecit, rela-  
tum scio. Is enim cum aliquos ex fos-  
soribus metallicis mortuos aperuif-  
set, in pulmonibus ea ipsa metalla  
cōcreta reperit, in quibus effodien-  
dis vililaboraverant.

An tamen propriè crescere dici  
possint, dubitatur. J. C. Scaliger, *in*  
*lib. 1. de plant.* lapides crescere negat:  
*Lapides, inquit, non crescunt, sed auge-*  
*scunt. Sic obtinebit augmentum gene-*  
*ris proportionem ad incrementum. Ut*  
*illud sit apposita cujuscumq̄, modi quan-*  
*titate: incrementum fiat per occupatio-*  
*nem, quoquo versum capacioris loci ex*  
*promotione ambitus extremi, admissis in-*  
*trò partibus, mutatis, atq̄, unitis.*

Unde semen metallis & minera-  
libus si non univocum, certè ana-  
logum nonnulli tribuendum cen-  
sent.

Spiritus  
metallifici.

Metalla au-  
crescant.

Metalla au-  
semen ha-  
beant.

sent. Hoc certum esse puto, formas istas, seu semina seu seminarias rationes, ut aliarum etiam rerum, à Deo primum creatas esse, ut rerum sui generis sint principia. Et licet formæ istæ ac seminaria principia in animalibus & plantis. plerisque per certa corpora, quæ semina dicuntur, propagentur, & peculiari corpore spiritus ille Architectonicus concludatur, in metallis tamen per totum corpus dispergitur. Quod enim in salice & aliis plâtis fieri videmus, ut per ramum avulsam fiat propagatio, ut pote in quibus seminale principium per totam plantam, dispergitur: idem in metallis & gemmis accidit, in quibus formale illud, aut si ita libeat appellare, seminale principium, seu spiritus architectonicus in materia metallica seu lapidescente occulto modo conclusus est. Qui plura hæc de recognoscere cupit, legat *cap. 13. lib. 1. de lapidibus & gemmis*, Anshelmi Boetii, in quo postquam multis de figura sexangulari Crystallorum & aliis gemmarum figuris disputavit, tandem concludit, se autumare, Naturam, ut Crystallus hac nota ab aliis gemmis distingueretur, ipsi hexagonam figuram dedisse, non secus quam arborum frondibus & herbarum floribus peculiarias suas figuras dedit, quæ ab architectonico spiritu & formatrice facultate igno-

to nobis modo fabricentur.

## CAPUT X.

## De Spiritu &amp; Calido innato.

TAndem quia hoc ipso in capite P. Severinus corporum astralium & vitalium principiorum mentionem facit, & inter cætera scribit; Quemadmodum inter se differunt femina officii & proprietatibus, ita hæc quoque corpora differre asserimus; Herbarum corpora ab animalium, mineralium, metallorum, gemmarum: Et in herbis aliud corpus esse Melissarum, aliud Valerianarum, aliud Calamintharum &c. In animalibus aliud hominum, aliud leonum, aliud boum. In mineralibus aliud vitriolorum, aliud aluminum, & in his universam medicinam fundari dicit: & passim apud Severinũ & alios Chymicos fiat mentio Balsami naturalis, vitalis sulphuris, Mumie vitalis, quibus omnibus nominibus nihil aliud intelligitur, quam quod Peripatetici & Galenici Spiritum insutum & Calidum innatum vocant: Eo ipso nobis in mentem revocant, quod Aristot. 3. de generation. animal. cap. 3. scribit: *ὡς Διαφέρεισι κινῶτην καὶ ἀκίνητα αἱ ψυχὰς ἀδιήλων, ἔτι καὶ τὰ ἴη Διαφέρεισι φύσις*: Sic ut anima nobilitate & ignobilitate inter se differunt: Ita & natura hujus corporis differt: atq; addit, quod sit ἀνάλογον τῶν τῶν ἄστρον στοιχείων, nimirum τὸ καλὸν ἰσχυρὸν θερμὸν: quid Spiritus in-

tus inustus & calidum innatum sit, disspiciendum. Atque ita vix alio loco, quam isto, commodius explicari poterit quaestio de calido, quod alii innatum, alii caeleste appellant. Cum hoc ipsum esse dicat, *ὅπερ ποιεῖ γόνιμα εἶναι τὰ σπέρματα*, quod facit, ut fecunda sint semina, de quibus haetenus egimus. Nimirum ut supra dictura, Omnis forma & anima quidem sui est multiplicativa; non tamen cum quolibet corpore se propagare potest, sed qualibet *οὐκείων ὕλων*, propriam materiam requirit, & subjectum ad animam propagandam & transferendam idoneum. Inprimis autē ad idoneum animae domicilium constituendum, facit calidum, alijs innatum, alijs caeleste dictum; de quo etsi non pauca *lib. 1. Instit. c. 5.* dicta sint, de eo tamen & hic quaedam dicenda; cum ferē universa medicina super ista doctrina fundetur.

Calidum  
innatum  
an sit Ele-  
mentaris  
Natura.

Et principio quidem si auctoritatibus res transigenda esset, non magnam habere difficultatē. Etsi eam Aristotelici plurimi calidum istud nativum alterius originis, quam elementaris esse negēt, idq; ab igne deducant: tamen illis non solum Platoniorum ferē omnium, sed ipsius Aristotelis auctoritas opponi posset, qui hoc calidum, loco allegato, quem supra *c. 8.* integrum citavimus, expressē, alterius, quam elementaris, originis esse scribit. Quanquā enim Zabarella verba ista Aristotelis in alium sensum detorquere conetur,

Locum Ari-  
stotelis de  
Spiritu. &  
calido in-  
nato.

dum, *lib. de calore caelesti, cap. ultim.* scribit, calorem istum quidem naturā suā esse igneum, atque elementarem, verū eo uti virtutem vitalem, caelo proportionem respondentem, & propterea caelestē appellari; Et Capivaccius, *in comm. in aphor. 14 sect. 1.* scribat, calorem illum non esse igneum, i. e. non regulari ab igne, tamē verba Aristotelis tam manifesta sunt, ut talem interpretationem nō admittat. Etenim nōn docere vult Aristoteles, cujus rei Instrumentum sit istud calidum; sed cujus Originis. Expressē enim scribit; *σῶμα hoc ἔστι πῦρ, ὃ οὐδὲ ποιεῖ δόναμις* *ἴσιν.* Et *μοχ; ἔτε πῦρ, ἔτε δὲ πῦρ; ἔχει τὴν δεξιάν, ἀνάλογος τῷ τῷ ἀσπρῶν σφαιρίῳ.* Et si calidum hoc elementaris originis esset, licet ab anima regeretur, nō diversa in diversis esset natura: Ideoq; dicere nō potuisset, corpus hoc *τῷ καλεῖσθαι σφαιρίῳ* *ἴσιν* in omnibus non esse ejusdem naturae, sed ut animae inter se nobilitate & ignobilitate differūt, ita etiam naturā hujus corporis differre. Neq; satis facit, quod Erasmo, *part. 2. disp. cont. Paracels.* scribit; dici corpus aliquid divinius alijs propter diviniorē formam; nec esse necessarium, ut ob id materiam habeat reliquorū materia aliam. Etenim si propter formam corpus aliud alio esset divinius, forma corpus redderet divinius. At Aristoteles formam non reddere corpus divinius, sed participare dicit, & sicut formae nobilitate & ignobilitate differunt, ita & corpora inter se differre.

Neque refert, quod, *loco allegato*, scribit Eraſtus, quatuor ſolùm eſſe Elementa, neque plura, neque pau- eiora ſepiſſimè Ariſtotelem affirma- viſſe, & aliquando etiam demonſtra- viſſe. Factum hoc quidem ab Ariſto- tele, dum de elementis mundũ con- ſtituentibus agit: interim iſtis omni- bus ſalvis, ubi de principiis proximi- ſ animalium tractat, hoc corpus addere potuit. Sicut & dum de ele- mentis & miſtorum principiis in genere agit, nullam Animæ mentio- nem facit. Verum auctoritatibus in quæſtione tam gravi ac difficili ſolùm nõ fidere, ſed veritatũ unicè in- tentos eſſe decet.

*Calidũ in-  
natum eſt:  
corpus.*

*Spiritus  
inſitus.*

Primò autem cum de Calido hoc quæritur, non de qualitate nuda, ſed de corpore quæſtio eſt. Ipſe enim Ariſtoteles *σῶμα* appellat. Ac id ipſum aliaſ Spiritus appellatur. Et ut Scali- g; ſcribit, *Exerc. 280. ſcriptum & eli- quere ſapientes, nihil aliud eſſe calorem naturalem, quam ſpiritum.* Et rectè quidem. Nam ipſe Ariſtoteles, *loco allegato*, τὸ θερμὸν, quod facit, ut ſœ- cunda ſint ſemina, nominat τὸ ἐμψύ- κωτα, καὶ ἄνεμον ἐν τῷ ἀέρι, καὶ ἐν τῷ ὕδατι. Et cap. 4. lib. de mundo, ſcribit; quod πνεῦμα dicatur ἢ τὸ ἐν πυρὶ, καὶ ἢ τὸ ἐν ὕδατι, καὶ ἢ τὸ ἐν ἀέρι, καὶ ἢ τὸ ἐν γῆ. Er Galenus, 3. de *Simpl. Med. fac. cap. 9.* ſcribit; calorem innatum eſſe, quem in quoque animali nativum. Spiritum nominamus. Atque omni- nõ conſultius videtur cum Ariſto- tele ſubſtantiam hanc Spiritum ap- pellare, quam cum Medicis cali-

dum nativum. Quanquam enim vox Calidum Innatum non nudam Qua- litatem, ſed ſubſtantiam ſignificat: tamen procul dubio eam appella- tionem accepit in animalibus per- fectoribus, quæ ad tactũ calida ap- parent, & quorum actiones calore etiã ſenſibus obvio perficiuntur. Cũ tamen in plantis idem Spiritus inſit, ſed ſenſu non percipiatur; imò in iis frigore rigentibus invenitur. Ideo- que licet Eraſto & aliis, (ſi ita li- beat) concedatur, animalium calo- rem, quo ad videlicet calor eſt, eſſe ab igne cum aliis elementis miſto & temperato: tamen non de nuda hic Qualitate quæſtio eſt, ſed de Spiritu, ſeu ſubſtantia. Atque ita hic una opera dicendum aliquid erit de Spiritibus corporeis: optandum- que eſſet, pleroſque ſolum corpori- bus, quæ tangi & videri poſſunt, in- tentos nobiliſſimas iſtas ſubſtantias non neglexiſſe.

Ne autem æquivocatio errorem *Spiritus* pariat, principio ſciendum, Spiritus *quid.* vocabulum pluribus modis uſur- pari. 1. enim πνεῦμα aërem vel ven- tum ſignificat, ut eſt c. 4. lib. de mundo. 2. In ſpecie aërem, qui respirando attrahitur & expellitur. 3. Ipſam re- ſpirationem, quæ aëris inſpiratione & expiratione conſtat, quæ ſignifi- catio Hippocrati familiariffima eſt, 4. πνεῦμα quandoq; ſimpliciter po- ſitum apud Hippocr. difficultatem ſpirandi ſignificat. 5. Flatus in corpo- re πνεύματα appellantur. 6. Exhala- tio aut vapor à corpore aliquo quo- modocunq; reſolutus, Spiritus ap- pella-



appellatur; Quæ appellatio Chymicis familiaris est.

Verum istæ significationes omnes à nostro proposito alienæ sunt. Cum enim hîc de Spiritibus loquimur, intelligimus quandam substantiam tenuissimam & subtilissimam, quæ ad animalium & vegetabilium, imò etiam aliarum rerum constitutionem pertinet: & qua forma ac anima, tanquam præcipuo instrumento, ad actiones suas obeundas utitur. Quos Spiritus Hippocrates in animalibus *ἰεμεῖα* appellat.

Hos ipsos spiritus *ψυχῆς* vocabulo apud antiquiores appellatos fuisse, quandoque existimo. Neque enim *ψυχῆς* vocabulum apud antiquos semper animam ipsam corporis animati formam significat, sed interdum etiam sanguinem, ut apud Galenum, *lib. 2. de placit. in fine*, videre est. Hinc Aristophanes, in *Nubibus Act. 2. Scena 1.* de Cimicibus loquens, *καὶ τὴν ψυχὴν ἐκπίνεσι, exsugunt animam*, inquit, id est, sanguinem. Et Virgilius: *Purpuream vomit ille animam*. Interdum spiritus illos proximum animæ instrumentum, ita dictos, sive *διὰ τὸ ψύχειν*, à refrigerando; sive quod sint substantia *ἑμψυχοῦ* & proximum animæ instrumentum. Quod nisi observetur, absurda dogmata tribuentur Hippocrati, cum tum alibi, tum etiam in *6. Epidem. sect. 5.* scribit: *Hominis animam ad mortem usq; nasci*. Et omninò si *ψυχῆς ἔρωμον* spectemus, probabile videtur, à spiritibus ad formam seu *εἶδος* trans-

latum, & forsàn ab iis, qui præter spiritus illos corporeos nihil in homine incorporeum & *αἰδιον* crediderunt & agnoverunt. Quæ varia vocis *ψυχῆς* significatio procul dubio multis, imò forsàn etiam Galeno imposuit, & in causâ fuit, ut interdum satis incautè de anima loqueretur, & quomodo anima à spiritibus, imò temperie differret, satis percipere non posset. Verum hæc obiter de vocabulis monuisse sufficiat. Jam ad calidi istius & spirituum naturam explicandam revertamur.

Et principio quidem hoc admonendum censemus: Antiquum planè dogma esse, quod ab Aristotele, loco allegato, proponitur; videturque Aristoteles illud ab Hermete Trismegisto desumisse, è libro, qui Clavis inscribitur, in quo inter alia scribit: *ἐνδύμα εἶναι τὸ νοῦσ-την ψυχὴν, τῆς δὲ ψυχῆς τὸ πνῦμα*. Et mox: *ἡ ψυχὴ καὶ αὐτὴ θεῖα ὡς εἶσα κατὰ πῦρ ὑπέστη τὸ πνῦμα περιεῖται, τὸς πνῦμα τὸ ζῶον διαιεῖ*.

Deinde, quod ad quæstionem: An Spiritus ille, de quo loquitur Aristoteles, sit naturæ elementaris vel alterius: Non quidem negamus, conjunctum esse hunc spiritum, qui à calore, qui in animalibus in eo evidentissimus est & efficacissimus, calidum appellatur, cum elementari calore, ut seorsim ab eo ferè reperiri nequeat, quemadmodum facultas animalis absq; naturali non reperitur; & æthereum illum calorem, sicut instrumento, elementari-

*ψυχῆς  
hoc quid  
significet.*

*Spiritus in-  
fitus exjus  
natura sit.*

uti : tamen si quæretur; an Spiritus ille nihil nisi elementare in se contineat, cum multis doctis viris, Fernelio, Valeriolæ, Schegkio, & aliis plurimis probabiliter affectus; *Esse quid spirituosum in rebus naturalibus, præter elementa.*

Atque ad id probandum utor argumento Scaligeri, quo ille contra Alexandrum & alios elementares animæ carnifices, ut appellat, ad probandum, Animam non esse elementis, utitur, & Herculeum appellat. Ita autem ille, *Exerc. 307. sect. 20. Quin istis edico simul, omnem formam cuiuscumq; perfectæ mixtæ, etiam si non est anima, ut in adamante, Naturam esse quintam, longè aliam à quatuor elementis. Quo ex loco deducitur Herculeum argumentum contra Alexandrum, qui animam ex quatuor elementis constituebat. Est in anima potestatis, quod nunquam fuit in potestatis elementis cuiuscumque. At nihil est in quapiam re, quod non fuerit actu in suis principiis. Principia namq; sunt actus eorum, quorum sunt principia. At in anima est facultas ad movendum antrorsum, retrorsum, dextrorsum, sinistrorsum; quod in elemento nullo. Alia quoq; longè illustriores sunt anima potentia, quæ non sunt in elementis.* Quod argumentum instituto nostro ita applicamus. Est in spiritus seu calidi hujus potestatis, quod nunquam fuit in potestatis elementi cuiuscumque. Et in spiritu isto calidi innati illustriores sunt potentia, quæ non sunt ex Elementis. Ergo spiritus iste non est tantum ex elementis. Atque hoc

ipso argumento uti videtur Aristoteles, loco illustri illo *antea allegato, 2. de generat. anim. cap. 3.* Et si saltem semimibus id applicet. Ita enim concludit Aristoteles, ut ipse Erasmus textum hunc, *disput. 2. contra Paracels.* resolvit, *Quod spiritum participat, in quo natura cælesti caliditate proportionem quadam respondens inest, corpus participat elementis præstantius. Omnis porro anima participat talem spiritum. Quo circa participat corpus elementis præstantius. Etenim virtus diviniore elementis in corpore inest elementis præstabiliore. Nam oportet inter se respondere virtutem & subiectum. Quo fit, ut pro animarum nobilitate & ignobilitate, tum virtutem earum generatricem, tum corpus subiectum, similiter differre necessarium sit. Seu potius, secundum textum, si illud, quod fecunda facit semina, nobilius est virtute elementorum, subiectum quoque hujus nobilius esse oportet elementis. Quod autem procreatrix facultas, seu illud, quod fecunda facit esse semina, præstet elementorum virtutibus, eo probat: Quod elementum nullum generat animal. Sumit autem tanquam concessum, cunctis illud, quod fecunda facit esse semina, caliditate quadam esse. Quod semina fecunda efficit, inquit, calor est, & nominatur non ignis, sed cælesti calori proportionem respondens. Quo posito sic porro arguatur. Calor cælesti calori respondens diviniore est elementorum calore: At calor seminis est talis:*

Ergo

Anima non est ex elementis.

Spiritus inest ex elementis.

Ergo divinius est. Majorem probat ex efficientia utriusq; calor. Ille calor similior est cœlesti calori, cuius operatio propius accedit ad efficientiã cœlestis caloris: At seminis calor propius in agendo accedit ad cœlestẽ calorem, quã calor elementorũ: Et proinde calori cœlesti similior est. Non n. calor ignis tam suavis est ac benignus, quam cœlestis.

Res scilicet eò redit, ut cum Sciligerò dicamũs, ubicunq; nobiliores & illustriores potentia & qualitates apparent, quã quæ ab elementis proficisci possunt, ibi nobiliora principia statuenda esse. Esse autem tales actiones multas, supra satis probatum est. Et si non essent talia agentia nobiliora, unde contagium, sympathia & antipathia rerum, venenorum, purgantium, & multarum aliarum rerum actiones deduci possent? Vt non sine causa videatur scripisse Libavius, *Alchym. Triumph. cap. 9. Nec elementa vulgaria, nec omnis eorum virtus, aut qualiscunque coalitio potest prestare, ut Rhubarbarum purget, & ne quidem, ut Musca fiat.*

Eludere quidem conantur hoc aliqui, & cum Erasmo, loco allegato, ad id confugiunt, ut dicant: Ignem quidem simplicẽ talia efficere non posse; sed in compositis mistum, refractum ac temperatum id prestare: vel ignem quidem solum non generare, & nobiles illos effectus non solum ab elementis provenire, Sed à forma. Et calorẽ hanc agendi vim, non ex sua natura, sed ab anima habere. Atq; simili hoc utitur Erasmo.

Sic propemodum, inquit, se res habet, ut in instrumentis artis. Malleus, verbi gratia, poculũ facit, non quoad ferreus est, sed quoad potentiam hanc ab artifice accipit. Ut malleus sit, ex ferro habet; ut poculũ faciat, ab artifice adipiscitur. Sic animalium calor ab elementis habet, quod calor est: At quod fecundus est, à nobiliore causa nascitur.

Verum enim verò ad primum respondemus. Etsi ignis in mistis, utpote temperatus, alio modo agat, quam simplex: tamen nec tum ultra suas vires agit. Et nihil præstat, nisi quod in sua & reliquorum, cum quibus mistus est, elementorum, potestate est.

Et si à mitione elementorum & temperatione qualitatum primarum nobiles illas actiones deducere licet: cur non ab eadem mitione & temperatione deducuntur vita, motus voluntarius, visus & omnes actiones animales, imò cum Alexandro ipsa anima? Nam si illud Scaligeri; Nihil est in quapiam re, quod non fuerit actu in suis principis, alicui non satis firmum in hac, in qua nunc versamur, disputatione, nec alicujus momenti ad qualitates occultas adstruendum esse videtur: monstret is, qua ratione locum adversus Alexandreos, animam ex elementis componentes, atq; ita omnes animalium actiones ad elementa reducentes, habere possit. Equẽ enim tum alicui ad occultum & singularem mitionis elementorum modũ confugere liceret.

Deinde

Coloris potestas quid.

Deinde concedimus quidem, calorem multa operari, ut animæ instrumentum, quæ solus non efficeret, & propterea etiam diversa efficere; in ventriculo Chylum, in Epate sanguinem, aliud alibi: Et proinde tales actiones non soli calori, sed animæ potius calore utenti attribuendas esse. Non tamen omnes actiones, quæ elementis nobiliores sunt, ab anima proveniunt, ut etiam Scaliger monuit, *exercit. 101. sect. 8. & exercit. 102. sect. 5.* Id quod ex multis patet. Primò enim anima extra corpus non agit: at multæ sunt operationes & mutæ actiones inter se rerum naturalium, quarum corpora se mutuo non tangunt, ut in mirandis rerum Sympathiis ac Antipathiis, ut & contagio videre est. Secundò res multæ, quæ ex communi sententia pro animatis non habentur, nobiliores, quam elementa, habent operationes. Tertiò partes animalium emortuæ, & plantæ vitæ jam destitutæ, nihilominus eas vires habent, & operationes, quæ ad elementa nullo modo reduci possunt. Quidni ergò & in ipsis viventibus dentur actiones & accidentia, quæ ab anima non proveniant? Ut jam de aliis nihil dicam. Quid animæ cum saporibus, odoribus, coloribus & aliis multis?

Frustra ergò illi, qui calidū istud elemento stellarum analogum negant, statim ad animam confugiūt. Nimirum diversæ & distinctæ qualitates, affectiones & actiones in rebus naturalibus ad distincta, à qui-

bus fluunt, principia referenda. Habet anima suas potentias; alias vegetans, alias sentiens: Et sunt suæ cuique speciei propriæ qualitates & potentia, ut in homine Ratio, in aliis aliæ. Ab elementis fluunt calor, frigus, humiditas & siccitas, & hinc emergentia temperamenta varia; levitas item & gravitas. Quicquid verò ad ista referri non potest, ab alio fluat principio, necesse est. At tales qualitates & actiones multas esse, facillè animadvertet, qui rerum sympathias & antipathias, atque facultates miras & varias in usu medico consideravit.

Quibus & hoc accedit, quod species illæ spirituales seu intentionales, ut appellant nonnulli, quales sunt species visibiles, alias reales & principales qualitates, à quibus fluant, præsupponant, & hæc rursus sua subjecta, quorum sunt affectiones. At multæ dantur tales rerum species præter species sensibiles vulgò notas, per quas multi occulti rerum consensus & dissensus fiunt. Ergò & reales alias qualitates, quarum sint species, præsupponere necesse est: Et hæc rursus habeant sua subjecta, quibus insint, oportet, & à quibus fluant. Notum est Magnetem trahere ferrum, quod per aliquem contactum omnino perficitur. Canes vestigia ferarum deprehendunt per speciem aliquam, à quâ afficiuntur. Multi felis vel cistæ inclusa, quam nec vident nec audiūt, præsentia ferrè non possunt: Quod & ipsum per aliquem contactum fieri

*Dantur actiones, quæ neg, ab elementis sunt, neg, ab anima.*

*Species spirituales.*

fieri necesse est. Ac sunt tales rerum species & ἀπρόροια multò plures, quam nonnulli credunt.

*Species spirituales multa sensibus non deprehenduntur.*

Neq; ideò negandæ vel rejiciendæ sunt, quod difficiliore cognitum sunt: ἀμυηταὶ γὰρ εἶσι, inquit Plato in Theæteto, οἱ ἔδεν ἄλλο οὐδὲν εἶναι, ἢ τὰ δυνάμει ἀπὸ τῶν χειρῶν λαβεῖσθαι: Profani sunt, qui nihil esse putant, nisi illud, quod manibus palpate & prehendere possunt. Et ut Scalig. Exerc. 23. ait: Optima ac subtilissima quæque rerum aut fugiunt aut fallunt sensum. Etenim non omnes rerum species & effluvia talia homo suis sensibus percipere potest. Occultæ sunt corporum cælestium influentiæ multæ, quæ & ipsum hominem afficiunt, nec tamen visu, auditu, odoratu, aut alio sensu externo ullo, sed tantum ex effectu deprehenduntur. Ut aliquid à magnete ad ferrum effluat, quo mediante fiat contactus, negandum non est. At nullo sensu ab homine illud deprehenditur. Ita cum canes heri vestigia à leporis, cervi, vel alterius feræ vestigiis discernere valeant, est procul dubio quiddam, quod ipsos moveat, & quidem diversorum diversa simulacra ut ipsis obiciantur, necesse est. Neque nihil est, per quod feles nonnullos in lipothymiam conjiciunt. Sæpe videmus boves in loco, quo bos mactatus est, etsi nullus amplius sanguis ibi conspiciatur, nec ullum aliud mortui bovis vestigium deprehendatur, consistere & vehementer moveri & conturbati. Taxi umbram noxia messe re-

fert Plin. lib. 4. cap. 75. & alii idem tradunt. At certè non umbra, quatenus talis, id effecerit, sed peculiaris ἀπρόροια. Hoc modo omnia amulenta, & quæ extra corpori applicantur, ut radix pæoniæ, & similia, afficiunt. Cum enim corpore suo humores & partes in corpore latentes non afficiant: necesse est, ut aliquid ab iis effluat, quo mediante in penitiores corporis partes agant. Et quanquam obstrusa sit istorum effluviolorum natura: eadem tamen obscuritas in speciebus sensibilibus occurrit: de qua jamdudum elegantissimis hisce versibus conquestus est vir doctissimus Hier. Fracastorius:

*Quid dicam miserum me agere, &  
quam ducere vitam.*

*Irrequietum animi, & quarentem  
inlagine vana.*

*Naturam semper fugientem: quæ se  
ubi paulum.*

*Ostendit mihi, mox facies in mille re-  
pente,*

*Ceu Proteus, conversa, sequentem  
eludit, & angit*

*Marentem seniis, horas, cassumq;  
laborem?*

*Nuper enim tenues species, simula-  
chraq; rerum,*

*Quæ fluere ex ipsis dicuntur, perque  
meare.*

*Omnia, dum selector meditans, taci-  
tumq; requiro*

*Avia sylvorum, & secreta silentia  
solus,*

*Cognovi tamen his spectris illudier  
ipsis:*

*Q*

*Uli sen-*

Ut sensus feriant nostros, semperq;  
laceffant,  
Perq; fores caulasq; anime ludantq;  
meentq;  
Ac remeent, ipsaq; nec inter somnia  
linguant.

Et si specierum istarum, quæ sensibus nostris percipiuntur, natura tam occulta & abstrusa est: multo magis earum, quæ sensus nostros latent, natura abdita erit.

Species spirituales non moventur ad motum astris.

Neq; etiam de subjecto harum specierum quis sit sollicitus. Qualitates quidem materiales ita recipiuntur in subjecto, ut ad ejus motum moveantur; non sint totæ in quavis parte subjecti, nec in eodẽ subjecto plures ejusdem speciei numero tantum differentes, non confusæ & distinctæ, servantur. Spiritualia verò ejusmodi & species istæ non recipiuntur in subjecto, ut ad ejus motum moveantur; sunt in quavis parte totæ; in subjecto eodem plures ejusdem speciei, numero tantum differentes, inconfusæ & distinctæ servantur. Sicut hoc cū in aliis, tū in speciebus visibilibus videre est. Licet enim ær ventorum statu moveatur; ipsæ tamen directè circumquaq; à re visibili radiant. Quodlibet etiam punctum speciei ejusmodi totum visibile repræsentat; radiiq; visibilem sine confusione medium illustant; & licet in eodem loco sunt plurimæ res visibiles numero distinctæ: tamẽ omnes per quodlibet punctum medi sui species mittunt, easq; inconfusas & impermixtas, ut ab oculis videntium aut speculis omnes di-

stinctæ recipi possint. Fiuntque per hos seu spiritus seu species mirandæ rerum sympathiæ & antipathiæ:

Atq; hic Magiæ naturalis, si qua est, præcipuum fundamentum proculdubio situm est. An enim sit aliqua Magia naturalis, apud autores controversum est: Nonnulli Magiæ naturalem esse statuunt, eamq; Philosophiæ naturalis perfectionem, consummationem & finem esse dicunt, quæ conveniente applicatione agentium & patientium incredibiliter perficiat. Verum Th. Erastus *parte 1. disput. contra Pancess.*, ut & alii quidam, planè negat, ullam dari Magiæ naturalem; Primò quod Physica sit scientia; Magia autem hæc ars seu operatio dicatur, & proinde Physicæ finis & perfectio esse non possit: Deinde quæ à Baptista Porta de Magia naturali traduntur, & similia, non fiant supra & præter naturæ conditionem, nec eam admirationem sui continent, quam habent, aut habere saltè omnes putant Magica, & à peritis & ingeniosis agricolis rectius efficiuntur, quam ab eruditissimo & consummato Philosopho. Et quod nullus unquam vixerit excellens Philosophus & in naturæ cognitione versatus, qui Magus appellari voluerit.

Rectissime autem hæc de re sentire videtur Joh. Franc. Picus Miardulanus, *de rer. prenot. l. 7. c. 2.* ubi monstrat, magiam aliã ex dæmone pendere, palam expressoq; sædere, ut necromantium atq; etiam veneficorum & strigarum incantatorumq; aliam,

Magia naturalis

Magia quotupl.

aliam, quæ à multis colatur, ut naturalis, à suppresso dæmonum pacto derivari; atque ad hanc classem etiam pertinere, & verè naturalem non esse Magiam apud Persas à Zoroastro derivatam, & quæ apud Ægyptios & Chaldæos olim floruit (quam tamen Paracelsistæ hodiè plurimum commendant), tum ab istum eo imprimis probat, quod Platonem, in Alcibiade I. scribit, Magiam Zoroastri in cultu Deorum versari: Cum enim Persarum & Thracum Dii Dæmones essent, & eorum cultus non religio, sed superstitio, illam ipsam inter superstitiones reponendam colligitur, quibus tamen ne facile animadvertatur superstitio, aliquid naturalium virium miscuerunt. Tandem verò nullam aliam admittit naturalem Magiam, quam quæ naturæ limites non excedit, & quæ sympathia quadam rerum naturalium constat. Quam rerum naturalium considerationem nec nos rejicimus, & omninò censemus, quæ ab hæc occultis qualitatibus, rerum àνυσπίστας, speciebus, aut spiritibus, aut quomodocumque appellare libeat, prodeant in rerum natura effectus, nec pauciores, nec minores esse, quam quæ à manifestis qualitatibus fieri animadvertuntur. Quorum naturam & differentiã si nolle-mus, multarum rerum in natura, quæ occultæ hodiè sunt, causam reddere possemus. An autem quæ circa ista versatur scientia, Magia appellari debeat jam non disputat; atq; an ob rerum naturalium scien-

tiam tantum ullus unquam Philosophus Magus appellatus fuerit, videatur apud J. Fr. Picum Mirandulanum & Th. Erastrum locis allegat.

Præterea conditiones hujus caloris aliæ sunt, quam elementares. Nam primò id, quod in mixtis superat elementum, ejusque qualitas reliquorum actiones infringit & deprimat. At in multis animalibus & plantis, quæ frigida sunt, respectu elementaris missionis ac tenperaturæ, nihilominus calor ille innatus omnium actionum, attractionis, coctionis, excretionis, auctio-nis, generationis, vitæ quæ adeo autor & dispensator est: quod fieri non posset, si esset elementaris, tantillus sc. & ab abundante frigiditate victus & in agendo impeditus. Dantur enim multæ plantæ, quæ valdè frigida sunt, quæ nihilominus alimentum attrahunt, coquunt, aluntur, augentur, fecunda semina generant: quæ omnia cum caloris opera sint, temperamentum verò ejusmodi plantæ, respectu caloris elementaris, frigidum obtineant: alium adhuc & nobiliorem calorem subesse necesse est. Atq; is calor non frigori contrarius est, sicut nec frigus ipsi, sed ut de calore cœlesti scribit Joh. Picus Mirandulanus, lib. 3. contra Astrolog. c. 4. Hujus beneficentissimi caloris vim in toto corruptibili mundo videmus, tam inchoatis, quam absolutis, tam animatis, quam inanimatis. Nam elementa quidem continet & conservat, sicut locus eorum, & formam quasi, artifex omnia quidem ambiens, sed per

Calori innati à calore elementari differentia

Calori cœlesti frigore elementari non est contrarietas

sed per omnia quoque intimè se diffundens. Et si cœlesti calore destituantur, nec frigiditatem agere frigus poterit, nec calor caliditatem. Non enim calor ille sidereus frigori contrarius, sicut calor igneus vel acreus, sed omnes continet Qualitates elementares eminentia simplici. Et postea: Verum fallit nomen caloris, quod cum audimus, rem intelligimus statim adversam frigiditati. At cœlesti illi calori proximior quidem natura calor elementaris, quam elementaris frigiditas, sicut etiam est perfectior: sed nihil prohibet illum ab utriusq; elementi proprietatibus exaltatum utraque virtute complecti, sicut candorem cum dicimus, rem adversam videmus dicere fusco nigroque colori: nec tamen negaverit quispiam, non secus nigrum colorem, quam album. candore lucis & conservari & efficacem esse; licet alius luci nostræ proximior, nomen etiam habeat ferè commune, ut & candidus appellatur interdum.

Deinde nec frigiditatem huic calori & spiritui esse contrarium ex copatet, quod plantæ, earumq; semina & radices tempore hyberno in medio gelu & glacie, nihilominus vites suas integras conservant; imò sæpè sub nivibus crescunt & pullulant: Ubi certè si elementaris tantum adesset calor, tanto tempore à tanto frigore facilè superaretur.

Præterea cum elementorū motus sit rectus, vel ad centrū deorsū, vel à centro sursū: Calidi istius, motus potius cœlestia corpora imitatur, & sicut lumē in orbem diffunditur: ita & iste calor in orbem diffunditur.

Insuper spiritus ille ac corpus ætheri analogum levius & celerius est omni elemento, & ad omnes actiones suæ speciei convenientes obeundas aptū continet in se calorē, à quo etiam in animalibus denominationē accipit. Idem etiā corpus summā penetrandi vim habet. Unde ab Aristotele, c. 4. lib. de mundo, appellatur spiritus, & οὐρα πνεῦμα διαίθερον. Et ut Hermes, in tabula Smanagd. loquitur, (de spiritu enim isto in primis in eā tractari, nonnulli non sine ratione censent) *Hic sita est totius fortitudinis fortitudo fortis, quia vincit omnem rem subtilem, omnemq; solidam substantiam penetrat.*

De penetratione dimensionum, quæ à Philosophis subtiliter disputantur, hic afferre non libet: Neq; de eo inquirō, an verum sit, quod non planè absurdum nonnullis videtur, spiritus se mutuo penetrare: Cum spiritus animales, naturales & vitales sese mutuo, sine confusione tamen, permeent. Nam & oculus nutritur, & vivit, & sentit ac videt. Ac lingua nutritur, vivit, sentit, gustat. Quæ actiones per diversos spiritus perficiuntur. Qui quidē in una parte omnes præsentēs sunt, sine tamen confusione. Equidem spiritus corporeos sese mutuo penetrare nō facilè dixero: spiritualium tamen omnium rerum natura nondum satis nota est. Ut de aliis non dicam, radiorum natura nondum satis explicata est, neque dum satis expeditum, quomodo lucis radii & visibiles Species,

*Spiritus an se mutuo penetrant.*

quæ



quæ Geometricis dimensionibus non carent, & quantitatis participes sunt, ut apud Opticos planum est, se multis modis penetrare, sine tamen omni confusione, possint. Modum enim qui inveniet, etiã ad spirituum naturam explicandam aliquid investigabit: & an se mutuo penetrare possint, rectius edocebitur.

Etsi enim nonnulli omnia, quæ à Magistris suis acceperunt, plana & vera esse putant: Viri tamen doctissimi, ac in rerum natura investiganda diligentissimi de irritato suo labore & comatu conqueruntur. Inter quos, ut modò etiam dixi, est Fracastorius, qui conqueritur se-

*his spectris illudier ipsi,*

*Ut sensus feriant nostros, semperq;  
laccessant*

*Perq; fores caulatq; anima ludant-  
que, meentq;*

*Ac remeent, ipsamq; nec inter somnia  
linquant.*

Quod si verum est de radiis & spiritibus visibilibus, qui etiam sensus nostros afficiunt, multò magis verum erit, de iis quæ sensus nostros latent, naturis.

Licet verò Aristoteles saltem de animatis tractat hujus Spiritus mentionem faciat, ut in quibus ob evidentissimas animæ facultates & actiones maximè apparet: tamen metallis, mineralibus, gemmis & lapidibus Spiritus denegandi non videntur. Etsi non omnibus innotescant, ea de causa, quod formarum suarum organa sint, & non nisi formis & actionibus cognitis cognoscantur;

Formæ autem per suas facultates & actiones in his se tam evidenter non produunt, sicut in plantis & animalibus; Qui tamen diligentius res naturales perscrutabitur, nec Spiritus, nec seminales rationes omninò his denegabit. Et qui hoc fecerit, nihil de Nitrariis officinis, nihil de metallorum generatione, nihil de fontibus lapidificis vidisse vel inaudivisse videtur. Cù generationes omnes hæ spiritibus etiam in solidissima corpora sese penetrantibus perficiantur. Quæ omnia si nonnulli, qui domi latitantes, quod ipsi non videntur, in toto mundo fieri posse negant, diligentius perpenderent, multò rectius de multis judicarent.

Argumentum a Zabarella, quod cõtra ea, quæ hæctenus de calore celesti dicta sunt, in fine libr. de Calor cæl. affert, solvere non ita difficile est. Putat ille, non esse in vivente duos Calores, alterum elementarem, alterum vitalem; siquidem fieri non possit, ut in uno subjecto insint duo accidentia ejusdem speciei distincta numero. Negatur enim primò, quod illi calores sint ejusdem speciei. Secundò quod sint in eodẽ subjecto. Nam habet uterq; calor suum subjectum: Elementaris, ignem; vitalis seu cælestis dictus, Spiritum seu Corpus illud analogum elemento stellarum. Interim si subjecta misceantur & in unum componantur, nihil impedit, etiam hos duos calores uniri. Præterea quomodo, quæso, se res habet, cum in eodẽ loco duæ aut tres candelæ accendantur? Quælibet enim

*Spiritus nõ  
tantum sũt  
in anima  
sive,*

suum lumen effundit: (quæ tamen lumina specie non differunt) & nihilominus numero distincta manet, ut ex Opticis notum, ac imagines in Speculis & umbræ testantur.

De calore  
cælesti do-  
ctorum  
quorundam  
sententia.

Atque hæc si cui non arrident, is ut suo sensu abundet, per me licet: Interim sciat, hanc sententiam non esse novam, sed quæ antiquissimos Philosophos, Platonicos, Stoicos, Aristotelem autores habet: Et nostro seculo proposita est à Fernelio imprimis, *lib. 2 de abdit. Rer. Caus. cap. 7.* Valeriola, Schegkio, aliisque doctissimis viris. Ut optarim Erastum, *part. 2. disput. contra Paracels.* istis verbis sibi temperasse, dum scribit: eum, qui dubitat, an congenitus animalium calor, qui sub imperio formæ omnino actionum naturalium omnium author est & effector, ex elementis conflatus sit, indignum esse, qui inter eruditos vel nominetur solum. De aliis jam non dicam: Schegkio, optimus Peripateticus, in *lib. de Calid. & humid. nat.* ita scribere audet: Αἴθερωδες ἰλλὺδ corpυς, seu anima ὀχλυα neque ignis est, neque elementum quoddam, neque concretum quid ex elementis, Sed corpus, quod est proprium essentie anime. Et iterum. Reprehensione dignum est, quod ferè semper veteres Physici causas, sine quibus non fit aliquid, ut primas & præcipuas habuerunt, ut Empedocles missionem, & Empedoclei isti nostrates, Causin arbitrantur esse ἰσῖα in animata rei. Ex quo Schegkio loco facile etiam responso sumi potest, si de origine hujus τῷ τῶν ἀσπῶν στοιχείω ἀνάλογα φύσεως quæ-

Calidum  
cælesti a-  
nalozum  
ἰσῖα.

ratur. Non enim opus est, ut ea à cælo defluat (siquidem non eadem est cum corpore cælesti, sed ei ἀνάλογα & neque corpus hoc est αἴθερ, sed αἴθερωδες, ut Schegkio appellat) sed ut formæ & animæ rerum è prima creatione primam suam habent originem, & hinc propagantur: ita & hoc corpus & quinta ista essentia. Creator enim rerum generationis fundamentum posuit seminium, cujusque rei, per quod generabilia propagantur, ac ipse primitus totum miscuit; atque ita in rerum generatione hoc, quod ab initio rebus inditum corpus, in generatione propagatur, & ab iis, quæ primò condita sunt, principiis adhuc hodiè constituitur, regitur & conservatur. Frustra ergò est Erastus, dum, *part. 2. disput. contra Paracels.* probaturus, non dari quintam essentiam, Cælum hisce inferioribus non inesse probat.

Conclusionis loco notatu dignam, & quæ ad naturam spirituum investigandam, non parum animum informare, & multo plura in nature ambitu concludi, quam nonnulli existimant, persuadere possit, historiara proponere libet, ex Quercetano, in *defens. contra Anonym. c. 23.* Refert autem in eo loco Quercetanus, se aliquando vidisse Medicum quendam, Cracoviens. Polonum, qui adeo artificiosè uoverat ex omnibus plantæ cujusvis partibus pulverem parare, qui Spiritus plantæ, facultatum & functionum autores, contineret: Ita ut si quis rogaret sibi rosam aut calendulam, aut papaver mon-

strati, pulverem illius plantæ, vitro vasculo, Hermetico sigillo obfignato, inclusum, lucernæ admovent, ut in fundo incalesceret. Quo facto illum pulverem sensim, in speciem plantæ se extulisse & crevisse refert, plantamque omnibus partibus absolutam exhibuisse, ut planè quis corpoream putarit: Cum tamen saltem Spiritualis esset, & vase refrigerato, & tempore languescente iterum in cineres vel pulverem resideret, non sine Resuscitationis & regenerationis ad alteram vitam imagine. Atque talia vitra plura, quam 30. habuisse scribit. Cui non est dissimilis historia, quam recitat Libavius, *Syntagmat. Arcanorum Chythaicor. lib. 1. cap. 22.* communicatam à Jeremia Cornario, Archiatro Brandeburgico, Culmbachii. Is enim cum anno Christi 1608. mense Junio, aquam quandam destillari curasset, eamque in vitro, qualibus asservari solent aquæ destillatæ, asservasset: mense Novembri in vitri ejus fundo plantula crevit, cujus picturam & totam historiam loco allegato videre est.

Johannes Freitagius quidem, in *Noctibus Medicis*, cum non viderit rosam illam in vitro è cinere pullulantem, eam pro fabulis vel præstigiis habet, & rationibus nescio quibus, *c. 64.* monstrare conatur; id quod Quercetanus se vidisse testatur, fieri non potuisse. Verum confirmat historiam Quercetani altera Cornarii, ideoque rectius fecisset, si quod prudentissimè Scaliger, in *lib. 1. de plant. p. 218.* scribit, perpendisset. Longè, in-

quit Scaliger, *sapientius Aristoteles: Ubi res confect, si opinio advescitur rei, querendum rationem, non rem ignorandam:* Si nimirum Chymici osiores & ex *Βίβλος κρυπνῆται* manum ipsi operibus Chymicis admovent, viderent procul dubio multa, quæ jam non credunt.

## CAPUT XI.

*De Principiis Chymicorum.*

SEmina ista, astra & radices, de quibus præcedenti capite dictum, in suis scientiis & occultis thesauris insitas habere omnium rerum rationes, easque ubi explicatura sunt, è sua, patria, locis atque abyssis in mundanam scenam prodire statuant. Verum non nuda, sed corporibus quibusdam ceu vestimentis induta, ut apud Severinum, *cap. 7.* videre est. Eaq; principia appellant, è quibus divisi-  
Principia  
Chymico-  
rum.

bilis, temporum, locorum, omniumque dimensionum, figurarum, saporum, calorum, odorum, qualitatumque omnium & conspirationum & repugnantiarum ratio explicari possit. Atque principiorum istorum tria constituerunt Isaacus Holladius, Frater Basilii Valentini, quos postea secutus est Paracelsus, & hunc Petr. Severin. Quercetanus, a hodiè plurimi. Nam apud antiquos vix illorum fit mentio. Quis tamen ista nomina primum usurpaverit, & an ii, quos nominavi, authores ea finxerint, an à majoribus suis acceperit, incertum:

*Chymici unde suis principis nomina in dicitur.*

cum nec omnium antiquorum libri ad manus nostras pervenerint, & Chymici sua non semper in vulgus ediderint, sed per manus successoribus tradiderint. Salis, Sulphuris & Mercurii, nominibus scilicet specierum, in quibus facultates uniuscujusque maximè vigent, principia ista exprimunt; liquores, Mercurii; oleosa, Sulphuris; crassiora verò Salis nomine appellant. Neque enim, quod ipsimet monent, per Sal, Sulphur & ☿ vulgò ita dicta intelligenda sunt, cum ista non sint rerum principia, sed sui generis composita. Sed quia differentia trium substantiarum, ex quibus universa corpora constât, proprietates & conditiones in nullis totius naturæ speciebus magis explicatè animadvertantur, ex iisdem appellationes mutatos esse Chymicos, scribit Petrus Severinus. Et cum tres ordines sint corporum inferioris mundi globi, Animalium, Vegetabilium, mineralium; in singulorum ordinum horum individuis ista tria principia reperiri, & dari Sal animale, Sulphur animale; ☿ animale; Sal vegetabile, Sulphur vegetabile, ☿ vegetabile; Sal minerale, Sulphur minerale, ☿ minerale; rursusque dari Sulphuris proprietates, conditiones, & differentias plures in pinguedinibus & oleosis animalium partibus, in resinis, oleis & gummatibus: in genere etiam mineralium species salium, Sulphurum & Mercuriorum plurimas reperiri statuunt. Atque in hæc principia corpora omnia à Medico

artificiosè esse resolvenda docent. Neque enim dari ullam proprietatem ullius corporis, quæ non vel in Sale, vel in Sulphure, vel in ☿ ejus deprehendatur.

Qua ratione autem ista principia differant, & quæ sint singulorum in constitutione rerum naturalium officia, non ita planè explicant Severinus, c. g. Salis esse dicit, dare consistentiam, soliditatem & coagulationem rebus; Sulphur verò pingui oleosaque sua substantia Salis congelationem temperare: ☿ denique assiduâ irrigatione duo priora actionum frequentia ad siccitatem & fenum in horas festinâtia fovere, fluidaq; & labili substantia misionem omnem faciliorem reddere.

Quercetanus, de rerum signaturis externis, saporum diversitatem à salibus; odorem è Sulphure; colorem, ex utrisque præcipuè tamen à Mercurio, qui salem rerum omnium volatilem sibi admistum habeat, deducit. Idem Quercetanus, in defensione contra Anonymum c. 14. ita ea describit: ☿ est liquor ille acidus, permeabilis, penetrabilis, purissimum & æthereum illud corpus æthereæ, æria subtilissima ac spirituoza substantia, pabulum vite & forme proximum instrumentum. Sulphur est humidum illud dulce, oleaginosum, viscidum, substantificum, primigenium, ignis sive caloris pabulum, leniendi & aggludinandi vi præditum. Sal est corpus illud siccum, salsum, purè terreum, Salis naturam representans, mirandis virtutibus præditum, dissolvendi, coagulandi, detergendi, evacuandi & similia agendi

*Principiorum Chymicorum proprietates.*

*Mercurium quid Chymicis.*

*Sulphur quid Chymicis.*

*Sal Chymicis quid.*

agendi vim habens. Quæ parùm accuratè scripta esse, quivis agnoscit facile. Ibidem etiam asserit hæc tria ab Hermete olim dicta fuisse Spiritum, Animam & Corpus; Mercurium quidem Spiritum, Sulphur animam, Sal corpus.

Eodem ferè modo, quo Quercetanus, tria ista principia descripsit Beguinus, in *Tyrocinio Chym. lib. 1. c. 2.* Scheunemanus, in *Paracelsi de morbo Mercuriali contagioso*, Salem dicit esse vinculum sive nexum priorum corporum, ne ☿ & Sulphur diffluent. Sulphur Solem æmulari, digerere, concoquere, nutrire, generare, elfactum oblectare, superflua in corpore consumere, attrahere: Mercurium esse mundi spiritum è mysterio magno præcreatum, qui ad se recipiat omnes facultates tam animales, quam vegetabiles & minerales, eum omnia conservare, regenerare, vivificare, in eo & per eum omne, quod est, capere incrementum, nutrirî & augeri. Auctor Tyrocini Chymici, loco allegato, scribit: Principia propriè loquendo nec corpora esse, quia ob cœlestium seminum influxum, quo imprægnata sunt, planè sint spiritualia; nec spiritus, quia sint corporea, sed inter utriusq; naturam ambigere. Atque ita Chymici plerique vix sibi constant in principis tradendis, nec quid sint, satis explicant. Nec satis evidenter ea inter se distinguunt; imò quæ principia constituisse videbantur, nunc sibi mutuo inesse dicunt, & in Sale Sulphur & Mercurium; in Mercurio, Sa-

lem & Sulphur; in Sulphure, Salem & Mercurium esse scribunt.

Vocant autem ista principia Chymici *Vitalia*, per vitam non intelligentes, quod hætenus Philosophorum Scholæ docuerunt, animæ propriam *ἐσώπυειαν*, quæ sit actus secundus, animæ, ut actui primo, perpetuo cõmes sit, & propterea ubi anima non est, nec ipsa inveniatur: sed vivere ipsis dicitur omne, quod internas & essentielles vires & potentiam agendi habet. Quod verò nihil virium habet, mortuū ipsis dicitur: atque hinc *vitalia* hæc principia dicuntur, quod vires, facultates, potestatemq; rebus conferant & fundamentum sive causæ sint actionum. Et sic vivere ☿, Sal, & Sulphur dicitur, quod sapes, odores aliasque energias habeant. Hinc etiam hodiè Chymici pleriq; suam *Philosophiam Vitalem* appellant; Aristotelicos verò Elementares & Materiales nominant. Eandem ob causam, quod inimicū rebus vim largiantur agendi, appellant quoque Principia Formalia. Hæc enim, ut recentiores de iis loquuntur, temperamentorum, craseon, separationum, coctionum, aliarumq; actionum causæ sunt propinqua, abditosq; agendi modos aperiunt, & occultarum proprietatum, quæ vulgò incitiæ asyllum esse soleant, explicationem suppeditant.

Hæc cum de principis Chymicorum Recentiorum sit sententia, proximū est, ut quam bene vel malè de iis sentiant, explicemus. Primò

*Principia  
vitalia.*

*Vitale &  
mortuum.  
quid Chy-  
micis.*

*Philosophiam  
Vitalis.*

autem de voce principii hoc monendum censemus, nos non ignorare, quomodo distinguant plurimi inter principium & Elementum, qui elementa dicenda putant, corpora naturalia simplicissima, ex quibus mixta omnia conflata sint: Principia verò Elementorum quasi Elementa & primordia, quæ scilicet non sint partes corporum separabiles, sed in quæ solum cogitatione corpora dividantur. Contra tamen etiam cognitum habemus, istam *ætiologiam*, nec à Medicis, nec à Philosophis semper observari: Cum ipse Aristoteles, *lib. Metaph. d. c. i.* æquivocum esse principii vocabulum doceat, tandemq; concludat; *Omnibus principii esse commune, primum esse, unde aut incipiat, aut fiat, aut cognoscatur aliquid.* Unde & hic, ubi queruntur principia, è quibus fiant res naturales, si principii vocabulum usurpetur, non adeo peccari puto: Cum alias etiam Medici ipsos humores corporis principia appellent.

Initio verò ne disputatio hæc frustra suscipiatur, querendum an dentur talia principia, qualia describunt Chymici: Et quomodo; Et quarum rerum sint principia? Ubi mox Paracelsi, *in Labyr. Med. errant.* & aliorum quorundam opinionem ineptam rejicimus, qui ista principia non solum ante elementa constituent, sed & cœlum ex iis componunt. Nam cum rerum generationi & resolutioni obnoxiarum principia inquirant, quæso, ratione investigarunt, hæc tria principia in cœlo esse? Deinde qua

resolutione eadem in elementis esse deprehenderunt? Nam quod de Aqua putrefacta dicitur, quis nescit. Aquam, qua utimur, non purum putum Elementum esse, sed plurima admixta continere? Neq; aliis rationibus id probant. Nisi forsitan rationes illæ, quas Henningus Scheunemanus, *in Hydromantia c. 12.* affert, id alicui persuadeant. Theologica primum. *Sicut Deus est unus & trinus: sic omne, quod à Deo Archetypo factum, ut unum & trinum sit, necesse est.* Et, *Prima corpora solo Dei NUTU absq; ulla sermonum commutatione in principio sunt creata; tertio vero die divina majestas Dixit: Congregentur Aqua, quæ sub celo sunt, in locum unum.* Deinde Philosophicæ, quibus primò probat, ignem ex tribus principii consistere, ex actionibus ejus diversis (quod enim urat, habere à Sale; quod luceat, à Mercurio; quod ardeat, à sulphure dicit. Aquam verò iisdem consistere probat, quia forma aquæ, cū educitur è potentia materiæ, subjectum præexistens requirat: At præter mirabilitatis, pulchritudinis, & necessitatis subjectum, Mercurium scilicet, Sulphur & Salem, nullum fuisse Elementis prius. Ergo ex illis formam aquæ, tanquam subjectis præexistentibus, productam fuisse. Quasi verò DEUS pro formis Creatione producendis subjecto præexistente opus haberit. Item, Rem quamlibet, ex iis consistere, quarum proprietates habet. At Aquæ aliam proprietatem esse, qua suo non clauditur termino; aliam, qua humida est; aliam, qua liquida existit.

*Principia  
Chymica  
non sunt  
ante Ele-  
menta.*

existit: A Mercurio interminabilem esse; à Sale resolutio, humidâ; à Mercurio resolutio, liquidam.

Ideoq; doctiores quiq; Chymici recentiores istam opinionem defendere non audent: sed statuunt, Elementa esse ante hæc principia in ordine corporum naturalium: Et principia ista potius in Elementa, quam elementa in principia resolvi. Ergo de hoc jam erit quæstio: *An in rebus sublunaribus, metallis & mineralibus, gemmis & lapidibus, plantis & animalibus, alia adhuc, quam elementa vulgò nota, dentur principia.*

Principiò verò placet meam sententiam breviter proponere: de qua in hac Natura obscuritate cuius liberum iudiciū relinquit, & rectiora monstranti non refragabor. Ita autem, re hinc inde diligenter pensitata, de principiis Chymicis sentio. Esse illa non corpora quædam ante elementa simplicia, ut modò dictum, sed vel prima mista, vel peculiare naturas in prima creatione, cū aliis rerum naturalium speciebus conditas, seu principia sui generis, quæ cum inter se, tum etiam cum elementis, vario modo mista, aliis rebus naturalibus, generationi & corruptioni obnoxii, metallis puta, mineralibus, gemmis, Lapidibus, Plantis & animalibus, dant convenientem materiam.

Mista cum dico, ad eorum etiam constitutionem Elementa concurrere non nego; sicut hoc ipsa resolutio Chymica testatur. Veruntamen non simpliciter mista esse dico, aut ex e-

lementis tantum varie mistis conflata statuo: Sed peculiare formas habere; Et suam cuique formam à Deo Omnipotente in prima creatione, ut aliis rerum naturalium speciebus, datam esse, existimo. Atque hic etiam Scaligeri illud, *Exerc. 138. sect. 20.* scribentis, *omnem formam cuiusq; perfecte mixti, etiamsi non est anima, ut in adamante, naturam esse quintam; longe aliam à quatuor elementis, locum habere, credo.*

Ab his verò variè mistis, concurrentibus tamen etiam elementis, varia rerum naturalium, corpora constitui puto: Ab iisdem, tanquam primis & propriis subjectis, varias qualitates & accidentia immediate fluere existimo, quæ aliis rebus naturalibus propter hæc insunt, quæ hæcenus à solis elementis, aut elementorum & eorum qualitatum mistione ac temperatura varia nonnulli frustra deducere conati sunt: Cum nulla in elementis ad qualitates hæc producendas sit potentia: ut in odoribus, coloribus & aliis qualitibus ab ipsis quoque Peripateticis doctissimis satis monstratum est. Imò si quis huc referre velit & Spiritum illum ac corpus, quod Aristoteles ἀνάλογον esse τῷ τῶν ἄστρον στοιχείῳ dixit, cum eo non pugnam.

Neq; enim credendum, quod nonnulli sibi imaginantur, quasi cum aliqua generanda est, ex omnibus quatuor elementorum regionibus materia ad mistionem conquirenda sit: Sed cum res crearet DEUS Optimus Maximus Verbo, elementa

*Principia  
Chymica  
unde suam  
naturam  
acceperint.*

*Mistionem  
generatio.*

*Principia  
Chymicorū  
quid sint.*

miscuit, & mistis suas formas peculiare, ac seminales rationes & essentias cœlo analogas indidit. Atque ita cursum naturæ per propagationem specierum in individuis conservat & tuetur. Jam verò post creationem ista principia in aqua & terra, ad corporum naturalium constitutionem & nutritionem, ubi vis obvia sunt, ex variis rerum corruptionibus. Nec quis sibi persuadeat, cum ex combustis fumum, ascendere vider, aut ex aliis rebus vaporem, mox in prima elementa factam esse resolutionem; sed in illo ipso fumo ac vapore principia plerumq; adhuc integra sunt. Quod ex Chymicis operationibus satis patet, si recipientibus vasis fumi ac vapores, ejusmodi excipiantur. Si enim evaporat vel accendatur sulphur, sulphuris oleum vel spiritus inde colligitur; è vino, spiritus vini; ex aliis plantis alius spiritus vel oleum; ex accensa papyro oleum, papyri vel lini; ex antimonio, flores antimonii.

*Ordo corporum naturalium.*

Ordo nimirum est in rebus naturalibus, ut superioribus & nobilioribus serviant inferiora. Et sicut in animatis, ab anima vegetante ad sentientem; hinc ad varias brutorum; tandem ad animam rationalem, tanquam summum gradum, fit progressus, & anima rationalis omnium animatorum inferiorum potentias complectitur: Ita idem fit in corporibus. Primo sunt elementa: Hinc Sal, Sulphur, & ☿, aut prima illa mista, aut quocunque

nomine quis ea appellare velit, quæ quidem etsi ex elementis composita esse statuatur: formas tamen habent, quibus differunt, non à formis elementorum inter se mistis ortas, sed à Creatore in prima creatione inditas. Ex his postea variè mistis, concurrentibus tamen rursus elementis, mineralia, metalla, lapides, gemmæ, plantæ, animalia suam materiam, & corpora accipiunt; in quibus per speciei cujusque formam, variè determinantur. Sicut videmus, salem è terra à plantis attractum peculiari modo in plantis elaborari: rursus cum plantis animalia vescuntur, mutationes quasdam subire, naturam tamen suam nunquam planè exsuere.

Neque hæc doctrina antiquis omnino est contraria. Etsi enim <sup>Corporum naturalium proxima principia.</sup> nomina hæc apud eos non existant: tamen satis est, si res ipsa existet: licetque, ut & in aliis disciplinis, rebus, quæ cum fundamentis ejus discipline conveniunt, præsertim noviter cognitæ, nova nomina imponere; cum vocabula ex arbitrio hominum pendeant. Hinc in omnibus disciplinis dantur hodie multa nova nomina, etsi res sint antiquæ. Ita in Theologia vocabula Trinitatis, *ὑποστάσις*, & plurima alia, quæ nominatenus in sacris literis non extant, post Apostolorum tempora ab Ecclesiæ Doctoribus usurpari ceperunt, quibus tamen doctrina Apostolorum non everitur, sed potius declaratur & explicatur. Quod multò magis in Philosophia tentare licet.



licet. Neque enim in Philosophia eadem est perfectio, quæ in Theologia. Etenim doctrinæ Apostolorum nihil addere licet; at in Philosophia plura ignoramus, quàm scimus, & plurima adhuc inveniendæ & explicandæ, è quibus si quis aliquid invenit, non antiquis contraria docet, sed eorum doctrinam perficit. Verùm de vocabulis non litigabimus. Vocet quis sulphur, vocet pinguis, vocet oleum: perinde est; modò concedat, de qua controversia est; dari quasdam substantias, è quibus odorum, saporum & similitum causæ proximè reddi possint; cum id ex elementis fieri non queat. Et tales substantias antiquos non planè ignorasse dicimus. Etsi enim creationem, è quâ formas has originem habere diximus, ignoraverint gentiles Philosophi & Medici: (quæ tamen si ipsis cognita fuisset, in tot absurdas opiniones non incidissent, neque Galenus Mossi, imò DEI omnipotentis ita imprudenter, imò impudenter oblocutus fuisset; & de formarum origine commodius loqui potuissent) tamen, præter elementa, principia quædam propiora, è quibus res naturales constituantur, alantur, & variè afficiantur, admiserunt. Licet enim expressè pro principis ea non venditent: tamen quia qualitates, quæ iis adscribuntur, elementis attribui non possunt, alia præsupposuerunt corpora, quibus ea, ut proprio subiecto, insint. Hippocrates, *lib. de Natur. Hum. text. 31.* Plantas non fo-

lum calidum, frigidum, humidum, siccum, aut quid ex his simpliciter mistum, attrahere scripsit: sed ita scribit; *τὰ Φυτὰ καὶ ἀειρέθιμα ὀκτάν εἰς τὴν γῆν ἐθῆ, ἔλκει ἕκαστον τὸ καὶ Φύσιν ἑαυτοῦ ἐπὶ ἐν τῇ γῆ. ἐνὶ δὲ καὶ ὄξύ, καὶ πικρὸν, καὶ ἡλυτὸν, καὶ ἀλυτὸν, καὶ παντοῖον: quæ crescunt & feruntur, quando in terram veniunt, attrahit unumquodque, quod secundum naturam sibi familiare in terra inest. Est autem acidum, & amarum, & dulce, & salsum & omnigenum. Et, in lib. de Prisc. Medicin. ubi prolixè hæc de re agit, ista principia appellare videtur *διώμαεις* non in usitato vocabulo; cum ut Galenus, *quid, Hippocrati.* *lib. de plenit. cap. 3.* docet, *διώμαεις* etiam *δραστηρίω, αἰτίας, ἢ ἐστίαν* significet. Quam significationem & Aristoteles usurpat, dum, loco allegato *è lib. 2. de generat. Animal. cap. 3.* Elementa *διώμαεις* appellat. Docet autem eo in libro Hippocrates, ut in homine, ita & in aliis rebus, quæ eduntur & bibuntur, vel foris illinuntur, vel quacunque forma corpori admoventur, non solum ad calidum, frigidum, humidum & siccum esse respiciendum, sed potius ad amarum, salsum, dulce, acidum, & similia. Hæc enim homini inesse ut & aliis, & ex iis mistis corpora naturalia constitui; Et ubi invicem bene contemperata sunt, neque videri, neque hominem molestia afficere: Ubi verò non bene temperata, sed ab iis secreta fuerint, hominem molestia afficere. Ita enim scribit: *ἐνὶ αἰθέρῳ πω καὶ πικρὸν, καὶ**

καὶ ἀλμυρὸν, καὶ γλυκὺ, καὶ ὄξύ, καὶ ψευφόνον, καὶ πλαδαρὸν, καὶ ἄλλα μυρία παντοίας διωάμιας ἔχοντα, πλῆθ' τε καὶ ἰσχύ. Ταῦτα μὲν μεμιγθῆρα καὶ κεκρημνῆρα ἀλλήλοισιν ἕτε Φανερόν ὄσιν, ἕτε λυπέει τὸν ἀνθρώπων. Ὅταν δὲ πτελέων διακριθῆ καὶ αὐτὸ ἐφ' ἑωυτῶν γνῆται, τότε καὶ Φανερόν ὄσιν, ἔ λυπέει τὸν ἀνθρώπων. Τῆτο δὲ τῶν βρωμάτων ὅσα ἡμῖν ἀνεπιτήδεά ὄσιν, καὶ λυμαίνετα τὸν ἀνθρώπων ἐμπέσσοντα, τετέων ἕκαστον ἢ πικρὸν ἢ, καὶ ἀκητόν ὄσιν, ἢ ἀλμυρὸν, ἢ ὄξύ, ἢ ἀλλόθι ἀκητόν δὲ καὶ ἰσχυρόν. καὶ Διὰ τῆτο τρωφασόμεθα ὑπ' αὐτέων. ὡσπερ καὶ ὑπὸ τῶν ἐκ τῆ σώματος διακρονομένων. πάντα δὲ ὅσα ἀνθρώπων ἔοθις, ἢ πίνει, τὰ τοιαῦτα βρωμάτα ἢ κίσα τετέων χυμῶ ἀκητέων δὲ καὶ Διὰ φέροντ' ὄσιν δῆλα ἔσαι μετέχοντα. Οἷον ἀετ' ὄσιν δὲ καὶ μάζα, καὶ τὰ ἐπόμυρα τεπέοισιν, οἷσιν εἰδισαὶ ἀνθρώπων πλεῖστοι τε καὶ αἰεὶ χετέοθ'. In homine inest & amarum, & salsum, & dulce, & acidum & acerbum & inspidum, aliaq; sexcenta, quæ præ copia & viribus varias habent facultates. Et hæc quidem mixtione & mutua inter se contemperatone neque cernuntur, neque molestia quemquam afficiunt. At ubi horum quippiam secretum fuerit & per se existerit, tunc & conspicuum fit, & hominem molestia afficit. Quin etiam in cibus, qui minimè nobis conveniunt, quib; in corpus ingesti homini sunt noxii, eorum quilibet aut

amarus est, aut minime temperatus & vebemens; ideoq; perturbationem in corpore efficiunt: non secus ac ea, quæ à corpore excernuntur. At edulia, quæ homo edit aut bibit, ea hujus intemperati & excedentis succi minimam partem habere constat: Panem dico & Mazam, ac his similia, quibus homo copiosissimè ac frequenter uti consuevit. Et postea scribit: ἔ το γέρον ἔστ το τῶ μεγάλλω διωάμιν ἔχον, ἀλλὰ ἔ ψευφόνον καὶ πλαδαρὸν, καὶ τῶλλα, ὅσα μοι ἔρηται, καὶ ἐν τῶ ἀθρώπων, ἔ ἔξω τῶ ἀθρώπων, καὶ ἐοθιόμυρα, ἢ πινόμυρα, καὶ ἔξωθεν σπυρομόρματα καὶ πῶς πλασόμερα. Non calidum est, quod magnam vim habet; verum acerbum & inspidum, cateraq; de quibus dixi, cum in homine, tum extra hominem, in eis, quæ eduntur aut bibuntur vel foris illinuntur, vel quacumque forma corpori admoventur.

Explicatione quidem aliqua locum hunc Hippocratis obscurare potius, quam declarare conatur Erasius, *Dist. 3. contra Paracels.* dum scribit, Hippocratem non reprehendere quatuor elementorum mistionem pro principio ponentes, sed adversus illos disputare, qui artem medicam construere volentes, hypothefin protulerunt non rectam, dum unum scilicet: aut duo saltem ex his principia posuerunt. Ideoque docere voluisse, hominem constare non ex uno solum elemento, sed ex omnibus quatuor. Verum enim verò concedimus quidem, Hippocratem hoc loco elementa rejicere non voluisse: An verò id solum reprehende-

hendere voluerit, quod nonnulli simplicia saltem elementa principia corporis humani posuerint; cum omnia simul mista ponere debuissent: non adeo planum est; nec video, ubi in hoc libro scripserit: quod ipsi proclive fuerat facere: sed toties repetit; Morbos & magnas in corpore perturbationes non à qualitatibus illis elementariis fieri, sed τῶ ἀθρόω παθημάτων διὰ δύναμειν ἑρχέσθαι. Δυνάμεις autem appellat τὰς τῶν χυμῶν ἀκρότητας δεκὰ καὶ ἰχθύς. Neque est, quod quis dicat illum loqui de simplicibus qualitatibus; compositarum esse majorem efficaciam. Negat enim id expressè Hippocrates, & dicit; qualitates primas permixtas, minus lædere, quam simplices, dum scribit: ὅν μὲν ἀν' ἀήτης χροῖον μεμιγμένα ἀντὶ ἀντίοισιν ἀμα τὸ ψυχρὸν. Ἐ θερμὸν ἢ, ἔ λυπτέει. χροῖος γὰρ καὶ εὐερίοτης: τῶ μὲν ψυχρῶ γίνεται διὰ τὴ θερμῶ, τῶ δὲ θερμῶ διὰ τὴ ψυχρῶ. ὅταν δὲ διακριθεῖν χωρὶς ἐκάτερον, τότε λυπτέει. Quamdiu calidum & frigidum inter se permixta sunt, molestia non afficiunt: Temperamentum enim & commoderationem habet frigidum à calido, & calidum à frigido. At ubi alterum ab altero sejungtum fuerit, tunc offendit. Simul etiam monstrat hoc loco Hippocrates, quod si ipsi morbi & læsiones, quæ ob excessum qualitatum primarum homini obvenire solent, non sint tantæ, quales sunt, quæ ab amaris salis & acidis. Nam, inquit, si amarus

humor aliquis, quem flavam bilem nominamus, effusus fuerit, quantæ anxietates, astus & impotentia detinent? Et quibus acuti, acres, & eruginosi humores instant, quinam furores & viscerum & thoracis lancinationes, animiq; abjectiones oriuntur? Neque hæc prius quiescunt, quam evacuati, dejecti & aliis permixti fuerint. Quale quid sola elementorum qualitates nunquam inducere possunt. Quæ etiam ab iis oriuntur alterationes longè facilius tolluntur. Et quantum τὸ εἰλικρινές, partesque misti ab aliis, cum quibus temperatæ erant, separatæ possint, etiam si nihil alterius rei accedat, vel ex spiritu vini patet. Potor enim aliquis cantharos vini quatuor vel quinque sine insigni damno exhaurit: At spiritum vini, qui inde elici potest, non sine præsentis incommodo exhauserit.

At objiciat aliquis, inquit Hippocrates, multi febris ardentibus; aut pulmonum inflammatione, vel aliis morbis vehementibus detinentur, qui tamen calore citò non liberantur, neque frigori calor statim succedit. Sed respondet Hippocrates; Illud ipsum magno argumento est, quod neque calidum simpliciter, neque ipsum solum affectus causa sit: Sed est & amarum & calidum idem, & calidum & acutum, & salsum & calidum, aliq; innumera; Et rursum frigidum aliis facultatibus commixtum. Hæc sunt; inquit; à quibus noxa provenit. Sed & calidum adjunctum est robur ac veluti principiatu habens, quod incitat, & vim ejus, cui conjunctum est, arget: Nullam tamen

peculiaris vim, quam conveniat, majorem obtinet.

Qualitates  
prima in  
causa mor-  
bor. reddē-  
dis nō sem-  
per suffi-  
ciunt.

Qui insignis Hippocratis locus utinā à multis in doctrina febrium, putridarum ac malignarum ac ipsa adeo peste, & aliis morbis venenatis diligentius animadvertetur. Non enim satis est scire, adesse febrem, id est, calidam intemperiem, vel ipsam feveri à putrescente humore: Sed illud ipsum præcipuè animadvertendum, in qualem & cujus generis naturam humor in qualibet febre ac morbo corrumpatur. Hinc enim pestilentium, malignorum ac venenatorum morborum pendet differentia, & cura: Et hinc diversa Symptomata in malignis ac pestilentibus febribus ac constitutionibus proveniunt; ita ut nunc dysenteria, nunc vomitus, nunc Angina, nunc pleuritides, nunc parotides, nunc bubones, nunc deliria, nunc veterius, nunc dolores capitis, nunc alia Symptomata oriantur: Quæ ex sola intemperie vel putredine deduci non possunt; Sed omnia, ut loquitur Hippocrates, hæc τῶν αἰθρῶν ὀνδρ δυνάμεων ἔρχεται; & ὅσα κακοπαθεῖ ἀνθρώπος. πάντα ἀπὸ δυνάμεων ἔρχεται.

Esti verò in his locis Hippocratis non Salis, Sulphuris & Mercurii nominatim & in genere fit mentio: acidum tamē amarum & salsum, quæ Salis species sunt Chymicis, nominatur. Atque hæc loca, qui diligenter perpenderit, facile animadvertet. Hippocratem & in Plantarum nutritione & generatione morborum

explicanda non in Elementis simplicibus, & qualitatibus primis subsistere, sed ad propiores quasdam causas recurrere, quæ quocunq; nomine appellentur, non multum refert, modò rem teneamus. Licet etiam Hippocrates, de nat. hum. nō propter tria, Chymicorū Principia, sed propter humores nos ægrotare dicit; tamen alibi humores non solum qualitatibus primis definit, & quod l. de natura humana, de pituita & bile utraq; dicit, idem, in lib. de prisc. Med. de acerbo, acido, amaro, acuto affirmat, scribitq; quòδ ὅταν αἰ πταπέων διακρίθῃ καὶ αὐτὸ ἐφ' ἐαυτῆς ἴσμεται, τότε καὶ φανερόν ἐστι καὶ λυπτεῖν ἢ ἀβρωπεῖν. Ideoque dum Hippocrates propter humores amaros, saluos, aliosque hominem ægrotare scribit, & dum Chymici propter salem, &c. eundem ægrotare dicunt, non dicunt contraria. Penitus enim tantum in naturam humorum inquirunt Chymici, & cur humores hanc vel illam vim & naturam habeant, indagant, & ex certis principiis causam reddere conantur, Imò si ea, quæ nō solum de morborum ortu, sed etiam de corporum naturalium generatione tradiderunt Philosophi & Medici, qui hanc rem diligentius perpenderunt, consideramus, certè eorum doctrina ab hac non multum discrepare videtur. Ut ex multis unum saltem afferamus, Erasius, Chymicis aliàs non æquus, in defens. thes. de saporibus, ita scribit: Medicamenta verò omnia non ex Elementis primò constant, sed ex jam antè, imò pluries mixtis composita

posita sunt. Corpus hominis Galenus non ex Elementis, sed ex quatuor humoribus, ut materiâ propinquissimâ generatum factumq; ostendit. Hos rursus humores ex cibo & potu factos constat, quos ipsos ex succis terræ pronatos liquet. Etenim animalia plantis vescuntur, plantæ ex terrâ succum sibi familiarem attrahunt, amarum, dulcem, acidum, qualis scilicet cujusq; naturæ maximè familiaris existit. Semina certè in terram coniecta dum sibi utilem & convenientem alimoniam ex terra attrahunt, non pura elementa attrahunt, sed ex Elementis compositum succum. Hæc Erasius. Jam si quærimus, quæ sit hujus succi natura, & an is unicus sit, ac unius naturæ, an verò aliquot ejus differentiæ, & si sunt, ut sunt (nam Hippocrates acidum, amarum, dulce, & salsum nominat) an sint innumeræ & incertæ, an verò definitæ: quid prohibet, cum ipse Hippocrates per acidum, amarum, dulce, salsum & similia horum succorum differentias explicet, ad principia Chymicorum recurrere, & statuere, succum illum, quem plantæ attrahunt, ex hisce constare?

Verùm sit sanè, nec rem istis nominibus significatam tenuerint antiqui, tamen quia nō tollit ipsorum de Elementis sententiam, ipsis non est contraria. Non enim quod quis inter ignoravit vel omisit, ejus doctrinæ est contrarium, sed possunt antiquorum defectus recentiorum industriâ suppleri. Neque Aristotelis & Galeni scripta Physica eam habent perfectionem, quam sacræ literæ, ut iis nihil addi possit. Ideoque

etsi illi sua proxima principia animalibus & plantis constituerint: tamen quia ab iis mox ad Elementa ut ultima plerique (Hippocratis enim sententiam esse, plantas ex terrâ acidum, amarum, & salsum, & omnigenum attrahere, antea dictum) delapsi sunt, & propiora illa omiserunt (neque enim crediderim, quod Meteoræ, ut imperfectè mixta, plantarum & animalum propiora principia constituerint) meritò hiatus ille supplendus est. Et sunt non pauca alia, de quibus ne cogitârunt antiqui, quæ à posterioribus inventa sunt.

Verum mittamus jam autoritatem Hippocratis in antiquum, ac rem ipsam videamus.

Primò autem protestamur, etsi principia ista suo, & quem antea proposuimus, & mox explicabimus, modo, admittenda censeamus: nos tamen omnium absurdorum & ineptorum dogmatum, quæ in hac doctrina à Paracelsis immiscentur, patrocinium non suscipere. Operæ pretiū non putamus, omnium opinionones recensere & examinare; Inprimis cum pauci idem hac de re docuerint.

Primò nimirum, ut etiam supra monui, non tam latè extendenda sunt principia Chymica cum Paracelsis, ut ante elementa constituantur, & elementa ac cælum ipsum, ex iis componatur.

Deinde per ea elementa ac principia Aristotelica nullo modo rejicienda sunt, sed suus locus materiæ, formæ, & privationi; suis ele-

*Principia  
Chymica  
non tollunt  
Elementis.*

mentis, suis his principiis dandus: Et tam elementa, quam hæc principia Chymica in mistorum constitutione admittenda: Et ex illis caliditas, frigiditas, humiditas, siccitas; ex his odores, sapor, & hujus generis qualitates aliæ deducendæ.

*Principia  
quotuplicia*

*Tertio* & hoc monendum, inter principia alia esse propinquiora, alia remotiora; alia communia, alia minus communia: Et unum mistum est pluribus principis diversæ naturæ posse componi. Sicut ergo cum dicitur; Semen & materium sanguinem esse corporis principia: eo non negatur, hominem constare ex quatuor elementis: Ac contra sicut cum dicitur; hominem constare ex elementis: non negatur, humores quatuor esse hominis principia: Ita cum dicitur, tria esse rerum istarum principia, non negatur, easdem constare ex elementis.

*Corpus duplex.*

Ahinc nonnulli in mistis *duplex corporum genus* inesse dicunt; unum *elementare*, alterum *essentiale*, & utrumque ad misti constitutionem pertinere. Ubi res quidem satis bona est, sed locutio non satis exacta; cum elementa quoque ad essentiam rei pertineant. Verum (ut ad bonum sensum ista attrahamus) appellata videntur *principia essentialia*, ob nobiliores qualitates & actiones, quæ in majore apud ipsos sunt pretio, & ita ad essentiam præcipue medicamentorum, quæ in primis quarunt, magis pertinere videntur, quam elementa. Neque enim, quod sæpe jam monuimus, cum Paracel-

*Principia  
essentialia.*

sitis facimus, qui statuunt, ista tria principia esse plane prima, vel etiam ante elementa: sufficiat, si obtineamus, esse post elementa, & talia, à quibus pleræque facultates, quas medicus in medicamentis expetit, oriuntur, & ultra quæ resolvere corpora naturalia non tentat Chymicus: Cum nec natura hic facilem sese in resolvendo, si quis ulterius progredi cupiat, præbeat: Nisi forsitan destruere plane potius, quam resolvere res cupiat.

Quomodo autem probari possit, *Principiorum Chymicorum probatio.* talia dari principia, jam dispiciendum, & in genere probandum, dari alia corpora præter elementa, quibus qualitates certæ, quæ vulgò falso elementis attribuntur, primò, ut propriis subjectis, insunt. Quomodo verò dentur, & quot ac qualia sint, postea dispicietur. Neque enim dum in genere hac de re disquirimus, omnes Chymicorum opiniones, quas de iis in specie habent, defendendas suscipimus. Primò autem hoc argumento utimur: Ubique pluribus eadem affectiones & qualitates insunt, per commune quoddam principium insunt necesse est: sicut omnia sunt gravia propter terram, calida propter ignem. At colores, odores, sapor, esse *Φλογισόν* & similia alia, mineralibus, metallis, gemmis, lapidibus, plantis, animalibus insunt. Ergo per commune aliquod principium & subiectum insunt. At tale principium non sunt elementa. Nullam enim habent ad tales qualitates produ-

producendas potentiam. Ergo alia principia, unde fluant, inquirenda sunt. Et licet nonnulli monstrare conati sint, colores, odores, sapes, ab elementis provenire: irrito tamen conatu id fecerunt, ut à doctissimis Philosophis & Medicis jam monstratum est. Quomodo enim, quæso, à caliditate, frigiditate, humiditate, siccitate, quomodocunq; etiam mistis, color, quomodo odor, quomodo sapor proveniat?

Neque vidi aliquem è Philosophis, qui liquidò monstrarit, quomodo quælibet illarum qualitatum ab elementorum qualitibus proveniat: Neque in Peripateticorum libris, quod animum veritatis avidum satiare, hæctenus invenire potui. In iis potius tot contrariæ sententiæ, tot dubia nondum soluta occurrunt, ut doctissimi quique & maximè ingenui cū Scaligero *exerc. 325. f. 4.* conqueri necesse habeant: latere naturas has, sicut & alias rerum species in profundissima caligine humanæ inscitæ. Hoc ergò nisi præstetur, & monstretur, quomodo ex elementis, quæ aliis qualitibus, quàm caliditate, frigiditate, humiditate, & siccitate, gravitate, item & levitate præditæ sunt, tot aliæ qualitates, quæ cum his nullam cognationem habent, oriantur: ratio ista firmissima manet, eaque ad res gravissimas probandas utuntur doctissimi Philosophi, ut ex Scalig. *exerc. 17. sect. 20.* videre est. Habetq; hæc assertio fundamentum in illa rationis regula, quæ est: Non potest

aliquid agere ultra virtutem suæ speciei, neque potest effectum dare ea, quæ ipsum non habet, cum ut res se habet in essendo, ita sese habet in causando. Quod ita firmum est, ut nullis instantiis infringi possit. Interim concedimus, in composito esse plus, quàm in simplici quolibet seorsim sumto. At non plus in simplicibus omnibus, quæ compositionem ingrediuntur. Et si quæ qualitates & actiones, misto, quatenus tale, competunt, evanescent eæ misto destructo. At sapes, odores, & similes qualitates misto destructo remanent in parte aliqua misti, cui propterea, ut primo subjecto insunt. Et propterea si etiam meteoris insint ex iisdem causis competunt. Si enim dicimus, corpora perfectè mista esse ea, quæ ex elementis omnibus & hisce principiis inter se mistis constant: nihil obstat, quin non dici possint imperfectè mixta ea, in quibus elementis non omnibus admiscuntur hæc principia omnia, aut principiis non omnibus omnia elementa, aut non omnibus elementis non omnia principia. Ita certè compertum, sæpè dari pluvias coloratas, nebulas fertidas.

Si quæ verò contra hoc axioma ad ejus veritatem infringendam opponuntur exempla rerum, ea vel revera illam qualitatem, quam aliis communicant, habent, vel effectus falsæ causæ attribuuntur. Ita si dicatur, animam corporis & quantitatis esse efficientem; cum ipsa non sit

fit quanta, falsum hoc est. Nam anima corporis & quantitatis nullo modo est efficiens, sed ex materia corporea & quanta corpus & quantum format & determinat. Ita si quis dicat, ex chalybe & silice generari ignem, quorum neutrum fit actu igneum sciendum, in silice & chalybe revera Sulphur inesse, quod vel odore percipitur, iisque, qui aliquando limaturæ chalybis oleum Vitrioli vel aquam fortem affuderunt, non ignotum est. Et si res, quæ æquæ duræ sunt, ut silex & chalybs, inter se collidantur: tamen si Sulphur iis non insit, ignis non excuritur: contra res aliæ non ita duræ collisæ ignem emittunt. Sunt penes me duæ arundines Indicæ, quæ inter se collisæ flammam emittunt cum manifesto Sulphuris odore.

Neque Elementa, sive κατ' ἐνέργειαν sive κατ' ἐνπλέξειαν agant, qualitates se à planè diversas producere possunt. Quæ n. κατ' ἐνέργειαν agunt, qualitatem, quæ ab ipsis provenire dicitur, in se habent formaliter, ut cum alii, tum Rudolphus Goclenius, in *disquisit. Peripat. quest. 6.* docet. Nullum verò Elementum sapidum vel odoratum est. Neque etiam κατ' ἐνπλέξειαν Elementa has qualitates producunt. Cum enim talia agentia in actum non exeant absque habili subjecto: recipiaturque δυνάμεις & actio eorum non nisi pro capto patientis, monstrandum est subjectum illud, in quod, dum agunt Elementa, odores saporibus, colores resultent, & quidē mo-

dores explicandus. Quod sol lutum humidum indurat, res plana est Lutum enim per se est durum; quod verò fluidum est, & humidum, habet aqua admixta. Hæc ergo si radiis solis evocetur, ad naturalem duritiem redit. Idem in hisce Qualitatibus monstrandum, & docendum, si sapidum humidum est, & in sapore vincit humidum, cur tot res siccissimæ sapidissimæ sint, ac si in odore vincit siccum, cur tot res humide odoratissimæ sint: cur tot res, in quibus siccum comprehendit humidum, inodoræ sint: cur in tantillo sæpè corpore tanta odoris fragrantia sit: contra v. in magno corpore, quod parum discrepat temperamento, parum vel nihil odoris sit. De coloribus jam nihil dico, de quorum origine disputatio prolixior est, atque ipsos etiam Chymicos hæc hærere non nego. Etsi enim fuerint ex Peripateticis, qui cenatu irrito ex qualitatibus primarum mixtione colores deducere conati sunt: tamen plerique hodie fatentur, is qualitates primas non esse proxima principia colorum, ut apud Frac. Toletum, & Vidum Anton: Sarmilionum & alios videre est. Et omnino illa actio κατ' ἐνπλέξειαν non parvas habet difficultates, & sæpe latius, quam par est, extenditur. Quomodo Sol calefaciat, Goclenius in *disquisit. Philosoph. quest. 6.* hæret, & uni Deo hic veritatem exquisitè notam, & rationes, quæ ad probandum, Solem non esse formaliter calidum, afferuntur, non demonstrationes, sed rationes.



raciones Dialecticas, & quidem non selectissimas esse scribit. Verum hanc litem non facio meam. Hæc de primò argumento sufficient.

Deinde utimur argumento, quo & Aristoteles, 3. de Cæl. cap. 3. text. 35. & Galenus, lib. 1. c. 3. de elementis usus est. Ex iis corpora naturalia constant, in quæ resolvuntur. Sed resolvuntur in ista tria principia. Ergo ex iisdem constant. Non jam resolutionum tallium multa exempla afferam. Salem omnibus inesse, & ex iis fieri posse, omnibus in resolutionibus Chymicis versatis notissimum est.

Et in plantis quidem & animalibus res manifesta est. Qui tamè etiã diligèntius naturam metallorũ perpendunt, Sulphuri & Mercurio terram metallicam seu chalcantem addunt, ut apud Libaviũ videre est. Et licet alias Chymici ex Sulphure & Mercurio metallico puta, solum metalla constitui dicant, tamè de proximis Principiis loquuntur: sicut Medici, dum dicunt, semen & sanguinem esse corporis humani principia, non negant esse quatuor Elementa. Et qui verè Metalla novit, & ex iis crystallos, quos vocant, parare, facillè etiã Salem iis inesse animadvertet. Et licet igne non omnia cõburantur, alios tamen calcinandi & resolvendi modos norunt Chymici. Si quæ verò sunt saxa & similia, quorum tamen pauca esse puto, quæ nihil Salis in se continent, talia magis accedunt. ad naturam Elementorum, & mista imperfecta sũt, quod monet etiam Casalpinus de

Metall. lib. 1. cap. 1. Licet etiam Sal gustu in omnibus non percipiatur, & omnia mista non sint sapida: tamen inde colligi non potest, salem mistis non inesse: Sicut nec negare licet, ignem non inesse omnibus mistis, quòd omnia mista calida non percipiuntur. Nam ut qualitates Elementorum aliarum admistione abscondita latent, ut rectè docet Zabarella, de mist. ortu & interitu cap. 9: ita & principia ista ob aliorum admistionem non gustu percipiuntur. De quo Hippocrates de prisca Medicina scribit: (αὐτὰ μεικρωμένα καὶ κρημνῖα ἀλλήλοισιν ἔτι φανερά τινος ἔτι λυπείε τ' ἀνθρώπων: Ἐὰν δὲ πῖπτων δόκησῃ Ἐαὐτὸ ἐφ' ἑωυτῆ γίνηται, τότε καὶ φανερόν τινος καὶ λυπείε τ' ἀνθρώπων. Id est: Hæc quidem mixtio- ne & mixta inter se contemperatione neq; cernuntur, neq; quendam molestiã afficiunt. At ubi horum quidpiam secretum fuerit, & per se extiterit, tunc & conspicuum fit, & hominem molestiã afficit. Ideoque an mistis Sal insit, non semper in integris, sed resolutis (per resolutionem autem non intelligimus illam, quæ pistillo fit in minores partes comminationem, sed veram partium separationem) deprehenditur. Id quod in mistis combustis & calcinatis accidit. Nam calci. salem inesse, & gustu & aliis operationib. deprehenditur. Quamvis verò salem nonnulli ad terram redigere conentur, frustra tamen hoc tentant. Nam, ut omnes saniores Philosophi & Medici statuunt, & inter hos Casalpinus lib. 1. de Me-

*zall. cap. 16.* Sal non est frigidus & siccus: sed calidus & siccus, ac vi abstergendi præditus: Et in loco humido liquescit, quod à terra alienum est.

Quod de Sale dixi, idem de Sulphure dici potest. Et inesse illud omnibus *Φλογιστῶς* adeo notum est, ut probatione non indigeat, & Philosophi doctissimi etiam Peripatetici hodiè omnia *Φλογιστῶς* propter sulphur talia esse concedunt. Perpendatur & hoc exemplum, quo etiam Fernelius, *lib. 4. Phys. cap. 3.* utitur. Si lignum viride igni admoveatur, flammam non concipit, donec humiditas aquea exhalet. Neque tamen quisquam opinetur, nihil nisi aquam è ligno viridi igni admoto exhalare. Nam mordicatio illa, quam oculis infert ille vapor, satis docet, aliud quid præter aquam resolutam huic vaporì inesse: quod quale sit, mox dicetur; satis est, si jam pareat, puram putam aquam non esse. Postquam illa aquea humiditas absumta est, maxima ex parte oleaginosum illud & pingue, quod Chymicis sulphur est, (licet omne sulphur pingue non sit) inflammari & flammam liberio rem, nec ita fumo permixtam, dare incipit. Restant tandem cineres, quibus sal residuus est, & aquam affusam à terrâ facillè separatur.

Ut verò etiam obiter meam de eo, quod ex lignis accensis exhalat, sententiam aperiam, Chymicos equidem vulgò Mercurialem illam humiditatem dicere, & Paracelsum

*lib. 1. Param. cap. 2.* in ligno quod effumat, Mercurium esse, atque ita volatilitate Mercurium definire, scio. Verùm iis non assentior. Evolant enim & alia igni admota, evolat aqua, evolat sal volatilis, & ille ipse est, qui oculos ferit, atque illum salem in fumo, qui ex accensis lignis attollitur, inesse, non solum mordicatio, sed & natura fuliginis docet, è quâ cum urinâ & sale communi sal armoniacus conficitur. Evolat & elevatur etiam sulphur.

Verùm an præter aquam, salem volatilem & sulphur, quorum triù nullum Mercurius est, aliud adhuc quid volatile detur, & tale quidem, quod levi etiam calore in altum evolet, hic jam, ut ingenuè id fatear, ex solâ volatilitate, quæ pluribus communis, id decidi non potest, sed aliis indiciiis opus est, quibus tertium principium probent Chymici. Ego an commodè Mercurium spiritum illum *αἰθερώδη & ἕσιον ἀνάλογον τῶ τῶν ἄστρον ποιχείω* dixerim, infra videbitur. Non indocti certè Chymici eum admittunt, & in spiritu vini sulphur à Mercurio distinguit Frater Basilius Valentinus, *cap. de Vino*: Idem tamen monet, Mercurium à sulphure vini vix separari posse, sed si accendatur spiritus vini, unâ cum sulphure evolare, & eum insignem victoriam in certaminibus Chymicis affectum esse, qui sulphur vini seorsim nancisci possit, scribit. Sed hoc, ut dixi, obiter.

Non verò solum in plantis, sed & metallis

metallis ac mineralibus sulphur manifestè deprehenditur. Et, ut clarissimus & in Philosophia Peripatetica nulli secundus Cornelius Martini, in *pres. in Georg. Agricolam*, scribit: *Sulphur deprehendi in omnibus metallicis, excepto auro; Sulphur, inquam, combustibile, quod & flammam concipiat, & odorem sulphuris vulgaris exhalet, vero verius est.* Esi verò aurum excipiat Cornelius Martini; tamen de integro, sicut & de aliis lapidibus & gemmis id accipiendum est, quomodo mistio ita est exacta, ut igni non cedat, sulphurque ita fixum, ut ab igne non accendatur. Si verò resolvantur, ineffe iis sulphur inflammabile, facile experiri est, & qui id non credit, aurum fulminans à Chymicis nominatum præparare discat, atque sulphur inflammabile etiam non sine periculo, nisi id rectè tractaverit, experietur. Posse autem inflammabilia ita figi, ut non amplius ardeant, & contrà ex fixis inflammabilia fieri, Chymicis notissimum est. Et quamvis non diffidendum sit, illud sulphur *Φλογιστον*, quod in resolutione misforum exhibetur, non esse primum purum principium, de quo loquimur: tamen id probationi nostræ nihil obest. Peripatetici etiam ex resolutione res ex elementis constare probant: interim prima pura elementa nullibi monstrare possunt, cum nec lucidissima & splendidissima flamma rei alienæ commistionem effugiat. Itaque nec Chymici obstricti sunt, ut para il-

la principia exhibeant; satis est, si corpora monstrent, in quibus excellunt.

Verum contra hæc multi multa obijciunt. Primò Erasus, 2. *part. solvantur* *in ea, è quibus constant.* *Disput. contra Paracels.* Principium illud & propositionem, quæ tamen est Hippocratis, Aristotelis & Galeni, quæ dicitur; *Res quarvis in ea resolvi, è quibus constant*, non ita simpliciter admittendam esse censet; cum multa in ea corrumpantur, & quibus non sunt composita: ut humores in excrementa vitiosa, vel caro in vermes. Verum adhibearur sanè aliqua limitatio, & dicatur, de ultima resolutione esse propositionem istam accipiendam, vel rem quamcunque resolvi in ea, ex quibus actu inexistentibus, tanquam partibus materialibus, composita est: non verò in ea, è quibus res per substantialem materiæ transmutationem generata est. Nihilominus subsuimus: Ex hisce principiis actu inexistentibus (sicut nimirum elementa actu inexistant in misto; caseus, butyrum, serum in lacte; oleum in amygdalis vel nuce moschata) constare corpora naturalia; ita ut per resolutionem & separationem inde secernantur, non verò per substantialem materiæ transmutationem, quod vult Erasus, ex iis omnimodo generentur. Aliis enim libenter concedimus, res naturales per corruptionem in multa transmutari posse, ex quibus non constant, v.g. sanguinem & partes corporis in pus; caseum & carnes in vermes.

vermes. Verùm non de corruptione & transmutatione; sed de resolutione Axioma illud loquitur. Ultimam tamen cum dicimus resolutionem, non eam planè intelligimus, quæ fit in elementa: cùm natura tam facilem in resolvendo sese non semper præbeat, & in hisce principiis Chymico sæpè subsistendum sit.

Potest enim quid dici tale vel simpliciter vel secundū quid tale: quo posteriori modo & Chymicorum resolutiones in ultima fieri dicuntur. Quod ut rectè accipiatur, sciendum, Deum & Elementa & hæc iis posteriora principia suo genere quidem perfecta cōdidisse, cū suas formas habeat, per quas sunt, quod sunt: non tamen sui gratia præcipuè cōdidisse, sed ut aliorum essent principia. Neque Chymici primū inter Elementa & alia corpora perfectiora alia mista respectu scilicet magis mistorum simpliciora intercedere statu erunt, sed alii etiam doctissimi Philosophi idē statuunt, etsi alio modo, neque omnes istis, quibus Chymici, nōminibus appellant. Ex Hippocrate de prisca medicina locum supra adduxi, ubi expressè docet, in hisce inesse amarum, salum, dulce, acidū, acerbum, insipidum & similia, eaque misceri & mutuo contemperari. Ex Erasmo etiam integrum locum supra ascripti. Idem vidit & docuit doctissimus Philosophi Philo Mocenicus, *univers. Instit. ad homin. perfection. cōt. 4. part. 1. c. 17. & part. 2. cap. 7.* Natura enim ordinè & per gradus quos-

dam, à simplicibus ad perfectiora constituenda progreditur, neque quodlibet ex quolibet, sed hoc ex illo generatur, ideoque etiam non quodlibet in quodlibet, sed in determinatum resolvitur. Qui verò resolutionem omnem in Elementa usque fieri statuunt, principium petunt, & illud, quod inter Chymicos & ipsos in controversia est, probationis loco afferunt. Interim hoc libenter concedimus, vix ullam corporum mixtorum resolutionem sive nature, sive arte fieri posse, quin etiam unā resolutio in Elementa aliquo modo, & ex parte fiat. Ut enim Elementa & principia hæc ad ejusdem misti constitutionem concurrunt: ita in resolutione utraque inde rursus separantur. Hoc saltem statuimus, totum mistum non resolvi in Elementa, sed multò maximam partem in principia seu mista prima abire. Et videant, qui contrarium sentiunt, ne dum ea, quæ in resolutione à corporibus mistis resultant, pro primis Elementis, puta vaporem adscendentem pro aëre, liquorem destillantem pro aqua habent, murem farinā aspersum pro dominò pistrini, ut Scal. jocò utar habeant.

Licet verò principia hæc mista perfecta dicantur, nihilominus aliorum mistorum principia esse possunt. Nam perfectè mixta dicuntur respectu iā perfectè mixtorum, & quod in suo genere perfecta sunt, & quod sunt, per suam formam sūt; non tamen talia sunt, quæ sui gratia simpli-

simpliciter sint, & ut seorsim existentiæ peculiarem corporum naturalium speciem constituerent, sed ut (ceu aliis mistis simpliciora & magis exquisita simularia) aliis corporibus mistis perfectioribus nobiliorem materiam præbeant. Neque absurdum est, dicere ea actu esse, cum è Philosophorum scriptis notissimum sit, actum sumi non tantum pro existentia, sed etiam pro essentia, quam quælibet res per formam suam habet. Interim mistorum principia esse possunt. Nam & ipsa elementa sunt corpora in suo genere perfecta, & habent suas formas, per quas sunt, quod sunt, & per quas à se invicem differunt & disparantur: & tamen sine ulla absurditate ex iis mista componuntur, & ex quatuor elementis fit unum actu. Non enim formæ seu elementorum seu principiorum Chymicorum officio formæ tum funguntur, sed cum ad operosiores compositionem factæ sint, formæ etiam eorum formæ superioris dominio subjiciuntur & materiæ vices sustinent, ut Zabarella, *de gen. & inter.* c. 2 rectè docet. Et sicut ob elementa prædominantia mista vel calida, vel frigida dicuntur: ita ob principia ista, acida, salia, inflammabilia, odorata. Sicut verò lignum non dicitur ignis vel terra: ita nec sal vel sulphur. Dum verò mistum corrumpitur, ut aliæ partes in ignem, aliæ in aquam, aliæ in aërem, aliæ in terram; ita & aliæ in sal, aliæ in sulphur abeunt. Et sic concedo, in

omni corruptione misti etiam aliquid generari, id est, formam misti interire, & ex uno plura fieri, id est, formæ, quæ antea materiæ officio fungebantur, jam formæ officioungi incipiunt.

Verum ut hac clara fiat, duæ distinctiones notandæ. Prima est, duplicem esse materiam, aliam immanentem, aliam transeuntem. Immanens est, quæ in re materiata & effecta permanet, suam naturam retinens: ut lapides, ligna sunt materia domus; elementa corporis misti. Transiens est, quæ non manet in re effecta, sed mutatur & formam accipit aliam, ita quidem ut priorem recipere non possit. Ita chylus est materia sanguinis; sanguis corporis humani, ac partium in eo omnium nutrimentum. Licet enim alias dicamus sanguineas, quod naturæ sanguinis propinquiores esse videntur, qualis est caro: tamen etiam caro non amplius sanguis est, & ubi sanguis caro fit, priorem formam deposuit, non ex parte tantum, sed integrè etiam. Nihilominus reliquæ etiam omnes, & ipsa ossa etiam sanguine nutriuntur,

Altera est, duplicia esse rerum naturalium principia; alia communia, quæ omnibus æquè insunt, alia propria, quæ cuique generi peculiaris sunt.

Cum ergo jam de corporum naturalium resolutione quæritur, verum est illud axioma; *Res qualibet resolvitur in ea, è quibus constat*, de materia immanente, nõ de materia

*Materia duplex.*

*Permanens.*

*Transiens.*

*Principia duplicia.*

transiente. Ita corpus naturale mistum quodvis resolvitur in elementa; resolvitur in principia Chymica; quæ licet alterentur in misto, non tamen in eo planè abolentur, sed unjuntur, ut rectè docet Aristoteles. Non verò caro vel os in sanguinem resolvi potest: quia dum ex sanguine fit caro vel os, sanguis naturam suam amittit, & aliam formam induit. Ideoque malè argumentatur P. Palmarius, *de lapid. Philosoph. dogmatic. cap. 10.* si omnia in aquam, oleum & salem abeunt, ex illis illa non venisse. Non enim hæc sunt transiens, sed immanens materia. Resoluta nimirum sunt ex misto, non generata. Et ut verbo me explicem, eodem modo principia Chymicorum in mistis aliis inesse statuo, quo in iis sunt elementa, & hinc etiam eodem modo in resolutione prodire. Et proinde non ut partes integrantes ( materiales tamen partes non absurdè dici possunt, ut & elementa mixti ) mixto inesse, uti ex lapidibus, lateribus, lignis domus, & ex osse, membrana, carne instrumentum corporis, sed totum constituere mixtione, sicut elementa. Qua ratione autem elementa in mistis insint, dicitur capite sequenti: quia tamen nec ista in qua jam versamur controversia sine istius quæstionis explicatione intelligi satis potest, aliquid de ea dicendum est. Est verò quæstio valde intricata & difficilis, ut nemo, qui in hac ab alio dissentit, neque statim id, quod in quæstione est, fun-

damenti loco præsupponi concedit, convitiis impetendus, aut Physicis ad unum omnibus contradicere dicendus sit. Dissentiunt enim, si ullibi, hic inter se Physici. Acutissimi cerè Philosophi hic hærent, atque inter eos Jul. Cæs. Scaliger *exerc. 101.* fatetur, se non facillè dicere posse, utram sententiam magis probet, in hac humanâ caligine. Itaque quemlibet in re dubia suo sensu abundare permitto. Ut tamen meam sententiam liberè aperiam, re hinc inde diligenter pensatâ cum iis jam facio, qui elementa secundum formas integrâ in misto remanere, ac dum mistum in elementa resolvitur, elementa redire non specie tantum, sed numero etiam eadem statuunt, atq; in ista sententia persisto, donec solidis rationibus contrarium monstratum fuerit. Solis v. autoritatibus vel Scoti vel alius alicujus me moveri non parior. Neque enim unius Scoti, qui in suam sententiam, quam non sine causa Fernel. *lib. Physiol. cap. 6.* puerilem, ferè inanem & portentissimam nominat, Latinos plerosque, dum Veterum Philosophorum disciplinam, permissionisque rationem assequi minimè voluerunt, ut idem Fernelius loquitur, pertraxit, autoritate standum vel cadendum mihi existimo. Etiam docti viri fuere Philoponus, Albertus, Zimara, Avicennas, Fernelius, qui contrarium sentiunt & acriter defendunt, ita quidem, ut nonnulli ex iis scribant, cum qui ipsorum argumenta leget,

nisi molaris lapis sit, manus datum: & qui aliter sentiunt, sophistas agere, naturæ operibus imponere, veteris disciplinæ splendorem obterere & inquinare. Non equidem ignoro, sed eorum opinionem olim in Physicis secutus sum, Averroen & Zabarellam, cum negare non possent, elementa in mistis remanere, ne verò integra remanere staturerent, (cujus tamen rei nullam causam evidentem habuerunt) ad formarum refractionem confugisse. Verum refractione illa formarum merum figmentum est, ut à Latinis contra Averrois sententiam disputantibus satis monstratum est; nequæ ullam Averrois & Zabarella pro ista sententia rationem saltem probabilem afferre, & monstrare potuerunt, formas elementorum recipere magis & minus, & gradus aliquos habere, ut aliqui tolli possint, reliquis manentibus, sed simpliciter saltem illud affirmarunt.

Er sit sanè, ut non eo, quem volo, modo elementa sint in mistis, tamen cum nemo tam absurdus sit, ut elementa nullo modo remanere in mistis dicat, & elementa in mistis remanere neget, de modo verò saltem controversia sit: quicquid Philosophi de elementis in misto remanentibus, & ex mistorum generatione iterum emergentibus, quod rationi consentaneum est, staturerint, idè de principiis Chymicis affirmare poterò, & cum iis ex resolutione mistorum elementa indagare liceat, mihi etiam fas erit, ex reso-

lutione principia ista investigare.

Itaque ut de resolutione naturali nihil dicamus, sed de violentâ solum per ignem, Ignis non nisi ignem generat, nullumque mistum producit. Cum ergò in violenta resolutione per ignem quædam è mistis prodeunt, quæ ab ignis actione seu per se, seu per accidens, seu generatione univoca, seu æquivoca provenire non potuerunt, ea in misto fuerint, necesse est. Sicut nimirum elementa, dùm illud vinculum unionis solvitur, quodque sibi relinquuntur: ita etiam principia Chymica, quæ antea suo formæ nobilioris dominio serviebant, neque ob aliorum admistionem deprehendebantur, forma illa corruptâ jam manifesta sensibus fieri incipiunt, ita ut sal, qui antea latebat, partibus aliis exhalantibus in cinere maneat, & inde levi negotio separari & ad oculum demonstrari possit. Et qui sit quæso, si generata ista sunt aliorum corruptione, non resolutione, quod omnia corpora naturalia in ista æquæ non abeunt? Non enim generatur quodlibet ex quolibet, sed hoc ex illo; nequæ corrumpitur quodvis in quolibet.

Ideoquæ non ex quovis corpore per eundem ignem eadem salis vel sulphuris copia educitur. Nimirum ex absinthio, fœniculo, samento, vitis & similibus sal satis copiosus, ex aliis verò plantis pluribus, ut cucurbita, cucumere & similibus, paucus admodum elicetur, & quidem non semper ejusdem

planè naturæ, sive ex determinatio-  
ne in qualibet specie id fiat, sive ex  
admissione corporis alieni.

Deinde verum est idem axioma  
plerumque de principiis saltè com-  
munibus, non de proximis. Misci-  
bilia enim illa communia manent  
in misto, proxima autem genera-  
tionis principia plerumque non man-  
nent, sed omnino nomen, naturam,  
ac definitionem mutant. Totum  
hoc in totum hoc mutatur, ut san-  
guis in carnem. Et proinde regres-  
sus & resolutio ad proxima princi-  
pia non datur. Ita ex ovo fit pullus,  
& omnia ovi in pullum mutantur,  
omnemque potentiam amiserunt,  
qua regressus fieri, & expulso iterum  
ovum fieri possit. Plerumque tamen  
hoc fieri dixi, & in animatis omni-  
bus hoc locum habere existimo, ubi  
anima alimentò attracto novam  
formam induit: in mistis non ani-  
matis, quousque hoc extendendum  
sit, suo loco dicetur.

*Chymica  
resolutiones  
an sint tan-  
tum artifi-  
ciales.*

Deinde illud hic nonnulli obji-  
ciunt; Chymicas resolutiones non  
esse naturales, sed artificiales: Axi-  
oma illud; Omnia his constant, in  
quæ resolvuntur, de naturali reso-  
lutione accipiendum esse. Malè à  
Chymicis hic artem substitui. Ejus-  
dem enim esse miscere & dissolve-  
re: & quæ natura miscuit, ea artem  
non posse dissolvere. Verum enim  
verò, si proximum agens respicias,  
negandum, quod resolutiones Chy-  
micæ non sint naturales, etiam si ar-  
tis suo modo concurrat. Fiunt  
enim ab igne & calore, causa natu-

rali. Exempli gratia. Cum planta  
comburitur Salis faciendi gratia, il-  
la actio planè naturalis est, non arti-  
ficialis. Etsi enim respectu plantæ,  
quæ corrumpitur & destruitur, non  
naturalis sit: tamen respectu agen-  
tis est naturalis. Sicut etiam actio  
causarum morbificarum in corpus  
nostrum respectu corporis est præ-  
ternaturalis; respectu agentis, quod  
secundum vires suas naturales agit,  
naturalis. Cum à calore ignis spiri-  
tus vini in altum attollitur, non mi-  
nus naturalis est actio, quam cum  
idem spiritus, calorem ventriculi &  
epatis, in cerebrum attollitur, aut  
cum calore Solis res in vaporem re-  
solvitur. Et proinde res, quæ hoc  
modo generantur, naturales sunt,  
non artificiales, neque ad ideam  
mente conceptam semper opus pro-  
venit, sed pro ignis modo & mate-  
riæ præparandæ natura: unde multa  
casu sæpè inveniuntur, & multa  
præter ideam, quam Chymicis con-  
cepit mente, proveniunt. Herbam  
equidem concidere, vitro injicere,  
vitrum luto claudere, fornaci inde-  
re, ignem accendere, actiones arti-  
ficiales sunt. Ab iis tamen effectus,  
quos cupit Chymicus, non prode-  
unt, sed ab igne, tanquam agente na-  
turali. Quomodo autem Ars natu-  
ræ ministra sit, & quæ natura, quæ  
artis partes sint, ubi utriusque ope-  
rationes concurrunt, bene docet  
Scalig. exercit. 101. sect. 12. Longè ve-  
rò alterius generis sunt res artificia-  
les, ut mox dicetur, quæ secundum  
suam essentiam, & quatenus tales,  
non.

*Res artifi-  
ciales quæ*

*Res artifi-  
ciales quæ*



non à natura, sed proxime ab artifice dependent; quales sunt sculpturae & similia.

Debeant potius distinguere, qui ista objiciunt, cum Aristotele, *Physic. c. 6. text. 5. & 4. Metaph. text. 3.*

Corruptionem in naturalem & violentam. Naturalem enim corruptionem appellat Aristoteles *Evaporationem* seu Fato determinatam, quae scilicet accidit secundum legem & communem naturae cursum, quae

animalia per naturalem mortem; mista per putredinem pereunt & corrumpuntur. Violentam autem illam, quae praeter cursum naturae universalem & praeter naturae legem accidit; qualis est mors violenta & combustio. Quae corruptio naturalis opponitur: non quod ipsa per causas naturales agentes non fiat (nam & violenta corruptio, si causas naturales spectes, planè naturalis est) sed quia contra universalem naturae cursum accidit. Zabarella quidem aliam inter violentam ac naturalem corruptionem differentiam constituit, quod scilicet in naturali interitu mistum in omnia elementa resolvitur: Violentam verò corruptionem esse mutationem totius in unum elementum, vel calidum seu ignem, quae dicitur combustio, vel frigidum, quae dicitur putrefactio. Verum ita simpliciter hoc admitti non potest. Nam ut de putrefactione, quae longiorem dissolutionem requirit, an in unum elementum cum mutatio tantum fiat, nihil dicam, combustio non est

in unum tantum elementum mutatio. Nam & magna pars terrae & salis remanet, & quod in auras evolat, non solum ignis est, sed magna pars aquae, sulphuris, salis volatilis, ut de Mercurio, cum de eo dubitetur, nihil dicam: id quod facile credet, qui recipientibus vapores & fumos exhalantes è rebus accensis excipere volet, ut in oleo, quod ex sulphure accenso per campanam fieri solet, patet.

Etsi ergo Chymicae actiones quaedam hoc modo naturalibus opponuntur & violentae sunt, ut cum plantae comburuntur, quae nisi combustae fuissent, aliquandiu adhuc crescere, & tandem emori ac putrescere poterant: ex eo tamen non sequitur, quod merè artificiales sint, & quae hinc fiunt, non naturalia, sed artificialia. Quis enim ignem è ligno accenso generatum, naturalem esse neget? Artificiales sunt istae actiones, quatenus in artificialibus vasis materia elaboranda certo ignis gradui objicitur. At actio Caloris in materiam planè naturalis est. Et proinde opus, quod producitur, respectu efficientis & materiae naturale est. Et si illud, in quo humana industria & labor concurrat, planè artificiale esset, etiam arbores, quae insitione producuntur, artificiales essent.

Aut si ideò opera Chymica sunt artificialia, quia calor externus, quasi instrumentum, adhibetur: cur non etiam pullus gallinaceus artificialis erit, qui externo gallinae incubantis

*Operationes  
Chymicae  
quomodo  
sint natura-  
les &  
quomodo  
artificiales.*

Artificiale  
quid,

calore in actum producitur? Id artificiale propriè est, quod formam in mente artificis prius conceptam ab artifice accipit: At, Chymico etiam de principiis non cogitante, nec formam eorum prius mente concipiente, in resolutione sponte ea proveniunt: quia scilicet jam inerant. Artisque nullus est formas rerum naturalium producere. Et ut Aristoteles 2. Phys. c. 1. text. 2. habet, ὅσον ὄντιν ἀπὸ τέχνης, ἔδουσαν ὀρῶν ἔχει μεταβολῆς ἐμφυτον: *Quæ ab arte proficiuntur, nullum in se mutationis impetum habent.* At quæ à Chymia fiunt, omnia istum internum impetum habent; calorq; saltem externum agens est, qui illam ἐμφυτον ὀρῶν ad actum deducit: Chymicus verò agens naturale patienti saltem applicat: quod idem facit medicus. Nam dū medicus ranunculum aut cantharides cuti applicat, ejus quidem intentio est, ut vesica excitetur: verum non ideò excitatur, quia medicus cogitat hoc, sed quia ranunculus & cantharides has vires habent, quas exserunt etiam medico amplius ea de re non cogitante.

Verum enimvero si omnia, quæ de quæstione hæc, an scilicet resolutiones Chymicæ sint naturales vel artificiales, dici possunt, ad vivum rescemus, & quæ diximus, in pauca contrahamus, de vocabulis potius, quam re lis est. Chymiam artem esse, ut Medicinam, supra diximus, & nemo, ut opinor est, qui id neget. Ideoque actiones Chymici, ut Me-

dici, artificiosas esse, omnino concedo, & quò modò sanitas à medico procurata artificialis dici potest, eo modo & opera Chymica artificialia dici possunt. Et sicut dum artifex farmento medullam auferit, aut lacte vel mulso femina macerat, vel urinam radicibus affundit, artificialia ea opera dicuntur, & ut Theophrast. lib. 5. c. 3. ait, ἀρσ συνεργεῖ τῆ φύσιν, & fructus hoc modo producti artificiales dici possunt: ita etià quæ à Chymico producuntur, artificialia eodem modo dici possunt. Interim hoc in quæstione est: An principia Chymica artificiali resolutione (concedo enim hoc suo modo) è misto prodeuntia, ut & alia, quæ modo diximus, hoc modo producta suam essentiam naturæ arti potius debeant. Seu: an talia secundum essentiam suam potius naturalia quàm artificialia dicenda sint. Illa enim præcipuè & principaliter artificialia dicuntur, quorum tota natura ab arte pendet, ut domus, statua, pictura: ubi verò multas operas tradunt Natura & Ars, & ubi ars συνεργεῖ τῆ φύσιν, & cū natura concurrat, opus merè simpliciter artificiale dici non potest, sed aliquo saltem modo. Hinc cum naturæ, ut in sanitate procuranda, quæ propterea etiam morborum medicatrix dicitur, in istis actionibus potiores partes sint, opera etiam suam essentiam naturæ potius, quàm arti debent. Ac proinde, si rem hanc in omnem partem ventilamus, res eò tandem redit: Rem-

quidem,

Chymica  
principia  
arte non  
fiunt.

quidem, quæ à Chymicis fit, suâ essentia esse naturalem, actionem caloris, qua fit, esse naturalem; ipsum motum rei esse naturalem; eatenus verò artificialem, quatenus Chymicus eam secundum artis suæ præcepta vasi suo includit, vel alio modo disponit, & calorem subministrat; nec alio modo esse artificialem, quàm, ut jam dictum, quo sanitas, quæ medici operâ recuperatur, artificialis dici potest. Plus Chymicum conferre, aut artem aliquid ad essentiam harum rerum facere, nunquam monstrabitur. Nam cum Chymia, ut & Medicina, materiam non faciat, sed à naturâ mutuetur, imò nec formam faciat, sed eam in materia suo modo inexistentem inveniat, sufficit, si sciat, quæ sui subjecti natura sit, & quod opus, si hoc agens cum hoc patiente conjungatur, proditurum sit. Ideoq; finem illum respiciens cum agens cum patiente secundum regulas artis conjungit, plura agere non potest, sed totum reliquum negotium soli naturæ committit, quæ Chymico etiam, amplius ea de re non cogitante, sed vel dormiente, vel peregrè absente, vel etiam mortuo omnem reliquam actionem absolvit: eodem modo, sicut dum medicus pharmacum purgans secundum artem paratum in eum finem, quem mente concipit, ægro exhibet, purgatio medicamenti & naturæ vi perficitur, etiâ si medicus ab ægro abeat, & de purgatione amplius non cogitet. Neq; sese res aliter habet in Chymicis

operationibus, quàm in aliis naturæ operibus, & non aliud fit in putrefactione, quæ fit extra vasa, & aliud ex ea, quæ fit intra vasa Chymica, sed utrobique eodem modo perficitur. Etiam intra vasa vermes interdum ex putredine generantur, qui certè non sunt artificiales.

Neque enim quæ à Chymicis fiunt operationes semper fortiore & adurenti igne instituuntur: sed per putrefactionem saltem & digestionem non rarò materia resolvenda, vasis suis inclusa, elaboratur. Nec rem ad cineres semper deducere opus est, ut ex ignea exhalatione salis, quali tatem accipiat, ut vult Schegkii; sed in succini & cornuum & ossium destillatione, antequam fiat incineratio, sal educitur volatilis; Et is quidem non in cineribus remanet, sed cum ipso humore evolat, ac vel collo retortæ, vel lateribus recipientis adhærescit. Imò sal urinæ volatilil (quid verò fixum & volatile sit, dicitur capite sequenti) levissimo calore sursum ex ipso humore attollitur, & ipsum vini spiritum volatilitate antevertit: Neque volatilitas salino principio aliquid derogat; cum sal & fixus & volatilil detur, ut infra dicitur. Contra si terram, à qua sal affusa aquâ separatus est, uras & adnras, nihil inde salis amplius elicies. Ita corpus, è quo sulphur inflammabile jam exhalavit, nunquam iterum flammam concipit. Præterea non è qualibet re æquali copia sal elicitur; sed ex aliis copiosus, ex aliis paucus.

Imò

*Natura  
principia  
Chymia  
ostendit.*

Imò ista principia non tantùm ab arte, sed nonnunquam etiam à natura conspicienda ostenduntur. Pendet quisque saltem coctiones in animalibus & excrementa: certè sulphur in iis esse, ex odore colliget. Sulphur enim *πρωτον δεκτικον* est odoris, fœtor verò vel species, vel affectio odoris. Etest aliud etiã sulphuris in excrementis animalium documentum, inflammabilitas: Memini hïc in Cloaca seu anguillam, seu aliud quid latitare, quod Camarinam illam quandoque ita commovebat, ut fœtor per totam domum molestus esset. Cum ergo candellã accensa demissã explorare vellent, quidnam id rei esset, subito tota Cloaca flammam concipere visa est, quæ res etsi adstantes non parùm consternaret, subito tamen iterum flamma evanuit: quod accidit procul dubio vaporibus illis sulphureis in Cloaca agitata accensis. Ita salem etiam in urina reperiri notissimum est. Et licet hæc pura principia non sint, aliquid tamen præter elementa, & quod ut species de genere testetur, habent. Inquirat etiam, quid alibi in natura fiat. Resinosæ arbores resinam suam sulphuræ naturæ sponte fundunt: Ex nuce moschata, semine lini, amygdalis, & plurimis aliis seminibus ac fructibus olea exprimuntur, quæ naturã inerant. S. In naturaliter redditur è cinerum & calcium exhaustis cumulis, circa officinas nitriarum. Columbarum fimus salem acrem & copiosum continet, sine

ulla præcedenti unctione. Imò sine aduisione ex plantis in ipso humido sal fieri potest, modumque tradit Beguinus, in *tyrocinio Chymico lib. 2. cap. 17.* Neque enim humido absumpto is in crustam lapideam concrevit, sed in ipso liquore spontè coagulatur. Ita & sal urinæ ex humorum aduisione non fit; cum in infantium urinã, & eorum, qui frigido sunt temperamento, æquè infit, ac adultorum, vel qui calido sunt temperamento. In vino ad latera doliorum tartarum concrevit, utpote in vino jam superfluum, etiam si in uvis superfluum, non esset, quod copiosum salem in se continet. Etsi enim liquorem, in quem tartarum calcinatam in loco humido resolvitur, vulgò oleum appellant: tamen oleum propriè nõ est, sed sal liquatus, in quem etiam exsiccatione rursus abit. Spiritum vini naturã procreavit, non ars; quod nemo potatorum ignorat, qui, quò plus spiritus vinum habet, eò facilius inebriantur: nemo Oenopolarum nescit, quibus cognitum, parte hac evanescente, reliquum facillè corrumpi, & multis aliis indicis & effectis satis conspicuis is sese prodit, ut licet oculis corporeis non pateat, oculos tamen mentis latere non possit. Neq; ab arte solũ is separatur, sed & brumale frigus eũ à suo Phlegmate separat, qui non amplius vinum, sed spiritus vini, vel vini pars spiritiuosa appellatur.

Quæ omnia, quæ hæctenus exempli loco adduximus, etsi non sint principi-

principia Chymica pura, satis est tamen, si is iis abundant, ut ab iis non immeritò denominationem accipere possint; sicut & elementa nullibi pura habentur, sed corpora, in quibus terra abundat, pro terra, in quibus aqua, pro aqua monstrantur, ut sæpius jam dictum. Quibus si elementorum nomina secundum ipsorum prædominium Peripateticis imponere licet, cur non idem Chymicis, dum sua principia describunt, facere fas sit? Neque enim principia hæc propter se, & ut seorsim, tanquam perfectæ rerum naturalium species, consisterent, sed propter alia facta sunt, ut scilicet ex iis variè mistis varia corpora prodirent ipsa verò ex se mutuo non constant, neque in sese mutuo resolvuntur.

Et cum concedunt Peripatetici, quod omnino negare non possunt, corpora illa, in quæ mixtorum solutio fit, non esse pura elementa, sed mixta, in quibus unum elementum prævaleat, à quo fiat denominatio: hoc ipsū in questione est, quidnam illud sit, quod elemento prædominanti admixtum est, & an hic ad Chymicorum principia recurrendum sit, v. g. cum cineres non sint pura terra, quid illud sit, quod terræ admixtum est, & aqua affusa elicitur, an non sal sit?

Præterea quod nonnulli obijciunt, non dari principia propiora rerum naturalium, quam elementa; quia nihil videatur à natura in ista principia resolvi, non magni

momenti est. Nam superficiales isti naturæ scrutatores nimis cœcutientibus oculis naturales istas resolutiones aspiciunt, & ut Scaligeri joco, *Exercit. 307. sect. 12.* utar; Sæpe murem farina aspersum eundem putant cum domino pistrini. Cum cadaver, inquit, aliquod putrescit, ignis & aer in auras evaporat; humidum diffuit; fimus loco terræ relinquitur. Quæso, quisquis es, qui ita judicas, cadaveri putrescenti nares propius admove, & vel factor ille te docebit, non purum igne & aere esse, quod exhalat; sed compositum adhuc; aliumque odorem cadaver equi, alium bovis, alium hominis cadaver, aliam plantam hanc vel illam putrescentem exhalare. Ut enim res integræ aliæ aliū habent odorem, alium rosa, alium ruta, alium absinthium, quorum tamē quodlibet de exhalatione sulphurea testatur: ita etiam in putredine (ut & in combustionibus) aliæ alium expirant eadem de causa, & ob eandem sulphuream exhalationem. Quas centè exhalationum differentias vel odoratu agnosce-re non semper inutile fuerit, atque id nec Chymici, nec Medici neglexerunt. Vermes enim in intestinis latentes ex odore, qui ex ore exhalat, non solum Medici multi, sed & non pauci è vulgò deprehendere possunt. Qui non imminentem gangrænam odoratu deprehendere possit, parum exercitatus & cum ægris minus versatus est Chirurgus vel Medicus. Fimum si terram

*Resolutio  
corpor. natural. non  
semper sit  
in elemen-  
ta.*

puram putas, multum erras. Putrida urina, vel fimus, postquam com-  
putruit, salem terræ admistum plu-  
rimum continet; quod facili-  
ter resolutione deprehendi potest.

Idem enim error in violentis re-  
solutionibus committitur. Si enim  
isti fumum vel flammam vident,  
tantum ignem vel aerem esse pu-  
tant. Et ne ab obscuro aliquo Phi-  
losopho hoc factum dicam, erudi-  
tissimus & clarissimus Philosophus,  
Zabarella, communem sententiam  
secutus, *de mist. generat. & interit.*  
*lib. 2. cap. 2.* scribit combustionem,  
(ea verò accidit, cum res incendi-  
tur & flammam concipit) esse to-  
tius misti in unum tantum elemen-  
tum, id est, ignem mutationem, ex-  
cepta aliqua parte terræ. At si A-  
lembico ea exciperent, deprehen-  
derent, non tantum elementa esse,  
sed mista adhuc. Nam fumi isti,  
quos, ut jam diximus, plerisque ad  
probandum elementorum nume-  
rum ex resolutione corporum na-  
turalium adducunt, tantum abest,  
ut vel elementa seu pura seu impu-  
ra sint, vel etiã imperfectè mixta, ut  
sint ipsissima corpora in minima  
corpufcula resoluta (sublimatio-  
nes enim Chymicorũ pistilla sunt)  
& quibus exhalant. Ex sulphure  
enim accenso flores sulphuris col-  
liguntur. Fumus, qui è Mercurio  
aut sale armoniaco exhalat, ipsissi-  
mus est Mercurius & sal armonia-  
cus, & longè aliud, quam fumus, qui  
ex ligno querno, vel tartaro, vel vi-  
triolo elevatur. Aut si saltem me-

tallorum fossiles & coctores, quo-  
rum sæpe longè major, quàm ex Bi-  
ſſig. Physicorum & otiosorum spe-  
culatorum in hoc genere est peri-  
tia, consuluerent, aut eorum cami-  
nos inspicerent, aliter se rem ha-  
bere, quam putant, faciliè doceri  
possent. Quibus certè fides hic non  
deroganda, cum docent, arsenicum,  
pompholyga, cadmiam, Mercuriũ  
& ejusmodi alia multa è metallo-  
rum fusione & coctione, ac subli-  
matione exhalare, & in fornacibus  
& alembicis colligi, non verò ele-  
menta vel simplicia, seu pura seu  
impura, vel imperfectè mixta &  
meteora. Nullã hinc demonstratione  
opus est, sed sensu potius: & si Chy-  
micus dixerit, illud quod fumi spe-  
cie elevatur, esse sulphur, Mercuri-  
um, arsenicum, cadmiam, istud sal  
aliquod volatile, non aliquod me-  
teorum: cur sensibus fidem deroga-  
gem, & Chymicus ac metallorum  
coctoribus, quibus talia usitatissi-  
ma sunt, non credam? Imò credunt  
omnes Medici, qui ea pro iisdem  
etiam, pro quibus à metallurgis ven-  
duntur, usurpant. Certè sensibus  
hinc fidem derogare & demonstra-  
tiones postulare, *ἀπορία Μεταλλας* est,  
& qui hoc facit, idem facit, ac qui  
piscatori, qui lucium se cepisse di-  
cat, carpionem vel cancrum cepisse  
Syllogismo persuadere conetur:  
imprimis cum effectibus res tales  
naturas suas satis prodant, & pro-  
prietatibus suis se manifestent. Ete-  
nim etsi in Scientiis sensui suos lo-  
cus est, nõ tantum demonstrationi.

Ita cum cinerem vulgò vident, terram esse dicunt imperitissimè. Separatio enim facilimè per aquam affusam, quid sal & terra differat, & utrumq; in cinere contineri, ostendit. Unde & rectè Avenrois *colliget, cap. 42.* scribit; Cineres diversos fieri secundum diversitatem rerum, è quibus fiunt, ac fumum omnem quamvis habeat complexionem calidam desiccativam; tamen semper retinere secum virtutem rei, ex qua est fumus. Vbi si quis statuere velit, cinerem esse terram à prædominio elementi ita dictam, fumum ignem itidem sic dictum, & porro quærat, quid tandem reddat elementum hoc impurum, non responderi potest, quod sit elementum aliquod. Neque enim ullum Elementum vel lapidum est, vel odorabile. Ergo licet concedatur, in cinere terram abundare: illud tamen, quod terræ admixtum est, sal est, utpote lapidum; quod fumo, sulphur, ut odorabile. Hinc etiam Avenrois non dicit in fumo igni aliud Elementum admisceri, sed in eo esse adhuc virtutem rei, ex qua est fumus: id quod Chymicæ resolutiones satis docent, ut mox dicetur. Sal verò ubi semel separatus est affusa aqua, etiamsi reliquam terram uras & aduras, ne mica salis inde amplius producat: quod satis monstrat, salem non esse terram à calido & sicco passam.

Non ergò ita obiter & superficialiter de naturæ operibus judi-

candum, sed paulò penitius ea introspectienda sunt. Et quod nobis fortuitò non objicitur, arte & industria inquirendum. Nimirum in naturæ externis resolutionibus judicandis multa occurrunt impedimenta: neque partes resolutæ ad examen sese sistunt, ut cognosci possint, An elementa pura sint, vel alterius generis, sed in auras diffunduntur & aufugiunt. Major autem certitudo est in operibus artis, ubi nihil perit, sed vasis clausis omnia administrantur, partesque resolutæ inclusæ colliguntur & heterogenea ab homogeneis discernuntur, ut rectum de omnibus possit fieri iudicium: absque quo si sit, impossibile est, ut quisquam, etsi pro absolutissimo Philosopho vel Physico se venditet, ex solo vapore adscendente de natura rei judicare possit; cum vapores ad aspectum sint similes, id verò, quod in vase recipiente colligitur, diversitatem monstret, & hoc esse spiritum vini, illud rosarum, hoc cerasorum, illud salis, vitrioli, vel alium; hoc flores sulphuris vel salem armonicum doceat, quæ, etsi pura puta principia non sint, quia tamè ea in iis abundat, ab iis corpora illa denominationem accipiunt. Si quis verò nomine principii ea dignari non vult, appellet sanè elementa seu pura seu impura, hoc verò doceat, unde sapes, odores, &c. habeant; cum tales qualitates elementis non insint.

Et quidem in utraque resolutione tam naturali, quam violenta, id, quod

*De corporum naturalium resolutionibus quomodo res illi iudicandum sit*

*Resolutio- num Chymicorum certitudo.*

quod diximus, præstare potest Chymia. Priorem quod attinet, cum putredo fieri dicatur vi externi caloris educantis externum: idem fit in cucurbita vel alio vase clauso, calore lento in fimo vel balneo ad ministrato. Hac tamen differentia, quod, ut dictum, de partibus resolutis in externis naturæ operibus ita certò judicare non liceat, cum hinc inde dispergantur: in operibus verò Chymicis vasis clausis omnia excipiantur, ut rectius de iis iudicium fieri possit. Idem præstat in violentis corruptionibus, ubi vehementiore igni adhibito resolutæ partes aquæ & oleosæ in recipiente vase excipiuntur: in fundo verò, quod combustum est, salem & terram continet.

*Chymica  
principia  
an reuera  
mistis in-  
sint.*

Nonnulli aliud quærunt effugium; & cum negare non possint, à Chymicis vel ad oculum monstrari ista, quæ appellantur, principia, Dicunt, non inesse mistis ea, nec inde separari, sed vi ignis fieri. Putatque Schegkius, quem Riolanus, & alii sequuntur, salem reuera seu *Φωσφ* rebus non inesse, sed accidere saltem hoc terrenis partibus, ut mutantur propter igneam exhalationem in salfam qualitatem. Verum longè aliter sentit hac de re Hippocrates, qui, *loco supra allegato*, salsum, amarum, & hujus generis alia, reuera rebus inesse, atq; inde *δοκουν ειναι* docet, quibus cum peculiare facultates & vires, alias ab elementorum qualitatibus, tribuat (in concreto enim loquitur, & subjectum

cum qualitatibus intelligit) peculiaribus illa subjectis & substantiis habet. Imò alimenti loco talia cum plantis assumi idem, *i. de naturâ hum. text. 31.* scriptum reliquit. *Τὰ Φυώμα, inquit, καὶ ἀπειροώμα, οὐκ ἔστιν εἰς τὴν γῆν ἐλθῆν, ἐλκεῖ εὐασον τὸ κατὰ Οὐρανὸν ἐωσπὶ ἐνδόν τῆ γῆ. ἐν δὲ καὶ ὄξυ καὶ πικρῶν, καὶ γλυκῦ καὶ ἄλμυρον.* Quæ plantantur & feruntur, ubi in terram perveniunt, attrahit quoddam, quod sua natura conveniens inest terra. Inest autem & acutum, & amarum, & dulce, & salsum. Ac proinde cum talibus plantas nutriri & augeri doceat, ex iis etiam constare docet. Idem Scaliger, *in l. 2. de plant.* concedit, dum scribit: *Si à quercus cinere fit Sal: (fit enim) haudquaquam ejus alimento repugnare videtur.* Etcertè, qui putant ea, quæ à Chymicis producuntur, ab ipsis fieri, non natura inesse, suam in Chymia imperitiam produunt. Et si aliquas Chymicas resolutiones vidissent, aliter sentirent. Si tamen Chymicis fidem habere nolunt, metallurgos adeant. Si enim istud argumentum contra Chymicos valeret, valeret etiam contra metallurgos, atque evinceret, metallâ & mineralia non existisse, sed à metallurgis producta fuisse. Separat Chymia diversas rerum partes, non generat; & nisi à natura subjiciatur materia, eam producere non potest.

Aliqui principia ista, quæ è mistis separari dicimus, potentia saltem inesse, non actu dicunt. Verum id nostræ sententiæ nihil officit.

*Principia  
Chymic.  
quomodo  
rebus inest*

Nam



Nam cum nemo neget, elementa revera in mistis inesse: nihilominus Physici disputant, an actu vel potentia mistis insint. Qui ergo istam controversiam composuerit, facile videbit, an potentia vel actu inesse dicenda sint hæc principia. Nobis sufficiat hic dixisse, revera inesse: non absimili modo, sicut in lacte inest butyrum, caseus & serum. Hippocrates dicit, quod amarum, salsum, acidum, & hujus generis alia, *μεμιγμένα & κεκραμμένα ἀλλήλοιςιν & Φανερά εἰσιν: ὅταν δὲ τατέων διακριθῆν, τότε Φανερόν ἐστ.* Ubi secretionis vocabulum usurpat. Et Aristoteles tam de iis, quæ actu, quam quæ potentia insunt, vocabulum secretionis retinet, *3. de Calo, cap. 3. text. 35. ἐν σαρκὶ καὶ ἐν ὕλῃ καὶ ἐκάστῳ τῶν ποιεῖται ἐνεστὶ δύναμις πῦρ & γῆ. Φανερά γὰρ πάντα εἰς ἐκείνων ὀνομαζόμενα.* In carne & ligno, & unoquoque, talium inest potentia ignis vel terra. Manifesta autem sunt hæc ex illis segregata. Ergo si ex eo, quod potentia, secundum hunc locum Aristotelis, ignis & terra insunt mistis, concludi non potest, quod non sint mistorum principia: ita etsi concedamus, potentia suo modo esse ista principia in mistis, inde tamen inferri non potest, quod non sint mistorum principia. Sed potius, sicut hoc loco argumentatur Aristoteles; In carne & ligno insunt ignis & terra; quia inde segregantur: ita etiã argumentari possumus: Principia Chymica separantur ex mistis, Ergo iis insunt.

Tandem & hoc assertit Erasius *Discrimen inter Elementa & principia Chymicorum.* contra principia Chymica, *parte 2. disput. contra Paracelsum, p. 74.* Frustrata nova Principia Chymicos comminisci; cum nihil aliud dicant, quam jam olim per tot secula alii Philosophi dixerunt & demonstrarunt; nullum alium habere usum nominum istam novationem, præter quã quod quæ clara & intelligibilia præerant, obscura, intricata, & incomprehensibilia nobis reddantur. Quæ aquæ propria esse, inquit, omnium eruditorum oculi omnibus ætibus contpexerunt, fumosi isti Philosophi, ut novisse plus aliis videntur, Mercurio adscribere voluerunt: quæ aeri maximè conveniunt, sulphuri tribuit: quæ terræ aptissimè congruit, salis suo accommodat.

Verum enim verò quis non agnoscit differentiam inter saltem & terram? Sal in humido liquefcit; terra non item. Quanquam enim terra ab aqua dilui & cū ea misceri possit: tamen in ea nunquã liquefcit, ut sal, ut etiam per chartam colari possit, sed statim iterum ab aqua separatur, & fundum petit. Imò sal in aère humido liquefcit, quod terra nunquam patitur. Neque enim sal terra saltem est propter igneam exhalationem salis qualitatis particeps, ut vult Schegkiius, aut adusta & empyreuma ac vestigiũ ignis retinens. Cū enim ignis sãpidus non fit, quomodo terram sãpidam reddere potest. Et si sal est terra adusta, qui fit, ut in aqua liquefcit: & ei ita uniatur, ut cum ea etiam

per chartam bibulam transeat: terra verò non adusta cū ea non unia-  
tur; cum tamen non adusta majorem cum aqua communionem habeat, quàm adusta. Ita etiam Aqua & Mercurialis pars Chymicorum longè differunt. Ita sulphur & aer. Neque enim inflammatur & ardet aer, sed sulphur. Nam quod aliqui dicunt, faciliè rara omnia multum in se aeris continentia, pinguedinis autem minimum, in largissimam flammam converti; difficilius verò pingua penè omnia corripere flammam, quam arida stramina, ex quibus pinguedinis vix minima particula separari possit: sciendum primò, aliud esse quærere, cur res sit inflammabilis, aliud, cur faciliè sit inflammabilis. Illud enim habet à sulphure; hoc à raritate, supposito tamen sulphure. Sulphur enim si absit, res non inflammatur, ut in pumice & spongia marina videre est. Deinde pinguedinè & sulphur, quod Chymicorum principium est, non idem esse, & sulphur in multis reperiri, quæ pingua non sunt. Sulphur enim suum, ob quod inflammatur, habet spiritus vini: pinguis tamen non est, seu oleosus; & sulphur quidem in pinguedine esse, sed aliis partibus admistum, quæ inflammabilitatem prohibere possunt. Ideòq; siccitatem & raritatem corporis ad facilem inflammabilitatem in quibusdam facere Chymici etiam concedunt: Potestque res parùm sulphuris & oleositate

*Inflammabilitas unde.*

in se continens, si rara, aridaq; sit, & nihil in se habeat, quod inflammationem prohibere possit, facilius inflammari, quam alia, quæ sulphure abundat, alias tamen partes inflammationem prohibentes admittas habet: sicut in pulvere pyrio alias summè inflammabili apparet, qui si spiritu aliquo acido imbuatur vel humectetur, inflammabilitatem amittit. Et spiritus vini, si aquam & phlegma admistum habeat, non inflammatur; si verò purissimus sit, & à phlegmate & sale fixo cæterisque, quibus in vino mistus erat, quantum fieri potest separatus, faciliè inflammatur, & instar naphthæ flammam concipit, & subtilissimus ac volatilis maximè est, ita ut etiam per sexuplicem papyrus in destillando insensibiliter transeat, in loco calido exhalat, aut si via non detur, vitrum rumpat, & si quid omninò vel Mercurialis substantiæ (Mercurialis dico, aeræ seu potius ætheræ, non aquæ, nec curo, quid hic vel ille Chymicus dicat) vel salis volatilis secum habet, id secum, ut ipsum, etiam volatile, in auras rapit. Et hinc accidit, ut alia bitumina & olea aliis facilius vel difficilius inflammantur. Talia autem arida sulphur in se continere satis docet oleum, quod è papyro conficitur. Res tamen aridæ & raræ nō inflammantur ob raritatem & ariditatem, sed ob sulphur, quod in se continent. Hinc etiam res non aridæ, sed actu humidæ, etsi potentia siccæ esse

esse possint, facile inflammantur; ut naphtha & spiritus vini, non quod copiosum aerem in se contineant, qui sit *δεχνη πυρεθς* & pabulum, (hoc enim si esset, dum candela accensa vel alia flamma in aere circumferretur, is accendi deberet, quod non fit, nisi forsan olei succini aut spiritus vini terebinthinati, vel sulphurati, vel camphorati vapores in eū dispersi sint.) sed quod sulphur copiosum in se continent. Quod si quis exhalationem siccam pinguem dicere maluerit, rem retinet, & aliud nomen substituit; sed minus cōmodum, cum spiritus vini pinguis non sit. Sicut contrā res etiam si sint aridissimæ, si sulphur in se non contineant, non inflammantur. Res manifesta est in papyro, quæ ubi accensa deflagavit, manet sicca & rara, & tam levis, ut levissimo venti flatu vel anhelitu dispergatur: nihilominus quia sulphur inflammabile, seu humor inflammabilis, aut oleosum inflammabile (de nomine enim cum nemine litigabo) deflagavit, amplius flammam non concipit.

Usus igitur principiorum Chymicorum est, ut ex iis, tanquam proximis & propriis principiis, proprietates, quæ corporibus mistis insunt, & ex elementis proximè demonstrari non possunt, deducantur, & demonstrantur, ut præcipuè in proprietatibus & facultatibus medicamentorum inquirendis patet. Etsi enim, ut supra dictum, Erastus patet, omnia hæc ex elementis

deduci posse, nec nominum ista novatione opus esse, atque alii etiam putent, nihil à Chymicis in suis resolutionibus afferri posse, quod non è doctrina Elementorum aut meteorologica de exhalationibus explicari citra ficta Chymicorum principia possit: tamè huic suo promisso nondum eos satisfecisse, nec satisfacere posse, existimo. Et posset sexcenta hujusmodi afferri, quæ ex doctrina de Elementis & exhalationibus explicare eos non posse puto: unum atque alterum saltem proferam. Reddant quæso rationem, qui fiat, quod ubi opiata destillantur, vapores, qui è vasis aliàs satis arctè clausis nihilominus exhalare solent, somnum concilient, ita ut Pharmacopæorum & Chymicorum famuli, quibus ignis regendi cura commissa fuerat, ad fornacem profundo somno correpti inventi sint, quod ab aliis exhalationibus plurimis non accidit? Qui fiat, quod vapores, qui ex Mercurio vel Antimonio exhalant, non sine periculo cū spiritu attrahantur; cū ab aliis exhalationibus plurimis nihil damni sit? Qui fiat, quod ubi cornua vel ossa animalium destillantur, sal tam copiosus recipienti adhærescat, quod nec in vitrioli, nec salis communis, nec lignorum destillatione accidit? Qui fiat, quod ubi in aquam, in quâ scorix reguli antimonii coctæ sunt, acetum inspergitur, tam gravis fætor excitatur? Unde tanta in tantilla auri fulminantis portione vis sit? Qui fiat, quod

Principiorum Chymicorum usus.

quod cum aqua fortis vel spiritus Vitrioli limaturæ ferri affunditur, materia ita incalescat, imò flammâ concipiat, & tam gravis odor inde expiret? Qui fiat, quod ubi butyro Antimonii spiritus Nitri confertim affunditur, materia flammâ concipit? Qui fiat, quod singula salium genera in suis coagulationibus peculiare, & tam exactas, ac quæ ad Mathematicorum regulas planè congruunt, figuras observant? Qui fiat, quod sal armoniacus & urinæ, qui in evolando non est tardior, imò spiritum vini volatilitate superat, non accendatur, cū facile spiritus vini accendatur? Qui fiat, quod fumus plumbi & argenti vivi aurum corrodit, non fumus vitrioli vel aliarum rerum? Qui fiat, quod ubi calci Lunæ affunditur spiritus salis, tinctura viridis instar smaragdi extrahitur; si verò spiritus vini sale urinæ imprægnatus, cæruleus? Qui fiat, quod sal urinæ in spiritum vini cojectus eum coagulat? Qui fiat, quod acerum destillatum coralliis, margaritis, plumbo calcinato affusum insipidum destillat? Qui fiat, quod ubi spiritus vitrioli terræ sigillatæ infunditur, & destillatio instituitur, nil nisi phlegma exstillat? Qui fiat, quod si coralliis calcinatis spiritus vini affunditur, corallia acrimoniam ardentem contrahunt, & ipse spiritus vini acrimoniam amittit? Qui fiat, quod antimonium cum nitro fusum accenditur, semel tamen atque iterum cum eo calcina-

tum amplius non accenditur? Qui fiat, quod spiritus vitrioli, ubi cum oleo tartari dicto miscetur, in momento incalescit, & aciditatem omnem amittit? Quâ ratione præcipitatio perficiatur, vel qui fiat, quod corpore quodâ in liquore aliquo soluto, si liquor alius affundatur, id ad fundum descendat? Qui fiat, quod magisterium coralliorum & margaritarum simpliciter per solutionem in aceto, ejusdemque abluionem paratum facile in quovis liquore liquefcit, non verò id, quod fit per præcipitationem cum oleo tartari.

Hæc & similia explicent: quod ipsos facturos non putamus absque Chymicorum principiis ex sola doctrina elementorum, & Meteorologia, quæ exhalationes saltem, ut imperfectè mixta, & quidem ex elementis mixta considerat. Nam ut de aliis non dicam, elementa sunt insipida & inodora, ut ipse Aristoteles, *de sensu & sensibili*, concedit. Si verò in exhalationibus quid nobilius est, ac supra elementa, id non ex doctrina meteorologica, sed principiis Chymicis explicandum. Et nihil obstat, quin elementa, quatenus ut impura considerantur, ut & exhalationes, partes corporum perfectè mixtorum, in minima resolutorum, sed ipsas adhuc perfectè mixtas, sulphuris puta, picis, succini, salis & similibus, in se contineant. Quæ tamen propterea perfectè mista dicenda non sunt, Non enim tum inter elementa

& vaporem rei resolutæ quæ recipit, vera sit mistio; sicut nec dum manipulus salis in aqua solvitur, perfecta sit mistio.

Neque dum Chymici ad principia ista certas qualitates reducant, nihil docent; & principium petunt. Necessarium enim est, ut qualitas quælibet ad suum primum subiectum reducatur: & sicut Physicus causam aliam nullam reddere potest, cur ignis calefaciat; quàm quod hæc ejus est proprietas, & dum id docet, non petit principium: ita nec aliam causam reddere potest Chymicus, cur sal sit sapidus. Itaque dū faciunt hoc Chymici, verba non dant, sed *πεῶτα δευλῶν* nominant, in quibus revera qualitates, quas nominant, semper reperiuntur, & accidentia ad suas causas referunt. Neque tamen omnium corporum proprietates ad principia Chymica reducendas esse, vel reduci posse existimo. Scio enim, & alibi docui, quasdam à forma nobilioribus fluere. Neque etiam omnes Chymicorum opiniones meas facio, & an vis purgandi rectè à sale deducatur, hic non disputo. Satis est, si in genere hoc obtineam, alias proprietates à sulphure, alias à sale & quidem semper provenire. Et proinde in quocunque misto talis proprietas reperitur, ibi principium illud, à quo fuit, inquirendum: unde artificiosæ & utilissimæ Chymicorum separationes ortum habent. Si enim proprietas aliqua à sulphure fluit, illud extrahendum, sal re-

movendum, ut medicamentum à heterogeneis separatum efficacius reddatur: contra si à sale, sal inquirendus, sulphur separandum. Id quod in omnibus narcoticis manifestum est, quorum vis, id quod hodie non solum in Chymia & Philosophia Aristotelica peritissimiviri multi concedunt, à sulphure, non sale pendet; acrimonia omnis à sale, etiam ea, quæ in fumo oculos mordet.

Hoc tamen hic monendum, principia hæc communia, quatenus talia, & ut communia, non particularium affectionum, propria ac proxima esse principia, neque à sale, quatenus sal est, vim purgandi, neque à sulphure, quatenus tale est, vim *κακωτικῶν* esse: aliàs omnis sal purgaret, & omne sulphur seu inflammabile esset *κακωτικόν*: verum principia hæc, quatenus communia, communium saltem affectionum esse principia, speciales verò affectiones à determinatis fluere principiis.

Quæ verò multis Erastus contra Paracelsum de Elementorum in tria principia resolutione disputat, *parte 2. disput. contra Paracelsum*, adducere supervacaneum est; cum, vix aliquis saniorum Chymicorum tria illa principia ante Elementa constituat. Assentiatur Paracelso hac in re Quercetanus, vel cuicumque libet absurdas ejusmodi opiniones defendere: mihi hoc non est propositum: cum probè sciam, elementa, quatenus talia, nec sapida, nec

da, nec odorata, nec colorata, nec inflammabilia esse.

Tandem hic non prætereundum, aliquos quidem ista principia Sal, Sulphur & Mercuriū cōcedere; idē quod revera in omnibus corporib; insunt, & in ea resolvuntur corpora ipsa. Iidem tamen hoc negant, quod sint æquē primā ac Elementa; sed esse Elementis posteriora, & ex iis componi, omnesque rerum naturalium proprietates ab Elementis deduci posse, etiam illas, quæ tribus hisce principiis adscribuntur, statuunt. Habere enim Elementa tot dotes, maximam partem incognitas, abs quibus variè inter se coalitis oriuntur illa, quorū rationes nobis manent incognitæ, atque indicibiles. Nam primū esse materiam & formam, deinde Elementa, quæ ex materia & forma cōponuntur, denique hæc tria, Sal, Sulphur & Mercurium, quæ ex Elementis componantur, quæ omniū sunt proxima & sensibus maximè vicina. Atque ita Aristotelicæ Philosophiæ gloriam conservari, nec Hermeticæ debitam laudem denegari existimant.

Verū enim verò nobis equidem idē est propositum, nec Peripateticam Philosophiam everfam, sed potius per Hermeticam auctam cupimus. Est tamen quod in ista doctrina desideramus: Primo loco esse materiam & formam, hinc Elementa, tertio loco principia, libenter concedimus. Neq; de hoc multum litigabimus, an principia hæc

sint Elementis cœva, non minus quàm Elementa creata, & Elementis in corporum naturalium constitutione sociata; an verò Elementis posteriora & ex iis composita. Largiamur enim sanè, habere suam materiam ex Elementis, & dari ordinem aliquem inter principia, quæ res constituunt: tamen de formarum principiorum quæstio est, unde illa eam habeant, an nimirum sit illa unius Elementi forma, an verò ex pluribus Elementorum formis composita. Id quod utrumque negamus; cū aliæ qualitates & effectus in hisce principiis, quàm quæ sunt in Elementorum potestate, appareant, & quæ ex Elementis deduci & derivari non possint. Hoc enim inauditum in Aristotelica Philosophia hætenus, habere Elementa adhuc alias Qualitates, nobis incognitas & ἀπίστας, præter caliditatem, frigiditatem, humiditatem, siccitatem, gravitatem, levitatem. Etenim si hæc in composito sese proderent, certè in ipsis Elementis magis effectibus & operatione sese prodere deberent, quod hætenus non factum, & à nemine illarum occultarum Qualitates animadvertæ sunt. Neq; hæc de principiis Chymicorū doctrina ullò modo doctrinæ de ortu & interitu Aristotelis evertit, sed potius eilucem affert. Neq; enim puto Aristotelis, sed potius quorundam ejus interpretum doctrinam esse, omnem ortum & interitum rerum naturalium non aliunde, quàm à quatuor Elementis, etiam

etiam cooperante cœlo, pendere. Elementa enim cum principiis Chymicis non hic efficientis rationem habent, sed materia. Cœlum agens universale est, non adæquatum & specificum. Cujusque verò rei generatio à formâ ejusdem speciei, ut proximo & primario agente, dependet, ut diximus.

Atque ita hactenus in genere monstratum est, dari præter Elementa adhuc alia principia mistorum, & in resolutione mistorum non semper usque ad Elementa perveniri, nec etiam generationem proximè semper ex Elementis fieri, sed esse præterea quædam corpora, è quibus etiam, tanquam primis subjectis qualitates quædam, quæ ab Elementis deduci non possunt, fluant. Qualia corpora jam olim Hippocrates, & cum secuti multi medici, imò ipse Erasmus, loco allegato, agnoscunt, quibus Chymici peculiariora nomina indiderunt. Appellet jam sanè quis ea cū Chymicis principia, vel alio nomine indiget, perinde est, modò de re constet.

*Principio-  
rum Chy-  
micorum  
numerus.*

In specie verò numerum eorum & naturam singulorum quod attinet, res non satis plana est, & difficultates hinc non leves occurrunt. Equidem vulgò tria constituuntur, Sal, Sulphur & Mercurius: sed qualis cujusque natura sit, non satis explicatur, & alii aliter hæc de re docent, ut in specie postea videbimus. Ideoque vel ad Paracelsi, vel Sèverini, vel Quercetani, vel Beguini o-

piniones me adstringi non patiar, sed sententiam meam liberè de re à paucis tractata & nondum satis explicatâ proponam, & hoc agam, ut potius consensum, quàm dissensum cum Aristotelicis quæram, & hæc principia Aristotelicis & Galenicis non planè contraria, sed subordinata esse monstrem. Cùm enim Deus mundum hunc perfectum condiderit, & in rerum naturalium constitutione à minus compositis ad magis composita & perfectiora progressus sit; & in rerum natura Elementa, sales, sulphura, & bitumina, terræ, lapides, metalla, fungi & tubera, musci, herbæ, fructices, arbores, zoophyta, vermes, insecta, pisces, aves, animalia gradientia, & tandem homo reperitur: in horum differentiis, numero, & ordine inter se inquirendo meritò laboratur, & multi docti viri, inter quos supra etiam Mocenicum numeravi, diligentes fuerunt. In qua re tamen multa occurrunt dubia, ut quid statuendum certò sit, non semper liqueat, & præstet interdum de quibusdam dubitare, quàm temerariè ea affirmare. Ideoque etiam quemque suo sensu abundanter permitto. In republica enim libera, qualis est literaria, sententias liberè dicere licet.

Cùm autem vulgò tria numerentur, Sal, Sulphur & Mercurius, quid de singulis sentiendum putem, dicam.

Et primò quidem de sale rem planam esse puto, ut supra jam satis

monstratum, & omnibus corporibus naturalibus illud inesse, facile, qui volet, deprehendere potest; ut etiam Plinius, *lib. 31. Hist. nat. c. 7.* Salem Elementum necessarium esse dixerit. Non solum adustione & partium terrenarum propter igneam exhalationem in qualitatem salis mutatione, generari; sed etiam sine adustione è rebus separari posse, paulò ante dictum & monstratum: ideoque etiam secundum Hippocratem mistis secundum naturam inesse salis. Et Plinius, *loco allegato*, docet, salem etiam sponte sæpe nasci. De qua re, *lib. Instit. part. 3. sect. 3. c. 15.* dictum. Non est facere salem, cum ex urina animalium separata saltem aquositate educitur: Nò est facere salem, cum è fimo inventu aquæ secernitur. Et ubi accedit ustio, non eo sine adhibetur, ut per eam sal fiat, sed ut partes sulphureæ & aliæ secernantur, solusque sal relinquatur. Et cerrè pertinacem esse oportet, & à Chymia planè alienum, qui salem in rebus naturalibus, agnoscere non potest. Plantarum saltem generationem & augmentum quilibet diligenter cõsideret, & quid ad earum fecunditatem & felicem proventum & augmentum faciat, perpendat, & inquiret, cur in agro stercoreto felicius plantæ proveniant. Causam inveniet esse in primis, urinam animalium, quæ maximam partem salis continet: & non ignorare poterit, nihil hic artificii Chymici con-

currere, sed totum illud opus naturale esse.

*Salis autem proprietates* quod attinet, sal primò est primum sapidum & gustabile. Et omnia, quæ saporem habent, eum propter salem habent. Atque ad id probandum multis rationibus opus non est; sicut nec ad probandum ignem esse calidum, sed sensus id testantur. Ubi enim sapor deprehenditur, ibi sal est: & ubi sal, ibi sapor. Etsi vero, ut supra dictum, nonnulli ex Elementis saporibus deducere conati sint: tamen frustra hoc tentasse, non solum Chymicis, sed & Peripateticis & Galenicis doctissimis visum est. Quà de re quin locum Scaligeri, *ex 1. lib. de plantis*, quem supra *cap. 8.* allegavi, hic repetam, facere non possum. Ita autem ille: *Prima qualitates penè ab omnibus existimate sunt saporum causa: tamen si nobis aliter videtur. Nam si sapor à calore sit; ergo calidum elementum primò & per se sapidum existet. Quid quod multa mista calida insipida. Quod si quis dicat, ex quatuor qualitatum temperatione confici saporem: respondeat, an in elemento quoquam, quod elementum est, sapor insit. Non sane inest. Ceterum quemadmodum neque vita prodit ab elementis, neque risus, neque sensus, neque intellectio, neque crementum, neque motus voluntarius, sed à formis aliis, quàm elementaribus: ita sapor quoque. Hic tamen notandum, hoc principium nomen accepisse à sale esculento, ut omnibus notissimum, & ita nomen speciei.*



cisi generi tributum : Verum non solum sal esculentus sal est, sed & qui est in sinapi, cochlearia, raphano, allio, aceto, bile, alumine, vitriolo & similibus sapidis Nec hoc prætereundum, olea destillata multa quidem sapida esse, ut succini, cinamomi, carvi & plurima alia. Verum id non accidit ob sulphur, sed ob salem volatilem, quem commixtum habent, qui etiam levissimo calore elevatur. Et quia gustus & tactus cognati sensus sunt, & cognata objecta habent, ita ut nonnulli hoc duos sensus pro eodem habuerint : etiam sali merito ascribitur acrimonia, & quæ tactum vellicat, id salis beneficio præstant. Hinc vis etiam oculis mordicandi in fumo, raphano, nasturtio, cæpis, allio, & similibus à sale volatili. Secundò salis proprium est, in humido liquecere & in sicco coagulari, quod terræ nullo modo competit. Est enim, ut etiam supra dictam, terra in aqua dissolvitur : tamen nunquam liquefit in ea, ut sal; multò minus in aëre humido, in quo sal quoque liquefit. Tertiò à sale rerum naturalium concretionem & coagulationem provenire. Chymici docent, & à sale Crystalli concretionem, adamantis duritiem, metallorum robur, auri soliditatem, ossium, arborum & herbarum consistentiam absolvi statuunt.

Qua de re, & quid veri statuunt Chymici, omnino disquirendum : cum magni momenti, & quæ mul-

tos exercuit, quæstio sit, & ad doctrinam de generatione calculorū in corpore humano & aliorum animantium, ut & plurimarum animalium rerum explicationem multum faciat. Verum quæstionem hanc aliquo modo difficiliorem nobis reddit Andr. Libavius : in quo hic, non sine causa, constantiam in sententia desidero. Nam dum contra Riolanum disputat, in *Alchym. Triumph. c. 90. p. 857. & seqq.* eorum opinionem admittit, qui salē primam causam concretionis statuunt, & mirabilem esse formationem in salium generibus vel ocularis etiam in vitriolo, salenitro, & aliis cerni scribit; imò invehitur in eos, qui experientiam in talibus non consulunt. Contra ubi contra Hartmannum, Chymicum clarissimum, scribit, in *examine Phil. vital. c. 31 & 32.* prolixè eandem sententiam impugnat : & concretionis, coagulationis, solidationis causam salem esse negat. Nec illud admittit; quod Crystalli salis propter salē concrefant figuris cubicis, oblongis, angulosis.

Ut autem brevitati studeamus, Chymici pro sua sententia stabilenda, plurima, quæ in natura sunt, adducunt : ea scilicet; quæ in mari concrevant plurima, corallia, vororum testas, aquas lapidificas, vitriolum, alumen, & aliorum salium coagulationes, & in ipsa aqua concretionēs : Salium ex ossibus animalium & cornibus in destillatione proventum copiosum, & calculo-

rum in corporibus animalium concretionem. Sæpè etiam calculosi urinam reddunt, quæ mucum planè & albumè ovi refert: qui humor mucosus linteo exceptus in lapidè concrefcit; quem sale copiosissimo abundare, ex eo patet, quod acris est, et odit, & summos dolores urinam reddentibus parit. Et licet vulgò multi è qualitatibus primis talium concretionum & coagulationum causas reddere conantur: tamen frustra laborant. Nam nec exsiccatio, nec calor, nec frigus hic locum habere possunt, ut primariæ causæ, (nam ut causam sine qua non concurrere posse, non negamus, dū scilicet calor aquam, quæ concretionibus obstat, absumit) neque à quoquam hætenus monstrari potuit, quomodo calor talem concrefcendi dispositionem generare, & succū lapidescentem producere possit. Imò fit hoc etiam, ubi omnis calor abest, & ut Platerus ait, in frigidis etiam & membranæ locis, & in infantibus, ubi nullus est caloris excessus, sed manifesta potius cruditatis indicia apparent, in vesica calculi generantur. Et quomodo, quæso, in fontibus frigidis, in quibus ligna in lapides mutantur, succus lapidescens à calore generatus est? Deinde frigus quod attinet, non semper in loco frigido, vel minus calido calculi concrefcunt; cum & in capite & in pulmonibus circa basin arteriæ magnæ in cordis arteriis, imò in corde reperti sint. Neque etiam per accidens, humidum ex-

siccando, hæc concretionis causa sunt. Nam & in aqua in quibusdam res lapidescunt: quarum historias collegit Anshelm. Boetius de Gemm. lib. 2. cap. 300. Et in renibus ac vesica, ubi nunquam humor deest, & talis exsiccatio cogitari non potest, lapides generantur. Et lotia excepta in frigido loco asservata, citius lapidescunt, quam in calido. Refert etiam Scaliger, exerc. 108. sect. 3. quendam humorem pituosum eminxisse, qui dum mingeretur, albuminis mollitie erat, emissus vitri duritie ac splendore. Et Senatoris cujusdā filium ejecisse pultis modo multos & maximos lapillos, qui à æris contactu postea in gypseam cum specie tum firmitatem concrevere. Idem probant lapides Ruptorii, à Chirurgis parati, qui ex lixivio componuntur, & ferè merç sal sunt, qui antequam liquor omnis absumptus est, concrefcunt, nec calor vel frigoris vi primario, sed interno principio. Frigus enim, dum constringit, per accidens homogœna congregat, & ita facit, ut quæ ad concrefcendum aptitudinem habent, congregata facilius coeant. Non tamen hoc semper necessarium est, sed etiam in aqua ferventissima fit concretio, sicut in salinis, dum sal coquitur, videre est, ubi ex aqua adhuc ferventissima sal concretus eximitur. Neque hic ad ullas ab igne impressas qualitates recurrere licet. Cum, ut ex Platero dictum, & multis exemplis monstratum, talis fit concretio, ubi nulla præcessit austio.

adustio. Neque etiam monstrari potest, quomodo ab ignis siccitate concretio, quæ in igne corpore rarissimo nulla est, pendere possit. Et sunt multæ res salibus potētia longè ficciores, ut spiritus vini, olea destillata, quæ tamen nunquam salium more concresecunt; quia scilicet nihil commune habent siccitas & concresecendi vis; neque hæc ab illa pendet. Ipse quoque Libavius, *alleg. loco in Exam. Phil. Vital. p. 220.* dum contra Chymicorum sententiam, disputat, hujus rei documentum, quod Chymicorum sententiam confirmat, assert. *Avium, inquit, ventriculi resolvunt lapillos & gemmas satis duras, quæ aves deinde simum reddunt sale nitroso prægnantem, quo & calculi humani atteruntur.* Non tamen omnes aves simum sale nitroso abundantem reddunt, sed quædam saltem, neque eæ solum, quæ calidissimos habent ventriculos, sed quæ ob peculiarem ventriculi *ιδιοσυγγεσιαν* calculos plurimo sale, qui ipsis concretionem præstat, constantes, resolvere possunt. Ideoque in earum imprimis simo, quæ tales calculos conquerere possunt, sal abundat. Sicut & ea pro Chymicis facere videntur, quæ, *lib. 2. Epist. Chym. epist. 8. & 9.* habet, & inter alia & hoc, quod scribit, *Oleum plumbi coagulari non ita ab aqua, ac acerrimo vitrioli spiritu; & adhuc acriore oleo* (ut vulgò appellare solent, neque enim propriè oleum & sulphureum est, sed metallum resolutum) *stanni.* Quæ quidem non id præstant acrimoniâ,

& quatenus acria, sed quatenus sale constat, & spiritum figentem habent. De corallio etiam vulgaris est sententia, id sub aqua molle esse, in aère durefcere: at jam sub aquis corallia dura esse, probat observationibus aliquot Beguinus, *in editione Jeremie Barthis pag. 188.* De quo quidem ego mihi hic iudicium non sumo; cum res non nisi experientiâ definiri possit. Quocunque tamen modo concresecunt corallia, interno principio ea concrefcere, certum est.

Quibus experimentis omnibus adducti Chymici, frustra semper, & præcipuè in rerum concretione, ad externas causas recurri censent. Cû potius & magis plerumque ad internam materiæ dispositionem respiciendum sit: qua tam in corpore humano, quàm extra lapidescere res statuunt.

Neque enim materiæ secundæ, ut materia prima, saltem ad patiendû dispositæ sunt, sed & ipsæ ob formas, quibus præditæ sunt, easque non otiosas, suas ad agendum dispositiones habent, ut in Elementis manifestum est. Ac materiæ tales, non, ut artificiales, suam perfectionem à causâ externâ accipiunt, sed à suâ formâ. Hinc etiam sal concretionem, qui ipsi naturalis est, (solutio verò fit ab humido aqueo admisto) non à calore vel frigore habet, sed à suâ formâ, quæ est sui domicilii architecta. Et longè alia est ratio gelationis aquæ, quæ fit ab externo frigore.

Et dum pro ista sententia, ut & aliis confirmandis experimenta ejusmodi adducunt Chymici, nil contra Philosophorum leges peccant. Docet enim Aristoteles, *1. poster. Analyt. cap. 15.* quod discimus non solum demonstratione, sed & inductione, & quod ob sensum deficientem scientiam quoque deficere necesse est. Etenim etsi dum concretionis corporis alicujus naturalis causam quaero, eam per demonstrationem comparare debeo: tamen cum *πεῶτων δεικνόν* & principium concretionis inquiri, id demonstratione fieri non potest, sed per sensum. Ita, corpus aliquod mistum esse calidum, proba per demonstrationem; quia ignem in se continet: sed quod ignis sit *πεῶτων δεικνόν* caloris, id non per demonstrationem scio, sed per inductionem; quia omnem ignem, quem tango, calidum esse deprehendo. Itaque cum experientia testetur, res omnes, quæ concrescunt, salem continere, & ubi sal non est, nullam fieri concretionem: rectè inde Chymicos probare puto, salem *πεῶτων δεικνόν* esse concretionis. Quod qui negat, aliud *πεῶτων δεικνόν*, à quo sal naturalem illam aptitudinem promittit concrescendi habeat, monstrat necesse est, causamq; aliam reddat, cur crystalli Tartari & sales plantarum, cur nitrum, vitriolum, alumen & similia in ipsa aqua concrecant.

Non tamen ex solo sale duritiem provenire, sed ex sale & terrestri

materia conjunctis, & quidem utriusque certam proportionem requiri existimant. Terrestris scilicet portionis quantitatem eam, quæ impedire possit, ne sal ille unius solvatur: salisque rursus tantam, ne terra pulveris instar dilabatur & diffuatur. Ideoque maximam salis quantitatem non posse nimis parvâ terrestrem portionem in lapidem vertere. Quò tamen, debita proportione servata, plus salis habet materia terrestris, eò magis compingitur & indurescit: Sicut hoc manifestè videmus in muris ex calce & lapidibus compactis, qui longè sunt firmiores, quam muri ex lapidibus & limo compacti. Simili modo rem se habere dicunt, ut in iis, quæ frigore congelantur. Sicut enim lutum aquæ mistum à frigore duritiem ferè lapideam acquirit; & glacies absque glutine alieno, quod in corpore simplici nullum datur, coherentiam ac duritiem acquirit: ita in lapidibus, idem præstare dicunt salem, qui in glaciei vel crystalli speciem congeletur atque induretur. Idque etiam probare videtur hoc, quod si quis accipiat cineres, eosque abluat, & salem inde separerit, deinde igni committat, nunquàm lapidescere animadvertet: Si verò salem à cineribus non auferat admista aquâ, lapidescere ad ignem deprehendet.

Libavius verò contra hanc sententiam, in *Examiniè Philosophiæ vit. c. 31.* prolixè disputat, & salem seu fixationis, seu compactionis, seu coagu-

coagulationis, seu solidationis, causam esse negat: Quæ omnia hic in medium afferre, prolixum nimis foret.

Verùm ut de istis, quæ ex Chymicorum mente & vulgatâ doctrinâ hæctenus proposui, sententiam meam aperiam, & rem paucis complectar. Primum hic multæ æquivocationes occurrunt, & propterea frustra in causis coagulationis & concretionis investigandis laboratur, nisi æquivocatio tollatur. Nam concreta & congelata nõ sunt ejusdem generis. Dicuntur enim & succi concresecere & gummi & aqua, & alia plurima. Solida etiam multa. Est solida glacies, & lutum gelu concretum; Sunt crystalli; sunt vitra; sunt metalla solida; quæ omnia ab una causa non fiunt. Nam nimum simplex est, qui aquam & crystallos ab eadem causa duritiem habere & concrevisse putant.

Et sunt alia multa congelationis, concretionis & coagulationis exempla, in quorum causis reddendis an animo veritatis avido vulgò satisfiat, iis, qui absque anticipatis opinionibus de rebus judicant, perpendendum relinquimus.

Ut ergo de his distinctè agamus, & nostram sententiam proferamus, non hic quæstio est, de iis, quæ sola siccitate coagulantur & dura fiunt, absque humilitate, quæ antea diffluebant aut emolliiebantur; aut quæ sua natura concreta fuerant, calore verò fluida reddita, quæ rursum frigore accedente concresecunt:

Sed cum multa etiam in humido coagulari & concresecere videamus, & causam neque in exsiccationem, neque in calorem, neque in refrigerationem referre valeamus: de alia potius & interna causa cogitandum est.

Duæ autem concretionis species hic nobis perpendendæ sunt, quæ accidunt, nulla parte materiæ propriæ demtâ vel alia additâ, sed tota è liquida fluiditate consistentiâ accipiente & concresecente. Ad quas distinguendas etsi nominibus commodis destituamur, non tamen parum differunt. Unam concretionis speciem Chymici Germanico vocabulo appellant *Schteszen*: quæ coagulatio propria est salium. Quo modo videmus vitriolum, alumen, nitrum, sales ex plantis paratos, salem in destillatione succini, urinæ, cornuum & ossium concresecere, & ex fluiditate in consistentiam mutari. Et sunt hujus concretionis exempla passim in rerum natura plurima: in quibus omnibus concretio fit, sine exsiccatione in ipso humido. Etsi enim pars aquæ coquendo interdum absumitur: fit tamen hoc saltem ob faciliorem concretionem. Nam homogœnea heterogœneis remotis facilius uniuntur. Multò tamen plus aquæ relinquuntur, quàm quantum ad consistentiâ, si quis forsân idè eam relinqui putet, necessaria est, & tantum quidem, ut nulla exsiccatio hic fieri possit. Imò etiamsi nihil aquæ evaporet: tamen & nitrum, & vitriolum,

& crystalli Tartari sponte sua con-  
crescunt; etsi longiore paulò tem-  
pore, quàm si aliquid aquæ separetur.  
Quibus qui fidem habere non vult,  
lucrum aliquod tamdiu in aqua co-  
quat, quam diu volet, & videat, an  
aliquid salis postea concreturum  
sit. Neque solum crescunt hoc  
modo & coagulantur sales; sed &  
certis figuris crescunt, & mira-  
bilem formationem habent, ut ipse  
Libavius, in *alchym triumph pag. 85.*  
loquitur: alia nimirum nitrum,  
alia vitriolum, alia aliud.

Atque hæc concretio salium pro-  
pria est, & natura sua ad talem coa-  
gulationem & concretionem tendunt.  
Quod cum neget Libavius, in *Exam. Phil. vit.* experientia & sibi  
ipso obloquitur. Oculis enim cer-  
nere licet, quomodo sua sponte, in  
ipsa aqua, sales illi crystallini, & qui-  
dem certis figuris crescunt. Nec  
sequitur, quod objicit Libavius; si  
sal esset causa concretionis, omnia  
eandem figuram haberent. Con-  
crescere enim & coagulari salis om-  
nis est proprium. sed hac vel illa  
figurâ coagulati, hujus vel illius: si-  
cut alas habere avium est; etsi alia  
alias habeant. Omnes enim sales sua  
naturâ ad coagulationem tendunt, ob  
suam formam. Neque alia hujus  
rei causa reddi potest; sicut nec, si  
queratur, cur ignis sit calidus, alia  
causa reddi potest; quàm quod sit  
hæc ejus natura, & quod talem for-  
mam, à quâ caliditas fluat, habeat.  
Sed cum alia forma & natura speci-  
fica sit nitri, alia vitrioli, alia alumi-

nis, alia salis communis: quilibet  
sal secundum suam formam, à Spi-  
ritu formativo sibi proprio, hac vel  
illa figura crescit & coagulatur,  
quomodo & ipsæ gemmæ certis fi-  
guris crescunt, ut supra etiam,  
*cap. 9.* dictum. Forma enim quæ-  
vis & statuit magnitudinē terminos,  
& certam dat cuique corpori quan-  
tatem ac figuram, ut recte docet  
Zabarella, *lib. 2. de materia prima c. 9.*

Qua in re utpote verissima me  
doctissimos & in reâ natura versa-  
satissimos viros ad stipulatores ha-  
bere planè persuasum habeo. Ut  
de aliis non dicam, vir si quis alius  
in natura lapidum & gemmarum,  
indagandâ diligentissimus, Anshel-  
mus Bœcius, cum *lib. 1. de gemm. c. 13.*  
de crystalli figura sexangula ratio-  
nem reddere conatus esset, tandem  
veritate adactus concludit: *Sed  
ut ingenue fatear, mihi non planè satis-  
facio, & naturam, ut crystallus hæc no-  
tâ ab aliis gemmis distingueretur, hexa-  
gonam figuram dedisse autumo; non se-  
cus, quàm frondibus arborum, & her-  
barum floribus peculiare suas figuras,  
quæ ab Architectonico spiritu & forma-  
trice facultate ignoto nobis modo fabri-  
cantur. Et cap. 15. Deum opt. max. cer-  
tas figuras aut formas extrinsecas, qui-  
bus ab aliis discernentur, certosq; co-  
lores, quibus ornarentur, dedisse existi-  
mo; & proinde neg, à primis, neg, à se-  
cundis qualitibus, neg, ab elementor-  
um certâ commixtione, eorumq; varia  
coctione, aut ex albi & nigri, tanquam  
ex lucis & umbra confusione eos prodi-  
re, sed potius ex proprio seminario, ex  
quo*

quo forma extrinseca oritur, mihi persuadeo.

Andreas Cæsalpinus quidem, de Metallis lib. 2. cap. 19. aliter hæc de re sentit, cujus verba integrâ hic adscribere libet; cum ex iis facillè pateat, quàm infeliciter magni etiam viri laborent in rerum earum causis ex elementis reddendis, quæ tamen in elementorum potestate non sunt. Ita autem ille: Sed illud admiratione dignum videatur; cur crystalli ex angulâ figurâ perpetuò oriantur, nunquam aliter. Ab una enim veluti radice multi egrediuntur sexilateri in cuspide desinentes; siccantur autem latera propè mucronem angulis rectilineis adeò exactis, ut ab artifice imitari vix possint. Corporibus verò inanimatis figuram certam adscribere non videtur rationi consentaneum: ad virtutem enim organicam pertinet certam figuram efficere: idè solis animatis inest, anima alicujus gratia agente. Patet autem figuram determinatam organicam esse, non similarem, quia qualibet pars pyramidis non est pyramis: similia igitur corpora per se non habent determinatâ figuram: Quoniam verò omne corpus figuratum esse oportet, particula humidorum cum per se fuerint, rotundæ fiunt, ut aqua guttulæ, aut à continente figurantur: sicca autem, qua contigerit discindi, talem figuram servant. Quæ igitur in discissione ordinatam habent divisionem, ordinatam etiam figuram retinere necesse est, quæ variâ, variari etiam figuram. Divisio autem solidorum corporum aliquando fit ordinata, ut quæ in crustas solvuntur,

ex quibus coagmentata sunt: aliquando in varias fortuitò, ut cum frangitur malleo lapis. Potest verò & divisio fieri in coagulatione, dum humida adhuc sunt corpora. Si enim in coagulatione partes in diversa tendant, divisionem fieri necesse est, & pro divisione figuras determinatas, perinde ac in exiccatione soli palustris: Scinditur enim in multas rimas, unde figura diversa contingunt. Simile quid contingere putandum est in crystalli coagulatione. Succus enim lapidescens cum totum spatium impleat loci, in quo est, in coagulatione discedentibus in diversa partibus terrenis, & ad latera saxi continentis attractis, agglutinatisq; figuram quòq; faciet in concretis lapillis, quæ apta nata sit spatium replere. Si igitur non uniformiter, sed vario modo divisiones contingant, etiam varietatè figurarum implebitur spatium. Si autem uniformiter, quod ob puritatem, & equalitatem succi contingit, necesse est unum genus figuræ oriri in omnibus, quæ apta nata sit spatium implere. Tres autem sunt hujusmodi apud Aristotelem 3. cæl. 66. triangularis, quadrangularis, & hexagona. Non fit triangularis, quia medium non habet, ad quod tanquam ad centrum undiquaq; equaliter constringantur partes. Nec quadrangula; quia imperfecta, oriens tantum ex duabus lineis se invicem secantibus ad angulos rectos. Quamvis autem quatuor quadranguli in unum veluti centrum coeant, relinquuntur tamen quatuor anguli à centro remotissimi. In omni enim coagulatione partes undiq; in idem coeuntes quàm maximè accedere ad circu-

lum exoptant. Relinquitur ergò ut sola hexagona fiat. Sola enim perfecta est, quia fit ex triplici divisione superficiei ad angulos acutos, sex triangulis in unum veluti centrum coeuntibus, ut omnes anguli externi majores sint recto, ideò ad circuli naturam propè accedunt. Inspicere quoq; licet in glacie angulos acutos, cum aquae superficies concreverit. Nam lineae quaedam conspiciuntur nunquam ad angulos rectos, sed acutos concurrentes, ut ex hujusmodi positione linearum trianguli videantur inchoari; hi autem hexagonam constituunt triplici divisione secundum lineas Parallelas. Si autem hujusmodi superficiei divisio in profundum tendat, corpora instituet sexilatera, ut patet. Fleuntur autè in crystallo juxta cuspidem latera, deficiente materia, quae ut cum purior quoq; fit, & magis constringitur & clarior apparet. Crassior enim & turbulentior & plenior ad radicem concrefcit, ideo plerumq; in ea parte non pellucidi sunt crystalli. Idè contingit in adamante, & pleriq; gemmis translucidis. Contingit quoq; lapidibus quibusdam ignobilioribus, ut hematè, gypso: praeterea salibus quibusdam & Saccaro Candò. Omnia n. haec similem habent concretionem, sed ob materiae impuritatem & perturbationem figura minus distinguuntur. Haec Cæsalpinus. Verum quam parum ista animum veritatis avidum fatient, quilibet facillè intelligit, cui mens ab anticipatis opinionibus libera est. Neq; enim sales & gemmae antea solidae fuerunt, sicut terra, quae exiccata in multas partes scinditur, & rimas agit & hincit, ut par-

tes has figuras acquirere fisione & divisione possint: sed in ipsâ primâ generatione in has figuras concrefcunt. Effugere quidem nititur hanc difficultatem Cæsalpinus, & succum lapidescentem totum spatium loci, in quo est, implere dicit. In coagulatione autem discedentibus in diversa partibus terrenis, & ad latera saxi continentis attractis, agglutinatisq; figuram facere in concretis lapillis, quae apta nata sit spatium replere. Verùm difficultatem hoc modo non declinat. Nam primò in salibus, qui etiam in aquis concrefcunt, causa ista nullo modo locum habere potest. Si enim hæc causa esset, non ita uniformes, & regulares fierent figurae, etsi succus esset purissimus: sicut nec rimarum terræ, nec aliarum rerum maximè homogenearum, quae hoc modo rimas agunt, figurae sunt semper eadem, sed planè variæ. Cum enim illa scissio sit fortuita, nec ad Geometriæ leges fiat, certè causa crystallos formæ hinc reddi non potest, quae ubicunq; & quodocunq; generantur, eandem figuram exactè obtinent. Et causa omniq; reddenda est Cæsalpino, qui fiat, quod eò loci, ubi Crystallus generari debet, semper hexagonâ figurâ terrenæ partes in diversa discedant, non verò ubi adamantes generari debent. Neque etiam semper ad latera separatur terra, in quâ crystalli generantur, sed sæpè in agris reperitur crystal- lus; sæpè saxi adhæret sine terrâ ambi-



ambiente. Neque quicquid etiam comminiscatur Cæsalpinus, causam reddere potest, cur tam regulares sint illæ figuræ, & superficies tam exactè æquales, & planæ, ut ab artifice politæ videantur. Et frustra se torquet in causâ reddenda, cur crystallus figurâ sit Hexagonâ, non verò sphericâ, quæ adhuc perfectior est (nam secundum eum discursum rotundam potius figuram habere deberent crystalli). Neque etiam causam reddere potest, cur hoc saltem in crystallo fiat, non in aliis gemmis. Nam gemmæ & lapides illi, quos fluores appellant, in quibus metalla crescunt, non hæc solum, sed plurimis aliis figuris concrescunt, nunc globosâ, nunc quadrangulâ, nunc pentagonâ, nunc aliis. Et ipsemet ex minera vitriolata Schmidbergensi crystallos figura octoedri exactissimâ concretos habeo, quorum etiam supra *libri hujus cap. 9.* mentionem feci.

Sed ut institutum redæamus, Hactenus sales ob peculiarem suam formam ad concrecionem tendere diximus, & concrecionis saltem, causam inquisivimus.

*Soliditatis  
& duritiæ  
causa.*

Verum cum sales per se soliditatem non habeant, sed faciliè frangantur, & liquecant: Gemmæ verò, lapides & fluores, ut appellant, Metallici, lapides in animalibus, ac similia non solum concrecant ac certa figura consent, sed & solida ac dura sint, nec in humido liquecant: An illa non solum con-

cretio ac figura, sed & soliditas ac firmitas, ac ut sic dicam, lapidescentia, à solo sale fiat, porro inquirendum. Quam in re & in causis lapidescentiæ inquirendis, si omnibus non satisfecero, mihi cum magnis viris, qui in hac quæstione laborârunt, id commune accidit. Ut de aliis jam non dicam, accinxit sese anno Christi 1596. Vir doctissimus, Jacobus Moccius, Professor Friburgi Brisgoiæ, ad hanc rem, & de causis concrecionis & dissolutionis rerum tam extra quàm intra corpus humanum tractationem in tres partes distributam promisit. Verum hæcenus tantum primam partem, quæ historica est, videre contigit. Si tertiam partem, in qua sententiam suam ea de re se prolaturum promittit, videre licuisset, forsàn quod me in hæc parte juvare potuisset, in eâ invenissem. Hoc interim certum est, quod omnes illas, quas collegit Moccius, concrecionis historias ad frigus & calorem nemo deducet. Atque hoc fieri non posse & frustra tentari, Viri Philosophi & Medici doctissimi, Matthiolus, Fallopius, Anshelmus Boëtius, & alii plurimi agnoverunt, & vel spiritum lapidificum, vel exhalationem eundem deferentem, vel succum lapidescentem efficientem concrecionis gemmarum & lapidum causam constituerunt, & quidem spiritum illum seu formam non ex quatuor Elementorum combinatione, aut illorum temperie, cooperantibus primis

vel secundis qualitatibus nasci, sed à Deo Opt. Max. ut aliarum rerum formas ac semina, constitutum & creatum ac terræ infusum esse docuerunt, ut apud Anshelmum Boëlium, *lib. 1. de lapid. ac gemmis cap. 11.* videre est. Quorum sententiam si quis cum Andréæ Cæsalpini *de metall. lib. 2. c. 1.* opinione conferre velit, facile agnoscet, quantum distent æra lupinis. Etenim si lapides & gemmæ generantur, dum terra & humor in naturam exhalationis convertuntur ab igne & Sòle, & ita siccum cum humido unum fit; quæ exhalatio ubi apprehenditur ab aquâ, imbibitur omni ex parte, ibiq; hæret, & partis per partem agglutinatione concrescit in certam consistentiam resiccato humido: cur non ubivis locorum lapides & gemmæ generantur, sed certis in locis saltem: cum tamen ferè nullus locus sit, in quo non & materia & efficiens lapidum ex mente Cæsalpini dari possit? Quomodo etiam lapides sub aquis nascuntur, in quibus humidi exiccatio locum non habet?

Sed his iis, quibus placent, relictis, illorum, quos dixi, doctorum virorum, qui inter Philosophos & Physicos non postremum locum obtinent, vestigiis ego insistens, simul tamen cuique suum iudicium relinquens, ut rem in pauca redigam, statuo, duplicem concretionem esse, unam salium, quæ Germanis, ut dictum, *schieffen* dicitur, & in sale esculento, nitro, vitriolo,

alumine & omnibus salibus ex plâtis paratis apparet, quæ duritiem, qualis quidem in lapidibus est, rebus non præstat, cujus causa proxima & adæquata est forma salina: Alteram lapidescentiam (non illâ, quâ igne vehementi terra in duritiem lapideam, dum lateres fiunt, induratur, sed qualis spontè ab interno principio provenit) cujus proxima causa & adæquata sunt neque elementa, neque principia Chymica sola, sed succus, seu spiritus lapidificus ille in specie ita Fallopio dictus, qui quamvis non sit sine sale, plus tamen in se continet, quam sal, sicut hic ordo est in natura, ut à simplicioribus semper progressus fiat ad magis composita. Atque hic inest omnibus lapidibus & gemmis; secundum tamen formas earum specificas, ut & materię diversitatem, variarum coagulationum secundum duritiem & figuras causa est: sicut etiam spiritus infusus in omnibus viventibus est, secundum tamen cujusq; plantæ, vel animalis naturam propriam diversas operationes edit. Atque sal quidem etiam in lapidibus ad concretionem facit: verum quia jam non sola salis forma hoc munus perficit, sed superiori formæ, lapidis scilicet hujus vel illius inservit, non etiam talis fit concretio simpliciter, qualis in salibus, sed qualis lapidibus propria, adamantini scilicet, crystallo, & aliis. Diximus autem & spiritum & succum. Verum principalis vis est in spiritu,

& à spiritu succus illam habet; cum vis illa lapidifica etiam extra succū in spiritu reperitur. Sicut Aventinus, *lib. 7. annal. Bavaric.* refert, anno 1343. ex terræ motu plures quàm quinquaginta rusticos, item mulgentes cum vaccis extinctos diriguisse, & corpora cum spiritu tereno in salinas statuas redacta fuisse. Ita ferunt in Britannia ad Avernum speluncam esse, in quam quicquid aquarum influit, coagulatur in lapidem. Et Philipp. Cameraarius, in *descript. Ptolom. augmento sive occidentali notitia Centur. 2. cap. 70.* ex Cornelio Wietstietio narrat, de aura meridionali certis anni temporibus flante in montanis provincia Chilenfis in Armenia, cujus quidem afflatu integræ equitum turme velut in statuas lapideas repente obriguerint, steterintque in via eo aciei ordine, quo ante metamorphosia adhuc vivi iter fecerunt. Cui similis est historia, quæ ab Ortelio refertur, in *descriptione Russie*, de psecudum gregibus & armentis illi- cò petrefactis.

Hic spiritus lapidificus, aut succus lapidescens cum passim in terra & aqua reperitur, & terra quævis plantarum ferax purimum salis in se contineat, qui plantis in alimentum cedit: non mirum est, quod succus ille lapidescens, aut sal coagulans, si non rectè separatur & excernatur, postea in corpore humores excrementitios, quibus conjungitur, in lapideam duritiem facile convertat. Ex hoc etiam spiritu &

succo semina quædam lapidea, quæ coctione nec eliquantur, nec emolliuntur, maximam partem constare, credibile est. Imò cum pars quælibet sibi simili succo nutriatur, quicquid in alimentis est ejusmodi succi & spiritus & salis coagulatur, in animalibus ad ossium, testarum, lapillorum, quales in hirundinibus, conchis, astacis, & aliis plurimis inveniuntur, constitutionem & generationem consumitur; Id quod ipsa resolutio ostendit: Cum talia pleraque serè nihil sint, nisi sal; aut certè copiosissimum salem exhibeant. Atque ejus rei documentum præbet lapis, quem osteocollam nominant, qui admirabilem in ossium fracturis sanandis vim habet, si drachmæ dimidiæ pondere cum vino aliquoties exhibeatur. Cum enim proculdubio carnibus & aliis partibus mollioribus assimilari non possit: ab ossibus ob majorem cognationem attrahitur; qui fracta ferruminat. Quamvis enim quod de ossibus, cornibus & testis animalium diximus, in dubium vocare conatur Libavius; dum salem copiosorem ex carnibus & aliis mollioribus partibus, quam ex ossibus sæpe à Chymicis elici posse scribit; tamen fidem in hoc non meretur. Consulatur experientia, & rem contrario modo se habere, planum fiet.

Atque hic spiritus lapidescens & concretivus postea etiam metallis, jam uno gradu post lapides constitutus, inest. Unde à spiritu plumbi  
Argen-

Argentum vivum coagulari videmus. Et hinc facile est causam reddere, cur passim in thermis, acidulis, fontibus salis, & similibus, styriæ, tophi & lapides canalibus accrescant. Ex iisdem etiam causam reddere non difficile erit, quomodo ex cineribus & arena vitra fiant; quomodo ex luto, seu terra, non quavis, sed sui generis, lateres & ollæ conficiantur.

Salium tandem differentias quod attinet, satis est, si salium primas differentias, quas natura nobis exhibet, recenseam, id est, ea corpora, quæ maximè salina sunt. Nam, quod sæpe dixi, si Peripateticis integrum est, corpora, in quibus unum Elementum maximè abundat, pro elemento simplici ostendere, quidni etiam Chymicis hoc liceat? Et in primis cum principia illa non facta sint, ut peculiare per se corporum naturalium species constituerent, sed rebus aliis concreata sint, ut iis materiam præbeant. Et monstrent illi sua corpora ex elementis sibi invicem mixtis aliis simpliciora, & magis exquisitè simularia; & Chymici monstrabunt illis salium Chymicorum principium. Interim satis est, si obtineant, dari naturam salinam simplicissimam, quæ nunc minus, nunc plus aliarum rerum admistum habeat, minimum in sale esculento fossili, plus in marino Sodomitico, ut & vitriolato & nitroso. Quam illam ipsam essentiam salinam, quæ est tam in sale fossili, quam coctili, quam marino, nitro,

vitriolo, salinum Chymicorum principium esse, non immeritò statuitur. Dum autem vulgò Chymici statuunt, nullum dari principium simplex atque solum, quod de reliquis non participet, id vel de principis non simplicibus, sed corporibus solum, in quibus ea abundant, accipiendum est, vel ut falsum rejiciendum. Nullum enim principium ex alio fit, vel in aliud resolvitur. Et sanè permistio illa varia est, & sal in variis plantarum & animalium speciebus variè alteratur, & rei cuique proprius redditur; sicut & in humorum corruptione variæ differentiæ apparent. Est sal in vitriolo, alumine, sale armoniaco, ferro. Est sal volatilis in urtica, persicaria, aro, dracunculo, chelidonio minore, armoracia, sedo minore, cochlearia, nasturtio, thlaspi, sinapi; Est sal in humoribus, qui pruriturum, scabiem, cancerum & alia ulcera erodentia excitant. Sunt & sales factitii, Borax factitius, sal ammoniacus factitius, alembrot & similes.

*Sulphur* Chymicorum alterum, *Sulphur* principium est. Sulphuris autem proprium est, esse  $\Phi\lambda\omicron\gamma\iota\sigma\tau\upsilon\nu$ , & nil sine sulphure inflammatur. Elementa verò pura, ut ignis & aër, non inflammantur, ut & supra dictum est, & si inflammari videntur, fit hoc ob vapores sulphureos admixtos. Et quod in re inflammata videtur, non purus ignis est, sed cum res comburitur, sibi quod vulgi oculos fallit, non animos latet sapientum,

tam, sumit ac servat ignis, ut Scalig. *Exerc. 9.* loquitur. Eidem attribuitur odor; & sulphur primum odorabile statuitur. Reliqua omnia talia sunt propter sulphur. Etiam si verò odor in multis sulphureis non percipitur, id fit saltem in integris: in resolutis verò manifestissime percipitur. Sicut enim vinum actu frigidum apparet; etsi sit calidissimum, ut ex spiritu vini inflammabili, qui ex eo elicitur, apparet: ita sunt multæ res odoratissimæ, quæ tamen integræ nullum de se odorem emittunt, nisi contritæ vel accensæ. Hinc etsi sulphur & pinguedines integræ odorem multum non spirant: tamen ubi accenduntur, & præcipuè ubi in fumum mutantur, odor satis percipitur, quod vel ex candelarum extinctarum fœtore satis animadverti potest. Et quantum fœtorem exhibeant pinguedines accensæ, nemini ignotum. Ipsum opium etiam satis gravem odorem habet, & moschus, quò in minores partes resolvitur, eò plus odoris spirat. Neque semper in rebus odoratis partes sulphureas abundare necesse est. Sæpe enim in exigua quantitate est magna virtus, sicut & sales aliis alii acriores. Neque sulphur semper in formâ oleosa & pingui apparet, sed sæpè etiam in spirituosa, ut in spiritu vini videre est. Ita in rosis minima quantitas est spiritus *Φωφισ*, sed is valde odoratus est, ut aliqua ejus guttæ magnam etiam aquæ copiam odoratam reddant. Etsi verò nonnulli odores & sapes subjecto conjungunt; & odorem partis lapidæ esse dicunt: tamen experientiam consulenti aliud manifestum fiet. Dantur enim res lapidissimæ & acerrimæ, quæ nihil, vel certè minimum odoris habent. Quanta corro dendivis & acrimonia sit in Arsenico, Mercurio sublimato, & aliis mineralibus, oleo virrioli, dracunculo, aro, ac similibus notissimum est: in quibus tamen nullus vel exiguus odor est. Nonnulli etiam primum coloratum faciunt, & probabilius quàm illi, qui soli colores tribuant. Verùm de coloribus res difficilius est. Etsi enim Aristorelis interpretes nonnulli ex elementorum commixtione colores deducere conantur: tamen nihil, quod etiam in specie aliquam probabilitatem habeat, afferre possunt, nec docere, qualis sit elementorum commixtio ad colores producendos: sed ingenuè fateri necesse habent, neminem colorum singulorum causas proximas assignare posse. Liberum ergo relinquat interim Chymicis, cum meliora docere non possint, ut suo sensu abundant; & colorum principium vel sulphure esse statuunt, vel cū Anf. Boëtio Deum opt. max. ut figuras, ita & colores gemmis & aliis, quibus ab aliis discernentur, indidisse, eosq; ex proprio cuiusq; rei seminatio provenire credant. Admittatur sanè etiam illa de lucidi & opaci mixtione vulgata opinio: tamen ea Chymicorum opinionem non tollit. Illa ipsa enim inexplicabilis

bilis lucidi & opaci commixtio pro quolibet colore producendo necessaria à Deo, rerum omnium Autore, instituta in sulphure exhibetur: sicut in sulphure cupri, ferri & aliorum metallorum, ac mineralium, accenso id videre est, quorum quodque peculiarem in flamma colorem exhibet. Tale sulphur procul dubio gemmis etiam colorem attribuit: cum vero satis consentaneum sit, ipsas etiam gemmas de natura metallorum participare, ut à Chymicis id alibi explicatur. Et sufficit exigua sulphuris quantitas ad corpus alicujus gemmæ coloratum reddendum; sicut aliquot guttæ spiritus rosarum sat. multæ aquæ infusæ eam odoratam reddere valent:

Veruntamen & hic dubia restant. Nam cum colorum alii sint apparentes, quales in collo columbæ, in iride, crystallo, & vitro trigono luci obverso, araneæ telis & similibus videntur, qui non nisi ad radios corporis lucidi conspiciuntur; alii reales, qui etiam in umbra, & quocumque modo luci obversi apparent, & eodem modo conspiciuntur: omnino querendum est, an utriusque sint ejusdem generis, & an ab eadem causa originem habeant. Representatio quidem est eadem: Verum non exigua apparet differentia. In collo n. columbæ revera is color non est; guttæ etiam in iride coloris expertes sunt; sicut & vitrum illud trigonum, quod luci oppositum varios colores refert: Si v. Soli vel luci objiciantur, tales colores apparent. At in smaragdo, rubino,

hyacintho iidem colores semper seu luci objiciantur, seu in umbra aspiciantur, apparent. Verum hæc de natura colorum disquisitione operosiore tractationem requirit, quam inter alios instituit Vid. ant. Scarminlonig, *l. de colorib.* & alii: Et sunt colorum causæ atque essentia tam controversæ, atque obscuræ intellectui, quam sunt ipsi visui manifestæ, ut Scalig. *exerc. 325. sect. 1.* loquitur, latetque eorum natura in profundissima caligine inscitæ humanæ; *ibid. sect. 4.* ut quicquid etiam hic statuunt Chymici, nihil, quod à Peripateticis metuant, habeant; cum non minoribus difficultatibus ipsi premantur.

Abundant præcipue sulphure: Sulphur commune, petroleum seu naphtha; quod & succinum pertinet; sperma ceti dictum, seu pinguedo mari innatans, carbones fossiles. In plantis resinæ & lachrymæ arborum pinguium, piceæ, pinus, abietis, terebinthi, thuriferæ arboris, styracis & similibus, ac pix & oleum, quod ex iis accensis colligitur. In animalibus pinguedines. Videatur Libavius, *part 3. singularium*, ubi prolixè & doctè de bituminis speciebus differit. Bituminis autem voce generalissimè & latissimè utitur, eadem planè significatione, quâ Chymici vocem sulphuris usurpare solent.

Tandem an præter hæc duo Chymicorum principia detur tertium, & quod sit illud, quod Chymici unanimi ferè consensu pro tertio ponunt, & Mercurii nomine exprimunt, malo dicere, Non liquet, &

meam seu ignorantiam seu dubitationem ingenuè confiteri, quã pro demonstrationibus & solida veritate ea venditare, quæ dubitationibus non carere ipse scio. Interim conjecturas meas proponã. Mercurii nomen dupliciter à Chymicis accipi notissimum, interdum in specie pro argento vivo, interdum in genere pro principio cū sale & sulphure communi. In specie dicti Mercurij quid sit, planum: quid autem ille in genere ita appellatus, multis difficultatibus involutū. Etsi n. non solum Paracelsus eum inter principia numeret, sed faciat jam ejus & mentionem Isaacus Hollandus, & Fr. Basilius Valentinus, qui vixit circa initia morbi Gallici, excitati in Europa, circa annū 1493: nemo tamen, quod sciam, quid per  $\Psi$  intelligendum sit, ita explicat, ut animū veritatis avidum expleat, aut quomodo ab aqua vel sale volatili, imò sulphure subtilissimo inflammabili differat, monstret. Severinus, c. 8.  $\Psi$  ideo reliquis principis addendum esse scribit, ut assidua irrigatione duo priora, scilicet & sulphur, actionū frequentia ad siccitatem & senium in horas festinantia foveret & mistione fluidam substantiam redderet facilem. Quercetanus, in defens. cont. Anon. c. 14. Mercurū dicit esse liquorē illū acidū, permeabilem, penetrabilem, purissimū & æthereum: illud corpus  $\sigma\omega\omega\delta\epsilon\epsilon$ , æreū, subtilissimum, vivificum, ac spirituosum, vitæ pabulum, &  $\sigma\iota\alpha\alpha$ , seu formæ proximum instrumentum, spiritū antiquissimi Hermetis. Eodē ferè modo Beguinus,

in Tyroc. Chy. Mercur. dicit esse liquorē illum acidum, permeabile, penetrabilem, æthereū, purissimum: à quo omnis nutritio, sensus, motus, vires senectutisq; præpropera retardatio. E quibus postea recentiores alii suas descriptiones mutuati sunt.

Verum in iis omnibus non pauca sunt, quæ non satis sibi constare videntur. Primò enim, cum liquorē acidum esse dicunt, suorum dogmatum non satis memores videntur. Cum enim sapor, secundum doctrinam Chymicorum, à sale proveniat, si in liquore aliquo aciditas percipitur, illa potius erit à sale quodam acido, quam à Mercurio; & plurima liquida pro Mercurialibus habentur, quæ acida non sunt: Sicut in spiritu vini plurimum inesse Mercurii docent Chymici, in quo tamen aciditas nulla percipitur.

Deinde Mercurius modò ipsis est aqueus, modò aereus, modò æthereus (quod mirum, si acidus est) & sic etiam igneus. Nam æther & ignem pro eodem habent pleriq; Paracelsici. Præterea si est proximū animæ instrumentum, si pabulū vitæ: quid de spiritu naturali, vitali, animali fiet? quid de calido innato, & humido radicali? Aut quomodo hæc à Mercurio distinguantur? Nam & spiritus proximū animæ instrumentum sunt, Et calor natus, ac humidum primigeniū, oleaginosū & ærium, insito spiritu, totiq; formæ custode ac propagatore, periusū facit, ut omnia vivant & vigeant. Et certè esse vitæ pabulum, sulphuri potius pingui,

pingui, quam Mercurio, aquez substantiæ convenire videtur. Imò nutrire non est principiorum: sed potius nutrimenti è principiis compositi.

Tribuunt etiam Mercurio colores. Verum nec in eo ipso sibi consentiunt. Paracelsus enim cum alibi, *cum tract. 1. de pestilent. tit. de cabala*: Salem omnibus rebꝫ colorem & formam dare statuit; quod tamen vero parum consentaneum videtur. Et neque à sale, neque à Mercurio colores provenire probabile. Cum enim sal benè purificatus sit candidus & perspicuus; multo magis talis erit liquor mercurialis aereus, æthereus, purissimus: & proinde rectius color sulphuri attribuitur. Atque adeo ob hanc doctrinæ obscuritatem factum puto, ut Mousfettus, in *epistolis Chymicis*, cum salis & sulphuris in majore mundo longum catalogum & plurimas differentias recenseat, nihil ferè aut pauca de ☿ habeat, Ac proinde non sine causa scripsisse videtur Libavius, in *Exam. Philos. vit. Sect. 6. Chymicos recentiores notis quibusdam sulphur, ☿; sal describere*: Verum quando argentur, & cum certitudo quaritur, ac quidnam sit ☿, quid sal, quid sulphur, exactius quaritur; omnia confundere, ac in sale ☿, & sulphur; In sulphure, ☿, & salem: In ☿ salem & sulphur inesse contendere. Libavius ipse tandem, cum reliquis definitiones omnes, in *Examine Phil. vit. c. 29.* examinaffet, hanc præfert: *Mercurius est liquor essentialis, arte Chymica ex mi-*

*sto, separatis elementaribus impuritatibus, extractus, sulphuri salis, ejusdem misti oppositus.* Verum nec hæc satis clara definitio est, nec quas proprietates ille liquor essentialis habeat, & quomodo ab aliis discernatur, satis explicat. Exempli quidem loco product aquas è vegetabilibus destillatas: Verum si phlegma seu aqua in aqua rosarum, vel alia destillata separetur, manet spiritus *Φλογος* odoratus, & sapidus, qui propterea & sulphur & salem volatilem in se continet: atque ita spiritus ille rosarum, seu alterius plantæ non est simplex substantia, ipso id consistente Libavio. Ac sulphur & salem in eo esse certum est: an quid præterea, hoc jam inquirimus. Admittit id Frater Basilius & alii Chymici, sed; ut dixi, plerique male ejus naturam explicant, dum liquorem acidum esse dicunt. Melius sentiunt, quando ætheream, vel æream, aut spirituosam ac purissimam substantiam, imò spiritum antiqui Hermetis esse scribunt. In quo si ab iis, ut puto, non dissentit Libavius, qui liquorem illum, quem appellat essentialè, in vino spiritum aereum dicit, non male sentit. Una enim res modò formâ liquidâ, modò spirituosâ in essentia sua non mutata apparere potest; ut in destillationibus spirituum manifestum est. Atq; ab ista hoc modo explicata & limitata sententia nec meæ conjecturæ discrepant, quas viris doctis & candidis judicandas relinquo.

Ut enim quod mihi probabile vide-



videtur, dicam, si quis est Mercurius, statuendum, eum esse liquorem aliquem spirituosum, vel spiritum, qui tamen à sulphure subtili ac sale volatili vix ac ne vix quidem separari possit, ut solus conspiciatur. Etsi verò oculis non conspiciatur ille spiritus: tamen id non multum refert; neque ignis purus videtur, nec aër, nec spiritus in corporibus animalium, nec multa alia, quæ tamen rerum naturæ pars sunt multò maxima & præstantissima, & à quibus reliqua, quæ in oculos incurrunt, omnem suam vim obtinent. Fallunt talia oculos vulgi, animos haud latent sapientum, ut Scaligeri verbis iterum utar. An verò dum hunc spiritum præter Elementa simplicia cū sale & sulphure ad corporum mixtorum perfectorum constitutionē concurrere dico, & hæc tria, sal, sulphur, & spiritum cum Elementis, quæ non excludo, certo modo mixta, singulis corporum naturalium formis *οικείαν ὕλην* constituere statuo, absurdi aliquid committam, viris doctis & candidis, & veritatis, non victoriæ studiosis iudicandum relinquo.

De principiis Chymicorum sententia.

Quæ omnia ut concludam, salve eorum, qui meliora monstraverint, sententia, ita de principiis mihi videtur sentiendum. Monstratum est supra, me doctissimis Aristotelicis hæc in re assentiri, qui statuerunt, metalla, & mineralia, gemmas lapides & plantas non esse mixta simpliciter, & quæ suas formas tan-

tum ex formis Elementorum habeant; multò minus talia ex duplici illa exhalatione, quæ proximam meteororum & corporum imperfectè mixtorum, quæ secundum, *Φύσιν ἀτακτοτέραν* in natura accidunt, est materia generari; cum longè major corporum illorum sit diversitas & nobiliores qualitates & operationes, quàm quæ à qualitatibus Elementaribus, & duplici exhalationis differentia peti possint. Ideoque cum Scaligero, qui *exerc. 307. sect. 20.* rectè scribit; omnem formam cujuscunq̃e perfectè mixti, etsi non est anima, ut in adamante, naturam esse quintam, longè aliam à quatuor Elementis, statuendum censeo, mineralia, metalla, gemmas & lapides habere suas formas específicas. Cùm verò forma quælibet requirat *οικείαν ὕλην*, nec nobiliores formæ materiæ primæ immediatè, sed materiæ certo modo dispositæ, suæque peculiari formæ præditæ, quæ tamè respectu ultimæ formæ tum materiæ officio fungitur, insint: hanc materiam præstare Elementa cum principiis Chymicis, & hinc rectius multorum causas reddi posse, quàm ex generali illa & meteorologica de duplici exhalatione doctrinâ, sentio. Et quidem de sale & sulphure esse rem clariorem, eaque separationibus Chymicis satis demonstrari posse existimo. Et si non planè pura, tamen in iis corporibus, in quibus abundant: eodem modo ut pro Elementis vulgo, neque immeritò, ea corpora monstrantur, in quibus

quibus ea maxime abundant, & terræ & aquæ nomine appellantur ea, in quibus certum est, alias præter Elementorum formas subesse. Ut enim varia terrarum, ut & aquarum, genera terræ & aquæ dicuntur, ideo quod aliquam naturæ convenientiam & *ἁπλῆν τῆα Φύσιν* participant: (Nam si saltem nomine convenirent, & unam essentiam non participarent, *ἁμονίως* saltem ita dicerentur.) Ita & alia omnia inter se, & sulphura omnia inter se non solum aliquam nominis convenientiam habent, sed unam essentiam participant, & revera sal fossilis, coctilis, marinus, alumen, vitriolum, sal armoniacus, sales plantarum de communi quadam essentia participant. Ita & sulphur vulgare, bitumen, naphtha, succinum communem quandam habent essentiam, atque ob eam communia quædam accidentia. Atque ita est sulphur in sulphure vulgari, in naphtha: est sal in sale esculentento, in alumine; etsi talia merus sal non sunt, sed formas suas specificas, quibus invicem differunt, habent. In aliis corporibus naturalibus magis compositis, & nobilioribus, ut plantis, animalibus, etsi ob majorem & operosiorum compositionem ita primò intuitu obvia non sunt: in resolutione tamen in iisdem etiam reperiuntur. Et licet, quod sæpius dixi, ita plane sincera, & ab omnium rerum aliarum admistione libera principia exhiberi non possint: tamen id

nihil refert, cum nec Elementa, quod toties jã dixi, pura môstrari nõ possint, quæ tamen, ut principia Chymica, non solum facta sunt propter mista, sed etiam ut mundi systema & molem compleant. Ideoque sit, ut extra separationes (non solum eas, quæ arte, sed etiam quæ naturâ fiunt) nullibi apparent: tamen id nihil refert, cum eo fine creata sint, non ut ipsa per se corporis naturalis aliquam speciem seorsim existentem constituerent, sed ut mistorum sint principia.

De Mercurio clariorem doctrinã à Chymicis desiderari antea dixi. Et re hinc inde pensitata, quid statuat, aliud non habeo, quam, si præter salem & sulphur & elementa, seu ut appellant, phlegma & terram mortuam, aliquid amplius in corporibus naturalibus omnibus (nam non in specie de mercurio metallorum principio hic quaeritur) reperitur, illud esse Spiritum illum & *ἕσσαν ἀνάλογον τῶν τῶν ἄστων στοιχείων*, secundum Aristotelem. Ita enim entia temerè non multiplicabuntur. Et omnia, quæ Aristoteles Spiritui tribuit, quod scilicet sit *ἡ ἐκ πάντων διηρησῶν ἐμψυχός τε καὶ ἁπλῆς ἕσσα, καὶ Φύσις ἀνάλογος ἕσσω τῶν ἄστων στοιχείων*, ea omnia Mercurio suo tribuunt. Hic enim, ut Quercetanus & Beguinus eum definiunt, est substantia seu corpus permeabile, penetrabile, æthereum, purissimum, subtilissimum, vivificum, & forme

*Mercurium quid.*

inæ proximum instrumentum, imò Spiritus antiquissimi Hermetis.

Quod verò Chymici quidam vitale sulphur id, quod Aristotelici calidum insitum, nominant, huic sententiæ parùm obest. Calidum enim innatum in animalibus, ut Fernelius, *lib. 4. Physiol. cap. 6.* docet, corpus simplex non est, sed constat humido primigenio, insito spiritu & calore. Ideoque si verba eorum hic potius in meliorem partem accipere, quàm in pravam sensum detorquere velimus, facile intelligemus, eos calidum innatum sulphur quandoque appellasse: Mercurium suum tamen ita descripsisse, ut eundem etiam calido innato inesse satis clarè indicarent: & cum utroque calidum innatum constet, nunc ab hoc, nunc ab illo id. denominare nihil prohibet. Et omnino sulphur hoc & mercurius ita arctè in natura coherent, ut separari facile nō possint, sed sulphure accenso simul mercurius avolet, ut de spiritu vini loquitur Frater Basilius. Cæterum cum ut formæ, ita & operationes diversæ sint in rebus naturalibus: ita & hic spiritus sese habet. Et ut Aristoteles ait, ut nobilitate vel ignobilitate animæ (imò etiam formæ reliquæ) inter se differunt: ita & hic spiritus: atque ita actiones à torâ substantiâ dictæ, & occultæ proprietates huic spiritui, tanquàm proprio subjecto, attribuuntur, qui in venenis est veneficus, in purgan-

tibus purgans. Et quid absurdi foret, si dicatur, in omnibus purgantibus spiritum quendam esse, quicum Mercurii in specie dicti & Antimonii spiritu quandam cognationem habet?

Tandem originem horum principiorum quod attinet, alii aliter hæc de re sentiunt, & alii quidem esse altera & prima mixta, alii peculiare naturas in prima creatione aliis rerum naturalium speciebus concreatas, ut earum cum Elementis essent materia, statuunt. Statuat hic quisquis quod volet. Qui tamen priorem sententiam sequi volet, id simul statuere necesse est, corpora hæc licet ex Elementis materiam habeant, formas tamen nobiliores, ob quas Elementis nobiliores sunt, & à quibus aliæ, quæ Elementis non insunt, qualitates fluunt, habere. Quæ in re clarissimos viros, eosque Peripateticos & Galenicis, ad stipulatores habebit. Omnem formam cujusque perfectè mixti, etiamsi non est anima, naturam esse quintam longè aliam à quatuor Elementis, rectè dixit Scaliger, *exerc. 307. sect. 20.* Neque enim credendum, in primâ rerum origine ex Elementorum mutuâ pugnâ semina, & spiritus rerum resultasse, aut Deum in cratere Platonis Elementa misçuisse, atque ita omnium rerum formas elicuisse: verum formas & substantias cælo analogas Deus creavit, ac corporibus naturalibus indidit. Et ultra Ele-

menta aliquid in rebus naturalibus agnoverunt Schegkiius, Fernelius, & plurimi alii. Schegkiius, acutissimus Philosophus & Germanicus Aristoteles lib. de caloribus vi & efficacia expressè scribit: *Omne corpus esse aut Elementum, aut ex Elementis concretum, aut caeleste esse, aut habere quandam analogiam & similitudinem cum caelesti corpore.* Et Johannes Franciscus Picus Mirandulanus, lib. de Elem. c. 3. scribit: *Si qui Philosophorum sententia atq; auctoritati nolent acquiescere, & aliqua alia adhuc esse Elementa, quae vulgò notis Elementis mista sint & occulta quadam vi natura concurrant ad res sublunarias constituendas, statuerent, eos vix solidè refutari posse.*

Quod siue meum siue aliorum doctorum virorum dogma Aristotelicæ Philosophiæ & Galenicæ Medicinæ ruinam nullo modo minatur. Qui defectus supplet, priora non evertit. Ideoque cum illo Senecæ, quod etiam in præfatione allegavi, concludo: *Multa egere qui ante nos fuerunt, sed non peregerunt: multum adhuc restat operæ, multumq; restabit: nec ulli nato unquam præcludetur occasio aliquid adhuc adjiciendi.* Nimirum ea, quæ de rerum natura scimus, minima pars sunt eorum, quæ ignoramus.

Atque hæc de principiis paulò prolixius proponere volumus; cum in principiis considerandis nulla diligentia nimia esse possit.

## CAPUT XII.

## De Generatione &amp; Mixture.

Am quomodo ex his seminibus, principis & Elementis rerum generatio & mixtio ex sententiâ Chymicorum recentiorum fiat, inprimis è cap. 8. P. Severini videamus.

Fundamenta generationis in seminibus, de quibus antea dictum consistere statuunt; generationemque nihil aliud esse, quam progressionem seminum à suis fontibus, abyssis, & vitalibus principis in hanc mundanam scenam, qua ex invisibilibus visibilia fiunt, & colores, sapes, odores; caliditatem, frigiditatem, humiditatem, siccitatem, magnitudines, stus, conformations & omnium corporum organenta producant, & hoc modo individuorum renovatione specierum perpetuitatem custodiant. Atque ita, quæcunque hic alterationes, mutationes, motusque apparent, eos non nisi fluxus seminum, corporum consumptionibus, instaurationibus, transplantationibus vicissitudines definitas ostendentibus esse, statuunt. Et quæcunque nova indes fieri videntur, in suis abyssis & semine antea delitescere meliori que vitâ frui dicunt: & rursum quæ hic corrupta videntur, non festinare ad non-Ens, sed destinatis muneribus absolutis, ad fontes suos recurrere. Et hoc modo

Generatio  
quid Chy-  
micis.

do ad generationem necessaria esse elementa, vel matrices seminalibus rationibus fecunda & corporum principia. Et quidem loca, matrices, elementa, corpora feminibus consentanea requiri. Semina enim potestatem hanc habere, ut adsciscant sibi consentanea: neque in quolibet subjecto habitare, sed in tali calido, frigido, humido vel sicco; in tali sale, sulphure, mercurio, talia semina habitare. Et pro hujus sententia assertionem citant Hippocratem, qui lib. i. de Dieta scribit: *Ἀπόλυται μὲν ἄπ᾽ ἅπαντων ἕξηματῶν, ἄλλ᾽ ἐξ ἑνὸς γίνονται, ὅτι μὴ καὶ πρῶτον ἦν. Ἑνωμισγόμενα δὲ καὶ διακρινόμενα διασπασίται: νομίζεται δὲ ὡς τῶν ἀνθρώπων, τὸ μὲν ἐξ ἄλλο εἰς φῶς ἀμείψην, γένεσθαι: τὸ δὲ ἐκ τῆς φῶς εἰς ἄλλο μειώσθην, διαλύεσθαι, ὁφθαλμοῖσι δὲ δεῖ πειθεσθαι μάλλον, ἢ γνώσασθαι. ἐξ ὧν ἡ πύξις γνώμῃ ἐξηγεῖται. Ζῶα γὰρ κακείνα, καὶ τὰ ἄλλα, καὶ ἅπαντα τὸ ζῶον ἰσχυρῶς εἶναι οἴοντα μὴ μετὰ πάντων καὶ γὰρ διασπασίται, ἅπαντα τὸ ἄνθρωπον γένεσθαι, μὴ οὐτῶς ἕθεν ὡς διακρινέσθαι. Nihil quidem omnino perit, neque oritur, quod prius non erat: verum invicem commixta & discreta alterantur. At homines existimant, id quod ex Orco in lucem augetur, oriri: quod verò ex luce ad Orcum imminuitur, perire: magis que oculis, quam rationi fidem esse adhibendam. Ego vero ista ratione exponam. Animalia namque sunt & illa & ista, neque animal interire potest, quin*

*omnia intereant, neque, quod non est, generari, cum non sit, unde generetur. Et mox φάσκει Ζῶα: πῶς ἄδη. φάσκει ἄδη, πῶς Ζῶα. Ποῖα καὶ μετακινεῖται, κείνα ἄλλο, καὶ ταῦτα κείνο πᾶσι ὡς τὸ διασπασόμενα. κείνα τὰ τῶνδε, τὰ δὲ ταῦτα, κείνων καὶ ἂν μὲν πηροσασθαι, οὐκ οἶδασιν. ἂν δὲ πηροσασθαι, δοκέσθαι εἶδεναι. καὶ ἂν μὲν ὀρεῖσθαι, ἐγνωσέσθαι. Ἀλλ' ὅμως ἀπὸ τοῦ πάντων γίνονται, εἰ ἀνάγκη κινῆσθαι, καὶ ἂν βήλονται καὶ μὴ βάλονται. Lux Jovi, Tenebrae Orco; Lux Orco, Tenebrae Jovi; commeant & transmutantur illa huc & haec illuc; & omnia quidem tempore illa horum; haec verò illorum res peragunt: & quae quidem faciunt, non sciunt; quae verò faciunt, scire videntur, & quae quidem vident, non cognoscunt: & tamen haec omnia necessitate divina contingunt, & quae volant, & quae nolunt.*

Nimirum signaturis seminum ornata corpora & pulchritudine vestira lucis imaginem repraesentare; deflorescentia verò seminumque vigore destituta caligine obduci, & hinc tenebras appellari docet Severinus: hincque feminibus refluentibus & catus mortalium relinquentibus, tenebrarum nomen impositum fuisse.

Absolvere autem suos progressus & operationes semina sentiunt spirituum mechanicorum, quos appellant, ope. Appellat autem spiritus mechanicos, qui scientia innata decorati, & artificiosa mechanica instru-

Orcus Hip.  
pocraetis.

Lux Jov:  
pocraetis.

Severinus  
pocraetis

Severinus  
pocraetis

instructi, saporis, coloris, odoris, figurarum, magnitudinum, ordinis & proportionum in rebus naturalibus causa sunt: cum spiritus, qui artificio & ista scientia instructi non sunt, nudi vapores & fumi inanes sint.

Prout autem elementa subtilitate, crassitie, mobilitate, pondere, & semina ipsa inter se differant: ita quoque generationum diversitatem accidere, & quasdam habere celeres periodos, alias longioribus intervallis circuitus suos absolvere.

In globo inferiore tres insignes differentie generationum occurrunt; Animalium, vegetabilium, & mineralium, quas hoc modo explicant. In animalibus seminalem materiam in balsamo animali, in vitali sulphure, in spiritu vitali, in mumia, in radicali & prima materia animalium, quam appellant, contineri statuunt. quæ in homine, non ut in reliquis animalibus, certis anni temporibus turgat & flores emittat, sed æquæ hyeme ac æstate, vere, autumno. Esse autem diversos generationis animalium modos. Perfecta enim animalia ex proprio solum semine generare & generari: Quædam æquæ ex parentum semine & putredine, ut mures. In ista enim, quæ ex putredine dicitur, generatione, quæque Paracelsus ex Cagastro, sicut aliteram ex Iliastro appellat, Semen esse vegetabilium naturæ finitimū. Fundari namque in materia quadam vitali, leata, tenaci, & propterea, externis impressionibus re-

sistere posse, & ad tempus latere, sub dominio sive alterius seminis, sive in matricibus sopitis & frigidis: Solutum verò & excitatum, profere signaturas suæ. speciei, animalique constituere, & scientiæ tam diu occultæ illustria documenta demonstrare.

Plantas verò habere corpus crassius, magis viscosum & lentum, respectu seminis animalium, docent. Et licet illa seminalis materia in tota planta contineatur; cum omnia benignitate balsami illius vitalis perfruantur: tamen in quibusdam partibus, quæ testium analogiam obtinent, perfectius præparat, tutoque conservari, & tales proinde partes seminalem materiam propagare. Unde quædam planta semine, quædam radicibus, quædam surculis, aliæ aliis modis propagantur. Tempora autem horam seminum Ortus & Ocasus diversa esse, celestiumque siderum revolutionem imitari statuunt. Quædam enim vere, quædam æstate, quædam autumno generant & pariunt; citius nonnulla, alia tardius.

Mineralium vero generationem à prioribus plurimum differre. Non enim seminis beneficio individuorumque propagatione speciè custodiri in mineralibus, sed semina eorum & species in seminalibus materiæ rationibus vigere, conservarique; in nocte illa Orphei, in Orco Hippocratis, in Iliastro Paracelsi, in locis & elementorum beatis recessibus, ibidemque destinatum expectare fatum,

*Generatio- nes in glo- bo inferio- ri.*

*Animaliū generatio.*

*Cagastrium Iliastrium.*

*Plantarū generatio.*

*Mineraliū generatio.*

*Nox Orphei.*

factum, & præscriptis temporibus, vitalibus principiis & Spiritibus mechanicis committas, mundanam provinciam ingredi, & loca alimentata consentanea petere. Vitamq; mineralibus non denegandam esse existimant; idque ex maturitatis temporibus, ex paroxysmorum raris periodis, ex venarum ordinatis progressionibus, corporum consentaneis compositionibus, saporibus, coloribus, probare conantur. Neque enim majus artificium esse dicunt in formis & figuris vegetabilium sive animalium, quam in colorum, saporum, odorum, coagulationum, actionum, proportionum, quæ in his precipuè vigent, ordinata explicatione: atque æquè admiratione dignum esse colorem sapphiri, duritiem adamantis, perspicuitatem crystalli, pulchritudinem auri, ac organa vesperilionis. Quin etiam formas externas naturales in his non esse prætermittas. Alijs enim formis coagulationis, vitriolorum, alius marcasitarum, alius nitroforum, alius crystallorum, berillorū, adamantis representantur.

Quod autem globum superiorem attinet, ejus generationes etiam certas esse, sed longè alias statuunt. In elemento enim cœlesti individua perfecta contineri, quæ stabili vigore in ævum consistant. Nihilominus & illa vitalis spiritus copia vigere, qui ubi fermentatione debita ad exaltationem & maturitatem pervenerint, tum evacuari, & spiritali ac invisibili, sed copiosâ fecunditate

in aeris capacitatem labi, & consentaneis corporum vestimentis indutos fructus suos proferre. Ita quasdam stellas ventorum generationi destinari, atq; inter has alias Australes producere ventos, alias Boreales, alias Orientales, alias Occidentales, qui nō solum caliditate, frigiditate, humiditate, siccitate, sensibus conspicuis, polleant, sed alias etiam virtutes & impressiones habeant: atq; Austrum, ut est apud Hippocratem, *sect. 3. aph. 5.* appellari βαρηνικον ποτερον, καρυβαρικον, non quia calidus & humidus sit, sed quia corpus ejus proprietatibus opiativis, cicutarum, solanorum instructum sit. Rursus aquilonem suas habere proprietates ab Hippocrate, *eodem loco*, descriptas, non quod sit frigidus & siccus, sed quia corpora aquilonis proprietatibus berberifatis, acetosis, acaciarum imbuta sint. Rursum esse stellas pluviarū, grandinū, nivis, fulguris, serenitatis, turbinū & reliquorum Meteororum, in quibus vitalia principia & mechanici spiritus eorundem fundentur, suisq; temporibus ad generationem procedant. Esse n. certa tempora omnium astrorum, in quibus ad maturitatem perveniant & fructus emittat. Singulis mensibus novâ generatione fructus Lunam proferre: sed & reliquas stellas habere suas effervescentias, & fructuum dispensationes: quasdam bis in anno, Orientem scilicet, & Occidentem, quasdam semel, ut Zodiaci signa. Ita & in aeris regione quamvis astra non conspiciantur,

Ventorum  
generatio  
sec. Severin

V mine-  
ralium sec.  
Lhyms.

Generatio-  
nes globi  
superioris.

Astrorum  
fructus.

nihilominus & ibi esse vitalia generationis principia, destinatis temporibus fructuum dispensatione effervescentia, sopinantur.

Næque hæc ita explicare licet, ut dicatur, superiorum siderum influxu materiam inferioris mundi moveri, atque inde excitatis vaporibus & exhalationibus variis meteoris materiam præberi. Alia longè est Paracelsi & assecliarum ejus sententia, ut ex Paracelsi *libr. de meteoris & Elementis*, videre est. De diei enim & noctis causis ita docet, *libro Meteor. cap. 3.* Solem esse stellam diurnam, quæ lucem procreet: nocturnas verò tenebras, non ab absentia Solis provenire. Lucis enim ejus tantam vim esse, ut etiam apud Antipodes constitutus Sol per reflexum nihilominus nostram terram illuminare possit: Verum esse quasdam stellas nocturnas, quarum fructus peculiare, ut pyri pyra, pomipoma, sint nocturnæ tenebræ.

Eodem modo de æstate & hyeme philosophatur. Vicissitudines enim has temporum ex humiliori vel altiori Solis positu, radiorumq; ejus obliquitate aut rectitudine fieri negat; sed asserit esse quasdam stellas æstivas, quasdam hibernas. Inter æstivas quidem principatum obtinere Solem: absque reliquis tamen si esset, perpetuam futuram hyemem. Inter hibernas Lunam præcipuam esse. Æstivas stellas hiberno tempore non secus ac arbores, quæ floribus & fructibus carent, ac velut emortuæ videntur, effœtas

quasi torpere: Et ut arbores verno tempore primò gemmas, mox folia, deinde flores, & tandem fructus producant, rursusque eamittunt, & quasi emoriuntur: ita & stellas illas æstivas verno tempore reviviscere, & paulatim incrementa caloris sumere, tandemque ubi ad summum calorem pervenerint, rursus exercecere. His consensentibus reviviscere & revirescere stellas hibernas & suos fructus, frigus nimirum, progignere, donec & ipsæ tandem suæ generationis periodum absolverint. Atque ut arbores non omnibus annis æquè fertiles sunt, ita etiam illas stellas nunc esse steriles, nunc magis fecundas, & hinc calorem æstatis nunc intensiorem, nunc remissiorem esse. Eandem rationem esse frigoris hiberni. Ventorum similem generationem tradit: de pluviis, nivibus, fulgure, tonitru, iride, aurora, idem, *in libris Meteorum*, docet.

Ita cum de generatione sentiant, *Missionem* quoque huic consentaneam statuunt; vulgatamq; de missionem doctrinam reprehendunt, quaruntque, cum missionem sit motio quædam, quis sit motor, qua potestate ad missionem Elementa ac tam justo pondere & mensurâ confluant? adjungendumque censent esse motorem, principium vitale scientiæ instructum, formam, speciem, seminam, astrum, cujus potestatem & infallibili scientiâ tam divina missionis officia administrantur.

Porro accidens quoddam generationis

Diei & noctis  
causæ  
sec. Paracelsi.

Æstatis & hyemis  
causæ  
sec. Paracelsi.

Missionem  
sec.  
Chymic.



*Transplan-  
ratio sec.  
Chymicos.*

rationis transplantationem esse docet Severinus. Si enim alimenta, quæ semina pro sui corporis conformatione, augmento & conservatione attrahunt, validis facultatibus & potestatibus destituta fuerint, & spiritibus feminum obtemperaverint; justam & debitam generationem fieri. Si verò & alimenta ipsa validas potestates habuerint, feminumque proprietatibus viguerint, miscebuntur quidem, sed signatura var. abuntur, nec fiet, quod volunt semina, & fiet pro generatione transplantatio, quam appellat. In genere quidem perfectorum animalium transplantationes rariores fiunt, & non nisi in his, in quibus feminum & natura est affinitas. Ita lupi & canes, equi & asinae, pedices & gallinae miscentur. In genere insectorum & animalium, in quibus sexuum discriminatio non manifeste apparent, frequentiores fieri transplantationes docet, cum semina eorum principia specierum, scientia instructa æquivocas generationes dictas admittant. In vegetabilibus & mineralibus transplantationes quasi comites generationum existere tradit. Sic silymbrium in mentham; rapum in raphanum; triticum in lolium; ocymum in serpillum degenerare. In quibus omnibus existimat semina quasi esse æquivoca, quæ multorum individuum ferè omnibus proprietatibus dissidentium principia esse possint. Sic in semine tritici forma lolii inesse, sed ministram quasi vel

*Transplan-  
tatio in a-  
nimalibus.*

comitem, quæ si externa subsidia nacta fuerit, contento imperio nõ ministri amplius, sed domini munia obeat, id est, secundum suam potestatem omnia moderetur, suasque signaturas inducat. Ita in silymbrio mentha, in rapo raphani rudimenta latere, quæ eorumque ministrent, quam diu semen silymbrii & rapi imperium obtinet. Quod si ex aliorum confluxu & conspiratione mentha & raphani semen dominabitur, illa servieit. Atque hujus transplantationis beneficio multa in re Botanica fieri, mitigari sapes, mutari colores, & alia per insitiones & varias plantationes variari. In mineralibus gemmas specifica transplantatione produci statuunt: ex radicibus plumbi generari adamantem; ex radicibus Lunæ, Sapphirum; ex radicibus Veneris, Smaragdum; ex radicibus Martis, Beryllum. Verum qui plura hac de re cognoscere cupit, legat Petrum Severinum; e cujus sententia hæc recitavimus.

*In mineralibus.*

De his quid sentiendum, sit ut dicamus, generationem primò quod attinet, quam nihil aliud esse dicunt, quam progressionem feminum e suis fontibus & abyssis in hanc mundanam scenam: Nova equidem non est hæc sententia, sed vetustissimorum Græcorum. Neque eam saltem proponit Hippocrates, in lib. de *Generatio-  
dieta*, locisque à Severino allegatis, sed alii plurimi senserunt; Ex rebus nihil ferre, neque nasci, nisi quod prius fuit. Hippocrates au-

*Generatio  
quid sec.  
antiquos.*

tem illud, unde res omnes prodire existimat, vocat *ἀδω*, quasi rem invisibilem dicas. Res autem inde prodeuntes, *Φάσ*, lucem. Et quod Hippocrates nominat *ἀδω*, Orpheus noctem appellat, Hermes Trimegistus τὸ ἀφάνης: sicut & Dionysius Areopagita, in Ecclesiastica Hierarchia, cap. 2. Apollonius Thyaneus, *ἔσι*, Seneca, Rerum naturam; Servius, Generalitatem, in tertii *Æneid.* Poetae Chaos & Orcum. Quod verò Hippocrates & Orpheus *Φάσ* vel lucem appellat, Apollonius nominat *Φύσιν*. Ita enim Apollon. Thyaneus, in Epistola ad Valerium: *ἡναισθε δέεις, ἔδενσθε, ἢ ἡνόν ἐμ-Φάσθ. Καὶ ἡνερ καὶ γένεσις ἔδενσθε, ἢ μόνον ἐμΦάσθ. τὸ μὲν γὰρ ἔξ ἑσάτας τροπῆν ἐς Φύσιν ἔδοξεν γένεσις: τὸ δὲ ἐκ Φύσεως εἰς ἑσάτας καὶ ταῦτα, ἡναισθε.* Hermes verò Trimegistus, sermone 11. *εἰς ἀφάνες χερσὶ τὰ Διὰ Λυμῆνα.* Seneca, epist. 36. *Cogita eorum visibilis, qua ab oculis abeunt, & in Rerum natura, ex qua prodierunt & mox processura sunt, reconduuntur, consumi. Desinunt ista, non pereunt.* Servius, in 3. *Æneid.* *Romani contra faciebant, comburentes cadavera, ut statim anima in Generalitatem, id est, in suam redeat materiam.*

Verum enim vero esse pervetustū est hoc dogma, quod hodie in lucē revocavit Severinus: veritati tamen consentaneum non est, & error iste, ut pleriq; omnes Gentilium Philosophorum, ex ignoratione Creationis mundi fluxit. Cum enim de vera origine mundi, & unde quælibet

res habent suam essentiam & naturam, ipsis nihil certi constaret: res ex Noctē, Orco & Abyssō invisibili in lucem prodire, & hinc rursus in eadem reverti crediderunt. Verum aliud nos docent Sacrae litera, è quibus constat, Deum dixisse: *Germine terra germen, Herbam producentem semen, arborem fructiferam ferentem fructum, juxta speciem suam, cui in se semen suum super terram: & ita factum fuisse.* Dixisse Deum; *Producat aqua reptilia anima viventis & volatile volat super terram in superficie expansionis celi.* Dixisse Deum; *Producat terra animam viventem secundum speciem suam, jumenta & reptilia atq; bestias terra secundum speciem suam: factumq; fuisse ita.* Deum creatis rebus benedixisse dicendo; *Crescite & multiplicamini.* Creavit nimirum Deus Omnipotens omnium rerum naturalium species, plantas & animalia: atque ita singulis suas formas cum corporibus dedit. Quæ corpora cum non sint simplicia, is qui creavit, miscuit, ut voluit, pro sua sapientia elementa, & cum principiis illis intimis ac spiritu & calido, Elemento stellarum analogo, conjunxit. Hoc modo ex elementis & principiis debito modo constituuntur individua, & vires suas habent, quibus non tantum aluntur, augentur & crescunt, sed etiam benedictione divina multiplicantur, & ad hunc usque diem conservantur. Ita ut plantarum & animalium omnium species nullibi sint, nisi in suis individuis. Atque hoc modo voluntate

Crea-

Lux Hip-  
pocriti.  
Nox Or-  
phici.

Chaos.

Origo re-  
sum natu-  
ralium &  
propagatio

Creatoris ad hunc usque diem conservata est, ac porro conservabitur Rerum natura.

Primum ergo, ut nonnulli è vulgo Philosophi sentiunt, tam nobiles natura, tot insignibus qualitatibus prædita, saltem ex concursu, conflictu, pugna & tandem attemperatione elementorū nata nō sunt. Et vix satis mirari possum eorum pertinaciam, qui, post Scaligeri, *Exec. 307. sect. 12. & 20. & alibi*, aliorumque Philosophorū admonitiones, nihil præter elementa sapiunt, & ut recentiores quidam scribunt, *Cate-na, præter hominem, omnia, juxta animam & corpus, materiam & formam, ex terra & aqua seu elementis creata esse, & in secunda creatione, seu rerum conservatione materiam continuam iisdem ab elementis suppeditari dicunt*. Licet enim terra, & aqua in Genesi solum nominantur: tamen cum, ut ipsimet fatentur, cætera non excludantur elementa: et jam per eadem nec nobiliora, de quibus hæctenus dictum, principia, vel animæ plantarum & animalium excluduntur, quas alterius, quam elementaris esse originis; supra è Scaligero demonstratum. Creatio fuit ea, non generatio; & Creando Deus formas omnibus rebus indidit, non eas ex elementis composuit, creatisque benedictione vim multiplicandi tribuit.

Deinde nec ex Abyssis primò prodeunt rerum formæ & per Spiritus Mechanicos sibi adfiscunt corpora idonea: sed creando Deus

omnibus suas formas indidit, quæ ejusdem benedictione sese multiplicant. Itaque jam species rerum non nisi in individuis conservantur, & individuis semina, per quæ propagantur, generantur: Non verò ex Abyssis vel Orco Hippocratis prodeunt. Neque credo, Severinum unquam vidisse, vel canem, vel aliud animal, progressu ex Orco Hippocratis in mundanam scenam, genitum fuisse. Neque semina & species rerum naturalium in Elementis mundi visibilibus per vim sunt: sed per naturam, quam à Deo Optimo maximo in prima creatione acceperunt. Et certè mirum, Severinum & ejus Sectatores ea, quæ de patria sede, in qua beata quiete & vitæ ac essentia inæstimabili copia fruuntur, hinc verò ad hos calamitosos carceres pervenire & principiorum infelici conjugio plurimam perpeti scribunt, ita audacter proferre ausos fuisse, quasi pridem ex illis locis venerint. Via, quæ ista semina ex abyssis veniunt in mundanam scenam, & hinc in abyssos abeunt, procul dubio est porta illa, quæ Aeneas ex Averno rediit, id est, mera somnia sunt, aut certè non talia, quæ sine omni ratione admittit & probari debeant. His, & rebus naturalibus omnibus asserendis, sensibus & demonstratione opus est: cum *λογος & πειρα* in rebus naturalibus unicum veritatis sint *κρηνη* sequimurque; rectè Scaligerum, *Exec. 307. sect. 20.* scribentē; *Rationibus agendū est viro veritatis studioso,*

Elementa  
res Philo-  
sophi.

Anima  
nulla ex  
elementis

Forma &  
semina rer.  
nat. non  
latent in  
Abyssis.

non Tullianis Platonicijs pigmentis. Declamationes enim ambitiosorum opera; otiosorum cibi sunt. Natura divinitatis, negotijs impedito animo studendum est ei brevitati, qua res aequet verbis. Demonstrationes certas pro Nohare habeat. Quales cum hic nullas, imò nec probabiles conjecturas videam, iis assentiri non possum. Sed pluribus ista examinare opera pretium non est. Fecit id factis prolixè Libavius, in Exam. Philos. vital. Sect. 21. Et olim jam Erastus, part. 2. disp. contra Paracelsum.

Meteorologia Paracelsi absurda.

De paucis tamen quibusdam adhuc quaedam monenda sunt. Quæ de generationibus & fructibus seminum Globi superioris & de meteoris habet Paracelsus & Severinus, ea recitasse supra satis fuerit. Tam enim absurda & ridicula sunt, & cum ratione & experientia pugnant, ut narrationes Luciani his probabiliore sint. Ut non sine causa hac de re scripserit Th. Erastus, part. 2. disp. contra Paracels. Principium, inquit, quo universa ejus doctrina de Meteoris nititur, præterquam, quod impium est, & cum sacris literis palam pugnat, tam est insulsum, ineptum, stultum, fatuum, absurdum, ridiculum, falsum, ut sine metu alicujus infamiae vix aliquis ausu recitare, notum de ejus refutatione coram doctis agere.

Semina rerum in sunt indivisus Specier.

De cæteris, quæ habet Severinus, pauca dicemus. De plantarum & animalium generationibus facile cum Aristotele conciliari potest. Modò primò seminum non in Individo, non in Abyffo & Orco Hip-

ocratris conservatio; & per eadem specierum propagatio fieri statuitur. Id quod ipse Severinus nolens volens admittit, p. 102. & seqq. ubi animalia ex semine maris & foemina generantur; & pag. 108. perfecta animalia ex proprio solum semine gigni scribit; & de plantis, pag. 114. quod seminalis materia propagatione traducantur. Deinde, ne ea, quæ de plantarum generatione, & corporis earum constitutione dicuntur, Spiritibus Mechanicis solum, ut facit, attribuantur; sed animæ potius. Ea enim corporis Architecta est; Spiritus verò animæ instrumentum.

Sicut & illud non omnem conciliationem respuit (quandâ profanfanti id habeat Erastus) quod dicunt; Ex incorporeis fieri corpora, & contra ex corporeis incorporea. Si enim penitus rem inspiciamus, verbis potius, quam sensu ab Aristotelicis & Galenicis discrepant, dum corpora illa appellant, quæ trassiora sunt, & tactu ac visu obvia; Spiritus verò, quæ subtiliora sunt, hosque effugiunt. Eorum ergò mens est; Spiritus (sed & ipsos, si propriè loquimur, corporeos) in corpora condensari, & contra corpora in spiritus attenuari. Quod nec Aristotelici vel Galenici negant, qui & ipsi docent, ex sanguine spiritus vitales & animales generari; & contra spiritus crasse esse & condensari posse. Et doctissimus Medicus Andreas Planerus, lib. 2. meth. med. p. 72. docet, quod ex cibo & potu

excitentur halitus & vapores, quorum melior portio in venas mesaraicas subeat & inhalet, ibiq; in speciem sanguinis concretionē quadā commutetur. Testanturque idem multa, quæ passim in rebus naturalibus fieri videmus, atque in primis operationes Chymicæ, quibus fixa volatilia, & corpora spiritus fiunt, ut loquuntur. Ex tritico, avena, cerealis & aliis multis spiritus *Φλογος*; extrahitur; idque ut facilius fiat, fermentatio præcedens efficit. Eadem fermentatione panis præparatur, ut facilius concoquatur, & spirituosus fiat: sine fermentatione autem difficilius concoquitur. Cum ergo Paracelsi nec soli nec primū ita senserint (quāvis more suo parū cautē à communi loquendi modo recedant) non rectē conciliationem aliquam hic fieri posse negat Erastus, *part. 2. disp. contra Paracels.* Si ex iis quidam absurdiores sunt, & aliud quid sentiunt, eos nec defendendos, nec cum Aristotele & Galenico conciliandos suscipimus.

Transplan-  
tatio quid  
Chymicæ.

In specie verò de *Transplantatione* & mixtione aliquid dicendum. Transplantationem autem appellant, cum non id, quod intenditur, sed aliud quid finitimum generatur, idque duobus modis. Cum scilicet vel semina confunduntur, ut sit in perfectis animalibus; exempli gratia, cum ex equo & asina mulus generatur, aut cum ex pluribus plantarum seminibus una planta generatur. Vel cum ex uno quidem semine aliud, quam fieri debebat, ge-

neratur; ut cum triticum in lolium degenerat. Hanc autem transplantationē fieri statuunt, ubi semina sunt æquivoca, id est, pluribus speciebus quasi communia. Esse enim statuunt in tritici semine tam tritici, quàm lolii sed illam principem, hanc formam; ministram, & quasi comitem; atque illam tam diu domini munia obire, quandiu omnia sese rectē habent, & alimentum, quod assumitur, & locus, in quo degunt. Quod si contrarium accidat, ex aliorum confluxu & conspiratione; tūc ministrā illam formam dominium accipere; istam verò quasi in servitutem redigi.

Quæ doctrina planē improbanda non videtur: Cum multis, quæ in natura fiunt, probabile reddatur, unam formam sub diverso schemate corporis in naturæ theatrum progredi posse. Aut certē in uno semine posse esse plures formas, sed subordinatas; ita tamen, ut una sit princeps & domina, reliquæ quasi ministræ. Perperdantur saltem diligenter Bombyces, in quibus una anima diversa corpora induit, & ut Aristoteles, *5. de histor. animal. cap. 19.* & Plinius, *lib. 11. hist. nat. cap. 22.* habet, varia fit formarum successio. Primò enim ex ovo fit eruca, deinde bombyx, hinc necydaus. De qua re videatur Hier. Vidas & Libavius, *singular. part. 2. Bombyciorum libr. 1.* Imò non solum ex ovis, sed & ex plantis putrescentibus Erucæ, & ex his papilioes generantur: & ut Aristoteles, *de hist. animal. lib. 5. c. 19.*

Forma sub-  
ordinata.

Bombyces.

Erucarum  
& papilio-  
num gene-  
ratio.

habet, erucæ ex virentibus foliis, maximeque ex brassica fiunt; ex erucis papiliones. Reprehendit quidem Aristotelem, ut & Plinium, Ulysses Aldrovandus, *lib. 2. de insect.* c. 1. quasi minus rectè de erucarum generatione senserint. Verum quid in iis desiderare possit, aut quid ipse novi adferat, non video. Hoc quidem verum est, erucas & similes vermes ex ovis papilionum nasci: Interim etiam, quod Aristoteles scribit, papiliones ex erucis, erucas ex virentibus foliis, & alia talia animalcula *ωπερωτά* seu alata ex vermibus, qui ex herbis ex lignis putrescentibus generantur, fieri, experientia testatur. Ipse cum ante annos jam plures hujus rei periculum facerem, & tempore hiberno, cum alia herbæ virentes ad manum non essent, brassicam rubram contusam in hypocausto, donec in ea vermes generarentur, asservarem: Vermes illos in chrysalides mutari comperi; quos cum in areula custodirem, eamque postea aperirè, multæ parvæ mulcæ evolabant, quæ ex chrysalidibus seu aureliis nata erant, & ex putamine abrupto proruperant.

Non tamen ex quavis planta quilibet vermis generatur, sed ex certis certis videnturque talium insectorum formæ plantarum & animalium formis subordinari. Et ex quibus quales vermes fiant, inter alios etiam recenset Scaliger, *exerc. 59. sect. 2. & exerc. 190.* Ita ex moro fiunt bombyces, mediante tamen juvenco. Si enim defecerint, aut corrupta fue-

runt, hiberno tempore, ova, juvenecum 20. diebus solis mori solis pascere jubent, eumque interfectum putredini relinquere, ut ex carnibus putrescentibus vermes nascantur, qui in bombyces abeant. Ita etiam Virgil. *in fine 4. Georg.* ex bobus apogigni docet. Qua de re multa egregia & omnino iis, qui Physici audire volunt, cognoscenda habet Aristoteles; *l. 5. de historia animal.* in primis c. 19. ubi docet in genere ex plantis vermes & erucas, ex his chrysalides, existis papiliones, & alia *ωπερωτά* & alata animalia nasci. Neque enim tantum papiliones, sed & alia *ωπερωτά* & alata animalcula ex plantis nascuntur. Descripsit eodè libro inter alia, *cap. 32.* vermiculum, quem à corrupendis lignis *Ξιλοφθόγγυ* nominat, quem non alium puto esse, quam quem nostri *Stocciwurm* appellant, quod ex corruptis lignis & caudicibus in aquis nascitur: qui vermiculus fluviatilis est, & tempore verno cum gobiis fluviatilibus capitur. Descripsisse autem videretur Aristoteles potius vermiculum illum, cum jam chrysalidis formam induit, quam dum in aquis vivit. Idem Aristoteles quid ex eo animalis alati fiat, compertum nondum esse, *locò allegato*, scribit. Verùm muratur in insectum illud vulgo notum, quod Ulysses Aldrovandus, *lib. 2. de insect.* c. 10. Perlas nominat; populares mei Silesii, Schneider / Misnici Vosgen appellant.

Neque hoc locò prætereunda generatio anserum Scoticorum, quos inco-

Anseres  
Scoticæ.

incolæ Clakugyſe nominant: qui etſi aves ſint, non tamen aliarum aviũ more ex ovis excluduntur, ſed in mari Scotico, prope Hæbudes inſulas oriuntur, & nunc in conchis, nũc in lignis longiore in mari illo mœra corruptis oriuntur. De quorum ortu Heſtoris Boëtii, in *deſcript. regni Scotia*, narrationem inferere libet. Reſtat, inquit, ut de anſeribus Scoticis, quos Clachis appellant, quosq; vulgò perperam in arboribus naſci in his inſulis credunt, ea, quæ hujus rei cognoviſſent multo jam tempore ſtudioſi, re diligenter exploratã perſpectãq; cognovimus, diſſemus. Marcenim illis interjecto mihi magis eos procreandi viſ quaedam ineſſe videtur, quam alicui alii rei. Variis enim modis, ſemper tamen in mari, eos provenire conſpeximus. Etenim ſi lignum in id mare projicias, temporis tractu primũ in eo vermes excavato ligno naſcuntur, qui ſenſim formati capite pedibusq; atq; aliis, plumas poſtremo edunt, demum anſeribus magnitudinis æquales, cum ad juſtam provenerunt ætatem, cœlum petunt avium aliarum more remigando alarum per æra delati. Id quod luce clarius anno à partu virginis 1490. plurimis ſpectantibus in Baibþþania viſum eſt. Nam cum in eã ad Peibſtege caſtellum ſuſcitibus hujusmodi quoddam lignum ingens delatum eſſet, rei novitate, qui primi conſpexerant, adminibundi ad loci illius dominum accurrentes rem novam nunciant. Is adveniẽs trabem ſervã dividi jubet; quo factò, ingens conſeſſim apparet multitudo partim vermium, quorum alii adbus rudes erant, alii membra

quedam formata habebant, partim eã jam jam formatarum perfectè avium, inter quas quedam plumas habebant, quedam implumes erant. Itaque rei miraculo ſtapefacti, jubente Domino in templum Divi Andrea Tyre ( pago cuidam id nomen eſt ) lignum deportant, ubi & hodiè manet undique veluti à vermibus perforatum. Hujus ſimile biennio poſt in Taum aſtu appuſſum ad Bruthe caſtellum multis accurrentibus oſtenſum eſt. Nec diverſum eſt, quod exinde duobus rurs. m. annis Lepthi portu Edinburgenſi univerſo populo ſpectare contigit. Ingens enim navis, cui inſigne ac nomen Chriſtophori erat, ubi tres perpetuos annos ad unam Habudam in anchoris conſtitiſſet, huc reducta, atque in terram ſubducta exeſis trahibus, quã mari ſemper merſa fuerat, partim vermium, hujusmodi radium perfectãmpè formam nondum habitum, partim jam abſolutarum avium magnum numerum oſtendit. Ceterum cavillari quispiam poſſit, arborum illis in inſulis natarum truncis ac ramis virtutem hanc ineſſe: Chriſtophorum quoque illam ex trahibus Hebdianis contextam fuiſſe. Itaq; quod ipſemet ſeptem ab hinc annis vidi, hæud gravabor in medium adducere. Alexander Gallonidianus, Kilkendensis Eccleſie Paſtor, vir præter inſignem probitatem rerum admirandarum ſtudio incomparabilis, cum extructã algã marinã inter caulem & ramos à radice ſtatim uſque ad cacumen conchas adnatas videret, rei novitate ætonitus, mox cognoviſſendi ſtudio eas aperit, ubi multo magis, quam

antea, obstupescit, constitit. Non enim piscem in testis conclusum, sed, dictu mirabile, avem & pro illius magnitudine testas quoque, in auctas conspexit. Quibus enim parve inerant, & ipse quoque, aperta eas pro quantitate amplectebantur. Itaque ad me extemplo, quem huiusmodi rerum cognoscendarum jam olim magnâ cupiditate detentum noverat, celeriter accurrit, remque omnem mihi monstrat, non magis rei miraculo obstupescit, quam rei tanta ac tam inaudita conspectu leto. Hac enim satis constare arbitror, non hac procreandarum avium femina aut truncis aut arborum inesse fructibus, sed ipsi Oceano, quem Maro, & Homerus, patrem rerum haud temerè appellavit. Verum quoniam id fieri videbant cadentibus in aquam arborum ad littus positarum pomis, ut temporis tractu ex illis ea apparerent volucres, in eam sententiam adducti sunt, ut pomae illa in ipsas commutari arbitrentur; sed falso. Nam tempore adnatis vimarum primùm vermibus, atque ita sensim excrescentibus, vicissimque pomis illis humiditate corruptis disparentibusque, non satis accuratè perspicientibus, ex illis in has transmutari formas visa sunt. Hæc Hector Boëtius.

Degenerant & Plantæ in plantas. Sic degenerat triticum in loliū, sylimbrum, in mentham; rapum, in raphanum; ocymum, in serpillum; vitis alba, in nigram; nigra in albam mutatur; zeæ, in triticum, & contra triticum in zeam; caryophylli, rosæ, violæ, sæpe colores florum mutant. Unde Virgil. de seminibus scribit:

Vidi læta diu, & multo spectata labore  
Degenerare tamen.

Et de patre suo scribit Galenus, 2. de alimentor. facultatibus. class. 2. pag. 30. Quod cum declinante ætate agricultura delectaretur, triticum ac hordeum aliquando severit, omnibus diversi generis seminibus, quæ ipsis erant admista, selectis, quò certò cognosceret, num ex ipsorum mutatione lolium & ægyllops nascerentur, an proprium hæc quoque semen haberent. Cum autem fortè & una cum puris seminibus in tritico quidem frequens lolium, in hordeo autem magnam ægylopsis vim natam, conspiceret, in aliis quoque seminibus idem est aggressus. Reperit igitur in lente quoque ex mutatione ipsius durum, rotundūque aracam & securinum, præterea aparinem enatam.

Quæ omnia cum agricolis notissima sint, miror, Th. Erasti, aliàs viri doctissimi, pertinaciam, qui ut Chymicis nihil concedat, istas plantarum transmutationes in dubium ferè vocare audeat, dum de metallis scribit; plantas, quæ hoc modo transmutari dicuntur, naturâ & specie nullo pacto, sed accidentibus quibusdam communibus solummodo, ut tenuitate, pondere, colore & consimilibus aliis, à locorum, in quibus nascuntur, diversitate ferè provenientibus, differre. Utinam eam, quam Galeni pater, adhiberent in talibus diligentiam multi. Fieret enim ita, ne rusticis se deridendos propinarent. Certum ergo, plantas

Degeneratio plantarum.



plantas mutari, sed non quamvis in quamlibet, sed has in illas. Quæ omnia si diligentius perpendatur, & quæ in natura quotidie occurrunt, studiosè observentur, multarum generationum causa reddi posset.

Recurrunt quidem multi hinc statim ad generationem æquivocam, & putredinem, qua, sine femine, plura generari statuunt, cum plantas, cum animalia. Verùm cum, qui ista statuunt, ipsi facile agnoscant, putredinem solum ad talia producenda non sufficere, & principali agente opus esse, alii Soli & coelo, alii animæ mundi, alii intelligentiæ cuidam hoc munus tribuunt: sed non monstrant, unde & quando seu Sol, seu anima mundi, seu intelligentia vim hanc animalia producendi acceperit, & qua ratione ea producant. Erastus quidem potestatem divinam toti materiæ in creatione rerû à Deo insitam auctorem & effectorem ponit, *part. 2. disput. contra Paracels.* Sed monstrat Erastus, quando Deus toti materiæ hanc potestatem indiderit. Ex terra & aqua plantas & animalia produxit Deus, omnibusque formas suas indidit, iussitque, ut singulæ plantarum & animalium species sese multiplicarent, & secundum speciem suam semina & fructus ferrent: at quod materiæ toti, extra species, potestatem animalia producendi Deus indiderit, nusquam in sacris exstat.

Ideoque de istius opinionis veritate, & an ulla sit generatio verè

æquivoca, quæ sine ullo planè semine fiat, si ea, quæ quotidie in natura fiunt, considerentur attentius, non sine causa dubitari posse videtur. Inquam rem, ut rectius inquirere possimus, propagationû variæ differentiæ considerandæ sunt. Ad omnem quidem propagationem plantarum & animalium, requiritur certa & peculiari modo disposita seu *ὁμία ὄλη*, per quam forma se propagare possit: in aliis tamen ille apparatus materiæ est major & operosior, in aliis minor: & propagatio in aliis arctioribus & angustioribus legibus & limitibus circumscripta & conclusa est: In aliis latioribus & laxioribus. Animalia perfecta pleraque saltem per commistionem seminis paterni & materni in utero materno generantur. Alia ova pariunt, è quibus calore fotis pulli excluduntur. In animalibus ignobilioribus verò & plantis generatio non ita angustis legibus conclusa est. Plantæ quædam per semina solum terræ commissa propagantur: aliæ saltem per bulbos aut radices; aliæ utroque modo; aliæ per surculos, sed tamen eos solum, qui jam ad flores dispositi sunt: in aliis humor ille seminalis per totam plantam diffusus est, ita, ut quocunque ramo seu radice avulsâ & terræ commissa propagatio fieri possit, sicut id fit in salice, & ferè in vite. Imò fungi si decoquantur, aut succus exprimat, & succus vel decoctum radicibus arborum affundatur, fungi inde nascuntur.

*Propagationum diversitas.*

*Generatio æquivoca an deitur.*

A viro quoque fide digno accepi, è spuma canis rabidi in veste hærente animalcula quædam canibus similia progenita fuisse. Nimirum illud feminale principium rerum minus nobilium in materia lenta & tenaci sæpe quasi sopitum diu latere, & externis injuriis ac impressionibus resistere, tandemque iterum emergere, & suas actiones edere potest. Quod vel illud docet, quod multarum rerum essentia in multis mutationibus integra & sub aliteris formæ dominio delitescere potest. Exempli loco sit nobis istud. Alatur capra herbis quibusdam purgantibus; lac capræ illius bibat nutritrix, fiet ut infans, qui lac fugit à nutritrice, inde purgetur. Vbi primò in ventriculo capræ herbæ illæ mutantur in chylum: ex chylo fit sanguis in epate; ex sanguine in mammis lac; lac hoc ubi nutritrix bibit, rursus fit ex lacte in ventriculo nutritricis chylus; ex chylo sanguis; ex sanguine lac; lac hoc fugit infans & purgatur. Atque ita vis purgatrix, cum sub proprio subjecto & spiritu, in tot mutationibus integra & incorrupta manet. Aut cui hoc non sufficit, cogitet saltè illud, quod seu anima, seu *λογος πλαστικός* tempore hiberno in tantillo semine in terra gelu concreta conservari potest. Cogitet etiam, quomodo spermata ranarum & piscium in ipsis aquis saluum conservari possit.

*Semen analogum.*

Qui tamen illud semen, è quo talia generantur, non univocum dicere velit, sed *ἀνάλωγον*, cum eo non pugnantem: modò hoc concedat;

Non ex putredine simpliciter talia generari. Sicut hac de re scribit Scalliger, in l. r. de plant. *Universali ratione plantas agere, inquit, falsum est; nisi ex aquo & bono judicetur. Scilicet ut semen etiam sit ἀνάλωγον. Nam stirpes, quæ semen ferunt nullum, nullo item semine possunt suam speciem propagare. Analogum intelligo, quod non planè directè quoque suscipit cum specie primaria prædicationem. Non enim simus, ex quo mur nascitur, est ejusdem nature specificæ cum semine maris & femina murium.* Ut enim in animalibus principium & fons vitæ unum est analogia; non in omnibus cor, sed in quibusdam cor, in quibusdam, quid cordi proportionè respondens, & quod eo munere fungitur, quo cor: ita & in iisdem in aliis semen est imperfectum, in aliis proportionè respondens, succus scilicet vel aliud quid, in se tamen feminale principium continens. Ut verò illud, quod analogia cordi in animalibus respondet, revera vitæ principium est, & eo munere fungitur, quo in aliis cor: ita illud, quod semini est analogum, & per quod æquivocæ vulgò dictæ generationes perficiuntur, revera in se feminale principium continet, & ex eo planta vel animal producitur, non ex putredine simpliciter. Unde etiam animalia, quæ ex putredine gigni dicuntur, & quæ ex semine perfectò fiunt, sunt ejusdem speciei, ut postea dicetur.

*Semina ambigua.*

Deinde non planè à ratione & experientia alienum videtur, quod semi-

femina quædam sint quasi ambigua & formas plures in se includant : ita tamen, ut una dominari debeat, altera servire ; nisi occasione oblata aliud fiat : Aut certè femina quædam ad plures formas esse disposita, ut in bombycibus, imò & apibus apparet. Quod & J. C. Scalig. concedit, dum, in *de plantis*, confusa quorundam principia in feminibus esse dicit, ut rapi & brassicæ, & aliorum.

*Vermes ex animalibus.*

Ex quo aliud adhuc perpendendum suggeritur : Nimirum insecta & animalia quædam ignobiliora ex nobiliorum partibus & excrementis generati ; sed tamen certè à certis. Vermiculantur quidem arbores, alii tamen vermes in aliis nascuntur. In robore Cossi appellati ; sorbus infestatur vermibus pilosis, ruffis, ut habet Plin. lib. 17. c. 24. Pityocampe eruca picearum & pinorum est ; vermiculi sui generis in caseis nascuntur ; Scarabæi peculiari in fimo equino, alii in alio ; millepedes sub aquario vase ; cimices in lectis ; grylli in limo ad fornaces, pediculi & pulices in animalibus ; lumbrici in intestinis animalium ; blattæ in vestimentis & pellibus ; gurgulio in frumento ; mydas in fabis.

*Putredo animalia ex se non generat.*

Neque hic ullo modo ex putredine causa, quomodo species certæ producantur, dari potest. Seminalis vis ad certam speciem producendam requiritur. Putredo verò saltem calorem suppeditat, à quo vis seminalis excitatur. Quod ipsum

fatetur Scaliget, *exerc. 59. sect. 2. Ut in terra*, inquit, *mutantur planta alia in alias : ita supra terram gignunt & se-ipsis animalia. Idè non è putrefactione, sed quædam quasi femina foventes ad generationem. Neq; solum in ipsis fructibus, quales in tritico sunt gurguliones, in nucibus vermiculi, in aliis alia bestiola, de quibus Theophrastus : sed ut è foliulis lentisci, quos fert, præter baccas, oblongiusculos facie siliquarum : ut non sine consilio Natura apparatus esse videantur, quasi futurae matrices primò, mox etiam domicilia illorum volucellorum, sicut in ulmorum quoq; vesicellis non absimiles eis. Quapropter Arabes arborem cimum ulmum appellarunt. Sic è modula cardui fullonis, cum maturaverit, vermiculus fit &c. Idem, exerc. 190. statuit : Animalia, inquit, non è plantis putridis, sed tanquam successivis operis soboles nascuntur. Nam neque fabas esse putridas, cum in ipsis bestiole gignuntur, certum est.*

Ac proinde frustra, ac contra experientiam Avenois, & ejus sectatores disputant, animalia ex putredine genita specie differre ab eis, quæ semine propagantur. Neque enim omni semine destituuntur, ut jam dictum, ne cputredo sola sufficiens est ulli animal producere. Et fit, ut ex putredine producatur animalia : tamen quæ indicare solent veritatè formæ specificæ, ea omnia in his animalibus cernuntur : Totæ corporis conformatio, naturalis indoles, actiones omnes, & in primis animalium ejusdem speciei ex se propagatio & generatio.

Mistio.

Cum autem mistio & generatio parum differant, aut certe nulla generatio sine mistione fiat: tandem, ut caput hoc concludamus, aliquid de mistione dicendum. In vulgata autem Aristotelis & Galenicorum de mistione doctrina reprehendit hoc in primis Severinus, quod motorem non addiderint, & principium vitale, scientia instructum, formam, speciem, semen, astrum, aut quomodocunque appellare libeat, cujus potestate & infallibili scientia tam divina mistionis officia administrari possunt: Cum elementa per se non sufficiant, nec sine tali motore & superiore principio pateat, quare ratione tam iusto pondere & mensura ad quodlibet mistum constituendum confluent.

Quæ accusatio non videtur esse plane de nihilo. Nam etsi multi docti Peripatetici & Medici sint, qui longè sublimius de rerum generatione sentiunt, nec in rerum constitutione saltem ad elementorum pugnam, sed in primis ad animam, suis facultatibus instructam, & formam cujusque specificam respiciunt, ut postea ex Scaligeri *exerc. 3.07. sect. 20.* dicitur: tamen quidam ita elementis immergi sunt, & nihil ultra illa sapiunt, ut non solum de metallis, quæ plurimi quidem, sed malè tamè, pro mistis simpliciter habent, verum etiam de animalibus omnibus, præter hominem, nonnulli scribere audent, ut antea quoque dictum; Ea juxta animam & corpus, materiam & formam,

ex elementis quatuor orta esse. Et ut jam saltem de mistione, quod nobis propositum est, dicamus, Nimis audacter mihi pronunciare videtur Erasmas, *disp. 2. contra Parm. cels. pag. 196.* *Qualitatem in tota universitate hæc rerum reperiri nullam; quæ admota sibi corpora tota alterare possit, extra caliditatem, frigiditatem; humiditatem, siccitatem.* Nullam ne enim qualitates occultæ in corporibus alterandis vim habent? De spiritibus quoque, quorum maxima vis est, quique omnia penetrant & afficiunt, an qualitibus primis omnia peragant merito dubitatur. Exemplum saltem nobis sit. venenum canis rabidi, cujus, in minima etiã quantitate, quanta vis in corporibus alterandis sit, notissimum est. At quis omnem illam alterationem, quam corpori inducit, in qualitates primas referre poterit? Consideretur etiam fermentum, cujus tantilla portio rei alienæ admista illam totam alterat. An verò ista alteratio solum per qualitates primas fiat, cuilibet considerandum relinquo.

Omnis verò rei obscuritas & difficultas è duobus ortum habere videtur. Primum est, quod Gentiles Philosophi, ut jam sæpius dictum, Creationis rerum ignari, & unde primus formarum & animarum, imò rerum omnium ortus esset, necessei, ex elementorum mutuo concursu & pugna omnia mista, secundum materiam & formam, provenisse crediderunt. Alterum, quod semper resolutionem usque ad

An sole  
qualitates  
primæ in  
mitione  
operentur?

ele-

elementa, imò etiam quidam ad materiam primã usq; fieri statuunt, & nullum, nisi de novo elementa misceantur, novum mistum produci posse dicunt. Unde Erasms *loc. allegato pag. 216.* salum, acidum, amarum & similia revera misceri negat, quoad sunt falsa, acida, amara. Non enim, quatenus talia sunt, inquit, se mutuo per tota sic alterant, & naturas mutant, ac aliud fiunt. Confunduntur saltem, integris servatis naturis. Cum verò propriè miscentur, quatenus calida, frigida, humida, sicca miscentur, non quatenus falsa, amara, vel acerba.

Verùm res in non paucis sese aliter habere deprehenditur. Nam primò non ita ex mutua pugna elementorum res crescunt, sed in primã creatione, non solum quælibet suã formam, sed & convenientem formæ corpus, omnipotentia verbo accipit. Et hanc suam naturã, Creatoris voluntate & benedictione, usq; ad ultimũ terminum observant. Ideoq; in rerum propagatione specifica forma requiritur, quam elementorum concursus & mistio illa temeraria præstare non potest. Forma ergò & anima cujusq; rei architecta est: & primus motor in mistione est anima ac forma cujusq; rei. *Δνις εως* communis & commune naturæ instrumentum, quo ad virtutes rerum fovendas utitur, calor est & spiritus cujusq; rei insitus, & *ὄντις* illa *ἡ ἀπὸ τῶν δυνάμεων*. Habet nimirum anima suas facultates ministras; attractricem, quæ sibi utilia

& similia attrahit; retentricem; concoctricem & alteratricem, quæ attracta sibi similia reddit; secreticem & expultricem, quæ id, quod alienum est, separat & ejicit. Eaque omnia caloris & nativi spiritus beneficio peragit. His directoribus elementa pro cujusque rei natura miscentur, quæ aliàs suo concursu & pugna nunquam tale mistum producerent. Atq; id & Erasms confiteri necesse habuit, dum, *loco allegato*, qualitates primas saltem esse instrumentales causas mistionis, non verò principes: Mistionis autem opificem esse mandatum divinũ, quò in creatione præcipit elementis, ut inter se concinnè ad singularũ rerũ generationem convenirent, scribit. Commodig tamen dixisset, si, mandato divino à rei cujusq; anima vegetante materiam convenientè attrahi dixisset. Non enim materia ad res generandas & nutriendas, eo pondere ac mensura, qua debet, spontè accurrat, sed à facultate attractrice attrahitur. Et cù res naturales non solum in mundi creatione primũ productæ sint, sed adhuc per generationum & corruptionum vicissitudines misceantur, addere debebat, Hodie etiam in rerũ generationibus mistionem non ab elementis spontè ad cujusq; rei constitutionem concurrentibus, sed à forma omnia dirigit. Formæ enim sunt principium divinum & immutabile, quod determinat omnes actiones & passiones, rei naturalis; & sunt quasi instrumentum, ac manus

Mistionis  
princeps  
causa.

quod  
dicitur  
de ha  
sunt

1104

sapientissimi Creatoris ac Opificis Dei, qui hanc & vim efficaciam his suis instrumentis, quibus nihil mirabilius excogitari potest, largitus est in creatione. Id quod rectè etiā J. C. Scalig. docuit, *exerc. 397. sect. 20.* Nisi, inquit, quatuor illa elementa Retorem habeant, temerè ac sine modo metad, ulla & jactabunt & jactabuntur. Quid enim illud est, quod tantum terra tantum commiscet caterorum? At oportet in unoquoque motum esse unum & primum. Non enim illa sese movere ullum ad opus queunt, sed in compositis à forma excellentiore, in mistis imperfectis ab eterno principio cientur ad mutuam connexionem. Et in 2. de plant. Si ignis, inquit, elementa tria tanquam partes in plantis uniter quiderit, quod uniet ipsum tribus illis? Et adductis in hunc sensum verbis Aristotelis concludit: Per ignem non fiet coitio & unio ad generationem in Aristotelis officina, sed performam.

An. semper  
fiat resolu-  
tio ad ele-  
menta.

Alterum deinde quod perpendendum est, an semper fiat resolutio in rerum generatione usq; ad elementa, ita ut nulla vera mistio fieri possit, nisi inter elementa, & an nulla acidi, salis, amari, & similitium sit mistio, & porro nihil aliud alterari, & proinde ad mistionem concurrere possit, nisi quatenus calidum, frigidum, humidum, siccum. Certè res ipsa aliud videtur loqui. An dum ex pane fit chylus, è chylo sanguis, è sanguine caro, os, nervus, vena &c. in qualibet generatione & nova mistione, & dum unū in aliud convertitur, resolutio semper usq; ad

Elementa fit? Et an tota illa mistio solum à qualitatibus primis perficitur? Aliter sensit Hippocrates, qui, *lib. de Præf. Medic.* scribit, quod *πύρα* (salsa scilicet, amara, acida) *μεμιγμένα & κενυμένα ἀλλήλοισι & Φανέρθονται*. Et postea humorem salum & acrem, crassum fieri dicit concoctione & permissione. Ac de eodem humore acri loquens dicit: *τὸ πύρα θήνα γίνετα, ἐκ τῶν μίχθων & κενυθῆνα ἀλλήλοισιν*. Concoquitur ubi mutua sit mistio & concempatio cum aliis.

Consentiunt cum Chymicis & Hippocrate etiam Peripatici & Galenici doctissimi, atque inter eos etiam Thomas Erastus, qui (quem locum etiam supra cap. II. adscripti) in defensione thesium de saporibus scribit, *Medicamenta ferè omnia non ex elementis primò constant, sed ex jam antè, imò pluries mistis composita sunt.* Corpus hominis Galenus non ex quatuor elementis, sed ex quatuor humoribus, ut materia propinquissima, generatio factumq; ostendit. Hos rursus humores ex cibo & potu factos constat, quos ipsos etiam ex succis terra prognatos liquet. Etenim animalia plantis vescuntur, planta ex terra succum sibi familiarem attrahunt, amarum, dulcem, acidum, quod is scilicet cuiusq; naturæ familiaris existit. Semina certè in terram coniecta, dum sibi utilem & convenientem alimoniam ex terra attrahunt, non pura elementa attrahunt, sed ex elementis compositum succum. Et tam certum hoc est, ut etiam vegetabilia de mineralium natura parti-

recipient, ut ex quercus foliis & bac-  
cis alni, corticibus granatorum, cor-  
ticibus nucis juglandis viridibus  
videre est; quæ nigro colore tingunt  
ob virriolum, quod participant, ita  
ut vitrioli extractionem è corticibus  
viridibus nucis juglandis Chymici  
etiam promittant. Noratu dignum  
est & istud, quod referam: Est op-  
pidum tribus milliariibus Witte-  
berga distans Schmideberga, ad  
quod ante annos paucos vitriolum  
parabatur. Deprehenderunt autem  
viri hujus rei studiosi, non ibi esse  
aliquam fodinam metallorum (Nā  
ad fundum usq; fodiendo perven-  
tum, & nihil nisi pura arena, qualis  
eò loci, in eò reperta est) sed sal-  
tem in valle quapiam longo tem-  
poris tractu decidua alni & quercus  
folia cumalata, & affluente  
aqua quadam ferrata, ibi in unam  
massam nigram quasi compacta  
fuisse: ita tamen, ut foliorum figura  
agnosci posset. Ex hac massa vitrio-  
lum coxerunt, sed id multū alumi-  
nis participans. Et quidem depre-  
henderunt ad radices quercuum  
purum purum alumen generatum  
esse.

Postea an solæ qualitates primæ  
proxima mitionis causa sint, non  
immeritò quis dubitat. Cum enim  
occultarum qualitatum magna sit  
efficacia, & in corpore alterando  
magnam vim habeant; præterea  
spiritus sint *Μακρῶν δυνάμεων*  
*οὐκ*, nec illi planè excludendi vi-  
dentur. Quod qui ignorat, saltem  
labores Chymicos inspiciat, & vi-

debit, quanta fiat in momento mu-  
tatio; ubi spiritus vitrioli & oleum  
tartari miscentur, & spiritus nitri  
oleo ex mercurio & antimonio pa-  
rato affunditur: quomodo ex spiri-  
tibus & succis lapidescentibus li-  
gna & res aliæ in lapides conver-  
tantur. Imò spiritu è cavernis ter-  
ræ erumpente, res obvias quasq; in  
saxa conversas esse, testantur histo-  
riæ. Qui effectus & mutationes &  
quidem tā subito factæ quomodo  
qualitatibus primis solum adscribi  
possint, non video. Et illi ipsi, qui  
tam pertinaciter pro qualitatibus  
primis scripserunt, omnes affectio-  
nes misti à qualitibus primis dedu-  
cere ausi non sunt. Erastus, *part. 12.*  
*disput. contra Paracels. pag. 172.* scribit;  
Calorem & frigus esse omnium affectio-  
num; quæ in animalibus partibus  
insunt, autores: Conformationem  
tamen, seu figuram & formam exci-  
pit. Et omnino hoc rectè facit. Quod  
ante etiam monuit Scaliger, *exerc. 6.*  
*sect. 7.* dum scribit: *Nullam qualitatem*  
*homini notam posse esse instrumentū or-*  
*dinatiouis, situs, numeri, figuræ & aliorū*  
*ejusmodi.* An autem naturalis poten-  
tia talia sine instrumento ullo agat,  
quod vult ibidem Scaliger, cui libet  
perpendendum relinquo.

Quod verò reliquas omnes mi-  
storum affectiones, excepta tamen  
conformatione, ad calorem & fri-  
gus refert Erastus: de eo non im-  
meritò dubitari potest: Cū multæ sint  
mistorum affectiones, quas à quali-  
tatibus primis æquè, ut conforma-  
tionem vel numeram, deducere,

An sola  
qualitates  
primæ mi-  
tionis  
causæ sint.

impossibile videtur. Neque est, ut quis statim hic ad animam confugiat, Rectè enim monstrat Scaliger, *exerc. 102. sect. 3.* Actiones multas, quæ qualitatibus primis attribui nequeunt, ut quod magnes trahit ferrum, rhabarbarum purgat bilem flavam, quod Cardan<sup>us</sup> animæ attribuebat, ab anima non proficisci: Cum anima extra corpus suum non agat, & quod non tangit, non afficiat: Præterea in inanimatis quoque actiones & qualitates tales occurrant.

Ipsam autem mixture naturam quod attinet, de ea, & quomodo elementa in misto maneat, pluribus disputatur apud Philosophos, ut cum apud alios, tum Zabarellam, *in lib. de mixture*, videre est: Ego, ut Scaligeri verbis, *exerc. 101. utar*, si cogor effari, quod in hac humana caligine sese offert mihi, fateor, me jâvinci à sententia Scaligeri, qui mixturem definit, *motum corporum minimorum ad mutuum contactum, ut fiat unio*. Ad mixture enim naturam requiritur, ut per eam continuum corpus atque unum fiat. Et quidem propriissimè mixtio dicitur, cum quid unum sit, non solum continuatione, sed & forma; seu, ut Galenus loquitur, cum mixtio sit *ειδομοις*, & ex omnibus partibus misti sit unum ens formaliter.

Quomodo autem minimorum fiat unio, & an forma miscibilium maneat integra in misto, an miscantur & refringantur, an verò planè aboleantur, tam difficile est in hac humana caligine perspicere, ut quam sen-

tentiam magis probare debeant viri doctissimi & acutissimi, ac inter eos Scaliger, facile dicere non potuerint. Vero magis consentaneum existimo, in mixture miscibilia in minimas partes redigi, atque ita sibi per minimas partes unita, per contrarias qualitates mutuo agere & pati: non tamen formas suas plane amittere (aliàs enim, & si formæ planè abolerentur, non esset miscibilium alteratorum unio, sed miscibilium omnium corruptio) sed ex omnibus unam constari, aut potius omnes mistas & in unum quasi redactas sub superioris alicujus formæ, à qua fiat unum specie, dominio manere. Sunt eum, ut Scalig. *loc. citat.* loquitur, *forma hæc actus materia quisque sua. Quæ materia quia sunt à natura ad operosorem compositionem constituta, factam ab eadem est, ut quemadmodum ipse sic & earum formæ commiscerentur*. Ignobiliora enim propter nobiliora facta sunt. An verò formæ integre maneat, vel refringantur, quod Avenrois & Zabarella sentiunt, altis discutiendum relinquo. Hoc certum est, mistum quodlibet in ea, è quibus primo constitutum est, resolvi posse: & proinde formas elementorum non aboleri. Aliàs enim in resolutione, & putredine fieret nova elementorum generatio.

Quæ cum ita docemus, iis non patrociniamur, qui in rebus naturalibus nihil præter elementa quærunt. Materiam dant elementa, non formas.

*Elementa  
quomodo  
in misto  
maneat.*

*Mixtio  
quid.*



Mistum, quæ mistum, formis elementaribus informari, non repugno. Verum cuiusque rei formam specificam, quæ rei dat suam essentiam & nomen, ab elementis provenire, nego. Est enim in unaquaque re naturali & partibus corporis præter materiam, quam elementa suppeditant, divinius quoddam principium & natura quædam, quæ sunt id, quod sunt, & incertam speciei naturalis familiam reducuntur. Elementa enim materia sunt, ideoque actum dare non possunt.

Atom. Democriti.

Atque hæc, quam proposuimus, est proculdubio antiquissimorum Philosophorum de mistione opinio, & ipsius Democriti, qui ex atomis res omnes componi, & generationem nihil aliud, nisi *σύνκρισιν* & *ἄλλοθισιν*, esse statuit. Non enim probabile est, *ἀερισιν* *φύσεως* *καὶ* *κοσμοῦ* *ἐπινοήσεσιν*, optimum naturæ & mundi interpretem, ut eum appellat, in Epistola Hippocrates, & qui in Persia, Arabia, Ethiopia, & Ægypto versatus, Magos & sapientes illorum locorum consuluit, ut habet Plinius, lib. 30. cap. 1. tam absurda de atomis & rerum generatione sensisse, quæ vulgo ipsi attribuntur. Videatur Pererius, lib. 2. Phys. in fine cap. 9. Tradiderunt nimirum Philosophi præsci sua dogmata sub verborum involucris: unde postea factum, ut adversarii eorum contra verba potius, quam mentem illorum, quam vel non intelligebant, vel intelligere volebant, scriberent, ipsisque, quæ nunquam senserunt,

affingerent, & inter cæteros etiam contra Democritum rationibus logicis disputarent: Cum tamen ipse non his, sed propriis, & naturalibus, *οἰκοίσις* *καὶ* *φυσικῶς* *λόγοις*, persuaderi & vinci voluerit, ut Aristoteles, 1. de gen. & corr. cap. 2. testatur. Nimirum quæ contra dogmata atomorum producuntur, pleraque non sunt Physica, sed Mathematica, de continuis, de lineis infestilibus & similibus. Atomos enim corpora ponit etiam Democritus, & quidem in illis non negat proprietates corporis Mathematici: per eas tamen etiam proprietates Physicas non tollit. Et cum dicit, concretione istorum corpusculorum generationem fieri, non negat mistionem, sed saltem hoc vult, vel non penetrare se Elementa, vel in mistione non semper ad elementa, & materiam primam usque recurrendum esse, sed ex corpusculis jam antea mistis & in sua essentia constitutis nova mista generari posse. Et proculdubio id sensit Scaliger, cum, loco allegato, scribit, mistionem esse motum corporum minorum ad mutuū contactum, ut fiat unio. Id quod & Hippocrates, in lib. de præca Medicina, docuit, ubi non solum elementa, sed salum, amarum, acidum & similia misceri & temperari scribit. Imò ipse Aristoteles *ἄλλοθισιν* & *σύνκρισιν* in rerum generatione & corruptione plane rejicere non potest. Cum passim res *ἀερισιν* *διναίσις* *καὶ* *μίσξις* generari doceat. Et 1. Meteor. cap. 9. expressè scribat,

*ἄλλοθισιν* *καὶ* *σύνκρισιν* *οἰκοίσις* *καὶ* *φυσικῶς* *λόγοις* *Democriti.*

bat, quod præcipuum movens in generandis meteoris sit ἡ τῆς ἡλίου Φορὰ Διὰ κινήσεως καὶ συγκρήσεως, Solis latitudo, quæ segregat congregatq;. Neque minimas particulas ipse Galenus rejicit: Etsi enim lib. 1. de elementis c. 2. contra Democritum disputet, ac si ea mens fuit Democriti, quam ibi proponit Galenus, à Galeni partibus contra Democritum libenter stemus: tamen atomos simpliciter rejicere non potest, dum lib. 1. de Elementis cap. ult. postquam quæstionem movisset; Quomodo per totum temperentur ea, quæ recipiunt temperaturam, a qualitatibus solis vicissim agentibus & patientibus, vel etiam corporis substantiis coëstantibus, concludit: Quod miscibilia ad minimas particulas confringantur, unde illis mutua actio & passio contingit, & qualitatum invicem participatio, quæ tanto promptior & facilior, quanto ad minores particulas confringuntur. Et Avicenna prima primi doct. 3. ca. Temperamentum definit esse qualitatem, quæ ex actione & passione contrariarum qualitatum in elementis repertarum oritur, cum partes ad tantam parvitatem redactæ sint, ut cujusque earum plurimum contingat plurimum alterius. & sic dicitur.

Et certe si quæ in natura sunt, diligenter perpendamus, aliter se rem habere; vix statueret licet, sive corruptionem, sive generationem rerum species. Corruptionem λέγουσιν fieri multa restantur. Ubi enim, ex

re aliqua, quæ vel putrescit, vel cõburitur, vel alias à calore resolvitur, vapor aut fumus attollitur; Vifus quidem è longinquo corpus continuum esse judicatur; Cum tamen non sit continuum, sed atomorum multa millia inter se confusa; ut vel visu intèriore animadverti potest. Nam videmus picem, vel aliam rem accensam, maximum aëris spatium, atomis igne resolutis, occupare. Idem operationes Chymicæ testantur; imprimis sublimatio, ubi atomi illa in alembico colliguntur. Neque enim corpuscula illa minima resoluta, ut antea etiam dictum, semper pristinam formam amittunt (quod aliquis pro opinione Democriti dicentis, Atomos esse impassibiles, usurpare possit) sicut in operationibus Chymicis videmus, in quibus vapores illi excepti, seu in alembico, seu in recipiente ex diversis corporibus, diversam naturam retinent, ut συγκρήσις docet. Videre idem est in Thermis, acidulis, & aliis, qui mineralia secum ferunt, fontibus. In iis enim styriæ quædam & tophi canalibus accrescunt: cum tamen aqua, quæ decurrit, hmpidissima sit, ut quis mirari possit, quomodo ex tam perspicua & clara aqua corpus tam crassum fieri queat. Proculdubio in talibus aquis mineralis & lapidea materia in minimas particulas resoluta fuit, quæ postea suo concursu & συγκρήσει laxum & durum corpus constituunt. Si aurum & argentum simul liquecant, ita per minima miscen-

Atomi,

Διὰ κινήσεως καὶ συγκρήσεως, Solis latitudo, quæ segregat congregatq;. Neque minimas particulas ipse Galenus rejicit: Etsi enim lib. 1. de elementis c. 2. contra Democritum disputet, ac si ea mens fuit Democriti, quam ibi proponit Galenus, à Galeni partibus contra Democritum libenter stemus: tamen atomos simpliciter rejicere non potest, dum lib. 1. de Elementis cap. ult. postquam quæstionem movisset; Quomodo per totum temperentur ea, quæ recipiunt temperaturam, a qualitatibus solis vicissim agentibus & patientibus, vel etiam corporis substantiis coëstantibus, concludit: Quod miscibilia ad minimas particulas confringantur, unde illis mutua actio & passio contingit, & qualitatum invicem participatio, quæ tanto promptior & facilior, quanto ad minores particulas confringuntur. Et Avicenna prima primi doct. 3. ca. Temperamentum definit esse qualitatem, quæ ex actione & passione contrariarum qualitatum in elementis repertarum oritur, cum partes ad tantam parvitatem redactæ sint, ut cujusque earum plurimum contingat plurimum alterius. & sic dicitur.

tur, ut visu deprehendi aurum in argenteo nullo modo possit: si vero postea aqua fortis affundatur, ita solvitur argentum, ut ullum metallum in ea aqua deprehendi visu non possit: cum tamen revera insit & hinc segregatum emergat; & quidem ita, ut & aurum & argentum suam naturam retineat; & hoc modo in subtilissimam calcem, quæ nihil aliud est, quam congeries aliqua innumerabilium atomorum, redigatur, quæ in aurum & argentum purissimum fusione iterum reducitur. Ita in lixivio & muria, è qua sal, nitrum & vitriolum coquitur, in urina, in vino sal, qui inest, non conspicitur: at separato humore, facile se conspicendum præbet. Ita in lacte est butyrum, caseus, serum. Et quid aliud sunt digestiones & coctiones, cum eæ, quæ arte instituantur, tum quæ à natura in corporibus plantarum & animalium fiunt, quam primò *Ναυρεως* & corporum miscendorum in minimas partes resolutio, iterumque pro rei cuiusque natura & usu *συγγεωσις* & concretio.

Non tamen (si forsitan ita sensit Democritus) ex fortuito atomorum concursu res naturales fiunt, nisi forsitan meteora, quæ etiam Aristoteli generantur *ἢ Φύσιν ἀτακτοῦτος*: sed à forma superiore dirigente, quæ caloris instrumento & ope attrahit, retinet, miscet, & disponit omnia, prout opus, ut paulò ante dictum.

Res autem in corpuscula mini-

ma & atomos redactæ, pro vario concretionis modo, variam externam speciem induunt, cæsi forma interna, non differant. Aurum, ut & alia metalla, retinent suam naturam in aquis fortibus in forma pulveris, nunc attriti, nunc flavi, nunc aliterius. Quis *π λυσιεπις* Mercurii variationes ignorat, qui seu præcipitatus, seu sublimatus, seu in oleum, seu in pulverem redactus, suam naturam retinet, & facillè ad ingenium redit & reviviscit? Ut jam non dicam de eo, quod res inflammata non semper pristinam naturam exiunt & in ignem verè mutantur, sicut in oleo sulphuris ex sulphure accenso per campanam factò, & in spiritu nitri, qui sine additamento fit, nitro in retortam particulatim injecto & accenso apparet. Dicunt quidè nonnulli, flammam nihil aliud esse, quàm aerem accensum, sed parum rectè: atque an aer purus inflammari possit, satis dubium. Nam in magnis sylvarum & urbium incendiis dudum inflammatum & in ignem mutatum esse oportuit. Quæ omnia eo sine in medium adduxi, ut quilibet, quæ in natura fiunt, consideret diligentius, & hinc de mitione attentius cogitet.

Atque hoc loco cum de *συγγεωσι* *σι* & *Ναυρεωσι* egerimus, aliquid etiam de fixitate & volatilitate dicendum videtur, re Chymicis valde trita, & in qua pleraque Chymicæ operationes suam fundamentum habent, imò qua ferè totus Chymicæ ambitus continetur, secundum vol-

naturalium forma externa variatur in mente interna.

Fixum & volatile Chymicæ quid.

patum illud, *fac fixum volatile, & volatile fixum, & totum habebis Magisterium.* Et licet in Physicis vulgò hac de re nihil ferè tradatur: tamen magis omnino momenti est, in primis in Medicina; cum res eadem, quæ dum volatile erat, præsentaneum venenum erat, ubi fixa evasit, nihil amplius damni inferat, sed medicamentè loco sit, ut de antimonio, mercurio, arsenico Chymicis notissimum est. Est autem fixum, quod in igne durat; Volatile, quod ignem non tolerat, sed caloris vi in altum elevatur; & fixatio dicitur volatilitatis ablatio.

*Fixatio.*

Differt autem fixitas & volatilitas, etsi non rarò confundantur, à coagulatione & rarefactione. Coagulatum enim est, quod ex spirituofo & rarefacto spissum & tangibile corpus evadit: quod tamen omne fixum non est: contra rarefactum & resolutum est, quod ex tangibili & spisso corpore spirituosum & subtile evasit: quod Chymicis est, è spiritu fieri corpus, & è corpore spiritum. Licet enim spiritus etiam corpora sint: tamen Chymicis illud, quod *virtutum*, crassum & tangibile est, in specie corpus appellatur; quod contrario modo se habet, spiritus. Hinc quoque fit, ut à Chymicis mineralia quædam, quæ ignem minimè ferunt, & facile fumant, & sublime petunt, imò & alia secum in aërem abripiunt, spiritus in specie appellentur, quales sunt arsenicum, sulphur, cadmia, argenrum vivum, antimonium.

*Coagulum quid.*

*Resolutum quid.*

*Corpus quid Chymicis.*

*Spiritus quid Chymicis.*

ni Cæterum fixorum est quædam *Fixorum differentia.* Alia enim sunt simpliciter fixa, quale est aurum, quod igne non resolvitur, sed quo magis ardet, eò pulchrius, & præstantius evadit: alia secundum quid saltem fixa appellantur, & comparatè ad spiritus, ut quæ in igne quidem mitiore sunt fixa, si forti tamen urantur, ipsa etiam comburuntur, & in altum elevantur, ut ferrum. Quamquam verò pleraque, quæ fixa sunt, cum à calore nostro resolvantur & propterea in actum deduci non possint, corpus non afficiant: tamen quædam etiam, licet integra maneat & non resolvantur, spirituali tamè & magnetica vi corpus afficiunt, ut in gemmis videre est. Verum de his, ubi de operationibus Chymicis tractabitur, pluribus agendum, & quomodo fixa faciendâ, docendum. Hæc enim si certis præceptis, quod fieri potest, comprehendantur, de multis laboribus certius judicari poterit.

Hæc etiam de fixitate & volatilitate doctrina non parùm facit ad vires medicamentorum rectè judicandas. Longè enim alia salis fixi aut vim figendi habentis est operatio, qualis est in carnibus, & piscibus, sale & fumo induratis, quam volatilis, qualis est in cochlearia, nasturtio, armoracia.

Inter recentiores, Johan. Henemannus, Reyling, civis meus, in tractatu de peste, hisce duobus, rarefactione sc. & condensatione, omnem

omnem rerum generationem & corruptionem absolvi docet: duplicesque spiritus constituit, quibus natura utatur in conservandis rebus elementaribus. Rarefacientes & condensantes: spiritumque rarefacientem habere igneum cœlestē subjectum; & accedens inseparabile caliditatem, igneamque substantiam generare: Spiritum verò condensantem habere subjectum æreum, ipsique proprium esse frigus.

Reliqua quæ ex Paracelsō & Severino de variis generationum differentiis, & imprimis de meteoris & hoc capite, & supra, allata sunt, tam absurda sunt, ut saltem recitasse sufficiat: cum dubitatum jam olim sit, uter sit ineptior, qui ejusmodi absurda dicit, an qui operosius impugnaanda suscipit.

### CAPUT XIII.

#### De Fundamentis Medicinæ.

CUM hætenus præcipua de Rerum natura Chymicorum dogmata excusserimus: proximum jam est, ut idem in omnibus Medicinæ, quam istis principiis superstruunt, partibus faciamus. Istam autem suam Philosophiam, ut etiã supra dictum, vitalem appellant, utpote quæ non ex materialibus, Elementariis & mortuis, quæ Aristoteles, Galenus & Avicennas habent, principiis deducta sit, sed circa

explicationem vitalium principiorum, seminum & potestatum versetur: Medicinamque, quæ ex ista Philosophia vitali deducta sit, Medicinæ Galenicæ multis modis proponunt. Galenicos enim Elementarios Philosophos appellant, quod scilicet omnia ad ignorantiam asylū, occultas qualitates, confugiant; nihil de principiis essentialibus, in quibus scientia & rerū causæ fundentur, sciant; & proinde corticem intra nucleos habeant, librum parvi & magni mundi non legant, veram astrologiam, quæ consistat in sympathia & antipathia siderum, cœli & mundi inferioris, ignotent. Chymicos verò & Paracelsicos penitius in naturam introspicere affirmant.

Verum dictum jam supra, licet quidam è Peripateticorum & Galenicorum numero sint, qui supraelementa animum non atollunt: tamē hoc scommate immeritò omnes verberari, cum plurimi doctissimi Philosophi & Medici sint, Scaliger, Fernelius, Schegkius, Valeriola, & alii, quos hic recensere supersedeo, qui in elementis non acquieverunt & penitius rerum naturam inspexerunt. Atque iis vitalia rerum principia, & anima, à qua omnis vita ignota non fuit. Idem librum naturæ diligenter legerunt, & quidcum experientia & ratione consenserit, inquisiverunt. Imò ipse Galenus dudum ea, quæ cum *ἐναρξας* *Φαννοῦσποις* consentiunt, amplectis quæ dissentiant, rejici jussit. Si

verò Philosophiæ vitalis nomine sua dogmata dignantur, ob principia illa tria, Salem, sulphur, & mercurium κατὰ χημείους illos voce vitæ uti, etiam supra dictum. Sed gloriantur titulo quocunque velint, rem ipsam videamus, & quid cum illis veritatis χημείους, λέγω κατὰ χημείους, consentiat, porro dispiciamus.

Funda-  
mentale Me-  
dicinæ.

Fundamenta autem Medicinæ quod attinet, in Medico plura media, quibus ad penitiorē naturæ cognitionem pervenire possit, à Chymicis requiruntur. Paracelsus, in *Pangrano primo*, in Medico quatuor requirit, Philosophiam, Astronomiam, Chymiam & Proprietates. Alibi plura requirit.

Primo Chymiam, unde & suam Medicinam nominari voluit: de qua hic nihil addimus, cum tota ista tractatio de ea instituta sit. Et si rectè ea, ad medicinam amplificandam, non evértendam, utantur Chymici, facile ipsis assentimur; Chymia que necessitatem & utilitatem supra defendimus, ut plura hic addere opus nō sit. Uno verbo rem complectar: Elegantis Medici nomen hodie vix sustinere potest, qui Chymia ignarus est.

Magia.

Secundum Medicinæ fundamentum Magiam ejusq; species constituit Paracelsus, & in *Labyrinth. Medicor. errant. c. 9.* Artē Magicā Medicinæ Anatomiam esse docet, & Magistrā, Præceptorem, & Doctorissimā Medicinæ, eorumq; quibus morbos depellimus, non autē

Galenum. Quid autem Magia antiquorum cum licita & honesta, tum illa abominanda & Diabolica sit, & quas species habeat, recensere hujus loci non est: videantur hac re Johan. Francisci Pici Mirandulani doctissimi libri *de rerum Predictione*, & post eum, Peucerus *de divinatione*; Erastus *disput. contra Paracels. pars. 1.*

Quid Paracelsus de Magia doceat, breviter attingamus. Omnia enim, quæ de Magia in suis scriptis fat copiosè & prolixè affert, hic recensere, nec instituti nostri est, nec operæ pretium. Qui plus temporis in hæc cognoscenda impendere cupit, legat in primis libros ejus de Philosophia Sagaci, Archidæos Magicæ, de Philosophia occulta Libri, quem inscripsit *Labyrinthum Medicorum errantium, cap. 9.* Magiam dicit *artem artium aliarum, omniumq; rerum aliarum occultarum inventricem, ex easq; non autem Galenorum, Avicennæ, aut talibus discendam esse Medicinam.* Et, *de Pestilitate tractat. 2. pag. 345.* Medico discendam esse Magiam & cognatas artes, Astronomiam, Pyromantiam, Chirophantiam, Hydromantiam scribit: afferitque, *Johannem Evangelistam, Mosem, Aaronem, Eliam, Enoch, Davidem, Salomonem, Danielem, Baruch, Jeremiam, Hezechielem, & omnes Prophetas Magos fuisse.* Præterea in *sine lib. de occulta Philos. Magiam esse per se occultissimam artē, & summam sapientiam rerum supra naturalium: Et quicquid humana ratione*

De Magia  
Paracelsi  
sententia.

aliàs.

aliis agnosci non potest, id Magia investigari posse scribit, eandemq; Theologus esse cognitu necessariam putat, nullumq; Theologum fuisse, qui sine Magie cognitione Diabolum ejecerit & spiritum expulerit. Idem affirmat, lib. 5. de morbis invisibilibus pag. 113. Magos Ægyptios arte hac miracula edidisse, & licet scriptura illis artificibus duriora nomina imponat; (rauhe Namen giebet) artem tamen illam à Deo fuisse. Ibidemque docet, Deum arte hac Diabolum donasse, & valde peritum in lucem naturæ possuisse: hanc autem ipsi eripere posse: artem usurpandam, Diabolum relinquendum esse: ideoq; nos in hoc mundo versari, ut minor à majori distet: atq; in usum artis, qualis in se est, transgressionem legis sive peccatum non esse. Ibidemque scribit: Hoc nobis persuasissimum esse debere, Deum condidisse Medicinam nobisq; ob oculos considerandam posuisse, ideoq; si per Characteres nobis aliquid boni fiat, eodem loco eos habendos esse, ac si planta essent; ac etiamsi diaboli sint, eodem loco id habendum esse, ac si essent pixides ex Pharmacopolio. Et si diabolus verbum pro herba sumit, sit, inquit, nobis instar herbe, verba ejus sunt species, Characteres ejus composita & Syrupi. Ibidemque docet: Si Deum toto corde amemus, etiamsi diabolus nobis afferat argentum, aurum, juvet nos, exhibeat nobis medicamenta, eripiat nos ex carcere, credendum esse, hac jussu Dei fieri.

Et ut breviter ejus mentem explicemus, ac totius ejus Magiæ fundamenta in pauca contrahamus,

summam suæ sententiæ Paracelsus, ibidem pag. 111. exponit: Salus, inquit, ex inimicis nostris, & à manibus eorū, qui oderunt nos: & cogitandum esse, dicit: Deus me creavit, Deus me redemit, pro omnibus bonis, quæ mihi vel ab inimicis vel amicis (puta Diabolis & Angelis) accidunt, ipsi sit laus & gratia. Et si, quæ alia passim de Magia tradit, in omnem partem versemus, res tandem eò redibit: Effectus magicos pendere vel à cælo, vel à spiritibus sive bonis sive malis: utraq; cælum scilicet sive astra & spiritus, homini subijci, & cælorum ac astrorum vires cogi in Characteres, verba, ceram & alia posse; Spiritus quoque ipsos, ut serviant hominibus, cogi atque adigi posse: & hoc modo Magiam, quam veram, concessam & legitimam putat, non differre opere à Sagarum illicita Magia, sed saltem modo quodam. Verum enim Magum fide & imaginatione, (alibi & preces addit,) cælum & spiritus sibi subijcere: sagas verò idem conjurationibus facere.

Magiæ autem lex species constituit Paracelsus, lib. 1. Philosophiæ Sagaris cap. 4. Primam dicit esse interpretationem signorum præternaturalium, quæ inter res naturales quidem appateant, naturaliumque corporum speciem habeant; præternaturali tamen modo à DEO in natura constituentur. Talemque Magiam fuisse interpretationem stellæ, quæ Magos ex Oriente in Judæam deduxit.

Magia  
species sex.  
Paracel.

1.

Magia Pa-  
racelsica  
fundamen-  
tum.

Huc etiam pertinere interpretationem Prophetiarum & Apocalypsum.

2. Secundam speciem statuit esse transformationem corporum viventium; qualis coram Pharaone tempore Mosis accidit: quod etiam Christi transfigurationem refert.

3. Tertiam speciem, ait, docere, facere verba, quæ omnes vires habent, quæ à cælo in herbas demittuntur, quæ omnia, quæ Medicus per medicamenta efficit, verbis præstari possit; eamque appellat *Characteralem*.

4. Quartam speciem dicit docere facere Gamahæu, Gamahæa, Gamahæos, vel Gamahæas, (alii enim aliter appellant) id est, imagines & sculpturas, quibus mirandis Characteribus & figuris cæli vires imprimantur; quæ omnia præsent, quæ alias ex rebus naturalibus composita instrumenta faciunt. Sicut enim clavis seram aperit, gladius vulnerat, thorax ferreus munit: ita eadem invisibiliter peragi posse per imagines ex influentia supercælesti lapidibus insculptas.

5. Quinta species est, quæ imagines conficit similes his, quibus eadem destinantur, quibus quicquid infligitur, ii patiuntur, quorum sunt imagines. Hac Magiæ specie dicit in imagine cerea vel alia posse quæ affari, configi, paralyticum, cæcū, impotentem ad Venerem reddi, rursumque sanari: hæcque Magia illi dicitur *Alter in Alteram*.

6. 6. Cabala.

Ultimam speciem constituit Ca-

balisticam. Cabala autem apud antiquos doctrinam non propria inventionem aut meditationem inventam; nec ex libris aut scriptis aliorum haustam, sed vivâ voce a patribus acceptam & quasi per manus traditam significabat; nihilque aliud erat, quam mystica quædam, symbolica, & ænigmatica Theologia; Cabalistarumque erat, traditionibus majorum fidem habere, licet nullam rationem protulerint, nec in dogmata inquirere. Et triplicem eam quidem faciunt, primam, quam Adamum dicunt doctrinam à Deo acceptam tradidisse filiis, qui eam reliquis patribus traderint: Alteram, quam Deus in monte Sinai Mosis 40 diebus, quibus cum eo commoratus est, legis explicationem tradiderit, quam ipse rursus Josuâ docuerit: hæc tamen conditione & mandato addito, ut eam paucis tantum quibusdam, iis quæ sapientibus revelarent, quam illi rursus aliis sapientibus, sed paucis communicarent. Factumque id continua successione usque ad Esdras, qui convocatis omnibus senioribus de singulis, quod à majoribus acceperant, exceperit, & in 70 libris retulerit, quos tamen paucis, & non ante annum ætatis quadragesimum, legere licuerit. Tertiam à Rabinis inventam, qui literas & syllabas Bibliorum in numerum vertunt, mutant, & occultos inde sensus eliciunt. Exempla videantur in Lexico Schindleri.

Verum cum de Judæorum Cabala non agat Paracelsus atque ipse,



eodem in libro cap. 6. Hebræis parum tribuat, eosque in natura nihil cognitum habuisse, stupidissimosque afinos fuisse, scribat: Judæorum illa somnia examinare; quod Erastus, *part. 2. disp. contr. Paracelsi, p. 275.* fecit, hoc loco opus non est, sed de Paracelsi Cabala dicendum.

*Cabalistica  
Magia Pa-  
racelsi.*

Cabala a Paracelsi rationem ac modum tradit, quo characteribus, figuris, figuris, verbis admiranda & aliis impossibilia perficiantur, ac Magia Cabalistica præstari possedocet, ut quis possit audire vocem ultra mare, aliquis habitans in Occidente loqui cum aliquo habitante in Oriente. Quæ enim voces naturaliter exaudiri possunt per passus 100. easdem beneficio Magiæ dicit exaudiri posse per 1000. milliaria Germanica. Item quod iter cursor vel equus naturalibus viribus mensis spacio absolvit, id per hanc Magiæ speciem uno die posse absolvi. Actales equos habuisse Magos Sabæos, eosque Magica, non naturali vi equorum Bethlehem venisse, *lib. 1. de vita long. cap. 9.* scribit. Et quicquid natura operatur annuo spatio, id ipsum mense perfici posse etiam in fructibus maturandis pollicetur. Hoc modo Trithemium cœnam ex Italia vel Gallia petiisse pro lato verbo; Affert, referunt.

Consentit cum his Crollius, in *prefatione pag. 36. & seq. ubi pag. 38.* scribit: *Quicquid oculis videmus in majori mundo, hoc idem imaginatio potest producere. Sic omnes herba, omnia crescentia, omnia metalla per i-*

*maginationem & veram Gabalam possunt produci.* Nominat autem Crollius hanc Magiæ speciem non Cabalisticam, sed Gabalisticam, à Gabale homine interno, sidereo, olympico, qui sit idem cum astrorum firmamento, atq; ideo propter virtutum magneticarum affinitatem omnes astrorum vires ad se attrahere possit. Et cum in astris firmamento omnem sapientiam, omnesque artes latere puret, per spiritum istum sidereum ex cœlo hominem attrahere posse omnem rerum cognitionem, scientiam & sapientiam putat.

Atque hanc partem Magiæ Cabalisticam dictam tribus columnis *Fundamē-  
tum Magiæ  
Cabalisticæ* niti dicit: primo veris precibus, Spiritu & veritate factis, ubi in sancto sanctorum fiat unio Dei & Spiritus creati, ubi Deus interno spiritu, non vi vocabulorum, sed in silentio facti, absque oris apertione atq; anhelitu, compelletur. 2. Fide non illa salvifica, ut Paracels. *tom. 1. pag. 90.* scribit, sed naturali sive sapientia omnibus hominibus æqualiter in prima Creatione communicata, quæ hominibus cum dæmonibus sit communis, quam, *in lib. de pestes* incantatoriam nominat, & de qua Christum, *Luc. 17.* opinatur locutum, & de qua tum alibi, tum *lib. 1. de orig. morb. invisib.* agit: & 3. Imaginatione fortiter exaltata. De qua Crollius, *p. 46.* scribit: *Quicquid Medicus naturaliter sive herbis per mortuam temporis successivè operantibus efficit: illud Magus sive Medicus celestis Characteribus & lapidibus, Gamabaa scilicet*

influentialis conjugii terrestri signo, per combinationem superiorum & inferiorum astraliter, valiaissima impressione subito & longe citius perficit.

Approbantur ista à recentioribus aliis, & Cabala Paracelsitarum commune presugium est, & sub Cabalæ nomine omnia tegunt, quorum rationem reddere nequeunt. Ernestus Butegravius Martiam armaturam & gladios, in valida dispositione Martis ex septem metallis suis sideribus assumis & præparatis, opere iplo fabrilis, intentione, verbis & halitu, omnibus martialiter se habentibus, ad vim hostilem avertendam, hostesq; in fugam vertendos pollicetur, in libro, cui titulum fecit, *Achilles navon* & redivivus. Idem lampadem vitæ & mortis promittit, in qua, tanquam in fatali lumine, omnis hominis fortuna, affectus, morbi, & tandem ipsa mors observari possit. De armatura Martia sic scribit: *Ad vincendum & fabricam stabili obfirmato animo, & imaginatione fortiter elevatâ re & affectu exaltato: tum voce iracundâ, asperâ, infrenatâ, rauca, minaci, atroci, hoc est, Martiali; tum oculis ad Bassilisci obitum, intensis operi irradia; & martialiter aspira tali carmine:*

*Auspicio Martis bene cedat Fabrica  
& Artis.*

*Arma mihi cudo, celo aspirante secundo,*

*Quis possit duri vis nulla nocere metalli,*

*Sed pavor, & terror perturbet, mentis  
& error*

*Hostem acie in cuncta, ut nequeat  
consistere puncto.*

Mox addit: *Inspira fortiter, & abelitu ei incumbere Martiali, repetitis, quoties operi congruum, numeris:*

*Ut lupus ignavos nocturnos territat  
agnos,*

*Ut timidos sevos exhorret dama  
molossos:*

*Sic quoq; præcipitem incutiant hac  
arma timorem.*

*Iterum hic aspirandum, & inspirandum  
opri Martialiter:*

*Contra præsentem ut nequeat consistere  
mente.*

*Irrita reladabis, quicumq; minabere  
nobis,*

*Obvius his armis quique ibis, abibis  
inermis.*

*Hic Martialiter, ut poteris, iterum inspiro;  
& repetitis inter Pycnemonas  
numeris, fortiter ingemina:*

*Hæc veluti flammâ mollescit Martia  
lamma:*

*Hæc veluti situ electrum durefcit  
& iclu:*

*Sic quoq; mollescant, & pectora dura  
liquefcant,*

*Præq; metu rigeant, pavidodq; tremo  
refatiscant.*

Et talis quidem est, inquit, ab imaginatione Martialis inspiratio, cujus nemovires refutat, nisi qui in omnibus arcanis profanus hostes est. Sit sane horum sacrorum concilius, quisquis volet. Ego quidem libenter me hic profanum & hospitem profiteor. Neque mihi tam valida phantasia est, nec verba tam potentia, ut in ipsum chalybem agere

*Armatura  
Martia.*

agere possint. Plura videantur apud ipsum Burggravium, Rogerium Baconem, de mirabili artis & naturæ potestate, Paracelsum, in libris *Archeidoxeos Magica*, & alios.

Omnia autem, quæ Magiæ opera Paracelsitæ promittunt, breviter proponit Andreas Libavius, contra *Crollium* pag. 55. *Lucis naturæ*, inquit (nam hoc splendido titulo omnia exculare conatur.) *est præcipere spiritibus immundis, ut adsint ad ministeria; tempestates cære; fata transferre; caput domere homini, iterumque imponere; unico momento canas Magicæ exhibere; affigere cornua; bibere ex cribro; sistere pridem defunctos; tribus jaculis ex arcu & globulis ex bombardâ emissis, omne, quidquid velis, etiam non visum, confodere; in speculis videre omnia præterita & præsentia, futura, facta, dicta, scripta, cogitata; sanare per maximas distantias; colloqui cum eo, qui est in Persia, cum tu sis in Hispania; in Luna legere scripta ejus, qui nullo milliariibus abest; in homine designato absente ea imaginatione perficere, quæ in homunculo ceræ, vel alio aguntur, quo iste representatur; ligaturas physicas inducere, iterum demerere; inimicitias & favores constitucere, affectusque hominum mutare ad libitum; detrahere uni vires, & alteri inferre; victorias transferre; magnos exercitus voce, fistula vel imaginatione in fugam vertere; mures & muscas congregare, ut & sagas; Characteribus, pentaculis, sigillis & aliis ab omni injuria se immunem reddere; armaturas,*

*globos, clypeosque Martios facere, quibus saltem visis hostiles fundantur exercitus; adjungere bombardas, ne explodantur; equos ita efficere, ut summâ celeritate etiam per præcipitia ferantur, & ex hostibus saluum referent sefforem; facere tintinnabula, quibus mere rices discernantur; mutare hominum figuram in leoniam, ursinam & alias; sic ludere posse tesseras, chartas & alius, ut nunquam succumbas; avium voces intelligere; non acula coriem dissecare; baculum in serpentem mutare, & alia multa incredibilia perpetrare.*

Verum enim verò, si hæc diligenter perpendantur, omnia ferè impia & blasphema sunt. Quanquam enim profestetur Paracelsus, se non illam infamem, & quæ diaboli ministerio fiat, Magiam, sed naturalem & licitam commendare: tamen ex iis, quæ jam ex eo allata sunt, & passim ex ejus scriptis satis patet, qualem Magiam sectatus fuerit. In *lib. principiorum seu de mysteriis verm. cap. 5.* Infamem illum Magum Judæum Techellum commendat ac defendit, & vix fuit ullus ullo seculo Magus famosus, quem Paracelsus non laudet. *Lib. 15. de morb. invisib. pag. 183.* defendit, ut antea dictum, Magos Pharaonis, artemque ipsorum à Deo fuisse scribit; & agrè fert, quod scriptura sacra demonibus nominibus eos appellat Zouberer. I dum scribit inter alia: *Wierol die Schriffe den Künstlern rauche Namen gibt: so ligt es doch nicht an den Namen.*

Magia Paracelsi impia.

Denique die Kunst vermag die Namen anders darzuehen. Et mox: Darumb haben die Künstler der Kunst haben Gott nicht ersüner. Idem, in *lib. de Occult. Phil. p. 287.* de Bileamo sentit. Quamvis etiam eo ipso loco Magiam veram à Nigromantia distinguere conatur & nigromantiam per ceremonias & conjurationes fieri dicit; Magiam verò sine ceremoniis, conjurationibus, & consecrationibus, sed sola fide illa; qua secundum Salvatoris dictum, montes transferri & in mare projici queunt, quæque spiritibus possent imperare, & eos ad servitium cogere: tamen qualis illa, quam veram putat Magiam, sit, & quam malè & impiè fides miraculosa illi attribuat, ex sequentibus patet, cum scribit. Si homo arte magica sit læsus, durch Zauberey / hoc modo esse curandus; *Esse fabricandum vel effingendum pedem vel manum, vel aliud membrum ad formam ejus, quod egrotas & dolet, vel etiam imaginem totius corporis, atque illam esse inungendam, & obligandam, non dolentem hominem.* Si homo per incantationem usum sermonis, visam, auditum vel viriutatem amisit, totius hominis imaginem è terra esse faciendam, forti fide & fixa imaginatione; atq; illam imaginem debito modo curandam esse. Et mox: Medicus non omnia, qua scire debet, in Academia discere potest: sed opus est, ut in erudum anus, Zygamos, Nigromantico, Agyras, Rusticos seniores, & ejusmodi viles homines alios consulat & ab eis discat. Plura enim de talibus norunt,

quam omnes Academia. Et quis de Magia non suspectum habeat eum, qui Campanam Virgili & cujusdà Hispani diabolos advocantem & repellentem, Speculum Magicum, in quo omnia videri possunt, & similia probat. Atque ita omnem suæ Magiæ vim à Diabolo pendere, diffiteri nō potest Paracelsus. Hanc saltem differentiam inter illicitam & licitam Magiam constituit; quod illa incantationibus & ceremoniis quibusdam diabolo, quasi blandiatur: Hæc verò, diabolo artes suas vi quasi eripiat, & fide ac fixa imaginatione eum servire cogat.

Verum nunquam probavit Paracelsus, licere à diabolo aliquid petere vel auxilium expectare. Recteque Chrysothomus statuit, potius mortem homini Christiano subeundam, quam vitam ligaturis redimendam. Et Deus ab initio mundi, *Gen. 3. v. 15.* inimicitias inter hominem & diabolum posuit. Neque illum exemplum in sacris literis vel historiis habetur, quod diabolus homini unquam, quid benefecerit, Sac multæ legiones angelorū sunt, quorum ministerio Deus, ubi vult homini benefacere potest.

Secundò, frustra & loco allegato *lib. de occult. Phil. p. 289.* Magiæ vires & potentiam ex fide deducit. Nam primò fides illa miraculosa inter *χρηστωτα* Spiritus sancti ab Apostolo; *1. Corinth. 12. v. 9.* recensetur, quam non quilibet sibi polliceri potest. Et inter Magos recenset tales Paracelsus, quos fidem illam

*Vix Magia  
Paracelsi à  
diabolo.*

*A diabolo  
num licet  
auxilium  
petere.*

*Fides mi-  
raculosa.*

mira-

miraculosam non habuisse certum est, ut Téchellum illum Judæum; magos Pharaonis, aliosque Paganos: Et proponit talia Magiæ opera, qualia etiã in Virgiliti Pharmaceutriã describuntur. Deinde fides & preces secundum verbum & promissionem Dei institui debent. Ita Elias, 2. Reg. cap. 17. dicit. *Si vir DEI sum, cadat ignis de celo, & devoret te cum tuis quinquaginta.* Nimirum qui per talem fidem mira præstare cupit, is de successu nullus dubitare debet, sed persuasissimum habere, eventurum esse, quod vult. At ne dubitet, omnino promissio præcesserit, necesse est. At talis hic nulla est. Imò multa peraguntur à talibus specie istius fidei, quæ verbo Dei planè sunt contraria. Et certè horrenda est impietas Crollii, quod scribere audeat, *preces veras in Spiritu S. veritate factas esse primum Magiæ Cabalistice fundamentum.* Cum enim preces cultus Dei sint, & secundum illud 1. Joh. cap. 5. vers. 14. *Quis enim non exaudiat eum, qui petit à Deo?* & cetera, preces tantum secundum promissionem & voluntatem Dei institui debeant, non dect hunc cultum ita profanare. Modestretur in sacris vel jota factem, ubi Magia, quam ex Paracelso defendit Crollius, promissiones exauditionis habeat. Videantur quæ antea de curationibus magicis adduximus, & facile erit judicare, an ista à Deo petere liceat, & si quis talia præstet, an Deum, an Diaboli au-

xilio ascribendum sit. Ut alia non repetam, an non impium est, confidenter scribere, quod Crollius, pag. 38. facit; *Quicquid oculis videmus in majore mundo, hæc imaginatio potest producere: sic omnes herbe, omnia crescentia, omnia metalla (cur non etiam animalia?) per imaginationem & veram Cabalam possunt produci.*

Fides verò illa naturalis, quæ sit potestas faciendorum operum mirabilium, in creatione omnibus hominibus æqualiter concreata & ingenta, merum figmentum est. Vera enim miracula tantum Ecclesiæ Dei propria sunt. Neque tamen potestas faciendi miracula omnibus concessa est: nec Abraham; David; Salomon & plurimi alii ediderunt miracula. Solus nimirum Deus autor miraculorum est, qui hoc donum, cui vult, largitur; & ut rectè Nico-demus ait, nemo potest signa ista mirabilia facere, nisi Deus sit cum eo. Quæ verò ab infidelibus & Magis sunt miracula, spe Diaboli sunt, nec sunt vera miracula, sed *magia verba, & magiæ verba*, ut Paulus nominat. Impium etiam est, quod scribit Crollius, pag. 46. *Verum Cabalisticum facere omnia, quæ vult, velle autem, quæ ipse Deus.* Nulli enim in sacris aliquid de ista Magia existat, neque ullo apice ex sacris probari potest, Deum ista Magiæ velle. Salvator noster equidem; Job. 15. v. 15. ad discipulos ait: *Vos dixi amicos meos; quia omnia, quæ audiat*

...magia  
...magia  
...magia

Fides naturalis  
miracula  
necesse est

à *Patre meo, nota feci vobis; & Paulus, Actor. 20. v. 27.* Omne consilium Dei se annunciaffe profiteretur. At de magia nullibi quicquam exstat; imò toties in sacris prohibita est.

*Imaginationis Vires  
sec. Paracelsi.*

Quæ verò de Imaginatione scribit Crollius, p. 36. 37. 38. 39. Enthusiastarum somnia sunt. Magnam vim imaginationis esse nemo negat, sed ea præstare posse imaginationem, quæ Crollius scribit; fabulæ sunt. Nimirum proprium corpus transmutare, atque interdum etiam alienum; plures imaginando effecisse, ut subitò sint facti templum DEI; imaginationem esse magnetem attractentem ultra mille miliaria, & in exaltatione attrahere ex elementis quatuor, quicquid vult; per imaginationem posse attrahi operationes astrorum in imagines, lapides, gemmas, ut eandem cum astris exerceant potentiam; Imaginationem posse producere quicquid in majori mundo oculis videmus, ut omnia vegetabilia & metalla; Imaginationem potestatem habere gignendi & producendi corpora visibilia; & quascunque operationes mirabiles præsentem, absentem supra humanum rationis captum profectre posse. Manus nostræ sunt oculatæ. Crolli, credunt, quod vident. Quando, quæso, tu, vel omnes tui Gabalistaræ & Magi (absque diaboli ope) tale aliquid præstitistis? Itaque mirari satis non possum Crollium, qui tam bene novit, quam suos digitos novit, nec à se unquam, nec à quoquam alio, ut modò dixi, ea,

quæ tam gloriose de Gabalistica prædicat, præstata fuisse, aut etiam nū præstari posse, sola scilicet imaginatione, sine vi divina vel Diabolica (qua multa admiranda præstata fuisse non negamus;) nihilominus tam audacter ista scribere, & incautam juventutem laqueis, & prestigiis diaboli objicere. Si omnes artes, scientiæ, rerumque cognitio in cælo est, cæloque omnia, ut scribit Crollius sunt notissima, & Crollius hujusque Sectæ alii modum sciunt, quo ista è cælo ab homine attrahi possint: cur nullus eorum hujus Magiæ beneficii omnium artium, peritus evasit, & omnem Physicæ, Chymicæ & Medicinæ scientiam è cælo attraxit, & in primis tanto labore quæsitum lapidis Philosophici artificium assecutus est? cur in communi Ignorantiæ luto cum aliis mortalibus, hærent? Si Crollius imaginatione sua morbos curare potuisset, cur in medicamentorum Chymicorum laboriosam preparationem tantum temporis impendit? Verum figmenta ista sunt, & mera principii petitiones. Nam qua ratione probant, in cælo omnes artes esse omnemque sapientiam & scientiam? Nulla. Qua ratione demonstrant, sibi esse omnes scientiæ, posse ab homine attrahi? Itidè nulla.

Ut ergò uno verbo, quid de Magia, quam Crollius in præfatione sua Medicinæ studiosis obtrudere conatur, sentiam, dicam: *Callidus, ô Pueri, fugite hinc; latet anguis in herba.*

*A Magia  
deboratio.*

& sub melle medicamentorū Chymicorum fel venenatum in præfatione occultatur. Neque sapientiæ specie se quisquam decipi patiatur, sed norit, diabolum versipellem esse, & nonnunquam sub doctrinæ specie homines decipere, ut prudenter monet Joh. Franc. Picus Mirandulanus, *de ludificat. demon. Dialogo 1. Ut enim, ait, mulieribus, compositionibus lascivissq; trahēbat olim, & nunc etiam homunciones, allicit: ita Philosophos, quorum multos ab hisce, abhorruisse constat, iis, quibus tamen facile possent, laqueis caput, doctrina sc. specie, illosque (Pythagoram, Empedoclem, Apollonium & alios) multifariam pellexit ad se colendum sub velamento sapientiæ, sub tectorio superstitionis religionem mentita. Siquidem per doctrinæ gradus ad preces, hymnos, oracula se conferebant, quibus assequi videbantur, ut futura prænoscerent, ut ad diversa ferrentur loca per aërem. Fiebat enim id ministerio dæmonum, quod illi deputabant hominū divinitati. Nā quo pacto aliter Pythagorā modò in Taurimino Sicilia, modò in Metaponto, parvo intercedente temporis spatio, discipuli spectavissent disputantem? Caveat ergo quisq; ne, prætextu Magiæ naturalis & divinæ cujusdam Philosophiæ ex lumine naturæ, execrandam illam Magiam exercent. Caveat quisq; ne iis mediis ad quæcunque rem edendam utatur, quæ supra naturam sunt, atque effectus rebus naturalibus adscribat, qui earum potestate non sunt, sed à diabolo dependent. Quæ in re hodie à*

multis Politicis peccatur, qui cum nec rerum Philosophicarū & Physicarum, nec Medicarum satis gnari sint, interim verò novitatis studiosi, nonnullis, qui nescio quam Magiæ naturalem sese callere jactitant, fidem habent, & mediis sacra scripturæ & mandato divino contrariis utuntur, atque ita Deos alienos colunt. Neque est, ut quis id prætendat, se nullum cum diabolo pactum iniisse, sed quibusdam mediis sine superstitione uti. Nam homo cum diabolo pactum habere potest non solum explicitum, sed & implicitum. Explicitum est, ubi quis ipse cum diabolo pactum iniit. Implicitum, cum quis iis mediis utitur, quæ alius quis, qui cum Diabolo pactum explicitum iniit, à diabolo accepit, & disciplinam istam prius à diabolo hausit, utitur. Ex gr. si quis seu characteribus quibusdam, seu ceremoniis, seu aliis mediis, in quorum naturali potestate non est hoc præstare, corpus suum ita obfirmat, ne vel ense, vel globo tormentario lædi possit, is pactum implicitum cū diabolo iniit, & medium quod diabolus ei, qui cum eo primus pactum hæc de causa iniit, monstravit, utitur. Neque enim characteres vel alia talia corpus hominis ita firmat, sed diabolus, qui iis, qui à se auxilium & subsidium petunt, si hoc characterē vel hoc medio utantur, se ad futurum in primo pacto promisit. Characteres enim ejusmodi ignorabiliter literati, ut Apuleius, *lib. 4. de asino aureo*, nominat, ut &

ceremoniarum Alphabetum sunt diaboli: quod licet ego vel tu non intelligamus, diabolus tamen ex pacto intelligit. Ut enim litera & verba hominum & hominum consensu valent, & hinc variae linguae apud varias gentes ortae: ita ex consensu & pacto hominis & diaboli tales characteres, ceremoniae & similia ortam habent. Exigit inter Polonos convenit, ut vocabulum Bock Deum significet. Itaque quamvis si vocabulum hoc Polonus cum Polono loquens pronunciet, audiens Latinus, Graecus, Italus, Gallus id plane non intelligat, Germanus hinc cum dicit putet, tamen Polonus intelligit Deum dicit: Ita etsi quid hic vel ille character vel ceremonia sibi velit, hic vel ille non intelligat: Diabolus tamen, qui huic characteri vel ceremoniae hanc significationem imposuit, id intelligit. Et sicut aliquis qui linguam aliquam non callet, perscrutari potest, ut vocabula quaedam ex ea pronunciet, quasi in laudem alicujus cedant, cum tamen mera convitia sint: ita eodem modo in characteribus ignotis usurpandis vel verbis ignotis proferendis quis peccare potest, auxiliumque Diaboli ejusque opem & operam implorare. Quod quam periculosum sit quilibet perpendat, & in Decalogo primum praeceptum esse non obliviscatur: Non habebis Deos alienos. Habet vero Deos alienos, qui Deo posthabito ejusque solius potestati non confidens, mediis ut-

titur, quae idem non ordinavit, sed à Diabolo primum profecta sunt. Notanda hic est historia, quae è Martini Delrio, *disquisit. Magic. lib. 2. quaeft. 29. sect. 1.* alibi etià recensuit Cornelius Agrippa Lovanii commentarium habuit adolescentem curiosum nimis, qui postquam peregrè abfente Cornelio Agrippa ab uxore impetravit copiam ingrediendi Museum Agrippae, incidit in libellum conjurationum, in quo cum legeret, janua pulsatur, & cum legeret pergeret, Daemon ingreditur, & cur vocatus sit quaerit, juvenique obmutescenti fauces intercludit. Domum reversus Cornelius Agrippa videns exultantes super aedes Demones & rem gestam à Dæmone percipiens, jubet, ut Dæmon praestet, ut cadaver juvenis cum reliquis studiosis in foro obambulet. Quod & praestat: sed ubi rector cadaver deserit, id in foro concidit. Cum ergo adolescens non eâ intentione in libro Magico legerit, ut demones advocaret: ille verò ex pacto, quod cum Agrippa vel quovis alio inierat, ad verba illa praesentem se exhibuerit: patet hinc, quemvis etiam alium, & quidem inscium, facere posse, ut Diabolus ad verba vel characteres vel ceremonias, de quibus in pacto conventum, sese vel praesentem vel assistentem & opitulatorem exhibeat. Verum de his videantur plura infra, *cap. 18.* *videlicet in libro de magia.* Licet verò in sacris exempla ha-



*A. diabolo  
auxilium  
non peten-  
dam.*

beantur, quod Apostoli diabolo imperarint, eumque ejecerint: nullum tamen exemplum uspiam extat, quod quisquam Sanctorum diaboli servitio in finem bonum & hominum utilitatem usus sit. Et quomodo ille homini inserviet, inter quem, & humani genus Deus ab initio constituit inimicitiam; propter quam adversarius noster factus est, & circumit tanquam Leo rugiens, quærens quem devoret. Unde Apostolus, *1. Corinth. 10.* vetat nos fieri socios Dæmoniorum. Et non sine causa ab antiqua ecclesia institutum, ut baptizandi renuncient Diabolo & omnibus operibus ejus. Ideo desertor Ecclesiæ Christi est & castrorum Dei, atque in castra diaboli concedit, qui quocunque modo auxilium à diabolo petit, eumque in re quacunque peragenda sibi socium adjungit.

Et quamvis quis pro Paracelso istud urgere possit: non adeo incommodum videri, si quis medicamenta, eaque efficacia, quam Medicis vulgò nata sint, à diabolo discat, quibus multos morbos curare possit, aliis Medicis incurabiles. Licet enim à diabolo communicatū sit tale medicamentum: nihilominus multum commodi in homines inde redundare. Verum enim verò nec hoc tutum vel piū. Quamquā enim negari non possit, diabolum rerum medicarum satis esse peritū: tamen omnia ejus, quæ pollicetur, auxilia, fraudulenta sunt, & corpo-

ri, atque animæ imprimis, hominis perniciosa; & plus incommodi & damni abris, quam utilitatis expectandum. Dictumque antea ex Chryso-stomo, potius mortem homini esse subeundā, quam vitam ejusmodi remediis redimendam. DEUS, qui percutit, sanare potest, & si ex agrid commodo sit futurū, benedicit medicamentis ordinariis, ut in salutem agrid cedant, ne diaboli auxilio opus sit. Ideoque a solo Deo auxilium petendum, nec eo relicto ad hostem ejus diabolum transeundi. Nec refert, quod agrid implorato Dei auxilio sanitatem semper non consequatur. Potest equidem semper operam ferre: verum quia è re agrid esse intelligit, à morbo nō liberari: in ejus voluntate acquiescendum; nec ad mediā prohibita contra Dei voluntatem accedendum; nec ille Virgilianus imitandus, qui aiebat:

*Flectere si nequeo superos, Acheronta  
movebo.*

Et insigne exemplum, quod non fas sit, à Diabolo auxilium perere, præbet nobis Rex Ahastias, *2. Reg. cap. 1.* Qui cum ad Baalzebub Eecronitarum idolum quosdam de valetudine sua consultum misisset; iis obviam factus Elias Propheta ita eos alloquitur: *Numquid, quia non erat DEUS in Israhel, misisti, ut consulatur Baalzebub, deus Eecron. Idcirco delecto, supra quem ascendisti, non descendes; sed moriendo morieris.* Quo exemplo clarè docemur, in morbis solum à DEO, nullam vero à

*Ee. 3. qui dicitur de diabolo*

diabolo auxilium petendum esse. Summa; fugiendus est diabolus; & non facienda mala, ut eveniant bona, neque diabolo feres ad majores conatus patefaciendi. Et quomodo, qui homicida & mendax erat ab initio, testante Salvatore, *Johan. 8.* aliquid boni, & quod hominibus verè prodesse possit, homini communicaverit? Aliquid ne boni à fraudum omnium Architecto sperandum? una manu panem ostendit, altera lapidem præbet, & id unice agit, ut animam ejus, qui societatem cum eo inivit, eumque in auxilium vocat, lucretur, atque ita suum, non hominum, quos omnes perditos cupit, commodum quærit.

Possent quidem Dæmon quosdam integre perferare: at tantum beneficium in hominem, quem perpetuo consecratur, odio, cōferre haud cupit: factam duntaxat simulatamque præstat sanationem, cujus admiratione hominum mentes fascinet; idque inprimis agit, ut ab his, quos in sui admirationem traxit, divino cultu & honore afficiatur, atque ita hominem à DEO avertat & ad se convertat. Rectè proinde Leo, *Homil. 19. Beneficia Demonum cunctis esse nocentiora vulneribus, & præstare illorum odium, quam pacem, meruisse*, scribit. Quò enim magis blanditur, eò magis fallere cupit, ut testantur historix cum aliis, tum illa apud Nicol. Remigium, *lib. 1. Demonolat. cap. 9.* Cum enim Dæmon adolescentem quendam in societatem tracturus esset, in primo

colloquio ipsi edixit, ut furtis, crapula, libidinibus, blasphemia, cæterisque vitiis abstineret, pietatem coleret; inopes facultatibus sublevaret, seipsum in hebdomade bis jejuniò maceraret, solennes preces non intermitteret, atq; sedulo obiret omnia, quæ hominem Christianum æquum est facere.

Præterea nec media, quibus utuntur, ordinaria & naturalia sunt, ut passim ex Paracelso videre est: Sed verba, characteres, cereæ imagines & superstitiosa alia diaboli inventa. Ergò in medicamentis, quæ magica vi naturali prodesse dicuntur, judicandis, magna cautione opus est, ne vel quæ à natura vires suas habent, pro Magicis & Diabolicis habeantur, vel contra talia magica pro naturalibus obtrudantur. Multi enim, si effectus alicujus causam non intelligunt, mox eum pro Magico habent, satis imperite & præcipitanter. Quem errorem ne erremus, experientia diligenter consulenda est, effectusque, quem experientia frequens & certa pro indubitato habet, pro naturali habendus, licet causa nobis nondum constet. Nam quis crederet Magnetem ad polum converti, trahere ferrum, nisi id experientia comprobasset? Et multi sunt tales consensus multarum rerum, quos magneticos hodie appellant. Ex altera parte videndum, ne superstitiosa pro naturalibus habeantur. Licet enim effectum sapius eodem modo respondere videamus, si tamen talia media adhibeantur, quæ

*Magica ut dignoscenda.*

quæ hujus causa esse non possunt, certi sumus, magici aliquid subesse. Et licet illè, qui talia media adhibet, extra omnem Magiæ suspicionem sit: probabile tamen est, talia fieri ex pacto cum eo, qui primus eâ disciplinam à diabolo sanctità hauit. Cujus exemplum satis ii præbent, qui, ne ab armis violentur, prohibere possunt. Quanquam enim ipsi nullum pactum cum diabolo inierint: tamen cum certum sit, ea, quæ adhibent, media esse non naturalia, nec ab iis tantam vim provenire posse, præstant hoc ex pacto, quod is cum diabolo iniiit, qui primus hanc artem à diabolo accepit. Atque ita talia juvant ex pacto cum diabolo; si non expresso, tamen tacito & omnino v. primi cum diabolo pacti.

Ergo ne supersticiosa, & quæ de occulto aliquo cum diabolo pacto suspecta sunt, usurpemus, sequentia diligenter notanda sunt: Nam ubi nec miraculi, nec naturæ vis, nec artificii solertia adest: pactum cum diabolo intercedit; cum quocunque etiam illud sit. ininitum. Deinde ubi adhibentur characteres, vel verba ignota, obscura, non coherrentia, aut sacra, sed ad alienum sensum detorta, aut cum certi ritus & ceremoniæ nullius momenti, vel alia ejus generis adhibentur: res omnino suspecta est. Quale est illud Paracelsi, *de Philosoph. occult.* ubi scribit, à morbis ex incantationibus quem tutum esse posse, si quis indium usum tritum inversum induat.

Verum plura hac de re addere non libet. Ne quis novitatis avidior se in aliquod periculum conjiciat, videat in Sacris gravissima mandata, quibus Magia prohibetur, præcipue *Exod. 22. Levit. cap. 19. v. 13. cap. 20. & Deut. 18. Mich. 5. Esai. c. 8.* Præsertim legat, quæ hac de re disputat Erastus, *part. 1. contra Paracels.* & Libavius, qui satis prolixè contra Crollium & Magiam Paracelsi agit, præcipue *in exercit. de horribili impietate Magiæ Paracel. juxta Crollii sentent.*

Tertium Medicinæ fundamentum Astrologiam statuit. Ubi quidam recentiores per Astronomiam & Astrologiam non illam cœlestem intelligunt, sed peculiarem Microcosmi & astrorum in homine cognitionem. Alii eam in sympathia & antipathia siderum cœli & mundi inferioris consistere dicunt. Verum latius eam extendere videtur Paracelsus, qui *libro 1. de Philosophia Sagaci cap. 4.* totam Magiam sub Astronomiæ concludit, miramque Astronomiæ partitionem, quæ ibi videri potest, instituit. Verum Astrologiam quod atiner, medico eam, si genuina sit & naturalibus fundamentis innitatur, non supersticiosa, qualis in Arabum libris habetur plurima, non solum non inutilem, sed & necessariam esse, libenter concedimus: atque id ipsum jam olim docuit Hippocrates, *lib. de aere, aquis & locis.* Præcipue, inquit, *animi mutationes observanda sunt, ut neque medicamentum purgans libenter exhibeatnr, neque partes circa ventrem aut urinas:*

*A magiæ dehortatio.*

*Medicamenta naturalia à magicis ut discernenda.*

*aut.*

aut fecerunt ante dies decem, aut etiam plures. Maximè tamen sufficiunt decem. Ac maximè periculi plena sunt ambo solstitia, præcipueq; æstivum: periculosa etiam æquinoctio æstimantur, maxime autem autumnale. Syderum quoq; ortus observandi, præcipueq; canicula, deinde Arcturi & Vergiliarum occasus. His n. potissimum diebus morbi judicationem subeunt, & alii quidem perimunt, alii desinunt, alii in aliam formam mutantur.

Et omninò plures caussæ sunt, cur Medico Astrologia negligenda non sit. Verissimum enim est, quod Asclepius, ad Ammonem Regem, scribit: τὸ ἰλὶς ἀγαθὸν ἐνεργεῖν ἔ μόνον ἐν ἕρῳ ἢ καὶ ἀέρι, ἀλλὰ καὶ ὑπὸ γῆς εἰς τὴν κατώτατον θύτην καὶ ἀβυσσον οὐρανῶν: & rectè sentit Pseilus: συμπιθεῖν τὸ ἄνω τοῖς κατω. Neq; solum calore & lumine stellæ hæc inferiora afficere, sed & occultis influentijs. à Physicis doctissimis factis jam probatum est. Atque facile hic assentior Recentioribus, qui consensum illum non saltem generalè esse docent, sed & singulas ferè rerum naturalium species certis stellis subjectas esse: atque hinc ut stellæ pro vario positu & cum alijs aspectu nunc fortius, nunc debilius in hæc inferiora vires suas exerunt: ita & vires plantarum & animalium rerum stellis illis subjectarum nunc potentiores, nunc debiliores esse statuunt. Imo non male Astrologi certas corporis partes certis stellis attribuere videntur; id quod ex Luna satis videre est, quam

maximas vires cerebrum afficiendi habere, experientia docet. Concesserunt etiam dudum Clarissimi Medici, morbos epidemios plurimos ex astrorū influxu ortos fuisse.

Verum multa hic latent, & paucissimarum stellarum vires perspectæ sunt; imò etiam in iis, quæ satis explorata videntur, multa adhuc obscura occurrunt. Et omninò utilem Medicinæ operam præstarent Paracelsus, Crollius & alii, qui Paracelsistas præ alijs hac in re sapere putant, si consensum illum Mundi Superioris & inferioris explicarent clarius. Sed & hic in communi ignorantia luto hærent cum Aristotelicis & Galenicis, quorū multi egregii fuerunt Astrologi, multumque laboris in stellarum viribus cognoscendis posuerunt, suam tamen imperfectionè ingenue confessi sunt. Rectè Cardanus, apborif. astrolog. segm. 1. aph. 34. scribit: Astrologia ut pulcherrima, sic laboriosissima & difficilima est; & apbor. 8. Astrorum motus nunquam perfectè sciri poterunt, nec iudicia, qua ex his.

## CAPUT XIV.

### De Viribus Imaginationis.

CÆterum quia Magiæ naturalis, quam putant, & de qua capite præcedente actum, effectus plerosque ex Imaginatione deducunt Paracelsici; & non solum in morbis

morbis inducendis, sed & curandis, aliisque rebus efficiendis mira plane Imaginationem præstare posse docent; & non plane de nihilo esse, quæ de admirandis imaginationum effectibus dicuntur, res ipsa loquatur, & historiarum à Philosophis & Medicis annotatarum doceant: omnino quantæ imaginationes vires sint, & quomodo effectus illi mirandi ab imaginatione dependeant, uno in loco integrè explicandum videtur; quod hic commodissimè fieri posse existimo.

*Imaginationis effectus miri.*

Plurimos autem & admirandos esse imaginationis effectus, notissimum est, ejusque historiarum postea recitabuntur. Et si nihil aliud esset, quod, quam admiranda possit imago, doceat, saltem ea, quæ in gravidis accidunt, satis id monstrant.

*Imaginato non agit in corpora.*

Verum hoc statim in principio monendum, effectus illos proximè ab imaginatione non pendere, nec animam tales effectus per imaginationem edere, atque imaginationem per se, directè & propria virtute illos effectus, quæ ab ipsa proficisci dicuntur, non producere, nec in alia corpora agere. Est enim imago potentia saltem cognoscens; ejusque actio est immanens, neque transit in alia, neque præter cognitionem effectivè aliquid agit: potentiatur verò vegetantis & moventis est, agere in aliud. Et licet ad motum localem cognitio & phantasia concurrat: non tamen proxima motus causa est, atque ita

in corpus seu proprium seu alienum non agit, neque ullo motus genere alterat, movet vel mutat. Sed cognitionem sequitur appetitus, ultimoque loco est, appetiti persecutio vel fuga, quæ fit per motum localem, cujus causa est potentia locomotiva ab imaginatione distincta.

Neque enim humores & spiritus per se directè & immediatè ab imaginatione moventur, sed per accidens solum, excitando & movendo illas potentias naturales, attractivæ, retentricem & expultricem, quarum munus est, humores & spiritus movere ad corporis nutritionem; inprimis verò illam cordis facultatem, quæ *ἰσχυρῶς* dicitur, cujus pro varietate affectuum in humoribus variè agitandis maximam vim esse, notissimum est. Dirigit scilicet imago humores & spiritus, ut versus hanc vel illam partem moveantur, & facultatem motricem determinat, ut ad hanc vel illam partem spiritus & humores moveat. Ita qui venereis cogitationibus intentus est, e versus genitalia humores & spiritus moventur: in aliis affectibus ad alias. A quo motu humorum & spirituum corpus etiam alteratur; non verò ab ipsa phantasia per se. Imago enim, ut dictum est, tantum cognitio. Neque species phantastica realem qualitatem producere, nec formaliter alterare potest, cum ejus esse & formalis ratio in representando saltem consistat, & proinde ultra suam perfe-

*Imaginato quomodo humores & spiritus moveant.*

*Imaginato quomodo corpus alteret.*

ctionem & gradum agere non possit.

Itaque quanquam ab imaginatione varii effectus & alterationes videantur in corpore produci; tamen id non fit, quod species sensibus aut imaginationi oblatae reales in corpore producant qualitates: sed quia per sensus & imaginationem rerum aliquarum potentia naturalis in consensum trahitur & ad agendum excitatur; unde accidit, ut humores in corpore variè moveantur, illudque alterent. Ita ex perceptione & sensu aut imaginatione rei foetidae aut abominandae nausea vel vomitus excitatur, aut totum corpus horrore concutitur; & ex medicamento purgantis imaginatione quibusdam alium laxatum esse, observatum est, ut refert Nicol. Florent. *serm. 3. t. 1. sum. c. 15.* nō quod species medicamento purgantis vim purgandi habeat, sed quod ab imaginatione facultas motrix naturalis in consensum tracta humores agit, qui agitati facultatem expultricem ad excretionem stimulant: praecipue si tales humores in corpore abundent. Ex quibus omnibus manifestum evadit, etsi imaginationi multi & admirandi effectus adscribantur: tamen imaginationem eorum omnium non per se, sed per accidens causam esse, movendo sc. alias animae potentias, corpus movendi & alterandi vim habentes.

Movet verò primò appetitivam potentiam, & mediantibus animi pathematis corpus afficit. Animi n.

pathemata cognitionem sequuntur, & ex cogitatione rei gratae gaudemus; ex ingratae cogitatione tristitia afficimur. Animi autem pathemata maximam vim habere corpus alterandi, certissimum est.

Non tamē per appetitum immediatè imaginatio corpus alterat, sed mediatè, quatenus scilicet appetitus movet potentias motrices naturales membris & praecipue cordi insistas, quae mota movent humores & spiritus; Spiritus verò suo ad partes accessu & recessu eas alterant. Atque ita proxima causa alterationis & mutationis corporis sunt humores & spiritus: prima verò & remota causa est imaginatio.

Hoc autem modo proprium corpus afficit, & varios morbos in eo excitat: per se verò & per nudum actum solum imaginationis actum nullum morbum inducit. Si enim solum imaginationis actum morbum aliquem induceret, morbum imaginatum induceret. Quod tamen non fit. Melancholici enim, qui imaginantur falso se morbo aliquo laborare, ut habere magnam nasum, magnum corpus, se esse claudos; nō ideo in morbos istos incidunt: verum si morbus aliquis melancholia contrahitur, is aliquis communis est, qui per motorem, somni defectum, sollicitudinem aut alium animi affectum per accidens inducitur. Et quanquam nonnulli in pestem incidunt ex imaginatione: tamen imaginatio hoc non praestat per se, sed per accidens, ob timorem & terro-

*Imaginatio quomodo morbos pariat.*

*Imaginatio quomodo pestem inducat.*

tem, qui humores malignos in corpore latitantes movent, qui moti pestem inducunt; atque hoc modo non nisi in corporibus dispositis imaginatio & timor pestem inducit.

Inciderunt quidem & alii in alias morbos ex imaginatione; ut Vincentius quidam, sicut refert Marcell. Donat. *lib. 2. hist. med. mirabil. cap. 1.* imaginabatur se tam magnum corpus habere, quod per ostium transire non posset, quem cum Medicus per ostium transportari iussisset, æger conquestus est, se in ista transportatione totum fuisse intus contractum, & paulò post mortuus est. Alius, cum inter sepulcra parentum obambaret, & fortè calcaret lapillum sic, ut calceis fortiter adhereret, imaginatus est, se à manibus parentum trahi, & intra diem septimum ex illa imaginatione mortuus est. Verum accidunt talia non ideo, quod imaginatur ægri, se tales morbos habere; sed quia iis morbis jam laborant; eorumque initia percipiunt; moriunturque ex morbo illo, non ex imaginatione: aut si imaginatio aliquid ad morbum illum facit, fit hoc per accidens, ex tristitia scilicet, metu & similibus animi passionibus.

Morbi autem, qui per accidens, mediantibus animi affectibus motuque humorum & spirituum proximè inducuntur, varii sunt, pro humorum & spirituum varia natura & motu. Primo quidem dum imaginatio est causa variarum animi affe-

ctuum. Quantum enim ira, tristitia, lætitia nimia in humoribus corrumpendis & mutandis possit, notissimum. Deinde omnis diuturna & intenta imaginatio multorum morborum causa esse potest; quod spiritus & vapores plurimi in caput attrahantur, ab aliis verò partibus nutritioni dicatis avocentur, ut actiones illarum partium non rectè expediantur.

Non solum autem morbos inducere, sed & curare potest imaginatio hoc modo. Hoc modo, inquam, per accidens scilicet, non per se. Etenim si non potest morbos per se inducere, neque curare poterit: neque calida intemperies curari potest, nisi inducatur frigida & contra. Et ad sanitatem consequendam non unus & simplex motus & actio, qualis est imaginatio sufficit, sed plerumque plures motus requiruntur, ut humoris alteratio, coctio, expulsio, dispositionum in parte mittente & suscipiente mutatio.

Per accidens tamen ad curationem facit imaginatio: quia confidentia reddit ægrum Medici præceptis & consiliis obsequentem: præcipue verò quia imaginatio aliquos animi affectus inducit, per quos mores & spiritus moventur, qui moti ad morbum vincendum & debellandum faciunt. Ita confidentia in animo ægri generat lætitiã; lætitiã autem excitat calorem nativum & spiritus; unde fit, ut cibi rectius concoquantur, hu-

*Imaginatio  
quomodo  
morbos en-  
ret,*

mores vitiosi vincantur & morbus expugnetur. Videmus enim eos, qui animo læto & hilari sunt, cibum facilius & celerius concoquere; cōtra verò cibos ab iis, qui sollicitudine aliqua, timore ac mœrore detinentur, nō rectè coqui, sed corrumpi, atq; ita cruditates & humores vitiosos cumulari, morbosque generari & augeti.

*Cibi suaves  
cur. utiles.*

Eadem etiā causa est, quod nonnulli, si cibus, quos summa cum aviditate & desiderio expetunt, potiantur, convalescant; etiam si cibi illi satis salubres non sint. Siquidem, ut Hippocrat. 2. aph. 38. scribit, paulò deterior, sed suavior cibus & potus, melioribus quidem, sed insuavioribus præferendus est: talisq; in primis convalescentibus utilis. Etenim cibus suaves, & quos valdè appetit ventriculus, avidius arripit, complectiturq; & melius concoquit, ac si quid vitii habent, emendat, eosque, quantum possibile, in bonum alimentū convertit, à quo & corpus uberrimum nutrimentum accipit, & pristinas vires citius recuperat, morbiq; reliquias facilius & felicius vincit & superat. Contra verò cibi insuaves & quos homo averfatur, quamvis optimi sint, morboque cōtrarii, nauseam & flūctuationē in ventriculo pariunt; quod eos ventriculus nec amplectetur rectè, nec concoquat: unde flatuum & crudorem ac vitiosorum humorum copia cumulat, ac morbus vel augetur, vel saltem ægri tardius convalescūt. Imò sæpius observatum est, non-

nullos ex cibo non malo, sed cum nausea assumto in febrem incidisse, nulla alia de causa, nisi quia cibus cum nausea assumtus in ventriculo corruptus fuit. Aliæ tamen etiam causæ sunt, cur cibus avidius sumtus nonnunquam à febre liberet: quia scilicet vel revera, etsi id aut ægrum aut Medicum lateat, morbo adversatur; vel quia cum sumtum sequitur vomitus, alvi dejectio, aut sudor; vel quia natura aliquandiu copia cibi opprimitur, ut morbo sese non opponat, quā ratione nonnunquam potu nimio ingurgitato paroxysmi febriles ad tempus intercipiuntur.

Neque solum cibi grati avidè assumti, sed & quædam cum lætitia & voluptate & ex voto ægrorum peracta eos quandoque à morbis liberare valent: nullam aliam ob rationem, quā quia vel in lætitia spiritus, qui per morbum torpebat quasi, excitantur & recreantur, qui recreati & excitati commodissimum naturæ in coquendis & superandis vitiosis humoribus & morbo vincendo instrumentum sunt; vel quia ægri, ubi voti sui compotes fiunt, de imaginatione illa desistunt, & de morbo, quē falso imaginati fuerant, curam deponunt. Cujus rei passim multæ occurrunt historię. Refert Thomas à Vega, in commentario in artem Medic. Galeni c. 84. quendam causo detentum & delirantem obnixè postulasse, sibi concedi natationem in stagno illo. (mōstrabat autè pavimentū,) Ajebat enim, se certò scire,



ex ea natatione se convaliturum. Quod cum à Medico concederetur, & post aliquantum spatii summa cum jucunditate supra pavementū illud volveretur, aiebat, jam aquam sibi accedere ad genua, optare se tamen, ut sursum conscenderet. Paulò post latior jam, inquit, attingit inguina. Ita ascendente juxta imaginationis conceptum paulatim usque ad guttur aqua, hilari facie gestiebat, pronuntiabatq; jam se sanum factū, atq; ita febre liberatus fuit. Mulier verò, referente Alex. Tralliano, *lib. 2. cap. 17.* quæ se serpente devorasse arbitrabatur, exhibitō medicamento vomitorio, clāque in rejecta per vomitum serpente imposito, ab imaginatione illa liberata fuit. Ita qui cornua se gestare putabat, capiti cervinis cornibus alligatis serraque resectis & ostensis ea miseria liberatus fuit. Alius verò, qui se in corpore septem passerculos habere imaginabatur, Medico per nares eos se extracturū simulante, & passerulum, quem in vestis manica absconderat, monstrante, sanatus fuit; Imaginatione scilicet falsa per contrariam sublata. Alius quoque, qui se mortuum esse imaginabatur, & cibum propterea aspernabatur, socii comitate, qui cum eo se in sepulcro mortuum esse assererat, & quod ipse mortuus cibum caperet, ad cibum capiendum persuasus fuit; ut refert Holerius; *lib. de morb. inter c. 15.*

Imaginatio  
an agat in  
externa.

Si ergo imaginatio per se suum & proprium corpus afficere non

potest, multò minus per se, id est, per actum imaginationis res externas afficiet, eosque mutabit: sicut nonnulli statuunt, imaginationem, non quidem omnem, sed eam, quæ fortior & nobilior sit, & à corpore magis abstracta, posse res etiam longè remotas permutare, absentibus morbos inducere, eos ab equo dejicere. Nam anima non potest agere in externa, nisi mediante suo corpore; & in primis actus imaginationis, ut antea dictum, immanens est.

Per accidens tamen imaginationem aliquid hic præstare posse non negarim. Etenim notum est, quomodo corpora à se distantia nihilominus se mutuo afficiant; Menstruo laborantes fœminas specula inficere & corrumpere, extra dubiū est. Quæ de fascino dicuntur, etiam planè de nihilo non sunt. Referunt etiam Cataleptam venenatis oculorum radiis homines enecare. Quæ omnia accidunt à spiritibus, vaporib; & occultis illis *διόρροιας*, quibus intermediis occultas rerum sympathias & contactus fieri, supra dictum est. Hos spiritus aliquo modo dirigere potest imaginatio. Cum enim imaginatio spiritus & humores certo modo, ut dictum, ad partes quasdam dirigat: in invidia, odio, ira, malefici humores, qui in corpore moventur, ad oculos etiam diriguntur & moventur, & proinde occultæ illæ *διόρροιας* per oculos copiosius affluunt: qui quando maligna qualitate sunt affecti, externas

res, ad quas percingunt, afficiunt & lædunt. Et cum oculi aliis etiam Spiritibus subtilissimis pluribus abundant: non mirum, menstruo laborantes fœminas plus per oculos, quam alias partes, corpus afficere. Quamquam hoc ipsum Erastus, *disputat. contra Paracels. part. 1. neget*, & à spiritibus vel ab oculis vel ab aliis partibus procedentibus speculatiungi non concedat; sed si fiat, à vaporibus, ex naribus, ore, partibusque aliis egredientibus accidere; & si fœminæ saltem caveant, ne ore aut naribus specula afflent, nihil noxaterrissimis etiam speculis inferre, statuat.

Requiritur tamen in hac re certa distantia, & planè absurdum est, hoc modo imaginatione per multorum milliarium intervalla aliquè ab alio affici posse. Absurdissimū etiam est, alia imaginationi, quæ supra ejus vires sunt, & ad quæ nullo modo concurrat, adscribere, ut quod dicunt, imaginatione posse aliquem equo depicere, segetem ex uno agro in alium transferri.

Ultimum est, ut quid in fœtu imaginatione matris agere possit, videamus. Et si verò aliqui sunt, qui negant, imaginationem matris in fœtum aliquid posse: tamen totæ & observationes probant, propter imaginationis operationem sæpe fœtum mutari, ut de eo dubitate hominis vel imperiti vel pertinacis sit.

Tradidit id Hippocrates, in *lib. de super. fœt.* Galenus, *de Theriac. ad Pj.*

*sonem, Avicenn. fen. 2. lib. 1. doct. 2. c. 14.* Atque existant ejus rei historiae infinitæ, quarum paucas recensere libet. Factum Patriarchæ Jacobi, *Gen. cap. 30.* notissimum est. Heliodorus, *lib. 1. hister. Æthiopica*, scribit, Reginam Æthiopem ex marito Hydaspæ, pariter Æthiopi peperisse albam prolem Carycleam, eo quod intuita fuisset picturam quandam, in qua Perseus & Andromeda alba facie depicti erant. Refert Sebastianus Münsterus, *lib. 3. Cosmographia*, prope Moguntiam suo tempore accidisse, cum duæ mulieres in platea confabularentur, alteram ex improviso venientem à tergo frontes utriusque collisisset, & postea alteram earum, quæ prægnans erat, inde filias duas peperisse frontibus ad nasum usque cohærentes, quæ sic decem annis continuis conjunctæ vixerint. Balduinus Ronsseus, *lib. de primordiis hominis cap. 10.* scribit, Gaudere in Hollandia, mulierem quandam videntem greges gallinarum. Indicarum, coniternatam fuisse, ut postea pepererit fœtum habentem faciem multis excrescentiis carnofis multiformis coloris galli Indici instar defœdatam. Ipse memini mulierem quandam, cum sub moro versaretur, & mora plura in ipsam deciderent, filiam genuisse, quæ in iis corporis partibus, in quas in matre mora deciderant, verrucas instar mororum habuit. Novi & aliam fœminam, quæ cum vidisset à Janio caput suillum securi dividi, filium genuit, cui tota superior palati pars

*Imaginatio in fœtu efficiendo que vis sit.*

cum maxilla superiore, & labio superiore ad haeres usque divisa erat; Et plurimi passim conspiciuntur; qui rubras vel alias maculas in facie habent, ortas, quod matribus gravidis incendium, sanguis, vel aliud quid inopinatum spectandum subito oblaturum sit.

*Imaginatio  
quomodo  
factum mu-  
tat.*

Sed quomodo ad foetus immutationem facit imaginatio, ita obscurum est, ut omnes doctissimi viri in causa reddenda hic haereant. Hoc certum est, imaginationem per se, immediate atque per simplicem imaginationis actum foetum non immutare; cum, ut supra d. c. u. sit potentia cognoscens atque immanens: & quantitatis, figurae, numeri, situs calorisque causa proxima sit facultas conformatrix.

Neque etiam a specie phantastica foetus immutatur; cum ea per se nullam qualitatem realem producere possit, nec ullam vim habeat, nisi movendi potentiam imaginandi, eique representandi objectum suum. Et si species phantastica eam vim haberet, multo plures mutationes in foetibus accideret: & imprimis melancholicae mulieres, & quae de rebus aliquibus habent intensas cogitationes, foetum mutarent; quod tamen non accidit.

Vero magis consentaneum est, foetum immutari ab imaginatione vel mediantibus animi affectibus per humorum & spirituum motum, vel dirigendo facultatem conformatricem.

Mutationes & laesiones, quae in

foetu accidunt, sunt duplices, communes & determinatae. Communes, ut abortus, mors, morbi aliqui interni & debilitates, partus aliquis parvitas vel magnitudo, defectus vel exsuperantia in numero. Determinatae sunt ex mutationes & signaturae, quae cum re aliqua externa determinatam habent similitudinem, v. g. cum sanguine, cerasis, moro, vel alio fructu, vel animali aliquo.

Priores quidem mutationes contingere possunt a phantasia, mediantibus animi pathematis & motu humorum ac spirituum. Verum notas & signaturas determinatas, quae respondent rebus externis determinatis imaginationi oblati, per animi pathemata & motum humorum ac spirituum inducere non potest imaginatio. Etenim cum animi pathemones spiritus ac humores agitent; humores agitati vel impetu vel nimia quantitate ad uterum ac foetum ferri vel ab eodem revocari possunt: quomodo foetus tenerum corpus valde afficitur. Atque hinc accidere potest abortus, facultate uteri expultrice, ex illa humorum perturbatione irritata; in varios morbos incidere, tandemque emori foetus solet. Contingit etiam eadem de causa, ut spiritibus & sanguine, qui instrumentum & materia sunt, quibus facultas formatrix in foetu formando utitur, agitata & perturbata, facultas formatrix in opere suo turbetur, & vel humorum copia obruta impediatur, vel spiritibus &

*Mutationes  
in foetu du-  
plices.*

*Animi pathematis  
quomodo  
factum afficiant.*

humo-

humoribus alio conversis destituta partes non rectè efformet, easque vel majores vel minores, quam par est, efformet, vel iis debitam figuram, numerumque non tribuat, aliisque modis spirituum & sanguinis culpa in opere suo aberret.

Verum talia errata non sunt determinata, nec cum rebus externis aliquibus similitudinem peculiarem habent; cum fiant saltem à fortuito in hanc vel illam partem humorum per animi passionibus agitatorum motu, & non modo quodam peculiari secundum species in imaginatione receptas determinantur. Ideoque potius animi passionibus, quam imaginationi talia errata & mutationes fœtus adscribi debent; neque phantasia verè & effectivè ad eas concurrat, neque aliter, nisi quantum appetitum excitat.

Quando verò signaturæ illæ sunt peculiare, & determinantur secundum species in imaginatione receptas, exempli gratia, quando ex aspectu sanguinis sanguinea macula fœtui imprimitur, aut per imaginationem mori verruca mori fructui similis in fœtu generatur: tales signaturæ & mutationes merito phantasiæ adscribuntur: neque animi passionibus per se eas producere possunt. Sive enim gravida ab hoste, sive à glire, sive à cane terreatur: idem fit motus humorum, ab ambitu scilicet corporis ad interiora; & proinde eodem modo signaretur fœtus; quod tamen non accidit; sed quæ à glire terretur fœmina, gliris notam

fœtui imprimi; quæ ab alio, aliam. Et fieri potest, ut eadem signatura in fœtu à diversis animi pathematis contingat, potestque fœmina parere infantem simiæ aliquomodo similem, tam quæ simiam amavit; & cùm ea lusit, quam quæ eadem, territa fuit. Quod indicio est, aliud quiddam in determinatis & definitis illis signaturis accedere; Imaginacionem scilicet, quæ conformatricem dirigit. Conformatrix enim sola proximè totum corpus fœtus conformat, sive bene, sive malè id fiat. Phantasia verò seducit aliquando conformatricem, & dirigit ad quid, quod non est naturæ seminis conforme, sed simile ei, quod est imaginatum, conformandum. Atque ita harum notarum & signaturarum meritò causa esse dicitur; cum ad eas determinando concurrat.

Quomodo autem phantasia determinando & dirigendo conformatricem facultatem talium in fœtu mutationum causa sit, explicare longè difficilimum est, atque alii aliter hæc de re sentiunt. Tutissimū autem videtur, statuere, conformatricem ab imaginatione dirigi per species exemplariter seu objectivè, ut loquuntur; obijciendo scilicet speciem conceptam, ad quam, tanquam exemplar seu regulā, opus conformationis exequatur conformatrix facultas. Si autem quis miretur, quod facultas formatrix, quæ ad vegetantem potentiam pertinet, exemplar illud ac speciem cognoscere possit: ille hic primò sibi in mentè

*Signaturæ  
determinatæ.*

*Quomodo  
imaginatio  
fœtui nota  
est imprimi.*

se vocet, facultates in homine non à diversis animabus, sed ab una anima fluere, & esse ejusdem animæ potentias, & proinde inter se aliquam communicationem habere, etsi modum, quo id fiat, non satis perspectum habemus. Deinde æquè admirandum esse cogitet, quod opus hoc, in quo, ut Galenus loquitur τὸ χυμικὸν οὐκ ἔστιν ἀπὸ τοῦ αἵματος ἀλλὰ ἀπὸ τοῦ πνεύματος ἰσχυρῶς fieri non potest, ab eadē facultate perficiatur, sci- atq; animā nō sua vi, sed indita sibi à Creatore sapientissimo hæc perficere, Deumque opt. max. nostra hæc urenda nobis dedisse, ut Scalig. ex. 6. sect. 5. loquitur. Atque licet facultas cognoscens à formatrice differat: aliqua tamen & sui generis notitia & cognitio huic etiam tribuenda est, ut, *ibid.* apud Scalig. videre est, ut etiam supra *cap. 9.* dictum. Ita plantæ cognitione ista cognoscunt & discernunt in terra alimenta, & conveniens attrahunt, relicto alieno. Ita partes omnes alimentarium honorem cognoscunt & attrahunt; excrementitium respuunt. Vide Scalig. *exerc. 307. sect. 29.*

Quomodo autē species in phantasia in cerebro recepta afferatur conformatrici in utero, itidem valdè obscurum Putant nonnulli, hoc fieri mediantibus animi passionibus. Quod ut simpliciter non nego, cum certum sit, illa objecta, quæ animi pathemata inducunt, maximam vim habere foetum signandi: ita dubito, an simpliciter sit necessarium,

& semper requiratur, ut mediantibus spiritibus & humoribus à cerebro ad uterum species deferatur. Nam cum sit anima una in toto corpore, ubiq; omnibus suis instructa facultatibus, etsi omnes in omnibus non exferat, sed singulas per propria organa perficiat: fieri potest, ut in una parte excitata aliqua & in actum deducta potentia eadem etiam aliam in alia parte excitet, in actum deducat, imo in agendo dirigat & determinet: cum eadem utrobique sit anima. Ideoque licet in semine ad animalis novi constitutionem suo modo segregata sit anima, suo tempore novum individuum constitutura: tamen cum adhuc foetus matri cohaereat, ejusque vitam participet, ea, quæ potentias animæ in matre movent, eadē quoq; in femine facultates excitare, & plus afficere foetum, quam ipsam matrem, mirum non est. Matris enim corpus jam absolutum est, & non nisi nutritione indiget: quia verò in foetus corpore formando adhuc occupata est anima, facile fieri potest, ut aliquid externi sese admisceat, & ad hoc vel illud agendum dirigat aut seducat.

Atque ita rem sese habere, neque animi pathemata semper necessaria esse, sed solam fixam intentionem, & quæ cum admiratione aliqua sit, imaginationem ad foetum signandum sufficere, multa indicant. Regina Æthiopiæ, ut supra dictum, ex intuitu tantum & consideratione picturæ albæ Andromedæ filium

album peperit. Ita oves Jacobi signaverunt fœtus suos intuendo & imaginando. virgas diversicolores. Et si quis hic miraculum accidisse putat: experientia testatur, bruta alia etiam conceptus & fœtus suos ex aspectu & imaginatione colorum objectorum mutare.

*Quo tempore fatû notas imaginatio imprimis,*

Fiunt autem istæ mutationes in fœtu tempore conceptus (qua ratione non solum matres, sed & patres fœtum signare posse nonnulli existimant) & graviditatis, sed tempore graviditatis frequentius, eo scilicet, quo facultas formatrix in opere est, & post concepsum in partibus corporis formandis occupatur. Non tamen omni tempore omnes notæ imprimuntur. In fine possunt colores mutari, carneæ quædam, excrecentiæ aut tubercula adnasci, magnitudo partus mutari, imò & figura aliquando: at tota conformatio, ut scilicet fiat pes equino similis, caput porcino vel canino, vel innumero, vel alia insignis in figura mutatio, posterioribus mensibus mutari non potest: quia omnia jam sunt conformata. Natura verò cum semel fœtum conformavit, non potest eù aliter figurare, dividere, numerum mutare. Ex quibus patet, multa, quæ à nonnullis recensentur, fabulosa esse. Inter quæ & illud, quod nonnulli scribunt, pullos produci variis coloris, si ova inter incubandù variis coloribus pingantur, aut matris incubantis oculis panni variorum colorum obiciantur. Post

pulli enim productionem nulla imaginatione mater pullum signare potest, nihilque post ovum exclusum gallina pullo imperit, nisi quod calore facultatem formatricem excitat.

*Quales notas imaginatio fœtus imprimere possit.*

Neque etiam quasvis mutationes potest imaginatio fœci imprimere, sed alias saltem, ad quas materia corporis est disposita, & ad quas efficiendas facultas formatrix apta nata est, & ordinem naturæ habet. Etsi enim species ab imaginatione plurimæ possunt conformatrici objici: tamen omnium directionem in conformando sequi non potest: neque potest formare quicquam, nisi ad quod habet materiam idoneam, & ad quod formandum apta nata est. Ita veras plumas, squamas, cornua vera, colores perfectè virides, flavos, cæruleos producere non potest. Neque enim scientiam naturalem talia formandi, neque materiam idoneam habet. Et licet ruditer talia, quæ imaginatio objicit, interdum adumbret: perfectè tamen effingere & imitari nunquam potest. Quod autem notæ istæ fœci potius, quam utero matris imprimantur, causa est, quod facultas formatrix circa fœtum, non circa uterum occupata est.

Ex quibus omnibus jam patet, quid de iis, quæ Paracelsus ejusque allectæ de imaginationis viribus docent, sentiendum sit. Nimirum in corpus proprium quidem imaginationem aliquid posse, alienum

*Paracelsi de imaginationis opinio excusminatur.*

verò efficere non posse. Quamquam enim fœtus imaginatio matris afficiat: tamen fœtus matri arctissimè conjungitur, & ejus veluti pars quedam est, dum ei per vasa umbilicalia & uterum connectitur. Longè verò alia ratio est rerum extra corpus constitutarum. Et proinde errant omnes, qui imaginationem, etiam aliena & remota corpora afficere posse existimant, ut Avicennas, Alchindus, Pomponatius, Paracelsus, Crollius, & qui hos sequuntur. Qui omnes etsi hujus rei causam reddere conantur, in reddendis tamen causis discrepant. Avicennas quidem animam hominis cum intelligentiis habere similitudinem existimat, & sicut illa hæc inferiora afficiunt: ita illa virtute imaginationis sic attolli posse, ut etiam in remota sine medio aut instrumento agere possit; posse morbos inducere & sanare, quos velit, hominem in puteum dejicere, miracula edere. Alchindus res in imaginatione conceptas reipsa in ea subsistere putat, ac per radios quoque vœsum exeuntes propagari posse. Paracelsus eosdem sequitur, imò absurda absurdus cumulat, ut tum ex aliis ejus scriptis, tum ex lib. de orig. morb. invisib. videre est; verum in causis reddendis nec ingeniosior nec felicior.

Verum hoc omnibus istis demonstrandum erat. Phantasmata alio modo movere, quam representando, atque aliud officium esse Phantasiae, quam simulachra & species

rerum à sensibus accipere, judicare, easq; intellectui offerre, & per consequens, scilicet objectione specierum, boni malive aliquid representantium, appetitum ad persecutionem aut fugam excitare: quod nisi faciant, sine ratione dogmatibus tam absurdis fidem haberi postulant. Cui enim persuadeant, imaginem, speciem & representationem aliud posse, quam significare & representare rem, cujus est species? & actionem in homine immanentem aliquid extra hominè immutare posse? Ut enim auditio & visio alium non afficit: ita nec imaginatio. Et quæ de imaginatione gravidarum & notis ac nævis, quæ per eam fœtui inducuntur, afferunt, non plus probant, quam animam ab imaginatione quocunque etiam modo motam in suo corpore peculiariū motum causam esse: sed quod in alienū corpus agere possit, non probant. Ideo quæ refutatione digna non sunt Paracelsi somnia, statuentis & scribentis, imaginationes nostras ad cœlos usque elevari, eosque inficere, cœli sidera nos imaginatione nostra cogere posse; quendam ex morbo decubentem & tantum non mortuum robusti adolescentis vitam & vires ab illo ad se per imaginationem attraxisse & Archasum quendam aliorum doctrinæ & prudentiam imaginatione ad se evocavisse. Ut & Crollii, qui, in præfat. ad mon scribit, vehementem imaginatione & propriū corpus trāsmutare

posse & alienum; plures imaginando effecisse, ut subitò sint facti templum Dei; imaginationem esse magnetem attrahentem ultra mille milliaria, quicquid vult, miracula operari.

Ut uno verbo dicam, caput & cauda, fonsque operationum Magicarum, & cardo, in qua Magia tota Crollii, & quam Recentiores non pauci sectantur, & clam propagant, ac non nisi iis, qui his sacris dignipurantur, per manus tradunt, est falsa ista de imaginationis viribus opinio.

Estque ista Magia satis antiqua, (eo tamen nomine non melior) & Platonicis, qui, officiosissimi demonum cultores fuere, non ignota, ab Ægyptiis & aliis superstitioni idololatricæ deditis gentibus profecta. A Platonicis eam hausit Avicennas, qui, imaginationem istas, quas putat, vires ab intelligentia, quam homo per imaginationem sibi conciliavit, & veluti amicam obsequentemque reddiderit, accipere statuit. Eius Magiæ fundamenta, lib. 3. de vita calit. cõpar. proposuit (an probaverit, an verò narraverit saltem, quod in præfat. innuere videtur, jam non inquit) Marsilius Ficinus, in quo docet, ex applicatione quadam spiritus nostri ad spiritum mundi, per artem physicam asfectumque facta, trajici ad animam corpusque nostrum bona cœlestia. Quæ Marsilii Ficini dogmata si intra naturæ limites sese continereat, & de stellarum influentiis agerent: tole-

rari possent. Verum enim est, quod alleg. lib. c. 15. scribit: Tu si concedis, Deum rebus infra lunam mirabiles inseruisse virtutes, mirabiliores cõcede cœlestibus. Sed cum, cap. 14. scribat, hoc medio non solum quædam beneficia corporis mundani & stellarum, sed & demonum reportari posse; neque improbet, quod de Apollonio Thyanaeo Indorum sapientum princeps Hiarchas dixit: eum divinandi scientiam consecutum, quod tantum ætheris in anima gesserit: ad superstitionem illam Ægyptiacam & Platoniam delabi

videtur, quæ in libro Arbætel de Magia veterum proposita est. Is septem gubernatores secundum septem Planetas cum suis exercitibus constituit, qui à Mago vocati veniant, ei obediunt ac jussa exsequantur, doceantque, de quibus interrogati fuerint. Cum autem spiritus illi diversa officia & potestates habeant, integrum esse cuique, qualem velit spiritum seu Angelum, Medicum, aut Philosophicum, aut Mathematicum, aut Angelum prudentiæ civilis, sapientiæ supernaturalis vel naturalis petere, & modò serio, maximo animi motu, fide ac constantia ac sine dubio petat, accepturum à Patre, omnium spirituum Deo, tradit. Verum nocturnæ sunt hæc ad aucupium animarum à diabolo propositæ. Imago ista Arbætel, Paracelsi, Trithemii, Agrippæ, Crollii, & eorum, qui hos sequuntur, ad illam melancholiam pertinet, quæ diaboli balneum esse, vulgò & rectè dicitur.

Cave-

Magia veterum.



Caveant ergo juvenes ab hoc insti-  
tuto periculoso, nec sibi persuaderi  
patiantur (quod non ab uno factū  
memini) nescio quibus mediis spi-  
ritus ejusmodi in suum servitium  
advocari posse. Cum enim dia-  
bolus se in angelum lucis transfor-  
mare possit, & circumeat, ut leo ru-  
giens, quærens, quem devoret: quā-  
tam fenestram isti diabolo aperiūt,  
qui spiritus, ut sibi serviant, sine  
mandato Dei advocant? Verum  
quidem est, quod allegant, Deum  
daturum dona petentibus: sed si ea  
petantur, quæ Deo se daturum pro-  
misit. At monstrēt illi, ubi in sacris  
litteris Deus promiserit, se spiritus  
vel angelos hominibus missurum,  
qui Philosophiam, Medicinam &  
quæcunque velint, docerent. Unde  
etiam iste spirituum numerus, or-  
do ac potestas ipsis innotuit? Pro-  
ducant & monstrēt tandem unum,  
qui Imaginatione istā forti, fide &  
oratione, spiritum aliquem conse-  
cutus sit; sed talem monstrēt, qui  
non infamis Magus fuerit. Itaque,  
ut hæc concludam, unio illa & con-  
junctio animæ hominis cum intel-  
ligentiis & spiritibus; quæ imagina-  
tione fiat, & spirituum ad servitia  
hominis præstanda; convocatio, ma-  
gorum idolatricum inventum est.

## CAPUT XV.

De parte Medicinæ Phy-  
siologica.

Cum hætenus satis prolixè,  
quid in plerisque de rebus na-

turalibus Chymici hodierni senti-  
ant, & quid ea de re statuendum no-  
bis videatur, explicaverimus: jam  
in parte Physiologica brevioribus  
liecbit esse. Et principio quidem  
hoc monendum est, Severinum &  
alios Chymicos in plerisque quidē  
divortium quærere à Galenicis: cū  
tamen, si rem ipsam spectemus, idē  
doceant, & novis verborum saltem  
involutis velata vel vestita pleraq;  
pro novis venditent. Ubi tamen  
revera quidam dissensus est, de eo  
monebitur.

Et primò quidem eadem tria  
principia in homine ponunt, sed  
longè præstantiora. Et quidem  
Quercetanus, *contra Anonymum*, ea  
in tres partes principales collocat:  
Naturalem aut vegetatricem facul-  
tatem; cujus sedes est in epate, à sale  
primò illo radicali principio & ba-  
si aliorum conservationem & fo-  
mentum recipere scribit; Vitalem  
in corde sitam à liquore sulphureo  
soveri & sustineri; Animalem facul-  
tatem principio Mercuriali, quod  
totum æthereum est & spirituale,  
conservari & stipari.

Deinde in homine constituunt  
corpus duplex. Unum visibile ex  
quatuor elementis, ex carne & san-  
guine formatum; alterum verò in-  
visibile. Hoc corpus invisibile ap-  
pellatur ab ipsis etiam *sidereus ho-  
mo, internus, incorporeus, Gabriel, ho-  
minis genius, penatis, umbra visibilis cor-  
poris, lar domesticus; homo umbratilis,  
familiaris Sophorum homunculus, Dæ-  
mon sive genius bonus, internus Paracelsi*

*Corpus du-  
plex homi-  
nis sec.  
Chymic.*

Adeob, spectrum, Natura et lumen, Evocatum, presagiens & Propheticum in homine: item, Imaginatio, que in se claudat omnia astris, sitq; omnia astris, & eundem cum celo retineat cursum, naturam & potentiam.

De hominis quoq; creatione mirè philosophatur P. Severinus, dicitque, hominem esse quintam essentiam ex firmamento & elementis extractam, seu subtilissimam essentiam totius machinæ mundi in unū corpus extractam, & concretam seu compactam, adeoque completissimam totius universi imaginem, Deumque in creatione mundi Spagyrum egisse.

Verum ista nisi sano modo accipiantur, tolerari non possunt. Nam duæ sunt partes, è quibus homo constituitur, corpus & anima: quarum neutra per se homo appellari potest. Sunt quoq; in corpore spiritus, præcipuum animæ instrumentum: qui quidem à plerisque Medicis inter corporis partes non referuntur. Si quis tamen, cum Scaligero, exerc. 280. sect. 2. eos inter partes corporis referre velit; cum eo non pugnaverim. Imò, cum proximum animæ instrumentum sint, id valde probabile videtur. Quomodo n. anima, quæ corpus vivificat, spiritus, quibus proximè in agendo utitur, non vivificaverit? Et ipse Aristoteles, l. de mûdo, c. 4. πνεύμα εἰς τὸν ἄνθρωπον nominat.

Spiritus ergò cum sint invisibiles; corporei tamen, si hos Chymici pro homine illo invisibili habent, nihil novi dicunt; nisi quod impro-

priè loquuntur, partem totius nomine appellantes. Dari enim in corpore hominis & animalium, præter animam & corpus istud, aspectabile & tactile, spiritum, Aristotelici & Galenici etiam docent. Si verò aliud quid, præter spiritum, per hominem invisibilem intelligunt, sine causa entia multiplicare videntur. Ideoq; ipsorum simplici affirmationi fidem habere non possumus, sed probationem ab ipsis solidam expectamus, qua persuadeant, præter corpus, animam, & spiritum, aliam adhuc in homine dari substantiam. Quod cum hactenus non fecerint, causam non habemus, cur ipsi assentiamur. Nec operæ pretium esse putamus, ut quæ hac de re pluribus affert Crollius, in præfat. admonitor. prolixè refutemus: cum non solum nullâ ratione probentur, sed & enormitèr sum in Philosophiam tum in Theologiam impingant, ut à Libavio factis monstratum est.

Creationem verò hominis quod attinet, in ea describenda Crollius est temerarius. Sacra literæ nos docent, hominem formatum fuisse è limo & pulvere terræ; at quod ille pulvis quinta essentia totius mundi fuerit, nullibi exstat in sacris, & Paracelsitarum somniū est. Deusq; suâ infinitâ potentiâ hominem creavit, eiq; vires, quas voluit, indidit; nõ necesse habuit, ut Spagyrica arte è tota mundi machina vires extraheret, & homini inderet. Hominem etiam ad sui imaginem, à Deo factum legimus, non ad imaginem mundi.

Creationis min.

Spiritus an  
divant.

Homo in-  
visibilis  
Chymis.

Quæ postea de hominis generatione, nutritione & corporis gubernatione dicuntur, pleraque Hippocratica & Galenica sunt, aliis saltem pigmentis nonnihil colorata. Quædam tamen etiam falsa; Nam quod tertio statuunt, à spiritibus mechanicis hominis generatione, & post generationem, corpore absoluto, omnes actiones naturales administrari, verum loquuntur: sed iterum nihil novi proferunt. In duobus autem peccant: primo quod temperamentum è qualitatibus primis planè rejiciunt, quasi nihil ad actiones naturales obeundas faceret; siquidem experientia contrarium testatur, quæ constat, partes nimium refrigeratas, vel calefactas, vel humectatas, vel exsiccatas, æquæ ad actiones perficiendas impotentes reddi, ac si spiritus non rectè sese habeant. Cum n. pars animata temperie sua prædita, calido innato perfusa, ac spiritibus instructa, ad æquatum actionis cujusque organum sit: nihil horum deesse debet. Deinde & in eo errant, quod spiritibus scientiam agendi in animatis simpliciter attribuant. Non enim vi sua agunt, quod agunt; sed ab anima directi: & illa scientia animæ potius, quam spiritibus competit; atque anima est primaria omnium in corpore animato actionum causa.

Quarto de sanguine quoque non rectè sentiunt, cum eum corporis alimentum esse negant, ipsumque supra partium dignitatem collocant, & in societate gubernationis Rei-

publicæ humanæ admittant. Primum enim contra experientiam pugnant, dum sanguine nutrirî partes negant. Cur enim cibus in chylum, chylus in sanguinem mutatur, nisi ut totum corpus eo alatur? Et quo sine alio sanguis per venas in totum corpus distribuitur, nisi ejus alendi gratia? Ideoque cum tam planam rem in dubium vocare placuerit Severino rationibus agere debet: cum quod ipse affirmat, ab aliis eadem facilitate negetur. Sed hoc Paracelsi & Severini perpetuum vitium est, quod dogmatibus planè paradoxis & absurdis, nulla ratione, quod dicit Philosophum, allatâ, fidem haberi volunt.

Quinto quod dicit, Spiritus esurire, saturari; absurdum. Resciquidem spiritus absumpti debent, quæ refecionem & instaurationem; si quis nutritionem appellare velit, per me licet. Sed sitire & esuriri animalis proprium est. Et aliud est indicare, aliud appetere. Spiritus absumpti instaurationem sui indicant. At appetitus animalis proprius est, quod per similia conservari, & id quod molestum est ac contrarium, tolli desiderat.

Sexto quod sanguinem in partium numerum adsciscunt; tolerari posset, si eo modo partes intelligerent, quo Hippocrates; cum corpus dividit in contentia, contenta & spiritus. Alias sanguis corporis non pars est, sed nutrimentum. Male etiam gubernationem corporis humani sanguini simpliciter tribuunt.

*Spiritus  
mechanici.*

*Spiritus  
esurians.*

*Sanguis  
usus.*

*Sanguis  
pars  
cor-  
poris.*

Spiri-

Spiritus quidem, qui in arteriis & venis continentur, corpus sub animæ dominio gubernant: humor verò sanguineus solum corporis nutritioni datus est.

Septimò de Synovia, quam ut rē novam & Galenicis incognitam proponunt, ipsi, quid statuendum sit, incerti sunt. Nam P. Severinus lentum illum humorem, qui in articulis maximè apparet, ac secundum ipsius sententiam, omnium ossium membranarum adhaeret, Synoviam nominat, eundemque ab Hippocrate, in *lib. de locis in homine, ubi* *ὑβζαρ*, id est, mucum vocari existimat, gravissimumque morbotum sedem esse, & hinc gravissima symptomata committi censet. In hac enim synovia contingere cephalalgiam, *ὑβδουατα* Hippocratis, arthritides, podagras, chilragas & similia mala. Verum si hic lentus humor synovia est: nihil novi afferunt, sed quod toti scholæ Galenicorum fuit notissimum; ideoque male Galenicis hic socordia arguunt. Neque etiam locus Hippocratis, quem *p. 181. ex lib. de locis in homine*, quem citat Severinus, ipse latuit. Neque ignorarunt haec tenus Medici, gravissimos articulares morbos fieri cum ad articulationes, (articuli enim, non ille mucus, sedes sunt illorum morborum) ex vicinis locis humores excrementitii confluunt. Et quæ hætenus de arthritide ab iis tradita sunt, injuriam ipsis fieri & sine causa negligentia eos accusari, docent. Imò ipse Severinus hic erroris ac-

cusandus, quod omnium ossium membranarum hanc *ὑβζαρ* & mucum inesse scribit: cum tamen Hippocrates eum saltem articulis tribuat, & quidem eo fine, ut articuli sint ad motum faciliorem apti, ideoque aliis in ossium locis nullus ejus usus est. Paracelsus, *lib. 7. paragraph. parag. 2.* Synoviam esse dixit partis nutrimentum & conservationem, retentivæ & motivæ virtutis ex viribus virtutis digestivæ. Ex recentioribus quidam synoviam definiunt, internam virtutem & agendi agilitatem. Scheunemannus, in *medicina reformata c. 5.* Synoviam dicit esse lac dulce, quo corporis partes aluntur ac nutriuntur. Quæ omnia inter se non concordant. Aut si idem dicere volunt, & peeniam alicquam in partibus naturalem humiditatem (qualem tamen præter humiditatem nativam cujusque partis non monstrabunt) à qua pars suum robur & virtutem habeat: male id ex eo probare conantur, quod è partibus nervosis & articulis vulneratis multum humiditatis effluat. Habet equidem pars quælibet suum humidum radicale, & calorem insitum, à quo omne partis robur, quod Galenicis æque notum ac Paracelsis: non tamen quod ex partibus nervosis & articulis vulneratis sæpe magna copia effluit, est humor cuilibet parti insitus & naturalis; cum longè plus effluat sæpe una nocte, quam pars humoris naturalis in se continet: sed est humor excrementitius & sanies. Nam cum pars vulnerata debilis redda-

reddatur; alimentum probè conco-  
quere nequit, atque inde fit, ut illud  
in saniam mutetur: & quò major est  
debilitas, eò copiosius tale quid ef-  
fluit. Ideoq; non semper ex articulis  
vulneratis hic humor emanat, sed  
ubi inflammationes in articulis &  
partibus vicinis nervosis accidit,  
tum ichor ille, quem Chirurghi nomi-  
nant das Gledwasser / copiosius  
emanat, & vulneris se malè habentis,  
periculumque minantis, indici-  
um est. Præterea ad partem do-  
lentem & debilitatam plus humo-  
ris affluit; & propterea cum partes  
nervosæ vulneratæ majoris doloris  
causæ sint, plus humoris ad eas af-  
fluit, quam ad reliquas. Quibus ac-  
cedit, quod partes illæ ex carnes san-  
guine & calore minus abundant,  
& propterea læsæ pus tam benè  
concoquere, ut carnosæ, neque-  
unt.

Fel.

Octavo quoque Galenum repre-  
hendit Severinus, quod Fel inter  
corporis partes non numeraverit:  
verum immeritò. Est quidem in qui-  
linus vesicæ fel, sed non talis, qui ad  
constitutionem corporis pertineat,  
sed ex eo ejici debet, excrementum  
nimirum.

Stomachus  
quid Chy-  
micæ.

Nonò quod stomachum in epate  
& aliis partibus constituit Severi-  
nus, est ineptus usus in vocabulo  
*Stomachi*, in arte non ferendus; si-  
milis planè illi, quo Paracelsus, *lib.*  
*3. de morb. tartar. c. 4.* Pleuritidem in  
capite ponit. Res aliàs per se plana  
& non nova est: non solum ventri-  
culo; sed omnibus partibus vim in-

ditam esse, quæ alimentum sibi ido-  
neū attrahere, retinere, concoquere  
& sibi assimilare possint. Hanc Chy-  
mici recentiores appellant stoma-  
chum; certumq; est, nisi planè ab-  
surdum esse veliat, nihil aliud intelli-  
gere posse. Itaq; pleraq; quæ *cap. 10.*  
habet Severinus, sunt Galenica, ali-  
ter paulò propòsita.

*Humores verò* quod attinet, mirè *Humores à*  
eos exagitant Paracelsici, & nihil *Paracelsi,*  
nisi inania nomina esse dicunt, Ga- *rejicit.*  
lenicosque inde Humoristas nomi-  
nant. Causam autem si quæras, cur  
humores rejiciant, hanc reddit Se-  
verinus: quod multas salium, sul-  
phurū, mercuriorū species in mun-  
dana Anatomia reperirè sit, easque  
artis ministerio ostendere possimus:  
Pituitæ verò, bilis, melancholiæ a-  
natomia nesciatur: cum nec species  
nec proprietates in natura posside-  
ant, & ob id nihil sint, nisi inania no-  
mina; à quib; si sal, sulphur & mer-  
curius suas proprietates repetant,  
imaginaria solum futura sint. Verū  
in eo valdè errant. Nam non est  
opus, ut cujusq; rei principia pro-  
pria ubivis in mundo reperiantur.  
Sanguinea massa, quæ hic quatuor  
humorum nomine venit, non alia-  
rum rerum, ut plantarum & metal-  
lorum principium est, sed saltem a-  
nimalium perfectorum: ideoq; ex-  
tra istas animalium species eam repe-  
riri opus non est. Et proinde nihil  
ineptius scribere potuerat Paracel-  
sus, quam hoc, quod *in labyr. Med. er-  
rant. cap. 3.* dicit. *Neg, calum, neg, terræ*  
*novis phlegma, bilem vel melancholiam.*

Dantur  
humores.

*Ergo neg, in homine est.* Veruntamen non solum homini proprius sanguis est & humores sanguinem constituentes, sed & aliis animalibus, & in iis reperiuntur: ideoque falsum, quod in majore mundo non reperiuntur quatuor humores, seu sanguis. Reperitur enim in perfectis animalibus omnibus, quæ certè majoris mundi pars sunt. Et quid opus est, ex analogia majoris & minoris mundi probationem humorum quærere? Ineptum est, relictis sensibus & experientia, qua constat, sicut in animalibus aliis, ita & in homine sanguinem inesse, atque eo illum nutriri, ad obliquas ex analogia probationes confugere. Sensus certè docet, ex alimentis assumtis sanguinem, non sal, sulphur & mercurium generari; & selecta vena non sal, sulphur & mercurium, sed sanguinem effluere, atque ita in omni corpore, omni tempore, ætate, loco, regione sanguinem inveniri. Ergo distinguendam est inter principia rerum naturalium communia & proxima. Illa omnibus rebus æquè insunt; & sunt elementa, & illa Chymicorum, si dextrè explicentur, principia. Hæc variant, ut ipsæ rerum naturalium species variant; sua sunt plantis; sua metallis; sua animalibus. Animalia (de his enim & præcipuè de homine sermo est) sanguine è quatuor humoribus constante consistunt. Verum ipse Paracelsus sibi hæc in re non constat; passimque in libris suis sanguinis & humorum mentionem facit.

Sed respondebunt procul dubio hic quidam, se non ignorare, & sensibus id patere, sanguinem in venis contineri: vesum se non esse contentos sensuum, in exteriore cortice hærentium, arbitrio, se omnia ad vivum refecare, & artificiosâ resolutione in sanguine tria principia apertius demonstrare, & à qua parte seu fonte actiones promanent, docere. Verum enim verò nimium hic sapere videntur. Nam dum de sanguine & humoribus quæritur, non de primis rerum principiis, sed de proximis corporis humani & animalium perfectorum primaria quæstio est. Alia enim quæstio est, quæ sit totius compositi natura, alia quæ principiorum singulorum, & quibus constat. Sit sanè, ut sanguis & humores reliqui è tribus principijs Chymicorum, eo, quo supra explicavimus, modo, componantur: an tamen ideo sanguinis, bilis, pituitæ, melancholiz tot seculis trita nomina sunt rejicienda? Lac potest resolvi in butyrum, serum & caseum: & nihilominus totum compositum lac rectè appellatur. Si hæc humorum nomina rejicienda sunt, eodem jure rejicientur ossis, membranz, carnis & aliorum nomina, omniumque omninò partium appellationes. Nam ex Chymicorum sententia hæc æquè ac sanguis ex tribus principijs constant: & ineptum est, ab uno saltè principio talia denominare velle. Nunquã n. sanguis ex uno principio constat, sed ex omnibus principijs & elementis simul

mistis.

miftis; hæbetq; fuam formam, per quam à chylo, carne ac reliquis dif- fert, & ab ea fanguis denominatur, partesque fanguinis diverfæ merito etiam diverfa nomina fortiuntur.

Et proinderes eò redit, explican- dam effe è Chymia medicinam an- tiquam, non evertendam. Idque fiet commodiffimè, fi nomina à primis inventorib; indita & ufu ab omniù feculorum confenfu approbata, quibus Hippocrates, Aristoteles, Galenus, Avicennas, Meffues, & reliqui Medici omnium feculorum, Chymici & non Chymici ufi funt, retineantur, res verò è Chymia de- claretur. Nova enim nomina im- ponere rebus, non cujusvis eft; nec tantus fuit Paracelfus, ut hoc ei li- cuerit.

*Humor  
quid Gale-  
nicù,*

Injuriam etiam maximam faciunt Chymici Galenicis, atque inter eos Quercetanus, in confilio de arbitrate & calculo, dum ipsis tribuunt, quafi per humorem intelligant quiddam æqueum faltem, omni nobiliore potestate deftitutum. Non funt in- ania nomina humores, non fua ef- fentia & proprietatibus deftituun- tur, fed ex principiis prioribus mi- fta formam habent fpecificam, pro- prietates, potestates, colores, fapo- res & fimilia, quibus ab aliis rebus differunt. Quæ omnia nomine fanguinis & humorum includun- tur. Semen, caro, os, & reliqua omnia ex fanguine oriuntur: quia tamen novam formam induunt, nova etiam nomina accipiunt. Ita licet principia & elementa in omni-

bus alimentis, & quæ ex iis in cor- pore funt, infint: quoties tamen nova forma introducitur, novum nomen imponitur, & quod prius panis nominabatur, jam chylus no- minatur; hinc fanguis, bilis, pituita, melancholia, caro, os, nervus di- cuntur.

Neque illud quoq; admitti pot- est fimpliciter, quod ftatuit Severi- nus: Sanguinem in diverfis venis & locis non ejuſdem naturæ effe. Nam licet fanguis in venis minoribus partibus jam adfimilandas, mu- tationem accipiat: tamen ab eo, qui in majoribus eft ramis, natura non differt; neque uno in loco fem- per & parte una quiefcit, fed pro va- ria occafione in partibus hinc inde movetur.

*Sanguis an  
multiplex  
in corpore.*

Errat in eo Severinus, nec video quomodo excufari poffit, cum ftatuit, in Balfamo ineffe fanguinem, fpiritum, carnes, offa, ligamenta, nervos; eaque fpirituum mecha- nicorum opera ex eo fecerit & fe- parari. Ineft idem in omnibus alimentis quid nobis familiare, quod in corporis nutritionem ce- dit, & varias, pro partium, quibus apponitur, varietate, formas induere potest: quod five Mumiam five Balfamum appellare velit, de no- mine cù eo non litigabimus. Quod verò ifta, quæ diximus, omnia in eo contineantur, & faltem inde fe- parentur, & ut fupra ex Paracelfo di- ctum, quod unicus, quem comedi- mus, bolus omnia membra corpo- ris humani actu corineat, quæ mani-  
fellen-

*An in ali-  
mentis  
omnes par-  
tes infint.*

fastentur & separentur saltem spirituum Mechanicorum industria, id admitti nullo modo potest. Si de elementis & principiis illis Chymicis, aut falso, amaro, acido Hippocratis id statueret: commodè explicatione adhibitâ tolerari posset: at cum sanguinem, os, carnes, & partes cæteras actu in pane inesse statuit, id nullo modo salvari potest. Hoc modo enim cum Anaxagora omnia in omnibus inesse dicendum erit; & nulla esset vera generatio. At revera dum ex pane fit chylus, ex chylò sanguis, ex sanguine os, membrana, caro: in quolibet mutatione nova forma introducitur, habetque quolibet pars assumptum alimentum in suam naturam mutandi vim, quæ animæ vegetantis peculiaris potestas est: neque sanguis vel os spiritus Mechanici latentia separantis, sed animæ vegetantis, & in specie facultatis *αια αποποιητικης* & *οσποποιητικης* opus est. Et cum secretiones ars satis æmulari possit: generationes tamen nullo modo potest: neque in potestate artis est, vel sanguinem vel os generare. Licet enim instrumentarium agens, calorem scilicet, in promptu habeat: primario tamen, quod est anima, destituitur. Sed hæc, quæ hactenus de sanguine & humoribus dicta sunt, de humoribus alimentariis accipienda, quæ massam sanguinis constituunt. De excrementitiis verò capite sequenti, ubi de causis morborum dicetur, agetur.

Neque enim assentire possumus Erasmo, qui *disput. 3. cont. Paracels. pag. 121.* scribit: Humores, qui sunt corporis nostri elementa, & eos, qui sunt excrementa, ejusdem esse speciei, & perfectione saltem, & imperfectione, aliisque accidentibus talibus differre. Dum enim sanguis generatur, partes aliquot intra, aliquot supra modum coquit: hasque tanquam inutiles sanguini futuros excerni.

Nam cui hoc persuadeat Erastus, sanguinem & bilem in vesicula fellis specie non differre, quæ ita omnibus qualitatibus, actionibus & usu differunt? Neque humores illi excrementitii & sanguis istam naturam diversitatem saltem à causa agente, sed etiam ex alimentorum natura accipiunt, in quibus non omnes partes æquè aptæ sunt, ut boni sanguinis naturam induant. Quid verò dices de excrementitiis humoribus præternaturalibus morborum causis: illinè etiam à sanguine, non specie, sed saltem perfectione & imperfectione different?

Tandem duplicem Anatomiam constituunt, ut ex Paracelso, *libr. 1. de origine morborum è tribus primis substantiis, cap. 6. & part. 2. libr. 2. de tumoribus pustul. & ulceribus Gallic. cap. 1. Severino cap. 3.* & passim alibi videre est; Unam, quam vocant *Localem*, qua cadavera artificiosè dissectantur, omniumque partium situs, conformatio, magnitudo, numerus investigatur. Quam etsi non planè rejiciunt: tamen etiam non

An humores alimentarii & excrementitii specie differant.

Anatomia localis.



magnificiunt; sed mortuam appellans, quæ vel laniiis communis sit; & qua, quod vacca etiam facere possit, saltem cadaver hominis adspiciatur, non verò, ut Naturæ & Medicinæ studiosum deceat, ad interiorem & abditam hominis naturam acie mentis penetretur.

Alteram appellant *Essentialem*, *Vitalem*, *Formalem*, qua unumquodque corpus in sua principia, quæ statuunt, dissolvatur: quam qui tentare velit, in primis seminum naturas & proprietates, Elementorum & principiorum officia, generationum transplantationumque radices, Astronomiæque leges, & totius corporis, non mortui, sed viventis, dispositionem, quam ipsi tradunt, cognitam habere debere statuunt. Unde ipsis non solum cor est, quod vulgò ita vocatur, sed cor ipsis est, ubicunque calor vitalis est: ventriculus non solum, qui vulgò ita appellatur, sed omnis cavitas, imò omnis locus, in quo sit concoctio; Matrix nò solù vulgò ita dicta pars, sed omnis locus, in quo est semē aliujus fructus. Et præcipuè, quod ubiq; faciūt; Majoris mundi considerationem in hac Anatomia conjugendam censent, & quicquid in majori mundo est, ut supra quoque dictum, in homine quoque esse non solum secundum superficialem quandam similitudinem, sed re ipsa & secundum speciem omnia & singula hominem in se complecti (licet invisibiliter) quæcunque in triplici illo regno, totiusq; mundi amphi-

theatro explicata continentur, tradunt. Atque ex hac Anatomia tria illa principia in homine dari statuunt; quia eadem in majori mundo reperiantur: Humores verò non dari, quia in majori mundo non inveniuntur.

Verum sciendum primò, eos de anatomia illa locali, seu quæ vulgò appellatur, anatomia aut cadaveris humani artificiosa dissectione, minus honorificè, quam debebant, sentire. Quod enim scribunt, eam vel laniiis esse communem, & per eam, quod vacca quoque facere possit, cadaver hominis obiter inspicere saltem: eo testantur, vel nunquam anatomia alicui se interfuisse; vel contra scientiam hæc scribunt. Longè n. alia est lanii, alia Anatomici sectio: alio modo à vacca, alio à anatomico cadaver adspicitur. Nā anatomico omnium partium figuram, magnitudinem, cavitates & ductus, numerum, situm, cum aliis connexionem, consensum, diligentissime, artificiosâ sectione, rimatur, atque hinc omnium usum investigat. Quod eruditissime fecit Galenus cum in aliis libris, tum in libris de usu partium, & post eum multialii Medici: Quos si legisset Paracelsus, longè aliter de anatomia ista, quam appellat, locali, sentiret, neque tam absurda de usu partium libris suis passim inseruisset.

Quam verò vitalem seu viventis corporis anatomiam appellant, eam audacter nimis sibi solis arro-

Anatomia  
utilitas

Vitalis

gant: cum eam Galenici Medici non omiserint, ut cum ex aliis, tum ex Galeni libris de facultat. natur. de semine, de fetus formatione, libris pluribus de respiratione, de temperamentis, de elementis & aliis videre est. In quibus omnibus de animæ facultatibus corpus nostrum regentibus, & de ejusdem in agendo instrumentis agitur. Si quid tamen lucis ex doctrina principiorum Chymicorum addi potest, id libenter acceptamus. Verbis tamen hic, quam factis promptiores plerosque Chymicos esse video, & potius in id incumbere animadverto, ut vocabulis ludant, & sub novis vocabulis antiquorum sententias, quasi novas & suas, venditent, atque interim ex suis principis eas parum amplificent, & illustrent. Ut dum cor esse dicunt, ubicunque calor vitalis est; ventriculum, ubi concoctio: cum nemo Peripateticorum vel Galenicorum influxum caloris in omnia membra nesciat, aut facultatem concoctricem non solum ventriculo, sed omnibus partibus insita esse ignoret. Sed cum coctio tam epati, quam ventriculo competat: cur ventriculum potius, quam epat omnibus partibus inesse dixerunt? Philosophi est suis nominibus res appellare, ventriculum ventriculum, epat epat, vim coctricem etiam suo nomine: non nominibus ita ludere, & res diversissimas

confundere.

## CAPUT XVI.

### De Pathologia.

Sed ut ad ea, quæ Medicinæ propria sunt, veniamus, ordine ita requirente jam Chymicorum de morbis & morborum causis doctrina, perpendenda: in primis cum totius Medicinæ Paracelsicæ fundamenta hic sita sint.

Et principio quidem non magni momenti esse existimant, distinguere Morbum, Causas & Symptomata; & hæc tria, causam Antecedentem, Morbum, Symptoma non differre genere, essentia vel proprietatibus specificis, sed potestate & actu solum Severinus, c. 13. statuit: quem admodum Medicus dormiens à vigilante; Sulphur non accensum, ab accenso; Sal non resolutum, à resoluto; Mercurius non sublimatus, à sublimateo. Ideoque ex Radicibus potius, quam aliunde nomina imponenda censet. E. G. in corpore latere Radices, semina & impuritates nitro sulphureas vel febriles, quæ digestis temporibus separata, exaltata & accensa, vel in actum deducta horrores, rigores, frigiditates, calorem in corde, pulsuum mutationes producere possint; atq; ab iis morbo nomen imponendum esse. Et radicibus adhuc silentibus, & occultè in corpore latitantibus, ac in paroxysmorum intermissionibus, ubi nullus est in corde accensus calor, nihilominus fe-

Paracelsi  
Morbos,  
Causas &  
Symptomata  
confundunt,

brem

brem in corpore latere rectius, quã antecedentem causam, dici statuerunt. Epilepsias quoque in corpore circumferri, quamvis longa habeant paroxysmorum silentia, existimat Severinus.

Verum enim verò rectè omnino Galenus omnia, quæ in corpore humano præter naturam sunt, in tres classes redegit; Morbos, Causas & Symptomata. Et magna vel inscitia est Severinianorum, si ex ignorantia distinctionem hanc negligunt; vel malitia, si scienter eam rejiciunt. Quam enim distinctio inter causam & effectum rejici non potest in ulla disciplina: tam ista distinctio in Medicina omitti non potest: siquidem humores causa sunt; morbi istorum effectus; rursus symptomata utrorumque effectus. Neque solum causa antecedens, morbus & symptomata differunt potestate vel actu; vel sicut sulphur accensum & non accensum, aut sal resolutus & non resolutus: sed longè major est differentia: resque hæc tota natura & essentia discrepant. Et vix ineptius quid scribi potuisset, quam illud, quod Severinus, cap. 12. habet. *Quod remotissimum, inquit, est ab effectu producendo, generis rationem obtinet: Quod verò proximum, Individue speciei: Effectus verò ordinatione Individuorum, rationem gerit.* Nempè mucilagines lapidæ, bolares, tartaræ, quæ in leguminibus, frumentis & aliis cibis continentur, genera generalissima esse dicitur. Mucilagines inde

coacervatas in ventriculo, intestinis vel alia cavitate, genera subalterna: Ubi exaltantur & morbos & symptomata inducunt, species esse individuas & postremas: Actiones verò læsas & impeditas Individua. Quæ quam absurda sint in omni Philoſophia, quis non videt? Licet enim verum sit, sæpe longam esse, & quidem ordinatam, causarum, & effectuum seriem: non tamen sub eodem genere sunt; & causa effectus neque genus neque species est. Et Deus, qui est causa omnium rerum aliarum, earum neque genus neque species est. Et quis tam ineptus est, ut dolorem capitis, & flatum membranas cerebri distendentem, aut calculum vesicæ & urinæ suppressionem sub eodem genere esse, aut sese ut individuum & speciem vel genus habere dixerit? Hoc quidem verum est, humores aliquandiu sæpe in corpore latere posse, antequam actu morbi aliquid producant, & tum potestate sunt id, quod postea sunt: verum morbus, qui ab humore producitur, semper sua natura differt à causa, à qua producitur, sive causa potestate, sive actu talis dicatur. Ita humores vitiosi in corpore delitescere possunt, antequam putrescant & accendantur, qui postea, ubi putrescunt & accendantur, febrem excitant, quam varia Symptomata, sitis, vigilie, dolor capitis, delirium & alia commitari possunt: quæ omnia inter se differunt; atque alia natura est humoris

putre-

Morbos,  
causæ &  
Symptomata  
differunt.

putrescentis, alia intemperiei calidæ hinc excitatæ, seu febris; alia sitis, vigiliarum & aliorum Symptomatum; quæ sine insigni errore confundi non possunt. Neq; enim causa seu morbi Paracelsici lædunt actiones, priusquam partis, à qua eundem, dispositionem immutarint; atque ut causa morborum, non morbi. Impossibile enim est, ut causis actionum non mutatis actio lædatur. Et quod actionem ideo lædit, quia actionis causam immutat, non morbus est, sed morbi causa.

Atque exempla omnia, quæ affert Severinus, non aliud docent, quàm rem unam, & eandem, quod potest fieri, revera fieri, & causam effectus, quos in sua potestate habet, in actum deducere: nullo verò modo evincunt, ut causa & effectus sint idem. Et licet postquàm materia febrilis vel vomitu, vel per alvum rejecta, vel sudore evacuata est, febris cessat, & omnia symptomata evanescent: non tamen sequitur, quod una omnium fuerit natura & essentia, sed sublata causa continens, simul tollitur effectus; sicut sublata interpositione terræ inter solem & lunam cessat eclipsis. Ideoque ineptè scribit Severinus, quod viderit febrim vomitu rejectam: causam vidit, non febrim. Ineptius adhuc, quod viderit, materiam illam vomitu rejectam vitæ motus vestigia febrili horrore aliquid super demonstrasse. Si legisser aut diligenter perpenderit, quæ

Galenus & Galenici de natura & causis horroris & rigoris febrilis scribunt, aliter sensisset & scripsisset.

Verum illud fortasse offendit Severinianòs, quod morbis nomina non à causis seu radicibus, ut appellant; sed aliunde potius indita sint: verbi gratia, febrem, quæ à calore denominatur & definitur, potius à causa morbum nitrosulphureum dicendum putant. Verum & hic valde iniqui sunt, dum planè pro suo arbitrio rebus nomina imponere volunt, & nomina satis comoda rejiciunt. Res enim quælibet à sua essentia definienda & denominanda est. Et proinde non male fit, cum febris à sua essentia definitur. Alia postea est disquisitio de natura causæ; & hic disquirendum, an causa febris dici debeat bilis, an verò nitrosulphur.

Neque etiam Galenici tam rudes sunt, ut morbi maximam semper habendam rationem censeant, sed sæpe ad causam magis, quàm morbum, attendendum esse, probè sciunt. De quo videantur Instur. lib. 5. part. 2. sect. 1. c. 4. Multò minus saltem ad symptomata respiciuntur Galenici: Nàm sæpe diversa symptomata ab eadem causa proficisci possunt; & contra unum symptoma à diversis causis: quæ nisi quis diligenter distinguat, & tamen symptomatibus attendat, Empiricum ageret, & in curatione falleretur. Imò in ipsis febris causarum maxima habenda est ratio. Exempli gratia, non suffi-

*Morbis nomina unde sint imponenda.*

sufficit, scire aliquam febrem malignam esse, sed caussarum imprimis febres malignas excitantium natura investiganda est; cum earum sit maxima diversitas, & hinc symptomatum & curationis magna differentia occurrat. Ad quam rem & varietatem caussarum explicandam, si quid Chymici adjumenti afferre possunt, id libenter amplectimur; sed quantum pleriq; haectenus praestiterint, res ipsa declarat. Interim tamen caussae, morbi & symptomata non confundenda sunt, sed usitata rerum praeternaturalium distinctio, in morbos, caussas & symptomata retinenda. Sed pergamus jam ad rem ipsam.

Morbus  
substantia  
sec. Paracelsum.

Et ipsam naturam morbi quod attinet, primò in eo errorè valde crasum errat Paracelsus, quod morbù substantiam esse docet: imò quod, libro 2. de morbis podagr. morbum totum hominem esse, & corpus invisibile habere scribit; idque exemplo icteri declarat. Locum integrum ad scribere libet. *Exempli loco sit, inquit, Icteria, quae oritur in centro hominis, id est, felle. Verum nullum damnum affert, nisi ex ea totus homo progenitus sit, id est, icteria sit integer homo. Hinc oritur totum corpus icteria, quod tam latè extenditur, quàm latè extenditur microcosmus, id est, in manus, pedes, oculos, aures, & omnia, quae corpus continet. Cum jam totum corpus repletum est, tum absoluta est, & habet omnia membra, quae homo habet, ac membra membris adjacent. Hinc manus manuum, pedes pedum, oculi oculorum, ventricu-*

*lus ventriculi, intestina intestinorum morbos provocant. Atq; ita microcosmus geminus est in tali morbo, habet duo corpora, & est unus homo, non alio modo unita, quàm si aqua in cineres infundatur.*

Verum quæ hæc est Philosophiæ ignorantia, ita summa rerum genera confundere, & accidentia & substantias non discernere? Cum enim contraria sint sub eodem genere, sanitasq; extra controversiam in genere qualitatis sit; eodem etiam referendus est morbus; omnisque morbus nihil aliud est, quam qualitas præter naturam corpori inducta, ob quam corpus ita disponitur, ut ad actiones debitas exsequendas ineptum reddatur.

Verum hæc est egregia illa Paracelsicorum Logica, id est, Logicam, qua unâ verum à falso aptè discernimus, contemnere, atque modum sciendi cum ipsis scientiis confundere. Quod & P. Severinus fecit, qui jactat, se ulcerosam Categoriarum dispositionem ad sanitatem revocasse, non sine sævo Chirurgiæ ministerio, atque unum panificium omnibus modalium subtilitatibus, jejunisque prædicamentorum digestionibus antepone. Verum rectè respondet Th. Erastus, *part. 1. disput. contr. Paracels.* Sanè cum venter esurit, præfero ego quoque panificium Aristotelis & Philosophorum de his rebus disputationibus. At cum animus esurit veritatem, longè magis explet ejus famem Aristoteles, quam Pistor. Deinde male

idēd totum hominem appellare videtur Paracelsus, quod totum corpus quasi pervadat & permeat. Non enim omnes morbi totum corpus occupant, ut icterus, quem exempli loco adducit: sed sunt multi morbi particulares, ut inflammationes oculorum, aurium & aliarum partium, ventriculi, epatis, cerebri, debilitates, & alii morbi, qui totum corpus non occupant.

Error autem omnis ex eo manat, quod; sicut plantæ à suis seminibus proveniunt, ita morbos ex suis etiam specificis & peculiaribus seminibus oriri existimant. Atque ut formam illam plantæ, quæ latet in semine, corpus sibi idoneum fabricat; terra verò saltem materiam, artifici illi formæ suppeditat; coloresque plantæ plantam non produciunt vel constituunt, sed opera illius internæ formæ sunt; ita & humore sine corpore nihil aliud esse, quam materiam, è qua & in qua semina illa latentia morbos producant; calorem verò & frigus, reliquasque qualitates quasi umbras esse, quæ abdita illa comitentur, docent. Itaque & veram morborum curationem nihil aliud esse, quam seminum illorum, à quibus morbi generantur, ablationem. Hæc enim nisi tollantur, per caloris, frigiditatis, reliquarumque qualitatum mutationem, per humorum evacuationem, nullum morbum verè curari. Ut exemplo res clarior fiat: sicut inquit, qui, ne fructus aliquis

in horto suo proveniat, satagit, satis non facit; si fructum illum quotannis decutiat ex arboribus; (quotannis non ingerabitur;) aut unum atque alterum ramum amputet; (nam & hi generantur, & residui fructus ferent;) multò magis folia arboris aut ipsos fructus alio colore illinat: sed arbor radicibus extirpanda est. Ita & calorem, frigus, similesque qualitates per contraria velle tollere, esse fructus solum auferre, relicta radice, unde proveniunt, existimat Paracelsus, & semina, radicem atque ar-

*Morborum  
semina sc.  
Paracel-  
sum.*

tificem tollere jubet. Nimirum quæ supra omnium rerum naturalium principia posuerunt, ea & hic sequuntur, & ut reliquas res naturales omnes à suis astris & seminibus, quæ omnium qualitatam & motuum causa & fundamentum sunt, provenire statuunt; ita & morbos in natura sua semina habere opinantur, à quibus omnium generationum & transplantationum circuitus proveniant. Ab elementis verò morbos non provenire, sed elementa solum matricis & loci rationem obtinere, & seminibus ac spiritibus loca & alimentum ministrare. In seminibus dona & officia formarum vigere; horum beneficio actiones omnes administrari; missiones absolvi; ex his proficisci sapor, colores, calidum, frigidum, humidum, siccum; continere in suis scientiis principia vitalia, duritiem, molliem, tenuitatem, crassitiem, asperitatem, levitatem, viscositatem & reliqua similia omnia.

*Seminum  
morb. origo  
sec. Patris  
causam.*

De origine verò horum Seminũ morbificorum ita statuunt. Etsi in prima rerum creatione, ubi virtute divina generationis & multiplicationis vim acceperunt semina, omnes res puræ, integræ, perfectæ, & sine corruptione & morte fuerint: tamen post prævaricationem primi parentis puris illis feminibus maledictione divina supervenisse novas tincturas, ut hac de re loquitur Severinus, quorum mixture in calamitosam sortem transplantata fit totius creaturæ pulchritudo; & prima & pura illa semina novis & infelicibus vestimentis fuisse obducta. Et illa ipsa semina ab eadem potestate five voce divina, quibus alia semina pura & perfecta, vim multiplicationis & transplantationis accepisse: sicut ab eadem divina potentia spinæ & tribuli proveniunt.

Hæc autem Mortis & Morborũ semina radicesq; in impuritatibus consistere, ait Severinus, arsenicalibus, sulphureis, vitriolatis, æruginosis, mercurialibus vel urticosis, spinosis, napellosis, opiatis & similibus, quæ impuritate inflammabiles sint, instabiles & ad corruptionem festinantes, permixtæ tamen cum primis purisque rerum radicibus, cum quibus etiam aliquam affinitatem habeant. Neque enim quævis impura quibusvis promiscuè copulari, sed talia talibus. Atque ista impura semina, quasi hospites & advenas, obtemperare radicibus & feminibus puris & perfe-

ctis in generationum iustis & dum omnia secundum naturam se habeant, ac fallaci servitutis imagine oportuna nequitix tempora expectare. Separata verò, & exaltata inimicitias suas prodere, & morborum & mortis auctores existere. Hominem verò, qui omnium rerum sublunarium ministerio uritur, & ex plantis ac animalibus suum alimentum sumit, universis impuritatibus inquinari, & morborum & mortis infinitas species obtinere.

Atque ab his morborum seminibus morborum hereditariorum ortum deducit P. Severinus. Si quis enim intemperantia vel alia de causa impuritates in corpore colligat, fieri posse statuit, ut individi illius radices & semina ita per impuritates illas inquinentur, & impuritates tam fortiter semini cohereant, ut etiam in quartam generationem propagari possint. Hinc etiam causam reddit, cur in liberis quidam morbi conspiciantur, qui in parentibus non animadvertentur, atq; ita ex nõ podagricis podagrici, ex nõ Epilepticis Epileptici generentur. Existimat nimirum impuritates in parentura seminibus delituisse, sed nondum maturas & exaltatas fuisse: in natis verò demum exaltari, & ad maturitatem pervenire, & in expectata symptomata afferre. Contra fieri statuit, ut ex podagricis non podagrici fiant, ex Epilepticis

*Morborum  
heredita-  
riorum  
causam sec.  
Severini.*

non Epileptici, vel quia semina istorum morborum radicem & balsamum humanum nondum potenter occupaverint, sed superficialiter saltem ei adhæserint; vel quia potestate naturalis balsami in utero superata fuerint; vel quia ad terminum sterilitatis auctorem pervenerint. Habere enim semina ista, quæ speciei non cohærent, sed individuus, suas ætates, tandemque radicibus exhaustis sterile scere.

Paracelsi  
in  
impetibus  
rejectionibus

Contra verò caliditatem, frigiditatem, humiditatem, siccitatem, humoresque neque in morborum, neque in caussarum, morbificarum numerum admittunt: sed aliquid reale, quod viribus & potestate polleat, quod effectus producere possit, quod suas periodos exserat, quod scientiam habeat, prædestinationes & officia, essentiam quoque vitam, & proprietates, quarum beneficio generationum fluxus moderari possit, postulat Severinus. Caliditatis, frigiditatis, humiditatis, siccitatis, intensiones & remissiones in vanum adduci existimat, quæ sint umbræ rerum, quemadmodum colores, nec radices habeant, nec potestates. Cum verò rei evidentiæ talis sit, ut negare non possint, aliquos morbos ex qualitatibus primis generari: leviores illos tamen, quam ut Medici operam requirant, esse opinantur.

De morbis  
Compositionis  
sententia  
Paracelsi

De morbis etiam Compositionis non sunt solliciti, sed eos saltem pro quodam actionum impedimento habent, & non magni æstimant.

Unde recentiores, ut apud Severinum, pag. 226. & pag. 247. videre est, duplices morbos constituunt, quosdam ex feminibus, quosdam sine feminibus. Instrumentorum enim vitium & figurarum & cavitatum morbos, ut & continui solutionem, ex feminibus non oriri statuunt: Qui verò vulgò morbi partium similarium dicuntur, eos sua semina habere existimant.

Humores verò plerumque pro quodam phantasiæ invento habent. Et licet Paracelsus in *Labyrinth. Med. errant. cap. 8.* humores concedat: morborum tamen causas esse negat; & humores a morbo, non autem morbos ab humoribus esse dicit. Utuntur verò contra humores morborum causas iisdem argumentis, quibus contra humores alimentarios utuntur, nimirum, quod in Macrocosmo non reperiuntur.

Humores  
à caussarum  
morb. numero  
à Paracelso  
rejectionibus

Ita enim, in *fragment. Medicis tom. 1. pag. 134.* scribit Paracelsus: *Magnus est error, calidum & frigidum considerare, vel Choleram, Melancholiam, Phlegma, Sanguinem. Nunquam ullus morbus calidus frigidis curatus est, nec frigidus calidis. Ita de modo phar-  
macandi tract. 1. scribit: quis dicit Fraxinum ex Cholera aut Melancholia crescere? vel si crevit, quis dicit fraxinum esse Choleram, Melancholiam, item Phlegma? Eodem modo nec excrementa, (quæ ipse stercorea vocat) ex humoribus generantur. Quæ enim origo est unius, eadem etiam alterius: Et paulò post: Flavum stercus (excrementum) appellare*

Cho-



*Choleram vitellinam; viridem, Cholera-  
rum prassinam, perinde est, ac si quis di-  
cat; Pyra flava sunt cholera vitellina;  
viridia poma sylvestria sunt cholera  
prassina.* Et passim in suis scriptis  
acerbè, ut in primis *tom. 1. pag. 784.*  
videre est, Galenicis. hoc nomine  
exagitat: quæ omnia huc afferre  
opera pretium non est. Querceta-  
nus, in *Consil. de arbr. & calcul. humo-  
res* è causarum numero recijcit;  
quia nullus humor vel salsus, vel a-  
cidus, vel alterius saporis fit, nec sal,  
nec tartarum admixtum habeat. Et  
ridiculum putat, dicere, humores  
aduri. Humorem enim simplicem  
ad ignem totum exhalare.

Verum in his multa sunt, quæ fi-  
dem non merentur. Primò enim  
malè ex morbis quasi peculiare  
plantas è seminibus suis pullulan-  
tes constituunt. Monstratum enim  
jam antea, morbos non esse substan-  
tias, sed quiddam corpori præter  
naturam accidens; & malè Para-  
celsi affectus causas morborum cū  
morbis confundere. Licet enim ve-  
rum sit, quod nemo Galenicorum  
negat, morbum, nisi causa sublata,  
à qua pendet, non tolli: interim ta-  
men morbus cum causa non con-  
fundendus. Et quanquam negan-  
dum non sit, humorem aliquem vi-  
tiosum bonos humores corrumpere  
& inficere, & ab exiguo initio vi-  
tium aliquod in totum corpus dif-  
fundi posse; eodem modo sicut pa-  
rum fermenti totam massam infi-  
cit, ut præcipuè in venenis videre  
est: tamen longè alia est plantarum,

alia morborum generatio. Anima  
enim vegetans, quæ est in semine,  
ex attracto alimento totum corpus  
plantæ fabricat, & ex ovo fit pullus,  
non corruptione, sed perfectione,  
ut Scaliger, *exerc. 6. sect. 2.* habet. At in  
morbis generatione longè aliter  
res habet, atque à vitiosis hu-  
moribus, quasi à fermento, boni al-  
terantur, inficiuntur & corrumpun-  
tur; corruptorumque humorum  
qualitates ipsas partes lædunt, alte-  
rant, ipsisque qualitates præterna-  
turales inducunt: nulla verò in  
morbis causis vis formatrix est,  
qualis in seminibus plantarum re-  
peritur, quæ eorum corpus fabri-  
cet.

In eo verò parum à delirio abest  
Manichæorum Severinus, quod  
post hominis lapsum, primis illis  
seminibus puris maledictione divi-  
na novas tincturas supervenisse  
scribit, quarum commixtione pura  
illa semina corrupta & inquinata  
sunt, eaq; semina voce divina æquè  
ac alia semina vim sese multipli-  
candi accepisse. Quo enim dogma  
Manichæorum fuerit, docet Augu-  
stin. *lib. 5. confessionum, cap. 10.* Et mali,  
inquit, substantiam quandam esse cre-  
debam, & habere suam molem tetram  
& deformem, sive crassam, quam ter-  
ram dicebam, sive tenuem atq; subti-  
lem, sicut est aeris corpus. Sed in eo ta-  
men saniores videntur esse Mani-  
chæi, quam Paracelsici. Augustinus  
enim, *loco allegato*, de se adhuc Ma-  
nichæo scribit, *Deum bonum nullam  
malam naturam creasse, qualiscunque*

*Semina  
morborum  
rejecimur.  
tur.*

*Malum  
non est  
substantia.*

*pietas me credere cogeat.* Hi autem semina illa morborum & substantiã malã a Deo provenisse scribunt.

In qua opinione multa absurda, imò impia sunt. *Primò Deum autorem & creatorem mali, morborum & mortis faciunt, eumque aliquod malum substantiale creasse statuunt, quod impium. Vidit enim Deus, quæ fecerat, & erat valde bona. Neq; enim à summo bono potest aliquid non bonum fieri vel conservari, ut Scallig. exerc. 307. sect. 27. ait: Et invidia diaboli introivit mors in orbem terrarum. Vnde rectè August. de Civit. Dei. lib. 11. cap. 9. Mali nulla natura est, sed amissio boni mali accepit nomẽ. Omnis enim substantia, quatenus talis, est bona. Cui malum non consubstantialiter, sed accidentaliter solum inhæret. Unde idem Augustinus, de civitate Dei, lib. 14. cap. 11. scribit: Mala sine bonis esse non possunt; quia naturæ, in quibus sunt, in quantum naturæ sunt, utiq; bonæ sunt. Detrahatur porro malum, non aliqua natura, quæ accesserat, vel ulla ejus parte sublata, sed ea, quæ vitiosa ac depravata fuerat, sanata atq; correctæ.*

Deinde duplicem faciunt creationem, priorem, quæ benedictione & sex dierum spatio perficitur: alteram, jam diebus sex elapsis, post hominis lapsum, qua maledictione Dei rerum puris semimbus & radicibus radices malæ vel tincturæ morborum & mortis auctores creatæ & additæ sint: cum tamen literæ sacre expressè testentur, DEUM die septimo quiescisse ab omni

opere, & nihil amplius creasse. Et maledictio Dei tantum pœnam indicavit, non verò naturam pravam induxit.

Illud tamen mirum, quod illam impuritatem & venenum, morborum causam, homini inesse negat Paracelsus; & alimentis tantum tribuit: cum tamen homo peccaverit, & peccando morbos, & mortem sibi attraxerit. Ita enim scribit, *Paracelsi tract. 2. cap. 1. Corpus nobis sine veneno datum est; & in eo nullum est venenum: Illud verò, quod corpori alimenti loco datus, in eo est venenum: corpus perfectè creatum est; reliqua non ita.*

Verum Chymici recentiores ipsi absurditatẽ hujus dogmatis animadvertunt, & proinde semina morborum eo modo, quo Paracelsus & Severinus, statuere vix audent, sed tribus principiis contenti ex his omnia morborum genera deducere conantur.

Ex his etiam seminibus non satis rectè deducit morbos hæreditarios Severinus, quasi nimirum illi oriatur ex sui generis seminibus & impuritibus, quæ suo tempore ad maturitatem proveniant & exaltentur. Hoc quidem verum est, vitia, quibus parentes obnoxii sunt, cum ipso semine & sanguine materno in libros derivari, neq; illud vitium semper mox à partu, sed alia alius ætatibus fieri: non tamen ita sese res habet, ut illi morbi generentur, sicut arbor & planta ex semine crescit, quæ suo tempore fructus profert: sed malum hæditariũ

*Morbos hæditariorum causam.*

*Deum nihil mali creasse.*

est dispositio quædam vitiosa in aliqua parte, ob quam ætatis progressu humores sui generis cumulantur, tandemque cumulati & aucti sibi congeneres morbos producunt.

Deinde malè est morborum & causarum morbificarum numero qualitates primas rejiciunt, aut certe non magni, & vix pluris, quam umbram aut colores æssimant, easque Rellollaceas appellant. Experimentia enim testatur, quam primum alicui parti intemperies aliqua præternaturam, sive calidâ, sive frigidâ, sive humidâ, sive sicca inducitur, ejus actionem lædi, neque eam prius officium suum exequi posse, quam ipsi naturalis temperies restituatur. Id quod in ventriculâ quotidie fieri, nec vulgo ignotum est. Refert quoque Galenus, *lib. 1. de locis affect. cap. 6. in fine*, Musculum, qui in superficie ani est, resolutum quibusdam fuisse, qui sederint super lapidem frigidum, aut in aqua frigidâ nimis diu fuerint versati. Idem, *4. de locis affect. cap. 4.* refert, quendam tempore frigidò & pluvioso, cum madidum pallium diutius collo obvolutum gestasset, in manus paralytici incidisse, nervis, qui à spinali medulla ad manum decurrunt, nimis refrigeratis & humectatis. Monet etiam Galenus, *lib. 10. Meth. medendi c. 9.* quod quidam imposito præcordiis refrigerante medicamento difficultate respirandi laboraverit, alter verò tussierit, atque paulò post utriusque symptoma finitum, ubi quod refrigeraverat, est ablatum.

Quantum etiam dicitur in ferat, si quis, ubi nimio motu vel alia de causa incaluit, avidè aquâ frigidam hauriat, nemo ignorat. Et cum, secundum Hippocratem, Curatio indicet morbum: quid balnei aquæ dulcis usus præstare possit in Hæcticis, videatur Galenus, *l. 10. Meth. medendi*. Et non immerito contra eos, qui ita contra sensum & experientiam pugnant, illud, quod Scaliger Cardano, frigus saltem privationem dicenti, objicit, usurpari potest: *Soleas abjice & pileum, Cardans, quo tempore ex Alpibus Rbeticis urit nos Boreas*. Et viatores sæpe magno suo incommodo percipiunt, quid frigus possit, dum ipsi nares, aures, digiti, pedes frigore enecantur. Et quantum æstas illa & siccitas hisce regionibus insolita, æstare anni proximè elapsi 1616. potuerit, satis docuerunt febres illæ Epidemix frequentissimæ, à quibus vix domus aliqua libera fuit. Quantam etiam humiditas in corporibus nostris mutationem efficiat, anni nos docent pluviosi. De qua re videatur Hippocrates, *3. Aphor. usque ad Aph. 26. c. in libro Epidem.*

Neque quicquam valet, quod adest Severinus, *cap. 8.* ubi loca ista Hippocraris nova interpretatione corrumpere conatur, dum scribit, Austros non facere gravem auditum, nec alia symptomata ab Hippocrate enumerata, inducere, quia sint calidi & humidi, sed quia corpora eorum proprietatibus opiatas, cicutarum, solanorum prædita sint. Ita aquilonem non excitare tussim.

Venti quæ  
si morbos  
inducant.

Qualitates  
primæ  
morborum  
numero  
non rejici-  
untur.

quia frigidus & siccus, sed quia corpora aquilonis proprietatibus berberisatis, acetosis imbuta sit, & *cap. 12.* caliditates, siccitates, humiditates, & frigiditates tantum ut externas signaturas, & potestatum, proprietatum ac tincturarum comites & umbras esse.

Primum enim absurdissimum illud dogma, ventos, pluvias, nivem, & similia alia esse fructus stellarum, demonstrare debebat, antequam fundamento tam ruinoso ista superstrueret. Deinde quod à qualitatibus primis, ut principalibus agentibus, non saltem ut comitibus umbris & externis signaturis, mutationes istæ, quæ in corpore humano accidunt, proveniant, multa alia docent. Nam quæ ab intempestivis ejusmodi anni tempestatibus provenire solent, eadem illi ferè familiariter patiuntur, qui in regione vel loco tali habitant, ut apud Hippocr. *in lib. de aere aq. & locis videre* est; unde morbi Endemii ortum habere dicuntur. Et quid opus est, ad occultas proprietates, potestates & tincturas confugere, ubi ex qualitatibus manifestis causa sufficiens reddi potest, ut ex commentariis in aphorismis allegatis & libris Epidem. Hippocratis patet? Et mirum, Chymicos nonnullos ita efficaciam qualitatum primarum in corpus humanum negare: cum tamen eandem in rebus aliis experiantur, & sciant, aliam mutationem fieri à calore humido, aliam à calore sicco,

& calore ut communi *ἄνιστος* suarum operationum utantur.

Interim in qualitatibus primis non acquiescendum esse, jam sæpius dictum. Atque injuriam facere Severinum aliis Medicis, quasi omnium morborum causas à qualitatibus primis petant, vel unus Fernelius docet. Sed cum hac de re etiam supra dictum sit, ea hic non repeto.

Postea de morbis compositionis non bene sentiunt, atque de iis parum sunt solliciti: rationemque falsam afferunt: quod saltem actionum quoddam impedimentum sint. Quasi verò non omnes morbi actionum quoddam impedimentum sint, ut lib. 2. Instit. dictum. Et illud impedimentum, quod morbi compositionis afferunt, non minus est, quam illud, quod ab humoribus aut à morbis ex semine, quos appellant, ortis proficiscitur, ut in luxationibus, obstructionibus renum, vesicæ, aliarumque partium, & aliis compositionis vitiis videre est.

Humores quod attinet, malè eos rejiciunt Paracelsici; cum sensu constet, in diversis morbis diversos humores, cum sponte à natura, tum per medicamenta, per alvum & vomitum evacuari, atque iisdem evacuatis & è corpore ejectis morbos cessare.

Quod cum negare non possint, aliis nominibus excrementitios illos humores appellandos censent. Et quia per vomitum plures humorum species rejiciuntur salium propri-

*Morbi compositionis non parvis acciendi.*

*Humores non rejiciendi.*

proprietas insignitæ: existimat Severinus, phantasticis nominibus bilis vitellinæ, æruginosæ; pituitæ salis, acidæ relictis, ad salium nitrosorum, aluminosorum, vitriolatorum genera, & ad salium proprietates in plantis, aronis, urticæ, chelidonis, flammulæ, & similia recurrendum esse, mixtionesque salium cum sulphuribus studiosè inquirendas, & salia sulphuri & mercurio adjungenda; bilis verò, melancholicæ, pituitæ nomina abjicienda.

Verum causa nulla est, cur antiquas appellationes planè rejicere debeamus. Nam si febris, apoplexiæ, epilepsiæ, hydropsis & alia nomina plurima ab antiquis imposita retinentur, cur hæc etiam retinere non liceat? Neque enim per humorem, ut malè, in consilio de arthrit. & calculo, hanc sententiam Galenicis attribuit Quercetanus, meram aquam intelligunt, sed corpus mistum sui generis. Et quemadmodum per sanguinem non corpus simplex & meram aquam accipiunt: ita nec per bilem, vel pituitam, vel melancholiam. Sunt, ut dixi, mista hæc sui generis, quæ cum ex diversitate materiæ & dispositione corporis, quod alimentum mutare debet, varia nascantur & cumulentur, varios quoque ea morbos excitant. Erfit, ut per resolutionem humores in principia Chymica resolvi possint: tamen ante resolutionem, & dum in corpore sunt & morborum causæ sunt, non sunt

corpora simplicia, sed mista, & proinde appellatio à toto sumenda.

Si quod tamen nomen commodius è Chymicorum scholis peti potest; aut si in varietate humorum explicanda & eorum natura penitus investiganda, aliquid opis Chymici afferre possunt: id libenter admittimus. Optandum quidem esset, ut quod Erasmus, *part. 2. disput. contra Paracels. pag. 774.* putat, non magna esset in morborum causis difficultas: verum longè maximam esse, omnes, qui in Medicina diligenter versantur, satis animadvertunt; & præcipuè humorum & venenorum diversitatem in specie explicare, & ad species infimas descendere, difficilimum. E. g. saltem perpendantur febres malignæ, in quibus non satis est, scire, vel sanguinem, vel bilem, vel alium humorem putrescere & corrumpi, sed terminus ille corruptionis, & in quid mutantur humores, investigandum. Unde febrium malignarum pendet differentia, & curationis varietas. Alia enim longè est humorum corruptio in variolis, & morbillis; alia in febribus, quas bubones; alia in iis, quas carbunculus comitantur; alia in febre sudatoria. Atque hinc accidit, ut sæpe, quæ in uno pestilenti statu profuerunt medicamenta, in alio parum auxilii adferant, quod sc. in malignitate in genere plerumque hæremus, nec quæ definita sit humorum corruptio, investigamus. Corruptionis autem diversitatem, maximè venena monstrant. Nam in

Humor  
quid Ga  
trinitas

aliud humores corrumpuntur, si quis à cane rabido mordeatur; in aliud si à scorpione, serpente lædatur; in aliud, si à lue venerea inficiatur. Id quod in corruptione omnium symmoperè attendendum.

Quam ad rem, inquam, commodius explicandam, si quid adjuventi adferre possunt Chymici, id libenter acceptamus: modò vero consentanea adferant.

*Qualitates  
primæ ad  
naturam  
humorum  
explican-  
dam non  
sufficiunt.*

Nam ut, quod sentiam, dicam, non solum ex qualitatibus primis humorum differentia & natura satis explicari potest, sed specialius & per propiores qualitates determinanda est; neque de nihilo est, quod Hippocrates, libro de prisca medicina, scripsit: *Non calidum, non frigidum, non humidum, non siccum est, quòd magnam vim habet; sed acerbum, sed acidum, sed amarum, & hujus generis alia.* Horum enim quicquam ubi secretum fuerit, & per se exiterit, tum hominem molestia afficit. Et ut paulò post habet; *Si acris humor, quem bilem flavam nominant, effusus fuerit, quanam anxietates, æstus & impotentia detinent? & quibus acuti, acres, æruginosi humores instant, quinam furores & viscerum & thoracis lancinationes, animique dejectiones inde oriuntur? neque hæc prius conquiescunt, quam evacuati, dejecti & alius permisti illi fuerint.* Itaque in causis morbificis & omnibus, quæ corpus nostrum alterant, non solum ad calidum, frigidum, humidum, siccum respiciendum, sed ad propriam cujusque naturam, quæ sola caliditate, frigiditate, hu-

miditate & siccitate non determinatur, sed aliis præterea describitur: cum res esse possint multæ, quæ temperamento primarum qualitatum conveniunt, natura tamen specificata non parum differunt. Id quod docet, *ibidem*, Hippocrates. *Exhibeatur, inquit, aliquis mihi natura non admodum robusta, sed imbecillior, qui triticum crudum & inelaboratum edat, & carnes crudas & aquam bibat.* Ex qua victus ratione non dubium est, quin multa & grævia sit perpessus. Quòdnam igitur ita affecto præsidium comparandum? *Calidum, an frigidum, an humidum, an siccum? Certissimum & evidentissimum medicamentum est, sublatis, quibus utebantur, cibis, pro tritico panem exhibere, pro crudis carnibus coctas, & insuper vinum exhibere.* Et clarius postea docet, In istis qualitatibus non acquiescendum esse; cum in natura videntur seorsim, sed cum aliis potentioribus conjunctæ. Neque, inquit, opinor, ipsis est investigatum, quidnam per se sit calidum, aut frigidum, aut humidum, aut siccum. Et si imperatur, ut calidum vel frigidum agro offeratur, mox quarendum est, quale nam calidum, vel frigidum; an frigidum acidum, an insipidum; calidum amarum, vel calidum dulce, vel calidum insipidum.

Et ad ista simul, non solum ad qualitates primas, esse respiciendum in causis morborum, vel ulcera & tumores satis demonstrant. Exempli loco sit nobis cancer, in quo qui salem corrosivum non

*Humorum  
natura qua  
ratione ex-  
plicanda.*

agnoscit, eum parum perspicacem esse puto; ut jam de prurigine, scabie, & ulceribus erodentibus, serpentibusq; aliis nihil dicā. Clariss. Dn. D. Michael Döringius, *l. i. de Medicina, & Medico p. 109.* refert, quendam juris Licentiatum urinam reddidisse, à qua; cetero spiritu vitrioli, linteamina erosa fuerint. Idē in viro quodam scorbutico hæmorrhagia narium per intervalla laborante observavit, linteamina; quibus sanguis exceptus fuerat, ab eo corrofa fuisse. Ergo ut tales humores vel à sale, vel alio principio Chymico denominentur, non repugno Licet n. supra, ubi de sanguine & humoribus naturalibus egi, humores illos, utpote in quibus excessus aliquis talis non apparet, à principiis Chymicorū denominandos negaverim; atq; etiam humores excrementitios, in quibus non est manifestus aliquis excessus, à principiis istis denominandos non esse, adhuc concedam; imò antiqua nomina retinenda censeam: tamen nō est planē incommodum, humorū valde excedentiū varias differentias nominib; à sale vel sulphurē petitis, vel aliis etiā determinare & distinguere, ubi scilicet unius aliquis excessus insignis apparet. Salsum n. amarum, acidū & similia, quando secreta fuerint ab aliis, & per se extiterint, tunc lædunt: & humores tales, in quibus est talis qualitatum excessus, ibidem appellat Hippocrates *χύμους ἀνεήτους & Νεφρόντας*: & ut *4. de mor. vit. in acut. aph. 31.* fluxionem e cap. te calidam

& nitrosam nominat. Imò in ipsis febrib; horum humorum differentiam notandā censet Hippocrates. *ἐκ*, inquit, *Νεφροῦ τὸ θερμὸν ἀπλῶς πυρεταίνουσιν οἱ ἄνθρωποι, ἐδὲ τὸ τὸ εἶη τ' αἰπὴν τῆς κακώσεως μόνον: ἀλλ' ἐστὶ Ἐπίκρυν, καὶ θερμὸν τὸ αὐτὸ, καὶ θερμὸν καὶ ὀξύ, καὶ ἀλμυρὸν, καὶ θερμὸν, καὶ ἀλλὰ μύρμα; καὶ παλιν γὰρ τὸ ψύχρον καὶ δυνάμιων ἐτέρων, id est: Neq; calido simpliciter febricitanti homines, neq; ipsum solum affectionis causa est, sed est amarum & calidum idem, & calidum & acutum, & salsum & calidum, aliæque sexcenta: & rursum frigidum, cum aliis facultatibus conjunctum est: de quo jam supra etiam monuimus. Neque enim sufficit, esse febrem biliosam, sed qualis sit bilis, & in quid corruptatur, attendendum. Unde febrium & symptomatum diversitas pendet. Atq; hos humorum excessus, seu, ut ipse nominat, *αιχρότητες καὶ ἰχθὺς* appellat Hippocrates, *δυνάμεις*, quod scilicet in corpore nostro afficiendo maximam vim habeant. *δοῦ*, inquit, *κακοπαθεῖ ἄνθρωπος, πᾶν τὸ διὰ δυνάμιων γίνεται: quicquid mali patitur homo, id omnino vitur a potentiis, id est, humorum excessibus, qui sunt supra humanam naturam.**

Neque quisquam miretur, talia in corpore reperiri. Ut enim jam non dicam de mutua rerum transmutatione: illud saltem moneo; cum homo plantis & animalibus, quæ & ipsa plantis aluntur, nutriatur; plantæ autē suum alimentū ex terra habeant; terra v. passim salsos,

*Humorum vitioforata origo.*

amaros, aliosq; succos minerales & spiritus in se contineant eosq; attrahant, eosdem tamen planè mutare non possint: in hominem talia quoque derivantur. Quæ cū sint *ἀσμιθία, ἀκεντα ὑγιῶσα*, ut nominat ipse Hippocrates: vis quidem alteratrix, quantum potest, ea alterat & mutat: à natura tamen nostra nunquam superari possunt. Ergo natura operam dat, ut ea, utpote ad alendū corpus inepta, è corpore excernat. Si autem retineantur, & à bono sanguine secreta seorsim & per se consistant, corpus variè lædunt. De qua re etiam in Instit. pag. 240. dictum.

*Humorum  
differentia  
à principis  
Chymicis  
non negli-  
genda.*

Neque Galenus & alii Medici istas appellationes planè rejiciunt, sed salios, nitrosos, & æruginosos humores nominant: & effectus salis non solum in ulceribus, ut antea dictum, sed etiam in catarrhis ita manifesti sunt, ut à nemine ignorari possint. Unde etiam situationes nitrosas ab Hippocrate nominari modò dictum. Bilis verò æruginosa non solum, ut Erasmus putat, ita dicta est; quia colorem æruginis imitetur: sed & sapor, vis rodendi: & alii æruginosi effectus in ea deprehenduntur: vomituque sæpè adeo acrem rejectam esse, ut pelves etiam argenteas colore floridissimo infecerit & acrimonia ita erofet, ut nec lotura illum delere nec fortis frictio cassare potuerit, annotavit Schenckius, *observ. lib. 3. sect. prior. observ. 62.* Videruntq; & observarunt similia alii Medici, ut paulo ante è D. Döringio dictum.

Neque has humorum differentias observare inutile planè, sed aliquid momenti ad curationem habere videtur. Acrimonia enim salū non tam per pingua & sulphurea tollitur, quam per sales. Exempli loco sit nobis spiritus vitrioli, cujus acrimonia & vis rodendi omnibus nota est. At si admisceatur illi sal tartari, vel oleum tartari è tartaro calcinato per deliquium factum: & spiritus vitrioli & salis tartari acrimonia tollitur. Idem fit sale absinthii vel alio è plantis sale parato admisto. Ita vim corrosivam mercurii sublimati tollit oleum tartari & sal absinthii: ideoque contra mercurium sublimatum oleum tartari vel sal absinthii antidotus habetur. Consideretur quoque præparatio Bezoartici mineralis dicti. Quævis enim butyrum antimonii appellatum magnam acrimoniam habeat, & spiritui nitri etiam sua vis rodendi sit: tamen ubi spiritus nitri butyro antimonii affunditur, ita hoc omnem acrimoniam amittit, ut præstans sudoriferum evadat. Quæ de re infra quoque de Methodo medendi erit dicendum.

Neque etiam hoc dissimulandum; in doctrina de humoribus, non paucas apud Galeni & Avicennæ interpretes difficultates occurrere: unum nomen pluribus attribui, quorum tamen essentia est diversissima. Definitur vulgo Phlegma, quod sit humor frigidus, colore albus, humidus; cum tamen phlegma falsum sit calidum; Unde

*In doctrina  
de humoribus  
multæ diffi-  
cultates*



Unde Avicenna Phlegma in genere non definit. Quam etiam humores diversi uno bilis nomine appellantur, satis notum. Ut jam de bile æruginosa, quæ diversæ naturæ est à bile flava, non dicam: Humores, qui ob eundem colorem flavæ bilis nomine veniunt, etiam non sunt ejusdem generis, sed ex iis nonnulli nullum amarorem habent. Vidi à femina humorem planè croceum vomitu rejectum, quam ipsa dulcem esse, inò sapore glycyrrhizam serè æmulari, affirmabat. Ita sub melancholiæ nomine comprehenditur primò humor frigidus & siccus: deinde atra bilis, humor calidus & siccus erodendi vi præditus.

*Humorum  
differentia  
sec. princi-  
piæ Chymic.*

Ergò cum humorum longè maxima sit differentia, secundum colores, sapes, consistentiam & ipsam essentiam, & longè major, quam plerique credunt; atque res diversæ distinguendæ, nec sub eodem nomine comprehendendæ sint: Si aliquid adjuncti hic afferre possunt Chymici, causâ nulla est, cur eos non audiamus.

*Humorum  
nomina nõ  
rejienda.*

Dum autem adjuncti aliquid in explicandâ humorum naturâ & differentia à Chymicis expectandum dico, humorum appellationes non rejiciendas censeo. Licet enim excedere possit in aliquo humore aliquod horum principiorum: nanquam tamen seorsim planè consistit, sed semper sub humoris natura. Perpetuò Rhabarbarum purgabilem, non salem vel sulphur.

Ineptum verò planè est argumẽ-

tum Paracelsi & Severini, quo concludere volunt, humores non esse causas morborum, quia non reperiuntur in majori mundo. Supra enim dictum est, non opus esse, ut proxima alicujus rei principia, aut quæ ex iis fieri possunt, in toto mundo reperiuntur.

Neque in eo rectè sentit Paracelsus, quod, in *Labyr. Med. e. 22. cap. 8.* sunt morborum causas. Humores quidem concedit, at morborum causam esse negat, humoresque à morbo, non autem morbos ab humoribus esse dicit. Nam utrumque verum esse potest, ut ab humoribus morbi, & rursus à morbo vitiosi humores proveniant. Nã ubi à vitiosis humoribus morbus fuit genitus & debilitas corpori introducta est, coctio seu in toto, seu in aliqua parte rectè perfici non potest. Coctione autem læsa multi vitiosi humores cumulantur. Id quod in hydrope videmus, ubi humores illos aquosos ac serosos in corpore cumularos morbi & intemporei in visceribus sobolem esse libenter concedimus. Idem accidit in febribus.

Reliqua, quæ de morborum causis dicenda essent, in differentiis morborum jam subjungemus. Cum enim Paracelsus & ejus Sectatores morbos & morborum causas confundant, ductum eorum sequi necesse habemus, nec semper, quæ se jungenda erant, sejungere & suis locis tractare, sed morborum & causarum orbitalium tractationem sæpe conjungere cogimur.

*De morbo-  
rum diffe-  
rentiis.*

De differentiis autem morborum variè loquuntur. Paracelsus, in *Labyrinth. Medic. err. c. 11.* duo morborum genera constituit, ex Iliastro & Cagaastro. Duo, inquit, seminis genera sunt, ut semen iliastrum & semen cagastrum. Hoc est, aut ab origine semen productum est, ut poma, pyra, nuces; tunc iliastrum dicitur; aut ex corruptione, quod cagastrum appellatur. Iliastri enim morbi sunt, hydropisis, icteritia, podagra &c. morbi autem cagastri sunt, pestes, febres, pleurisis.

Verum jam antea dictum, morbos non, ut plantas, è suis seminibus pullulare, sed à causis præter naturam corpori nostro extra occurrentibus, vel intra corpus genitis & cumlatis procreari. Et quis omnium, quæ in corpore humano accidunt, tam ignarus est, ut credat, hydropem è semine instar plantæ generari? cùm notissimum sit, è collectione humoris serosi in abdomine ortum habere. Eodem modo non ignorum, quomodo icterus generetur. Neque aliter rem se habere, curatio indicat.

Est deinde usitata, præcipuè in *Paramiro*, à Paracelso tradita, quam retinet. Scheunemannus, Crollius & alii, morborum divisio, qua quinque morborum Entia constituit. Primo Ens Dei sive Deale: & huc referunt morbos, quia Deo proveniunt. Secundò Ens astrale; sub quo non solum morbos ab astris cæli productos intelligunt, sed etiam ab astris in homine jacentibus, ab astris tamen cæli pendentibus.

Tertiò Ens naturale, cum naturæ vitio morbus contingit. Considerant autem naturam in tribus principiiis. Quartum Ens dicunt Pagoycum sive mentale: atque huc referunt morbos ex imaginatione in seipsum aut alium; sub quo genere & incantationes comprehendunt. Quintum genus est Ens veneni, & continet venena tum naturalia, tum artificialia.

Verum hæc ista divisione suam in Logicis Philosophicisque prodidit imperitiam Paracelsus, & satis monstravit, se, quid Ens sit, ex Metaphisicis (si modò de ea quicquam cognitum habuit) nunquam didicisse. Non negamus à Deo hominibus immitti morbos, sive immediate & supra cursum naturæ, sive mediate: tamen ex ente Dei illos morbos esse, planè ineptè dicitur; & de causa efficiente locuturi dicunt id, quod est, non quod afficit. Imò non satis piè hoc dicitur. An enim aliquid de Dei essentia hominibus immittitur? Certè Ens astrale aliquid ab astris demissum & effusum esse, statuit Paracelsus, ut mox diceretur. Et licet in pœnitentia & precibus in avertendis ejusmodi morbis maxime fidendum sit: tamen nec naturalia remedia negligenda sunt. Eadem loquendi improprietas est in reliquis differentiis omnibus; cum ex Ente astrorum & reliquis morbi provenire dicuntur. Et tolerari aliquo modo posset loquendi improprietas: modò subessent res bonæ: sed & istæ desunt. Non quid-  
dein

*Quinque  
morborum  
causæ &  
differentiæ  
sec. Para-  
celsi.*

dem inficiamur, cælestem influxum quorūdam morborum causam esse posse: veruntamen de essentia stellarum nihil illis morbis communicatur. Et satis absurdè, in *Paramiro, tract. 1. cap. 8.* de origine morborum ex astris philosophatur Paracelsus, dum docet: Ens astrale, quod corpora nostra mutat, esse halitum, vaporem, odorem, sudorem stellarum, aëri permittum: & stellas alias arsenicum, alias sulphur, alias mercurium, alias alia venena in aërem effundere, & hoc modo hominem & alia animantia inficere, ibidem, *cap. 10.* docet. Quæ etiam hæc est rerum confusio & nominum abusus, quod puritates mucilaginosas & lutasas. Ens veneni vocat? Mucilaginosa illa excrementa venenata non sunt, neque ideo, quia corpori alendo non sunt apta, statim inter venena recenserentur debent. Imò omne, quod excernitur, non semper est sua natura & per se excrementitium, sed ex accidenti ob debilitatem coëtricis facultatis, quæ alimentum rectè elaborare non potest: tantum abest, ut venenatum sit. Id quoque defendi nequit, quod ibidem *proleg. 2. num. 6.* scribit Paracelsus, quod omnes morbi quintuplicem, secundum quinque hæc entia, originem habere possint. Nam, ut ejus verbis utar, ex Ente naturali nunquam sunt morbi venenati, & venena non inducunt morbos benignos, sed perpetuò malignos.

Postea nec illud laudandū, quod

omnes morbos & morborum curationes ad quatuor tanquam *Morbora* Mo-  
narchas, epilepsiam, hydropem, *genera sec.*  
lepram, & podagram refert Severinus, *cap. 14.* Cum enim ad epilepsiam referat catarrhos, paralytias, spasmos, vertigines, melancholias, apoplexias & suffocationes uteri, ad hydropem apostemata, icteritiam, cachexiam; ad lepram, ulcera omnia, ad podagram, colicam, nephritidem, dentium dolorem, cepheas: quis in re medica mediocriter versatus non videt, morbos diversissimos, qui essentia, causis, curatione ac proinde planè differunt, ad eandem classem malè referri? Quid enim hydropi, apostematibus, & ictero commune? Et cur non apostemata potius ad lepram retulit? Neque quia in iis morbis omnibus, quos sub podagra concludit, dolores adsunt, ideo ad eandem classem referri debent? Cum à diversissimis causis dolores oriri possint, & proinde causis & curatione varient. Et an non etiam in ulceribus multis dolorificæ fluxiones adsunt?

Neque majoris momenti est illa *Morbora*  
divisio, qua Paracelsici morbos distinguunt in coagulatos & resolutos. Aliàs enim impuritates ex seminibus constare dicunt, quorum fructus ad coagulationem vergant; aliàs ex seminibus, quorum fructus in fluidam resolutionem desinunt. Illos coagulatos morbos, hos resolutos appellant. In illorum

nume-

numero ipsis sunt rōsiones stomachi, gulæ compressiones & angustia, dolores colici, dysuria, stranguria, nephritides, cephalalgia omnes. Ex his lienteria, diarrhoea, dysenteria, gonorrhœa, catarrhi. Catarrhus enim, ut exemplum morbi dissoluti afferamus, ita secundū eos generatur: Si mucilago tartarea non rectè in ventriculo & primis viis separata ad epar transeat, & hinc cum sanguine per venas ad cerebrum: si spiritus sint infirmi eò loci, non modò dictum tartarum relinquitur, sed novum insuper ex proprio nutrimento generatur & accumulatur; & cum à spiritibus expulsivis expelli nequeat, cum sale naturæ salem rei conjungi dicunt (salem autem naturæ appellant, qui est excrementum principii salini intrinseci; salem rei, qui extra è rebus naturalibus corpori nostro accedit) positusque radicibus quotidiana nutritione incrementa fumere, donec ad summum gradum exaltatum lacessitis spiritibus ab astro suo delabatur, & resolvatur, & in formaliquida ad inferiora defluat. Verum non credendum, illud, quod in fluxionibus alvi excernitur, antea coagulatum fuisse & tum solvi: neque rōsiones stomachi aut dolores colici à materia coagulata semper proveniunt. Neque hic de generatione catarrhi rectè sentit Severinus, quasi ille proveniat ex mucilagine tartarea in ventriculo nō rectè separata, & ad epar primò & hinc per venas ad cerebrum trans-

lata, ibi coagulata & rursus resoluta. Est quidem hoc verum, à ventriculo sæpe multum materiæ cerebro communicari; sed non semper per venas, verum etiam per vapores. At hoc non semper necessariū est: verum sæpe ob solius cerebri intemperiem alimentum suum nō rectè concoquentis ejusmodi superfluitates colliguntur & excernuntur. Quas an semper rectè tartareas appellare, possint ipsi viderint: cum D. Petrus, *parte prima dissert. 9. thes. 31.* Mercurii excrementum phlegma esse dicat. Si enim phlegma est Mercurius aut mercurii excrementum, quomodo tartarum erit, quod ad sal refertur?

Severinus suis principiis insidit & duplices morbos facit. Vel enim ex fructibus Elementorum inferioris globi, vel cœlestium seminum fructibus morbos provenire statuit. Semina morborum inferioris globi in cibo & potu delitescere docet, atque esse illas impuritates, quæ separantur, & consuetis viis expelluntur, dum omnia in corpore rectè administrantur. Ubi autem errores contingunt, functionibus naturæ viciatis semina morborum radices agunt in corpore humano, quæ stans temporibus morbos pariunt. Priusquam autem impuritates ac semina morborum radices in corporibus formare possunt, adit oportet oportunitas, cum ex debilitate balsami innati & spirituum mechanicorum, tum ex proprietate eorundem spirituum consentiente cum

*Morborum generatis sc. Severinum.*

te cum seminibus morborum. His enim consuetibus succedere morborum generationem. Deinde etiā ex cœlestium aëriorumq; seminum fructibus, seu ex aere & spiritu, quē attrahimus, morbos oriri statuit. Etsi enim fructus cœlestes, ex quibus alimentum animalibus suppeditatur, invisibili corporum specie attrahantur, & qualitates & corporeas coagulationes respuant: tamen ubi ad animalium anatomiam pervenerint, ibi coagulationes & signaturas recipere corporibus visibilibus & inferioribus proprias, tradit. Totam autem varietatem fructuum superioris globi ita explicat. Resolutiones, inquit, cœlestium & aëriorum seminum aut conditiones nutrimenti referunt sinceras, in quibus nullæ medicamentorum proprietates, vel venenatæ vel sensu vel effectu deprehenduntur, quales obtinent aquarum dulcium, tritici, hordei, lactis, vini proprietates, quibus tanquam domesticis alimentis spiritus vitales assiduè reficiuntur: aliæ resolutiones & fructus admixtas habent tinctorias & proprietates medicamentosas, sed leviores, lactucarum, cassiæ, mannae, vini meracioris, acetæ, agrestæ & similibus, è quibus catarrhi, tussis, horrores & leviora symptomata proficiuntur. Nonnullæ verò planè medicamentosæ sunt, in quibus opii, mandragoræ, cicuta, solani, scammonii, agarici, flammulae, persicariae, aronis, vitrioli, aluminis proprietates osten-

duntur. Postremò sunt fructus siderum, in quibus venenatæ proprietates arsenici, auripigmenti, sulphuris, doronici, aconici, nappelli apparent; atque hinc epidemios morbos deducit.

Verum de absurditate hujus dogmatis, quo statuit, ex seminibus, quasi plantas, morbos progenerari, cum antea dictum sit, actum agere nolumus. Et in primis, quæ de morbis & fructibus superioris globi differit Severinus, multa absurda, nisi aliter, quam verba sonant, explicentur, continent. Hoc quidem concedimus, morborum epidemiorum causas magnam partem ab aëtorum influxu pendere, & ex aere & spiritu, quem attrahimus, oriri: quod autem quid opiatum, arsenicale, auripigmentale & aliud hujusmodi fructus cœlestium corporum & resolutiones cœlestium, seminum sint, id admitti non potest. Materia enim talium *matrices*, quæ aeri insunt, & cum spiritu attracta corpora inficiunt, non à cœlo desunt, sed in inferioribus continetur: eamque cœlestia corpora variè agitare, disponere, miscere & alterare possunt: de qua re de pestis generatione dictum.

Verum Recentiores Chymici plerique ipsi absurditatem hujus dogmatis animadvertunt, ut antea etiam dictum, & propterea, etsi & ipsi tria Chymica principia defendant, semina tamen morborum, eo modo, quo Severinus, statuere vix audent, sed tribus principiis con-

*Morborum  
differentiis  
sec. Quir-  
estans.*

tenti ad ea omnes morbos reducere conantur. Ita Quercetanus, in *defensione contra Anonymum, cap. 18.* feminum vix ullam facit mentionem, sed mercurium, sulphur & salerni omnis generis virtutibus facultatibus & proprietatibus prædita esse dicit, à quibus infinitæ varietates, colores, sapes, odores & id genus alia proveniant, quæ à temperie sua & aliorum consortio excurrentia morbos varii generis procreant. Si sulphur immoderationes inducere scribit, varii inflammationes inducere scribit, variique generis febres, præter alios effectus narcoticos, quos suscitæ sulphur narcoticum ex spiritibus narcoticis, qui idem præstent, quod vinum meracius, aut elus vel usus lolii, papaveris, hyoseyami, cicuta & similia, quæ non frigida sua qualitate, sed soporifero suo sulphure somnum conciliant. Ex mercurialibus, acidis & acris vaporibus deducit epilepsias, apoplexias, paralyses & omnia defluxionum ac catarrhorum genera: qui quidem affectus si veneno aliquo aut malignis & contagiosis spiritibus stipentur, epidemios, venenosos & contagiosos morbos inde inveniri statuit. Ex salibus originem habere opinatur erosiones internas, apostemata, ulcera, dysenterias, hæmorrhagias, & ex eorum resolutione ardores urinæ & stranguriam. Et ex diversorum salium varietate diversa etiam ulcera, apostemata, erosionum genera, per ponticum, austerum & acerbum eorum

spiritum, ut & varias colici doloris species induci statuit. Ex salium coagulatione deducit topfos, scirrhus, & articularum tumores ac nodos & infinita obstructionum genera. Idem tam Quercetanus, *eod. cap.* inficias ire non vult, ex qualitatibus elementaribus in corpore nostro nasci morborum genera quædam, sed resollicea Chymicis dicta, qualia etiam ab excrementitiis & fœculentis humoribus retentis, & superabundantibus proveniant. Nimirum ex flatuum simpliciter æreorum & spirituorum copia, ex aqueis ferofitatibus, nec non terrestribus fecibus varios affectus indies generari concedit, sed ejusmodi morbos exiguas & parum firmas radices agere, quibus vel levissimis ab elementaribus remediis iisque calidis, humidis, frigidis, siccis saties fieri possit, docet. Exempli gratia: Aerii status intestinis inclusi & distendendo colicos dolores parientes nullo negotio carminativis, ut vocant, clysteribus discutuntur; ferofitas aquea & superflua humiditas medicamentis exsiccantibus absumitur.

De morbis quoque, quos ex fructibus superioris globi deducit Severinus, multo cautius Quercetanus sentit & philosophatur. Dicit enim cum Fernelio, esse morbos quosdam occultos, qui ex influxibus cœlestibus progignantur, & quibusdam hominibus peculiariter quodam astrorum influxu aut constitutione aut malignorum pla-

netarum concursu accidant. Neque etiam in aliis morbis semper ad semina recurrit, & ex iis quendam quasi homuncionem cum Paracelso, aut plantam & arborem, sicut Severinus constituit, sed potius illius tribus principis contentus est. Quod etiam facit, in *Te-trade affect. capitis*, ubi ex hisce tribus principis plerorumque morborum causas reddere conatur.

Negandum tamen non est, eundem Quercetanium, studio imitandi Severinum, & locutionibus ejus assuetum interdum feminum facere mentionem: non tamen, quod Severinus facit, perpetuo filo ex feminibus morbos deducit, sed principis tribus contentus est, morbosque plerosque ad sales nitrosos, acres & acutos, aluminosos, ponticos & adstringentes, ad vitriolatos & acidos; ad sulphura foetida, soporifera, narcotica, septica & arsenicalia & pestifera refert. Ergo posthac, cum quaedam degeneratione morborum secundum Chymicorum sententiam dicenda sint, verbis quidem Severini utemur: per femina tamen & radices morborum nihil aliud, quam causas morborum secundum alios saniores Chymicos accipiemus: ne toties contra eandem opinionem disputare opus sit.

Commodissima proinde inter omnes, quas asserunt Chymici, est distinctio morborum in tribus principis & causis petita: modo in iis, de quo etiam supra dictum, distin-

guendis satis sibi constarent Chymici, aut sua dogmata clarius explicarent. Nam de mercurio & hic res valde intricata est. Si enim, cum D. Petro, *dissert. 9. thes. 31.* Mercurium non quemlibet humorem esse dicant, sed primigenium, & substantificum partibus omnibus sensum motumque largientem: (quo, ut puto, a nostra opinione non dissentit, qua supra statuimus, mercurium esse spiritum rebus insitum) quomodo morborum causa est? Sivero mercurium pro causa morbi acceptum, ex eodem D. Petro, quis dicat esse mercurii naturalis excrementum, & quidem phlegma: non video, quomodo a Tartaro, a quo catarrhos oriri statuit Severinus, eum distinguant Chymici.

Salis & Sulphuris differentia manifesta sunt. Etenim & acidum, & amarum, & salum in corpore colligitur & vomitu rejicitur. Ac memini saepius tam acidum humorem in ventriculo quibusdam collectum fuisse, ut etiam antequam vomitu rejiceretur, & dum adhuc in ventriculo contineretur, illis inde dentes stupefcerent. Eadem salium differentia in ulceribus variis manifesta sunt, in scabie, cancro, dysenteria, ardore urinæ & similibus.

Sulphuris quoque differentia non solum in febribus & inflammationibus apparent; sed & in effectibus narcoticis, in quibus ab internis humoribus sulphure narcotico abundantibus idem accidit,

Morbi esse  
Sale.

Morbi esse  
Sulphure.

Morborum  
differentia  
sec. Chymic  
principia

quod post potum vini meracioris, aut assumtum lolium, papaver, opium, cicutam & similia evenire solet. Nam hæc, quæ raliū usum comitantur, accidentia non à qualitate frigida provenire, sed à vi narcotica, non solum Chymici, sed & inter Galenicos Clarissimus Plateus & alii statuunt.

*Tartarum.*

Pertinent ad hanc divisionem & morbi Tartarei. Inter reliquas enim morborum causas frequenter Chymici Tartari faciunt mentionem, tartareorumque morborum. Imò Tartarū hodie omnium empiricorum Chymicorum refugium est, qui quos morbos ignorant, ex tartaro oriri dicunt. Sed pauci quid tartarum sit explicant. Paracelsus, de morbo tartar. lib. 1. cap. 1. in Galenicis vocent arenam, calculum & lapidem; cum appellatio ista sit metaphorica: In Medicina verò propriè esse loquendum, & res à natura sua denominandas. Longè verò aliam rationè esse calculi hominis & calculi riparum, item arenæ hominis & riparum. Perinde eos facere, ait, qui à soliditate hunc morbum appellant calculum vel arenam, ac si quis simiam hominis nomine dignetur. Ipse verò propriè ac genuino vocabulo tartarum appellandum censet. Causam si quæras appellationis, plerique hanc afferunt, quod tartaro, quod in vino reperitur, simile sit. Ipse verò, loco allegato, hanc affert: Quia oleum,

*Tartarum  
unde dicitur.*

aqua & tinctura ex eo conficiuntur, quæ ægotantes non aliter atque inferni tartarus, incendunt ac urunt. Verum enim verò calculus etiam in homine non solum ab externa forma & ob soliditatem cum aliis calculis communem ita appellatur, sed etiam ob materiam & internam coagulationem. Tartari verò vocabulum sive ob convenientiam cum tartaro vini, sive cum tartaro, id est, inferno petium sit, æquè à similitudine petium, sicut calculus vel arena; neque ab ipsa essentia desumpta est ista appellatio, atque ita propria non est.

Deinde longè latius ab aliis vex tartari extenditur, quam ut calculo solum attribuat. Nam non solum, ut mox diceret, materiam duram & coagulatam hoc nomine appellant, quales sunt calculi, arena, tophi in arthriticis; sed etiam materiam mucilaginosam, imò quæ sub humoris adhuc forma est, qualis colicam, rosiones & dolores varios in ventriculo generat. Ac proinde cum tot diversis rebus tartari nomen imponant, iis æquali modo & ratione non competit, atque ita planè proprium, quod Paracelsus requirit, non est. Sed utantur sanè isto vocabulo, verum concessâ eadem licentiâ Galenicis & hac lege, ne ipsi planè ad vocabula Paracelsica adstringantur, atque ea conditione, ne & illi vocabula apud dogmaticos multis seculis usu trita rejiciant.



Tartarum  
quid.

Rem ipsam ergo videamus, & an hac quoque in parte inter Chymicos & Dogmaticos pax iniri, reique huic aliquid lucis afferri possit, tentemus. Clara atque perfecta aliqua tartari definitio apud Chymicos non exstat. Paracelsus quidem, *de Tartar. lib. 1. tract. 1. cap. 1.* definit tartarum, quod sit morbus Lephan-teus & lapillofus, id est, bolaris, mediæ inter bolum & lapidē substantiæ, prohibens naturæ effectum & virtutem. Aliis Chymicis tartarum est impuritas illa in alimentis, sub forma quidem resoluta, ut discerni nequeat, ad coagulationem tamen & naturam lapideam tendens. Alii ex Paracelso tartarum dicunt excrementum per ejus spiritum coagulatam.

Commodissime autem in hac de re loquuntur inter Chymicos, cum quibus & Galenici non pauci consentiunt, qui dicunt succum quendam lapidescentem, ut Fallopius, & Mathiolus appellant, seu materiam quandam coagulationi natura sua aptam, ut Paracelsus, *loco allegato*, nominat, passim in terra reperiri. Hunc succum cum alimento à plantis attrahi, & per plantas, quæ animalium alimenta sunt, in ea transferri. Si tamen omnia sese rectè habeant, materiam illam ab utili alimento separari, & è natura excerni. Si autem vel ob coëctricis, separatricis vel excretriciis facultatis debilitatem, vel ob ejus succi in alimento copiam, omnis in ventriculo se-cerni & hinc expelli non possit: in

reliquum corpus transire, & in corpore cumulari, atque ubi materiam viscosam, mucilaginosam, crassam, terrestremque apprehendit, eam coagulare, & quidem in corpus ejus naturæ, ex qua primum ortum habet, & ex qua plantæ & vegetabilia illum hausserunt, limosum, argillosum, arenosum.

Qua in re pro regionum, terrarum & aquarū varietate magna est differentia, atque aliæ terræ & aquæ sunt puriores, aliæ impuriore; unde vini & stramenti, hincque paratissimi cibi & potus magna est diversitas; suntque alia salubria, alia insalubria, quæ colicam, calculum, arthritidē & alios morbos generant. Etsi verò hujus tartaræ materiæ, quam appellant, præcipua separatio fit in ventriculo: tamen quod in ventriculo non separatam est, in reliquis coctionibus postea separatur. Atque hinc fit in renibus & vesica calculus, in articulis arthritidis & alii morbi generantur.

Quatuor autem Tartari genera *Tartari  
differentiæ* constitunt, viscosum, bolare, arenosum & calculosum; atque aliud plus salis, aliud minus in se continet: unde etiam majores aliud, aliud minores dolores excitat. In spiritum enim salis cum tartaro, seu spiritum tartareum referunt omnes dolores, punctiones, vellicationes, anxietates & similes molestias. Imò in tartaro omnium salium species, communis, aluminis, vitrioli, petrae, gemmae, marini, aëronis, alkali, acetici, urtici, peticaricæ contineri, atque

Hinc varias morborum tartareorum differentias oriri existimant.

Neque planè hæc abs re dici, & multorum morborum causas à tali ad coagulationem tendente falsa vel tartarea, aut quomodocunque appellare libet, materia pendere, multa docent. Quò enim vina sunt magis insalubria, eò plus talis materię tartareæ in se continent, & arthriticidem, calculum, colicam, similesque morbos generant. Hinc quoque accidit, ut vina defecata non defecatis longè salubriora sint, & vina illa, quæ tali materia abundant, qualia sunt Moravica, iterata defecatione fiant salubriora. Eodem modo sese res habet in cerevisia. Apparet quoque talis materia manifestè in topis Arthriticorum; sicut & ipsa urina eam satis prædit, quæ quamvis clara & pellucida apparet: postea tamen, si turbatur, magna pars matulæ materia quasi limosa, & quæ sæpe farinam laterum refert, impletur, quæ vitro ita tenaciter adhærescit, ut vix inde avelli possit, & si sponte etiam sine omni calore violento exsicceetur, salem satis prædit. Excrementa autem arguunt humores in venis contentos.

Postquam hæc ita in genere de morbis & morborum causis & differentiis diximus: jam de singulis morborum & symptomatum differentiis agendum, & quomodo è suis principiis omnia ea deducant Chymici, monstrandum esset. Verum tractatio illa peculiarem operam requirit, quam in alium locum re-

jicimus. Breviter tamen quædam exempli loco ex Severino & Scheuermanniano afferre libet.

Et primò morbos ventriculi quod attinet, eos plerosque ex impuritatibus tartareis deducunt. Si enim, inquit, mucilago bolaris, lutosa, aluminosa & styptica ventriculi latera obduxerit, sequitur oppilatio Spiritus Vitæ, omnium actionum naturalium auctoris, qui veluti captivus & sepultus cum suas vires exferere nequeat in alimentum, & separationem puri ab impuro instituire, tarda coctio inde instituitur, ventriculi imbecillitas, compressio, nausea & alia. Si autem spiritu tartareorum potentiores sint tincturæ, & innatos spiritus planè vincant, meatusque planè obstruant, perfecta sequitur ἀπψία & corporis ἀρεοψία. Quod si spiritus salini fortiores materiam sabulosam & lapideam invenerint, eamque in arenas & calculos converterint, generantur in ventriculo & intestinis lapides. Si verò impuritates istæ spiritibus peregrinis insignitæ fuerint, alimenta in peregrinam naturam convertuntur, & ructus ac nidores exoriuntur: & si Vomitivas, Helleborinas, aut Antimoniales proprietates habeant, nauseam vomitumque excitant. Si verò mucilagines istæ tartareæ salium acrum & corrosivorum tincturas habeant, dolores in orificio ventriculi imprimis inducunt, stomachi ardores, morsus & similia. Si verò eadem mucilago spiritus Salis vi-

Morbis ventriculi ex tartaro.

trisolati acidi obtineat, magna corro-  
dendi, dissolvendi & consumen-  
di vi præditos, sequitur bulimia &  
lupina & canina appetentia: cum  
spiritus isti famelici repenti & qua-  
si uno momento, quod ablatum est,  
arripiunt & consumunt. Nam se-  
cundum ipsorum opinionem, ut  
Severinus hac de re scribit, spiritus  
esuriunt, attrahunt, concoquunt,  
coagulant, & quò potentiores sunt,  
eò velocius hujusmodi ministeria  
absolvunt.

Verum concedamus sanè ab hu-  
moribus vitiosis, qui sive tartarei,  
sive aliter nominantur, jam non di-  
sputo, in ventriculo contentis ejus  
actiones lædi. Docuit enim jam  
olim Hippocrates, de *prisca Medici-  
na*, quem locum jam semel atque  
iterum citavimus, si humor amarus,  
acutus, acris, æruginosus in viscera  
effundatur, maximos inde dolores,  
tormina & anxietates oriri. Neque  
in eo difficiles sumus, si varias dolo-  
ris, ardoris, morsusque in ventricu-  
lo differentias ex variis salium ge-  
neribus deducere contentur Chymi-  
ci. Nam experientia ipsa docet, va-  
rias ciborum & humorum in ven-  
triculo & vicinis locis fieri corru-  
ptiones, humoresque nunc acidos,  
nunc amaros, nunc salios, nunc æ-  
ruginosos generari. Et optarem hic  
æquior fuisset Chymicus Erastus, &  
quæ in rebus naturalibus suat, dili-  
gentius perpendisset, & imprimis in  
operibus Chymicis sese exercuisset;  
quod si fecisset, nec alia quæ-  
dam, nec ista, *part. 4. disp. adversus Pa-*

*racellum pag. 22.* scripisset. Cum ea-  
dem, inquit, & mordicantia universa, *An omnia*  
propter spiritus salis latentis continuum, *acria pro-*  
solvere arbitrat, nimum auriculas, *pter salerni*  
protendit Severinus. Non enim qui-  
quid erodit & mordet, salerni participa-  
vit. Equidem non existit quisquam sa-  
ne mentis homo doctus post hunc mun-  
dum creatum, qui omnia acria & mor-  
dacia salerni in se habere actu putaret.  
Taceo, quod acetum acerrimum plus  
mordet salibus plurimis; in quo qui-  
plus, quam in illis, queris salis, in Sole  
cum factiosus istis querit tenebras. Hæc  
Erastus. Certe antiqui plerique sa-  
lerni nil nisi partes terrenas adustas  
esse dixerunt, talesque in acris &  
amaris plurimas inesse, concesserunt.  
Et an non acetum plurimum  
salis in se contineat, facile, si voluisset,  
experiri potuisset Erastus. Etenim  
si levi etiam calore humidum, in aceto  
evaporet, sal remanet, qui in aceto  
revera fuit, neque ulla ustione  
genitus est.

Attamen hæc, quam ponit Severinus,  
non unica causa est læsarum actionum  
ventriculi, & male negligit intemperiem  
sine materia. Cum ipsa experientia doceat,  
ut antea quoque dictum, ventriculum,  
sicut & alias partes, refrigeratas, cale-  
factas, vel alio modo à naturali  
statu dejectas officium suum facere  
non posse.

Sed generationem morborum  
secundum Severinum pertexamus.  
Generantur secundum Severinum  
morbi ex impuritatibus istis per-  
missis vel sinceris. Ex permistis  
gene-

*Februum  
generatio  
sec. Scheer-  
manni.*

generantur morbi sulphurei, fœtidi, februum symptomatibus, id est, siti, calore, linguæ amaritudine, capitis dolore, frigore, horrore molesti, quos vulgò Febres appellamus; ipse verò rectius à radicibus suis nitrosulphureos dicendos putat. Statuit enim febres habere semina & radices, in quibus sulphuri impuro, fœtido, resoluto, mucilagines ac spiritus salini nitrosi, permiscentur. Statis ergo temporibus, dum germinare incipit minerà nitrosi sulphuris, horrores, rigores, pandiculationes, oscitationes, & similia symptomata, pro differentia nitrosi sulphuris, induci existimat. His floribus superficialibus, acetosis, frigidis, mercurialibus exhaustis, vapores & spiritus sequi pingues, inflammabiles sulphuris, salium tamen commixtione transplantati naturam magis referentes, qui nota februum symptomata inducant, donec, resolutis spiritu in inimicis tincturis & quocunque evacuatis modo, naturæ quies concedatur, sed cum recidivæ metu suspecta.

*Februum  
generatio  
sec. Scheer-  
manni.*

Longè tamen aliter de februum origine philosophatur Scheemannus è Paracelso, in libro de morbo sulphureo Cagastro pag. 79. Is enim feces tartari cum sulphure excrementitio, una cum mercurio & sale ex digesto in ventriculo congregari, & in unum quasi globum coagulari, globumque hunc per varias digestionem quasi circulos augeri & incrementum sumere statuit: ut non male massa illa lapidi Bezoar

comparari possit. Et hunc globum quoties ictu cœli percutitur, accendi putat. Quo accenso subito fumum adscendere, aeremque inficere; unde fiat leve frigus, rigor, quem tremor, frigus & tandem calor insequatur, scribit. Calorem autem hunc tam diu durare, quam diu hæc massa ardeat. Rarò etiam unicà vice absumi; cum successivè generatus, & ex pluribus quasi corticibus coagulatus sit hic globus. Dominari autem in cujusque circuli cavitate mercurium, qui dum exitum quærit, ventum moveat, qui flammam extinguit. Postea alio circulo accenso alio paroxysmo, atque hinc quot circulis, ut appellat, vel lamellis potius massa ista componitur, toto tamen paroxysmo ægrum tentari; tota verò massa absumpta, febrè terminari statuit. Cum autem cœlum 24. horarum spatio semel revolvatur, 24. horarum spatio accendi semel hunc globum, & hinc paroxysmum excitari singulis diebus, docet. Ex globo simili in epate generari febrem tertianam scribit.

Verum enim verò & hic conciliatio quædam Chymicorum & Galenicorum tentetur. Galenici negare non possunt humorum in febribus inflammationes; etsi alii cum putredine, alii sine putredine eam fieri statuunt. Concessimus etiam supra, inflammabilitatem à sulphure dependere. Et si quid præterea lucis doctrinæ februum è suis principiis afferre possent Chymici, illud libenter admitteremus.

Qua in re ut Chymicis iniqui non sumus: ita illi contra Galenicorum dogmatibus æquiores esse debebant. Primò enim distinguenda est Febris à causa. Causa est materia, quam illi appellant nitrosulphuream; ab illius accensione calida intemperies in toto corpore exoritur, ob quam partes omnes ad suum officium exsequendum ineptæ redduntur; quæ partium præter naturam dispositio Febris appellatur. Deinde nec humorum nomen planè rejiciendum. Nunquam enim nitrum vel sulphur vomitu ejicitur, per alvum excernitur, aut sudore evacuatur, sed humores solum. Et concedatur sanè propter sulphur humores accendi: tamen ideò humorum nomina rejicienda nō sunt. Accenditur vinum & ejus spiritus, olea, resina, ligna & alia multa: quorum tamen nomina non rejiciuntur.

Scheunemannii v. opinio planè ridicula est, & hoc ipso satis testatur, se in Paracelsi dogmata jurasse, atque parùm sollicitum fuisse, quam dogma aliquod rationi vel experientia sit contrarium, modò Paracelsi fuerit. Qua enim, quæso, vel levissimam conjecturam probare poterit, talem globum ex lamellis pluribus, instar lapidis bezoar, cum in ventriculo, tum in epate generari, atque inde febrem, & februum periodos ac paroxysmos, eo, quo antea dictum modo, provenire? Et certè magnum illum globum, & multas lamellas seu circulos, ut ap-

pellat, è quibus constituitur, esse interdum oportet; cum scribat, totidem paroxysmis ægrum tentari, quot circulis massa illa componitur.

Colicam postea ex mucilagine tartarea stipticis & acetosis spiritibus permixta produci statuunt hoc pacto. Si λιπεργία corporis humani impedita, tartaræ feces & mucilaginosa impuritas in ventriculo & intestinis non separentur & expellantur, mucilaginosa impuritas radices primò collocabit, quæ continua nutritione incrementa sumet, donec digestis temporibus paroxysmos excitabit, spiritibus acutis per intestinorum orbis motis. Si tamen renes & vesica mucilagibus tartareis & ipsa obducta sint, impresse spirituum ex minerâ Colicæ prædentium ad paroxysmum incitabuntur. Ex iisdem enim impuritatibus, quamvis separationum & exaltationum gradibus differentibus, colicos & nephriticos dolores proficisci statuunt.

Quibus si unam saltem Colicæ causam proposuit Severinus, de nomine cum eo non litigabimus: cum res plana sit, dudumq; ex pituita vitrea colicam generari Galenus docuerit. Si verò causam istam solum Colicæ statuit, valde errat. Cum à flatibus intestina distendentibus acutissimos dolores colicos excitari posse, notissimum sit, neque acrimonia sua flatibus dolores excitent, sed distensione; & proinde quamprimum via, quæ ipsis occlusa erit,

Colicæ  
causâ sec.  
Severin.

parefit, dolor, cessat, & sæpe uno clystere omnis tollitur: Et plus non raro ex clystere in talibus doloribus commodi, quam ex operosis Chymicorum medicamentis percipitur.

A veritate, verò alienum est, quod *cap. 13. pag. 334.* acutissimos dolores tantum à spiritibus salium acutis fieri scribit: dolores verò, qui à contusione, sectione, ustione, externa calefactione vel refrigeratione contingunt, resollaceos vocat. Omnium enim hominum, qui à condito mundo vixerunt, sensu constat, vix ullos acerbiores dolores esse, quam quos distensio, sectio, ustio &c. parit.

*Inflam-  
tionum ge-  
neratio sec.  
Severin.*

Inflammationum postea generationes & differentias hoc modo describit Severinus: Seminales radices, inquit, horum morborum, ad matrices proveniunt non solum in forma resoluta & liquida, sed in forma vaporosa & spiritali, & continua nutritione & fermentatione digesta maturitarum & separationum tempora expectant, quibus instantibus spirituum erumpit ebullitio. Ac tum explicantur signaturæ in spiritibus antea delitescentes, colores, sapes, odores, caliditates & cæteræ qualitates, & ex nutrimentis assidue attractis corpora constituunt principiorum scientiis consentanea, purulenta, mucosa, sanguinea, cruenta, coagulata, resoluta, graveolentia, rubicunda, nigra, flavæ, varia, acida, erodentia, aspera. Spiritibus postea absoluta revolu-

tione evanescentibus, relictam impuritatam sentinam vitalis, balsamus discutit, consumit, aut per vias convenientes expellit.

Inflammationum autem species ex proprietatibus spirituum sulphureorum deducit. Arsenicales enim spiritus bubones constituere, & inflammationes pestilenciales dicit: Auripigmentales, pleuritides, sed non solum in pectore, sed & in cerebro, pulmonibus, corde, epate, liene, ventriculo, carnibus: Sulphureos, prunellas, cerebri, pectoris, ventriculi, epatis, gulæ & omnium partium.

Galenum verò, aliosque Medicos ex copia sanguinis, si exercitia immoderata, casus, contusiones vel similes causæ accesserint, à quibus vasa sanguinem continentia patefiant, inflammationes generari statuentes reprehendit, negatque ex sanguinis extra vasa sua effusione inflammationes veras generari, nisi in sanguine semina pleuritidum, prunellæ, pestis, arsenicalia, antimoniaia, sulphurea maturitati vicina, antea delitescant, quæ occasionem oportunitatemque hæc ad ebullitiones & paroxysmos excitentur.

De ulcerum verò generatione ita *Ulcerum generatio sec. Severin.* statuit: Si ex innata balsami infirmitate sive errore ob immoderatam diætam in mumia sanguinis, carni, synoviarum, defectus separationis puri ab impuro contingant, relictâ impuritate salium corrosivorum scientiis insignita, si hoc frequen-

frequenter accidat, & potens sit tinctura feminum corrosivorum, transplantata mumia sanguinis, carniū vel synoviae radices introducent, & continua nutritione ex similibus impuritatibus sementis acceptis digestis temporibus fructus producent radicibus consentaneos. Canceri nimirum radices & fructus conferre statuit salia ferruginea, quae in carnibus, venis, membris Martis anatomiam referentibus hospitium nanciscantur, ut in facie, labris, mammis, pectore, utero interdum. Herpetem, lupum, radices habere æruginosas. cancris finitimas, & in carnibus musculosis artuum & pectoris sedes quærere. Hydropica ulcera crurum propria aluminosas habere radices: Pruritus, scabiem nitrosas, vitriolatis & levioribus tincturarum proprietatibus constare, locisque omnibus fructus emitte: hinc etiam doloris, caloris & similibus symptomatum causas reddendas esse.

*Causæ externæ inflammationum.*

Verum multa in his & falsa & absurda continentur. Nam primò contra experientiam negat, quod casus, contusiones & similes causæ externæ inflammationes veras generent: cum id quotidie fieri, lippis & tonsoribus notum sit. Hoc quidem verum est, si sanguis impurus sit, & vitiosi humores in corpore contineantur, talesque causæ externæ accedant, inflammationes periculosiores fieri: nihilominus & si in corpus purum tales causæ

incidant, inflammationem in eo excitare possunt. Quæ verò sine causa externa generantur inflammationes, ex non ex seminibus, quasi plantæ, pullulant, neque colores & reliquæ qualitates, ac pus, quod in iis varium generatur, spirituum illorum opera sunt, (hæc enim omnia ita sine ratione à Severino proferrantur) sed res ita sese habet, ut longa observatio, causarumque omnium diligens consideratio, ac curatio felix hæcenus comprobavit: quoties in corpore vitiosi humores cumulantur, natura si per vias consuetas eos non possit expellere, ad loca ignobiliora, glandulas & externas partes solet propellere. Ubi cum sanguine extra vasa effusi cumulatique calorem concipiunt & corrumpuntur, unde dolor, inflammatio, coloresque cutis varii, pro humoris contenti varietate, oriuntur. Quod tamen ubique natura solet facere, nec hic omittit, sed utile ab inutili separat; & hoc, ut corpori alende ineptum, quantum potest, alterat & elaborat; unde puris, pro humorem contentorum varietate, varietas. Idem ferè de ulcerum generatione dicendum: quæ etiam sunt impuritatibus in corpore latentibus ad exteriora expulsi.

In differentiis inflammationum & ulcerum explicandis, si ex principiis suis lucis quid afferre possunt Chymici, libenter id recipimus. Etsi enim planè, quod contra Chymicorum sententiam nonnulli

*Ulcerum differentia ex principiis Chymicis.*

objiciunt iidem effectus in ulceribus & inflammationibus non apparent; quales si in cute extra arsenicum, auripigmentum, vitriolum, alumen, vel simile quid cuti applicetur, conspiciuntur: tamen propterea nihil tale adesse, dicendum non est. Differunt enim, sal & sulphur animale à sulphure & sale vegetabili; & quæ ex terra atrahuntur, salia & sulphura in vegetabilibus mutationem & alterationem quandam accipiunt; majorem adhuc in animalibus: nunquam tamen planè naturam suam exuunt. Unde postea ab aliis humoribus separata & per se existents satis adhuc suam naturam produnt, ut in bubonibus, carbunculis, cancro & aliis ulceribus animadvertere est.

Tandem doloris causas in genere quod attinet, causam doloris tribuit spiritibus salis resolutis. Ubi quidem facile admittimus, salsa & acria, atque omnia, quæ partes sensu præditas vellicandi vim habent, dolorem excitare posse: Verum hanc solam doloris causam non esse, & gravissimos quoque dolores à sectione, tensione, ustione provenire antea diximus. Sicut & excessus qualitatum primarum, præcipue caloris, maximos dolores parit. Quis enim ignorat quantos dolores ustio inferat? At certe ignis dolores non excitat per spiritus salis, sed caliditate nimia.

Quod postea Galenum reprehendit, quod contra Archigenem disputans, negaverit; saporum nomi-

na doloribus accommodanda esse: Verum est, à Galeno hoc factum. 2. de locis affectis cap. 9.: neque planè injuria. Nam quilibet sensus habet sua propria sensibilia objecta, quæ ab aliis sensibus percipi non possunt. Proinde sicut color non potest percipi ab aure: ita sapor à tactu deprehendi non potest, quatenus talis. Aliàs autem non negatur, res sapidas diversas diverso modo tactum afficere, aliumque dolorem à re salsa, alium ab acida, alium ab amara, alium ab austera excitari. Sed hoc non fit à sapore, quatenus sapor, sed re, cui sapor inest. Id quod ipse consitetur Severinus, dum addit; Lingua quidem officium esse, saporum discrimina discernere: affectiones verò & impressiones saporibus coherentes non solum in lingua, sed & in aliis multis partibus percipi. Quod cum nec Galenus negaturus sit, frustra hic à Severino reprehenditur.

Denique non à nervorum partibus infortium copia vel raritate dolorum differentias deducit, sed loca ea vehementissimos dolores pati statuit, quæ confluentiam habent cum salibus potentissimis, sive in quibus spiritus salium acutissimi latent, & ad extremitates ducuntur, ut orificium ventriculi, intestina, renes, vesicam. Viscera verò tantis doloribus non affligi, quia non consistunt ex salibus, sed potius boli & sulphureatum terrarum naturam referant, in quibus spiritus obtusi & insipidi sint.

*Dolorum  
vehementia unde.*

*Doloris  
causae.*

*An doloris  
bya saporis  
nomina at-  
tribuenda.*



Verum in re manifesta ludit. Certum enim est, & omnium hominum sensus id testatur, omnes partes sentire & dolere propter membranas seu nervi partem membranosam; eaque quæ desistunt partes, nullum sensum habere. Itaque *πνεύμα* viscerum non sentiunt, non quia spiritus salis non habent: sed quia non sunt membranosæ, sed carnosæ. Et si quem sensum habent, habent propter membranam ambientem. Reliquæ partes, quæ membranas & nervos multos habent, exquisitum etiam sensum habent, & proinde gravissimos dolores perpetuantur, ut in oculis, auribus, pleura, ventriculo, ureteribus, ut & vesica, videre est; quæ non solum à causis internis, sed & externis, in quibus ad spiritus salis confugere non potest Severinus, vehementissimos dolores patiuntur. Sed quò non abripit nimium novandi & sectarum studium?

Cæterum cum peculiari modo ad tria Chymica principia omnes corporis humani morbos reducere conatus sit Henningus Scheunemannus, in libello, cui titulus, *Medicina Reformata, seu Denarius Hermeticus, Philosophicus, Medico Chymicus*: & libellus hic ab illo, qui eum post mortem authoris edidit, verè aureus nominetur, & verè Medicinæ fundamentum perhibeatur, in quo morborum vera causa & cura Paracelsica apertè doceatur, quòmodo uno remedio 100. morbi curentur, cum nunc vix 100. reme-

dia uni morbo sufficiant: atque ipse autor, in *præfatione*, se id, quod post Hippocratem nullus à bis mille annis præstare ausus fuerit, quodque Joh. Quercetanus pollicitus fuerit, at morte immatura præventus vel rei difficultate deterritus, persolvere nequiverit, aggressurum promittat: operæ pretium fuerit, hic, ubi de morbis & morborum causis agimus, quædam ejus loca obiter perpendere.

Proponit Scheunemannus, p. 15. ante omnia 10. morborum causas, atque inde libellum suum denariū Medicum inscripsit: Mercurium, pneumosum, mercurium cremosum, mercurium sublimatum, mercurium præcipitatum; sulphur coagulatum, sulphur resolutum; salem coagulatum, salem calcinatum, salem resolutum, salè reverberatum.

Ubi principio meritò hoc in eo desideratur, cum ultra istum numerum, nec citra illum, in rebus quicquam reperiri neget, ut causas horum principiorum reddat, neque mox in fundamenta reformatæ hujus Medicinæ dubium Lectorem relinquat. Mira certè philosophandi ratio est, tot nova Entia in censum naturæ inducere, nec ullo modo ea probare. Neque enim quia mercurius vulgaris, sulphur & sal, quæ nomine principiorum hic intelligi rectè negat, arte Chymica & igne sæpè violento, possunt sublimari, calcinari, reverberari, præcipitari: idè etiam in corpore humano fiat necesse est; aut tot quoq;

*Decem morborum causas Scheunemanni.*

*Principia Scheunemanni inchoata.*

*Scheunemanni Medicina Reformata.*

mutationes spiritum insitum & humidum radicale pati oportet; aut tot erunt rerum naturalium principia.

Principiorum nomina sunt per se ipsa.

Deinde cum, secundum Epistolum, *δεξιῶν ἀδελφότητος* sit ἡ *ῥηθύνουσα τῶν ἰσχυροῦς*: lectorem mox in principiis nominandis obscuris vocabulis detinere non debebat. Est enim ista sua principia definiat: nemo tamen Latine doctus (cum tamen Latine scripserit, aut certe voluerit) vocabula, pneumosus (est Græcus, quid *πνευματώδης* aut *πνευματικὸς* sit, sciat.) & cremosus (quanquā quid cremor vel crema sit, Latinus sciat) intelliget.

Mercurius pneumosus Scheunemanni.

Definit autem, p. 16. Mercurium pneumosum, quod sit spiritus æthereus, ignis naturæ, vitæ nostræ proximum & intimum indumentum, corporis humani lumen & numen, omnium actionū motor & rector, qui in cerebri ventriculis hospitari creditur &c. Dicam, ut & Galenicus intelligant, Spiritus animalis definitur. Insitus potius dixissem; nisi in cerebro eum hospitari scripsisset; Esti nimis late ejus officium extendat, & omnium actionum motorem & rectorem constituat; cum tamen diversa spiritus animalis & vitalis sint officia. Atque ita Galenicus cum rem intelligat, de nomine cum eo non multum disceptabit.

Spiritus animalis non est causa sensuum &c.

Verum quod postea, cap. 2. hunc spiritum plurimorum morborum, causam constituit, hoc nulli Galenico, imò nec saniori & in Philoso-

phia aliquomodo versato Chymico unquam persuadebit Scheunemannus. Quis enim, quæso, credat, spiritum æthereum, corporis humani lumen & numen, omniumque actionum rectorem, ita nonnunquam, ut loquitur, ingrossari, ut præter naturam in folliculis, membranis, & cavitatibus includatur & subsistat; & visibilis ac materialis factus, nomine privetur, ac flatus dicatur, & in partibus, in quibus coarctatur, *εὐφυσήματα*, inflationes seu apostemata (quid apostema esset, ignoravit: tumorem dicere debuit) ventosum procreet. Hoc certe est cœsum terræ & aquæ miscere, non medicinam reformare. Excrementii humores morbos & affectus illos, producant, non spiritus insitus, qui longè nobilioris naturæ est, quam ut causatum morbificatum & flatuum atque excrementiorum humorum naturam induere possit. Ut jam de strumis, scrophulis, glandulis, bubonibus, steatomatis, atheromatibus, meliceridibus & similibus nihil dicam, quos ex ingrossatione spiritus animalis ac ætherei, seu, ut ipse loquitur, mercurii pneumosi, deducit: cum nemo medicorum saniorum sit, qui ignoret, tumores istos, partim morbos hæreditarios esse, & à semine vitioso originem trahere; partim ex succo nutriente provenire, qui vel copia peccat, vel alio modo vitiosus est. Cum enim quælibet pars humorem affluentem sibi assimilare conetur, & natura, quæ nunquam

otiosa est, etiam excrementa, quantum fieri potest, elaborare nitatur, iisque formam aliquam inducat, ut non solum in sanguis arborum, sed & in iis, qui corpori humano annascuntur, (de quibus videatur centuria 2. observ. Guil. Fabricii, obs. 35. & 36.) videre est: pro cuiusque partis natura diversi tumores generantur; alius in carne; alius ad membranam, alius in glandulis. Hoc nimis crassum est, quod, pag. 24. ex hoc spiritu & mercurio pneumoso hydropis speciem, quæ tympanites appellatur, imò flatus in ventre & intestinis, ex quibus tormina, murrura, crepitus ventris, & ructus oriuntur, ac herniam flatulentam, imò hydrocelem & sarcocelen, & ne quid desit, enterocelen (quasi verò ex flatibus illa primario ortum habeat) deducit. Ex flatibus quidem morborum istorum quosdam provenire scimus: at flatus partim cibi vitio fiunt, non à spiritu illo æthereo, qui in cerebro hospitatur; ut ipse loquitur. Et proveniunt flatus non ab iis, quæ spiritu æthereo, quale vinum, sed quæ materia aquea & excrementitia abundant; ut in rapis & aliis ejus generis videtur. Ideoque qui eum rei Medicæ utilitate morbos eorumque causas ad principia Chymica revocare voluerit, longè alia via ingrediatur oportet; & mercurium morborum autorem longè aliter definire; nec tot diversissimos affectus, strumas, serophulas, nodos, glandulas, steatomata, atheromata, melicerides,

tympanitem, tormina & murrura ventris, crepitus, ructus, pneumatocelen, hydrocelem, sarcocelen, enterocelen, varices confundere, & ad unam causam redigere decet. A causis enim diversissimis pendere, ipsa curatio docet. Quos omnes affectus si unico illi suo primo Ehte curavit Scheunemannus, boni publici causa curationum illarum historias & testes annotare debuisset. Hominum enim manus hodie sunt oculatæ: credunt, quod vident.

Eodem modo non rectè paralyfin & convulsionem ab eadem causa deducit; cum tamen habeant causas diversas: imò illi iidem affectus à pluribus causis proveniant, ut ex observationibus Medicis & libris practitorum notum.

Mercurium deinde cremosum seu destillatum, pag. 14. definit arcam vitæ nostræ, ignis ætherei pabulum ac nutrimentum, verum lac virginicum, humidum radicale seu primigenium, primum & innoxium generationis subjectum, cremorem dulcem, liquidum, ratum, permeabilem. Humidum radicale, ut clarè & sine ambagibus dicam, definit.

Quòd verò, cap. 3. scribit; hunc mercurium sive a partibus solidis sive à cibo & potu segregatum, potestate superiorum nonnquam per ascensum & descensum tam diu circulari & rotari, donec cum tenuitate summas potestates

Mercurius  
cremosus  
Scheunemannus

summasque vires acquirit; & apoplexiam, paralyfin, convulfiones, epilepsiam, tremorem cordis, incubum, suecubum (risum teneatis amici) ab hoc deducit; nã? iterum affectus diversiffimos, & à diversiffimis cauffis dependentes, confundit. Primò enim humidum radicale, quod definit, nunquam horum morborum autor est; neque ipsum in cibis est, etsi ex cibis, sed per multas mutationes, ex sanguine sc. puriffimo fiat. Deinde etsi hos affectus, plerosque non ex crassa pituita, quod plurimi opinantur, sed potius ex vaporosa & tenui materia oriri concedamus; atque si ob id ad mercurium, sed aliter, quam fecit, definiendum, eos reducere velit Scheunemannus, cum eo jam pugnare non velimus: tamen vaporosa illa materia, quæ hos affectus producit, non unica est, sed specie in diversis affectibus differt. Neque enim, quæ epilepsiam excitat, apoplexiam generat, & contra: & quæ palpitantes cordis efficit, ut sæpe fit in hypochondriaca affectione, etsi melancholiam aut dolorem capitis excitet, non tamen apoplexiam vel epilepsiam tunc generat. Atque an hos morbos omnes manna mercurii curaverit, fides sit penes authorem.

Et ut aliquid in specie hac de re dicamus, ex mercurio cremoso seu destillato apoplexiã deducit Scheunemannus, & ex Paracelso fulguris exemplo declarat. Sicut nimirum fulmen, sacculis illæsis, nummos

constat, aut vagina illæsa ensem liquat, integra cute ossa committit: ita mercurium destillatum in unam massam cogere & colligare cerebrum, aut pulmones, haud aliter, ac si cera essent; ferire, penetrare, inflammare atque exurere, quicquid intra cutem, carnẽ, fibras, musculos, & cæteras molliores partes non lædere; linguæ loquelam activo suo halitu exurere, carnosam tamen ejus substantiam intactam relinquere opinatur. Atque ex partium internarum ista colliquate omnia, quæ in apoplexia apparèt, symptomata deducit. Postea tamen illud universale (quicquid intra cutem clauditur) restringit, & non omnes partes, quas attingit lædere, sed potius nervos, pulmonem & cor exurere scribit.

Verum portenta ista opinionum sunt. Si Paracelsitis anatomia localis, quam appellant, non ita forederet, facilè ex corporum apoplexiã mortuorum dissectione discere potuissent, nihil tale in apoplexia accidere, quale pro libitu imaginantur, sed cerebrum, nervos, pulmones in apoplexia mortuis integra reperiri. Et quid hoc monstri est, mercurium destillatum linguæ loquelam exurere, carnosam ejus substantiam intactam relinquere? Quasi verò loquela corpus sit, quod exuri possit. Summa hæc Philosophiæ ignorantia est. Neque sibi constat Scheunemannus, quomodo mercurius ille destillatus apoplexiam gignat. Primò enim, ut jam dictum,

*Opinionis  
istius refu-  
tatio.*

*Apoplexia  
generatio  
sec. Para-  
celsi*

dictum, exurendo, instar fulminis, nervos, pulmones & cor, eam afficere dicit: postea tamen, ut Quercetani sententiam retineat, exhalationes mercurii destillati corpora coarctare, & constringere dicit, ut quasi coagulata & gelu concreta maneat. Idem certe non constringit & congelat, simulque exurit.

Mercurium sublimatum definit, pag. 17. quod sit radicalis humidus spiritus acutus, permeabilis, penetrabilis, aerea, fumea, subtilissima, vivifica & spirituosissima substantia, proximum actionum perceptibile instrumentum &c. Galenicus spiritum insitum definiri diceret. Quicumque autem ille sit, si est vivifica substantia & proximum actionum instrumentum, quomodo ab eo omnes ægrotudines, quæ interioribus punctiones cum fervore cient, c. 4. deducit? dum statuit, eum in fumum abire, calefcere & ignescere, non verò flagrare, & quicquid volatilitate sua apprehendit, frangere, & dolore premere, sed absque flamma. Ab hoc deducit maniam, phrenesin, amentiam, syncopen, melancholiam, typhomaniam, dolores capitis, cordis palpitationem, anginae species, pleuritidem, pestes anthraces.

Verum ubique principium petitur, & diversissimi morbi confunduntur. Hoc quidem non negamus, plerosque hos morbos à calida & tenui materia provenire: at quod spiritus insitus & vivificus horum morborum autor sit, id pro-

bandum erat. Quamquam enim & calidum innatum, ut Galenus loquitur, igneum reddi possit: tamen calor ille præternaturalis, qui illud accendit, aliunde ipsi communicatur, & humores præter naturam incalescunt. Quamquam enim concedamus, in peste, & pleuritide non raro venenatum spiritum adesse, quem natura ad exteriora expellit: tamen anthrax & alia, quæ in peste & morbis malignis erumpunt, ut tumores & tubercula, non ex spiritu illo vel mercurio sublimato, ut ille appellat, oriuntur, sed venenatus ille vapor vel spiritus sanguinè & humores corrumpit, qui corrupti à natura expelluntur, & tumoribus ejusmodi materiam præbent.

Præterea etsi seu vapor seu spiritus tenuis, seu, ut ille appellat, mercurius aliquis morborum, quos enumerat, causa sit: tamen cum causa morbos istos producentis specie differant: omnino est mercurii describendissent, quot morbos enumerat. Quid enim phrenesi commune cum cordis palpitatione & syncope? Quis causas specie differentes & diversa medicamenta requirentes non agnoscat in phrenesi, melancholia, pleuritide, anthrace, peste? Quis sine præjudicio, quæ passim viri doctissimi, multorum seculorum experientia adjuti, de horum morborum natura & felici etiam cura tradiderunt, perpendere voluerit: facile animadvertet, morbos & symptomata ita diversa ad eandem causam reducere, tam

impossibile esse, quam elementa ex sale, sulphure & mercurio componere; quod tamen idem pag. 42. conatur.

Mira etiam in hoc capite est pestis definitio, quam ulcus esse dicit, & propterea non aliam, quam incarnativam, requirere medicinam.

*Mercurius  
præcipita-  
tus Schen-  
nemanni.*

Tandem mercurium præcipitatum pag. 17. definit spiritum æthereum verè esurinum, acidum, acrè, vehementem, incombustibilem,

qui ignem externum calore vincat, totius fermentum vivificum, à quo omnia fermentantur & condiuntur, insita dissolvendi & contrahendi facultate obvia quæque confringat ac dirimat. Hos spiritus esse scribit, qui esuriant & sitiant, & cibos omnes acida & mordaci sua solvendi & conterendi potestate confringant. Quod officium Galenici calido insito & facultati concoctrici rectè tribuunt. Non enim spiritus esuriunt aut sitiunt; sicut nec vident, nec audiunt, nec ambulant: sed pars calore naturali & facultate naturali appetente prædita appetit cibum & potum, ac homo esurit & sitit. Et calor ille ac spiritus insitus etsi proximum coctionis instrumentum sit: tamen primaria coctionis causa non est, sed facultas cujusque membri; unde etiam diversæ in diversis partibus sunt coctiones, prout diversis facultatibus prædita sunt. Ventriculus chylum generat, epas sanguinem, os ex attracto alimento os, caro carnem generat. Præterea spiritus ac calor

*Spiritus an  
esuriant.*

ille insitus his actionibus inservit, non aciditate, acrimonia & mordacitate sua, quæ nulla in eo deprehenditur; sed blando calore, qui est communis *διουρετός* & commune naturæ instrumentum: sicut id ex digestionibus suis facile discere potuissent Chymici, in quibus calor ille balnei vel alius blandus corpora naturalia solvit & digerit, sed non aciditate, non acrimonia, non mordacitate.

Ineptum verò planè est, quod pag. 18. & 5. ex isto spiritu, coctionis & digestionis autore, arthritidem dèducit: cum scilicet à suarum functionum officio impeditus & præcipitatus siccas coagulationes maximo cruciatu extremis membris infligat: unde tophi nascantur. Quis enim saniorum etiam Chymicorum ignorat, non à spirituosa & vivifica substantia, quæ proximum actionum instrumentum est, sed à causa præternaturali, & eo, quod excrementitium est in alimentis, gigni arthritidem; quod ipsi Chymici tartarum appellant, & ad salem potius, quam mercurium referunt. Et quamvis concedamus, acutissimos & summam penetrandi vi præditos spiritus in arthritide esse: salini tamen illi potius sunt ex humoribus excrementitiis, non vivifica & spirituosa substantia. De tophorum quoque in arthriticis generatione alii saniores Chymici, ut & Galenici, qui nominibus potius, quam re hic dissident, rectius sentiunt.

*Arthritida  
generatio  
(sc. Schen-  
nemanni)*

tunt, quam Scheunemannus, qui non ex tartareis & mucilaginosi succis, sed ex cremore seu lacte dulci, ut ejus verbis utar, quo corporis partes aluntur & nutriuntur, quam Synoviam nominat, eos generari dicit, idque exemplo lactis declarat. Sicut enim, inquit, videmus aceto repido lacti infuso confestim coagulatum fieri, quod in durum caseum transit: idem hic quoque animadvertimus, ex spiritu acerosi ac dulcis Synoviae conflictu fit coagulum album lapidescens, quale ex incisus podagricorum topis eximitur. Ponamus sane & concedamus, ex confluxu & conflictu spirituum aut humorum natura sua repugnantium quid in corpore humano fieri, quale accidere videmus, si spiritui vitrioli, vel aquæ forti, in quo ferrum solutum, oleum tartari, vel butyro antimonii spiritus nitri affunditur: tamen ea repugnantia inter spiritus & humores est, qui præter naturam in corpore nostro reperiuntur; non verò inter spiritus coctionis autores, & inter succum, quo partes aluntur, talis pugna accidit. Nam cum in omnibus partibus talis succus sit, & spiritum infusum qualibet pars habeat, semper in toto corpore talis pugna fieret.

Verum operæ pretium non est, in talibus signis refutandis immergi, cum talia sint, quæ proculdubio & à sanioribus Chymicis improbantur.

Reliqua ergò, quæ ponit mor-

borum principia, breviter percurramus. Proposuit hætenus Scheunemannus spiritum æthereum, naturæ ignem, omnium actionum rectorem, humidum radicale, & primigenium, madore ac rore suo partes corporis nostri irrorans & madefaciens; radicalis humidi spiritum, vivificam substantiam, proximum actionum instrumentum; spiritum æthereum coctionis & digestionis autorem. Verum hæc non sufficiunt: tribus spiritibus quartum adhuc addit, purissimum, candidum, odoriferum, dulcem, pulsatilem, caloris fomentum, totius corporis fulcrum &c. quem sulphur congelatum appellat: & humido primogenio seu lacti virginis, quo omnes partes aluntur, quo suo madore ac rore partes corporis nostri irroret, madefaciat ac reficiat, & quod primum & maximum generationis subjectum sit, adhuc aliam liquidam ac mollem substantiam, omnes partes corporis benigno madore irrorantem, spiritus (qui jam quintus erit) etiam plenam, generationi commodam, quam sulphur resolutum nominat, addit.

Verum Davi hic sumus, non Oedipi. Utinam, si ad medicinam reformandam animum adijcere voluisset Scheunemannus, antiquorum, Hippocratis, Aristotelis, Galeni vestigiis institisset, qui principia & elementa rerum naturalium & corporis humani, morborumque adeo causas proposituri, vel

ipsis sensibus ea obvia esse, vel ex actionibus & proprietatibus talia & tot à se distincta esse, docere conati sunt. At hic tot spiritus & tot principia proponuntur, nec an sint, & an tot sint, vel levi conjectura probatur. Neque etiam ullam appellationum causam reddit Scheunemannus, & cur sulphur aliud congelatum, aliud coagulatum appellet, docet.

Ex sulphure congelato accenso deducit inflammationes; cum tamen, *cap. 4.* anginam, pleuriticidem, quæ & ipsæ inflammationes, ut & cerebri, membranarum inflammationes, ad mercurium sublimatum referit.

Postea & febres ex sulphure accenso deducit: de quo jam non disputabo: cum & Hippocrates febrem *πύρ* nominet, & Galenus definiat calidum nativum in igneum mutatum, & Galenici incendium spirituum & humorum in febribus non negent. Verum istis non pauca intermiscet falsa, de quibus in doctrina de febribus dicetur.

Quæ de sulphure resoluto scribit, si dextrè explicentur, maximam partem admitti possunt. Nam & Galenici vapores suaves ad cerebrum elevatos somni causam esse statuunt; nec illud, quod Chymici soporosos affectus à sulphure quodam narcotico, non à frigiditate fieri statuunt, negandum est; conceduntque id hodiè non pauci Galenici, atque inter eos, Platerus. Verum quod à naturali illa liquida & molli sub-

stantia, quæ omnes partes benigno madore irrorat, omnes affectus soporosos deducit, & ex copia illius substantiæ benignæ coma, cataphoram, veternum oriri dicit, in eo errat. Tota enim specie causæ illæ præternaturales, (ut earum generatio, natura, & effectus satis docent) ab ista substantia differunt, neque eadem specie qualitas, quæ in opio, mandragora, hyoscyamo & similibus reperitur; sed cum causis potius præternaturalibus, quales in febribus malignis, peste & venenis quibusdam teperiuntur, hic conveniunt. Et quis dixerit, qualitatem, quæ in peste, & quæ in venenis quibusdam somnum gravem inducit, in benigna illa & corpori amica substantia reperiri? Quam commode verò ab eodem sulphure etiam vertiginem deducit ipse videtur; cum potius à spiritu agitatione & circumrotatione, (unde & à corporis in gyrum rotatione, sine causa interna, oritur vertigo) quam vi narcotica spiritus ligante, vertigo fiat.

Quòd porro ex sulphure coagulato resoluto profusiva alvi, diarrhæam, dysenteriam, *cap. 8.* deducit, ab aliis Paracelsistis dissentit, qui à sale, & probabilius, omnes alvi fluxus oriri statuunt. Et mira iterùm hic ex Paracelso Philosophia est de appetitu ventriculi, qui appetat & ad se trahat partiùm nutrimentum vel sulphur coagulatum, in sanguine, in carne & in aliis membris, adi-

*Sulphur. resolutum.*

*Somni. causa.*

*Fluxu alvi. causa. sec. Scheunim.*



adipem intestinorum, & res alias in corpore existentes omnes, ut mucum, fluxus, quos ad se trahat, ceu cucurbita sanguinem: qui sulphuris immaturi edendi desiderio lacessatur, & separationis voluptate capiatur, quasi scire cupiat, quid præstò sit. Docuerunt hæcenus Medici, & tormina ventris, excreta, imò cadaverum sectiones id confirmarunt, quod humores acres, quos Chymici non malè salfos appellant, & ad salium genera referunt, intestina abradant & erodant, eorumq; venas aperiant. Rem tamen tam evidentem & manifestam negare aude Scheunemannus, & ex sanguinis vel sulphuris coagulati in sanguine, quem appetat, & absorbere desideret ventriculus, per intestina delapsu fieri dysenteriam statuit. Norunt quidem & Galenici fluxum quendam colliquativum esse, ad quem corporis tabes, quam ille barbarè Ariduram appellat, consequitur: verum non eundem esse cum dysenteria, ex signis utriusque facile patet.

Est & hoc monendum, malè Galenicis à Scheunemanno imputari, pag. 85. quod excrementa morbos ipsos esse statuunt. Paracelsici quidem hoc faciunt, & inter eos Severinus, qui vomitu febrem rejectam se vidisse scribit: sed non Galenici, qui omninò excrementa à cõstionibus suos colores accipere, & commodius esse docent, vitiosos humores non generari, quam generatos evacuari, & propterea partes, qua-

rum vitio illi generantur, ad naturalem statum reducendas & roborandas esse. Interim non sequitur, humores vitiosos jam genitos non evacuandos esse. Illud faciendum; sed hoc non omittendum: imò, ut illud fieri possit, hoc prius faciendum.

Morbos tandem salinos quod attinet, triplices illos constituit, ex sale calcinato, sale resoluto, sale reverbato. Salem calcinatum definit esse vitæ balsamum, corpus illud firmum, fixum, terreum, mercurium & sulphur in unum componens, congelans, & solida reddens cuncta, omnium condimentorum optimum &c. Ex hoc, si in corpore humano lique scat, deducit cachexiam, hydropem, œdemata. Salis enim calcinati conditionem esse, ut non nunquam lique scat. Quod si fiat in corpore humano, naturam eum expellere: atque hinc sudorem ortum habere; ac sudorem nonnullum esse ex carne, nonnullum ex sanguine, ossibus, medullis. Quod si calor insitus sit debilior, quam ut possit sudorem & salem, resolutum expellere, intra carnem detineri, & molliorem corporis habitum, quem cachexiam nominant, aliasque hydropis species fieri statuit, sale, qui resolvitur & lique scit, ad inferiora descendente.

Salem resolutum definit esse corpus liquidum, gustu grave, sacculante coagulandi & contringendi præditum, saporis sui benignitate cuncta nutrens & conservans, & qui

Morbi salini.

Sal calcinatus.

Sal resolutus.

propterea Deorum cibus ac potus dicatur &c. Qui sal quamvis liquidus sit, non tamen humectet, sed potius vi sua constringente exsiccet & induret. Hoc sale quod caret, nullum exhibere sui gustum, sed inspidum esse scribit.

Hunc salem, si ex officio suo delabatur, congelationem pati, indurari, & in resinam, tartarum, arenam & lapides concrefcere, & hinc omnes omnino morbos tartareos oriri docet.

*Sal reberberatus.*

Salem deniq; reverberatum totius Naturæ generale lixivium & mundificativum esse dicit, quod corpora quæque sordibus inquinata detergendo, reserando, incidendo, purgando, vomitum provocando, urinas ciendo, sudores movendo, mundificet, vivificet & regeneret; ignemq; occultum & perpetuo urentem esse scribit. Ab hoc sale pruritus, vitiliginem, morphæam, porriginem, scabiem, polypum, verrucas, clavos, abscessus & ulcera varia, phlegmonem, furunculos, carbunculos, bubones, cancrum, luem veneream, scorbutum deducit.

Verum enim verò etsi, quæ de sale in corporum constitutione & morborum nonnullorum origine à Chymicis dicuntur, omnia non improbemus, sed & corporum resolutione salem ostendat, & qualitatibus suis & actionibus, salsedine, acrimonia ac similibus varia salium genera in humoribus sese prodant; & proinde quosdam morbos ad salem reducendi conatum in Chymicis

non improbemus: in paucis tamen feliciter id Scheunemannus præstitit, sed etiam, quæ vera sunt, falsis & absurdis additis, apud Galenicis suspecta reddidit. Primò enim, cur tot salium genera in constitutione corporis ponat, causam nullam reddidit. Neque enim necessarium est, ut omnia, quæ per artem, ignis violenti ministerio, fieri possunt, eadem & in corpore humano reperiantur. Præterea non necessarium, ut illa, quæ corpus constituunt, causæ morborum quoque evadant: cum causæ morbifera plurimæ extra corpori advenire possint. Neque etiam in describendis salis speciebus sibi constat.

A sale calcinato saporum omnium originem derivat, pag. 20. & eum nunc amarum, nunc salum, nunc austerum, nunc dulce in se scribit. Pag. 98. tamen saporem salis resoluti primò tribuit, & nihil sapidum esse scribit, quod sale resolutio careat. Rectius longè, Chymici alii à sale in genere saporem deducunt, & postea saporum differentias salium speciebus attribuunt, aliumque salem simpliciter salum, qualis communis est, alium amarum, alium acerbum, alium austerum esse docent. Quod & ipse, si rem Chymicam excolere, & amplificare, ac reformare Medicinam voluisset, facere, & qui morbi à quibus salibus proveniant, monstrare debuisset.

Deinde in reddendis causis sudoris, catarrachæ, hydropis & similia morbo-

*Saporum causa.*

*Sudoris causa.*

morborum valdè errat. Sudorem quidem salis aliquid continere non negandum; cum sapor id testetur: sed tantum sale esse, non concedendum; cum in morbis sæpissimè fetorem habeat, quem ipsi Chymici à sulphure deducunt. Nec illud concedendum, sudorem esse sale resolutum, & quidem ex vitæ balsamo & substantia partium compacta & solida resoluta provenire. Quanquam enim sudores *Ag. Pogn. l. 2. c. 1.* interdum accidere non negetur: omnes tamen sudores à substantia partium resoluta provenire, falsissimum: sed serosum, quod est in corpore, illud materiam sudori suppeditat. Habetque sudor & urina eandem materiam; unde & ad sudores copiosos urina imminuitur. Et cum interdum sudores copiosissimè profusant, ut in quartana fieri solet, sine insigni corporis imminutione: fieri id non posset, si ab ipsa partium substantia, seu partium corporis vel etiam sanguinis sale resoluti sudores ortum haberent. Præterea si hæc esset sudoris generatio, quomodo febres per sudores solverentur; quod tamen felicissimè fieri videmus, materia morbifica per sudores sæpe foetidos discutitur.

Æquè absurdum est, quod ex eodem sale partium corporis resolato cachexiam & aquam inter cutem derivat; & quidem à superioribus ad inferiora descendere, & hinc partes superiores tabe consumi scribit, Galenicisque reprehendit;

quod nullum hydropem, nisi epatis sit frigidum, fieri doceant. Longè alia hydropis est generatio. Est nimirum aqua intercus, cum humor serosus in abdomen effunditur; quod multis de causis fieri potest, de quibus lib. 3. pract. cap. de hydropem.

Quas, qui diligenter perpendet, <sup>Hydrops non est eum sale resolutus.</sup> facile intelliget; non, quod Scheuenemannus statuit, ex sale partium corporis humani intercutem aquam fieri, & aquam hydropicorum non esse partium substantiam resolutam, sed serosum, excrementitium humorem, præter naturam alicubi cumulatam, & non debito modo excretam.

Et ineptum planè est argumentum, cum scribit; epas vel frigidius vel calidius aquam gignere non posse: quia ex accidente non nisi accidens producat; & epatis natura non sit, ut aquam generet. Frigiditas enim vel caliditas epatis aquam quidem non gignit: si tamen epas non rectè temperatum sit, actiones suas rectè exercere non potest, & pro bono sanguine vitiosum gignit. Quod & de alijs partibus verum est, quæ si naturalem constitutionem non obtineant, suas functiones rectè obire non possunt. Et cum epas & aliæ partes coctioni destinatæ opus aliud quod producant, ventriculus chylum, epas sanguinem generet: si partes illæ suas actiones non rectè obeant, opus illud vitari, & pro bono chylo, & bono sanguine vitiosum chylum & sanguinem generet.

Hydrops  
causa.

generari necesse est. Neque epar puram aquam, sed pro bono sanguine sanguinem aquosum & serosum generat; quod serosum si ab eo non fecernatur & evacuetur, cumulat in corpore hydropem excitat. Et certè parùm observasse videtur Scheunemannus in corpore humano humorum corruptiones, quæ frequentissimè ob partium naturalem constitutionem coctionemque vitiatam accidunt.

Neque ullam causam habuerunt Paracelsus ac Severinus, ut à partiū aut salis in iis resolutione hydropē deducerent: cum in cibo & potu, quem quotidie assumimus, satis aquosi & salis humoris sit, qui nisi ab utili alimento rectè fecernatur, & è corpore per vias debitas evacuetur, sensim & paulatim cumulat aqua inter cutem tandem generat.

Et si concedit, epar calefactum bilem, & si adhuc magis incalescat, retorridos, adustosque humores generare, cur neget, ab eodem frigefacto aquosum sanguinem produci?

Nec illud veritati consentaneū, quod scirrhus epatis vel lienis semper hydropem sequatur; nunquam verò eum antevertat, nec ejus causa, sed effectus sit. Contrarium enim testatur experientia: multiq; reperiuntur, quibus epar & lien indurantur, antequam hydropē laborant. Postea quia ob scirrhosam dispositionem actiones epatis & lienis læduntur, sequitur serosi humoris in corpore cumulatio & hydrops.

Neque cura perfecta hydropis, consistit in salis coagulatione, sed potius, post humoris serosi evacuationem, in partium illarum, quarum vitio serosus humor in corpore cumulatur, roboratione; laborandumq; est, ut parti, cujus causa serosus humor in corpore cumulatur, naturalis constitutio restitatur, ut actiones suas recte exsequi possit.

Quod postea ea, quæ c. 3. de Tartaro dicit, attinet, facile concedimus, multorum morborū origines suā ex tartaro & sale feculento aut cum mucilaginosi & excrementitiis humoribus misto haberi; calculos nimirum in pluribus corporis locis, arthritidem & similia mala. In eo tamen errat, quod scribit, salē illum corporis nutrimentum, & deorum cibum ac potum, nectar & ambrosiam, officio suo delapsam morbos tartareos parere. Excrementitium potius tartarum est, ad corpus alendum ineptum, quod Hippocrates, *de prisca medicina*, rectè *ἀσπιρῆδιον, ἀκρῆτον, καὶ ἰσχυρὸν* nominat; quod nisi è corpore debito modo excernatur, vel ad articulos protruditur, & arthritidē generat, vel alicubi in calculos concrevit. Unde vina, quæ hujus *ἀσπιρῆδης, ἀκρῆτης, ἰσχυρῆς καὶ Νισαφέουτος χυμῶς* plurimum obrinent, qualia sunt Ungarica, Moravica & similia, ad arthritidem, calculum, colicā & similes morbos producendos aptissima sunt; quæ verò minus tartari participant, qualia sunt Neccarina

Tartari morbi.

rina & Rhenana, salubriora sunt. Errat deinde in eo cum Paracelso & Severino, quod nihil referre putat, sive tartarum morbum, sive causam morbi, vel symptomata dixeris: de quo supra pluribus dictum.

Ad calculum præcavendum, multum in prima coctione situm, esse, facile concedo. Si enim ventriculus rectè coquat, excrementa rectè separantur, quod nisi fiat, ad epar & alias partes corporis transmittuntur: & stranguriam causam in ventriculo esse, posse, jam *lib. 3. Instit. part. 1. sect. 2. cap. 9.* dictum verum an roboratio illa acidis præcipè perficiatur, dubito.

Illud verò miror, quod scribit, solitum fuisse Hermetem post cibum assumptum deglutire semper granum thuris vel mastichis, ne vinum bibitum se coagularet in tartarum. Mirum, inquam, unde hoc resciverit.

Tandem salem reverberatum, quod attiner, studium illud pruriginem, scabiem, vitiliginem, serpiginem, cancerum & alia ulcera similia ad salem reducendi non improbo, sed & laudò. Atque ipsi Galenici falsos humores talium morborum causas esse, diffiteri non possunt. Sed quid egregii præ aliis hic præstiterit, non video. Cum enim & causis & curatione morbi tales plurimum differant, atque alia procul dubio falsi vel falsi humoris species sit in cancro, quam in scabie, serpigne: illas omnes explicare debuisset; quo labore procul

dubio gratiam non solum apud Chymicos, sed & Galenicos inivisset. Neque enim ipsi assentiri possumus, *pag. 117.* scribenti, omnem cutis desædationem, ut lepram, lues Gallicam, alopeciam, serpiginem, nec non alia similia, pustulas, pruritus, impetigines, unico tantum medicamento sanari satis exactè posse, cum omnium causa sit unica: licet signa juxta loci affecti partem & dispositionem varia conspiciantur, & dolores acerbiores ad salinorum spirituùm majorem & minorem effervescentiam erumpant. Etenim morborum ex humoribus falsis ortorùm magna est differentia, differuntque lues Gallica, scorbutus, cancer, anthrax, non solum secundum partem affectam, & majorem vel minorem spirituum salinorum effervescentiam, vel secundum salium species: id quod Chymici saniores concedunt, & propterea diversis morbis è diversis salium speciebus ortis diversa remedia adhibent: Id quod ipse quoque Paracelsus, in *Chirurgia*, fecit. Neque persuaderi possum, ut credam, Scheunemannum unico ex sale remedio lepram, lues veneream, cancerum, serpiginem, scorbutum, atque omnia corrodentia ulcera curasse, ad quæ Paracelsus ipse diversissima remedia tradit.

Deinde non pauca à vero aliena admiscet. Primo enim mira philosophandi ratio est, cum scribit, salis reverberati esse, corpus porosum reddere & granulatum aliis principis annecti, ne omnino corpus ple-

num & solidum esset. Eundem saltem pellucidum corpus reddere scribit; sed ubi tale sit, nisi in oculis, nescio.

Eundem cum ignem esse dicit, multas ignis species constituit. Supra enim, pag. 16. Mercurium pneumosum ignem naturæ esse dixit: & pag. 17. Mercurium præcipitatum, ignem externum calore vincere scribit. Ne quid jam de sulphure dicam.

Quomodo etiam ad reverberatum & igneum referre possit verrucas, clavos, callos & similia, non video. Quid enim hic ignei, acris in verrucis, in callis deprehenditur, & quam cognationem hæc cum pruritu, vitiligine, cancro obtinent?

Neque sibi Scheunemannus in morborum causis reddendis constat. Hic à sale reverberato deducit ignem sacrum, phlegmonem, furunculum, carbunculum; p. 56. eosdem morbos à sulphure oriri scribit.

Elegans quoque est derivatio Græci vocabuli anthracis, ab antro; quia interiora quærat.

Verum pœnitet te forsitan, Lector, temporis talibus legendis impendendi: me certe scribendi. Obiter tamen hæc quasi & exempli gratia brevissimè de morborum causis ex Scheunemanno afferre volui, nullo modo cavillandi & calumniandi studio, sed ut monstrarem, quam parum feliciter ad Medicinam reformandam accesserit, quodque liber

iste titulum, quem præ se fert, sustinere non possit. Studiū ad principia Chymicorum mortuos reducendi, quod sæpius jam dixi, non improbo: alio tamen longè modo in origine morborum inquirenda progrediendum. Exempli gratia, sunt salum differentia plures, communis, vitriolatus, nitrosus, aluminosus &c. Hæc procul dubio morbos diversos & diversam curationem, requirentes producant. Atque id ut monstrent, & quidem in specie, à Chymicis expectatur, si rem Medicam juvare, & causa suæ patrocinium aliquod quærere, eamque Galenicis probabiliorem reddere velint.

## CAPUT XVII.

### De Parte Medicinæ Semiotica.

DE signis, ut & aliis rebus plerisque, variè loquitur Paracelsus; sicut hujus generis quædam ex eo collegit Erasius, parte 3. *disput. contra Paracelsum sump. 186.* & modo ipsa signa morborum proponit, modo signæum doctrinam rejicit, quare adversariis reprehendendi animum dedit maximam. Scribit enim, loco *allegato*, Erasius: hoc argumentum esse certissimum, eum pleraque vel insanum, vel ebrium à spiritu tartareo dementatum sic scripsisse, ut quid scriberet, aut diceret ipsemet nesciverit. Nam dum de particularibus quibusdam affectibus loquitur, eorum signa recenset: & in

De signis inconstans. Paracelsus.

12. *apb. s. i.* scribit, quemlibet morbum sua signa habere, è quibus ejus progressus & finis cognoscitur. Alibi tamen signis vel in corpore apparentibus vel ex sermonibus ægri petitis parum tribuit. In Paragrano inquit: *Ægri sermo Medicum non amplius docet, quam si in speculo loquentem eum conspicias, nec tamen audias.* Et alibi jubet, non ad ramos, sed ad radices respiciendum esse. Sicut enim si quis ramos arboris alicujus ob radicem vitium arefactos decutiendo non præcaverit, quin alii item arboris rami arefiant: sic etiam non ad signa & symptomata, sed morbum ipsum respiciendum esse. In quo quidem ipsi duo mode facile assentimur: atq; hoc dudum contra Empiricos Galenus & omnes dogmatici propugnarunt. Si verò dicat, nullo modo ad signa & symptomata respiciendum esse, in eo errat, nec dogmaticorum mentem rectè assequi videtur. Nam signa & symptomata non sui gratia considerantur à Medicis, sed ut in morbum & causarum latentium cognitionem nos deducant. Neque laudandum in Paracelso & ejus asseculis, quod doctrinam signorum tam jejunè tractarunt, cum non minor sit semiotica, quam aliarum Medicinæ partium necessitas & utilitas, & non cogniti morbi nulla sit curatio: & *σοφισμα*; ac morborum latentium cognitio sit sæpè æquè difficilis, ac ipsa curatio. Illud verò vituperandum, quod signa contemnunt, atque ex iis morborum no-

titiam haberi posse, negant. Certe ea, quæ sensibus occurrunt, in eorum, quæ latent, notitiam deducunt, & effectus de suis causis restantur. Et qua ratione, quæso, hominem sanum & ægrum discernere poterunt Paracelsi, nisi lex actionibus læsis, dolore, colore mutato & similibus?

Verum cum in genere de signis vix aliquid artificiosi tradiderit Paracelsus, in specie de signis ejus sententiam videamus.

Pulsus primò quod attinet, cum quidam pulsuum ignorantiam Paracelso objiciant, recentiores contra Paracelsum egregiè de pulsibus sensisse, distinctè & nervosè de iis scripserunt, & exactè pulsus rationem tenuisse scribunt, idq; patere vel ex libro de Pestilentia, *1m6.* ubi hæc Paracelsus: *Pulsus est mensura temperaturæ in corpore secundum proprietatem sex locorum, quæ Planetæ occupant. Duo in pedibus attribuuntur Saturno & Jovi, duo in collo Veneri & Marti, duo in temporibus Lune & Mercurio; Pulsus Solis est in sinistro latere sub corde. Hinc sequitur, si pulsus celerius movetur, quam fieri debebat, pati septem membra principalia, cor, cerebrum, epas, fel, venes, lienem, pulmones, unde & pulsus irriteretur sive ad iram concitetur. Si verò aliquod principale membrum à morbo vincatur, pulsus debiliter movetur, & plerumq; accidit, quando pulsus debiliter movetur, quod ær sive spiritus vitæ eo loci obstructus est.* Paracelsum autem hic non Planetas Macrocosmi, sed

*Paracelsi  
de pulsu  
sententia.*

*Signorum  
necessitas.*

Microcosmi intelligere, iidem moment. Quædam etiam de pulsibus habet, l. 2. de Urinarum iudiciis, quæ eo loci videri possunt; quo loco non solum pulsus tangi vult Paracelsus, sed & infusione aquâ frigidâ vel membrum in aquam frigidam immersione, aut petiæ aquæ, præcipue rosarum, madidâ impositione, imò ipso colore pulsus explorare & dignoscere jubet. Hoc etiam non prætereundum, quod, tom. 2. p. 743. scribit, pulsus manere usque ad mortem, imò aliquando quadrantem horæ post mortem durare.

Verum si nihil melius habuit Paracelsus, quod de pulsibus scriberet, quam quod modò ex lib. de pestilentia fuit propositum, & à recentioribus quibusdam approbatum, nihil nisi ineptias habuit. Quid enim, quæso, ineptius, & quod maiorem ignorantiam humani corporis arguere possit, scribere potuisset, quam fel, renes, epac peculiarem pulsus habere, & pedibus atque aliis membris externis peculiarem pulsus adscribere, pulsuique iram & irritationem tribuere. Nam si originem arteriarum, usumque ac finem pulsus respiciamus, omnis pulsus mutatio proxime à corde fit. Fel vero & renes nullam pulsus mutationem inducere possunt, nisi mediante corde; quod in inflammationibus accidere solet, calore in corde per eas aucto. Inepissimum verò illud, quod dicit, pulsus aliquando quadrantem horæ post mortem durare posse. Quomodo enim

anima amplius in homine non præsentem, actiones animæ obiri possunt?

De urinis verò prolixior est Paracelsus, ut ex libris de urinarum iudiciis videre est. Urinam autem definit, salem ab ingestio nutrimento segregatum, & quiddam trium primorum excrementorum à natura neglectum; nimirum à ventriculo, epate, & renibus urinam provenire, statuens. In quo quidem & quod urinam ad salem refert, eum non vituperamus, & veritati hanc opinionem esse consentaneam, lib. 1. Instit. cap. 9. diximus. Plurimumque salis in urina contineri, tam planum est, ut qui negare id ausit, eum extremè pertinacem, aut rerum naturalium, & præcipue Chymicarum, planè ignarum esse oporteat. Neque enim hic illud vulgare nonnullorum, qui Chymicis se opponunt, effugium ullum locum habet; Salem non rebus inesse, sed adustione fieri. Nam sal urinæ volatilis fit sine omni adustione, & quidem ex ea parte urinæ, quæ primo loco destillat, de quo videantur, Inst. p. 143.

Dividit autem urinam in Urinam exteriorem, cruoris, & permixtam, Urinam exteriorem provenire statuit ex iis, quæ comedimus & bibimus, id est, ex nutrimentis; nec quidquam aliud indicare, quam quod stomachum, epac & renes attinet. Dicit quoque docet Urinam Tartari, & indicare hanc urinam, separationem eam puri ab impuro, quæ

Urina quid Paracelso.

In urina: multum salis.

Urina exteriorior.

quæ



quæ fit in tribus principalibus membris, stomacho, epate & renibus; & salem, mercurium & sulphur in qualibet urina tali cognosci posse. Hypostasim enim salis qualitatem; tincturam sulphuris; fundum mercurium denotare.

Urina cruoris.

Urinam autem cruoris vel internam esse dicit, quæ non è nutrimento oritur, sed è reliquarum omnium partium excrementis confluentibus nascitur, & à mineralibus, quæ tunc in natura, mittitur. Et hæc ut colligatur, jubet, ut homo urinam collecturus nihil comedat nec bibat, aut saltem siccum panem, aut siccam vel assatam carnem, urinam quæ tunc post mediam noctem colligat. Quod si patiens laboret aliquo morbo acuto, & nihil quidem comedat, interim largiter bibat, jubet, ut urinam collecturus tota nocte nihil bibat. *Permissam* esse dicit, quæ ex utraque urina externa & interna permissis constat.

De urina interna quid sentiendum.

Verum distinctio illa urinae in externam & internam seu cruoris non tam magni momenti est, & forsitan ipse Paracelsus eam non magnificat. Refertur enim, in vita Oporini, quod summus descendit ardor in eo fuerit. Et propterea cum Paracelsus contra reliquorum Medicorum placita assereret, hominis temperamentum non nisi ex interna urina, hoc est, si quis per triduum omni cibo ac potu abstinuerit, cognosci posse. Oporinus seipsum triduo inedia maceravit, & exiguum quid in vitro Paracelso afferens ju-

dicium doctoris sui requisivit. At ille ridens, & stultum eum, qui tam facile obtemperasset, vocans, vitrum parieti allisit. Hoc quidem verum est, aliquid humoris serosi cum sanguine ad remotiores partes penetrare, & sic rursum, ut excrementum, nisi per sudorem & cutem expellatur, ad renes repelli & per urinam excerni posse: illud tamen est exiguum, nec ex eo potest sumi multum iudicii, permisceturque cum reliquo sero, quod statim à sanguine in epate elaborato sercitur. Nec est, ut quis sibi persuadeat, si ex sententia Paracelsi aliquis nihil aliquandiu comedat, urinam quæ excipiat, se ita urinam partium privatarum & remotarum spectaturum. Nam primo non omnibus morbis convenit talis inedia. Deinde etsi conveniret: tamen serosum illud, quod per urinam excernitur, potius à renibus & vicinis ramis venæ cavæ, quam à partibus remotioribus, attrahitur. Et cum natura nunquam sit otiosa, si potus nullus aut cibus assumatur, calor in sanguinem agit, eumque adurit, ut urina magis tincta excernatur, quod cuilibet in inedia observare promptissimum est.

In eo verò errat Paracelsus, quod i urinam internam, seu cruoris, quam appellat, non à nutrimento, sed à partium excrementis & à mineralibus, quæ sunt in natura hominum, provenire censet. Nam nulla sunt peculiariter mineralia in nostro corpore, sed ex alimentis, quod est serosum & salsum, & coctioni ineptum,

post absolutam sanguificationem, secernitur. Si vero quid post secundam coctionem non excernitur, & ita sanguini permixtum ad partes remotas pervenit, cum ineptum sit ut corpori assimiletur, à partibus respicitur, & vel per sudores excernitur, vel ad renes regurgitat. Aliud verò & alia de causa cumulatam partes privatæ excrementum tale nullum habent. Neque in parte jam constituta minera sunt, quæ peculiaria excrementa de se emittant.

Differentias urinarum postea plurimas constituit, quibus omnibus recensendis hic tempus terendum non est; qui eas cognoscere cupit, vel ipsum Paracelsum consulat, vel Johannem Rhenanum, qui ex mente Paracelsi hac de re scripsit peculiarem libellum, cui titulus, *Urocritterium Chymiatricum*, in quo miras Paracelsicorum de urinis sententias videre est, quarum paucas recensere libet. In urocritterio Chymiatrico, cap. 1. scribit Rhenanus:

*Puellarum urina habet in fundo adhuc parvam* *Urocritterium*, *que non bene advenientibus cum superiore conigua appareat: at tamen ea hypostasis non est, sed ab illa, quamvis minutissima, distincta, matricivæ propria est, ac mulierem sanam & fecundam indicat, quod in viris non accidit.* Et numero 28.

*Ut verò rectius hypostasies illas oculis suis subicere possis, movenda est mulierum urina. Nota enim parit parvas bullulas, inter duas illas hypostasies, estque infallibile muliebris urinae signum.*

*Menstruo autem deficiente, hypostasis illa parva amplius non cernitur. Et Fides sit penes experientiam. Manus nostræ sunt oculatæ, credunt, quod videat. Cereè innumeris tot seculorum Medicis hæctenus tam oculatis esse non licuit, ut istam parvam hypostasim, quam isti viderunt, (si modo viderunt) videre potuerint. Id quod multi præclari Medici & usu & ætate pollentes confessi sunt, atque inter eos Bernhardus Paternus, in Academia Pataviana senex quondam Practicus, dicere solitus fuit; eos, qui huic prædictioni incumbunt, omnium maxime decipi, nec se in ulla gravida tales unquam urinas, quales quidam Arabes, ex quibus ista pleraque mutuati sunt Paracelsici, describunt, per omnem suam vitam observasse.*

Deinde quod Paracelsici, quorum dogma, cap. 2. numero 7. proponit Rhenanus, tria principia in tribus urinae partibus collocant; sulphur, in parte urinae superiore; salem, in media; mercurium in infima: eo nec sibi, nec vero consentanea loquuntur. Nam cum alias urinae & aliarum rerum colorem à sulphure deducant, colorque non solum in parte superiore, sed tota urinae substantia appareat: cur sulphur solum in urinae parte superiore collocant? & qua de causa hic gravitatem & locum infimum Mercurio attribuunt, cum alias Mercurius ipsis sit planè & maxime volatilis & superiora petat?

Cui etiam persuaderi possit, verum

Urinae  
puellarum  
sec. Paracelsi.

Urina par.  
tes.

Urinae  
partes  
superiores

Urina  
quantitas  
sic. Paracelsi.

verum esse, quod, *ibidem numero 11. & 12.* scribit; *Urinam in decrepitis exaltatē 8. uncias pendere, in senibus 6. ?* Et enim cum non solum cibus & potus aliis majore, aliis minore quantitate assumatur: sed cibus alius humidior, alius siccior sit: Præterea naturarum maxima sit diversitas, alii sicciores, alii humidiores; ut jam de anni tempore, quo per sudorem & habitum corporis plus vel minus digeritur, non dicam: quomodo in omnibus idem urinae pondus esse poterit?

Quæ verò in differentiis recensendis occurrunt, omnia persequi, nimis prolixum, nec operæ pretium foret. Cum enim sine omni ratione proferantur, nemo, cui *regniæ* *πασδείας* notus, nisi probentur, his assentietur. Quædam tantum recensere libet. Rhenanus (nam cum is Paracelsi de urinis dogmata in ordinem redegerit, ex eo ea in primis allegare libet) *cap. 3.* inter, hypostasin & sedimentum distinguit: cum tamen nulla sit inter ista vocabula differentia; nisi quod alterum Græcum, alterum Latinum est.

*Numero 14.* scribit: *In quorum urinis, velut arena consistunt, iis vesica calculo laborat.* Qui aphorismus falsus est; cum idem ex renibus accidere possit. Imò materia talis tartarea, quam appellant, sæpe longo tempore redditur ab iis, qui nec vesicæ nec renum calculo unquam laborarunt.

*Cap. 4. numero. 2.* *Urinam tremulam esse dicit, quæ ascendendo descendendo*

*que fervere seu ebullire cernitur; & opilationem significare.* At qua so, quando viderunt Paracelsi sponte urinam ebullire?

Qui deinde aphorismi à colore desumpti sequuntur aliquot, pleurosque falsos esse deprehendet, qui urinas istas cum morbis conferre voluerit. Ita an dentur tot odorum differentia in urinis, quot & quales *cap. 5.* describuntur, consulatur experientia, & plurima hic à Paracelso conficta deprehenduntur.

*Cap. 6.* nimis magnam licentiam sibi sumunt rerum nomina mutandi Paracelsi, cum urinam Rubinam & nutrimentum partium sanguinis Rubinum appellant, à calore rubicundo: & cū ipse Paracelsus humores à qualitatibus primis, quæ tamen magnæ sunt efficacia, de nomine nolit: cur sanguis à colore saltem Rubinus appellari debeat?

Quæ postea, *cap. 7. & 8.* de urina internæ coloribus ex Paracelsi sententia habentur, pro libitu conficta sunt, nec sensui monstrari, nec rationibus probari possunt, adeoque iis fidem non habemus, donec & istas differentias, ita se habere monstraverint, & causas differentiarum reddiderint; quod nunquam facient. Nam cerebrum dicunt colore esse album. Sed quid hoc ad urinam? Nulla enim urina ex solo cerebro excernitur, sed partium excrementa serosa in urina confunduntur. Et cum urina internam non nisi post inedia excipi velint; at in inedia ab actione caloris diuturna urina

Urinarum  
colores sic.  
Paracelsi.

Urina coloris  
fœcæ  
partes.

Hypostasis  
& sedimen-  
tum an  
differant.

Arena in  
urina quid  
inducit,

Urina tre-  
mula,

semper magis tingatur: cui persuadebunt, colorem cerebri album in urina apparere posse? Verum quidem est, partem quamlibet ali nutrimento sibi conveniente, aut potius sanguinem sibi assimilare, & propterea serum quoque naturæ partis assimilari quodammodo. Sit etiam, ut ex singulis partibus aliquid ad vesicam regurgitet, & cum urina excernatur: veruntamen cum omnes partes hoc faciant, serum illud commiscetur, & propterea in urina, quam vocant, interna unius partis serum seorsim conspiciendum non exhibetur; sed quicquid ab omnibus partibus ad renes pervenit, confunditur.

Contenta  
urina sec.  
Paracelsi.

Cap. 9. numero 2. contentum in urina dicitur id omne, quod in superficie urinae cernitur: quasi in medio etiam & fundo non dentur contenta. Si quoque explicare deberent, quid sit circulus in urina, & unde ortum habeat, non tam liberales essent in prædictionibus ex circuli differentis, quæ, cap. 9. proponuntur à Rhenano. Similiter etiam in eodem & sequenti capite pleraque conficta sunt, nec ullo fundamento Physico nituntur; scilicet

Ex urinis  
que prædi-  
cant Para-  
celsci,

ex urina cognosci posse, plegma in syn-  
cipite abundare; sanguinem in capite  
abundantem secundum tempora dolo-  
rem gignere: dolorem in sinistra capitis  
regione ex humore melancholico prove-  
nire: esse paralytin in altero latere: ad-  
esse apoplexiam, tremorem cordis, spa-  
smum, morbum secundum umbilicum,  
dolorem ischiaticum, obstructionem ce-

rebrî: Et vel masculum vel femellam  
conceptam esse; ac, quod ridiculum  
est, in nonnullis gravidarum urinis ima-  
ginem quandam propè matule fundum  
primis temporibus conspectam fuisse. Et  
in summa (his enim verbis suum  
urocriterium concludit Rhenanus):  
quicquid homini prosperum aut adver-  
sum in valetudine accidit, directè quasi  
in speculo, in urina deprehendi posse.  
Quæ cum talia sint (conscientiam  
ipsorum testor) ut nunquam à Pa-  
racelsis experientia comprobata;  
ac circa ægros observata sint, nec  
deprehendi, multò minus rationi-  
bus confirmari possint: mirum cer-  
tè est, ea tam audacter in publicum  
proferri & incauta juventuti proo-  
raculis quasi, nullis rationibus ad-  
hibitis obtrudi. Scilicet in sano nemo  
in amore videt; nimioque Paracelsi  
amore, qui ipsis Magnus Medicorum  
Monarcha est, ita viri alias non vul-  
gares fascinati sunt, ut satis ipsis sit,  
aliquid à Paracelso profectum esse;  
etsi rem ita sese habere, nec ratione  
nec experientia probare possint.  
Quæ eo fine dicuntur, non ut si quid  
peculiare circa urinam Chymici  
observarunt, rejiciatur, sed ut quili-  
bet cautus sit, & non nisi ea, quæ  
observationibus confirmata sunt,  
arripiat.

An primis autem circa turbatas  
urinas, de quibusdam nihiliter mo-  
nuerunt Chymici quidam; sed nec  
soli, nec primi. Etsi enim, ut in Insti-  
tutionibus dictum, Argenterius Joh.  
Baptistam Montanum urinas turbi-  
das inspicientem riserit: tamen ex  
urina

Urina tur-  
bata.

urina turbata multa cognosci possunt, quæ in urina clara nõ animadvertuntur: præcipuè in febribus. Etenim licet urinæ, dum claræ sunt, sæpe similes videantur, imò non raro sanorum urinæ similes apparent: tamen, ubi turbantur, maxima apparet diversitas, & in aliis quid subsidet farinam laterum referens, in aliis aliud: in aliis quid lateribus vitri ita adhærescit, ut vitrum vix mundari queat; in aliis, etsi diu urina in matula servetur, nihil tale accidit. Id quod faciliè cognoscitur, si vitrum paululum ad latùs inclinetur. Ideoque in talibus morbis, epidemiis præcipuè, non incertius ex urinis turbatis, quam claris, iudicium haberi posse, ipsa experientia edoctus existimo.

Urina in  
febris  
maligna,

Chymici quidam in Epidemiis morbis differentiam urinarum non incommodè ad arsenicum, auripigmentum & mercurium referunt; & arsenicum instar calcis vivæ apparere, vitroque adhærere, illudque quasi arrodere: auripigmentum colore ochræ conspici, etiam tenaciter adhærere, sed non ita arrodere vitrum: Mercurium colore quasi cæruleo, in primis circa circulum, conspici, statuunt.

Urina de  
stillatio,

Tandem Paracelsici quidam ex destillatione urinæ de morbis hominis iudicare docent. Nimirum certum urinæ pondus, & competens vas & fornacem destillatoriam, parte sexta longitudini justæ proportionis & mensuræ hominis respondentia sumunt, destillationeq; per

gradus ignis instituunt, atque è vaporibus ad hoc vel illud vasis destillatorii lateris, partemque delatis, & id genus aliis de sede affecta, affectu ipso, affectus eventum & aliis iudicant & pronunciant; sicut ex libro *Gerhardi Dornei de urinarum destillationibus* videre est. Paracelsus tamen vix huius probationis mentionem facit, & destillationem urinarum quidem concedit, sed eam, qua partes urinarum separatur. Nã de *urinis t. 1. p. 745.* scribit, morbos tartareos ex coloribus urinæ cognosci non posse, sed ut morbi causa cognoscatur, urinæ coagulandam, & in suas species separandam esse. Et *ibidem p. 764.* scribit: Sicuti viride, flavum, carneum, nigrum si aquæ misceas, cæruleum agnosci non potest: ita urinæ colores agnosci non possunt, nisi per separationem. Et si aquæ in vitro sal injiciatur, sal agnosci non potest, nisi per ebullitionem; & si dulce, amarum, acidum, misceas, nullum horum exactè cognosci potest; separationem ergo partium necessariam esse censet.

Sed ut quid de his sentiendum sit; breviter dicamus, primò quidem urinæ in gravioribus morbis, si cui eam tentare placeat, destillationem planè nõ improbo. Cum enim urina multum salis & materiæ tartaræ, quam appellant, contineat, si morbi graviores & diuturni inde procreentur, licebit cuilibet urinam destillare, ut quid in se contineat, exactius cognoscatur. Verumque est, quod hic Paracelsus scribit,

Salis, dum aqua diluitur, naturam exactè è colore discerni non posse, sed rectius separatione cognosci. Sanè idem rectè in acidulis & thermis fit, quarum natura, & unde vires suas habent, rectissimè destillatione & separatione Chymica deprehenditur.

Cætera, quæ de certo urinæ pondere, fornacis & vasis magnitudine, proportione, vaporibusq; ad hoc vel illud, latus ascendentibus & similibus, quæ in destillanda urina observare jubent, & hinc de sede affecta, affectu ipso, morbi eventu & aliis pronnciat, ineptiæ sunt. Quid enim fornacis altitudo ad longitudinem hominis & urinæ constitutionem? Cur vasis magnitudo certæ parti justæ staturæ hominis respondere debet? Certè omnes homines non sunt ejusdem staturæ, & proinde hæc proportio non omnibus quadrabit, reliquisque peculiare fornaces & vitra paranda erunt. Quomodo vapores ad hoc vel illud latus delati, de latere affecto judicium dabunt? Quid enim in vitro, rotundo dextrum, vel sinistrum? Et sit vitrum ita formatum, ut homunculum reserat, quomodo urina infusa ita sese ad latera conveniente modo applicare poterit? Certè spiritus mechanicos, si ulli urinæ insunt, hic valde negotiosos, & prudentes oportet esse, ut suum cuiq; locum tribuant. Sed nugæ sunt, similes illis, quando in urina in matula inspectione etiam dextrum & sinistrum constituunt; & hinc de

parte dextra vel sinistra affecta judicant. Fortuitum planè est, & arbitrium, quod in rotundo vitro hæc pars in manu Medici dextrum, illa sinistrum locum occupat. Quis ergo urinam ita diriget, ut postquam & emissionem & gestationem conturbata erat, jam postquam hæc vitri pars in Medici manu dextrum, illa sinistrum locum habet; ita decenter in urina omnes partes sibi convenientia loca occupent, ut quæ urinæ pars ex dextris corporis partibus emissa est, jam ad dextram matula partem moveatur, ibiq; sedem figat, quæ verò ex sinistro latere fuit emissa, sinistrum locum teneat?

Potro & in locis ac temporibus morborum cognoscendis longè aliter, quàm Galenus, sentit Severinus, cap. 13. Principiò per locum affectum non locum posteriorem & ultimum, quales in podagra, hydrope, cancro, paralyti, herpere, notisunt, intelligit, fructum scilicet, ut loquitur, diversorium, sed fontem, fomitem, radicem, & seminum hospitia. Neque enim ex actione læsa locum affectum vult investigari: Galenumque reprehendit, quod ex actione animali læsa in Epilepsia locum affectum cerebrum esse colligit; cum æquè cordis actiones lædantur. Ideoque fontes quærendos esse censet, unde veniant impressiones, symptomata, actionum depravationes, non quò vadant, vel ubi sensibus se patefaciant.

Si verò quærat jam, cujus ope & ductu radices sive fontes ac fomes

De locis morborum Severini opinio.

Seminum ac fomes

mites.

*morbi co-  
gnitio sc.  
Severin.*

mites in morbis, occultæque semi-  
num latebræ investigari, possint, Se-  
verinus ad macrocosmi-cum mi-  
crocosmo. comparationem recur-  
rit. Cum enim corporum omnium  
motus stabiles sint, & consentanea  
consentaneis, domestica domesti-  
cis sese naturali desiderio applicent,  
spiritibus ex majore mundo, qui in-  
dem proprietatibus insigniti sint  
& domesticas signaturas obtineant,  
quasi ductoribus, utendum esse, &  
ut locus fomitis morbi inveniatur,  
ex effectibus medicamentorum in-  
quirendum. Si enim vegetabilia  
& mitiora medicamenta sufficiant,  
argumento esse, radices fovent in  
partibus, quarum elementa & prin-  
cipia debilia sint, ut in ventriculo,  
intestinis, mesenterio, vel superfi-  
cialiter in partibus potentioribus,  
ut renibus, sanguine, receptas esse.  
Si verò talia medicamenta invalida  
suerint, indicio esse, in partibus fo-  
veri, quarum Elementa & principia  
validiora sint; vel si debiliores oc-  
cupaverint, radices profundius po-  
suisset, & longâ circulationis dige-  
stione feminum suorum tincturas  
ad exaltationem produxisse: itaque  
subtilioribus esse medicamen-  
tis è mineralium familia petitis.

Deiude ex symptomatum vehe-  
mentia & remissione signa sumit.  
Symptomata eum vehementissi-  
ma testari dicit, morborum mine-  
ras in partibus delitescere, quarum  
elementa & principia validissima  
sint, nisi astorum potentes impres-  
siones sequantur, ut in venenis.

Diuturnitate autem, recidivorum  
frequentia, & evidentium causa-  
rum animadversione hæc distin-  
gui.

Verum enim verò ludit Severi-  
nus in vocabulo loci affecti; nec  
morbum & causam; & proinde lo-  
cum morbi & causâ discernit, ne-  
que inter parte in per se, & per con-  
sentam affectam distinguit: atque  
injustè reprehendit Galenum lo-  
cum affectum in Epilepsia cere-  
brum statuentem.

Revera enim nemo epilepsia cor-  
ripitur, nisi cerebrum afficiatur; &  
proxima epilepsia causâ semper est  
in cerebro. Cum enim in universo  
corpore motus & sensus cerebri  
beneficio, spiritum animale sup-  
peditante, perficiantur, nervique  
à cerebro originem habeant: rectè  
concluserunt Medici, motum &  
sensum partium omnium simul læ-  
di non posse, nisi cerebro simul af-  
fecto. Et cum in epilepsia hoc fiat,  
cerebrum in eâ lædatur. In-  
terim Galeus tam stupidus non  
fuit, ut ignoraverit, causam, quæ  
cerebrum vellicat & epilepsiam ex-  
citât, non semper in cerebro gene-  
rari: imò expressè docuit, & post  
eum Medici omnes, ab utero, ven-  
triculo & externis quoque ac remo-  
tis corporis partibus, illam non ra-  
rò suppeditari. Id quod & in aliis  
morbis frequentissimè evenit. Neq;  
enim materia, quæ arthritidem, vel  
erysipelas producit, semper in pede  
generatur, sed plerunque è ventre  
inferiore transmittitur. Hanc morbi

*Locus mor-  
bi & causa  
differunt.*

*In epilepsia  
quæ pars  
afficiatur.*

radicem, fontem seu fomitem investigandum esse, sciunt, & dudum docuerunt Galenici; utpote sine cujus noticia nullus morbus rectè curari possit. Quomodo autem fomes & pars illa, quæ morbo materiam suppeditet, cognosci possit, hoc difficilimum. Quæ in re si quid novi, quod Galenicis hæctenus incognitum fuerit, attulisset Severinus cum affectis, meritò gratamente id Galenicis amplectarentur. Verum promissis facta non respondet. Nam fallax, imò periculosum, remedium solum, ut internunciis, ad hanc rem uti.

*Locis affecti  
signa.*

Habent quidem & Galenici inter signorum fontes juvenantia & lædencia, & quæ morbum augere videntur, argumento sunt, convenientiam morbum habere cum remorbum augente: Si aliquid juvat, contrariam morbo naturam habebit. Fons tamen hic signorum potius causas & morbos respicit, quam locum affectum; neque uni huic signo fidunt Galenici: Sed alia longè evidentiora habent. Atque temeritatis speciem habere videtur, per medicamenta periclitando locum affectum indagare velle; cum alia signa satis clara suppetant, quæ nos in locorum affectorum noticiam deducere possunt.

Deinde in partibus, quas illi appellant, debilioribus, ut ventriculo, intestinis, mesenterio, non semper morbi leviores, & qui levioribus cedant medicamentis, in hærent; in nobilioribus verò morbi validio-

res: sed contrarium potius verum est, partesque nobiliores non ita facile permittunt, ut causæ morbificæ radices in illis altius agant, sed ad partes debiliores natura humores excrementitios solet expellere; quæ etiam propter facultatem expultricem debiliozem eos facilius admittunt, unde morbi maximè diuturni, & qui non nisi fortioribus remediis cedunt, solent ex humoribus in mesenterio & vicinis locis cumulari generari.

Præterea incertus est hic modus morborum semina investigandi. Nam remedium forte æquè monstrat, ex eorum opinione, morbum in parte nobili & ignobili consistere; cum morbum in parte ignobili altius infixum potens remedium inquirere dicant. Et cum utraque partes plures sint, in quam parte debili vel parte potenti hæreat mali fons, non patefacient. Sæpe ægri relatio, quam tamen negligit Paracelsus, rectius nos in loci affecti noticiam deducit, quàm hi internuncii. Exempli loco, fit epilepsia per consensum ex crure, in qua ex relatione ægri Medicus de loco causæ rectissimè erudiri potest: Ut verò medicamentorum internunciis, quod vult Severinus, id cognoscatur, impossibile est. Aut si Paracelsistis non impossibile videtur, facto ipso, non verbis saltem & promissis demonstrari oportet. Interim donec id præsent, antiquam investigandi locos affectos viam retineamus, neq; Chymicorum



cerum quorundam recentiorum temeritate imitemur, qui de loco affecto nihil solliciti scribunt; medicamenta habere scientiam inveniendi morbum in centro per se, etiam si Medicus ignoret, ubi & quis hæreat in corpore morbus.

De temporibus morborum Severini opinio.

Tempora autem & periodos morborum non à numeris, non ab hominum peculiari natura, non à motu lunæ, non ab excrementorum certis confluentibus facultatisque exulticis motu certo provenire statuit: sed ex seminibus & astris morborum. Ut enim vegetabilia certis temporibus florent, germinant & fructus producant; animalia certa partus tempora habent: ita & semina morborum certis temporibus germinare & fructus suos producere; & quidem alia aliis temporibus. Morbos hæreditarios, ut epilepsiam, podagram, lepram & similes longa habere digestionum tempora; quædam semina septimo anno ad efflorescentias pervenire, quædam decimo quarto, alia vigesimo sexto, alia trigésimo: qui verò morbi in alimentis semina habent, ea citius sua tempora absolvent. Locorum quoque diversitates tempora variare. Citius enim efferverescere, quæ in ventriculo sunt, morborum semina, quam quæ in hepate & renibus: servata tamen seminum analogia. Citius enim febriha semina in renibus ad germinationem provenire: quam colicæ in intestinis vel ventriculo.

Periodorum in febribus.

Cur autem præcipue in febribus,

neglecto regionum, ætatum, fluxuum, alimentorum, consuetudinem discriminae, circuitus ita constantes sint, causam hanc reddit: quod scilicet seminum copia, nascendi facilitas, & locorum oportunitas in febribus intermittentibus concurrant. Semina enim & impuritates febriles in omnibus alimentis copiosissimè, in omnibus regionibus inveniri, deinde in omnibus, in omni sexu & ætate errores in diæta committi.

causa sec. Severini.

Continuitatem & intermissionem morborum ex radicibus homogeneis & heterogeneis deducit. Si radices morborum sint homogeneæ, continuos morbos produci statuit; radices verò heterogeneas resolutiones interruptas producere. Ubi enim radices sunt homogeneæ, ibi etiam fructus omnes æquè maturescere: ubi verò radices sunt diversæ, ibi etiam fructus alios maturitati esse viciniore, alios remotiores; atque inde accidere, ut hodie partes maturæ efflorescant, cras alia, tertio die rursum alia.

Galenumque hic reprehendit Severinus, quod dispositionem partium morbosam, id est, radices, semina, elementa, tincturas, potestates, astram morborum neglexerit, & facultatibus morborum gubernationem adscripserit. Silere enim in morbis naturæ ministeria, & à morborum seminibus omnia gubernari: neque expultrici facultati partium, neque excrementorum collectionibus vel transmissionibus

Continuitatis & intermissionis ratio sec. Severini.

circuitus morborum adscribendos esse.

Verum enim verò ut breviter de his aliquid dicamus, etsi verum sit, coctiones & excretiones certis temporum spariis absolvi: interim negandum non est, inferiora hæc à superioribus causis regi; quod præcipuè in motu Lunæ vel rusticis notissimum. Et cum tot secundum ætatem, temperiemque sint corporum differentie, qui sit, quod ab eodem cæli influxu & motu omnes homines æquè afficiuntur?

Morborum  
heredita-  
riorum  
causæ.

Illud verò falsum, quod hereditarios morbos, ut epilepsiam, podagram & similes, è suis feminibus, instar plantarum, pullulare scribit Severinus, quæ sua digestionum, habent spatia, suoque tandem tempore suos proferant fructus, alii scilicet septimo, alii decimo, alii decimo quarto, alii trigésimo anno. Alia enim est longè morborum horum, ut & supra dictum, causa, dispositio nimirum vitiosa in partibus. Quod verò non eodem tempore hereditarii morbi omnes invadunt, sed alii in pueritia, alii in juventute, alii virilitate: ratio est, quod causa morbum producens non in omnibus ætatibus æquè facile generatur & cumulat. Epilepsia primæ ætatis familiarior est, & ætatis progressu sæpe sponte cessat, ut est, s. Aphor. 6. Ergo si quis à parentibus ad hunc morbum dispositionem habet, eam incurrit ea ætate, quæ alias huic morbo aprior est. Podagra infantes rarissimè labo-

rant, cum ea ætate materia, quæ podagram excitat, non ita suppetat: plerumque verò circa trigésimum annum invadit. Ergo & hæreditaria podagra sese maximè exferit ea ætate, quæ causas hujus morbi cumulare solet.

Planè verò contra experientiam pugnat Severinus, ut cuius quotidie circa ægros observare licet, dum continuitatem morbotum ex radicibus homogeneis; intermissionè ex radicibus heterogeneis deducit. Si enim ægrorum natura, humoresque, qui peccant & evacuantur, considerentur: facile animadvertimus, etiam ab humoribus mistis oriri febres continuas: & sunt febres continuæ ex humoribus mistis tam frequentes, quam quod frequentissimum. Contra dantur intermittentes tertianæ & quartanæ, ubi in paroxysmis multis nulla in humoribus mutatio apparet, sed qui humor paroxysmum primum excitavit, ejusdem nature est cum eo, qui secundum vel tertium vel quartum excitat. Continuitatis & intermissionis longè alia causa est, ut de febribus dictum.

Verum in tot absurdas opiniones Severinum conjecit sententia illa, quæ putat, morbos non aliter oriri, quam fructus in arboribus generantur.

Valde in eo quoque errat, quod facultati naturali morborum gubernationem adscribendam, & expultrici facultati morbi circuitus attribuendos esse, planè negat; sed

Continuitatis & intermissionis in morbis causa.

An naturalis facultas in morbis cessat.

sed

sedum à morborum seminibus omnia gubernari docet. Habet quidem passim multa absurda Severinus, sed absurdissimum longè hoc est, naturæ gubernationem corporis in morbis planè adinire: atque ex hoc uno iudicium formare debebant illi, qui Severini dogmata omnia tantum non pro oraculis habent, & quasi phetaci decantant. Sibi autem & experientia contraria scribit hæc de re Severinus. Nam pag. 153. hæc habet: *ea est propria facultas omnium vitalium elementorum, ut in suis regionibus nihil alieni ac distantanei ferre possint, sed omnia collectis viribus à se expellant.* Et rectè. Nam natura suo munere non solum fungitur sanitatis tempore, sed & morbi, atque ipsam esse morborum medicatricem, rectissimè scripsit Hippocrates, quæ ἀκαθάρτου ἐστὶν οὐκ ἐκβάου τὰ δεινὰ νοσή. Id quod non de medicamentorum natura, ut nonnulli Chymici mentem Hippocratis depravare conantur, sed corporis natura est intelligendum; ut textum inspicienti cuilibet videre est. Actum nimirum cum iis ægris, in quibus naturæ ministeria silent; & à morbis omnia gubernantur. Quamdiu verò natura sese morbo, ut hosti, opponit; nondum de ægri vita desperandum. Et naturæ beneficio omnes crises accidunt, quas medicamenti velle attribuerè, fatuum est. Quæ enim corpus formavit natura, auxit, nutrit, gubernat & quotidie excrementa expellit, eademne tempore

morbi oriosa erit? Et cum multæ crises ac morborum solutiones fiunt nullis adhibitis medicamentis, quæ, quæso, vi illa administrantur? non certè medicamentorum, quæ nulla adhibita fuerunt; neque morborum, vel caussarum morbificarum, quæ seipsas non expellunt. Ergo reliquum est, ut quod hæcenus omnium seculorum Philosophi & Medici constanter asseverarunt, adhuc cum Hippocrate, ὅτι οὐκ ὄντας ἰν' ἐμῶ, naturam morborum medicatricem dicamus.

Tandem in prognosticis non constat sibi Paracelsus. Paramiri enim lib. 1. de orig. morb. ex pr. tribz substanz. cap. 8. omnes morbos, nullo excepto, etiam à nativitate contractos, ut siccitatem & paralytin à nativitate, curabiles esse dicit. Si enim venenum est in natura, etiam veneni remedium adesse dicit. & qui hostes condidit, eum etiam iisdem adversarios condidisse, nullamque morborum esse; qui hominè jugulare queat, existimat. Alibi verò Paracelsus quosdam morbos incurabiles esse concedit; lepram incurabilem describit lib. 6. Par. in fine, & in scholiis ad l. 2. cap. 3. de urinis, morbi incurabilis signa tradit.

Ergo hic præcipuè illa quæstio discutienda est; An omnes morbi sint curabiles. Etsi verò Paracelsus hæc in re, ut in aliis plurimis sibi non constare modò dictum sit, ac plura ejus rei testimonia collegerit. Erastus, part. 3. disp. contr. Paracelsi.

Prognosticæ.

An omnes morbi curabiles.

p. 208. tamen quia recentiores quosdam Paracelsicos deteriolem sententiam Paracelsi partem sequi, & omnes morbos curabiles esse statuere video, quid hac de sententiam sit, inquirendum. Primò autem mirum est, Paracelsicos non solum mori, sed morte præmatura mori: cum tam acriter defendant, omnes morbos esse curabiles. In seipsis enim hujus dogmatis specimen exhibere debebant. Verùm plurimi ex iis, & inter eos ipse Paracelsus, moriuntur morte præmatura. Si *μαρτύριον* senili extinguerentur, res adhuc salva esset: cum nulli hominum mortem effugere datum sit: sed cum morte præmatura extincti sint, morbo aliquo mortui sint, necesse: & quos curabiles esse dicunt, morbos curare non potuerunt. Quæ etiam de Paracelso & ejus admirandis curationibus nimis gloriose prædicantur, repetere hic nolo. Vulgus regitur opinionibus, & gloriofis pollicitationibus temerè fidem adhibet: sed non vir doctus. Is illum potius imitatur, qui cum in sacello vidisset multas tabulas suspensas ab iis, qui in navi periclitantes vota fecerant: *Si, inquit, ii, qui perierunt, & frustra vota fecerunt, tabulas suspendissent, multò major numerus esset.*

Deinde quod inter morbos curabiles referunt lepram, epilepsiam, hydropem, arthritidem, morbosque hos simpliciter Galenicis incurabiles esse, à Chymicis verò curari affirmant, multis modis errant. Nam

primò lepra, epilepsia, hydrops, arthritidis, & si qui alii tales morbi, nec semper incurabiles sunt, nec semper curabiles: qua de re in horum morborum tractatione passim apud praticos prognostica consulantur. Distinguendum nimirum est inter morbos per se incurabiles & inter morbos per accidens incurabiles. Per se incurabiles morbi sunt, quorum natura talis, ut nulla arte & humana operatione sanari possint, in quocunque sint ægro, & quorum curatorum exemplum nullum unquam compertum. Per accidens verò incurabiles sunt, quorum remedia dantur, quique natura sua curabiles sunt, & in aliis quibus ægris curantur; ut tamen in hoc vel illo ægro non curètur, quædam accidunt, quæ curam impossibilem reddunt. Malè ergo ad morbos simpliciter & per se incurabiles refertur epilepsia, hydrops, arthritidis. Imò ipsi Chymici pro incurabilibus simpliciter non habent, sed Galenicis tantum incurabiles esse, à Chymicis curari posse dicunt. Verum & hoc falsum. Nam Galenus, *in præfat. lib. 11. de medicament. simpl. facultat.* historias aliquot elephantiorum recenset, qui usu viperarum & theriacæ sanati sunt. Hydropes & epilepsia, ut & arthritides, Dei beneficio, à Galenicis quoque curatæ sunt, ut, testatur Erasius *parte 4. disp. contra Paracelsum.* Plures tales historias collegit Johan. Schenckius, *lib. 1. obs. 227. 230. 232. 233. lib. 3. sect. post. obs. 249. 250. lib. 5. observ. 136. 139. 155. 156. lib. 6. observat. 194. 195. 198.*

Morbi incurabiles per se.

Per accidens.

Morbi curabiles & incurabiles.

& nunc etiam talia observare licet.

Quæ quidem curationes solum Galenicis medicamentis peractæ fuerunt. Interim non negamus, Chymicorum medicamentorum in talibus difficilibus morbis tollendis efficaciam esse longè maximam. Sicut Petrus Palmarius, de lapide Philo. dogmaticor. proponit historiam mulieris leprosæ per antimonium & aurum à se curatæ. Omnem verò lepram, epilepsiam, hydropem & arthritidem curare, æquè impossibile Chymicis, quàm Galenicis; & tam impossibile ipsis est, quàm non in ipsorum potestate est, mortuos resuscitare. Neque enim datur à privatione ad habitum regressus, & ubi in parte aliqua omnis naturalis *Ag. Jeon.* officium suum præstandi ita ablata est, ut ea restitui non possit. morbus, qui inde pender, nullo humano auxilio sanari potest; sicut senex in statum juvenilem reduci non valet. Verbigraria, si hepatis naturalis constitutio ad sanguificationem ita ablata sit, ut de restituenda nulla spes sit: frustra in hydrope, qui inde oritur, curando laboratur: & talis curati à se hydropis specimen nullus unquam Chymicus edidit. Et licet de multis multa gloriosè prædicent: tamen verum est, quod Johannes Paludanus de Severino scribit; *fama factis plerumque superior est.* Imò ipse Severinus, *cap. 14. pag. 349.* idem fateri necesse habet, dum absolutos hydropes, per-

fectas lepras, confirmatas podagras & epilepsias universali saltem Medicinæ subjici scribit. Verùm parum adhuc præstiterunt universali Medicina Chymici, ut & ipse Severinus scribit, *pag. 343. Optanda quidem esset universalis curandi ratio, sed paucis concessa.* Imò an speranda sit, capite sequenti dicetur. Si verò hepatis vis adhuc salva sit, aut restitui possit naturalis ejus dispositio, de hydropici vita nondum desperandum, talesque non solum Chymicis, sed & vulgaribus medicamentis à Dogmaticis curati fuerunt & adhuc curantur.

Rationes verò, quibus recentiores quidam probare conantur, omnes morbos esse curabiles, nullius plane ponderis sunt. Si, enim, inquirunt, quidam morbi essent incurabiles, tales essent vel causa naturæ, vel auctoris naturæ. Non naturæ, quæ sibi conservationem vult, & omnia cum ad salutem, tum ad voluptatem hominum necessaria producit. Non Dei. Si enim Deus medicamenta contra omnes morbos non condidisset, fecisset id velex invidia vel impotentia. Non illud. Si enim Deus ita amavit genus humanum, ut etiam ad æternam mortem evitendam remedium concesserit, etiam remedia contra morbos concessit. Omnipotentia verò divinæ derogare velle, nefas est. Deinde dicunt, exempla morborum pro incurabilibus habitorem idem testari, talesque morbos curavisse Arnoldum

goldom de Villa nova, Ruilandum  
seniorem & alios.

Verum enim verò est in rerum  
natura omnia, quæ ad necessitatem  
& voluptatem homini necessaria  
sunt, existent, & DEUS potuisset  
medicamenta contra omnes mor-  
bos creare, sicut notum, à Salva-  
tore multos incurabiles morbos, cu-  
ratos fuisse, imò mortuos excita-  
tos: tamen non sequitur, quòd sit  
invidus, si hoc non fecit. Neque  
nulla est consequentia, si ad mortem  
æternam seu secundam, ut appel-  
latur *Apocalyps. cap. 20. v. 6.* Deus re-  
medium dedit, quòd etiam ad mor-  
bos, adeoque mortem primam seu  
corporis (nam hoc sequitur) reme-  
dium concesserit. Pœna peccati  
morbi & mors sunt, & nisi primi  
homines peccassent, ita conditi-  
erant, ut neque morbos neque mor-  
tem experiri essent: Postquam ve-  
rò peccarunt, meriti sunt non so-  
lum morbos, verum etiam primam  
ac secundam, seu corporis & ani-  
mæ, mortem. Est ergo DEUS pro  
immenso sua misericordia remediū  
adversus æternam mortem homini  
dedit: non tamen invidus, sed  
justus est, quod contra mortem pri-  
mam & omnes morbos remedium  
non concessit. Neque si æternam  
DEUS pœnam remisit, etiam ne-  
cessario temporales remittit, ut  
in Davide, *2. Samuel. cap. 2. v. 13. Et  
2. Samuel. cap. 24. v. 12.* & aliis vide-  
re est. Nimirum ex voluntate Dei  
de omnipotentis & misericordis  
ejus actibus judicandum est. Verum

qui plura hac de re cognoscere cu-  
pit, legat librum Brunonis Seidelii,  
*de morbis incurabilibus.*

## CAPUT XVIII.

### De Medicamentis & Me- thodo medendi.

DE Diætetica Medicinæ par-  
te multa hic dicere non licet. Diæteta  
neglexit  
Paracelsus.  
Diætam enim non magnificisse &  
ad morborum curationem non ad-  
eò necessariam existimasse Paracel-  
sum, in *comment. aph. 5. sect. 1.* patet.  
Neque hoc solum docuit, sed & in  
praxi observavit. Nulla enim ra-  
tione victus præscripta aut obser-  
vata eum suos ægros curasse, & cum  
patientibus suis dies & noctes po-  
tando ita eos pleno, ut solebat di-  
cere, ventre curasse referunt.

Malè tamen hoc factum à Para-  
celso, diætæque observationem ad  
morbos curandos necessariam esse,  
omnes hæcenus Medici, & non  
immeritò statuerunt: Et qui hac in  
re negligentiores sunt, quid diætæ  
neglectus possit, magno suo malo  
experiantur. Ut de aliis morbis  
jam non dicam, sed febrium sal-  
tem mentionem faciam: quot fe-  
bres natura sua curabiles, & citò  
curabiles, diuturnæ aut planè incur-  
rabiles redduntur, si ægri vel ni-  
mio cibo utuntur, vel tempore ac-  
cessionis cibū capiant, aut potū vel  
cibū morbo non cōvenientē sumant.

Quot.

Quot ægri cibo liberius vel minus conveniente utentes recidivas patiuntur? Imò in pluribus morbis bona victus ratio dimidia curationis pars est; sine qua medicamenta omnia frustra adhibentur. Id quod in arthriticis notissimum. Sed in re manifesta immorandum non est; ideoque ad materiam medicam & methodum medendi accedimus.

An detur  
Universalis  
Medicina.

Ubi mox in principio occurrit quæstio de universali Medicina, quam mirè laudant Chymici. Hac enim, ut Robertus Vallensis, *de veritate & antiquitate Chymie*, scribit, homo ad præfinitum à Deo vitæ terminum à morbis tutus & integer conservari potest. Hæc, ut Arnoldus de Villa nova, in *Rosario cap. 31. de lapide Philosophorum*, scribit, *habet virtutem & vim super omnes alias medicinas omnem sanandi infirmitatem, tam in calidæ, quam in frigidis aegritudinibus, eò quod est occulta & subtilis nature. Conservat sanitatem, roborat virtutem, & ex se se facit juvenem, & omnem expellit aegritudinem: venenum declinat à corde, arterias humectat, contenta in pulmone dissolvit, & ulcerata consolidat, sanguinem mundificat, contenta in spiribus purgat, eosque mundos conservat: & si aegritudo fuerit unius mensis, sanat una die; si unius anni, duodecim diebus; si verò fuerit aliqua ex longo tempore, sanat uno mense.*

Universalis  
Medicina  
quid.

Ne autem ambiguitate hic laboremus, aut Chymicis aliquid affingamus, (id quod à nonnullis hic fieri, non diffitemur.) Primò notan-

dum; Saniores ex his, qui Medicinam universalem defendunt (per Medicinam autem medicamentum intelligunt) non id sentire, quòd detur tale aliquod medicamentum universale, quod omnes omnino morbos, partium similarium & organicarum, in excessu, in defectu, in conformatione, curare possit. Fatenur enim ultrò, vulnera, fracturas, luxationes, hernias & similia, quæ manum Chirurgi requirunt, hic non intellegi. Neque tam inepti sunt, ut statuant, universali, quam prædicant, Medicina os luxatum aut fractum suo loco reponi posse, sed Chirurgi operà id præstandum esse, agnoscunt. Imò, præter hos, excipiunt calculos nimirum induratos & coagulatos, morbos hæditarios, hecticos, inveteratos, in numero deficiente, caneros confirmatos, sphæcelos, & quæ ad solutiones continui pertinent, rupturas & vulnera in visceribus principalibus & vasis majoribus. Est enim solius divinæ potentie omnes morbos sanare, non verò humanæ opis. Sed eos morbos universali medicinâ curari posse statuunt, qui ab internis humorum vitis oriuntur, seu, ut ipsi loquuntur, qui ab interna radice pullulant, atque ortum habent.

Atque ita medicina universalis ipsis nihil est aliud, quam medicamentum *παναγοισιον*: sicut Panacea nomen jam ab antiquis medicamentis quibusdã, non quicquid ad omnes,

sed ad plures morbos utilibus, inditum fuit.

Principiò autem, priusquam ad Chymicorum de medicina universalis sententias accedamus, hoc monendum videtur: Non paucos quidem hac de re multa gloriosè prædicare; paucissimos verò, imò forsitan nullos eam explicasse. Quod siignoràtia fecerunt, non est, quod Galenicis hic se præferant; Agnoscunt enim & ipsi medicinæ hujus, si daretur, præstantiam, & quanto medicinæ cultores sublevari possent labore, qui in loco affecto investigando, medicamento morbis, loco affecto, sexui, ætati, temporiconveniente ordinando, aliisque in methodo medendi observandis Medico subeundus est; si uno medicamento omnes morbi curari possent. Siquidem sufficeret, scire saltem, hominem ægrum esse: de aliis securo liceret esse Medico. Nec opus esset, tot labores, in omnium partium artificiosa sectione earumque constitutione & usu investigando insumere; tot mineralia & metalla, tot plantas & animalia, è quibus componuntur medicamenta, cognoscere; in morborum, causarumque morbificarum differentiis, locisque affectis cognoscendis impendere. Indicationum quoque, ut ipse Severinus, *cap. 14.* scribit, pluralitates, particularitates, ordines locum, non haberent, si uno eodemque medicamento omnium morbosarum radicù resolutiones, cõsumptiones, regenerationes & corroboraciones

absolverentur: nihilque in hac vita, post sacrosanctum Dei verbum, quò æterna salus proponitur, hoc universalis medicinæ thesauro pretiosius haberetur.

Verùm optandù potius hoc medicamentum, quam sperandum, ne hæctenus inventus quisquam, qui omnes sanaverit, aut ea, quæ Chymici suo lapidi Philosophico in curandis morbis attribuerunt, præstiterit. In metallorum quidem *μεταλλοφωσφ* quidam specimina, etiam nostro seculo, ediderunt, ut ea de re amplius dubitandum non sit: In curandis autem morbis quid præstiterint, non ita planum, & fide dignis testimoniis nondum probatù. Bernhardus quidè aliqua de se prædicat. Feruntur & quædã de Arnoldo de Villa nova, & alii etiam multa prædicant. Verùm fides sit penes autores: cum nostro vel superiore seculo nihil tale factum legamus. Nam Paracelsum quod attinet, de eo suprã dictum, & mox dicetur. Ex auro ut & aliis metallis, & mineralibus egregia medicamenta parari posse, negandum non est: quod autem ullum detur medicamentum, si vel lapidis Philosophici, si vel alio nomine veniat, quod ea omnia præstare valeat, quæ de lapide Philosophico prædicant, re ipsa demonstrandum. Non verbis, sed factis opus est. Non prius ergo iis fidem habemus, quàm hæc sua ingentia promissa factis expleverint, aut aliquem, qui omnes morbos sanaverit, produxerint.

Neque

*Medicina  
universalis  
præstantia.*



Neque sequitur, si metalla ignobiliora possunt mutari in nobiliora, quod idem illud, per quod metalla transmutantur, quod lapidem Philosophicum vulgò nominant, etiam corpus humanum ab omni morbo liberare, & universalis Medicinæ loco esse possit. Et inprimis in seipsis aliquod egregium specimen edere debebant. Verum tantum abest, ut Paracelsus & alii, qui de lapide Philosophico gloriati sunt, longioris vitæ fuerint, ut etiâ immatura morte obierint. Nam ut supra quoque dictum, ineptum est, quod nonnulli longæviorum futurum dicunt Paracelsum, nisi veneno interemptus fuisset. Siquidem, si contra omnes morbos Medicina universalis valer, etiam omnibus venenis adversa erit, & nisi hoc præstet, non erit universalis Medicina.

Referunt quidem de Joh. Montano, Chymico illo Silesio, ob inventionem terræ sigillatæ Strigenfis celebri, quod ejus capilli capitis & barbæ cani extrema senectute in nigros rursus fuerint mutati: verum id medicamenti Chymicis ascribendum non esse existimat Johannes Francus, Senior, in *Epistolis Chymicis*. Fuit vir iste, inquit Francus, mihi non ignotus, ut existimo. 60. annorum, viribus non adeo firmis, quem alii vegetiores ætate superarunt, qui medicamenta Chymica nunquam degustarant. Legimus quendam Johannem de Temporibus, Caroli Magni Imperatoris armigerum, vixisse annos 361. ac tempore Imperatoris Lötbarii mortuum.

esse. Is miles, sine dubio, nunquam aurum potabile vidit, multo minus bibit. Et doctissimus Gesnerus scribit, quendam rusticum in Helvetia vixisse annos 130. quem potius lacte, quam auro potabile usum esse, credibile est. Equidem anno 1572. Mense Augusto, paulo ante crudelem illam lanienam Lutetia Parisiorum, vidi & alloquutus sum Virum doctissimum, Dominum Guilhelmum Postellum, qui isto tempore, cruda senectute, habebat nigram barbam & tales quoq; capillos, cum ante annos 15. ut à viris fide dignis accepi, capite & barba fuisset omnino canus. Mortuus est, ut scribitur, anno 1581. ætatis 130. Is sine dubio medicamenti Chymicis nunquã usus est. Sed sit nonnunquam, ut propter humores pravos homines in morbis canescant, quorum capilli correctis humoribus & morbo curato pristinum colorem recuperant; quod ei quoq; existimo accidisse.

Si verò quidam sunt, qui medicamenti hujus universalis notitiam habent, illud verò planè occultant, nã! illi valde iniqui sunt, & in genus humanum injuri, charitatisq; Christianæ oblitæ, qui tantum thesaurum cum servo illo nequam occultant, eoque nulli profunt. Nulla certè, quod Christianum decebat, tanguntur misericordia, cum tot ægros passim tot languoribus & doloribus lancinari & excrucii vident. Qui cum, ex ipsorum sententia, vulgaribus medicamentis inexpugnabiles sint, eorum efficacissimo illo suo medicamento tollere debebant. Neque esto, ut ad frivolum

Utilia medicamenta, an occultanda.

Illud confugiant, dicantque, paucos esse dignos ista Medicina. Propter abusum res bonæ & utiles, occultandæ planè non sunt. Aliàs etiam verbum divinum, quo quidem nihil pretiosius est, cujus tamen maximè abusus est, occultandum esset. Imitari eos potius decebat D. E. U. M. Optimum Maximum, qui oriri sinit Solem suum bonis & malis.

Et istud, quod de universalis Medicinæ occultatione dixi, idem de omnibus utilibus & nobilioribus medicamentis verum esse puto, dubitoque, an Medicus Christianus, salva conscientia, medicamenta, quibus gravissimi morbi curari queant, occultare possit; & si id faciat, an Christiano rem dignam faciat, cujus est, proximum diligere, sicut seipsum. Et si penitus in causas, ob quas nonnulli sua, quæ ita appellant, secreta occultant, inquiratur: avaritia & invidia primariæ causæ sunt; quod nimirum metuunt, ne, si alius Medicis illa medicamenta innotescant, lucri aliquid decedat; aut certè quod alius se plus sapere, videri volunt. Interim verò charitatis Christianæ oblitus ægros plurimos gravissimis morbis miserè torqueri, imò de vita periclitari sinunt. Sæpissimeque accidit, ut & ipsi morte inopinata abripiantur, atque ita talentum & thesaurus iste absconditus nulli mortalium innotescat, sed perpetuis tenebris & æterna nocte opprimatur.

Neque etiam sibi constant in determinanda ista medicina. Et si enim

plerique Chymicorum lapidem illum decantatum philosophicum pro universalis Medicinæ habeant: tamen Henn. Scheunemannus, de *Medicina reformata cap. ult.* Folia heliobori nigri ferè lapidi philosophico æquiparat, eaque in balsamum redacta, hominem ab externis infectionibus & omnibus internis putrefactionibus præservare, hominem in eo statu, in quo genitus est, conservare, ut citra morbos ætatem secundam attingat, hominemque excellentissimè supra quævis arcana purgare, radicitus evellere auferendum, hominem ab omnibus ægrotudinibus mundare, scribit: & hanc balsami præparationem non divulgandam censet.

Sed ipsos jam audiamus, & quid ad defendendum medicamentum universale afferant, videamus. Tres autem de Medicina universalis opiniones reperio. Primo enim sunt quidam, qui non primario, sed *secundario* saltem Medicinam ista omnes morbos curare dicunt, quatenus scilicet naturam miris modis roboret. Cùm enim natura omni morbo ex æquo contrarietur, & ut Hippocrates *6 Epidem. comm. 5, l. 1* scribit, *Quis sit talis visus in ægrotis; & libro de arte*, Natura, ut si *ἀπὸ τοῦ*, sapientissima sit, utpote, quæ morbum sentiens mederi magnopere gestiat, & ut Galenus passim scribit; Natura sit animalium servatrix, morborum victrix, ac decretrix, quæ quod conveniens est, servat, quod alienū separat, in morbis concoctio-

*Tres de Medicina universalis opiniones.*

*Natura in morbis curatrix.*

nem, discretionem atque evacuationem efficit, atque ea ratione morbis medetur: si natura seu nativum istud balsamum roboretur, & universali medicina adjuvetur, ac promoveatur, vires suas in omnibus partibus explicabit, sese morbo opponet, intestinas dissensiones rescindet, morbosasque tincturas in sanitatis tincturam, ut loquuntur, transplantabit, atque ita omnem languorem tollet.

Quinta essentia.

Atque hic in laudem quintæ essentiæ, balsami & θεωρηξ των καληρων στοιχειων σωματ. και αναλογη των ασων στοιχειων και φουσεως, excurrunt Chymici, ac quintam essentiam, vitale & incombustibile sulphur, arcanum, florem, Solem & cælum prædicant. Hanc suam quintam essentiam, spiritumque æthereum per omnes res naturales diffusum, omnium actionum, omnisque vigoris fontem esse, in animalibus animare, in vegetabilibus vegetare, in mineralibus & metallis, quod mineralium & metallorum est, peragere dicunt. Et quidē in homine, licet ejus fons in corde sit, tamen inde per totum corpus diffundit, & diversas proferre actiones pro diversitate partium, in quibus determinatur: in partibus sentientibus sensum præstare, in mobilibus motum; in ventriculo chylicare, in epate sanguificare, & ubique in corpore vires suas exferre. Eandem quintam essentiam, si morbus aliquis & hostis impetum in corpus faciat, viribus collectis eidem se opponere, coctiones &

crises moliri, tandemque de hoste victo triumphum agere.

Hunc ergo spiritum & quintam essentiam ac Medicinam balsamicam ε μακροκομια & naturæ græmio eruendam, & in μακροκομια inducendam, ut, qui est in corpore, spiritus externis hisce copiis accedentibus roboratus, & Medicina hujus summe confortantis, assistentiæ adjurus, morbis fortius sese opponere, & quisquid in corpore vitiosum est, vel in naturalem statum mutare, vel è corpore feliciter expellere possit, docent. Et quidem Chymicæ artis beneficio hoc præstandum esse sentiunt, quæ Medicinam illam summam & balsamum naturæ ab omnibus sordibus & heterogeneis separet, ut in homogeneo quodam subjecto quasi concentrata, mole quidem minima sit, viribus autem maxima, & cum calore nostro humidoque primogeneo ac insisto spiritu, ob summam naturæ convenientiam, facile uari eumque augere, ac in summum puritatis gradum exaltare possit, ut non solum à morborum violentia sese tueri, sed & gravissimos morbos vincere & expellere queat.

Etsi verò ista quinta essentia & spiritus omnibus rebus insit: tamen in aliis parum ejus reperiri, in aliis abundare eum, scribunt: Ut in vino, frumentis, melle, auro, argento, margaritis, corallis & aliis, quæ propterea, in primis si corporeis vinculis & heterogeneis adjunctis corporibus liberentur, ac naturæ

spiritualitati restituantur, summum spiritus nostros reficiendi & vires roborandi vim habeant. Universalem autem medicinam ex eo, in quo ista quinta essentia & spiritus maximè abundet, conficiendam esse, scribunt. Quæ autem & qualis sit materia illa, clarè non explicant.

*Natura vires in morbis depellendis quinta,*

De qua prima opinione ut meam aperiam sententiam breviter, primò, quæ de spiritus insiti & nativi viribus dicunt, libenter admittimus. Docuerunt hoc Galenici passim. Modò hoc attendatur, ne ea, quæ animæ propria sunt, spiritui & calido innato attribuamus, sed animam pro principali agente & *δημιουργῶ* agnoscamus; spiritum verò insitum & calidum innatum pro instrumento animæ proximo habeamus.

*Quinta essentia,*

Deinde nec quintam essentiam, quam hic prædicant, planè rejicimus, sed eo modo, quo in *Institutionibus*, l. 5. p. 1. s. 1. c. 3. dictum, admittimus; spiritumque illum insitum & *ἀναλογον τῷ τῶν ἀσπῶν στοιχείῳ ἔσσαν* concedimus: spiritumque quandam, qualis in vine, ob quem illud tantam vim corpus roborandi spiritusque reficiendi obtinet, copiose reperitur, omnibus plantis inesse Chymica resolutione ad oculū demonstrari potest. Atque inesse quid in medicamento, quod non solum primis qualitibus, sed vi nobiliorè agat, è Galenicis plurimi concedunt. Et sicut, rectè ita sentiente Scaligero, venenorum facultates ad primas qualitates referre stulti-

tia est: ita non minus ineptum, Alexipharmacorum & alias nobiliores medicamentorum vires solum à qualitibus primis deducere. Pars ergo medicamenti nobilior, aut essentia misti virtuosior magis, à partibus reliquis inefficacioribus, quantum fieri potest, separata, à Chymicis quinta essentia non ineptè appellatur; quod et si ab omni elementorum concretionè libera non sit, ab heterogeneis tamen, quantum licuit, separata, aliquid, quod supra elementa est, (qua de re supra de calore cælesti dictum) contineat; sicut Scaliger omnem formam, etiam quæ anima non est, quintam essentiam appellat.

Nimis proinde durum est illud Erasmi, *parte secunda disput. contra Paracelsi pag. 182.* scribentis: quintam essentiam esse sonum hominum otiosorum & fallere alios cupientium; nihilque, quod quinti elementi vel essentia nomine venire possit, præter cælum, in mundo esse asserentis. Sed plura hæc de re supra c. 10. dicta sunt.

Verum tamen cum spiritus hic insitus cuilibet proprius sit, aliasque vires essentia melissæ, alias betonica, rorismatini habeat, universalis Medicinæ nomine quinta essentia hoc modo dicta haberi non potest. Id quod ipse Paracelsus docet, qui, in principio libri quarti archidox. cui titulus de quinta essentia; scribit: *Quinta essentia non in omnibus ejusdem naturæ est, nec quinta essentia anacardi habet eandem operationes, quas quinta essen-*

essentia auri; sicut animalia omnia spiritum vitæ habent; nec tamen easdem vires.

Quinta essentia vires

Et sit sanè aliquid in rerum natura, quod spiritu illo & quinta essentia abundet, & quod artificiosè præparatum summam vim confortandi spiritum nobis insitum calidumque innatum habeat, & quod hanc ob causam universalis Medicinæ nomine appellari possit: tamen an natura ita confortari & roborari possit, ut sine ulla medicamentorum purgantium, alterantium, aperientium, aliorumque ope tollere queat omnes morbos, id nõdum probatur. Certè impossibile est, ut natura aquas in hydropicis sine medicamentis alvum ducentibus vel urinam moventibus expellere, calculum in renibus vel vesica concretum sine medicamentorum ope dissolvere, nodos arthriticorum dissipare possit. Si omnes morbi à calido nativo malè affecto dependerent, quod illi volunt, concedi posset, uno medicamento, quod calidum nativum roboraret, omnes morbos depelli posse. At malè definiunt morbum, quod sit affectio, quo impeditur spiritus vitæ; cum sint multi morbi, ob quos multi conflistantur calido innato sese bene habente. Et sit, ut omnes morbi ab impedimento aut læsione spiritus vitalis proveniant: tamen causa, quæ impedit illam & lædit, multiplex esse potest: & proinde ut sua integritas spiritui vitali restituaatur, pro varietate causarum eum impe-

dientium diversa remedia adhiberi debent; & quidem sæpe in uno & eodem morbo varia. Exempli gratia, in inflammatione aliqua in principio adstringentibus & repellentibus opus est, postea verò discutientibus, vel pus generantibus.

Neque ergo sufficit, ut spiritus universum corpus regens solum confortetur: sed cujusque partis privatæ robur etiam salvum esse debet. Requiritur enim ad omnes actiones obeundas duo instrumenta: commune, primum; proximum, alterum. Commune est spiritus vitalis: proprium certa aliqua corporis pars. Ut enim chylificatio in ventriculo rectè fiat, & spiritus vitalis, tanquam instrumentum commune, requiritur, & ipsius ventriculi recta constitutio. Ita ut fiat visio, non solum opus est, ut adsit spiritus vitalis, sed etiam oculus, & quatenus partes similes habet, & quatenus organicus est, rectè constitutus sit necesse est. Ac pro actionum obeundarum diversitate propriorum instrumentorum est diversitas, & sua cuique parti peculiaris constitutio, ab aliarum constitutione diversa. Hinc quod uni convenit, alteri non convenit: & proinde nec unum medicamentum omnium propriam constitutionem conservans, nec omnium vitia emendans dari potest. Sol quidem omnia fovet & calefacit: at solus Sol, utpote causa generalis, sicut ad nullius rei generationem sufficit, sed ad definitum quid producendum, definitum agens

Spiritus insicus quantum possit in morbis depellendus

titur: ita multò magis rerum omnium particularia vitia emendare potest, ac plantas iam putrescentes aut exarescentes ille universalis Solis calor nihil juvat. Ita si vitium nullum sit in ipsa parte, spiritusque à corde affluentes etiam rectè sese habeant, actio parris rectè expeditur: at si vis partis alicujus nimium debilitata & penè emortua sit, spiritus influens eam restituere non potest. Neque si succis vitiosis pars aliqua nimis opprimatur, aut humores excrementij in parte aliqua nimis impacti sint, spiritus vitalis influens eos absumere & depellere poterit.

Secundò ergo alii, cum hæc animadvertenter, universali medicinæ attribuerunt non solum vim insitum balsamum & spiritum roborandi, sed & impuritatum seminarias tincturas, ut loquuntur, seu omnes morbos & causas morbificas resolvendi, consumendi, dissipandi. Hinc Severinus definit sanationem universalem, esse ablationem impuritatum vel radicum morbidarum, maxime non necessaria in humana anatomia insitarum, quæ balsamo naturali remedium humanæ naturæ consentaneorum perficiatur, resolvente, consumente & dissipante impuritatum seminarias tincturas; corroborante verò, consolidante & custodiente innatum microcosmi balsamum.

An tale autem medicamentum dari possit, quod non solum spiritum insitum roboret, sed & omnes ex æquo morbos & causas morbifi-

cas tollat, jam porrò videndum. Afferunt illi quidem pro sua opinione defendenda, quod ignis omnia adurat; quod antimonium omnia metalla auro admista consumat, aurumque solum intactum relinquit: atque ideo simile fieri ab universali medicina, eamque cujusdam ignis purgatorii, aut antimonij instar omnes corpori nostro admixtas impuritates consumere statuunt. Deinde dicunt, dari venena, ut arsenicum, auripigmentum, venenum canis rabidi, quæ omnibus hominibus nocent: ergo dari quoque posse medicamenta, quæ itidem omnibus profint, omnesque morbos tollant, existimant. Præterea & hoc afferunt, esse quædam medicamenta, quæ omnibus ejus partibus, cui dicata sunt, affectibus medeantur: Exempli gratia: Epar lupi omnibus epatis affectibus; Os de corde cervi omnibus morbis cordis mederi: Et proinde dari posse, putant, medicamenta, quæ omnibus omnino totius corporis morbis medeantur.

Verum enim verò hæc omnia non evincunt id, quod debent. Etenim nec ignis omnia corrumpit, sed ea saltem, quæ adustibilia & inflammabilia sunt: auro, vitro, terræ nullam vim infert. Et linum asbestinum ignibus non absumi, sed sordibus igni exustis multò splendidius, quam aquis effici, scribit Plinius, *l. 19. c. 1.* Et si ignis modo ista universalis medicina ageret, quomodo fieri posset, ut humores saltem

*An detur  
medica  
mentum  
naturam  
roborens &  
simul  
omnes  
morbos ex  
pellens.*

*Rationes  
pro univer  
sali medi  
cina.*

*Errat for  
luis.*

vitiosos absumeret; sanguini autem & humoribus bonis ac partibus corporis nihil damni afferret. Et licet Galenus theriacam instar ignis expurgatorii humores noxios consumere dixerit; nullam tamen universalem medicinam, ut Paracelsi, inde exstruxit, sed efficaciam saltem theriacæ summam declaravit. Quæ certè tam in theriaca, quàm in aliis *deusmōis* medicamentis tanta est, ut non solum in humores vitiosos agat, sed & sanguinem ac corpus alteret, ideoque cautè exhiberi debeant.

Quod verò de antimONIO omnia auro admixta absumente, aurum verò non corrumpente, sed purificante scribunt, huc non quadrat, nec aliud quàm simile est; quod tamen, idem à medicina universali in corpore humano fieri, non probat. Etenim antimonium cum metallis cognationem habet. Et cum metallorum imperfectorum compositio, non tam firma sit, sicut auri: sit, ut ab antimonio soluta & corrupta, vel in fumum abeant, vel cum antimonio misceantur. Cum verò auri compositio firmior sit, ab antimonio non corrumpitur; & cum idem metallorum omnium sit gravissimum, postea in regulam subsidet. Probare ergo debebant, dari talem medicinam posse, quæ omnium corporis partium dyscrasis resistat, omnesque omnino causas morificas absumat, sicut antimonium omnia metalla, præter aurum; corpori v. nō

noceat, & quæ vi id præstent, mōstrare, sicut de antimonio jã monstratū.

Venena quod attinet, sit, dari quædam, quæ omnibus hominibus nocere possint: tamen non video, quomodo inde sequatur, dari medicinam, quæ omnibus morbis resistat. Nam & veneno cuiuslibet sua & una natura est: habet & homo suam naturam, ideoque cum venenū aliquod, exempli gratia, arsenicum, hominem quemcūque lædit, sit actio determinati in determinatum, non universalis in determinatum. Neque quodlibet venenum omnibus animalibus venenum est; suntque multa, quæ homini nocent, aliis animalibus nihil damni afferunt, araneosque sine damno à gallinis quotidie devorari videmus. Si verò unico medicamento omnes morbi sanari deberent, fieret actio universalis in determinatum. Sunt enim varii morbi & humores, quorum singuli suam habent peculiarem naturam; atque alia est natura humoris in hydrope; alia in lepra; alia in febre; alia in epilepsia; alia in aliis morbis: alia est intemperies sicca, alia humida; alia natura veneni pestilentis, alia canis rabiosi, alia venerei: quibus omnibus tamen universalis medicina resistere deberet.

Tandem nec illud sequitur, si dantur medicamenta appropriata: Ergo datur universale omnium morborum remedium. Nam sit, ut talia dentur, quæ omnibus partibus morbis resistant: id tamen non

faciunt per se & proximè, sed partem saltem roborando. Id verò non concedimus, dari tale aliquod parti alicui appropriatum medicamentum, quod omnibus ejus morbis adversari possit; ut in epate intemperiei calidæ, frigidæ; inflammationi, scirrho, obstructioni. Et proinde et si hinc admittatur, dari aliquod universale medicamentum, id non aliud esset, nisi universale roborans, à quo tamen non omnes morbos tolli posse, jam antea dictum.

*Rationes  
contra uni  
versalem  
Medicinam*

Qui verò statuunt, non dari universalem medicinam, rationes proferunt firmiores, quibus probant, non dari posse tale aliquod medicamentum, quod omnibus morborum causis, morbisque inde productis sit contrarium; toti verò nostro corpori familiare & amicum. Primò cum morbi depulsio sit in contrarium morbo statum mutatio; atque omnis mutatio sit inter contraria & à contrario perficiatur: morborum autem & humorum vitiosorum plurimæ sint differentia, aliique morbi à qualitatibus manifestis oriuntur, alii ab occultis, quarum rursus magna est differentia, ut in venenis videre est: quilibet morbus & humor requirit peculiaria remedia: nec omnes uno remedio tolli poterunt; nec unum medicamentum tollet: morbos ortos à caliditate, frigiditate; humectabit, siccabit, adversabiturque omnibus venenis, aut reliquorum humorum tot & tam varia vitia emendabit.

Neque est, ut dicant, medicamentum illud universale ita temperatum esse, & exactam principiorum habere mixturem, ut omnibus resistere possit. Nam si temperatum est in qualitatibus primis, quomodo excessus insignes caliditatis & frigiditatis simul emendare poterit; &, ut cum Chymicis loquar, si sulphur abundet, sal deficiat, quomodo temperatum medicamentum & defectum salis explorare & abundantiam sulphuris auferre poterit?

Solus ergo Deus omnes morbos tollere valet. Rerum verò naturalium vires determinatæ & distinctæ sunt, ac dispersa vis Medica in plurima, neque naturaliter uni medicamento omnia peragendi vis concessa. Hinc plantarum & reliquarum rerum naturalium, usui medico dicatarum tanta varietas, ut singuli morbi singularia habeant remedia; quæ varietas & copia medicamentorum à Deo frustra esset condita, si unico & universali remedio omnes morbi curari possent, & claudèda jam essent omnia Pharmacopolia, omnesque Medicorum libri abolendi, si hæc medicina sufficeret. Verum & Salomon sapientissimus naturæ scrutator, qui de rebus naturalibus à cedro Libani ad hyssopum nascentem è pariete disputavit, *Ecclesiasta cap. 38.* de terra creasse Deum medicinam scribit, commendatq; *ibidem* Medicum & Pharmacopœum, nullam v. medicinam universalem. Præterea non probabile videtur, dem medicamen-

*Varietas  
medica-  
mentorum  
non fructus  
data.*



camentum simul & maximam vim habere spiritum insitum roborandi & humores vitiosos absumendi & dissipandi. Illud enim requirit summam cum spiritu insito familiaritatem: quæ autem talia sunt, non medicamentosa sunt, ac proinde causis morbificis, instar ignis cujusdã, resistere non possunt. Et certè nimis imprudenter eidem medicinæ & vim curandi morbos, ac quidem tot & tam diversos, & à tam diversis causis ortos & dependentes; & hominem, ne in morbos incidat, præservandi, imò maximam nutriendi vim tribuerunt. Homo enim non totus spiritus est, sed & corpus habet: ideoque nimis spiritus hic suos prædicant Chymici; & prudentissimè cuidam de suis spiritibus gloriantis, respondiisse fertur Angliæ Regina Elisabetha; si spiritus pariter essemus, solis quoque spiritibus curari & nutrirî possemus. Et certè sunt morbi, in quibus plus nutrimento; atque eo non spirituofo, sed quòd non facillè dissipatur, quàm medicamentis, proficitur, qualis est febris hæctica: cui procul dubio cibus, benè nutriens, & humectans plus proderit, quàm lapis Philosophicus. Etenim cum is sit magnæ activitatis, atque instar ignis, sese habeat, potius oberit, quàm proderit hæctico, eumque ad marasimum deducet. Monstrandum ergo hic relinquitur Chymicis, quòd medicamentum, & quidem tam efficax, atque igitur instar sese habens, nutrimenti simul loco esse possit, ut

calidũ innatũ instaret & reficist. Maneat ergò illud Medicinæ fundamentũ inconcussum; quòd præter naturam est, tollendum; quòd secundum naturam est, conservandum: Similia similibus conservantur; contraria contrariis tolluntur. Ipsique Chymici has duas generales Indicationes rejicere non possunt: ideoque suæ universali medicinæ tribuunt vim balsamum nativum, roborandi & confortandi, ac impuritates morbificas consumendi & auferendi, atque ita omnes morbos curandi. Verùm eandem rem utrumque præstare posse, nondum monstrarunt.

Sed non miror Chymicos quosdam in ea esse sententia, omnes morbos lapidè suo, quem quærunt, Philosophico curari posse; cum longè majorem adhuc potestatem ei attribuant, ut cum ex aliis, tum auctore *Physica Naturalis rotunda visionis Chymica Cabalistica*, in libello, cui titulus, *Arcani artificiosissimi aperta arca*; videre est.

Ita autem ille, pag. 213. (Germanica Latine de verbo reddidi) *Hac re curare potes omnia vegetabilia; arbores steriles fertiles reddere; hyemem in aestatem; & aestatem in hyemem mutare; nimirum ut hiberno tempore omnes plantas habere liceat; quas aestas producit. Imò ut herba vel arbor uno anno quinquies vel sexies fructum ferat: Hac re ex mala herba bonam, ex arbore putrida novam & bonam; ex amaris malis dulciora; ex pyris cerasa, & contra ex cerasis pyra facere, & ita omnes herbas:*

bas & arbores mutuo transmutare potes.

Secundò omnia imperfecta metalla in meliora transmutare potes, nimirum in carbunculos, rubinos, smaragdos, margaritas &c. aurum, argentum; & quidem in tanta copia, ut nec numerare possis. Nam una pars non solùm 100000, sed aliquot 1000000 tingit; & quidem ante multiplicationem.

Tertiò potes hominem ab omnibus morbis liberare, ex senescentem, ex infirmo sanum reddere; hominis sensus & cogitationes mutare, ex pessimo nequam hominem summè probum efficere.

Sed hæc non satis sunt, in supernaturalibus hæc præstat. Hæc est clavis aperiendi cælum & terram, id est, ut penetrare possis in supremum firmamentum cæli, in centrum terræ, in profundū maris. Potes montes, valles, folia, gramina, animalia, hominem, & omnino omnia visu penetrare, quasi per vitrum transpiceres, omnium rerum proprietates indagare potes. Nam omnia arcana tibi patebunt: omnia se tibi subjicient; omnia potes, cogis cælum & terram, omnes spiritus tibi obediunt, necessario tibi serviunt, & voluntati tue subjiciuntur. Cognoscere potes omnia, præsentia & futura. (quantum Deus permittit) Hoc est mundum creare, & ejus potestatem adipisci &c. Quibus quid in Naturam & Naturæ auctorem Deum, contumeliosius dici possit, ego quidem non video. Et tamen libellus hic à nonnullis, & quidem iis, qui piæ & studiosæ juventuti ad Panosophiam viam monstrare volunt, inter eos libros numeratur, qui natu-

ræ secreta contineant, & seu à Frat. R.C. seu eorum clientibus in lucem emissi sint. Sive enim joco sive seriò talia proferantur, nec à sanioribus Chymicis præbati existimo.

Tandem novam de universali Medicina sententiam ante paucos annos Johannes Wolfgangus Dinheimius, Professor Medicinæ Friburgi Brisgojæ, peculiari libello proposuit. Is, cap. 2. ejus libri definit Medicinam Universalem, quod sit quatuor elementorum mundi seu primordiorum mundi, quinta essentia, seu ipsa elementa, quantum aliquod homogeneous. & inseparabile facta; sive inseparabilis certa quadam natura dosi elementorum omnium permixtio, qua mediante ipsa elementa secundum individua sua considerata eque penè incorruptibilia facta sint, atque eorum materia secundum totum antea fuit, seu ipsa elementa ab omnibus heterogeniis depurata mista. Huic universali medicinæ hos effectus tribuit; quod omnes pravos humores, cujuscumque tandem qualitatis ac malignitatis sint, ac quocumque nomine appellentur, ita disponat, ut medicinis iis, quæ communiter & secundum methodum adhibentur, nullo modo resistant, verum etiam iisdem ad effectus suos certò consequendos strenuè opituleatur, non distantibus impedimentis quibuscumque, nisi ab expressa Creatoris voluntate prohibeatur. Non quidem negat, ut hæc de re, cap. 7. scribit, diversis morbis diversa medicamenta pro uniuscujusque morbi qualitate

Job. Wolff.  
Dinheimii  
de universali  
Medicina opinio

litate adhibenda esse: illa ipsa tamen uno aliquo medicamento universali acuenda esse putat.

Verum etsi de hac medicina multa polliceatur; hactenus tamen de ea altum fuit silentium, neque quid ea præstiterit, etiam inquirentibus innouit; quod procul dubio factum fuisset, si præclari quid præstiterit. Sit sanè, de quo jam non disputabimus, quod materia aliqua dari possit, per quam virtutes medicamentorum augeantur & roborentur; sicut videmus plantas in eodem agro diversas crescere, & singulas ex eo sibi alimentum attrahere, atque eadem pluvia, quæ æstu Solis flaccescebant, recreari: quod verò talis dari possit materia, quæ ita vires medicamentorum cuique morbo propriorum augere & vitiosos humores ita disponere queat, ut medicamentis illis nullo modo resistere possint, nondum vel rationibus vel experimentis comprobatur. Nam cum medicamenta omnia, quæ ille, *cap. 16. & seqq.* recenset, specifica & propria vi agant, atque alia peculiari vi cerebro, alia epati profint; necesse esset, ut istud medicamentum universale has específicas cujusque medicamenti vires intenderet. Quomodo autem medicamentum una forma præditum omnium illorum medicamentorum específicas vires intendere possit, ut ultra consuetas vires agant, non video.

Verum cum ipsi Chymici universale medicamentum potius optent

& sperent, quàm habeant: particulari curandi ratione contenti, jam de materia medica particulari dicemus. De materia autem medica non pauca occurrunt, in quibus Galenicis dissentiunt. Primò in facultatibus medicamentorum investigandis aliis, quàm Galenici, fere utuntur indiciiis, & frequenter satis, quas appellant, Signaturis. Cum enim maxima in plantis, in coloribus, figura & similibus appareat diversitas: hanc non frustra esse factam aut fortuito accidisse dicunt, sed in certum finem productam esse statuunt. Creatorem nimirum eo ipso, cui in speculo quodam, ob oculos nobis posuisse naturam & vim plantarum, & cui quævis appropriata & accommodata sit. Hinc statuunt, plantas, quæ repræsentant vel animalia vel animalium partes, vel alio modo similitudinem habent: cum aliqua parte, valere vel ad partes roborandas, cum quibus cognationem habent, vel prodesse ad propellendos morbos, qui ab istis animalibus inferuntur, aut in partibus illis excitari possunt. Coniungunt his & dominium Planetarum; & plantas, quæ Planeta alicujus dominio subiaceant, partibus, quæ sub ejusdem Planetæ imperio sunt, dicatas esse sentiunt. Cuilibet autem Planetæ certas plantas assignant, & quæ planta cuilibet Planetæ subiciantur, ex signis quibusdam ac characteribus colligere docent, & signa hæc ex colore, odore, sa-

*Signaturæ medicamentorum*

*Quæ plantæ quibus Planetis subiciantur*

pore, forma & loco, iu quo nascuntur, petunt.

*Saturnina.*

Saturno subjiciunt ea, quæ aspectus sunt horridi & inamœna, colore nigra, fusca, pallida & plumbea, corpore compacto prædita, macilentia, & aridis fibris striata, sapore styptica, sicca tamen, odore ingrata, locis nascentia uliginosis & sordidis, in convallibus, nemorosis, tenebriosis, Septentrionalibus, Solique non expositis. Et talia omnia antipathiam cum Solaribus gerere, & leni dicata esse dicunt. Inter ea tamen gradus quosdã esse statuunt. Nam quæ ultimo sive tertio gradu sunt talia, Saturni spiritu copiosissimè abundare sentiunt; & hæc esse deleteria ac venenata, spiritibusq; vitalibus infesta, corpusque exficcare & tabefacere.

Inter Saturnina autem referunt consiliginem, aconitum, eicutam, taxum, helleborum, hyoscyamum, filicem, xanthium, asplenium, tamariscum, solanum, cupressum, sabinam, senam, cappares, polypodium, bursam pastoris, salicem, agnum castum, atriplex, blitum, apium, plumbum.

*Jovialia.*

Jovialia cognosci dicunt ex oleaginosa substantia, sapore & odore grato ac suavi, colore florum rubro vel cæruleo; habere folia plana; gaudere locis pinguibus; epati esse dicata, sanguinemque copiosum instaurare & mundificare, imò totum venosum genus respicere, & hinc vulneribus convenire ac rupta sanare. In hanc classem refe-

runt balsamum, oleam, gariophyllos hortenses & sylvestres, ribes, berberes, betonica, gariophyllatã, liliium, centaurium, rosam marianam, fumariam, persicariam, teucrium, verbascum, origanum, symphitum, chamædryn, amygdalum, rubiam tinctorum, rhabarbarum, corallium.

Sub Martem referunt, quæ colorem habent ad rubedinem tendentem, sunt aculeata & aspera, saporem habent urentem, sunt corrosiva; gaudent locis siccis. Qualia sunt urtica, cardui, ononis, esula, rhamnus, rubus.

Soli subesse censent plantas, quæ odore fragrant, sapore grato, colore florum flavo vel fulvo prædita sunt, gaudent locis apricis, meridionalibus, & quò radii Solares liberè pertingunt: talesque plantas cor roborare, spiritus vitales augere & confortare, oculos clarificare, venenisque resistere. In quarum numerum referunt vinum, crocum, mala citria & aurantia, laurum, helenium, melissam, rorem marinum, hypericum, helichrysum.

Sub Veneris dominium referunt, quæ sapore sunt dulci, odore lascivo, flore albo, foliis glabris non laciniatis, humore lento. Cujusmodi sunt satyria, lilia omnia, liliium convallium, narcissus, rosa, nymphaea, ficus, hyacinthus.

Mercurium præesse iis statuunt, quæ prædita sunt colore vario, nascuntur & gaudent locis arenosis, siliquas gerunt, odore sunt subtili.

Plera-

Pleraque linguam & pulmones respiciunt, spiritus animales confortant, flatus discutiunt, obstructions aperiant. Cujus generis sunt, parietaria sylvestris, chamæmelum, aquilegia, fabæ flore vario, bellides, trifolia omnia, juniperus, corylus, juglans, sambucus.

*Lunaria.*

Lunæ dominio subijciunt plantas, quæ habent folia mollia, crassa, succulenta, saporem aqueum vel subdulcem, locis gaudent palustribus & aquaticis, citò adolefcunt. In hanc classem referunt cucurbitam, cucumeres, melones, citrulos, brassicam capitatam, lactucam, allium, cæpas, porrum, mandragoram, papaver, tiliam, pœoniâ, fungos, lentem palustrem, potamogetum, sagittam Herculis, & alias plantas aquaticas.

Ex his postea recentiores singulis humoribus & partibus peculiaria medicamenta attribuerunt. Nimirum ex ipsorum sententia cum sanguine magnam cognitionem habent flores tunieis, rosæ, pœoniæ, buglossi, borraginis, violarum purpurearum, fumariæ, digitalis, glycyrrhizæ, anagallidis; radices rubiæ tinctorum, anchusæ, satyrium rubrum, perficaria: quæ idcirco, ubi sanguis per morbum aliquem est absumtus, aut ubi ob nativam aliquam corporis dispositionem paucior generatur, utilissimè adhibentur, & verno inprimis tempore sumta sanguinem renovent, augeant, & si frequentius usurpentur, statim comparent, virens instaurant,

& cum cordialibus mixta hilaritatem concilient; & propterea inprimis senibus, in quibus jam calor sit debilior, sanguis dilutior, sint utilia.

Atque ex his maximè inservire sanguificationi existimant flores tunieis, rosas rubras, violam purpuream, glycyrrhizam, anagallidem, satyrium. Reliqua esse magis medicamentosa, ac simul & novo sanguini gignendo, & veteri purgando inservire. Et quidemâ melancholico humore sanguinem purgare buglossum, borraginem; à bilioso, fumariam: à phlegmatico, perficariam: si sanguis luxuriet & plethoram intendat, rubiam tinctorum, ut & anchusam, superfluum comminuere, & educere per urinas. Sanguinem etiam & sanguinis fluxus sistere omnes plantas, quæ sanguinis signaturam habent; ut tormentillum, bistortam, geranium cum radice rubra, radices iridis luteæ, rosas rubras, lapathum acutum, acerosam, lapidem hæmatit., corallia rubra, carneolos, jaspidem purpuream seu rubicundum, santalum rubeum, sanguinè draconis, bolum Armenum.

Cum succo bilioso cognitionem habere, & proinde bilem peccantem educere, & omnes affectus ex bile ortos, ut morbum regium, scabiem siccam, pruriginem, erysipelas, febres biliosas curare, docent, eupatorium, rhabarbarum, myrobalanos citrinas, flores cheiri, crocum, chamæpityn, caryo-

*Sanguinis  
signaturam  
habentia.*

*Bilis signaturam  
habentia.*

phyllatam, chelidonium. Huc etiam pertinere acetosam, malum citrium; quæ quidem bilem non educant, sed ejus fervorem alterent, & acrimoniam obtundant.

*Melancho-  
lia signatu-  
ram habet  
tis.*

Humoris melancholici signaturam habere, quæ sunt atra vel fusca, sapore plerumque acerbo, aliquando dulcescente, aliquando styptico: ut polypodium, elleborum nigrum, senam, asarum, filicem, capreares, vitem nigram, tamariscum, ruscum. Veratrum nimirum humorem melancholicum purgando omnis generis melancholicos morbos tollere; bryoniam corporis nigras maculas, in carne serpentes morbos, ut cancrum, tollere: folliculos senæ flatus ex atra bile ortos discutere: tamaricem in ipsum lienis corpus insinuare. Polypodium non quidem educere melancholicum succum, sed tantum alterare & stypticam ejus flatulentiam & acetositatem curare, & proinde iis imprimis prodesse, quibus ater humor in ventriculum effunditur: Asarum specificè, adjuvante potissimum polypodio queruo, evellere febris quartanæ humorem: Filicem quidem melancholicum humorem non evacuare, sed serpentem hinc scabiem & cutaneos morbos tritam & inspersam sanare.

*Pituita si-  
gnaturam  
habentia.*

Cum phlegmate cognationem, habere atque illud vel evacuare, vel ut gignatur copiosius efficere, colocynthidem, cucumerem asininum, mercurialem, atriplicem, cu-

curbitas, cucumeres sativos: Actalia omnia esse sub Luna dominio, & ventriculum ac cerebrum spectare, & purgantia prodesse phlegmaticis hominibus & morbis, scabiei humidæ & similibus. Reliqua, quia non purgant, sed pituitam, bilicontrarium humorem, gignunt, utiliter adhibentur in febribus acutis: ex bile natis, ructibus ex caliditate & siccitate ventriculi, aliisque ex caliditate & siccitate natis morbis.

Ipsas verò corporis partes quæ Cerebro & capiti, propria & ejus signaturam habentia. attinet, cerebrum, cum à Luna gubernetur, cum medicamentis, quæ sub ejusdem dominio sunt, cognitionem habere existimant: qualia sunt succinum, ambra, margaritæ, corallia, argentum, sapphirus, smaragdus, lunaria. Cæterum, contra omnes morbos cerebri prodesse lunariam, argentum, & margaritas; contra epilepsiam, ambra, succinum & margaritas; contra omnem humiditatem & frigiditatem cerebri, qua vel aboletur vel infirmatur memoria, ambram valere. Capiti quæ appropriata esse docent, quæ figuram capitis referunt. Ita pœoniæ flores, dum adhuc conclusi sunt, antequam se expandunt, capitis figuram referre, & proinde omnibus cerebri morbis mederi. Eodem modo capitis figuram referre flores nymphæ, quæ calidis capitis morbis medeatur: ut & capita papaveris, quæ somnum conciliant, dolores capitis & calidos capitis morbos tollunt. Sic capi-  
tis

tis & capillorum etiam signaturam habere spongiolas illas, quæ cynorrhodo seu sylvestrium rosarum ramis adnascuntur, & somnum conciliare, unde & à Germanis Schläff & Schlassaffel appellantur, & capillorum defluuium sanare; quod etiam Plinius, *lib. 25. cap. 2.* docuit.

*Capillis propria.* Capillorum vitis & defluuiis ob signaturam conferre capillum Veneris, polytrichum aureum, rutam murariam, muscum capillarem, & spongiolas illas, quæ cynorrhodo adnascuntur, de quibus modò diximus, abrotanum, rorem Solis, lanuginosum verbascum, muscum arborum.

*Oculorum signaturam habentia.* Oculis ea mederi dicunt, quæ sunt luminosa & splendida, & Soli vel calore vel alia signatura ita cognata, ut spiritum Solarem ea gubernare inde colligi posset; qualia sunt flos Solis, helenium, hypericum, heliotropium, crocus, solsequium, chelidonium, flores tilix, bupthalmum, aurum sapphirus. Item, quæ signaturam oculorum habent, ut euphragia, sicut & uva lupina, quæ sua bacca oculi signaturam habeat, calidisque oculorum affectibus medeatur. Eandem signaturam floribus suis referte bupthalmum, chamæmelum, calendulam, anserinam.

*Aurium signaturam habentia.* Signaturam aurium habere folia asari, quæ auditum & cerebrum roborent; auriculam muris, quæ vermes in auribus enecet; cyclamini folia, cujus radices tinnitui aurium & surditati profint,

Dentium signaturam habere radices filicis illas, quæ squammarum more sibi incumbunt & dentes referunt, doloribusque dentium medentur, eos vacillantes confirmant, scorbuticisque profunt. Item semina granatorum & nucleos piceæ, qui & ipsi dentium doloribus medeantur: ut & hyoscyamus, cujus folliculi semen continentem dentes molares referant, & dentium dolores mitiget.

*Pulmonum signaturam habentia inq. propria.* Pulmonibus ea esse cognata dicunt, quæ Mercurio & Jovi subjiciuntur, quæque spongiosa sunt, rara, pensilia, humore tenui concreta, ut sunt pulmonaria arborea, muscus arboreus, qui inde Germanis Lungfraut appellatur, plurimisque pulmonis morbis utilis est: pulmonaria maculosa, tuasilago, digitalis, cervicaria, scabiosa, rosmarinus. Item ea, quæ calore aëreo abundant, & lanugine vestiuntur, & colore accedunt ad albedinem cum viredine mistam; ut verbasca, quæ ideo, quod aëre abundant, pulmonibus & arteriis, imò ipsi cerebro dicata sint, & proinde vi specifica iuvent phthysicos, cerebrum mundent, & destillationes longè potentius prohibeant, quam eclegmata vulgè usitata, althæa, prassium, veronica, botrys.

*Cordialia & cordis signaturam habentia.* Cordialia medicamenta esse dicunt, quæ sub dominio Solis sunt, & colore flavo, atque aureo splendore, temperamentoque calido, & odore, ceu radiis exeuntibus Solem referunt, aut cor figura æmulentur;

ut sunt aurum, poma aurantia, citria, granata, cydonia, melissa, nux moschata, trifolium acetosum, anacardium, quod palpitacioni cordis à flatibus medetur, laurus, radices anthora; quæ venenis advenferunt & cordis palpitacioni, nardus, crocus, hypericum, helenium. Esse tamen quandam inter hæc differentiam admittunt. Nam in universum cordi prodesse, ejus vires augere, contra venenum munire, melancholicos affectus & syncopen inhibere, aurum, melissam & poma aurantia. Reliquas in certis dyscrasiis exhiberi, ut in frigida humida, cortices citri, nardum, laurum, calamintham; in calida ac febrilibus ardentibus succum mali citri & granati: venenis resistere, crocum, hypericum, citrium malum. Ad humores excrementitios circa cor discutiendos plurimum prodesse helenium: in spirituum defectu nucem moschatam & maciam, ac in primis vinum.

*Epatica & epatis signaturam habentia.*

Epatis appropriata esse scribunt, quæ sunt sub dominio Jovis, & aliqua ex parte Martis; quæ sunt colore purpureo & sanguineo, temperamento calido & humido, vel epatis signaturam habent, ut sunt flores caryophylli sylvestris & hortensis, buglossum, hepatica, aloë hepatica, trifolium aureum, glycyrrhiza, radices betæ, uvæ passæ, bellides, asparagi, borrago, rosæ rubræ, anchusa, rubia tinctorum, lichen, quæ obstructiones epatis a-

perit, & hinc Germanis *Brutt* & *der Steinleberfraut* nominatur.

Vesiculæ verò fellis in epate magis mederi, quæ colorem habent flavum, tenuemque essentiam; ut sunt agrimonia, eupatorium chamæpithys, rhabarbarum, centaurium minus & majus.

Lieni dicata, quæ sub dominio Saturni sunt, colore fusco, terrestri & subviridi prædita, tortuosam corporis dispositionem habent, in locis declivibus, convallibus, uliginosis, in putridis arboribus crescunt, splenisque signaturam obtinent; qualia sunt, veratrum nigrum, polypodium quernum, sena, tamariscus, cererach, lingua cervina, trichomanes, asarum, lapis Lazuli, armenus, tartarum vini.

*Splenetica & splenis signaturam habentia.*

Ventriculo conferre ea, quæ humorem habent fortem, dentum & crassum, & ventriculi signaturam habent, ut zinziber, nucem moschatam, angelicam, levisticum, smirnum, pastinacam, carvi, cuminum, olusatium, gingidium, fesele, raphanum, cæpam, scillam, alium, radices aronis.

*Stomachicæ & ventriculi signaturam habentia.*

Renibus & membris generatio- ni dicatis convenire medicamenta, quæ sunt sub Veneris & aliqua ex parte Lunæ dominio vel puro vel cum Marte misto, signaturamque præferre suam humore seminali, odore & gustu salaci, figuræ testicularum aliaque cognata. Et renibus quidem dicata esse universaliter camphoram, umbilicum

*Renibus propria.*

vene-



Veneris, satyria, orchides, rosas albas, radicem polygonati, radicem cavam, tribulum aquaticum, been album & rubrum, moschum, zibetum, nucem moschatam, phaeolos.

*Uteri signaturam habentia*

Testibus vel membris genitalibus esse familiaria satyria, orchides, bulbos, lilium album, narcissum, arorem, qui caule & bacis membrum virile referat, & insignem vim frigiditatem membrorum genitalium in viris corrigendi habeat, nucem moschatam, tubium aquaticum, crassulam, peram pastoris, nymphæam luteam & albam, struthium. Itaque si partium harum vis luxuriet, eam supprimi posse plantis, quæ sunt sub dominio Saturni, quæ tamen loci ratione à Venere & Luna multum accipiunt, ut nymphæa, nuclei tribuli aquatici. Si verò languescit vis naturalis, instaurari satyrio, orchidibus, bulbis & similibus.

*Vesicæ appropriata & similia.*

Vesicæ appropriata esse, quæ sunt sub Saturni & Lunæ dominio, & vesiculis aut folliculis, quibus aut liquorem aut semen continent, vesicæ signaturam præ se ferunt, & in locis aquosis nascuntur, qualia sunt alkekengi, staphylo dendrum, folliculi senæ, periclimenum, hypocistis, semen plantaginis, fructus asparagi, melanthion & similia. Itaque omnes plantas, quæ lapillos referunt, calculos frangere, ut semen milli Solis, saxi fragiæ albæ radices, lapidem spongiæ, Judaicum, lapides cancerum, percarum,

*Uteri signaturam habentia.*

Utero convenire, quæ sub Lunæ, Veneris, vel Saturni sunt dominio, & uteri signaturam habent, ut flores aristolochiæ longæ, radices aristolochiæ rotundæ, bryoniæ, cruciatam, flores primulæ veris, flores liliorum alborum, asarum, antheram rosarum & liliorum alborum, digitalem, melissophyllon, calamintham, meum, lapidem ætitem, item quæ, quod excernantur, purgationis menstruæ signaturam habent, ut sagapenum, opopanacem, myrrham, asam foetidam. Ex quibus pro diversis uteri affectibus convenientia medicamenta eligenda docent. Ex gr. humido utero convenire primulam veris, aristolochiam longam, asarum, si exiis balneum paratur. In menstruorum suppressione, myrrham, sagapenam, asarum, calamintham, meum, radices aristolochiæ longæ, antheram liliorum alborum, rosarum, lapidem ætitem ad facilem conceptionem infessus ex decocto foliorum populi albæ cum floribus liliorum alborum. Impedire verò conceptum struthium, cum asaro.

*Intestinorum signaturam habentia.*

Intestinorum signaturam habere, quæ longas corporis circumflexiones habent, ut lupalum, rubum Idæum & vulgarem, cenanthen, volubilem, amaram dulcem, vitem nigram, hederam, vitis-viniferæ capreolos, sariam parillam, cuscutam.

Linguam representare statuunt cynoglossum, buglossum, linguam cervinam, linguam avis.

*Lingue signaturam habentia.*

*Manuum  
& pedum  
signaturam  
habentia.*

Manibus & pedibus assignant palmam Christi, & insignem in doloribus articulorum vim habere; hermodactylos, qui humores ab articulis evacuant, ricinum, saniculam, leontopodium, & ad tremorem manuum & chiragram talia prodesse putant.

*Planta  
aculeata.*

Contra dolores pungentes & acutos prodesse docent herbas, quæ aculeata habent folia, ut carduum Matix, carduum benedictum, eryngium, juniperum.

*Planta no-  
dosa.*

Plantas, quæ nodosas radices habent, contra tubercula & tumores varios utiles esse, quales sunt scrophularia, quæ ita dicta, quod scrophulis medetur; radices aronis minoris, chelidonium minus, radices asphodeli, liliorū alborū, ranunculus bulbosus, cæpa, alium, agaricus.

Plantas, quæ perforatæ sunt, aut quæ figuram securis, ferræ, vel rei alterius vulnerantis referunt, vulneribus mederi, ut hyperici species, perfoliatam, lunariam minorem, consolidam, Saracenicam, saniculam, betonicam, ferrulam, lunariam minorem, securidacam, balsaminam, geranium, millefolium, verbenam, agrimoniam.

Plantas omnes, quæ succum lenem & glutinosum habent, item quæ gummi & resinam fundunt, vulnera consolidare docent; ut consolidam majorem, sabariam, althæam, malvam, florem seu coronam Solis, viscum, Nicotianam, aloem, myrrham, thus, sanguinem Draconis, terebinthinam, ma-

sichen, gummi elemi, sarcocollam. Plantas, quæ maculosa & squamosa quasi folia habent, scabiem, & omnis generis cutis scæditates sanare referunt: quales sunt scabiosa, succisa, oxylapathum, scrophularia, polypodium, filix, lingua cervina, asplenium, sabina.

Plantas, quæ serpentis, scorpionis, vel alterius animalis venenati figuram obtinent, eorum moribus mederi statuunt. Serpentariam mirum majorem, quæ serpentem representat, item spinam albam, in qua acutæ spinæ habent similitudinem dentium serpentis, morsam serpentis sanare: Orchidum illam speciem, quæ à florum similitudine *μωδός* appellatur, apum ictibus conferre; psyllii semen, quod pulices refert, fugare pulices; quæ caudæ scorpionis referunt, ut Scorpioidum, varia genera, flores heliotropii, magnas vires ad plagas scorpionum sanandas obtinere. Huc referunt scorzoneram, dracunculum majorem, chondrillam, aristolochiam longam, ophioglossum, allium colubrinum, aconitum pardalianches, echium, doronicum, ocymastrum, heliotropium majus. De quibus plura videantur apud Joh. Bapt. Porta, Quercetanum, in tract. de signaturæ rerum externæ & Crollium de signaturæ rerum internis, qui prolixè hac de re agunt. Quercetanus tamen pro internis signaturis non illam figuræ, conformationis & colorum constitutionem cuiusque plantæ peculiarem intelligit: verum omnium

*Animalis  
quorum-  
dam signa-  
turam ha-  
bentes  
Plantæ.*

virium

virium ex tribus principiis, sale, sulphure & mercurio investigationem. Nam saporis à sale esse dicit, odores à sulphure, colorem ex utrisq; , sed potissimum à mercurio provenire, & propterea platas in his aliter atq; aliter dispositas esse, pro ut plus de alio, de alio minus participat.

Quæ omnia rejicienda non existimo, neq; cum Libavio, in *Alchymia triumphante* pag. 537. & in *typo artis medicæ* p. 125. facile dixerò; *fortuitum esse, si respondeant res externæ formis*. Neque enim figuræ externæ plantis fortuito obrigerunt; sed à facultate formatrice, quæ hanc vim à creatore Optimo Maximo accepit, impressa est. Et à quo, forma nimirum, pendet rei essentia, omnesq; internæ proprietates: ab eodem etiam producta est forma & figura externa. Etsi verò quid pleræq; figuræ & colores plantarum indigent, & quomodo à sapientissimo Creatore iis indita sint, nobis ignotum est: tamen cum experientia testetur, in multis externas figuras virium internarum indices esse, eas non planè repudiamus; sed suas, inter reliquos facultates medicamentorum investigandi modos, loco signaturis relinquatur. Præcipuè cum Galenici ipsi longa experientia comperit habent, ea ipsa medicamenta pleraq; partibus, quarum signaturam habent, dicata esse atque inservire. Exempli gratia, Pœoniam, papaver, ut dictum, capiti & cerebro; herbas capillares, capillorum vitiiis mede-

ri; radices filicis dentium dolorem curare; cordi prodesse mala citria; pulmonibus, muscum arboreum; spleni, linguam cervinam, ceterach; utero, aristolochiam rotundam, radices byroniæ; vesicæ alkekengi; testibus, satyrium & orchides; calculo, semen mali solis, radices saxifragiæ albæ, & alia plurima ex modo enumeratis. Omnino enim in his delectus habendus. Estq; in quibusdã signatura manifestior, quàm in aliis, & quorundam vires magis perspicuæ, quam aliorum. Neq; etiam huic signo soli, vel ut primario, sicut dicitur, sed experientia in primis consulenda est. Neq; etiam cum Empiricis in quolibet capitis affectu medicamenta, quæ capitis figuram habent, exhibenda, sed vires propriæ explorandæ, & quod saniores Chymici etiam faciunt, morbi natura consideranda. Quis enim tam fatuus est, ut nucem moschatam, quæ sano, si moderatè sumatur, utilis (nam etiam appropriata immoderatè sumta nocere possunt, ut in croco videre est) in phrenitide aut alio affectu capitis calido exhibere velit.

Neque illud quoq; de nihilo est, quod singulis Planetis peculiare plantas subjiciunt. Experientia enim testatur, cælum in hæc infectoria agere, non solum calore & lumine, sed & occulta influenza. Ac cum stellæ quælibet peculiare vires habeant, hinc accedit, ut aliæ cum aliis rebus sublunariis majorem sympathiam habeant. Verum hæc non hodie primum à Chymicis

*Signatura plantarum an aliquid indicent.*

inventā, sed dudum ab Astrologis proposita sunt; de quibus omnibus prolixè tractat Joh. Baptista Porta, in *Phytognomonicis*.

Secundo loco occurrit quæstio; *An in medicina verborum & characterum aliqua vis sit?* Etsi enim Galenici solum medicamentis ex mineralibus, vegetabilibus & animalibus petitis utantur: Paracelsus tamen verba & characteres addit, & morbos aliis remediis incurabiles verbis & characteribus curari posse statuit. Ita enim Paracelsus, *lib. 1. Philosophia sagacis c. 6.* scribit: *Natura vires suas in verba imponit, sicut in herbas & radices: ita in Gamabæos.* Et postea: *Imagines & characteres dicit esse pixides, in quibus magus siderum vires asseruet.* Ac pluribus hac de re agit, in *lib. de occultis Philosophia, titulo de characteribus*, ubi morbos, qui nullo alio remedio, neque aëro potabili, neque quinta essentia antimonii curari possunt, characteribus curari posse statuit, & fas esse hoc facere scribit, quoniam in hominis salutem cedat. Imò integrum esse, à diabolo remedia accipere, ut supra è *libro de origine morbor. invisibilium* dictum est.

Verum primò verba quod attinger, quanquam vox ipsa naturalis sit: tamen significat *Πῶς*, sed *Ἄσος*, non natura, sed pacto, & ex hominum conventionem. Nam si significatio naturalis esset, & ex sua natura significarent verba, ea omnes intelligeremus, nec tanta esset linguarum varietas, nec unum verbum

apud diversas Gentes diversa significaret. Cogitatio quidem apud omnes eadem est: sed verba seu notæ, quibus exprimitur, sunt diversissimæ, atque eadem etiam verba apud diversas gentes diversissima significant. Cum ergo primi inventores verba tantum notas rerum esse voluerint, quibus animi sui sensa declararent: præter hoc nullam vim habent verba, nec aliquid operantur. Nam omne principium operationis, quo alterantur & mutantur corpora, qualitas est, naturalisque potentia: resque per qualitates sunt efficaces.

Quod verò verba ignota attinet, docuit quidem Paracelsus, *lib. 1. Philosophia sagacis c. 6.* naturam vires suas in verba imposuisse, sicut in herbas & radices. Verum dicit hoc, non probat. Hoc potius verum est, quod de mysteriis Ægyptiorum, *cap. de divinis nominibus*, Jamblichus Porphyrio quærenti, cur Sacerdotes utantur nominibus quibusdam nihil significantibus, respondit: *Omnia ejusmodi nomina significare aliquid apud divos seu demones.* Dæmones nimirum suis clamoribus olim indicarunt, quibus verbis, signis & imaginibus coli & invocari vellent: atque ita ex pacto valent. Ideoque si aliqua eorum efficacia deprehenditur: ea non verborum est, quatenus verba, sed verba illa valent ex pacto, & quidem eo, quod initum est cum eo, qui primus eam disciplinam à diabolo accepit. Unde accidit nonnunquam, ut iis, qui talia verba

An verborum & characterum aliqua vis sit.

Verba ignota & peregrina.

Verba quid & qua eorum vis.

verba & conjurationes legunt, et si non intelligant, quid significant, nihilominus diabolus ex pacto adfit. Cujus rei exemplum recenset Martinus Delrio, *disquisit. Mag. lib. 2. q. 29. sect. 1.* de Cornelio Agrippa, qui cum Lovanii commensalem haberet nimis curiosum, accidit, ut peregrè abiret aliquando Agrippa, & uxori, quam postea repudiavit, claves mularum traderet, additâ prohibitione, ne quem ingredi sineret. Cum verò importuna & instanti petitione copiam ingrediendi impetrasset adolescens, ac in libellum conjurationum incidisset, & in eo legisset, janua pulsatur; & cum ille legendo pergeret, iterumque janua pulsaretur, nec juvenis responderet, Dæmon ingreditur, quæritque, cur vocatus esset, terroque ob metum juveni nec respondenti fauces & spiritum interclusit. Ergo si quid verbis perficitur, à majore & superiore vi id omne dependet, & ex pacto cum dæmonibus, qui ita fludunt hominibus, iisque persuadent, verba præstare, quæ ipsi perficiunt, verbis illis ex pacto provocati.

Quod verò verba sacra attinet, abusus hic illorum est longè maximus. Paulus enim, *2. ad Timoth. cap. 3. v. 16.* omnes usus Sacræ Scripturæ exprimit, *πᾶσα γραφή*, inquit, *θεοπνεύματος καὶ ὀφέλιμος πρὸς διδασκαλίαν, πρὸς ἐλεγχον, πρὸς ἐπιταγήν, πρὸς παιδείαν τὴν ἐν δικαιοσύνῃ.* *Tota scriptura divinitus est inspirata, & utilis ad doctrinam, ad redargutionem, ad correctionem, ad institutionem, quæ*

est in justitia. Hujus verò usus nullam mentionem facit. Neque lingua Hebræa, Chaldæa, vel quæcunque alia hic majorem vim habet, quam reliquæ.

Auger. Ferrerius, *lib. 2. Method. cap. 11.* peculiarem hac de re habet opinionem. Is enim cum & antiquos Medicos hoc curandi genus usurpasse legeret, ut apud Trallian. *lib. 9. c. 4. lib. 12. cap. 7. lib. 10. c. ult.* Aëcium, & alios videre est: à recentioribus verò ad sanguinis profusiviam, ad epilepsiam, ad partus difficultatem, ad febres, vulnera, fistulas, luxationes, hernias talia non pauca usurpari videret, ut ex Fernel. *lib. 12. de abditis rerum caus. c. 16.* pater: Experientiæ & tot illustrium virorum auctoritati fidem habendam esse existimat, & iis, quæ sensibus exposita sunt, contra venire, sani hominis non esse; Doctorum verò experientiam inficiari, temerarium esse putat.

Curationis autem eventum non è characteribus, non ex carmine provenire scribit, sed ex vi animi confidentis & cum patiente concordis. Tantam enim vim esse animi nostri, inquit, ut, si quid sibi persuaserit honesti, atque in ea persuasionem firmiter perseveraverit, id ipsum, quod concepit, agat & potenter operetur: modo alterius, in quem agit, animum non habeat repugnantem ac diffidentem. Nam si diffidentem & adjutantem habuerit, citius, quod intenditur, perficit: si neque diffidentem, neque diffidentem,

Augerit  
Ferrerii de  
serbis &  
characteribus  
opinio.

Verba sacra  
178.

nihilominus vim animi agentis operari. At si fortè æger diffidat, aut planè ridiculum existimat remedium, aut circumstantes habeat, qui fidem elevent, & remedium coram illo contemnant, præcantanti nullam vim esse, quia persuasioni suæ repugnantem habeat alterius animum. Si verò citra fidem ad incantandum accesserit, operam ludere; nisi fortè tam stupidum alterius animum nanciscatur, ut simulatione se decipi non sentiat.

Verum nec hæc Medici aliàs docti opinio toleranda est. Nam cum imaginatio, cogitatio & animi persuasio sit actio immanens, neque ex corpore in-pariens transat: aliquid in alieno corpore operari non poterit; neq; verbis aliquid a loquente, quæcunque etiam cogitet & imaginetur, in rem, quæ incantatur, derivabitur. Et si Medici firma persuasio est principalis causa hujus curationis, qui sit, quod non quibuslibet verbis curatio perficiatur, sed definitis quibusdam? Nam etsi Ferrerius patet, virum doctum & sibi constantem non solum, quæ vulgo probata dicuntur, verum quoque alia à se inventa, vel quæcunque illi ad manum aut in mentem venerint, usurpare posse: tamen nondum ejus rei specimina edita sunt, sed certis quibusdam carminibus verbisq; vis ea ab autoribus tribuitur: aut si quibuslibet idem potest fieri, causa non est in Medico, sed in ægrotò, ut mox dicetur. Et si vis curandi, ut ipse Ferrerius concedit, nõ

est in carminibus & verbis, sed incogitatione ac imaginatione Medici; quid opus verba accedere? & cur Medicus tacitus non id præstaret, quæ loquens?

Nimirum si verba aliquis efficit, sequitur, quem ex se habere non possunt, necesse est, ut fiat à dæmone, ut antea dictum: aut si dæmonis auxilio id non perficiatur, vi imaginationis ægri perficitur; qua ratione ipse Hippocrates fiduciam ægri ad morbi depulsionem conferre dixit. Id quod ipse Ferrerius confiteretur, dum scribit, si æger diffidat, aut remedium tale ridiculum existimet, incantationis nullam vim esse posse: Contra verò etsi Medicus citra fidem & persuasionem ad incantandum accesserit, nihilominus effectum sequi, modò æger Medico incantanti fidem habeat, & tam simplex ac stupidus sit, ut simulatione se decipi non sentiat.


De Characteribus & Sigillis ferè eadem ratio est. Equidem non Paracelsus primò vel Chymici Characteribus & Sigillis aliquam vim tribuerunt; sed jam olim Astrologi & hõs secuti quidam Medici, atq; imprimis Magi. Nam, ut Plinius hac de re scribit, *lib. 30. natural. hist. cap. 1. Magia fraudulentissima artium plurimum in toto terrarum orbe plurimiq; seculis valuit. Autoritatem, idem inquit, illi maximam fuisse, nemo miretur: quandoquidem sola artium tres alias imperiosissimas humane mentis complexa in unam se redigit. Natam primò in Medicina nemo dubitat, ac*

*Videtur, quam  
Verba habere  
residentur,  
unde?*

*Characteribus*

*Magia  
origo*

*specie*

specie salutare irrepisse, velut altiore  
sanctioremq; quam Medicinam. Ita  
blandissimis desideratissimisque, promissis  
addidisse vires religionis, ad quam ma-  
ximè etiam nunc caligat humanum ge-  
nus. Atq; ut hoc quoque suggererit,  
miscuisse artes Mathematicas, nullo non  
avidò futura de se sciendi, atque ea è cæ-  
lo verissimè peti credenti. Ita possessis ho-  
minum sensibus triplici vinculo in tan-  
tum fastigium adolevit, ut hodiè etiam  
in magna parte gentium prævaleat, &  
in oriente Regum Regibus imperet. Et  
revera ita, ut Plinius scribit, sese res  
habet, passimque ex Medicorum &  
aliorum libris patet. Antiquum  
jam esse, jaspidi draconem inscul-  
pere & annulis inferere, ex Gateni,  
*lib. 9. de simplic. Medicam. facultatibus,*  
*cap. de lapidibus,* videre est. Alexand.  
Trallianus, *lib. 10. in fine,* Herculis e-  
recti suffocantis leonem imaginem  
lapidi insculptam ac annulo aureo  
inclusam Colicæ mederi scribit: at-  
que *ibidem,* quasi rem sacram & non  
nisi sacris hominibus communi-  
candam, contra Colicam hunc an-  
nulum commendat. Decimo septi-  
mo vel 21. die lunæ accipere jubet  
annulum ferreum, ac circulum ip-  
sius octangulum efficere, atque in  
octangulum inscribere, *Φεῦγε Φεῦ-  
γε ἰσχυρή: ἡ κορυθαλῆος ἐλάτης;* Fu-  
ge fuge, heu bilis: alaunda quære-  
bat. Subjectum autem signum   
in annuli caput scribere jubet. *Idem*  
Et *lib. 10. cap. 1.* contra podagram  
commendat laminam auream, in  
qua, Luna in libra vel leone confi-

stente, inscriptus sit versus Homeri:  
*πτεήχει δ' ἀγορά: τὰ δ' ἐσοναχίζεθ  
γὰρ.* Qualia passim alia quoque ha-  
bet Trallianus. Plurimos verò ta-  
les characteres proposuit Paracel-  
sus, in *lib. archidoxeos Magic.* Ipse ta-  
men, in *lib. de Philosoph. occulta cap. de  
Characteribus,* omnibus characteri-  
bus, signis, pentaculis, sigillis præ-  
fert duos; unum, in quo certæ figu-  
ræ inscribitur nomen Adonai; alte-  
rum, in quo itidem peculiari figu-  
ræ inscribitur quinque syllabarum  
nomen Dei tetragrammaton. (quasi  
v. tetragrammaton nomen Dei sit)  
Atque hæc sigilla contra dæmones  
omnesq; incantationes prodesse &  
mira præstare scribit. Neq; eo modo  
se nomen Dei prophanare, aut in-  
vanum usurpare putat: cum istis u-  
tatur in hominis commodum, mor-  
bosque ab incantatione ortos, &  
nullo alio medicamento curabiles  
hæc mediis curet.

Verum non sunt facienda mala,  
ut eveniant bona. Neque dum mon-  
stravit Paracelsus, unde hæc figuræ  
suam efficaciam habeant: etsi con-  
fidentissimè scribat, eas è fundamen-  
to veritatis provenire. Nec alii, qui  
characteribus efficaciam aliquam  
tribuerunt, ut Pomponatius, Alb.  
Magnus, & Astrologi in reddenda  
effectuum, quos characteribus &  
sigillis assignant, causa sibi con-  
stant.

Quidam è cælo vires istas dedu-  
cere conantur, & quidem alii aliter.  
Conciliator, *differentia 101.* ex illo  
Ptol-

Characteribus  
vis unde.

1. Opinio.

Protophagi, in centiloquio: vultus sub-  
lunarium subiectos esse vultibus cœlesti-  
bus, id est, species animalium mun-  
di inferioris subijci cœlestibus ima-  
ginibus, statuit, cœlestem scorpionem  
inferis dominari scorpionibus;  
serpentem serpentibus.

Verum sit sanè (quod tamen non-  
dum ab iis probatum) scorpiones  
inferiores, subijci signo Scorpii in  
cœlo: sed quid hoc ad scorpionem  
gemmæ insculptum? Certè sculptus  
vel pictus canis, vel scorpium non est  
sub eodem genere cum cane vel  
scorpione animali.

Alii vim illam instillari sigillis à  
cœlo & stellis dicunt, spiritumque  
astralem in ea influentem & immis-  
sum in mundo sublunari, metallis,  
lapidibus & plantis illis se non ac-  
commodare tantum, verum etiam  
in eorum substantiam occultè sese  
ingerere, cum quibus mutuum &  
sympatheticum in prima creatione  
adeptus est consensum, familiari-  
tatem mox & continuationem.

Verum concedatur sanè, cœlum  
& stellas non tantum, quod vult in  
hac questione Erasmus, *part. 1. Disput.  
adversus Paracels. pag. 151.* hæc infe-  
riora calefacere & illuminare, at-  
que hoc modo ut causam genera-  
lem & communem tempore quoli-  
bet unum effectum rebus cunctis  
demittere: sed statuatur etiam,  
certas stellas peculiare vires per  
occultas influentias in hæc inferio-  
ra ingerere, & ea, cum quibus  
habent familiaritatem, peculiari-  
ter afficere, atque aliam stellam cum

smaragdo, aliam cum adamante, ali-  
am cum rosa, aliam cum alia planta  
habere familiaritatem. Verum quid  
ad hoc faciunt figuræ & characteres  
insculpti & adscripti? cur illas suas  
vires astra non æquè in metalla vel  
gemmas integras, nullisq; chara-  
cteribus insignitas infundunt, quam  
in eas, in quas tales characteres in-  
sculpti sunt? Certè Pæonia iusto  
tempore collecta, aliæque plantæ,  
atque alia omnino omnia, quæ amu-  
letorum naturalium loco usurpan-  
tur, vires suas exerunt, magnes tra-  
hit ferrum & movetur ad polum, si-  
ne omni figura vel characterè in-  
sculpto. Unde rectè, ut supra di-  
ctum, Galenus statuit, Jaspidem  
easdem vires habere, sive illi si-  
gnum scorpium insculpatum, sive non.

Alii ita se expedire conantur,  
dum dicunt, Individua, cum inci-  
piunt esse sub determinata constel-  
latione accipere mirabilem quan-  
dam facultatem operandi vel pati-  
endi, præter eam, quam habent à  
specie. Sed sit hoc ita: tamen gem-  
ma vel metallum non tunc fieri inci-  
pit, cum sculpiri, sed antea erat,  
& quidem individua substantia é-  
rat, atque ex ipsorum etiam senten-  
tia astralis spiritus & vis in substan-  
tiam, cum qua *συμπάθεια* habet,  
se se insinuat. Inter substantias nimi-  
rum naturales est occulta quædam  
familiaritas & *συμπάθεια*, non verò  
inter substantias naturales & figu-  
ras artificiales.

Alii in ea sunt sententia, figuram  
quidem non esse principium ope-  
ratio-



rationis, sed tamen ad operationem plurimum conferre. Nam deformis figura in animo hominis tristitiam; pulchra, gaudium adfert: & per instrumenta artificum, pro ratione figurarum, variæ fiunt operationes, aliæ per ferram, aliæ per scutum.

Verum nec hæc alicujus sunt momenti. Quæ enim est pulchritudo vel deformitas in imaginibus & characteribus hisce? Et cum pulchra delectent, cum videntur, quomodo hæc hominem delectare poterunt, cum vestibus tecta gestetur aut raro adspiciantur? & quid ad illam pulchritudinem varia nomina & quidem ignota faciunt? Instrumenta artificum quod attinet, facit figura quidem ad operationes, quæ fiunt per motum localem: non verò ad operationes, quæ per alterationem fiunt. In his figura nihil potest; gemmæque, si quas vires naturales habent, sub quacunque figura illas exserunt; scribitque Galenus de Jaspide, loco supra allegato, se ejus vim æquæ expertum fuisse, sine figura scorpionis, ac cum ea.

Vires quæ  
Characteribus  
adscribuntur,

Neque alii etiam quid probabile saltem pro Characterum & Sigillorum viribus hactenus adferre poterunt. Et qui possent tam absurdorum dogmatum rationes & causas reddere: cum sigilla non solum morbos depellere; sed alia etiam hominibus omnibus gratiosum reddere; alia scientiam, ingenium, memoriam; alia principum favorem, alia victoriam in bello & cau-

sis civilibus; alia felicitatem in aucupio, piscatura, venatione, mercatura; alia amicos fidos conciliare; alia hominem ad summos honores evehere; alia omnium votorum hominum compotem reddere, & nescio quæ alia præstare, scribant?

Duo enim sunt in Sigillis, Materia & Character, quorum neutri illa vis adscribi potest. Materia à Natura est, & vires istas non habet, quod ipsi consentitur: & si haberet, sine figura & characterẽ haberet; quo modo magnetem ferrum trahere, & alias gemmas suas vires sub quacunque figura & sine characteribus habere constat, ut antea dictum. Characteres ab artifice sunt, *sic refuta-* & vires istas nec ab artifice, nec à *tur.* seipsis habere possunt. Characteres enim sunt ab idea in mente artificis, quæ in exteriora non agit. Ex se verò nihil nisi figuræ sunt. Figurarum autem in agendo nulla est efficacia, ut pote quæ qualitates saltem quantitatis sunt. Omnis enim agendi vis est principaliter à substantia, quæ per suas qualitates est efficax. Atque actio inter contraria ejusdem generis, qualia non sunt naturalia & artificialia; inter quæ Characteres. Nec artificialia in naturalia agunt, eaque alterant & afficiunt, quatenus talia: sed in ea agunt, quatenus materiam naturalem habent: & contra res naturales non alterant aut afficiunt: res artificiales, quatenus tales; sed quatenus ex materia naturali constant. Et proinde imagines vel nominain-

Characteribus

sic refuta-  
tur.

Vires agendi  
unde.

Sculptæ materiæ nihil per se præstare possunt, materiaque, si afficiatur à cœlo, æquè afficitur, si nullam imaginem sculptam habeat; nullamque peculiarem vim cœlestium corporum influxus recipiendi characteres, figuræ ac verba materiæ insculpta ei tribuere possint.

Neque etiam à cœlo vires hæc accipere possunt. Licet enim materia, è qua facta sunt, vires aliquas à cœlo accipere posset: tamen illam recipere posset sine characteribus: neque hæctenus ulla probabili saltem ratione monstratum est, ad influentiam & vires astrorum recipiendas aliquid facere posse tales characteres. Neque characterum cum cœlestibus similitudo aliqua huc facit; cum rerum naturalium cum rebus naturalibus, nõ artificialibus imaginibus earum confusus sit: Præterea imagines constellationibus & asterismis ex hominum arbitrio & voluntate docendi causâ impositi sunt, qui asterismum, quem pisces aut sagittarium nominant, alio nomine appellare potuissent: sicut hoc seculo Hollandi signis illis meridionalibus, quæ in suis navigationibus obseruarunt, liberrimè & pro suo arbitrio nomina imposuerunt.

Cum ergo ex nulla naturali causa vis aliqua sigillis & characteribus adscribi possit, si aliqua sicut Paracelsus, Arnoldus de villa nova, Thurneiferus & recentiores alii multa de his producant, in iis ef-

ficacia deprehendatur, ea vel imaginationi adscribenda, ut antea de verbis dictum, omnibusque notum est, maximam vim esse imaginationis; vel si abs hac sit, à causa supernaturali illa pendeat necesse est: & quidem à dæmonibus, qui characteribus talibus, vi pacti, quod olim cum suis cultoribus inierunt, signis tacitè invitantur & advocantur. A gentilibus enim superstitioni & idololatriæ deditis talia ortum habent, dæmonesque talia sigilla & characteres quasi tesseræ militares sibi constituerunt. Et proinde ex pacto sive implicito sive explicito valent, eo nimirum, quod diabolus cum eo inicit, qui primus ab eo hanc disciplinam hausit. Agit nimirum id diabolus, ut constitutas à se superstitiones confirmet ac stabiliat, easque hominum mentibus inserat, vel insertas confirmet & propaget, ac hominem a Creatore suo, mediisque ab eo creatis & in salutem hominum ordinatis, ad se quocunque modo auvertat. Ideoque talia nihil aliud sunt, quam noctuæ quædam diaboli, quibus ad aucupia animarum humanarum utitur. Ac proinde tolerandum non est, quod Phædro, in *chirurgia minore*, scribit, in tali cura characteristica majora & miraculosiora delitescere abscondita mysteria majorum Patrum & antiquorum Prophetarum, quam fas sit profari. Debuisset homo temerarius prius demonstrare, vel à Deo & natura, vel arte

Contus Phædro- nem.

cha-

characteribus & verbis constellatis, quæ appellat, tantam vim inditam esse, quam in alios Medicos ita debaccharetur, eosque blasphemos alastores, qui honorem Deo in summis & miraculosis characteristica curæ operationibus detrahant, nominaret. Is Deum honorat, qui Dei opera, qualia ab ipso condita sunt, contemplatur, admiratur & celebrat. In Deum verò injurius & impius est, qui rebus vires, quas nec à Deo, nec ab arte acceperunt, tribuit.

Et Patres primi ac antiqui Prophetæ, quos cura characteristica usus scribit, non sunt ii, quorum in sacris literis fit mentio; cum talia superstitiosa ipsos adhibuisse, nullo argumento probari possit; sed illi, quorum in *Asclepio Hermet. Trismegist.* fit mentio his verbis: *Quoniam præavi multum errabant contra orationem Deorum increduli & non advertentes ad cultum religionemq; divinam, invenerunt artem, qua Deos efficerent; cui inventæ adjunxerunt virtutem de anima mundi convenientem, eamq; miscerentes. Et quoniam animas facere non poterant, evocantes animas demonum vel angelorum eas indiderunt imaginibus suis divinisq; mysteriis, per quas sola idola & benefaciendi & malefaciendi vires habere potuissent.* Atque alii omnes, qui characteres istos probaverunt & defenserunt, damnata Magiæ & superstitionibus dediti fuerunt, Platonici scilicet, studiosissimi demonum cultores, Cornelius Agrippa, Paracelsus

& similes de Magiâ infami suspecti.

Neque valet, quod dicunt, talia fieri sine demonum invocatione & adjuratione, aliisque modis illicitis, sed vi naturali operari. Nam primò ipsis probandum erat, peculiare virtutes talibus sigillis, quas metalla & gemmæ ex se non habent, inesse: quod nisi probaverint, mediis illicitis & à Deo non ordinatis, & in natura non propositis utuntur. Deinde etsi pactum cum diabolo & conjuratio explicita non accedit, implicita tamè adesse potest, agnoscatque diabolus istas quasi tesseras suis cultoribus semel propositas. Et quis eorum, qui omnem superstitionem & idololatriam in talibus sigillis abesse defendunt, nobis explicare potest, quid illi miri characteres, & ut Apulejus nominat, ignorabiliter literati, & ignota verba, quæ apparent in sigillis à Paracelso, in *archidoxi Magica* & alibi, propositis significant, aut fidem suam interponere, illas figuras & ignota verba non diaboli tesseras esse, quibus suos cultores sibi devinxit? Quid studioso illi Lovanensi in Museo Cornelii Agrippæ acciderit, antea dictum. Et æquè prohibitum ac nefas est, diabolum implicitè, quam explicitè & expressè colere. Unde prima Ecclesiæ gentibus ad Christianam fidem conversis mandat, in *actis Apostolicis.* ut abstineant ab idolothytis, seu iis, quæ diabolo consecrata erant.

*Characteres Magicæ tessera demonibus;*

An liceat  
Magiis  
auxiliis ad  
morbos pel-  
lendos uti.

Sed, inquit, Paracelsus: Ergone ægri relinquendi & omni auxilio destituti deserendi erunt; cum medicamenta illa naturalia, & quæ morbis à naturalibus causis opitulantur; morbis per veneficia & à diabolo inductis nihil auxilii adferant? Hic sciendum, primò falsum esse, nullos morbos per Magiam inductos mediis naturalibus sanari posse: cum exempla talium morborum curatorum apud Medicos occurrant. Neque enim omnes morbi à diabolo inducti sine causis naturalibus, sed sæpe ministerio rerum naturalium producuntur, qui proinde causis illis remotis per media naturalia tolluntur; accidentibus inprimis precibus, & firma in Deum fiducia. Ita obsessis quibusdam à diabolo purgantia melancholiæ medicamenta utiliter exhibita sunt; exantque ejus rei historiam in centuriis curationum Rulandi & alibi. Est enim humor melancholicus, ut vulgò dicitur; balneum diaboli. Sic per purgantia capilli, acus, ligna & alia miranda, quæ de veneficio suspensionem non levem moverunt, vomitu & per alvum dejecta sunt; ægrique inde convalescerunt. Et sit sanè, ut nihil opis à mediis naturalibus in talibus morbis percipiatur: non tamen ad diaboli auxilium confugiendum esse, jam supra pluribus monstratum. Omnia diaboli auxilia suspecta & fraudulenta sunt, qui sanat corpus, ut lucretur animam, hominemque à Deo adversum sibi devinciat: mor-

busque quilibet acerbissimus, imò mors ipsa, sanitate à diabolo impetrata oprabilior.

Quid ergo, inquires, ægro agendum, si nec à mediis naturalibus auxilium sperari potest, nec à diabolo auxilium petere licet? Contraria contrariis curari rectè dicunt Medici; idque & hic observandum. Si ergo à dæmone inductus sit morbus, auxilium divinum ei opponendum, illudque precibus ardentibus animoque in Deum confiso implorandum. *Dominus occidit & vivificat; deducit ad inferos & reducit; onus imponit, & tamen est salus nostra.* Ipse invocandus in die afflictionis, & eripiet nos: Ipse sanabit, quando & quomodo volet. Imò si Domino non placet à morbo liberare, nihilominus cum Davide dicendum: *Ei si me occidat Dominus; tamen sperabo in eum.*

Cognata huic questioni est alia, de curatione, quam appellant, *Magnetica & vi amuletorum.* Multos rerum naturalium effectus esse, qui non per contractam corporeum, sed virtutalem, ut appellant, afficitur, nemo hodiè, nisi rerum naturalium planè ignarus, negat. Ita Galenus, *6. de simpl. medic. facult. titulo; Glycyfida*, pœoniam collo suspensam epilepsie mederi scribit; quod & Fernelius, *lib. 2. de abdit. rerum causis c. 17.* & alli Medici plurimi confirmant. Ungulam alcis spasms prodesse, vulgò quoque notum. Aëritem femori alligatum partum promoveri, Dioscorid. *lib. 5. c. 118.* tradit, observa-

In desperatis morbis quid agendum.

Curatio Magnetica

servavitque idem Valeriola, *lib. 1. obs. 10.* De Satyrio Erithronio Dioscorid. *lib. 3. cap. 127.* & Plin. *lib. 26. cap. 10.* scribit, vel manibus solum detentum libidinem vehementer promovere. Sic lapis hæmatites & bubo exsiccatus, manibus tam diu detenti, donec incalescant, hæmorrhagias sistunt. Garcias ab orto, *de aromatibus Indiciis, lib. 1. cap. 53.* refert, lapidi Alequecæ in India Orientali eam vim inesse, ut vel de corpore suspensus sanguinem ex quacunque parte effluentem sistat. Tincampiscem admotum corpori ictero mederi omnemque bilem in corpore effusam ad se attrahere, refert Conradus Gesnerus & Kentmannus. Quanta lapidis Nephritici gestati saltem ad pellendum arenulas & calculos sit efficacia, cum alii docent, tum prolixè monstrat Matthæus Unzerus, *de Nephritid. lib. 1. cap. 24.* Quis non audivit, contacta torpedine per tridentem, piscatoris manum obstupescere? Umbra quoque arborum quarundam noxias esse, notum est. Quis est, qui vel non viderit, vel fando non audiverit, nonnullos conspectum felis, alios verò ejus, quam etiam non vident, in cista inclusæ præsentiam ferre non posse, sed animo linqui, nec melius habere, antequam felis remota sit?

Inter reliquas verò omnia cum admiranda vis sit magnetis, cum in trahendo ferro, tum in conversione ad polum: *actiones* ejusmodi, quæ sine contactu corporeo perficiun-

tur, à magnete, κατ' ἐξοχῶν, *Magnetice* hodie appellari solent. Quæ cum ita sese habeant, & tot passim experimenta suppetant, facere non possumus, quin actiones tales magneticas, quæ absque corporis contactu per occultam rerum sympathiam & antipathiam fiunt, admittamus. Sunt nimirum multæ rerum ἀνόρηται, quæ quidem sensibus non percipiuntur, à quibus tamen rerum, quæ se corporaliter non contingunt, occulta συμπίθεα & ἀντίπερα dependet. Et qui tales rerum consensus negare velit, eum vel rerum naturalium summè imperitum, vel temerarium in iis, quæ experientiâ probantur, negandis esse oportet.

Neque hic Thomæ Erasto, viro aliàs doctissimo, assentiri possum, qui, *disput. contri Paracelsi. part. 1. pag. 187.* & seq. omnes tales rerum occultarum consensus negat, scribitque, maximam partem eorum, quæ de hac occulta antipathia rerum scripta reperimus, vana falsaque esse; & se ex plurimis, quorum facere periculum licuerit, nullum invenisse verum, præter quam, quæ rationem habent imperitis etiam agricolis cognitam: & quæ de gemmarum occultis viribus dicuntur, meras nugas esse; nihilque hac in parte veri esse concedit, nisi quod à manifestis qualitatibus dependeat.

Verum enim vero anne & Magnetis ferrum trahit & ad polum movetur ob manifestas qualitates? Nullo

*Erasti contra actiones magneticas sententia.*

*Actiones  
Magneticæ  
quæ, & unde  
diſt.*

Nulla modo certè. Quod cum negare non possit: ex uno naturæ miraculo non oportere plura ejusdem generis introducere, contendit. Verùm talia miracula, si libuisset, plura in natura observare potuisset: observaruntque alii viri docti talia non pauca. Et quamvis non negem, aliquam partem eorum, quæ passim apud autores exstant, vana ac falsa esse: magna pars tamen vera est: etsi multa ex iis eorum Philosophorum, qui qualitatibus primis occæcati sunt, oculos effugiant: tantum abest, ut ab imperitis agricolis cognosci possint.

Neque magni momenti sunt, quæ *part. 4. disp. contra Paracels.* contra amuleta, & quæ, quæ in distans fiunt, actiones affert. *Cum naturalia in se, inquit, sive propter formam substantiæ effectricem, sive propter certum temperamentum rebus subjectis insint: non aliter mutantur, quam per sensibilem qualitatium alterationem, sive temperamenti mutationem. Quippe forma substantialis per se nec corrumpitur, neque mutatur non mutato temperamento, &c.* Et mox: *Certo certius est, pharmaca nulla potestate latente morbos abigere, nisi quæ causam expellere, vel morbum ipsum delere possunt.*

Verum enim verò, malè præsupponit Erasius, nullas in rebus dari qualitates, præter eas, quæ fluunt à temperamento primarum qualitatium, aut si dentur, quæ fluant à forma, non mutari posse, nisi temperamento mutato sensibilem

qualitatum. Experienciã enim multiplici constat, dari multas occultas qualitates, quæ ab ipsa forma substantiali, non mediante temperamento primarum qualitatium, fluunt. Hæ ergo qualitates cum sui generis qualitates contrarias habeant, unde fit rerum antipathia: possunt illæ qualitates mutari, non mutato temperamento. Nec illud admitti potest, quod putat: occultas qualitates non nisi proxima, & quæ contingunt, corpora afficere; in remota verò, & inter quæ aliquid interjectum sit, non agere. Reperiuntur enim, ut jam aliquoties dictum, inter quos & feles ea est antipathia, ut ad præsentiam felis etiam cistæ inclusæ, & quam non vident, animo deficiant. Et magnetis vires trahendi ferrum nullo obice aut obstaculo imperiri posse, ac per tabulam interpositam ferrum à magnete trahi ipsa experientia constat. Et quod Erasius negat, ferrum à magnete per medias carnes & cutem trahi, id affirmat Ambrosius Paræus, *lib. 7. Chirurgia cap. 15.* Ubi refert, Chirurgum quandam hernias puerorum curasse magnetem in tenuissimum pulverem redacto & cum polenta exhibito, inguine verò, quæ præcipitabatur intestinum, melle inuncto & subtili ferri limatura asperso. Quod etiam impossibile esse putat, frustum lapidis aut radicis appensum cuti tantam vim morbifici humoris educere, aut morbum adeo terribilem jugulare posse, id impossibile planè

plane non est. Est enim sensibiler humores vitiosos non educat: in caussam tamen morificam agere alio modo talia possunt. Etenim non ipsi humores, quatenus tales, causa epilepsiae sunt, sed malignum illud in humoribus & prava humorum *Agens*, & quod peculiari vi cerebro infestum est, quodque in minima etiam quantitate magnas vires habet, ut in venenis videre est. Illud si extinguitur, & qualitas illa si tollatur, epilepsia cessat, humore manente, modo is non totus corruptus fit. Nec impossibile est; humorem aliquem, qualitate quadam deposita manere, sicut id non solum in coctionibus humorum, sed & aliis rebus apparet. Spiritus vitrioli, exempli gratia, insignem aciditatem & acrimoniam habet: at si aliquid olei vel salis tartari addatur, omnem illam, nulla parte abjecta, amittit.

Verum cum res creatae omnes virtutem finitam habeant, & alia majorem, alia minorem: actio illarum terminis concluditur & definitur; & quidem amplioribus vel angustioribus, quos in scholis Philosophorum Sphaeram activitatis nominant, quod in orbem res naturales suas vires agendo diffundere soleant. Ac proinde & actio illa, quae per contactum virtutalem fit, etiam suis terminis concluditur. In qua assignanda, ne fallamur, attendendum. Corpora caelestia vires suas longissime dif-

fundunt. Elementorum actio angustioribus terminis coercetur. Quae vero res per species spirituales & occultas virtutes agunt, longè latius vires suas diffundunt, ut in speciebus visibilibus, sono, odore, & similibus videre est. quorum quaedam etiam corporum obstaculis inagendo non impediuntur; sicut in sono patet, qui etiam densissimos muros penetrat. Ideoque non rectè nonnulli sphaeram activitatis occultarum qualitatum non latius sese extendere putant, quam actio caloris in igne se extendat. Lux enim in ipso igne, ut & in aliis rebus, longè latius diffunditur, quam calor ignis. Non tamen & hi limites nimis late extendendi, ut illi faciunt, qui actiones ad plurima milliaria extendunt; cum exemplis è natura petitis id probare non possint. Trahit magnes ferrum, sed non longè remotum. Habet paeonia & alia amuleta suas vires; sed in corpora propinqua, non longè remota.

Per hos ergo occultos rerum naturalium consensus & dissensus, si quae curationes perfici possunt, eas libenter admittimus. Cur enim impossibile fit, per occultam qualitatem aut *δυσπόσια* medicamenti extra applicati, causam morbicam vel *μίασμα* aliquod, quod sanguinem inficit & corruptit, partiumque naturalem actionem labefactat, vel discuti vel è corpore extrahi? Ita certe venenum à Scorpionis ictu immissum, à

*Curatione magnetica.*

*Sphaera activitatis.*

Scorpione imposito extrahitur; à vipera injectum, carne viperina; alia ab aliis ob similitudinem attrahuntur. Simile enim simile attrahit. Qualia remedia etiam in peste adhibentur, multa que talia experientia comprobata nota sunt, ut oleum Magni Ducis Hetruriæ, oleum Scorpionum Matthioli. Ita febres nonnunquam per amuleta vel vesicatoria tolluntur. Et memini non ita pridem quandam quartana diuturna laborantem, tandem que acutissimos in sinistro humero dolores sentientem, ranunculo, nescio cujus consilio, carpo applicato, & à febre & à dolore liberatum fuisse.

Neque est opus, ut amuletum (quod nonnulli obijciunt) simul habeat vim malam qualitatem introductam tollendi, parti que suum tonum & naturalem suam constitutionem restituendi. Causa enim morbifica sublata, natura, que nunquam otiosa est, plerumque impressa illa & relicta à causa vestigia sponte tollit & abolet.

Unum hic attendatur, ne superstitiosa vel Magica, & que vel ab imaginatione, vel à causa superiore, & pacto seu explicato, seu implicato cum diabolo pendent, pro Magneticis venditentur. Neque Sigilla & Characteres ad magneticas operationes referri possint, cum illa vis, que ii à nonnullis adscribitur, nullo modo naturalis sit: & nec probabile quid ii, qui Sigillorum vires, quas ipsis tribuunt, natura-

les esse contendunt, pro sua opinionione stabilienda afferre potuerint: Sed si Sigillum aliquam vim habere deprehendunt, que non sit in gemmis vel metallis, ea, ut dictum, vel imaginationi vel vi superiori ascribenda.

Quo loco & alia quædam habenda sint, que passim circumferuntur, viris doctis & prudentibus considerandum relinquo; cujusmodi sunt Aqua Martia & fortitudinis, balsamus magnanimitatis, & alia quædam, ab Andr. Libavio, in defensione Syntag. arcan. Chym. contra Henning. Scheunemannum action. 1. cap. 3. proposita. Portentosa est quoque Lampas vitæ & mortis, ab

Ernesto Burggravio descripta. *Lampas* Lampas vitæ & mortis Ern. Burggravii.  
*pas*, inquit, *hac sive lumen, incensum semel, ardet jugiter, quoad homo ille, è cuius apertur sanguine, vitalem ducit spiritum, atque eodem, quo eundem efflat ipse, horæ sive momento sive pur- Extinctio, simul cum eo, extinguitur. Scito insuper: si flamma luculenta sit, elevata, tranquilla & immota, nihil homo iste, quod vel corpori vel animo grave sit aut molestum, sentit: Sin verò secus habeat, & assurgens flamma variè scintillet, aut depressior sit, aut nubilosa & torpida; indicium tibi anxietatis, tristitiæ, cæterorumque pathematum, esto. Perpetuò enim ex congenitis Microcosmi influxibus astralibus, ac naturalibus inclinationibus, (cum & sanguis ille à sanguine ipsius hominis, & corpus ejusdem à substantia hujus ipsius sanguinis, à quo sanguis ad præ-*

*Magica pro occultis Qualitibus non venditur.*



ad preparandam Lampadem mutuo quasi sumtus est, enutriatur) flamma ista pro statu & habitu istius hominis sive prospero sive adverso emicat, & spectandam sese præbet. Si hæc non est Pyromantia, nescio, quid pyromantia sit. Et an non talis artifex Deo æquiparatur, qui solus corda & animi affectus scrutatur, & cui soli dies vitæ & mortis nostræ noti sunt?

Nullo verò modo ad magneticas, & quæ in distans sunt naturaliter, actiones referri possunt eæ, quas Paracelsus imaginibus tribuit, quas, ut supra, cap. 13. dictum, ad similitudinem alicujus hominis vel membri ejus, forti fide, & firma ac fixa imaginatione fabricare, atque illis medicinam adhibere jubet. Cum enim nec imago talis in hominem longè absentem, cui similis est, ullam ex se vim agendi habeat; neque ab imaginatione ille effectus dependere possit, ut antea monstratum: tales imaginationes, sive ad nocendum, sive ad curandum sint compositæ, merè Magicæ sunt, & effectus omnis, qui sequitur, à diabolo pendet. Cujus incantationis Magicæ passim apud Gentiles mentio fit. Horatius. *serm. lib. 1. Sat. 8.* de Canidia & Sagana, ac duabus imaginibus, quarum altera supplicium, ejus vice, quem repræsentabat, patiebatur, altera exercebat, ita scribit:

*Lancea & effigies erat, altera cerea:  
major*

*Lancea, quæ penis compesceret inferiorem:*

*Cerea suppliciter stabat, servilibus,  
utque*

*Jam peritura, modis.*

Et de Medea Ovidius:

*Devovet absentes, simulacraque  
cerea fingit,*

*Et miserum teunes in jecur urget  
acus.*

Talis quoque, lutea & cerea, præcul dubio fuerunt imagines, non verò rudis limus & cera, de quibus Virgilius, in *pharmaceutria*, quibus mulier in magicis sacris maritum suum ab urbe domum revocare conatur:

*Limus ut hic durefcit, & hæc ut cera  
liquefcit*

*Uno eodemq; igni: sic nostro Daphnis  
amore.*

Atque hoc modo per incantationem aliquibus damnum illatum, esse historiæ testantur, ut apud Zonaram de Simone principe Bulgaria, Hectorem Boëtium, de Duffo Scotiæ Rege, & Genebrandum, *lib. 4. Chronolog.* de Ludovico Rege Galliæ videre est.

Ideoque omnes effectus titulo & exemplo magneticarum, aut aliarum admirandarum operationum in natura palliari non possunt. Alias & venefica, furcâ unguento magico delibutâ per aerem inveccta, sese volatu animalium, & sagittarum aliarumque rerum gravium per aerem motu se excusare, & vim sui unguenti prætereundere possent. Atque ut magicæ actiones à naturalibus distinguantur, circumspeditione opus est; neque sufficit effectum aliquem adesse, sed de causa ejus inquirendum,

Incantatio  
per Imagi-  
nes.

dum, & an à naturali vi vel diabolica potestate fiat, dispiciendum.

Qui autem penitus actiones magneticas cognoscere, & occultarum rerum *συμπύκνωσιν* & *ἀντιπίδεςιν* investigare cupit, magnetis naturam diligentius inquirat, auroresq; qui de eo scripserunt, consulat: & qua ratione actiones illæ medicationesque, quæ sine corporali contactu fiunt, perficiantur, rectius intelliget. Est enim hæc vis in magnete maximè conspicua, atque ab eo, ut dictum, etiam nomen obtinuit. Neque alicui mirum videatur, quod *δραπύποιαι* illæ & vires ad loca sæpe remota pertingunt, aut quod una res, unam saltem rem afficit, reliqua verò non afficit. Nam aeri externo & qualitatibus primis nulla in hæc agendi potentia est; sicut videmus species visibiles sine omni mutatione in aere tam calido, quam frigido, tam humido, quam sicco, tranquillo & à ventis moto propagari. Deinde ea saltem se mutuo afficiunt, quæ naturalem cognitionem habent: sicut videmus, à sono tantum aures, non oculos vel nares; ab odore nares, non oculos vel aures, affici. Sed hac de re & de modo, quo actiones, quæ sine corporum contactu per tales *δραπύποιαι* expediuntur, jam supra etiam *cap. 10.* actum, totiusque Magiæ naturalis, quæ revera talis est, fundamentum hic consistere, & ex his occultis rerum effluviis & *δραπύποιαις* petendum esse, dictum.

Videatur hujus loci & illa quæstio

esse, qua controvertitur. An plantæ ad usus medicos certo tempore, & quidem secundum stellarum aspectus & positus, colligi debeant. Negant quidem hoc plurimi, atque inter eos quoq; clarissimus Erasmus, *part. 1. disp. cont. Parm. p. 190.* & sacris literis hoc prohibitum esse aurturmat: & in plantarum collectione ad id tantum attendendum esse, ut alia vere, alia æstate, alia autumno colligantur; alia cælo sereno, alia pluvio, alia aère calido, alia frigido. Verum ubi in sacris literis hoc prohibitum sit, ego quidem nescio. Aut iusne etiam prohibitum est, ut ligna ad ædificationis usus potius decrescente, quam incrementum sumente Luna cædantur? in plantis quibusdam ferendis & arboribus inferendis Lunæ *Φάσεις*, quod agricolis est notissimum, observetur? Ergo hic potius cum Matthiolo, *in præfat. in Dioscorid.*, & plurimis viris doctis, cum quibus hic Chymici plerique consentiunt, statuo: in plantis quibusdam colligendis certos siderum ad spectus observandos esse. Cum enim inferiora hæc à superioribus gubernentur, & cum iis consensum habeant: non absurdum est, pro vario cæli positu vires plantarum quarundam fortiores vel debiliores esse. Putantque plurimi doctissimi viri, quod notissima & celeberrima contra epilepsiam planta pœonia non omnium votis satisfaciat, causam nullam aliam esse, nisi quod non justo tempore colligatur. Et Galenus, *lib. 2. de antidot. cap. 11.*

An planta certo siderum positu colligenda sint.

De Magnet.

Species spiritalium naturalium.

Alyf.

Alyſſum herbam contra canum rabioſorum morſus inter caniculæ æſtus colligendos eſſe docet. Atque ex rei Medicæ utilitate eſſet, talia plura diligenter annotare.

Porro de medicamentis, quæ ad ſanandos morbos vulgò adhibentur, etiam non parum diſſentiunt à Galenicis. Primò quidem, ut ubiq; ita & hic qualitates primas carpunt plerique & non magnificiunt. Verum contra experientiam, qua conſtat, ab exceſſu qualitatum primarum intemperies in corpus humanum induci, & per contrarias eaſdem ruruſum expugnari poſſe. Et quid ſaltem frigidus potus poſſit; ex Galeno & quotidiana experientia patet.

Illud tamen hic diſſidendum non eſt, eos parum rectè ægrorum rebus conſulere, qui ſaltem ad primas qualitates intenti occultarum proprietatum nullam rationè habent: quod tamen facere & utile & neceſſarium eſt. Cum enim, exempli gratia, calidorum & frigidorum medicamentorum ingens fit numerus: ſingulæ tamen calidorum & frigidorum medicamentorum ſpecies ſpeciales & ſingulares habent proprietates, quibus unum ab alio diſfert, & quibus diverſis partibus & morbis dicata ſunt. Et proinde non ſolum in præſcribendis medicamentis primis qualitibus intentum eſſe, ſed & quæ cuique parti & morbo propria ſint medicamenta, conſiderare decet. Atque utilius eſt, in capitis morbo frigido adhi-

bere betonicam, rorem marinum, ſtechadem Arabicam, quam piper, veronicam, aut pimpinellam &c. Præſtat pauca, probata tamen & propria medicamenta in uſu habere, quam nimium generalibus qualitatum primarum regulis ſolù niti.

Deinde etſi Chymici plurimi vulgaria medicamenta integra, qualia à natura nobis ſuppeditantur, non planè rejiciant: tamen aliqui eorum omnia ſerè medicamenta, quibus ad hunc uſque diem Græci, Arabes, Galli, Itali, Germani, aliæque nationes uſæ ſunt, ac paſſim in Pharmacopoliis parantur & proſtat, omnia venenata & maligna eſſe proclamant; & propterea non niſi arte Chymica ab impuritatibus ſeparata & præparata in uſum trahenda eſſe cenſent. Idq; per omnes claſſes medicamentorum probare conantur.

Et primò quidem Purgantia quod attinet, etiam Galenicorum & Græcorum ac Arabum medicorum conſenſu malignitatem in purganibus reperiri, & ut Galenus, *comm. 2. de ratione viſus in acutis*, ait, medicamentorum purgantium naturam corporum noſtrorum naturæ contrariam eſſe & deleteriam, quaſi, aſſerunt. Et in ſpecie, quod hic recensere, ut notum, opera pretium non putam, quæ ſingula purgantia corpori noſtro damna inferant, ex Græcis & Arabibus prolixè recenſet, & hinc omnia, quæ in officiis vulgaribus purgantia exſtant, ut venenata rejiciunt; nullumque illorum

*Vulgaria medicamenta non rejiciendo.*

*Purgantia.*

*Qualitates primas in curando quid poſſunt.*

uſum.

usualium medicamentorum est ; nulla pilularum, potionis velectuarii purgantis descriptio, quæ ipsis veneni labe infecta non videatur.

*Alterantia*

Deinde & Alterantia, venenata, maligna, corrosiva ac impura esse eodem modo probare conatur. Crocum secundum Dioscoridem, *l. 1. c. 25.* lethalem esse, si *ʒij.* pondere fumatur. Coriandri perniciem è Dioscoridis. *l. 6. c. 9.* notam esse scribunt; ut & papaveris, hyoscyami, cicutæ, absinthii, & aliarum plantarum plurimarum noxam & incommoda. Neq; solum in his, quorum quædam incommoda nec Galenici planè negant, venenatas qualitates evidenter conspici asserunt, sed & ea, quæ sanitati solum inferre videntur, rosas, violas, melissâ, valerianam, lavendulam; stæchadè, betonicam, argentum, aurum, ab impuritatibus non esse libera, sed morborum, mortisq; adjunctas habere radices existimant, quæ velut adjuncti hospites fallaci servitutis imagine oportuna nequitia expectent tempora, atq; ubi exaltata & ab aliis separata fuerint, calamitosa symptomatum perniciè ostendant innatas vires & dissolutionum ac mortis auctores existant.

*Veneni in medicamentis origo sec. P. racell.*

Porro labem & malignam istam remediorum qualitatem ob peccatum pœnæ loco à Deo inflictam esse, & naturam in calamitosam sortè transplantatam non producere jam puras essentias, sed in libra una croci decem uncias veneni reperiri.

Qui moderatiores sunt, venenata quidem omnia medicamenta esse non dicunt: multum tamen impuri habere admistum, quod vires utiles impediat; ac eos, qui integra medicamenta exhibent, non secus facere, ac si quis aves cum nidis coqueret, cochleas cum testis devoraret.

Alchymiam verò unicum instrumentum esse, quo non solum maligna ista qualitas ob peccatum à Deo insita tollatur, verum etiam impuritates, quæ vim & potestatem spiritus vivifici impediunt & frangunt, abjiciantur. Vulgares verò istas medicamentorum præparationes, quibus medicamenta incisa, contusa & in pulverem redacta, per se aut vino, aqua, sero lactis, aliove liquore, vel etiam saccharo aut melle excepta, sub pulveris, potionis, electuarii, pilularum, vel alia quacunque forma, adjectis quoq; aromatibus, exhibentur, planè rejiciunt, & ista præparatione & mistione pestiferas & venenatas qualitates medicamentorum non tantum non corrigi, frangi & debilitari, verum potius longè peiores & ferociores reddi consent. Etenim ipsius Galeni, *3. de simpl. medic. fac. cap. 15.* testimonio malignas qualitates non tolli aliorum admistione, sed saltem gustum falli, existimant: unde postea medicamenta assumpta non minori vehementia, quam si sola exhiberentur, suam ferociam exferant, & æquè, ut antea, corpori inimica maneant & vires debilitent. Atque hinc etiam juscula abluentia post

*Vulgares medicamentorum præparationes rejiciunt Chymici,*

post sumtas purgationes frustra exhiberi dicunt. Et hic longam texunt historiam symptomatum, quæ ex purgantium vulgari modo præparatorum usu excitata sint.

Neque mirum esse putant, si hæc ita fiant; cum nulla in vulgaribus præparationibus puri ab impuro fiat separatio, neque venenata qualitas longa fermentatione mitigata fuerit. Maximam partem istorum medicamentorum non fermentata exhiberi, & licet quædam composita diutius asservantur tamen in istis cruda, crassa & impurata misceri, ut nulla possit fieri fermentatio.

Atque hic in vulgares componendi medicamenta leges invehuntur. Primò enim reprehendunt, quod nimis magnus medicamentorum numerus in compositis coacervatur. Cum enim quilibet morbus unicum naturam habeat, & propterea unicum remedium appropriatum requirat, frustra etiam viginti vel triginta, aut plura coacervari, ubi unicum simplex medicamentum sine ulla aliorum permissione sufficere possit. Deinde cum cibus simplex sit optimus in homine, varius verò noxius: multò magis in corpore agrotante & debili simplicia medicamenta convenire; naturam verò debilem tantâ medicamentorum farrag. ne offendi. Præterea habere nonnulla medicamenta certam inter se repugnantiam, quam nisi medicus longo usu & experientia noverit, unius interdum permissione multorum egrégias vi-

res obtundi. Et si enim quædam similes effectus edere videantur: occultis tamen quibusdam viribus dissentire possunt, quarum ratione, si unam compositionem ingrediuntur, se mutuo oppugnent. Ideoque necessarium esse, ut in composito simplicia non solum primis, sed etiam occultis & omnibus omnino qualitatibus consentiant. Id quod medicum præstare, difficile est; cum unica natura veras miscendi leges calleat, quæ mortalibus ignota sint. Atque hinc factum esse scribunt, ut doctissimi olim Medici, Hippocrates, Galenus, & alii raro operosiores compositiones usurparint, sed unico vel duobus aut tribus simplicibus junctis mira effecerint. In hunc sensum multa coacervant, quibus ipsi Medici Galenici contra nimis operosam medicamentorum compositionem utuntur, & ex Plinio loca quædam, in quibus in composita medicamenta invehitur, colligunt.

Quas verò compositionis medicamentorum causas afferunt Medici Galenici, eas planè rejicere conantur isti recentiores. Primò enim quod dicitur, si nullum medicamentum simplex morbo idoneum suppetat, componendum esse tale: id negant, & nullum esse morbum dicunt, qui non legitima sua habeat remedia, & ubique locorum simplicium præstantissimorum magnâ suppetere copiam. Quod verò compositum in temperierum causa plurima medicamenta interdum

*Compositis  
nis medi-  
camentorū  
causæ à  
Chypticis  
rejiçuntur*

*Quæ in  
vulgari  
medicamē-  
torum præ-  
paratione  
reprehen-  
dant Chy-  
micis.*

*Composita  
medica-  
menta.*

miscenda sint, id plane negant, vanumque esse dicunt, morborum & sanitatis causas qualitates istas statuerent. Deinde quod eo sine compositio medicamentorum necessaria esse statuitur, quod medicamentum simplex ob venenatam malignamque qualitatem correctione, aut si quod sit imbecillum aut ignavum, stimulo opus habeat, & id rejiciunt, & malignam venenatorum medicamentorum qualitatem non solum corrigentibus istis adhibitis non minui, sed etiam augeri statuunt. Quod vero purgantium ignavorum & imbecillium vis acriorum permissione stimulari possit, experientia carere, dicunt. Neque etiam directoris opus esse existimant. Si appropriata & Chymice preparata adhibeantur medicamenta, nec attenuantibus, nec directoris opus esse. Neque etiam opus esse, ut corroborantia addantur; cum omne remedium ita affectum esse debeat, ut non noceat, sed proficiat. Ita nec durationis causa opus esse, ut componantur medicamenta; cum si Chymice preparata remedia fuerint, etiam si simplicia sint, diu integris viribus persistere possint. Tandem nec ad jucunditatem conciliandam compositione opus esse putant; cum, si Chymice preparata sint, satis jucunda esse soleant.

Verum itaque medicamenta preparandi modum saltem esse penes Chymicos statuunt: vulgares vero preparationes, cum scilicet medicamenta contunduntur, in pulve-

rem rediguntur, scinduntur, assantur, uruntur, infunduntur, coquantur, & inde ex iis vel per se, vel cum saccharo, melle, succo aut liquore aliquo, ut vino, sero caprino, & similibus variaz medicamentorum formaz sunt, ut pulveres, conservaz, tabulaz, trochisci, pilulaz, electuaria, condita, eclegmata, infusaz, decoctaz, syrups, toto celo aberrare, scribunt. In hisce enim preparationibus omnibus spiritum illum naturalem, actionum omnium autorem, durissimo illo, quo conclusus est, carcere non liberari, venenum a medicamento, purum ab impuro non separari, medicamentorumque vires per diu ac dissipari; atque hinc crudis istis, immaturis, venenatis, deleteriis, corrosivis & ingratis medicamentis maximum hominibus damnum inferri, eademque aegris plerumque tantam nauseam parere, ut sola imaginatione etiam aegris molestiam concitent, & nonnulli mori, quam talibus medicamentis uti, malint.

Postea vero in specie plerasque vulgo usitatorum medicamentorum preparationes & formas reprehendunt. In coctionibus, ajunt, plurimae & praestantissimae vires deperduntur & evaporant: impuritates non separantur, saporum, odorum, caliditatis, frigiditatis & similibus qualitatatum ingratae impressiones relinquuntur; quae clarificatione per ovi albumen, vel admixtione sacchari mellis & aromatum corrigi non possunt: vires medicamenti alienae humi-

*Decoctio-  
nes repre-  
henduntur  
& Chymic.*

humiditati commiscetur, indeque debilitantur.

*Infusiones.* In infusionibus non omnes vires extrahi dicunt, sed eas solum, quæ in tenuiore sunt substantia; præterea aquâ, ut in syrupsis, decoctis, vires easdem obtundi.

*Syrupi.* Syrupos verò inprimis ob saccharum & mel, quæ acutissimos & venenosos spiritus & abominabiles feculentias contineant, averfantur.

*Electuaria.* Electuaria purgantia rejiciunt, quod non fiat in iis impuri à puro, veneni à medicamento, corticis à nucleo separatio, sed crudas radices, cortices, fructus & similia contineant, ac dissentanearum rerum mixtionem habeant.

*Pilule.* Pilulas quoque venenatas, deleteria, corrosiva & impura, nullâ artificiali adhibita præparatione continere pharmaca purgantia, pulveresque illos, è quibus fiunt pilulæ, promptè in venas distribui non posse, sed diu in ventriculo hære, scribunt.

De alterantibus & præparantibus idem ferent judicium, nimirum in pulveribus, conservis, conditis, eclegmatis, electuariis, tabulis, trochiscis commisceri res naturæ planè diversissimæ, & non aliam in iis esse harmoniam, quàm in lupinis & ovillis chordis, ac nullum ullius hominis tam robustum esse calorem, qui cruda illa & solida medicamenta vincere possit. Quo nomine etiam reprehendunt confortantia medicamenta, confectiones laxifi-

cantes, diamargaritum & similia: cum tam solida iis admisceantur medicamenta, ut à calore nostro, quò exhilarent, & spiritus resciant, resolvi non queant.

Atque ut ipsorum verbis hæc omnia in summam contrahantur: vulgatum medendi & medicamentæ præparandi modum improbant; quod, quibus utuntur, tam purgantia quàm alterantia, sint venenata, deleteria, corrosiva, impura, injucunda, inefficacia, variè inter se confusa, peregrina (de quo postea etiam dicitur) naturis nostris contraria, variisque modis corrupta & adulterata; quod in iis omittantur (de quo etiam postea monebitur) lapides, mineralia & metalla; sintque ita præparata, ut non tantum, qualitas venenata non sit sublata, verum potius deterior reddita, sintque præparationes omnino illegitimæ & spurix, ut nulla doseos observetur vel observari possit ratio. Hinc pharmacopolia vulgata miris modis exagitant, præidesque illas in pharmacopoliis deauratas nihil aliud esse scribunt, quam vasa immun-ditiei, cadavera & stercorea medicamentorum continentia.

Contra verò Chymicas medicamentorum præparationes, laudant & extollunt. Primò quidem, quod vires medicamentorum Alchymix beneficio rectius cognoscantur & investigentur. Inveniunt enim dicunt plurima simplicia medicamenta, quæ propter diversas partes, diversas vires habeant, purgent & adstringant,

*Quid in  
Vulgaribus  
medicamentis  
reprehendat  
Chymici  
quidam.*

*Chymico-  
rum medicamentorum  
laus.*

ut rhabarbarum; inficiant veneno, veneno resistant, ut scorpius & vipera; calefaciant & refrigerent, ut acetum: quæ ut rectè cognoscantur, separatione Chymicâ opus esse, ut vires, quas expetimus, sinceræ atque ab aliis separatæ habeantur.

Deinde cum danda sit opera, ut citò, tutò & jucundè medeamur, primum fieri non potest, nisi talia medicamenta usurpètur, quæ summam penetrandi vim habeant, in ventriculo non diu morentur, sed mox suam vim exerant, postea efficacia & valida sint, ac morbum radicibus tollant. Talia autem sunt medicamenta Chymica, quæ à materia crassa, quæ operationem impedit, separata sunt, viribus exaltata & spirituosâ, ac propterea naturæ minus negotii facessunt; ut in actum deducantur.

Præterea eadem sunt tuta. Nam quæ vulgò operose per corrigentium admisionem, sæpe tamen in defectu eventum, instituuntur malarum qualitatum emendationes, ex felicius & rectius operationibus Chymicis absolvuntur, quarum beneficio alienæ & noxiæ qualitates tolluntur, solum verò puræ & expetite medicamentorum vires conservantur, atq; etiam exaltantur & auferuntur. Imò Chymicâ arte ex venenis tuta medicamenta fieri possunt. Notissima enim est venenositas mercurii & arsenici: utrumque tamen ita præparari potest, ut sine periculo intra corpus assumi possit.

Tandem etiam Chymica medicamenta sunt jucunda & grata, ut sine ulla nausea assumi possint.

Sunt quoque quidam ex iis, qui pleraque medicamenta vulgaria tam alterantia, quàm purgantia, ut hermodactylòs, turpethum, rhabarbarum, costum, caryophyllos, scammonium, soldanellam, cinnamomum, calamum aromaticum, elaterium, sennam, mechacannam, spicam Indicam, agaricum, ananiam, colocynthidem, sebesten, dictamnium Creticum, bolum Armenum, terram sigillatam, sanguinem draconis, cassiam, zedoariam, crocum, grana paradisi, lapidem Judaicum, opium & similia eo nomine rejiciunt, quod sint peregrina, & cum magno ægotantium detrimento in usum trahi scribunt. Naturam divitem ubique saluberrima diffudisse remedia dicunt, ita ut nulla necessitas sit, peregrina conquirere & domestica negligere. Imò peregrina ista corporibus nostris minus convenire, Naturamque, quæ omnibus providit abundanter, procul dubio etiam facturam fuisse, ut ista apud nos nascerentur, si nostris corporibus convenirent. Ideoq; Deum invidiæ argui, si exotica præferantur, utpote, qui remedia cuiuslibet regioni ad sublevandos morbos non creaverit. Et cur qui animæ nostræ prospexit, etiam corpori non prospexisset. Præterea dicunt, nostra posse colligi convenientibus temporibus, cum sæpe ignoretur, quâdo peregrina colle-

*Peregrina  
medica-  
menta reji-  
ciuntur à  
quibusdam  
Chymicis.*



collecta, & quam iuste asservata sint. Et talia multa, quæ Tabernæmontanus & alii medici Galenici de nimio abusu peregrinorum, & contemptu domesticorum medicamentorum scripserunt, ex iis colligunt & contra universam Medicinam Galenicam detorquent, tandemque concludunt, medicamenta ista peregrina Arabum medicorum nugamenta, & Seplassiariorum & Pharmacopolarum, suis potius commodis, quam agrorum salutis intentorum, esse commenta.

Denique & hoc carpunt, quod Galenici Medici lapides, metalla & mineralia vel negligent, vel rarius adhibeant: cum tamen ex omnium medicamentorum genere sint præstantissima, & vegetabilia ad plurimorum morborum extirpationem non sufficiant. Licet enim vegetabilia etiam planè non rejiciant; tamen pleraque esse imbecilliora statuunt, quam ut morbos firmis radicibus inhaerentes extirpare possint; cum sint fugacis vitæ, nec stabilem balsamum obtineant, nec à putredine præservent, quod metalla præstant, quæ diu integra conservantur. Mineralium enim, præcipuè perfectorum metallorum, spiritus corruptioni minime obnoxii sunt, & propterea vires suas efficaces exerunt. deinde plantæ pleraque à spiritibus metallicis vires suas accipiunt: ideoque & ipsi Galenici Medici eos, qui aliis medicamentis curari nequeunt, ad thermas & acidulas mittunt, quæ omnè

suam efficaciam à spiritibus mineralium & metallorum habent. Atque ita cum & materiam medicam selectiorem & efficaciorē habeant Chymici, eandemque diligentius præparent, fieri etiam dicunt, ut multos morbos Galenicis incurabiles, apoplexiam, epilepsiam, elephantiasin, hydropem, podagram, quartanam sanent.

Capita ista accusationū nec pauca nec levia sunt: quæ si omnia probari possent, merito Galenica, & hæctenus usurpata medicamenta omnia rejicienda essent. Verum ab iis Galenicis vindicare non difficile est. Nam primò quod de veneno maledictione divina omnibus rebus inditò dicitur, sine omni ratione profertur, satisque id dogma supra, cap. 16. refutatum est, ut hic plura addere opus non sit. Et ipsi Chymici saniores hæc de realiter sentiunt, ut videre est apud Rulandum, in *progymnasmatibus alchimia quæst. 25.* Deinde nec ex effectibus hoc probant, nec sequitur, crocum venenum esse, quia nimiam quantitate sumptus nocet. Nam vel optima medicamenta & quidè Chymicè præparata, damnum inferunt, si nimiam quantitate sumantur.

Præterea valde inepti mihi illi esse videntur, qui illud, quod usui alicui Medico inutile rebus admissum est, venenum esse contendunt. Quasi enim illud, quod ad unum, aliquem effectum utile non est, ob id venenum dicendum sit? Constat,

*Mineralia  
& metalla  
commentant  
Chymici.*

*An vulgaria medicamenta omnia sint venenata.*

stat, exempli gratia, rhabarbarum partibus heterogeneis, & cum parte purgante mista est quædam pars terrestris adstringens, quæ licet ad purgandum utilis non sit, non tamen ideo venenum est, sed ipsa etiam suum usum in roborando obtinet. Et sit, purgantia quædam, puta vehementiora, naturam corpori nostro adversam habere: quid illud tamen contra Galenicis, vel quid pro Chymicis? Agnovit illam qualitatem in purgantibus Galenus, neque opus fuisset tot Galenicorum in re non controversa testimonia congeri: sed hoc eorum testimonium probari debebat, quod ideo, & quia aliquid corpori nostro adversum obtinent, planè rejicienda sunt. Habeant cauteria, sectiones, imò vomitoria sua incommoda: non tamen ideo nunquam adhibenda sint. Ita etiam si purgantia, præsertim fortiora, aliqua molestia ægrum afficiant: commodum tamen, quod adferunt, purgando viciosos humores, longè majus est. Et si quædamna insigniora inferant purgantia, id sit, cum non rectè exhibentur. Unde expressè Fernellius, *lib. 3. meth. med. cap. 15.* vitiosa purgationis incommoda recenset, quæ malè omni purgationi rectè instituta attribuantur. Et Chymica medicamenta purgantia, nisi rectè adhibeantur, eadem secum incommoda conjuncta habent. Ideoque talia non temerè & quibusvis adhibenda, sed morbi natura, ægri constitutio, & alia, quæ ad purga-

tionem rectè instituendam sunt necessaria, prius diligenter perpendenda sunt, antequam exhibeantur.

Nec est, quod dicat aliquis, non simpliciter talia purgantia rejici, sed cruda, & ut vulgo adhibentur: Chymica verò separatione venenù tolli, ac utile medicamentum fieri posse. Nam quocumque modo præparentur talia purgantia, nunquam naturam suam planè exuunt; neque adhuc purgans aliquod exhibuerunt Chymici, quod purgando nullam molestiam exhiberet ægro. Et vis illa corpori humano adversa non tam est in illo crassamento, quod separatur, quàm in ipso illo succo purgante: neque ullus adhuc inventus Chymicus, qui illam, salva vi purgante, planè tollere potuerit. Ideoque extracta purgantia non minus cautè, quam integra, exhibenda. Quæ enim vis erat in integro, & per drachmâ unam vel alteram dispersa, ea in grana aliquot contracta, & à corpore, à quo obtundebatur, liberata, fortior est, & magis corpus afficit: ac gratia sæpe solum est in parvitate. Ideoque saniores Chymici etiam extractis & Chymicè præparatis purgantibus corrigentia & corroborantia, ut olea destillata, aromatica & alia addunt.

Neque illa ex diversis partibus compositio à maledictione divina est: sed Creator rerum omnium pro sua sapientia rebus omnibus naturalibus sua corpora artificiosè

*An Chymica purgantia Sulphuribus sint benigniora.*

Medica-  
menta non  
frustra ha-  
bent differ-  
sa partes.

composita dedit; quorum partes etiam singulae suos in medicina usus habent. Imò Creator potentissimus ac Optimus hoc ipso saluti humanae prospexit, quod in medicamentis (ut & alimentis,) tales partes terrestres admiscuit, ut medicamentosa parti quasi freni loco essent, ejusque potentiam, corpori noxiam futuram, nonnihil cohiberent & remorarentur, ne præceptus sit in agendo, ac liberius corpora invadat, sed lentè procedat, & sine damno agat. Ubi tamen subita & potentiori medicamento Chymicorum vi opus, Chymicè preparata exhibere licet. Exemplum hujus rei in omnibus cibis ac potibus inest, in quibus ea ipsa de causa Creator partem alimentosam aliis non alimentosis immiscuit. Nam, verbi gratia, etsi præcipua vini vis ac potentia spiritus reficiendi in spiritu ejus sit, tamen longè commodius potus loco sumitur vinum, quàm spiritus vini. Etenim spiritus vini à partibus reliquis, cum quibus mixtus erat, separatus, nimis subito in omne corpus sese penetrat, caput tentat, facile inflammatur, iterumque corpus inflammatur ac spiritus accendit, ac subito dissipatur: at cum reliquis vini partibus mixtus gratissimum potum constituit, ventriculum ac reliquas partes blando calore fovet, spiritusque, qui vino inest, sensim cum spiritibus & alimentis miscetur, & in omne corpus distribuitur, ei que robur conciliat. Id quod

etiam de aliis alimentis & medicamentis verum. Quæ qui negant; & quibus res omnes naturales ob venenositatem ita suspectæ sunt, solis spiritibus nutriendi essent, iisque pro vino & cerevisia spiritus vini, hordei, vel tritici; pro pane & carne, extractum horum dandum esset. Quod si fieret, ipsa experientia præcul dubio edocti rectius hac de re sentire inciperent; neque opera Creatoris veneni nomine infamarent. Hinc etiam de Hiuca ita scribit Scaliger, *exerc. 153. sect. 5. Hiuca succus lethalis, farina salubris: comendo, quo porri succus perniciosus, porrum ipsum editur sine noxa.* Rationem pendet à duplici causa; una est, partium tenuitas: unde facilitas penetrationis: altera, libera qualitas & facultas in succo ipso, posteaquam soluta est societas, quam inveniunt cum parte terrestri à primordiis ipsa ortus ipsius planta: que pars adversa qualitate ferocitatem ejus ita cohibebat, quemadmodum crassitie sua tardabat celeritatem.

Atque ob hanc causam data esse corpori facultas secretrix & expultrix, ut partes illæ inutiles corpori alendo è corpore per vias ordinarias evacuentur. Quod ubi fit, corpori nullum damnum inferunt. Idem etiam fit in medicamentis. Et licet facile concedamus, rectè in multis separationem Chymicam institui, & talia facilius in actum deduci ac potentiora esse: tamen sunt quoque multa integra simplicia & ex his composita

ut theriaca & alia, quæ & ipsa facile vires suas assumpta exerant. Et actum est jam cum eo ægro, ubi vis naturalis ita prostrata est, ut nulum medicamentum in actum deducere, vel cibum concoquere possit.

*An medicamenta  
semper Chy-  
mici præ-  
paratione  
indigeant.*

Tempus ergo & sumptus sæpe Chymici nimis curiosè perdunt, qui omnia medicamenta, quæ natura ipsa nobis satis rectè præparata suppeditat, resolvere conantur. Quasi enim conserva rosarum, aliæque plurimæ, ut & condita & pulveres, atque hinc confecta composita non cum summa utilitate in morbis adhibeantur, imò sæpe tutius & commodius, quàm olea & spiritus. Et certè curiosi interdum nimis sunt Chymici, & frustra multos labores & sumtus impendunt in iis extrahendis, destillandis, vel aliò modo præparandis, quæ per se satis efficacia sunt, quæ de re etiã infra, *cap. sequente*, dicetur. Quæ tamèn non eo dicuntur sine, ut Chymicorum medicamenta rejiciantur: cum suam laudem mereantur, & suam sæpe præ aliis prærogativã habeant: sed ut solummodo monstraretur, medicamenta integra aut vulgari modo præparata nõ omnia venenata, atque ob id planè contemnenda esse, sed suo loco etiam suam utilitatem habere. Et annon ipsi Chymici cibos, quibus vescuntur, & suis ægris exhibent, non essentis & oleis destillatis aromatum, sed aromatis saltem pulverisatis conduunt?

Quæ verò contra vulgarem medicamentorum compositionem adferunt, non ejus ponderis sunt, ut ideo vulgaria pharmacopolia planè claudant, & usitatus hæcenus medicamenta componendi modus plane aboleri debeat. Et pleraque, quibus hic pugnant, tela Galenicorum sunt, quæ ipsos non ferunt. Nam primò, quæ ex Plinio, Fernelio, Johanne Baptista Montano, Tabernæmontano, afferuntur, per se clara sunt. Atque omnes doctiores Medici eos reprehendunt, qui sine causa in uno medicamento tot simplicia cumulant: ac temerarium esse judicant, uti compositis, ubi simplicia sufficerent. Et vitiosum esse censent, in eodem compositò ponere simplicia plura ejusdem planè facultatis. Ideoque etsi quidam inepti Medici sint, qui in omnibus fere medicamentis ponunt radices, cortices, folia, flores, semina, fructus, & singulorum sæpe longum catalogum, & hunc modum scribendi formulas medicamentorum in omnibus religiosè observant; & à Pharmacopœis, quibus ex ista medicamentorum farragine plus lucri accedit, non raro artis esse putetur, tot medicamenta congerere, & hi, quibus id in usu est, laudentur & extollantur, alii verò, qui paucis & selectis contenti sunt, vituperentur: talia tamen artificum errata arti imputanda non sunt, nec causæ, ob quas componenda putantur medicamenta Galenici, futiles sunt.

*De compositis medicamentis sententia.*

*Causa compositionis medicamentorum.*  
I.

Nam primò quod dicunt recentiores Chymici, nullum morbum esse, qui non legitima remedia habeat simplicia, & proinde opus nunquam esse, ut plura componantur: fidem non meretur. Quis enim est Medicorum, qui non tam in morbis, quam in causis variam complicationem videat? ubi ad plures scopos medicamenta dirigenda; quod uno simplici medicamento semper exsequi non licet: cum in simplicibus tot facultates junctæ semper non dentur, quot scopi medico proponuntur. Id cum in morbis temperiei manifestum sit, negant quidem qualitates primas sanitatis & morborum causas esse: sed sine ratione negant; & supra satis hæc opinio, quæ cum manifestissima experientia pugnat, refutata est.

Interim tamen, quod modo dictum, libenter concedimus, in medicamentis variis miscendis cautè agendum esse, atque opus esse, ut eorum, quæ miscentur, medicamentorum vires & consensus ac repugnantia mutua nota sint, ne ea miscantur, quorum mixtione noxium medicamentum evadat. Spiritum vitrioli sine damno propinari posse, notissimum est: exhibetur & nitrum sine damno. At si spiritus nitri & vitrioli miscantur, fit inde aqua fortis, metalla omnia, præter aurum corrodens: eidem si sal armoniacus addatur, fit inde aqua Regia aurum solvens. Tale aliquid

inter vegetabilia mista evenire posse, absurdum non est.

Cum eadem experientia, imò sæpe sectæ affectis pugnant, qui malignas & noxias qualitates medicamentorum aliorum admixtione corrigi negant. Videantur saltè descriptiones Medicamentorum purgantium apud Crollium, qui inter Chymicos hodie non postremus habetur. Si enim sola digestio vel separatio sufficeret ad malignitatem purgantium tollendam, cur adderet suis compositis, cinamomum, caryophyllos, nucem muscatam? cur scammonium succo cidoniorum & rosarum præpararet?

An vis purgandi aliorum admixtione intendi possit, nec ne, vel tartarum docet, quod purgantibus admixtum, eorum vim intendit. Et si enim & illud alvum stimulandi aliquam vim habeat: tamen purgantia, quibus admiscetur, plus purgant, quàm si utraq; seorsim sumerentur.

Directoria quoque inutilia non sunt. Purgantia quidem certos humores respiciunt; sed plerumq; cum certis partibus nullam peculiarem convenientiam habent. Ideoque si iis appropriata, quæ vocant, & certis partibus dicata medicamenta admisceantur, iis quasi vehiculis & directoribus ad partes eas, cum quibus habent convenientiam, pertinent.

Quod Roborantia addenda non esse censent ideo, quod nullum medicamentum ita affectum esse debet,

beat, ut noceat: nullius in omni est. Revera omnia medicamenta eo sine exhibentur, ut prosint, non ut noceant: interim operatio quorundam medicamentorum non sine aliqua molestia perficitur: neq; Chymici vomitoria talia adhuc monstrarunt, quæ sine omni molestia operationem perficiant.

Rem quoq; manifestam negant, cum durationis causa medicamenta componenda negant. Si omnia simplicia in spiritus, olea, salia vel extracta resolvenda, iisq; tantum utendum esset: nullo quidem saccharo, medicamenta à corruptione conservante, opus esset. Verum sæpe integris medicamentis opus est: neque quisquam vel per aquam vel per spiritum rosarum id præstabit, quod per conservam rosarum effici potest: id quod de fructibus etiam plurimis, quales sunt ribes, cerasa & alia plurima, verum est. Ergo integra etiam saccharo admixta in necessariis usus conservanda sunt.

Quod jucunditatem atinet, cuius gratia etiam nihil admiscendum consent, modo Chymicè præparentur medicamenta: illud etiam cum veritate non planè consentit. Multorum n. medicamentorum sapes nulla præparatione planè tolli possunt; nisi simul ipsa virtus tollatur. Et efficacia medicamentorum plurimorum ita cum sapore conjuncta est, ut nullo modo ab eo separari possit. Tollatur amaritudo absinthii, & efficacia illa, quam in plurimis orbis præstat, simul colletur. In

extracto rhabarbari illud nauseabundum & ingratum æquè inest, ac in integro.

Suam ergo, & quidem maximam, Chymicæ præparationes laudè habeant: suus tamen locus vulgaribus præparationibus relinquatur. Et hominis est vel nimis curiosus vel otiosus, omnia Chymicè præparare velle; & ubi vel pulvis vel conserva sufficeret, extractum, oleum, vel spiritum exhibere. Et idem faciunt, qui nullo, nisi Chymicè præparato, medicamento uti volunt, ac si quis fitienti pro vino spiritum vini exhiberet, & cibos non pulvere piperis, zinziberis, cinamomi, caryophyllor., croci, sed horum oleis destillatis condiret.

Neq; illa Chymicorum medicamentorum commendatio, quod minori dosi & sine nausea exhiberi possint, sufficit, atque ideo vulgaria medicamenta planè negligenda sunt. Hoc quidem verum est, si medicamentum aliquod tutum ita præparari potest, ut virtus ejus minori dosi concludatur, gratiam tale medicamentum apud æros mereri. Verum sola dosis parvitas ad commendationem non sufficit: alioquin multa agyrtarum & empiricorum medicamenta, imò ipsa venena, huc modo commendari possent. Ideoq; non satis est, ut quid sine nausea sumatur, sed hoc etiam, atque in primis quidem, attendendum, quos in corpore effectus edat. Ergo licet sine omni nausea sumi quid possit: si tamen corpori sumtum noceat, tantum abest,

*Dosis parva  
in medicamēto  
Chymicè quæ  
habenda.*

ut eo nomine commendationem mereatur, ut etiam inter venena numerandum sit, quorum multa potui & cibis misceri possunt, ut gustu non percipiuntur. Præterea etiam attendendum, non solum quam gratum sit, sed etiã quam Indicationibus respondeat medicamentum. Quæ in re à non paucis hodie peccatur, qui ut saltem palato ægrorum inferviant, extractum scammonii, gummi gotte, pilulas vel pulvisculum mole quidem exiguum, vitamen magnam, exhibent, parum solliciti, an etiam morbo convenienti, & cum humorem, qui debet evacuari, evacuent.

Neque etiam, quæ in specie contra usitatas & vulgares medicamentorum compositiones afferuntur, talia sunt, ut propterea planè aboleri debeant vulgata medicamenta. Et primò quidem quod attinet decocta, fatendum quidem, hac in re frequentissimè à pharmacopœis peccari: propterea tamen decocta planè rejicienda non sunt; cum aquæ destillata, vel extracta, vel alia Chymicè parata in multis id præstare non possint, quod decocta. Adhibenda potius diligentia, ut errores vulgares corrigantur, decoctio fiat non vase aperto, sed clauso, seu duplici, ne spiritus evanescat, sed collecti decocto addantur, quod per instrumentum idoneum factu facile est. Potest quoque clarificatio fieri non solum per albumen ovi, sed commodius per digestionem & fermentationem, per quam crassio-

res feces separantur & sponte subsident. Nec est, quod aquæ admistio metuat. Certè ipsi Chymici nec vitrioli nec alios spiritus exhibent, sed cum aliis miscent, quorum vehiculo quasi in totum corpus penetrare facilius & tutius possint.

Infusiones etiam ob aquam eadem de causa non rejiciendæ. Nec tamen infusiones solum sunt in aqua, sed & vino, aliisque liquoribus, seu menstruis, quæ appellantur parari possunt.

Nimis verò superstitiosi sunt, quod syrups & conservas ob sacchari & mellis admistionem aversantur: quasi cibos melle & saccharo conditos nunquam sine damno comedissent. Neque est, ut spiritus acutissimos & venenatos in iis metuant. Sint sane aliqui spiritus acuti in melle & saccharo: tamen venenati non sunt; & ita à natura misti sunt cum aliis, ut nihil periculi & damni adferant. Verum nondum probarunt, tales spiritus in saccharo & melle esse: licet variis modis in corpore mutationes & corruptiones subire possint, sicut idem in aliis quoque accidit. Possunt quidem vinum, cerevisia, panis & alia plurima, quibus alimentorum loco utimur, ita corrumpi, ut homini nocent: quæ propterea tamen non planè rejicienda, aut non nisi Chymicè præparata in usum trahenda sunt.

Electuaria, purgantia & pilulas & pleraque alia medicamenta vulgaria rejiciunt, quod nulla in iis pu-

*Infusiones.*

*Mel & saccharum in medicamentis admiscenda.*

*Decocta ut paranda.*

ri ab impuro, veneni à medicamento fiat separatio. Verùm antiqua ista cantilena est, neque demonstratum, venenum omnibus inesse, aut in omnibus separatione opus esse. Cui tamen libet, etiam existis, extracta purgantia parare poterit.

Quæ omnia, ut hæc concludam, cum ita sese habeant, errant & ii, qui nunquam Chymicè præparatis medicamentis, sed saltem integris utuntur, Chymicasque præparationes planè negligunt. Sæpe enim expedita agendi potentia opus est, quæ maximè reperitur in Chymicè præparatis medicamentis: & diversæ nonnunquam facultates eidem insunt medicamento, quæ separatione indigent. Errant contra & illi, qui semper Chymicis utuntur: cum sæpe integro, quale à natura suppeditatur, medicamento opus sit. Medici ergò prudentis est, & Chymicis & vulgaribus ac integris medicamentis instructum esse, & nunc his, nunc illis, pro morborum, loci, temporis, aliarumque circumstantiarum ratione uti.

Cæterum illud quod attinet, quod Galenici eo nomine reprehenduntur, quod exoticis medicamentis utantur: ut eorum institutum non probamus, qui peregrinis utuntur, cum domi æque utilia habeant: ita præter rem mihi sapere videntur isti, qui, exotica planè rejiciunt, medicamenta; nec tamen vina, quæ domi suæ non crescunt, nec aromata exotica, quibus cibi quotidie condiuntur, averfantur.

Non omnis fert omnia tellus. Ideoq; negociationes & commercia instituta sunt, ut una regio alterius inopiam sublevet. Multæ sunt regiones, quæ nullum saltem ferunt: ideone illarum incolis cibi insulsi comedendi. Certè metalla, quibus ipsi creberrimè utuntur, non in suis regionibus inveniunt, sed aliunde advectis utuntur. Laudantque indem Galenum, quod in Cyprum & Lemnum cognoscendi medicamenta, quæ eò loci proveniunt, causa profectus sit. Quo labore quid Galeno opus fuisset, si qualibet regio saltem medicamentis domi suæ natis uti deberet? Verùm ipsi absurditatem hujus sententiæ tandem agnoscunt, & postquam multis in peregrina medicamenta inventi sunt, ita suam mentem explicant: taxari saltem id, quod, neglectis nostris medicamentis domesticis, peregrina in usum trahantur. Verùm quid hoc contra Galenicis? Omnes Medici prudentiores illà nimiam curiositatem aut luxuriam potius in medicamento reprehendunt; consentq; si per domestica medicamenta morbus aliquis curari potest, sine causa exotica anxie conquiri, & sæpe talia, quæ temporis diuturnitate ac tempestatibus injuria corrupta aut adulterata sunt. Si verò domestica medicamenta non satisfaciunt: nulla causa est, cur non exoticis uti debeamus. Medicusque peritus adulterata & corrupta à genuinis & integris discernere potest. Nec refert, quod in alio

Quando  
vulgaribus,  
quando  
Chymicis  
medicamentis utendum.

Exoticis  
medicamentis utendum.



alio climate nata sunt: cum aromati-  
bus peregrinis quotidie in cibis &  
medicamentis, imò vinis exoticis  
non solum sine damno, sed cum  
commodo utamur.

Tandem cum recentiores quidā  
Chymici hoc carpant in Galenicis,  
quod metalla negligant, vel illis ra-  
rius utantur: hic quæstio ista expli-  
canda. *An ex metallis & mineralibus  
parata medicamenta cuiò usurpari pos-  
sint; & an medicamentis ex vegetabili-  
bus & animalibus desumptis preferenda  
sint.* Dictum autem est in *Instit. pag.  
1263.* nos cum iis non facere, qui me-  
dicamenta ex metallis & minerali-  
bus planè rejiciunt. Et si nihil aliud  
esset, quod usum medicamentorum  
è metallis & mineralibus paratorū  
persuadere possit, thermæ & acidu-  
læ sunt, quarum vis, quæ in morbis  
gravissimis maxima est, tota à me-  
tallis & mineralibus provenit. Ve-  
rum & antiqui Medici ista non so-  
lum extra, sed & intra corpus ad-  
buissè, chalybem scilicet, sul-  
phur. vivum, æris squamam,  
æsustum & similia, patetè Diosco-  
rid. *lib. 1. c. 17. lib. 5. c. 47. 53. 54. 81.* Ga-  
len. *de medicament. fac. parab. lib. 2.  
cap. 36. de composit. medicament. sec. loc.  
lib. 9. c. 5.* Celso *lib. 2. cap. 12.* Si ergo  
mineralia & metalla cruda & non  
parata, quæque sua malignitate  
non carent, in usum traxerunt: cur  
non Chymicè preparatis, & ab arte  
mitioribus factis uti liceat? præfer-  
tim cum eventus respondeat, mul-  
tisque graves morbi eorum usu de-  
pulsifint.

Ex metallis  
& mineralibus  
medicamenta  
usurpanda;

Ut jam testimonia & exempla  
Chymicorum, quæ forsàn alicui sus-  
pecta esse possent, non adferam: à  
dogmaticis plurimis ea & usurpata  
& commendata fuere. Quis hodie  
Medicorum, nisi qui forsàn eum  
nunquam vidit, spiritum vitrioli  
non usurpat? commendat eum Cra-  
to, *consil. 27. 72. 75. 234.* Horat. *Augen.  
de pest. lib. 3. cap. 17.* & alii pluri-  
mi.

Vitrioli  
spiritus.

Ita spiritum & flores sulphuris,  
spiritumque salis plurimi in usu  
hodie habent.

Quis nescit, quantum medica-  
menta è chalybe præparata ad vi-  
scerum obstructionem, cachexiam  
& alios morbos tollendos à pluri-  
mis dogmaticis commendatur? ut  
apud Ludovic. Mercat. *lib. de recto  
praesidiarum usu cap. 7. de Morb. Mul.  
lib. 2. cap. 8.* Matthioli. *in comm. supra  
lib. 5. Dioscorid. c. 54.* Hor. Augeniū,  
*tom. 1. Epist. epist. 7. Cap. vacc. lib. 3.  
praet. cap. 26.* Eustachium Rud. *lib. 1.  
praet. 3.* Reiner. *Solenand. sect. 1. Consil.  
12. & sect. 3. Consil. 13.* aliosque pluri-  
mos videre est.

Nitrum præparatum, quod sal  
prunellæ appellant, hodie in angu-  
inis, febribusque ardentibus tollen-  
dis felicissimè usurpari, pauci igno-  
rant.

Nitrum  
præparatum.

Antimonium & Mercurius, etsi  
fortiora sunt medicameta, & omni-  
no cautius, quam reliqua usurpan-  
da sint: tamen rectè præparata &  
morbis convenienter ac rectè exhi-  
bita ea efficere, quæ aliis medica-  
mentis præstari vix possunt, expe-

Ex Anti-  
monio &  
Mercurio  
medica-  
menta.

scientia ipsa testatur; cum bezoardicum minerale & Antimonium diaphoreticum hodiè in multo usu sint. Et scio puellæ duodecim annorum, multis ulceribus malignis, præcipuè circa juncturas laboranti, Antimonium diaphoreticum ultra annum singulis ferè diebus duodecim granorum pondere exhibitum, cum alia medicamenta nihil proficissent, eamque sanitati restituisse. Verùm fixa ista tutius exhibentur. Quæ verò vim adhuc purgandi habent, præcipuè mercurialia, etsi interdum in magnis morbis, ut hydrope, feliciter adhibita non ignorem: contra tamen etiam sæpe nocuisse scio. Quapropter cautione opus est, ne mercurius vitæ dictus fiat mercurius mortis, vel mercurius vitæ æternæ, ut in *Insti. p. 1444* dictum. Quæ de re plura videantur apud Jacob Zvinger in *exam. princip. Chymic. cap. 5.* & Thom. Mouffetum, in *Dialogo Apologetico, pag. 89.*

Neq; aliquid solidi adferunt, qui ex metallis & mineralibus medicamenta rejiciunt. Nam quod docent, metalla esse tam dura, ut à calore nostro in actum deduci non possint, verum est de plerisque integris: sed ubi soluta & Chymicè præparata fuerint, tam actiosa sunt, ut & in lingua mox suas vires exerant. Et licet aurum (ut id solū exempli loco adferamus) ita constitutum sit, ut igni invictum persistat: tamen Chymicè resolutum tam spirituosum evadit, ut etiam quasi fulminet, & propterea calcem illam auri fulmi-

nantem lignea saltem spatula, non ferrea, & quidem lenissimè tractare, nulloque ignis calore adhibito, sed sponte saltem exsiccare liceat. Cujus granum unum atque alterum si incalcescat, flammam cum tanto sono ac strepitu concipit, ac si maxima bombardæ explosa fuisset, & scrupulum unum istius auri potentius ferè operari, quam libram dimidiâ pulveris tormentarii, Grollig scribit.

Quod verò nonnulli obijciunt, metallica esse naturæ nostræ inimica, nec ab ea vinci posse sciendum, negari equidem non posse, pleraque illa corpori nostro inimica esse: Verùm danda opera, ut illa ipsa vis corpori nostro inimica tollatur & vincatur, quod arte Chymicâ fieri potest, ut in Antimonio diaphoretico, bezoardico minerali, imò ipso arsenico videre est, quod cum aliâ præsentissimum venenū sit, Chymica præparatione noxam illam penè omnem deponit. Quod verò deinde dicitur, medicamenta metallica à natura nostra vinci non posse, id nec opus est. Nam alimenti proprium est, ut à natura vincatur, & in substantiam corporis vertatur; medicamenti verò est, corpus nostrum alterare.

Verum enim verò etsi hæc ita sese habeant: tamen propterea eorum institutum non probandum, qui latissimos medicamentorum campos paucis metallis concludunt, & nulla fere, nisi metallica, medicamenta, usurpant, & se Chymicos esse non posse putant, si è vegetabilibus ali-

*Metalla an  
in corpore  
nostro in  
actum de-  
duci possint.*

*Aurum  
fulminans.*

*An metalla  
sint corpori  
nostro ini-  
mica.*

*An tantum  
metallica  
medica-  
menti  
usurpanda  
sint.*

aliquid, in primis vulgari modo præparatum, usurpent, & hoc unum agunt, ut in minima dosi medicamenta palato non ingrata exhibeant; quàm verò illa interdum violenta, corpori noxia & inimica sint, parum solliciti. Quasi verò Deus optimus maximus vegetabilia frustra condiderit! Meminisse hic debent illius, quod Hippocrates habet, *in fine libri de loc. in homine. In morbis debilibus, inquit, Medicamenta fortia non sunt exhibenda: neq; imbecillitas medicamenti paucitate est aestimanda. Et debilibus morbis debilia, valentibus valentia medicamenta adhibenda sunt.*

Ergo, ut rem paucis complectar, primò temerariè est, ubi leue & benignum medicamentum è vegetabilibus sufficeret, fortia è mineralibus ac metallis exhibere; ac omnino tale, quale si Herculis personam & cothurnos aptare infantibus velis, ut Quintilianus, *lib. 6.* loquitur. Nec, ut jam ex Hippocrate dictum, imbecillitas medicamenti paucitate aestimanda vel jucunditate: rectèque ait Sanctorius, *de statica medicina sect. 2. aphor. 15. Quod proditoriè disponit viscera ad malum, saepe nec grave, nec injucundum videtur.*

Præterea magna cautione opus est in metallicis medicamentis exhibendis. Et licet morbus vel morbi causa interdum talia medicamenta postulare videatur; ægri tamen natura ea non semper admittit. Spiritus vitrioli, salis & similes equidem tuto exhiberi possunt: sæpius tamen nimium usurpati maximum damnum

afferre possunt, dum in partibus naturaliæ humiditatem exsiccando absumunt. Et proinde in siccis corporibus cautè usurpandi. In mercurio exhibendo magnâ cautione opus esse, modo dictum. Scribit equidem Unerus, *de Nephritide l. 1. c. 26.* Nihil suavius, elegantius ac præstantius, quodq; non solum gustui magis sit acceptum, verum etiam quod minori cum periculo & difficultate, citraq; ullius vomitus excitationem solum per inferiora purgandò operetur, offerri poterit medicamentum, floribus Quj. argentis, de quibus gr. iij. vel ad summum iijj. cum pauillo extracti glycyrrhiæ in pilulas redacta, vel pyromoschattellino condito inserta, aut pulpa seu carne ceraforum conditorum, occultata, seu conservæ violarum, rosarum permixta sufficiunt. Verùm laudes hæc sunt nimis, & incautis ac credulis facile fraudi esse possunt. Experiat, qui vult, ac animadvertet, non ita mite esse medicamentum, ut prædicatur, nec in ista præparatione Mercurius malignitatem suam amittit. Commendatio verò à sapore non ingrato, nisi aliàs medicamentum bonum ac tutum sit, nulla est, sed ipsi etiam cum venenis multis communis. Mercurius dulcis appellatus fere hodie in omnium Chymicorū ore & manibus est, & tutissimū habetur medicamentum. Verū non semper sine damno exhibetur. Medicus quidam doctissimus cum Mercurium dulcem, rectè præparatum, & quem plurimis

Quando  
vegetabilia  
vel metalli-  
ca usur-  
panda.

Que cau-  
tio in me-  
talicis u-  
surpandis  
sit adhi-  
benda.

sine omni damno exhibuerat, ipse usurpasset, in gravissimum periculum incidit. Gingivæ enim, fauces & lingua intumuerunt & nigredinem contraxerunt, ut per integrum mensem nihil cibi solidi assumere, imò nec jusculum cochleari sorbere potuerit, accessit salivatio & omnia omnino symptomata, quæ mercuriales inunctiones sequi solent. Cujus periculosissimi sui morbi historiam procul dubio ipse aliquando in lucem edet, ut metallorum medicamentorum admiratores & laudatores nimii cautius mercari & alieno periculo sapere discant. Johán. Francus, senior, in *epistolis Chymicis*, scribit, se vidisse virum nobilem hydropicum, medicamentis Chymicis, utpote oleo vitrioli, spiritu tartari & similibus fuisse curatum, sed cum iisdem diutius esset usus, in marasimum incurabilem incidisse, quo etiam paulò post extinctus est. Neque id sufficit, quod nonnulli pro suorum metallicorum medicamentorum commendatione afferunt, pluribus se sine dano ea exhibuisse. Si in humido morbo vel temperamento ex mercurialis alicujus medicamenti usu unus atq; alter nihil in eodem modo sensit, non sequitur, quod alius in alio morbo vel temperamento nihil mali passurus sit. Præterea sunt venena, quæ non mox, postquam assumta sunt, occidunt, sed longo post tempore ægru sensim interficiunt. Insuper reperitur quædam dotes in vegetabilibus, quæ an in metallis reperiri pos-

sint, judicium sit penes experientiam. Quantum medicamenta quædam è vegetabilibus & animalibus petita, suavissimo odore & sanos & ægros recreent, omnibus notum: quod mineralia idem præstare possint, nondum probatum.

Ideoque nemo iis se curandum committat, qui serè nullis aliis, sine ullo discrimine, quàm è mineralibus & metallis petitis medicamentis utuntur; nec quisquam ab ullo, quacumque etiam aliàs autoritate & dignitate polleat, Medicinæ tamen imperitus sit, sibi persuaderi patiatur, ut talibus Empiricis, omnis eruditionis etiã trivialis expertibus, & nuper à fornace Chymica natis medicis fidem habeat, eorumque medicamenta, quæ, quod alia meliora ignorant, in secretissimis habent (*pauperis est numerare pecus*) & usu nondum probata sunt, usurpet. Nam quod Guilhelmus Fabricius, in *pref. de Lithotomia vesicæ*, scribit, quandam Principem aquilam albam à quodam celebri Chymico Gallo in frequenti usu habuisse, nec persuaderi potuisse, ut ab ea abstineret (persuasus scilicet eam ita ad corporis sui constitutionem accommodatam, ut tanquam Panacæa ea uti posset) etsi quoties eam sumeret, animam quasi editurus videretur, & lapide Bezoar, margaritis, confectioe alkermes & similibus rescindendus esset, & tandem domum reyersus in initio ætatis vitilis occubuerit: idem hodie multis accidit, qui dum de iis, quæ non intel-

intelligunt, iudicant, nec viris doctis fidem habent, à talibus Empiricis persuasi, imò fascinati credulitatis suæ pœnas luunt. De quo Joh. Crato *Epist. 184.* scribit: *Fit maximus concursus ad illos Medicos, quorum operâ ii, qui sapere videntur (licet interdum egregiè desipiant, & stolidæ credulitatis pœnas dent) utuntur.* Nimirum ea est humani ingenii infirmitas, ut ea, quæ pro raris & novis venditantur, & pro secretis habentur, etsi minus sint utilia, præferat utilibus ubique & in copia obviis. Prostant, Dei beneficio, hodie publicè in plerisque pharmacopoliis medicamenta & vulgari & Chymico modo præparata, quæ cuique examinare licet, & de quibus Medicus, qui ea præscribit, rationem reddere tenetur. Si & illorum, qui mera secretâ jactitant, medicamenta in lucem protraherentur, (quod meritò fieri deberet) inveniretur, alia esse vulgata & omnibus cognita, aliis nominibus saltem insignita, alia parum tuta, pauca talia, quæ occultari mereantur.

Ex altera parte timidi nimis sunt, qui in morbis gravibus, & qui levioribus medicamentis non cedunt, fortiora illa ex mineralibus & metallicis adhibere verentur. Putant quidem nonnulli, lenioribus illis sæpius repetitis idem, quod fortioribus, effici posse: sed falluntur. Nam cum mitiora illa vix primas vias excedant, nec humores valde moveant; Colluvies verò humorum sæpe in remotioribus & anfractuosis recessibus ac locis ita infixâ sit, ut

non nisi fortioribus medicamentis excuri possit: lenia illa humores illos vix attingunt & movent; tantum abest, ut emoveant. Qua de re egregiè Leonh. Jachinus, in *9. Rhâsis cap. 5.* Animadvertere, inquit, oportet, quod ignavi nostri temporis medici magnarum egritudinum curas sustulerunt. Quis hodie comitiales, quis melancholicos, quis elephanticum morbum curari vidit? raro paralyssin, raro antiquos dolores, raro podagricos. Quod sanè non alia ratione evenit, quam quod fortia medicamenta omiserunt; cum purgantia, tum etiam aliorum generum siccantia & vacuantia, qualia sunt Theriaci sales, qualis vipera-rum esus. Quod verò magis indignum est, hoc est, quod sæpe, qui morbi ipsis incurabiles persistere, à rusticis & mulieribus curari vident, non sine multo medicorum dedecore. De quo etiam Capivacc. *lib. 2. præf. cap. 2.* Quæ etsi saltem de vulgaribus medicamentis dicantur: locum tamen etiam de Chymicis & metallicis, utpote fortioribus, habent: nec nunquam factum, ut Empiricus aliquis temerarius, fortiori medicamento morbum alius Medicis incurabilem habitum sustulerit. Quorum temeritas etsi non imitanda: hoc tamen inde patet, in pertinacioribus & gravioribus morbis, fortioribus remediis opus esse.

Ex iis, quæ hæctenus sunt dicta, Galenicorum & Chymicorum medicamentis: An Chymica medicamenta Galenicis: an verò Galenica Chymicis præferenda sint. In specie tamen quædam

de ea dicere, & quæ modo dicta sunt hic applicare libet. Sunt enim, qui non solum vulgaria medicamenta Chymicis præferenda censent: verum etiam medicinam Chymia planè carere posse putant: alii contra medicinam non solum Chymia non carere posse, sed & medicamenta Chymica Galenicis longè præferenda existimant. Imò audaciores ex iis, Galenica præ Chymicis planè contemnunt.

*Galenicorum medicamentorum assertio.*

Qui priorem sententiam sequuntur, tempore Hippocratis & Galeni ac multis retro seculis ignota fuisse medicamenta Chymica, & nihilominus ægros feliciter sanatos fuisse dicunt, Hippocratem quæ tantum vulgaribus medicamentis tantam gloriam sibi peperisse, quantam vix medicorum ullus, qui eum sequuntur. Ideoque & nunc, quibus olim caruit, sine damno carere posse medicinam medicamentis existimant. Deinde sua, quæ à vegetabilibus & animalibus petuntur medicamenta, minus lædere dicunt, quod naturæ magis familiaria sint, & ad alimentorum naturam propius accedant, quam metallica (venenata enim esse planè negant) & proinde mitius & sine majori violentia agant: viresque suas integras, quales à natura obtinent, retineant, nec ignis vi ac resolutione quicquã amiserint: & propterea morbos sæpe tollant, qui Chymicis medicamentis tolli nõ possunt: sicut Heurnius refert, se Colicos dolores sæpe placavisse decocto anisi, quos oleo

ejusdem destillato tollere non potuerit. Id quod etiam in aliis accidit. Thus enim integrum curat vulnera, quæ oleo ejusdem non curantur. Contra putant, Chymicorum è metallis & mineralibus medicamenta à natura maximè aliena, corrosiva & venenata esse, ac nimis magna vehementia agere: Spiritus & calidum innatum dissipare, ac ea venenatæ qualitatis impressa vestigia relinquere, quæ vix postea tolli possunt. Ita ut licet à morbo convaluisse æger videatur, paulò post tamen in graviorem incidat. Et si quæ è vegetabilibus usurpent Chymici, ea tamen resolutione suam crasin & hinc dependentes vires amississe. Licet verò interdum, cum vulgaria medicamenta adhibentur, curatio non nihil protrahatur: nihilominus cum Rondeletio censent, satius esse, remedia minus efficacia & diutius habere, & longiore tempore curare, quam periculosa exhibere. *Sat enim citò curatur æger, si sat bene & sat tutò.*

Contra Chymici sua medicamenta commendant, quod nec sapore nec odore sint ingrata; tenuium partium & spirituosæ, ac propterea promptæ & maximæ efficaciæ & actui vicina; cum crassa & corporea materia, quibus operatio impeditur, artificiosè separata sit: corruptioni minimè obnoxia, & propterea corpori à corruptione vindicando convenientia; & asservari apta. Cum contra Galenica medicamenta non rarò cum maligna & vene-

*Chymicorum medicamentorum assertio.*

venenata materia conjuncta sint, eademque non nisi maximo labore à calore nostro separari, & in actum deduci queant, facile sint corruptibilia, & præterea corpus humanum à corruptione vindicare non possunt: sint ingrata & nauseabunda, & quæ ægro non minus molestæ, quàm ipse morbus pariant.

Verum enim verò non rectè hic dissidium quæritur ea in re, in qua non ita difficulter concordia & pax iniri possit: si absque præjudicio omnia pensitemus. Nam primò sola antiquitas vulgarium medicamentorum Chymicis nihil detrahit, neque Chymica ob novitatem Galenicis postponenda. Stultum enim est, inventis frugibus, glandibus vesci. Et quis hodie libris typis exscriptis non uritur, quibus antiqui caruerunt, & tamen docti fuerunt. Et ii ipsi, qui Chymicorum medicamenta ob novitatem contemnunt, rhabarbaro, mechoacanna, cassia, ligno Guajaco, sassafras, sarsaparilla, lapide Bezoar, & plurimis aliis medicamentis utuntur, quæ Hippocrati & Galenò fuere incognita. Et qui ante Hippocratem & Galenum vixerunt, etiam bene vixerunt: non tamen ideo hodiè scripta Hippocratis & Galeni abolenda sunt. Quot hodiè utilissimæ Medicorum doctissimorum observationes exstant? quot item optimæ compositiones medicamentorum, quæ tempore Hippocratis & Galeni erant ignotæ, quibus hodiè medicina plurimum illustratur? Sunt nimirum sua re-

bus initia, progressus & perfectio: nihilque simul inventum & perfectum. Ac propterea nostrum est, laborare, ut non solum majorum inventa tueamur, sed &, quantum possumus, à majoribus inventa excolamus, amplificemus & perficiamus. Ideoque sola antiquitas non sufficit, ut vulgaria medicamenta Chymicis præferantur. Si usum probata antiqua novis nondum probatis comparentur: id, quod multorum seculorum usus comprobavit, novis nondum probatis præferendum. Sed de hoc hinc quæstio non est. Verum quæritur: an Chymicè præparata sint præferenda integris & vulgaribus medicamentis, an verò hæc illis? Inter quæ, si experimentum spectes, nulla differentia est. Etenim dogmaticorum & Chymicorum medicamenta non differunt, nisi præparationis modo; cum eandem habeant materiam. Nam easdem vires habet oleum cinamomi & in eodem usus adhibetur, in quos integrum: extractum rhabarbari, in quos rhabarbarum. Et quicquid antiqui de viribus medicamentorum annotarunt, id libenter admittunt Chymici. Adhibent enim Chymici eadè medicamenta, quæ antiqui: sed ad usus illos aliter disposita.

At inquit quidam Galenici, in vegetabilibus se forsitan acquiescere posse, quorum vires dudum exploratæ sint: At mineralia & metalla in usum medicum trahere, planè novum esse, eaque si in usum adhibenda

*Medicamenta ex metallicis & mineralibus an usum pandantur*

benda sint, periclitandum esse de salute hominum. Verum enim verò nec metallica medicamenta omnino incognita fuere antiquis, ut jam antea dictum. Et licet huic vel illi regioni serius ea innotuerint: aliis tamen planè incognita, non fuere: imò à plerisque inter secreta habita fuerunt. Exemplum ejus rei præbet Frat. Basilius Valentinus, qui jam ante centum annos in Germania vixit, & medicamenta plurima ex mineralibus & metallis descripsit, & à se usurpata testatur: quæ tamen ante paucos annos innotuerunt; imò nec dum forsàn omnia cognita sunt.

*Cautio in  
metallicis  
usurpanda  
adhibenda.*

Hic tamen cautione opus esse libenter concedimus, ne nova, nec ab artificibus probata, sed ex agyrtarum empiricorumque, qui ex uno exemplo de viribus medicamento Chymicorum judicant, officina profecta, & ab ipsis gloriose commendata, statim in usum trahantur. Intereft enim multum in Chymicis medicamentis, quis ea præpararit, & quis iis utatur. Ac talia, ex antimonio, mercurio & similibus præparata medicamenta purgantia, nõ nisi in possessione virorum doctorum, experientia & prudentia clarorum, manere debent. Juniores verò (nam & hoc monendum, cum nonnulli ex talium medicamento- rum usu famam satis temerè captent) in eorum usu parciores sint, potiusq; iis utantur, à quibus non tantum ægro, si quid non rectè fiat, periculum imminet. Quamvis enim

rectè præparata sint talia purgantia: tamen malignam illam, & homini adversariam qualitatem non planè deponunt, & sæpe, si non statim, temporis progressu tamen, eam exserunt, & clam calidum innatum, deprædantur, ac vitæ nostræ insidias struunt. Habenturq; passim exempla eorum, qui hinc purgantibus familiariter usi vel mortem sibi accelerarunt, vel cachecticam corporis dispositionem contraxerunt. Aversanda g. meritò eorū audacia & temeritas, qui omnia, quæ, (quod fieri solet) in operationibus Chymicis, fortuito sæpe & aliud querentibus, offeruntur, ægris statim propinant, & si non per mortes, tamen per ægrorum pericula experimenta agunt, necessariamque Galeni admonitionem negligunt, dum  
*1. Aphor. 1. scribit: In corpore humano ea tentare, quæ non sunt experientia comprobata, periculo non vacat; cum temerarie experientia finis sit totius animalis internecio.* Consentiantque in eo omnes Medici prudentiores, medicamentum id, quod plures experti sunt, illi esse præferendum, quod experientia nondum satis comprobatum est. Ubi enim de salute corporis humani agitur, non unicuique fides habenda, sed ea medicamenta usurpanda, quæ temporis examen sustinuerunt. Medicamenta ut amici nobis sint, ex quibus novos nec dum satis cognitos veteribus, quorum fides dudum nobis perspecta est, novitatis gratia anteferre non decet.



Ideoque nonnulli merito cautiore esse deberent, qui ut aliquid supra Medicinam Galenicam sapere videantur, medicamenta ex mineralibus & metallis parata plurima non parca manu suis libris non solum inferunt, sed & mirè commendant; & quidem talia, quæ à glorioso aliquo operario Chymico acceperunt, aut ex aliquo descripserunt, aut ab alio forsitan etiam nimis credulo acceperunt, ipsi verò nunquam vel vix semel atque iterum in usum traxerunt. Quæ cum juvenus novarum rerum studiosa legit, avidè ea arripit, ac sæpe aliorum auctoritate decepta in talibus cum ægrorum damno periclitandi ansam captat. Eorum tamen, qui medicamenta multiplici experientiâ satis probata, boni publici causa, in lucem edunt, laudibus, quas merentur, nullo modo hic obtrectare cupio.

*Chymicorum medicamentorum commendatio,*

Deinde ex altera parte, quæ pro commendatione Medicamentorum Chymicorum adferuntur, libenter admittimus, & fatemur, quod Chymicorum medicamenta pleraque grata sint, & ob dosis exiguitatem & ob saporem minus ingratum; quod sint efficacissima, quia à corporea mole, quantum fieri potest, sint libera, ut in spiritibus, oleis & extractis videre est. Spiritus enim terebinthinæ & vini longè efficacior est, quam terebinthina vel vinum; ceræ oleum, quam cera; oleum cinamomi, caryophyllorum, feniculi, carvi, quam integra.

Inprimis verò utilem præstat Medicinæ Chymia laborem, dum medicamenta, quæ diversas vires, ob diversas, quibus constant, partes obtinent, artificiosè resolvere docet, & in qua parte qualibet vires hæreant, monstrat, easque seorsim, usibus medicis exhibet. Unde multæ quæstiones, hæctenus non satis explicatæ, decidi possunt. Verbi gratia, Opium frigidum esse hæctenus creditum fuit; quia narcoticum: atqui amarum est: amara verò calida. Quem nodum facile solvet Chymicus, monstrando, vim narcoticam, non tam à frigiditate, quam à sulphure aut substantia oleaginosa narcotica pendere, salem verò esse amarum in Opio.

Ex quibus omnibus jam patet, suum locum & Galenicis & Chymicis medicamentis esse & laudem deberi. Si v. quærat, quæ medicamenta, vulgarianè, an Chymica præferenda sint: nec hæc illis, nec illa his simpliciter præferri posse. Etenim, etsi Chymica habeant quandam prærogativam: tamen non reipsa meliora sunt Galenicis, sed tantummodo rei, nimirum præparatione, ut antea etiam dictum. Deinde nec ob hanc ipsam prærogativam simpliciter præferenda sunt Galenicis. Utrisque enim suus locus est. Et imperiti est, semper integris, nunquam Chymicè præparatis & resolutis, ac contra nullis planè integris, sed saltem extractis vel essentis uti velle: Nonnulla enim medicamenta ita vires suas per totum corpus

*Galenicane an Chymica medicamenta præferenda sint.*

*Quando vulgaribus vel Galenicis*

in medica-  
mentis u.  
sandum.

corpus diffusas habent, ut eas vel omnino, vel maxima ex parte perdant, si partes separentur. Alia vero alias vires in aliis partibus habent, ubi considerandum, in qua parte quælibet hæreat. Utendum igitur integris, cum vis, quæ expeditur in toto est, & in solutione perit: Resolutis vero, cum vires medicamenti diversæ à diversis partibus proveniunt: aut cum vis medicamenti in compendium quasi, inutilium separatione, redigi potest. Et ubi Clyster sufficit, quid essentias, quas dicunt, prodigere opus est? Et si potu aliquo medicato, vel conserva, vel leniore aliquo alvum movente medicamento tolli potest morbus: imprudentis est ac remerari, antimonialia vel mercurialia, vel alia medicamenta metallica ad eum expellendum exhibere.

An pugna-  
tia vniuersa  
sua plana  
benigna &  
lenia fieri  
possint.

Neque enim, quoecunque modo præparentur mercurius & antimonium, tam benigna ac tuta fiunt, ac castia, manna, tamarindi, sena, rhabbarbarum, & similia; & ex grano uno horum plus damni resultare potest, quam ex illorum uncia una: ac semper, quocunque modo præparentur, inter fortia medicamenta referenda. Jactant quidem nonnulli singularia arcana, singularesque præparandi rationes aliis incognitas: sed dum tandem in lucem veniunt, nihil novi adferunt. Ideoque hic assentiri non possum. Martino Rulando Juniori, qui, in *progymnasm. Alchym. quest. 77.* scri-

bit, si antimonium & metallica medicamenta furiosius operentur, id saltem accidentis vitio contingere, operationumque imperitia, tum administrantium inconsiderantia: ab artificibus tractata antimonium, tum præcipitatum, tam benigna reddi, quam sunt manna, tamarindus, castia. Atque ipsa dosis & effectus id docet; cum in uno grano talium medicamentorum plus sit vehementiæ, quam in semuncia benignorum, semperque dum vim purgandi habent, inter *δραστηα* & *μολυβα* referenda, & ad morbos pertinaces & graves destinata sint. Mineralium enim istorum vis purgandi in spiritu seu parte volatili consistit, qui si figatur, omnis purgandi vis perit, ut in antimonio diaphoretico & bezoardico minerali videre est; quam diu vero illa volatilitas permanet, cum eadem etiam vis corpus humanum vellicandi, turbandi, & longè potentius afficiendi manet, quam à manna, tamarindis, castia, rhabbarbaro, & similibus fieri solet. Ideoque hoc Chymicis probandum erit, quod spiritus ille volatilis purgans, totumque corpus permeans, talis manens, in antimonio & mercurio, tam benignus, & naturæ nostræ familiaris fieri possit, quam est castia, tamarindi, & similia. Quod vix obtinebunt. Facilius enim planè tollitur vel figitur, quam ut de natura sua aliquid remittat. Ex quo patet, quid de gloriosis nonnullorum pollicitationibus sentiendum sit, qui

qui jactant, se medicamenta talia fortissima artificiosè præparasse, ut dupla vel tripla dosi, imò instar sacchari tuto sumi possint. Non intelligunt homines simplices, se innatas medicamenti illius vires vel destruxisse, vel sub quodam involucre occultasse.

Quando  
Chymicis  
utendum.

Ex altera parte, ut rectè Matthiolus, lib. 4. epist. ad Andr. de Blauu. ait, ubi tota massa sanguinea in uniuersa penè ambitu corrupta est & reserpta malorum morborum seminariis, hi morbi citra metallica vix vinci possunt. Extremis nimirum morbis extrema debentur remedia.

Utatur ergo prudens Medicus nunc his, nunc illis, prout morbi natura & aliæ circumstantiæ requirunt; nunc pulueribus, decoctis, infusis, nunc destillatis, extractis, oleis; simplicibus, compositis; veteribus, novis; domesticis, exoticis; levioribus, vehementibus; vegetabilibus, mineralibus, metallicis. Quia cum sæpissimè medicamentorum integrorum vires, quales à natura nobis suppeditantur, expetantur: frustra Chymica resolutio ac separatio tunc instituitur, imò resolutione vires illæ peribunt. Exemplo sit nobis conserva rosarū, quæ, ubi roboratione & adstrictione opus est, id præstat, quod spiritus vel aqua vel sal ejusdem nunquam præstat. Contra non rarò vires medicamenti, quæ expetuntur, à Chymicis longè nobis nobiliores suppeditantur, quam sunt in inte-

gris, ut in extractis, oleis, & spiritibus videre est. Separatur enim pars illa medicamentosa à reliqua inutili; quæ ipsam in operando impediēbat, atq; ita sola pura illa pars, in qua vis medicamenti insidet, exhibetur. Ideoque si Chymica medicamenta simpliciter consideres; ipsa quidem per se nobiliora sunt; quia puriora & magis actiuosa & liberata: non tamen ideo semper & ubique Galenicis in curatione præferenda: sed evenire potest, pro circumstantiarum varietate, ut aliquando extracto vel oleo præferendum sit integrum: evenire etiam, contra potest, ut extractum, oleū, vel spiritus præsent integrò: nunquam nihil interest; utrum adhibeatur.

Verum hic nonnulli contra Chymicis præparatis virtutibus medicamentis, de-  
An in Chymicis præparatis virtutibus medicamentis de-  
struatur.  
fuit. part. cap. 2. dictum, non totum corpus, rhabarbari ex gr. formæ illius, à qua vis purgandi fuit, subjectum est, sed cum proprio subjecto ex accidenti mistum. Neque plantarum emortuarum, quibus in medendo utimur, corpora mista planè homogenea sunt; sed ex diversis partibus constāt, quæ corpus organicum plantæ, dum vivebat, constituebant; quæ que in medicina diversos præstare possunt usus. Docerq; ipse Galenus, lib. 3. de simpl. medicamentis.  
fac.

fac. cap. 14. Omnia propemodum medicamenta, quantumvis ad sensum simplicia, natura tamen composita esse, ac diversas facultates obtinere; ejusque exempla, cap. seq. 15. adfert; tandemque concludit, cap. 16. unamquamque similitudinem medicamentorum partem non multas, sed unam duntaxat qualitatem obtinere; quod verò totum est dissimulare, complures. Sunt ergo secundum Galeni sententiam mista duplicia: dissimilaria, quæ diversas qualitates in diversis obtinent partibus; & similia vel simplicia ac verè mista, quæ ex miscibilium alteratorum unione constituuntur. Hæc qui solvit, ille vires misti perdit: neque ea amplius est in illis vis, quæ fuit in misto. At illa qui solvit, omnes vires non perdit; sed cum quælibet pars peculiaris habeat, seorsim eas exhibet. Ac supra jam dictum, non semper fieri resolutionem usque ad prima elementa, sed artem sæpe in proximis principiis subsistere. Falsum, ergo quod P. Palmarius, in *Lapid. philos. dogmat. cap. 10.* scribit: Resolutorum vires tantum esse communes, non particulares, non ad hoc vel illud definitas: tantum posse sal cichorii, lactucæ, quantum sal absinthii & aliorum. Dictum enim antea, partium mistorum diversas sæpe vires esse, quæ post resolutionem remanent. Præterea à forma qualitates quædam produciuntur, quæ, etiam forma totius non amplius præsentem, nihilominus remanent.

Mista duplicia.

Et an sales non differant inter se, sapor & effectus faciliè produnt. Itaque cum talia corpora artificiosè resolvit Chymicus, & corpus dissimilare in similes partes dissolvit, tantum abest, ut vires medicamenti perdat & destruat, ut potius eas in proprio subjecto, ab omnibus heterogeneis admistis separatas, exhibeat. Nec, ut quidam recentiores scribunt, omnes modi solutionum Chymicorum ita comparati sunt, ut potius transmutent rem, quam depurent; nec ea, quæ per Chymicas operationes fiunt, non sunt idem cum specie præexistente, sed aliquid inde factum per naturæ potentiam. Nam non semper ignis & calor violentus, qui aliquam mutationem essentialem inducere possit, sed lentus sæpe adhibetur. Imò sine calore externo ipsum mēstruum, quod appellant, id, quod rei inest, ad se attrahit: quod in Chymicis operationibus versatis notissimum. Certè spiritus, qui leni balnei calore vel aere rapido è vino elicitur, arte non fit, sed ante in vino erat, omnisque vini potentia ab eo pendeat, & specie ac numero idem est, cum eo, qui in vino erat. Ita id, quod per spiritum vini vel alium liquorem è rhabarbaro extrahitur, & extracti nomine appellatur, illud ipsum specie & numero est, à quo vis purgandi in integro rhabarbaro pendet. Sicut butyrum, quod agitatione è lacte separatur, revera in lacte erat; non arte fit, sed saltem segregatur. Ac facile

An extra  
ita & separata  
Chymica in  
tegro in-  
sunt.

con-

concedimus, sicut qui butyrum dat, non totum lac dat: ita qui extractū rhabarbari dat, non totum rhabarbarum date, sed partem illam, in qua vis purgandi rhabarbari inest. Nempe medicamenta per resolutionem facta non sunt quidem eadem specie cum integro roto, sed cum partibus integri, ē quibus parantur.

*Essentia  
quid Chy-  
micis.*

Quod verò Chymici dicunt, se rei essentiam extrahere & exhibere, facile excusari possunt. Neque enim vocabulum Essentiæ Metaphysicè, sed Chymicè & Medicè usurpant. Nam cum in medicina non res ob essentiam simpliciter, sed ob vim operandi, experantur; & vis operandi ab essentia pendeat: illā vim operandi, seu partem illam medicamenti, à qua vis, quæ expetit, pendet, ipsis essentiæ nomine appellatur. Ergo quia ob purgandi vim rhabarbarum expetit medicus; ipsi illa solum pars rhabarbari, quæ vim purgandi habet, essentiæ nomine venit: reliqua, in qua nulla purgandi vis, ad hanc essentiam non pertinere putatur. Idem de aliis dicendum.

*Plantarū,  
ut sicut,  
& ut mor-  
tue sunt,  
considera-  
tio,*

Neque illud nos movet, quod ajunt, si essentia est in uno principio, vel parte integri, non fuisse plurium mitione opus. Considerantur nimirum plantæ, vel ut vivunt, vel ut mortuæ ad usum medicum applicantur. Dum vivit tota planta, partes omnes una vegetante anima reguntur, & in commune officium singulæ conspirant. Ubi

verò discessit anima vegetans, manent singulæ sui juris, neque amplius unum mistum simpliciter constitunt. In vivente, verbi gratia, rhabarbaro omnes ejus partes ad actiones rhabarbari exercendas necessariæ erant, corpusque rhabarbari organicum constitutebant: non tamen hinc sequitur, quod omnes illæ partes ad purgandum necessariæ sint, & à roto rhabarbari non amplius viventis corpore vis purgandi pendeat: sed eadem planta sæpe diversas vires habet, quæ etiā in diversis partibus fundantur. Docuit hoc jam olim Mesues, qui scribit, jam suo tempore in usu fuisse rhabarbarum adulterare. *Ejus integri, inquit, magna quantitas mergitur in aqua per quinque dies, & dimittitur illa aqua, & sunt inde trochisci, qui sunt medicina Regum.* (extractum rhabarbari hoc est) *Rhabarbarum verò siccatur ac venditur, & est sicut quod perdidit animam.* Verum hac de re prolixius agit Jacob. Zvinger. in *exam. princip. Chymic. cap. II.* ubi pluribus probat, Chymica resolutione & præparatione vires medicamentorum non amittere.

Et ut tandem hanc concludamus quæstionem, hoc ultimo loco monendum, solum pharmacopœiam non sufficere, ut quis Medicus audiat. Ideoque cuilibet danda opera, sive Galenicis sive Chymicis medicamentis uti velit, ne empiricorum more curet, sed methodi & indicationum ductum perpetuò sequatur. Alias sive vulgaris sive

*Medica-  
menta cum  
rationes  
exhibenda.*

Chymica medicamenta fuerint, si absque methodo usurpentur, magis nocebunt, quam proderunt; & quò præstantiora & efficaciora fuerint, eò magis nocere poterunt. Omnino enim rei optimæ pessimus est abusus. Novi duos infantes oleo destillato succini, aliàs, si recte usurpetur, bono, necatos à vetulis duabus fuisse. Alteri enim infantivix ante decem dies in lucem edito cum vetula olei destillati succini aliquot guttas propinasset, toto corpore pustulæ magnæ eruperunt, ac si aqua fervente perfusus fuisset; unde is paulò post expiravit. Alterum verò paulò adultiorem, cum idem oleum ei exhibitum fuisset, continui vomitus & alvi dejectiones affligerunt, tandemque interemerunt. Ideoque Erasmo facile assentior, qui *part. 4. dissertationum contra Paracelsi* statuit, in plerisque morbis & ægris minimè nocere, qui pharmacis vulgari more apparatus utitur, quam qui Chymica, ubi non opus, aut non rectè administrat. Quanquam enim culpa medicamentorum Chymicorum non sit, sed potius Medicorum, iis non rectè utentium: tamen id omnino moneandum fuit, cum ob juniores nonnullos Medicos, qui, ut præ aliis sapere videatur, neglectis penè omnibus vulgaribus & longa experientia probatis medicamentis, solis Chymicis, iisque sæpe nuper inventis, & nondum satis probatis utuntur, atque ex eorum usu famam captant; tùm nonnullorum

Galenicorum, qui cum rerum Chymicarum planè ignari sint, ne tamen Chymicis aliqua in parte inferiores videantur, Chymica, quorum vires & præparationis modum ignorant, satis periculose usurpant. Plurimum verò hac in re hodie à Chymicis multis peccatur, qui omnium reliquarum partium medicinae ignari, tamen, quia in Pharmacopœia & operationibus Chymicis quandam peritiam nacti sunt, reliquos Medicos superciliosè despiciunt, & se pro perfectis Medicis venditant: cum tamen ultra Pharmacopœiam nihil sapiant, atque ita cum futuro ultra crepidam judicent. Longè prudentius de his veteres senserunt. Aristoteles multò majoris negotii rem esse scribit, etiam quod sciveris effectum dare, quam, quæ salubria sunt, nosse, & animo comprehendere. Et prudenter Plato, Phædrum, Socratemque colloquentes inducit, hunc in modum. Socrates. *Si quis dicat: Ego quidem scio illa corpori admodum, quibus & incalcescat pro meo arbitrio, & frigeat, & vomitus & dejectiones & alia purgationes perficiuntur, & ejusmodi plurima recito, quibus cognitis & Medicum me esse profiteor, & alium quemlibet Medicum evadere posse dico: quid alium responsum autumes?* Phædrus: *Nihil aliud, quam percurtaturum, num quid etiam sciat, quibus, quando, & quousque, singula horum sint adhibenda: Quod si nesciat, necesse est, eum insannire, qui, quod ex aliquo Medicorum libro audierit quicquam vel in mede-*

Pharmacopœia non est Medicus.

las nonnullorum incidit, neque artis aliquid intelligat, Medicum se evasisse putat.

Restat tandem, ut de methodo medendi dicamus; ubi illa inprimis controversia est discutienda; *An in curatione morborum contrariis, an vero similibus utendum sit.* Principia methodi medendi prima est quibus omnem curandi rationem deduxerunt hactenus Medici, sunt hæc: *Quod secundum naturam est in corpore humano, est conservandum: quod præter naturam, tollendum.* Similia similibus conservantur: contraria contrariis tolluntur. Atque hinc Hippocrates Medicinam dixit esse adjectionem & subtractionem. Adjectionem scilicet deficientium, per similia: Subtractionem eorum, quæ abundant, & corpori præter naturam accidunt, per contraria. Quæ methodi medendi fundamenta ex ipsa natura deducta sunt. Nam cum curatio sit motus à morbo ad sanitatem; & motus, ut est, *5. Metaphys.* fiat ratione contrarii, etiam per contraria fiet. Etenim si remedium morbo simile & non contrarium esset, sed ad idem, ad quod morbus, tenderet: morbum auget, non expelleret. Nam, ut rectè Galenus sæpius, & Aristoteles *1. de gener. & corrupt. cap. 7.* dicit: *ποιεῖ καὶ πᾶσι τὰ ἐναντία τῶν ἀλλήλων.* Agunt contraria in contraria, & patiuntur à contrariis. Et: *παθητὰ καὶ ποιητὰ ἀλλήλων ὅτι τὰ ἐναντία, καὶ τὸ μέταξυ.* Contraria & que inter media sunt, in-

ter se mutuò æliwa & passiva sunt. Et: *τὸ οὐσιον τῶν τῶν οὐσίῳ πᾶν ἀπαρῆς ὅτι.* Simile à simili non pati potest. Et: *τὸ οὐσιον τῶν οὐσίῳ ἀντιλήτων: τὰ ἴδια πάντα Φαρμακὰ τῶν ἀδύλων.* Simile simile augere valet: contraria verò se mutuò corrumpunt.

Chymici tamen recentiores similitudinem esse similia remedia dicunt. Et cum similitudo duplex esse possit, vel cum natura, vel cum morbo: si quæras, utram similitudinem intelligant, utramque respondent. Nam primò ex Hippocrate docent, *Φύσις εἶναι τῶν νόσων ἰσότης: Naturam esse morborum medicatricem, & naturam solam plurimos morbos curare, hanc concoctionem efficere, humores vitiosos evacuare, & ea rectè sese habente optimam de salute ægri spem esse: Contra τῆς φύσεως ἀντιπερήσεις κενεὰ πάντα.* Natura reluctante & succumbente omnes Medici molitiones, atque omnia auxilia frustranea esse. Unde ipse Galenus Indicationem vitalem reliquis omnibus præferendam, & virtutum maximam semper habendam esse rationem, sæpius inculcat. Talia ergo auxilia adhibenda censent, quæ naturæ similia & familiaria sint, ipsamque roborent, ut confirmata & roborata morbo sese opponere hostemque vincere queat. Nam sicut qui in civitate, in qua, seditione oborta, pars melior civium à reliquis ferè opprimitur, seditionem sopire cupit, debiliori auxilia mittit: ita in hoc natura

An similibus an vero contrariis curandum.

Contraria contrariis tolluntur.

Similia similitudinis sunt remedia sec. Chymic.

natura conservanda per similia.

& morbi duello, ut natura salva maneat, morbus opprimatur, natura similibus fovenda.

*Morbi etiā  
requirunt  
similia sec.  
Chymic.*

Deinde & morbi & caussarum morbosicarum respectu similia adhibenda putant. Nam & purgantia totius substantiæ similitudine humores vitiosos trahunt: & alterantia cum parte, cui adhibentur, similitudinem habere dicunt, atque alia pulmōni, alia cordi, alia cerebro, alia epati, dicata sunt. Præterea morbos ex sale ortos curari, medicamentis ex salibus de promptis; sulphureos, sulphureis; mercuriales, mercurialibus, docent.

*Cōsiliatio.*

Verum enim verò, si nulla major esset discrepantia inter Galenicōs & Chymicos, quam in hac quaestione, facilè concordia iniri possit. Maximam enim partem in verbis potius, quam in rebus ipsis dissensio est. Primò enim in hoc Galenicum cum Chymicis planè consentiunt, semper virium habendam esse maximam rationem, & per similia eas conservandas esse. Neque cum hoc axioma pugnat illud alterum: contraria contrariorum esse remedia. Distinguendum enim hic inter Indicationem vitalem & curatorem in specie dictam: Maximaque illa Hippocratis: τὰ ἐναντία τῷ ἐπιεικῶς τῷ ἰσχυρῶ, non de indicatione vitali, sed de eo, quod præter naturam est, tollendo intelligenda. Et cum plura ad consecutionem sanitatis pertineant, non ad omnia extendendum est hoc axioma, sed

ad ea solum, quæ præter naturam sunt. Ideoque Severinus, cap. 14. malè Indicationem vitalem & curatorem confundit, dum morbos eodem modo indicare sui, ablationem putat, quomodo famelicus panem & situndus potum appetit, dum scribit: *Non sitis esurientibus & panem petentibus scorpionem porrigit, neque sitientibus acetum felle inquinatum offerimus, sed consentaneos, similes eisdem liquores adhibemus &c.*

Non enim idem est appetere & indicare. Nulla res sui appetit interitum, neque se perditam cupit; sed quælibet res, etiam præter naturam, se conservare conatur. Ideoque morbus, v. g. calidus, non sese perditum cupit, sed potius alia quoque calefacere tentat: sicut nec fitis vel fames sui destructionem expetunt. Verum homo ingenita vi percipiens rem noxiam & molestam simul ejusdem ablationem desiderat, ægerque remedia morbo, cum quo conflictatur, contraria desiderat, sicut sitiens potum, fitis remedium: non verò ipse morbus remedia desiderat; sicut nec fitis potum appetit, sed sitiens. Atque ita ex illa generali regula; Omne, quod præter naturam est, tollendum, Morbos sui ablationem indicare dicitur, non quod ipse morbus, aut quicquid est in corpore præter naturam sui destructionem desideret, sed quia, ut homo conservetur, quicquid præter naturam illi evenit, tollendum est. Nullo modo verò ea toleranda sunt, quæ idē p. 367.

*Morbus  
quomodo  
contraria  
indict.*



primæ ed. & p. 382. secund. edit. habet, ubi spiritibus, & quidem non illis insitis & animalibus, sed morbificis, & qui per sudores, vel vomitus, vel urinas, vel insensibiles transpirationes evanescent, sitim attribuit, & remedia eatenus morbi similia esse dicit, quod defectus & desideria resarciant, quodque amica saturitate spiritus & impuritates consentaneas delinientes, resolutiones, consumptiones & tacitas abolutiones moliantur. Certè si tollunt, resolvunt, consumunt, & omnino quatenus contraria sunt, non iis amica erunt, nec eorum desideria explebunt: nec morbi sui ablationem desiderant.

Deinde nec hoc negatur à Galenicis, eligenda esse medicamenta, quæ parti laboranti familiaria, & ut loquuntur, appropriata sunt: quæ familiaritas & ipsa in similitudine & occulta quadam sympathia consistit.

Tertiò nec de contrarietate alterantium aliquam revera inter Galenicis & Chymicos puto esse dissensionem. Neque enim credo, ullum Chymicum vel Paracelsicum tam fatum esse, qui morbo calido, quatenus talis, calidum, quatenus tale, adhibeat remedium; aut corpus exsiccatum, quatenus tale, amplius exsiccandum putet. Cum ipsa experientia & sensus doceat, calida refrigeratione, frigida calefactione, humida siccatione, sicca humectatione indigere. Id quod tam evidens est, ut non solum hominibus

omnibus, verum etiam brutis notum sit, quæ magno in æstu refrigerationem, in frigore calefactionem expectunt. Manet ergo maxima Hippocratis: τα εναντία τῶν ἐναντιῶν εἶναι ἰσχυρά. Contraria contrariorū sunt remedia. Rectèque scripsit Galenus, lib. 9. meth. medend. cap. 15. Sannatio nihil aliud est, quam presentis in corpore vitiosi affectus in naturalem habitum mutatio. Cum autem contrarii hi affectus sint, necesse est per contraria fiat eorum alterius in alterum translatio. Quoniam enim id, quod agrotat, ei, quod valet, est contrarium: ubique per contraria & ab illo in hoc via. Et licet inter ipsos Galenicis de axiomatico hoc controversa aliqua excitata sit, & nonnulli ejus universalitatem evertere conati sint: tamen id obtinere non potuerunt, ut videre est apud Conciliator. d.fferent. 153. Turisanum, in art. part. lib. 3. com. 35. Argenterium, ibidem cap. 87. Valesium, lib. 8. Controvers. cap. 4. Valeriolam, locor. commun. cap. 14. Ludovic. Mercatum, tom. 1. lib. 3. part. 3. clas. 1. Horrat. Augenium. Epist. medic. tom. 3. lib. 1. Epist. 3. cap. 4. Montalium, de homine sano, lib. 3. cap. 14. dictumque etiam hac de re est, lib. 5. Instit. pag. 867.

Restat ergo saltem controversia de causis, quomodo scilicet medicamenta sese respectu causarum habere debeant: an iis similia, an verò contraria esse debeant. Ubi etiam concordiam mirari posse, non planè diffidō. Nam si sic regula ista, Contraria contrariis curantur,

Contraria  
contrariis  
curantur,

An medicamenta  
causis mor-  
bificis sine  
contrariis

explicetur, ut in *Instit. loc. modo alleg.* factum, nimirum per contrarium. hic intelligi omne id, quod effectivè tale est, seu quod effectum affertui præter naturam contrarium producere potest, non refragantes, ut opinor, habebimus Chymicos. Nam & ipsi certè eo fine exhibent medicamenta sua, ut iis causa morbifica & hinc morbus tollatur, non conservetur & augeatur. Neque hic ullum Paracelsicum tam stolidum esse existimo, qui non admittat, quod Hippocrates, 2. *Aphor. 22.* scribit: *ἴσος πλησμονῆς οὐόσα ἀνωσήματῳ ῥήρηται, κένωσης ἰσηται: Ἐόόσα δὴσὸ κένωσης, πλησμονῆ: Ἐ τῶν ἀλλῶν ἢ ὑπεναπλώσις. Qui à plenitudine morbi sunt, evacuatione curantur: & qui ab inanitione proficiunt, sanantur repletionè; cæterorumq; contraria sunt remedia.* Sunt enim hæc tam manifesta & nota, ut à Paracelso & ejus affectis ea de causa (et si minus rectè) serè neglecta videantur.

Contrarietas inter  
qua sit.

Atque hoc ipso loco notandum, malè à nonnullis Chymicis Galeno attribui, quasi contrarietatem Hippocraticam saltem ad qualitates primas extendat; quod nunquam Galeno in mentem venit: cum passim contrarietatem per totam methodum medendi, & omnia morborum genera extendat, atque inter alia, in *art. medic. cap. 89.* scribat: *ἡ ἰαοίς ἕνα μὲν ἔχει καὶ πρῶτον νοσήσῃσιν σὸσπιν ἀντὶ τὸ μέλλοντι λυθῆσθαι τὸ ἐπιπλῶν. Ἐκ τῆσθ γδ γένησθ ἔσθ πᾶντα αὐτὸ διμμεγρῆντα τῶν*

*ὕγείας τὰ αἴτια: κατῳ μὲν δ' ἔσθ τὰ καθέκασθ ἐπιπλῶν. Cumatio unam præcipuam & communissimam habet intentionem ad id, quod est dispositioni auferende contrarium. Ex hoc enim genere sunt causa ille omnes, qua sanitatem efficiunt. Secundam partem verò ex unicuiq; dispositioni contrariis. Quo in loco, ut & alibi, Hippocraticum axioma non solum ad intemperiem retulit, sed ad omnes ex æquo morbos & causas extendit.*

Supereft itaque ea saltem quaestio: quomodo secundum vires internas & ipsam naturam & substantiam medicamenta ad causas morificas sese habere debeant. Atque hic versatur controversia cardo. Cum enim Paracelsici morbos aut potius causas morificas ad tria sua principia referant, & alios morbos esse sulphureos, alios salarios, alios mercuriales statuunt: sulphureos, per sulphurea medicamenta; salarios, per salaria; mercuriales, per mercurialia curandos docent. Si nimirum sulphur accendatur, illud extinguendum esse dicunt; atque in hoc contrarietatem admittunt. Verum hoc non fieri posse per salè, vel mercurium, sed per sulphureum tantum medicamentum contendunt. Ita si ulcus excitetur, à sale id esse, nihilq; in natura corrosivum nisi salelem esse dicunt: eamq; exulcerationem tollendam, carnemq; generandam, & ulcus conglutinandum concedunt: & eatenus quoq;

Quomodo  
remedia  
ad causas  
se habent.

contrarietatem in remediis admittunt. Verum remedia, per quæ id præstari possit, esse salaria statuunt. Ita & de morbis tartareis, quos ex superfluitatibus excrementitius provenire docent, sentiunt: cujus generis sunt calculi, eosque per tartarea remedia tollendos esse docent. Hinc convenire calculo solvendo lapides, qui in animalibus concresecunt, ut sunt lapides cancrorum, percarum, lapides, qui in vesica & renibus animalium inveniuntur, lapis lycis, Judaicus, spongiæ, radices rufci, apii, althææ; & calculo præservando ea convenire, quæ mucilaginosæ sunt; coagulato, quæ in lapideam duritiem coagulata sunt. Atque ita morbum semper simul remedium monstrare sentiunt.

Conciliatio

Qua in re etiam si videatur esse inter Galenicis & Chymicos discrepantia: danda tamen opera, ut & illa, quantum fas, conciliari possit. Et primò plerique Galenici non negant, purgantia familiaritate substantiæ humores vitiosos trahere. Id tamen nihil de axiomati illius; contrariorum contraria esse remedia, universalitate tollit. Nam licet respectu causæ aliqua insit similitudo in purgantibus: tamen respectu morbi, imò ipsius causæ etiam, suo modo sunt contraria, effectivè scilicet; tollendo nimirum morborum causas. Morbus enim semper tollitur contrariis, seu mediatè seu immediatè, seu per se, seu per accidens. Distinguendum etiam hic inter indicationem & remedium,

quod est instrumentum, per quod indicationi satisficit. Indicans præter naturam semper sibi contrarium indicat. At instrumentum, per quod efficitur, quod indicans præscribit; licet causæ sit simile, nihil refert, modò indicationi per id satisfiat, & causa tollatur. Quamvis enim similitudine substantiæ rhabarbarum bilem attrahit: eo ipso tamen facit, ut rhabarbarum è corpore evacuetur. Et ipse Aristoteles, ubi de actione mutua rerum naturalium agit, 1. de gen. & cor. c. 7. scribit: τὸ πικρὸν καὶ τὸ πικρὸν τὸ πικρὸν γένηται καὶ τὸ ἰσχυρὸν καὶ τὸ ἰσχυρὸν τὸ ἰσχυρὸν γένηται καὶ τὸ ἰσχυρὸν τὸ ἰσχυρὸν γένηται. Patiens & agens generè quidem sunt eadem & similia: specie verò dissimilia. Talia autem sunt contraria.

Curatio per similia quomodo perficiatur.

Et quod docent Chymici, sulphur sulphure, sal sale esse curandum: non planè de nihilo videtur. Neque enim qualibet materia à quibuslibet patitur & dissolvitur. Notissimum est, pingua non affici aut pati ab aqua, sed à pinguis. Ita gummi Arabicum, cerasorum, tragacanthæ, prunorum, in aqua dissolvitur; quia aquosa hæc sunt: thus vel myrrha non item. Ita sulphur in oleo dissolvitur, ob naturæ cognitionem: ab aqua forti sulphur non solvitur, quæ tamen argentum & alia metalla faciliè dissolvit. Et quæ aqua fortis argentum dissolvit, eadem aurum dissolvere non potest. Videmus etiam calculos à spiritu salario coagulatos & ipsos non à pinguis & sulphureis, sed à talibus

quæ sale abundant, dissolvi. Itaque non abs re facere videntur Chymici, dum cuique causæ morbificæ nõ quævis resolventia opponenda esse censent, sed talia, quæ vim specificam resolvendi & è corpore exturbandi quamlibet causam habent. Neque enim sufficere putant, si humori crasso attenuantia adhibeantur, sed humoris naturam attendendam, & pro cuiusque natura specifica & propria attenuantia adhibenda esse, sulphurea sulphureis, salaria salariis.

Neque interim, dum dicunt, similia similibus curari, contrarietatem planè negligunt, sed illud Aristotelis paulò ante propositum, ut admittant necesse est; *Agens & patiens genere quidem esse similia, specie verò dissimilia & eatenus contraria.* Etsi enim salia salibus curari dicunt: tamen salia alia vim resolvendi, alia coagulandi vim habent. Et propterea humores à sale coagulatos, non per salem coquantem, sed per salem solventem cutandos dicunt. Ita ex eorum sententia febris ex sulphure *Φλογιστῶ* & inflammabili orta non curatur per sulphur inflammabile, sed per sulphur acidum, quod spiritus illos accensos coagulet, compefcat, & ad inflammationem ineptos reddat. Id quod pyrii pulveris exemplo probat Quercetanus, *de prisic. mat. medic. cap. 3. & 3.* Etsi enim sal petra & sulphur facile sint inflammabilia: tamen utrumque acidum in se continet spiritum, quò si imbuatur pulvis pyrius, am-

plius flammam non concipit. Verum an nitrum sit inflammabile, & unde spiritus acidus à sulphure proveniat, de eo infra dicetur.

Ipsam controversiam quod attinet, si hæc ita distinctè explicantur, vix magna controversia inter Galenicos & Chymicos revera relinquatur. Alio enim respectu similia similibus, alio contraria contrariis curari dicuntur. Similia nimirum requirunt vires; & parti affectæ similia, appropriata, & familiaria medicamenta adhibentur. Inter purgantia quoque & humores, ut & dissolventia & humores, cognatio intercedere debet. Contra verò morbus & causæ, quatenus præter naturam sent & tolli debent, requirunt contraria.

Si quis verò nulla distinctione *Natura de sola morborum medicatrix,* adhibita hanc quæstionem decidere velit, & ubi quæritur de morbo vel causa morbifica, de parte affecta respondeat, is multis modis errabit. Id quod accidit Crollio, cui cum omnia Galenica planè fordeant, & nullam propterea conciliationem quærat, satis imprudenter scribit *in præfatione admonitoria, pag. 59. Naturam corporis nostri proprium sibi met esse Medicum, qui ab extrinseco Medico nihil aliud requirat, præter instaurationem aut fortificationem, exteriori medicamento repurgatissimo.* Quod si simpliciter verum, quorsum ergo vomitoria *καθαρτικά*, *διζήνια* & *ἄφροζήνια* descripsit? Et mox addit; *egm corpora qualitibus contrariis curare velle, nihil aliud est, præterquam*

quam natura, bello intestino satis laborata, bellum intrinsecum in totalem sui ruinam movere. Ergone nunquam vidit Crollius, aere & potu frigido calore ferè enectos refocillari? Si non vidit. Hecticorum corpora exsiccata humectantibus curari, & ulcera pulmonum solo aere sicco exsiccata coalescere, & phthificos hoc modo curari legat Galenum, lib. 3. & 10. method. medendi. Et qui nullos morbos sola primarum qualitatum contraria alteratione curari negat, ea negat, quæ sensus vera esse docent, & vix dignus est, cum quo disceptetur. Et iterum: *Contraria se mutuo non recipiunt: Et si mutuo se non recipiunt, nec in se mutuo agunt, nec à se mutuo patiuntur aliquid. Ubi igitur actio & passio vera non est, ibi etiam effectus naturalis verus non sequitur. Ergo medicamenta non possunt esse contraria loco affecto.* Quæstio est, de contrarietate medicamentorum, & morbi ac causa morbifica. Is verò respondet de parte affecta: & an contraria vel similia mutuo agant & patiantur, facile cognoscere potuisset, si legere ipsi libuisset Aristotelem, 1. de Gen. & Cor. cap. 7. & quæ Commentatores ad eum locum hac de re scripserunt.

Et quanquam Galenici ultro concedant; Naturam esse morborum medicatricem; & longè ante Chymicos id Hippocrates, 6. epid. sect. 5. t. 1. docuerit; Naturam quæ omnia, quæ potest; pro animalis salute agere, & absque naturæ robore omnia à Medico frustra tentari,

extra controversiam fit: tamen; ut Galenus, *ibidem*; ubi hunc locum explicat; rectè ait: non simpliciter verba hæc accipiendâ sunt, sed altior sensus accuratiore indigens explicatione in his verbis delitescit. Ac rectè dicitur; & naturam morbis medicari; rectè verò & artem medicam, & medicum. Natura nimirum, ut Galenus explicationem hujus loci concludit, omnium artium ad medendum primaria & potissima est: ipsa tamè nec omnia, nec sola, quæcunque ad sanationem necessaria sunt, semper præstare potest: Sed ut rectè, *de consit. art. c. 13.* Galenus ait: *Quid natura, quid ars possit.* alia naturæ, aliâ Medico concessa & negata sunt. Natura quidè alimenta coquit, in corpus distribuit; partibus apponit; in morbis humores vitiosos concoquit, secernit, expellit, cavum ulcus carne replet; eadem tamè, ut os laxatum aut contractum conformare; & reparare, aut copiosas in ulcere lordes ipsa abstergere non potest; sed ministerio Medici & medicamentorum indiget: ita pertinales obstructions ipsa solvere non potest, sed aperiencia medicamenta id præstant: humores crassos sola incidere non valet; sed attenuantia medicamenta id præstant, calida refrigerare non potest, sed medicamentis refrigerantibus opus; multò minus scirrhum emollire, aut calculum fortiter compactum dissolvere potest. Falsum ergo, quod omnia medicamenta saltem naturæ optulerentur; & quod salubrium medicamentorum virtus saltem in confer-

uatione naturæ occupetur & consistat: cum jam monstratum sit, non pauca directè & immediatè causis morbificis opponi, & in eas proximè agere, easque demoliri.

Atque hæc, quæ hæctenus de Galenicorum & Chymicorum consensu ac dissensu diximus, si quis sine præjudicio perpendere voluerit, id inde commodi, ut spero, percipiet, quod discet, nec Chym. ob Galenica, nec Galenica ob Chymica negligenda esse; sed nonnulla Paracelsi ac Paracelsistarum dogmata tam absurda & ab omni veritate aliena esse, ut meritò ab omnibus, quibus magis veritas, quam Paracelsus vel alius quispiam, amica est, rejicienda sint: in non paucis tamen concordiam iniri posse, nec dissidium tantum esse inter Galenicos & Chymicos, ut ideo nova secta constituenda sit. Ac proinde pessimè suis rebus consulere, qui antiquorum scriptis neglectis, è solis recentium Chymicorum libris se egregios Medicos evasuros existimant. Contra & illos peccare, qui nullam veteri Medicinæ accessionem fieri posse putant. Elegantem utilium medicamentorum suppellestem Chymia nobis suggerat: si eadem, quid in morborum causis & medicamentorum facultatibus investigandis opis afferre potest, & hoc beneficii loco acceptamus; & proinde verum esse putamus, quod Matthioli, *lib. 4.º epist. ad Andream de Blau*, scribit; Neminem Medicum absolutum esse posse, imò ne mediocrem quidem,

qui in Chymia non sit exercitatus. Cum enim Medicus sit ille admirabilis, qui quod est divinum in morbis, in medicamentis, in natura novit, actionumque fontes investigat: ista omnia præcipuè Chymicæ beneficio Medicus assequi potest; qui verò in rebus nihil qualitatis primis præstantius quærit, id non potest. Reliqua, de corporis nostri constitutione, facultatibus & actionibus, de morborum & symptomatum differentiis, de signis, prognosticis, & methodo medendi, rectissimè ex Hippocrate & Galeno eorumque interpretibus cognoscuntur: quæ qui negligit, Empiricus potius evadet, quam verus Medicus.

Ergo non amplius opponatur Galenica Medicina Chymicæ, sed Pseudo Galenica Chymicæ, & Pseudo Chymia Galenicæ Medicinæ. Galenici enim non sunt, ut nonnulli eos malè definiunt, qui purum & impurum confundunt; sed qui artis Medicæ fundamenta è Galeno & Philosophis petita, ratione probata, & experientia confirmata amplectuntur, & hoc duplici *νεμεσιω* verum à falso distinguunt. Atque hi non negant, quod ars medica ab Hippocratis & Galeni temporibus & theorematum accessione, & medicamentorum copia, & ornatu altius & perfectior evaserit. Et inter accessiones illas libenter etiam Chymiam referunt, atque agnoscunt, nostro tempore & remedia multa antiquis incognita rectè usurpari, & multò commodius præparari, atque

*Galenici  
quid.*

*PseudoGaleni qui.* extracta, olea, spiritus, sales & similia libenter admittunt. PseudoGaleni sunt servum illud hominum genus, qui nihil, nisi quod in Galeno reperitur, recipiendum censent, & in dijudicando verò ac falso non tam ratione & experientia, quàm Galeni autoritate nituntur. PseudoChymici sunt, qui nullarum rerum naturalium & medicarum cognitione instructi ex operariis Chymicis subito Medici facti, omnia Galenicæ Medicinæ fundamenta subversa cupiunt.

*PseudoChymici.*

quædam Appendicis loco subjungeri placet, in quibus passim de præparationibus & usu medicamentorum Chymicorum quædam monendi dabitur occasio.

Nullam scientiam vel artem veram ac solidam esse, quæ certis quibusdam principiis non nitatur, & eorum, quæ in ea fiunt, rationes reddere possit, extra dubium est; & quæ certis principiis non nitatur, & theorematum suorum causas reddere non potest, inscitia potius & *ἀγνοία*, quàm scientia vel ars dicenda est. Nescio tamē qui fiat, quod in Chymia, quæ ars longè utilissima & nobilissima habetur, pauca rationibus munita, & ex certis principiis deducta habeantur, sed infiniti penè processus & operationum formulæ passim extent, quibus tamen fundamentis & causis illæ nitantur, pauci doceant. Ita ut ars sine arte esse videatur.

Verum enim verò cum ut Medicina, ita & Chymia naturali scientiæ subjiciatur, omninò etiam in operando leges nature sequi, & ad earum ductum operationes suas instituere debet, ut inter Physicam & Chymiam mutuus consensus sit: ita ut principia naturalia Chymicæ, & operationes Chymicæ principiis naturalibus respondeant.

Esti vero de Arte Chymica prolixè & operosè vir doctissimus, Andr. Libavius, brevius verò Joh. Beguinus scripserit, & ego etiam, *lib. 5. Instit. Medicar.* (licet Chymicas operationes & Chymica medicamenta

## CAPUT XIX. APPENDIX,

### *De Constitutione Chymicæ.*

**A**Tque hæc sunt, quæ de Chymicorum recentiorum cum Aristotelicis & Galenicis consensu dicere potui. Potui, inquam: Dum enim, quod velis, non possis, velis, quod possis. Ut plura verò, quæ volui, non potuerim, temporis penuria & otium, aliis necessariis impendendum, non permisit. Nunc ad speciem descendendum esset: Et memini me in prima editione aliquid in hoc genere promississe. Verum ob alios labores absolvendos id præstare non licuit. Ut tamen aliquo modo promissis stem, de Constitutione Artis Chymicæ

ac vulgaria pro instituti mei ratione  
ibi conjunxerim) de eadem mate-  
ria tractarim: tamen cum in con-  
spectu quasi & tabulâ rotam artis  
Chymicæ naturam & constitutio-  
nem habere utile sit, brevibus eam  
è locis allegatis hîc exhibebo; &  
passim quædam, quæ monenda vi-  
debuntur, inspergam.

Verum expediam hoc sine aliorû  
obtrectatione, sine convitiis, sine  
calumniis. Vt enim torpe esset, in  
Senatu Patres, dum de salute Reip.  
deliberatur, à votis ad convitia de-  
scendere: ita pudendum est, eos, qui  
scriptis editis rem literariam auctâ  
& amplificatam cupiunt, rebus  
missis convitiis certare.

*Dissentire duos animis de rebus iisdem*

*Incolumè licuit semper amicitia.*

Definivimus autem supra, in fine  
capituli primi, Chymiam, quod sit *Ars*  
*corporum naturalia composita sive con-*  
*creta resolvendi, resolutaq; pura & viri-*  
*bis validissima reddendi, ut utilia Me-*  
*dico præbeat remedia, vel metallorû per-*  
*fectionib; & transmutationib; inserviat.*

*Subjectum* nimirû, circa quod oc-  
cupatur Chymicus, sunt omnia cor-  
pora naturalia cõcreta, vegetabilia  
scil. animalia, mineralia & metalla.

Chymicæ finis duplex est; Inter-  
nus & Externus.

*Internus* est corpora naturalia cõ-  
posita solvere & elaborare, ut vel  
partes omnes seorsim & singulæ vel  
iterû conjunctæ & compositæ, pu-  
rissimæ, efficacissimæ, & ad usus in-  
vitæ humanâ necessarios aptissimæ  
sint, & seu Medico, seu illis, qui in

metamorphosi metallorum occu-  
pantur, utilia adminicula præsent.  
Seu potius internus finis est ipsum  
opus, quo perfecto operatio Chy-  
mici desinit. Cum enim Ars sit Chy-  
mia, *ποίησις* est & opus relinquit.

*Externus* Chymicæ finis est duplex: *Externus*  
Vel n. ad metamorphosin & trans-  
mutationem metallorum ignobi-  
liorum in nobiliora, vel ad meden-  
dum & sanitatem corporis humani  
adferendam dirigitur.

Verum priore sine seposito hic  
de Chymicæ constitutione saltè age-  
mus, ut medico inservit, eiq; utilia  
medicamenta exhibet. In ipsis tamē  
operationibus etiam quædã propo-  
nentur, quæ posteriori fini simul in-  
servire possunt. *Vid. supra cap. 1.*

Ut autem finem suum assequatur *Media*  
Chymicus, mediis quibusdam opo *Chymia-*  
habet. *Media* autem hæc sunt ope-  
rationes Chymicæ & instrumenta,  
quibus operationes istas perficit.

Atq; ita tota Ars Chymica absol-  
vitur tractatione instrumentorum,  
quæ Chymico operanti necessaria  
sunt, ipsis operationibus, & opere,  
quod perficit: de quibus ordine  
breviter dicemus.

Instrumenta primò quod attinet,  
cum Chymia naturæ operâ in suis *Instrumentis*  
operationibus utatur, instrumenta *ita equi-*  
præcipua sunt ignis, aut calor potius,  
menstruum, Aër, Aqua. Verum ut  
hæc rectè usurpentur & agentia pa-  
tientibus applicentur, præterea for-  
naces, vitra & vasa alia plura requi-  
runtur. De fornacibus, vitris, & aliis  
vasis, ut & luto dictum, in *Instit.*  
lib.

*Chymia*  
*quis*

*Subjeetum*  
*Chymicæ*

*Chymia*  
*Finis*

*Internus*

*Quibus*  
*Chymia*  
*absolvitur*



*lib. 1. part. 3. sect. 2. cap. 11. 12. 14. &*  
aliis etiam operationibus sua in-  
strumenta adunximus.

*Calor:*

De igne & calore, qui naturæ  
communis *δυναμικὸς* est, dictum  
*ibid. cap. 2:*

*Menstrua:*

Menstrua verò sunt, quæcunque  
solutioni extractioni & separationi  
rerù inferviunt. Et quidè plerunq;  
& frequentissimè nomē hoc tribui-  
tur liquoribus, qui corporibus af-  
fusi ea solvendi vel aliquid ex iis  
extrahendi vi actu prædita sunt.  
Quales sunt, aqua communis, de-  
stillata variæ, ros, spiritus vini, te-  
rebinthinæ, acetum destillatum,  
olea destillata, spiritus salis, nitri,  
vitrioli, aquæ fortes & regiæ, de  
quibus in *Instit. loco allegato cap. 6.*  
dictum.

Quos tamen liquores omnes in  
tres classes redigere licet. Quidam  
enim sunt aquei; quidam acuti &  
salium participes; quidam oleosi.  
Non verò qualibet menstrua ad  
quælibet corpora solvenda idonea  
sunt, sed de his hoc monendum,  
sua ferè corpora quæque habere,  
quibus solvuntur vel extrahuntur,  
menstrua; quæ ipsorum naturæ re-  
spondent. Aquea quæ sunt, & cum  
aquâ convenientiam habent, aquâ  
& aqueis mensuris solvuntur &  
extrahuntur. Atque aquæ vegeta-  
bilium & animalium substantiam  
per coctionem & infusionem extra-  
hant; saccharum item & salia (quæ  
omnia in aquâ liquefcunt) ac salina  
solvunt; ad alia verò solvenda vires  
corum vix extenduntur. Quæ spi-

rituosa sunt, spiritibus; salina salis  
spiritibus solvuntur & extrahuntur  
sulphurea solvuntur & extrahuntur  
oleo & pinguibus. Hinc metalla,  
ut & lapides, aquis fortibus &  
regiis & similibus liquoribus sol-  
vuntur. Sine verò sale vix fit ullius  
metalli solutio. Et quanquam me-  
talla eò redigi possunt, ut postea in  
aqua vel simplici vel destillata li-  
quescant; tamen prima solutio per  
sales ut facta sit, necesse est, & pro-  
pter salinos spiritus metallo adhæ-  
rescentes id postea in aqua solvitur.  
Omnia enim metalla salinam na-  
turam participant. Ideoque sal  
vel salini spiritus (alii tamen aliis  
metallis magis cognati sunt) qui  
sunt in menstruo solvente, metalli  
partes atomorum quasi modo ad se  
trahunt sibi que uniunt; atque me-  
tallum menstruo, aut certè sali,  
quod in eo est, unitum aliam for-  
mam externam induit, & vel in li-  
quorem vel pulverem, aut saliformem  
substantiam redigitur, & sal,  
qui est in menstruo solvente, cor-  
pori metallico adhærescit. Si quis  
tamen huc etiam referre velit mer-  
curium, qui ob naturæ cogna-  
tionem aurum solvit, vel etiam a-  
quas aut spiritus è mineralibus, vel  
metallicis corporibus paratas, quæ  
non tam corrosione, quam ob na-  
turæ similitudinem aut occultam  
proprietatem aurum solvant; cum  
eo non pugnaverim: modò expe-  
rientiæ omnia respondeant. Aquæ  
fortes contra, etsi sint maxime cor-  
rosivæ, ceram, picem & resinas non  
solvunt.

Solvunt, contra talia in oleo & pinguis solvuntur. Ideoque cuique rei solvenda vel extrahenda idoneum menstruum eligendum.

Sunt tamen, qui non solum liquores, quibus in solutione & extractione utimur, nomine Menstrui intelligunt, sed & alia sicca, quæ ad corporum solutionem faciunt, hoc nomine dignantur, qualia sunt sal, nitrum, sulphur, quæ lapidibus & metallis addita, & in igne reverberii, resoluta in corpora addita sese penetrant eaque solvunt.

Tertio etiam Chymicis Aër necessarius est, qui duplici modo ad operationes Chymicas concurrere potest, ut humidus scilicet & aqueos vapores admistos habens, & ut frigidus. Ut humidus infervit Chymico, dum rebus natura siccis sese admiscet, iisq; consistentiam dat liquidam. Id quod fit, dum in cellis & locis humidis sese sali Tartari & aliis salibus admiscet, atq; ut liquefiant illa facit. Deinde etiam in distillationibus quibusdã aër humidus facit, ut spiritus, qui natura sua sicci sunt, & forma nebularũ & atomorũ egrediuntur, in liquida forma exhibeatur. Id quod fit in ol.  $\Delta$ , quod per campanam fit, imò in spiritu salis,  $\Theta$  & similibus. Non enim sine causa quæritur & inter Chymicos controversitur, unde spiritus hi illã liquidam & humidã consistentiam habeant. Ubi, si quod est dicendum, omnino illã ab aërea & aquea humiditate provenire existimo: cum

natura sua sint sicca substantia. Accipiunt verò illam vel in sua concretionem vel in distillatione. Etenim in distillatione spiritus salis & vitrioli manifestum est primò aquam humiditatem partim exstillare, partim exhalare, & in recipiente colligi, postea verò ipsum spiritum salis &  $\Theta$  li formã nebulæ q. egredi. Oleum etiam  $\Delta$  per campanam dictum non fit nisi aëre valde humido. Aut si quis alio modo, recipiente scilicet ad latus canalis, in quo sulphur accenditur, apposito, idem oleum parare velit, necesse est, ut in recipiente aqua prius infundatur, cum qua spiritus  $\Delta$  sese uniat, quæ aqua postea si per distillationem maximã ex parte separetur, liquor acidus remanet. Imò nec ex mercurio vel similibus liquor fieri vel distillari potest, nisi aër humidus sese admisceat, ac propterea in talibus distillationibus spiracula, quibus aër humidus ingredi recipientem possit, relinquenda. Atque inde accidit, ut liquor ille, qui sese admiscuit, in multis iterum separari possit, corpore sicco relicto. Oleum tartari per deliquium quod vocant, iterum in salem siccum abicit, si aqua, quæ sese admiscuit, exhalare permittatur. Si spiritus vitrioli terræ sigillatæ Silesiacæ affundatur, & distillatio instituat, eaque per cohobationem aliquoties repetatur, phlegma tandem & aqua tantũ distillat, & terra sigillata acida evadit, sale vitrioli acido cum ea remanente.

Deinde

*Spiritus  $\Theta$   
salis &c.  
unde humiditatem  
habeant.*

Deinde aër Chymico inservit ratione frigiditatis. Cum enim frigiditas per accidens etiam homogenera constringendo congreget, fit, ut in aëre frigido in aqua sales facilius cōcrescant, quàm in calido.

Quarò nec Aqua ab Instrumentis Chymicorum excludenda est. Et quidem non solum ut menstruum, ad corpora solvenda & extractionem instituendam, & ad corpora abluenda, de quo antea diximus, necessaria est, verum etiam, ut modo dictum, dum in aëre humido spiritibus siccis sese admiscet, & præterea in vasa recipientia infunditur, ut spiritus sicci in eam sese quasi immergat & ab ea excipiuntur.

Tandem, nisi alios offenderem, quinto loco terram adderem, & huic cognata. Ita in spiritu salis & nitri destillando usurpamus argillam, bolum, terram sigillatam; in oleis quibusdam destillandis pulverem laterum; arenam, cineres; siles addimus. Causa autem huius rei est duplex. Primò ut corpus destillandum admixtione rei alienæ ad minima, quantum fieri potest, redigatur, atque ita caloris actioni facilius expositum sit. Res enim homogeneæ unitæ actioni caloris fortius resistunt, quàm in minimum redactæ; & sal solus potius fluat & funditur, quàm ut spiritum præbeat. Res verò quædam, ut nitrum, facile resolvuntur, & metus est; ne subito resolutæ vas recipiens rumpant. Quapropter ut lentè resolvantur, aliud corpus additur.

Imò videntur adhuc alia esse, quibus tanquam instrumentis, ad operationes quasdam perficiendâs Chymicus utitur. Ita oleo  $\square$  utitur ad margaritas & corallia soluta præcipitanda; aceto ad  $\Delta$  auratum  $\square$  ii; vino ad lac  $\Delta$ is parandum, aëris ad aliorum præcipitationem. Quæ an ad priora instrumenta referri possint, dubito.

Jam ipsas operationes Chymicas quod attinet, eas alii aliter dividunt & dispefcunt, ac quemlibet hic suo sensu abundare permitto; cum potius quemlibet sollicitum esse deceat, ut operationes has usu cognoscat, quàm argute de earum divisione disputare possit.

Mihi quidem commode videtur dividi posse in *Διάκρισιν*, *ἀναμίξιον* & *Ἰμμυτάσιον*. Operatio  
nes Chymicæ  
quæ quot.

*Διάκρισις* est, cum corporis compages resolvitur & quod erat unum, dividitur.

Fit autè hæc tribus modis. 1. cum quæ impura vel aliena admixta sunt separantur. 2. cum corpus in partes homogeneas dissolvitur. 3. cum in heterogeneas dissolvitur. In quibus tamen operationibus simul hoc Chymico propositum, ut omnia quæ fieri potest purissima, subtilissima & efficacissima reddat.

Primum *Διάκρισις* genus Purificationis appellari potest, & ad id pertinet tartari purificatio, cum a terrestribus & lutulentis partibus separatur, ut album, purum, & acidulum corpus evadat.

Fit hoc lotionē & crebris solutionibus & coagulationibus cum filtratione, de quibus in Institut. loco allegato cap. 8. & 10. dictum. Item cum succi, quibus pro essentiis, ut hodie nonnulli loquuntur, parādis utuntur, à suis fecibus separantur & puri redduntur, id quod fit per digestionem, de qua eodem cap. 10. dictum.

*Exsiccatio.*

Pertinet huc & *exsiccatio*, quæ fit per evaporationem & exhalationem, de quibus *ibidem* cap. 13. dictum. Imò huc referenda videtur etiam *Ustio*, de qua *ibid.* cap. 5. dictum, cum scilicet sulphureæ partes exhalant, ut & aquæ, quæ non expetuntur, ut id relinquatur, quod expetitur. Id quod fit in ustione plantarum pro salibus parandis, item ossium & cornuum.

*Ustio,*

<sup>2.</sup>  
*Calcinatio.*

Secundò ad *Alaxerion* pertinet *Calcinatio*, quæ corpora metallica, mineralia, lapides, & quæ lapideam duritiem habent, ut testæ ovorum, concharum, lapides in animalibus, & alia ita resolvuntur, ut in pulverem redigi possint. Fit hoc vel igne actuali, de quo dictum loco allegato cap. 5. vel per ignem potentialem, ut loquuntur, id est, liquorem aliquem, qui ea corrodingi & solvendi vim habet, quem menstruum vulgo appellant, quales sunt acetum destillatum, spiritus ☉, ☽, ♃, ♀, aqua fortis & regia: vel per amalgamationem, ubi à mercurio admisto metalla corroduntur: vel per fumigationem, ubi à fumo vel vapore rei corro-

dentis corpus dissolvitur. De quibus *ibidem* cap. 6. dictum.

Pertinet huc & *sublimatio*. Sublimationes enim Chymicorum <sup>Sublimatio</sup> stilla sunt. Et quanquàm sublimatio interdum etiam instituitur: ut si quæ impuritates adsint, separantur; plerunque tamen id saltem fit, ut corpus in minimas atomos redigatur. De qua *ibid.* cap. 12. dictum. Et his modis omnibus corpus in homogeneas partes solvitur, & quod resolvitur, homogeneum est.

Tertiò fit *Alaxerion*, cum corpus in partes diversas & heterogeneas dissolvitur. De hac autem *Alaxerion* notandum, proprietates alias esse in toto, alias in partibus. Ideoq; ubi vires, quæ à toto dependent, expetuntur, resolutione hac opus non est. Ubi verò viribus, quæ à parte alicujus integri pendunt, opus est, in quam parte hæreant, videndum. Hinc à multis multum peccatur, cum vel ab aquis destillatis, vel spiritibus vel salibus, vel etiã extractis vires, quæ integri sunt, sperant. Aquæ enim nihil in se continent, nisi plantæ succum humidum, sulphur & oleum, si quod inest, & sale volatilem. Spiritus partem sulphuream, cum sale volatili. Reliqua per alembicum non elevantur. Unde etiam hoc patet, decocta & infusa vel conservas sæpe aquis destillatis præferendas esse: & conserva rosarum in dysenteria utilis est, non verò spiritus rosarum. Fit hæc autem *Alaxerion*, primò <sup>3.</sup> *Resolutio* extractio.

*Extractio.* *tractione*, ad quam pertinent & *Tinctura*, seu extractio talis, ut corpus liquidum coloratum relinquatur. Item *Essentia* hodie dictæ extractione parantur, de quo in *Instit. lib. 5. part. 3. sect. 3. c. 9.*

*Tinctura.* De Tincturis autem hoc monendum, nullam veram tincturam esse, quæ non remanet, postquam menstruum abstractum est. Ad hanc normam si tincturæ multæ examinentur, facile deprehendetur, non esse veras tincturas, sed colorem illum ortum habere à mixture mēstrui cum corpore dissoluto. Exempli loco sint tincturæ, quæ vulgò venditantur, coralliorum. Si enim menstruum exhalando vel destillando separaretur, illud limpidum omnino & clarum est, quod verò relinquitur, non rubrum, sed fælis vel calcis alicujus colorem referens reperitur. Si verò esset vera tinctura & substantia aliqua rubra à reliquo corpore extracta, etià menstruo separato talis persistere deberet, sicut id in plantis accidit. Et tincturas non semper veras esse, sed pendere à menstrui cum corpore mixture, patet etià ex eo, quod è re una diversi colores per diversa menstrua extrahuntur. Exemp. gratia, si affundatur argento per mercuriū sublimatum calcinato spiritus salis, fit inde color viridis instar smaragdi, si verò affundatur spiritus vini sale urinæ imprægnatus, fit color cæruleus. Et quamvis interdum tincturæ istæ, exempli gr. antimonii, aliam vim habeat & operationem,

quàm alias calcinatum: fit tamen hoc ex diuturna cum aceto digestionē, quæ partes volatiles figit, & ad sudorem sciendum aptas reddit.

Deinde fit etiam *Διάκρισις Putrefactione*, quæ quidem etià à calore externo fit, sed non simpliciter ad corruptionem tendit, sed ad aliquam separationem, ut partes à naturâ aliquomodo separatae ab arte facilius separari possint, ideoq; destillationi sæpè præmittitur, de quo in *Instit. loco allegat. cap. 7. pag. 1279. actum.*

Tertiò ad hanc *Διάκρισις* classis referendæ sunt *Destillationes* omnis generis, per ascensum, ad latus, per descensum, in balneo vaporoso, sicco, humido, cineribus, arenâ, igne patente, de quibus omnibus in *Instit. loco allegat. sect. 2. cap. 11. dictum.*

Secundum operationum Chymicarum genus est *σύνχρσις*, cum quæ diversa & separata sunt in unum corpus conjunguntur. Fit hoc primùm *Præcipitatione*, cum corpus quod in aliquo menstruo solutum & per liquorem dispersum est, iterum à liquore separatur & ad fundum descendit, & sibi unitur: de qua operatione in *Instit. loco allegato cap. 13. dictum.* Verum quia modis consideratione dignus est, locum integrum adscribere libet. Fit præcipitatio, cum liquore aliquo infuso aut re aliqua injecta corpus solutum formâ pulveris ad fundum descendit. Ita corallia &

margaritæ in aceto destillato soluta infuso oleo tartari præcipitantur. Quomodo autem hoc fiat, & quæ separationis hujus causa sit, ab autoribus non satis explicatum video. Mihi res ita sese habere videtur. Solutio metallorum, coralliorum, perlarum, & similium peracetum & spiritus acres, ut & spiritum vini sit, dum spiritus illi corpora penetrant, & cum iis in minutissimas atomos solutis sese uniant, ut unum corpus quasi ex iis fiat, non secus ac oleum ceræ per minima miscetur. Unde accidit, ut quamdiu spiritus solvens vel menstruum cum corpore soluto per minima unitum manet, corpus solutum non ad fundum descendat, sed liquori cohereat. Quod si contingat, ut spiritus solvens iterum à corpore soluto segregetur, tum metalla & alia corpora sibi relicta formæ pulveris ad fundum descendunt. Fit autem hoc, dum liquor aliquis ad solutionem infunditur, cum quo dum se spiritus solvens unit, corpus solutum deserit, atque ita illud sibi relictum & unione illa soluta ad fundum descendit.

Imprimis hic multum potest sal tartari solutus, seu oleum tartari per deliquium paratum, quod peculiari vi spiritus omnes acres ab omnibus liquoribus evocat ac imbibit & cum iis penitissime se unit. Unde fit, ut corpora soluta à spiritu solvente relicta & ad fundum præcipitentur, & acrimoniam, quam ex spiritu solvente,

contraxerant, amittant.

Hinc etiam accidit, ut mercurius præcipitatus & aliquomodo fixatus à sale tartari vivificetur. Non quod tartarum, quod vult A. Sala, mercurio inimicum sit, sed quod sal tartari spiritus acres, qui cum præcipitato mercurio sese penitissime unierant, ad se trahit, & eos sibi unit, atque ita à mercurio separatur; unde mercurius à spiritibus acris liberatus in pristinam naturam redit & reviviscit. Et qui omnes omnino, cujuscunque sint generis, præcipitationes perpendit, animadvertet, præcipitationem in univrsam fieri, cum in solutionem aliquid injicitur vel infunditur, cujus vi liquor solvens, seu id, quod in liquore solutionis causa fuit, à corpore soluto separatur.

Fit etiam præcipitationis mentio in extracto scammonii parando *ibidem* *sect. seq. cap. 9.*

Secundo huc referenda videtur *Reductio*, quæ corpus seu in formam pulveris, seu liquoris, seu alterius redactum pristinae formæ restituitur. Non tamen in omnibus, quæ menstruis suis solvantur, seu aliorum admistione formam alienam induunt, locum habet *reductio*. Etsi enim à menstruis suis ea separari possunt: tamen in formam pulveris saltem reducuntur, non verò in eam, quam antea habuerunt. Fit autem hoc commodissime per præcipitationem. Nam licet etiam sal

Sal menstruo ad mistum distillatione per retortam in formam spiritus separari possit: tamen quod relinquitur in retorta fortiore igne corrumpitur.

In metallis autem locum habet reductio & in mercurio, quæ in varias formas redacta plerumque ad pristinam formam reduci possunt. Fit autem reductio menstrui, & illius, quod corpori aliam formam induxit, ablatione. Cum enim spiritus salis & sales, dum corpora metallorum solvunt, iis per minima permisceantur, & admistione spirituum salforum ac salium corpora hæc in minimas atomos redigantur, ita quidem ut metalla in aquis fortibus & regiis soluta per chartam transeant: sale illo alieno separato suæ pristinae formæ restituuntur, & licet in formam pulveris relinquantur, igne fusorio tamen pristinam formam facile acquirunt.

Separatur autem sal ille vel vi caloris, idque aut in retorta distillando, ubi sal formam spiritus abstrahitur, aut etiam in vase aperto, ubi vaporis modò exhalat: Vel per præcipitationem, de qua modo dictum, & præcipue per sal tartari, vel etiam per salis tartari admistionem, cum quò vel teruntur vel igni fusorio exponuntur. Sal enim tartari ferè universale reductionis instrumentum est, idque non ideo, quòd omnibus corrosivis adversus & contrarius sit, eorumque vires frangat, sed potius, quòd omni-

bus salibus amicus & cognatus est, ideoque eos attrahit, seque cum iis ob similitudinem unit, (Natura enim naturam amat, ut Chymici loquuntur) atque ita corpus sale menstrui solvantis liberatum suæ naturæ restituitur. Alia tamen etiam salia interdum idem præstant, ut cinerum elavellatorum & vegetabilium sales, ut & calx viva. Ita mercurius quocunque modo solutus ablato menstruo ad nativam fluiditatem redit, sitque argentum vivum. Id quòd fit, si sal tartari vel etiam calci vivæ permistus per retortam distilletur.

Metalla liquida dum adhuc sunt, vel cum menstruo & aquis solventibus mista commodissime præcipitatione à menstruo separantur. Nonnunquam etiam solius aquæ tepidæ infusio ad separationem metalli à menstruo sufficit. Dum enim sal in majore aquæ copia amplius (utpote in aqua solubilis) distrahitur, & in minimas atomos redigitur, corpus metalli ab eo liberatur. Itaque facilius, si laminæ metalli cognati injiciantur. Ita si aquæ forti, in qua argentum solutum sit, aqua tepida infundatur, & lamina cupri injiciatur, argentum laminæ cupri ob cognationem metallicam adhæret. Dum verò jam sunt sub pulveris vel calcis formâ, igne fusionis reducuntur: ut verò facilius fundantur, sal tartari vel alii pulveres salius fusorii inde dicti, adduntur, qui fusioni interserviant, quatenus

cum sale calci adhærescente sese uniant, atque ita metallum eo liberant. Quod si sal tartari in fusione à metallo non separetur, materia tigillo eximenda, & à sale abluenda, atque iterum fundenda.

Tertiò ad *σύγκρισσις* pertinet *Coagulatio & Concretio*, de qua in *Instit. lib. 5. part. 3. sect. 2. cap. 13.* actum.

Quartò huc referenda *Digestio & Circulatio*, quæ eo fine præsertim instituitur, ut liquidæ partes, quæ nondum satis perfecte mixtæ sunt, per minima uniantur, de qua in *Instit. loco allegato cap. 14.*

Tandem etiam huc pertinet *Cobobatio*, seu repetita liquoris ad materiam in vase relictam affusi destillatio, quæ etsi & eo fine instituitur, ut quod primâ destillatione non separatum fuit, & exstillavit, in secunda & tertia destillatione educatur: tamen interdum & eo fine fit, ut quæ materia volatilis est in liquore, cum fixo jungatur. Ita fit Magisterium tartari per spiritus vini ad salem tartari affusionem & repetitam destillationem. Ita spiritus vitrioli salis vitrioli jungitur, idemque cum terra sigillata Silesiaca unitur. Et fit hoc præcipue in salibus, & ea natura est salium fixorum, ut volatiles sibi uniant. Quod ubi facere animus est, majori salis vel corporis fixi quantitati minor quantitas liquoris salem volatilem continentis affundatur. Ita enim sal volatilis cum fixo corpore manet, & merum phlegma seu aqua exstillat, idque sæpius repetendum,

Si verò minori quantitati corporis fixi major quantitas volatilis affundatur, fixum à volatili redditur volatile, ac volatile fixum secum in alembicum rapit. De quo jam etiam dicitur.

Tertium adhuc operationum Chymicarum genus superest, cum scilicet neque quæ unum sunt solvere & segregare, neque quæ separata sunt unire & conjungere cupimus, sed rei novum substantiæ modum vel qualitatem inducimus, quam operationem *Immutationem* appellare liber. Pertinet huc primò rei siccæ in liquidam formam mutatio, quæ operatio *Deliquium* appellatur, de qua in *Instit. loco allegato cap. 4.* dictum.

Ersi enim aer humidus tum corpori illi conjungatur: tamen nihil, quod ei peculiare ac novas vires tribuat, additur, sed saltem alia consistentia conciliatur. Pertinet huc & illa operatio, quæ ex solidis corporibus, ut metallis, potabilia fiunt, ubi quæritur, an aurum & alia metalla in formam liquidam sine alterius rei additione redigi possint: de quò infra.

Secundò pertinet huc contraria operatio, cum ex eo, quod est liquidum, fit solidum. Id quod fit cum ex mercurio vivo præcipitatus paratur, de quo in *Instit. lib. 5. part. 3. sect. 3. cap. 18. pag.* dictum.

Tertiò pertinet huc *fixatio* & si ita loqui licet, volatilisatio, cum nulla parte rei demta, nec alienâ re additâ ex volatili fit fixum, vel

Coagulatio & Concretio.

Circulatio.

Cobobatio.

Immutatio.

Deliquium.

Potabilia metalla.

Fixatio & contra.



Opera Chy-  
mica.

vel ex fixo volatile. Dicitur autem fixum & volatile respectu ignis seu caloris, ut supra *cap. 12.* dictum. Etsi enim res natura sua talis sit: tamen ignis seu calor id patefacit. Fixum enim est, quod in igne durat; volatile, quod caloris vi in altum elevatur. Fit autem hoc vel additione corporis homogenei, ut modò dictum de salibus, qui ex fixis volatiles fiunt additione salis volatilis: & contra volatile fit fixum, addito sale fixo. Inter omnia verò salia maximè volatilis est sal urina: unde etiam volatilitatem suam habet sal armoniacum, & propterea additione salis armoniaci corpora fixa possunt fieri volatilia & sublimari. Ita ferrum cum sale armoniaco sublimatur. Fixa tamen volatilia fieri possunt non solum volatilis additione, sed & digestionem. Ita mustum ante fermentationem nullum dat spiritum. Ita epulantis, nisi digerantur, spiritus desullari non possunt. Sales etiam fixi digestionem volatiles reddi possunt, ut etiam sublimari queant. Et contra volatilia digestionem fixa fieri possunt, ut in Mercurio accidit. Fixatio verò etiam fit per crebras sublimationes vel digestionem, vel aquas fixatorias dictas, & fixarum additionem.

Purificatio

Tandem possit huc referri & vitrificatio, quæ est ultimus transmutationis corporum naturalium terminus, corporum per ignem fortissimum fufis.

Atque hæc sunt operationes, qui-

bus ceu mediis ad opera sua producenda; finemque assequendum utitur Chymicus. Ipsa verò opera Chymica quod attinet, sunt ea sane plura. Si tamen ad capita quædam & dichotomiam redigere ea libet; suppeditat eam ipsa corporum; circa quæ Chymicus occupatur, natura. Alia enim partes habent heterogeneas & ita comparata sunt, ut ea integra non expetat Chymicus, sed partem saltem eorum; alia verò tota sunt homogenea, ut in partes diversæ naturæ dividi non possint. Atque ita res ipsa plana est: verum vocabula, quibus exprimentur, vel satis commoda, vel usitata non suppetunt. Andr. Libavius prius opus extractum; posterius magisterium appellat. Alii separatum & magisterium. Et postea in horum speciali explicatione variæ adhuc appellationes occurrunt, ens, essentia; quinta essentia, magisterium, arcanum, panacea, & similia alia; quæ tamen plerumque à rei essentia petita non sunt, & quod maximum est, non ab omnibus eodem modo usurpantur. Et ut de aliis non dicam, Magisterii vox, quemadmodum Libavius ea utitur, & jam à multis illa usurpatur, rem, quam debet, non satis exprimit, nec eam ab extracto vel separato discernit. Nam ipse Libavius, *Epistol. Chym. lib. 3. ep. 11.* docet, magisterii nomen interpretes Arabum usurpare sæpe cum de tota Alchymia, tum de potissima ejus parte, quæ in perfectione metallorum consistit. Itaque apud

Magisterii  
quid.

Mesium legi extractionem Myrobalanorum esse opus magni Magisterii, & Geberum, perfectum magisterium frequenter vocare artē Lapidis Philosophici. Cum enim Magister sit *ἡγεμῶν* vel *διδάσκαλος*, magisterium proprie est functio vel dignitas magistri. Postea vocabulum ad opus magistro dignum translatum, & hoc modo antiquus jam usurpatum est. Quod verò saltem ei operi tribuatur, in quo nil seunctū est ab integro, id jam novum, & vel Paracelsi vel alterius inventum. Neque tamen hoc vocabulum ab iisdem huic tantum, neque ei semper tribuitur. Appellatur à pluribus magisterium tartari, quod fit ex tartaro non integro, sed sale tartari & sale spiritus vini. Item magisterium vitrioli, quod paratur è sale vitrioli, & spiritu vitrioli. Quercetanus, in *Pharmacopœia Dogmaticorum restituta*, cap. 22. Magisterium Bezoardici animalis appellat extractum è pulvere viperarum, & *ibid* Bezoardico minerali magisterii nomen tribuitur. Et certè non minoris artificii & magisterii est extracta & destillata, quam magisteria vulgò dicta, parare. Contra dantur opera Chymica, in quibus nihil separatur, quæ tamen nunquam magisteria appellantur. Ex gr. flores. Neque enim sublimationes semper instituntur, ut aliquid separetur, sed etiam, ut corpus integrum in minima redigatur. Hinc sublimationes pistilla Chymicorum dicuntur.

Verùm controversiâ hac de vocabulis misâ rem potius retinemus, ac operum Chymicorum tria genera constituimus. Primum est eorum, cum nihil ab integro separatur, sed ad commodiorem usum saltem res aliqua immutatur aut perficitur, ipsique novus substantiæ modus, vel nova qualitas inducitur. Libavius & alii, ut dictum, appellant Magisterium. Posset etiam Immutatum vel Perfectum nominari. Secundum genus est, ubi quid ab integro separatur, vel extrahitur, quod quis vel Secretum vel Separatum, vel nomine speciei Extractum appellare potest. Quæ duo genera, ut antea dictum, ipsa corporum, circa quæ Chymicus occupatur, natura & diversitas exhibet; cum alia sint planè homogenea, alia in partes heterogeneas dividi possint.

His addendum, tertium, quod Composita complectitur. Neque enim simplicia saltem parat Chymicus, verùm etiam componit quædam, ut Elixiria dicta, spiritusque compositos, balsama & similia.

Ad primum genus pertinent primò illa, quæ ex solido fluida fiunt, videlicet olea, ut appellant, per deliquium parata, quorum conficiendi ratio in *Institut. lib. 5. part. 3. s. 2. cap. 14 pag. 1270.* tradita. Qualia sunt oleum seu liquor salis tartari, & aliorum salium, margaritarum, coralliorum, arsenici, talci, cry-

Opera Chy.  
mica quæ,

1.  
Immutata  
olea per  
deliquium  
parata.

crystalli. Quæ tamen propriè olea non sunt, sed corpora integra menstruo suo salino imprægnata, & proinde in aëre humido liquefcentia. Huc referendum & aurum potabile & alia metalla potabilia dicta.

Verùm hic inter Chymicos controvertitur, an metalla in liquidam formam per se redigi possint, an verò additione alterius rei id accidit? Ego si rem diligenter perpendo, & ea, quæ auri potabilis & aliorum metallorum potabilium nomine venditantur, considero, aliter sentire non possum, quàm liquiditatem esse à menstruo admixto. Ipsa enim metalla omnia sicca naturæ sunt: Non est verò in artis potestate principia transmutare, & unum ex altero facere, multò minus ea in aqueum humorem transmutare. Qui ergo evincere volunt, metalla revera potabilia fieri posse, monstrare debent, aliquid aquei & liquidi humoris ea in se continere. Hoc enim nisi sit, in artis potestate non est, aridas metallorum partes & siccos illos, qui ex iis resolvuntur, fumos in aqueam liquiditatem transmutare posse. Quod verò liquida fiunt, ab aliis admixtis habent. Etenim sales menstruorum ita artè sese corporibus unijunt, ut facile separari non possint: Salesque rursus aquam & aerem humidum attrahunt, & ita artè retinent, ut ad essentiam eorum quasi pertinere videatur, ut in oleo  $\Delta$  per campanam,

spiritu vitrioli & salis, videre est, in quibus, etsi tota pro spiritu vel oleo eoque purissimo venditentur, phlegma tamen & aqua non ita magnè negotio, ab iis separari possunt, ut sal forma sicca relinquatur. Si verò quis aliud sentit, illi incumbit, modum præparandi ejusmodi liquores metallicos in publicum eedere, ut ex præparatione Lector judicare possit, an ex ipso metallo, an ab admixto aliquo sit illa liquiditas. Alias nuda affirmatio firmum in mente alterius assensum & certam scientiam parere non potest. Nam potest fieri, & id concedimus, ut nihil rei alienæ, quod talibus corporibus liquiditatem dare possit, admisceatur à Chymico: interim fieri potest, ut in ipsa operatione sese aer humidus admisceat, sicut in præparatione olei  $\Delta$  per campanam id manifestum est. Et vitriolum calcinatum, etsi Chymicus ei nihil addat, tamen si in aere relinquatur, iterum virefcit, aere humido sese ei infinuante.

Deinde hujus generis sunt Magisteria vulgò, ab aliis etiam solutiones dicta, margaritarum, coralliorum, oculorum cancri, lapidum percarum, quorum parandi ratio patet ex iis, quæ de solutione margaritarum & coralliorum, in *Instit. loc. allegat. sect. 3. cap. 5. p. 117.* dicta sunt. Ut enim illa magisteria parantur, ita & alia.

Circa ea tamen duo monenda, Primum recte accipiendam esse, quod

*Magisteria*

*Metalla an  
per se in li-  
quorem  
redigi  
possint.*

quod allegato loco sales dixi. Hoc enim probe scio, dum vulgò ex margaritis & corallis salem extrahi dicitur, solutionem integri potius, quàm extractionem in hoc opere fieri, & propterea hæc pro salibus simplicibus non venditari posse. Ideoque hic, quorundam loquendi morem saltem secutus sum. Istud tamen etiam verum est, abundare ista corpora sale, aut certè spiritu salino. Unde etiam à liquoribus salis & menstruis acidis solvuntur, ita quidem, & ita acètè ob materiæ cognitionem sese iis uniant, ut etiam per chartam bibulam transeant, & sal menstrui ablutione ab iis vix separari possit. Et quia revera sal hisce corporibus inest, eum inde separari posse non impossibile est. Verum, in vulgari operationibus, de quibus modò diximus, id nec fit, nec propositum est.

Alterum est, quænam causa sit, quod magisterium perlarum, corallorum, oculorum cancri, & similium paratum per aceti per distillationem separationem, & pulveris relictæ ablutiones crebras, in quovis liquore facillè solvitur, quod verò per præcipationem oleo tartari factam paratur, non solvitur. Causa verò hæc est. Quia in priore modo sal aceti adhuc magisterio cõhæret, itaque ejus beneficio (cum salis sit in humido liquefcere) in quovis liquore solvitur. In altero verò magisterio sal per præcipationem separatus est, & formam pulveris subidet, qui propterea etiam in liquore

non solvitur. Nam tenendum hic, quod sal volatilis, qui est in aceto, spiritu vini, vitrioli, aquis fortibus, unitur sali fixo, quod est in corpore solvendo. Hinc & corpora soluta acrimoniam vel peculiarem saporem acquirunt, & menstruum solvens sale suo orbatum inspidum exstillat. Id quod videmus in aceto destillato, in quo corallia, margaritæ, vel oculi cancrorum soluti sunt. Si etiam corallis calcinatis spiritus vini affundatur, corallia urentem acrimoniam inde acquirunt, spiritus vini verò debilitatur, & acrimoniam amittit. Acetum etiam, in quo solvuntur, acrimoniam amittit.

Hinc sequitur Paradoxum Chymicum, quod coralliorum, perlarum, oculorum cancri magisteria dicta non sint præstantiora, aut certè non tantam prærogativam, quæ ipsis vulgò tribuitur, habeant, quàm vulgari modo per diligentem in lapide porphyrio lavigationem parati ex his pulveres. Imò an non pulveres hiis præsent, dubitari potest. Etenim si sal aceti admixtus relinquatur, non est corpus simplex, sed compositum, & propter acrimoniam salis aceti sæpe noxium. De quo Crato, *Epistola 163.* scribit, in Casparo Logo Episcopo Vratislaviensi post crebrum magisterii perlarum usum tunicas ventriculi nigras & corruptas apparuisse. Et Marchionis Johannis conjugii ventriculi tunicas ab eodem erosas fuisse. Si verò paratur præcipatione per oleum tartari,

*An magisterium perlarum, & si præstantius vulgari modo parati.*

*Magisterium duplex.*

ut sal aceti omnis separetur, relinquatur pulvis subtilissimus, & quæritur, annon longâ & diligenti lævigatione in æquâ subtilem pulverem redigi possint, cum videamus Pictores mineralia, quibus in pingendo utuntur, in subtilissimum pulverem lævigare. Cui accedit & hoc, quod in tali tritura & lævigatione nihil perit; cum verò acetum vel alius liquor acidus affunditur, fit ebullitio, & proinde tū subtiles aliqua perlarum & coralliorum partes exhalant. Itaque quamvis plerique in Magisterio, quod appellant, rem in nobiliorem vel substantiæ vel qualitatis gradū traduci, atq; exaltari putant; tamen hic nullam aliā exaltationē vel nobiliorem qualitatem aut substantiæ gradū, quam in præparatione hac acquisiverit, video, nisi quod in minimas partes resolvitur, ut actioni caloris nostri facilius pateat. Et si omnino aliqua differentia inter margaritas præparatas & magisterium sit, ea solum est in raritate substantiæ. Si verò quis doceat, etiam menstruum conjunctum ad exaltationem magisterii necessarium esse, verum id esse non putō. Etenim menstruum, ut dictum, sæpè noxium est. Ideoque opera datur, ut crebris solutionibus id separetur; etsi totum vix planè elui possit. Pertinet huc & vitriolum album vomitivum, ut & pulveres & calces metallorum, de quibus in Instit. lib. 5. part. sect. 3. c. 5. dictum; sulphur auratum antimoni; & crocus item Martis, ut & alio-

rum metallorū, qui scilicet ex substantia metalli resoluta saltem paratur: Flores item & sublimata, Flores. ubi scilicet tota corporis substantia elevatur & sublimatur: Item mercurius præcipitatus, bezoardicum minerale, antimonium, diaphoreticum. De quibus in Instit. loco allegat. sect. 3. c. 16. 17. 18. 19. actum. Ea tamen hic intelligimus, quæ sunt planè homogenea, & à quibus nihil separatur, sed solum novus substantiæ modus iis inducitur. In quibus verò aliquid unctione & calcinatione separatur, ea ad secundum & sequens genus pertinent.

Secundum genus operum Chymicorum Secretum vel Separatum nominari potest, ubi nō totum corpus elaboratum exhibetur, sed pars ejus. Pertinent huc primò ea, quæ impuritatibus saltem separatis in usum Medicum à Chymicis parantur, qualia sunt cremor & crystalli tartari, succi depurati, à nonnullis essentia *εσπερολικής* dictæ.

Deinde usta & calcinata, vel alio modo parte aliqua demta parata, cornu cervi sine unctione & cum unctione paratum, omnes calces rerum utilium & sales qui inde eliciuntur.

Tertiò Extracta & Tinctura seu Essentia dictæ.

Quartò Destillata: Aquæ, spiritus, olea seu propriè seu impropiè ita dicta.

De oleis enim monendum, olei vocabulum apud Chymicos valdè ambiguum esse. Cum enim desum-

Mercurius præcipitatus. bezoardicum mineral. antimonium. diaphor.

2. Secretum & Separatum.

Purificatio.

Usta & calcinata.

Extracta & Essentia.

Destillata.

Oleum quid.

Margaritæ

Vitriol. bo. misivum calces metallor. Sulph. aurat. antim. Croc. mar.

Vitriol. bo. misivum calces metallor. Sulph. aurat. antim. Croc. mar.

tum sit ab oleo communi, quod ex oleæ fructu exprimitur, proinde etiam iis rebus, quæ cum tali oleo cognationem habent, quæque sulphurea & *Φλογιστὰ* sunt, rectissime attribuitur & attribui debet, qualia sunt oleum succini, terebinthinæ, ceræ & similia. Quanquam nec ipsa pleraque, ut & è plantis destillata olea ferè omnia, non sint pura olea, sed salem volatilem admixtum habeant plurimum, ob què sunt acria, & non facile accenduntur, qui tamen ob volatilitatem ab ijs non facile separari potest. Verùm multis præterea liquoribus ob consistentiæ modum idem nomen, sed planè improprie, tribuitur. Nam quæ vulgò dicuntur olea (ab aliis etiam spiritus nominantur) salis, vitrioli, nitri, sulphuris, plumbi, stanni, perlarum, coralliorum & similia non sunt olea, cum non sint ullo modo *Φλογιστὰ*, sed inflammationem potius prohibeant, verùm sales resoluti, vel etiam corpora integra resoluta, cum aëre humido vel aqua permixta, unde etiam iterum coagulari possunt, ut in spiritu vitrioli videre est. Etenim talia, ut supra etiam in quaestione, an metalla per se potabilia fieri possint, dictum, cum sua natura sicca sint, ab aërea & aquea humiditate liquidam consistentiam accipiunt. Nam si ignis ipsis daret liquidam formam, refrigerata iterum eam amitterent, ut in metallis fieri videmus. Et vitriolum non tam diu calcinatur preparando spiritu vitrioli, ut nulla in

eo amplius sit humiditas. Dum vero spiritus salis paratur, tantum in bolo vel argilla, imò sæpè in ipso sale non satis sicco, est humoris, qui hanc consistentiam ipsis dare possit. Et si operatio vase clauso perficiatur, liquorque aliquis colligatur, fit hoc, quia materia vasi inclusa humoris aliquid in se continet, qui à calore formam vaporis elevatur, & postea in liquorem condensatur. Si verò res planè sicca per retortam destillantur, aquam in recipiens infundere oportet, cum qua vapores sicci sese uniant.

Quintò pertinent huc sublimata & flores, quando non totum corpus sublimatur, sed pars aliqua ejus relinquitur. Interdum enim sublimatione totum corpus in flores redigitur, ubi scilicet homogeneum est; interdum aliquæ partes saltem elevantur, ubi eas heterogeneas obtinet.

Circa hoc secundum opus Chymicum non immeritò quaeritur, an semper medicamenta Chymicè præparata sint præstantiora vulgari modo præparatis, ex gr. an oleum, quod vocant perlarum, præstet margaritis vulgò præparatis. Etenim certum est, multarum rerum vires non solum combustionem, sed & aliis mediis dissipari posse. Res notissima est in rhabbaro, cujus vis à calore facile dissipatur. Et si oleum illud, quod habetur, margaritarum consideremus, maximam partem est sal ex aceto. Simul tamen dubitatur, an illà ignis violentiâ

*Sublimata*

*An Chymicè præparata semper præstantiora sunt.*

tiâ vires margaritarum non cor-  
rumpantur. Quorsum moschum &  
ambaram aut crocum extrahere op-  
est, cum integra etiam satis effica-  
cia sint, & in minima etiam quanti-  
tate vires maximas habeant? Et fa-  
ciat quis periculum, & cibum con-  
diat extracto croci, & videat, an  
plus gratiæ vel virium agro is addi-  
turus sit, quàm alius vulgari modo  
croco conditus. Et omninò riden-  
dus est eorum error, qui ut Chymi-  
ci videantur, extracta ex omnibus  
vegetabilibus parare conantur, ea-  
que semper succis, conservis, & aliis  
vulgò notis medicamentis, quæ planè  
negligunt, præferunt, cum tamen  
extractorum sæpe nullus usus, &  
non qualibet vegetabilia commo-  
dè extracta suppeditent. Exempla  
loco sint medicamenta antiscorbu-  
tica, cochlearia, nasturtium, &c.  
quorum omnis vis cum in sale vo-  
latili consistat, rectissimè succus eo-  
rum, conservæ, vel infusa exhiben-  
tur. Si verò extractum ex iis pare-  
tur, sal ille volatilis cum spiritu vi-  
ni vel alio liquore sese unit, & cum  
eo separatur, relinquiturque corpus  
postea parum efficax.

Itaque absurdum est, ex omnibus  
rebus vel extracta facere, vel olea,  
quintas essentias, præsertim ex sub-  
stantiis per se planè vel subtilibus,  
vel homogeneis. Induunt enim non  
rarò Chymicè præparata quædam  
aliam naturam, & integris planè  
contrariam. Imò interdum quæ-  
dam medicamenta integra & non  
præparata quibusdam in morbis

convenientiora sunt, quàm Chymi-  
cè præparata. Exemplum est in pi-  
pere, cujus grana in ventriculo fri-  
gido, dum epar simul calidum est,  
utilissima sunt, cum ventriculum  
calesciant, epari verò non noce-  
ant; extractum verò vel oleum pi-  
peris non convenit, cum mox ad  
epar penetrer, illudque lædat.

Tertium Chymicorum operum  
genus Composita complectitur. Ne-  
que enim Chymici solum simplicia  
parant, sed & composita.

Huc pertinent aquæ & spiritus  
compositi ac elixiria dicta, quorum  
exempla habentur *lib. 5. Instit. part. 3.  
sect. 3. cap. 5.* Inter quos & sunt, Spi-  
ritus tarrari compositus seu dia-  
phor. in peracutis, *codem loco pag.  
1365.* oleum compositum è galba-  
no & gammæ hederæ, *ibid. cap. 6. pag.  
1373.* Item oleum oculor. cancri,  
*ib. pag. 1376.* Inter extracta com-  
posita elixir proprietatis, *ibid. cap. 9.  
pag. 1388.* Tinctura rosarum com-  
posita, *ibid. pag. 1387.* Extractum  
Catholicum, *ib. pag. 1389.* Extr. Ellebori  
nigri, *pag. ead.* Extr. Pestilentielle,  
*ibid. pag. 1391.* Laudanum Opiatum,  
*ibid.* Balsama & clissus nonnullis di-  
ctus, sublimata & flores compositi.  
Item præcipitata, salia & vitra: ut  
tart. rum vitriolatum, *loco citato  
cap. 15. pag. 1424.* Specificum pur-  
gans Paracelsi, *pag. 1426.* Lapis ve-  
getabilis ( ut vocant recentiores )  
*ibid.* Spiritus vitrioli coagulatus,  
qui etiam non est simplex spiritus  
vitrioli, sed salem vitrioli, vel nitru  
admixtum habet, *ibid. pag. 1429.* *¶*

& magisterium vitrioli, *ibid.* p. 1430. Inter præcipitata aurum vitæ, loco citato, cap. 18. pag. 1441. Panacea, *ibid.* pag. 1442. Denique vitrum auratum Antimonii, loco citato, cap. 20. pag. 1447. Antimonium Diaphoreticum tartarifatum, *ibid.* pag. 1449. & alia plurima, quæ passim extant.

Atq; hæc sunt operationum, & operum Chymicorum differentia in genere, quorum jam magna iterum est varietas secundum corporum, quæ Chymicæ operationi subjiciuntur, varietatem, quæ, ut diximus, sunt vegetabilia, animalia, mineralia & metalla. Neque enim ex quolibet quodlibet, sed ex alio aliud fit. Ideoque Chymici etiam sciunt, necesse est, quid ex quolibet fieri possit. De quo jam etiam in specie dicendum, ut Constitutionis Chymicæ integra forma exhibeatur.

Et primò quidem vegetabilia quod attinet, pertinent huc plantæ integræ, plantarumque partes, ut herbarum, fruticum, arborum, folia, flores, semina, fructus, radices, cortices, ligna, aromata, & ex his lacrymæ, succi naturales & balsama, resinæ, gummi, quò pertinet & tartarum, ut & corallia.

Ex his parantur succi depurati, à nonnullis essentia dictæ aquæ, spiritus, olea, extracta & tincturæ, sales.

Succi quomodo parandi sint, dictum in *Instit. lib. 5. part. 3. sect. 3. cap. 4. pag. 1344.* Verum ut durabiliores sint succi, potest in iis parandis aliquid vini vel etiam spiritus vini

momentum addi. Nonnulli plantam, à qua succus expressus est, comburunt, & inde salem parant, quem succo postea addunt.

*Aquarum & spirituum* è plantis, ut *Aqua & Spiritu.* & animalibus & eorum partibus & simplicium & compositorum parandorum ratio proposita est, & exemplis declarata in *Instit. lib. 5. part. 3. sect. 3. cap. 5.* Hoc saltem hic monendum, talia parari vel è plantis viridibus vel siccis. Et quidem dum è viridibus parantur, destillatio fit vel in balneo, vel si succulentæ sint plantæ, succus exprimitur, & clarificatus in cineribus destillatur, vel si minus succulentæ sint, aqua affunditur, & in vesica destillantur, vel aquæ aliquid affunditur & succus inde exprimitur, qui postea destillatur. Commodissimum autem hic est, aqua sanna superiore destillata pro aqua communi affundere. Et hoc modo destillantur ferè plantæ frigida vel minus calida, & quæ exsiccatæ vires suas parum integras retinent. Quæ verò vires suas etiam sicca integras servant, ut ros marinus & similes, etiam sicca destillari possunt, affusâ aquæ communis s. q., quæ ferè est ad plantam duodecuple. Potest tamen etiam pars una vel duæ vini addi. Ita enim spirituosæ partes facilius extrahuntur. Aut loco aquæ fontanæ destillata ejusdem speciei affundi potest. Et destillatio hæc plerumque per vesicâ perficitur, & non nisi pars quarta evocatur. Liquor destillatus est aquam admistam habet: spiritus tamen.

Quæ è vegetabilibus parantur medicamēta Chymica.

Succi & essentia.



tamen plantæ etiam complectitur. Qui si efficacior expetatur, in balneo saltem dimidia pars iterum evocari potest, aquâ in cucurbitâ remanente. Quod & ad spiritûs ab aquâ separandos necessarium est. Verum ubi spiritûs parare animus est, fermentatione plerumque præcedat necesse est, ut loco allegato dictû.

De spiritibus cum vini, cum aliis, qui ex plantis fiunt, ut rosarum, cerasorum, juniperi, & similibus, sciendum, eos esse liquores sulphureos, simul tamen continere salem rei volatilem, quod vel sapor docet, ut & corpus illud *αισπώδες*, quod mercurii loco haberi potest; quæ tamen ita sibi unita sunt, ut facillè separari non possint, sed simul, utpote omnia volatilia, evolent. Spiritus autem hi quamvis purissimi, quantum quidem fieri potest, sint: tamen etiam aquæ quiddam per minima sibi mistum retinent; quod ex eo patet, quod si spiritus vini etiam purissimus sal tartari affundatur, sal vini volatilis sese cum sale tartari unit, & aqua destillando inde separari potest.

Olea.

Olea verò quomodo ex plantis, aromatis, corticibus, lignis per ascensum, ad latus, & descensum fieri debeant, ibidem cap. 6. monstratum. Hoc saltem addimus, olea quædam esse spirituosâ & volatilia valdè, alia fixa, viscida & crassa. Illa sine combustione eliciuntur: hæc cum combustione corporis. Atque illa parantur ex herbis, earum floribus, seminibus, corticibus citri,

aurantiorum; quò pertinent & aromata. Et cum olea crassa, quæ per combustionem parantur, empyreuma habeant, quod vix ullo modo ab iis separari potest, extractissimum adhibentur, non verò propinantur, cum ventriculo & cerebro noceant. Si quis tamen eam substantiâ expetit, resinose illas partes rectius spiritu vini extrahuntur & formâ extracti exhibentur. De oleis & hoc monendum, hodiè à mercatoribus oleum asportari è garyophyllis recentibus expressum, quod longè suaviorem odorem & saporem habet, quam destillatum. Ita etiam è corticum citri recentibus parte flavâ exprimitur oleum longè gratius quàm destillatum, quod cum saccharo albo mistum à nonnullis essentia citri appellatur, cujus paucillum si vino indatur, illi suavissimum odorem conciliat. Verùm è paucis pomis citri parari vix potest, sed 300. vel 400. aut plurimum cortices pro paucis drachmis parandis requiruntur.

Atque hic dubitare quis possit, An spiritus & olea differant essentia, an verò saltem substantiæ modo, & an non spiritus nihil aliud sint, quàm olea resoluta, & oleum spiritus condensatus. cum videamus spiritum terebinthinæ temporis progressu in oleosam consistentiam mutari; Et è baccis juniperi, cinamomo & aliis hujusmodi pro variâ fermentatione nunc plus olei, nunc spiritus elicitur, & si quis spiritus

An spiritus  
& olea differant  
essentia,  
an verò saltem  
substantiæ modo,  
& an non spiritus  
nihil aliud sint,  
quàm olea resoluta,  
& oleum spiritus  
condensatus.

vini acetum infundat, aliquot guttula olei in superficie spiritus vini colliguntur. De quo cuilibet liberum iudicium relinquimus.

Olea verò illa crassiora, quæ per combustionem corporum fiunt, parantur è lignis & corticibus eorum, ut ligno coryli, buxi, guajaci & similibus. In his enim oleosa substantia lignosæ tam pertinaciter adheret, ut etiam si in aquâ in vesicâ ebulliant, inde extrahi non possit.

*Extracta  
& tintura.*

*Extracta & tintura* è plantis quomodo parentur, ibidem cap. 9. monstratum. Hic autem quædam monenda. Primò, quod etiam supradixi, nonnullos hic supervacaneam diligentiam adhibere, dum è croco, ut & moscho ac ambra & similibus extracta parant; cum integræ & simplicia satis sint efficacia; & ita spirituosæ, ut si cum spiritu vini vel alio extrahuntur, in separatione ejus subtilissimæ partes cum eo exhalent. Si verò spiritus aliquis, ut rosarum, ad extrahendum affunditur, atque is non separatur, quod in essentia ambra dicta paranda fieri potest, commodum sanè hoc est; sed non est simplex extractum, sed extractum cum menstruo mixtum.

Deinde nec hoc prætereundum, non quælibet simplicia commodè extracta præbere. Quorum enim partes spirituosæ sunt, & quæ efficaces ac spirituosas & oleosas aquas præbent, ex iis extracta commodè non sunt, aut parum ex iis extrahitur. Qualia sunt rosamarinus, mentha & similia. Nam partes spirituo-

sæ cum menstruo eleuantur & separantur; unde etiam accidit, ut rhabbari extractum sæpè non multum plus præstet purgando, quam integrum rhabbarum. Quorum verò vires sunt in succo viscoso, & volatilia & spirituosæ non sunt, ea plus extracti præbent, ut gentiana, calamus aromaticus, carduus benedictus & similia.

Quomodo Sales ex plantis fiant, *ibid. cap. 15.* monstratum. De salibus hoc monendum, nonnullos id agere, ut potius oculos adspicientium delectent, quam ut eorum vim augeant. Hinc laborant, ut sales in crystallos redigant. Quod si sine sophistication fiat, ut non improbamus; (etsi sali virium hoc modo nihil accedat) ita eos meritò reprehendendos censemus, qui ut crystallos majores exhibeant, salibus vulgari modo paratis aquam fortè affundunt. Quod & in tartaro vitriolato in crystallos redigendo faciunt. Sumunt enim aquam fortem è  $\text{D}$  &  $\text{G}$  paratam, & in hanc oleum tartari per deliquium paratum instillant, donec non amplius ebulliat. In quo liquore postea crystallos instar nitri coagulantur. Vel humiditatem omnem destillando separant, materiam siccam in aqua pura solvunt, filtrant, liquorisque partem dimidiam exhalare sinunt, ut in reliquo crystallos concresecant. Quis verò non agnoscat, crystallos hos nec salem plantarum simplicem esse, nec tartarum vitriolatum purum? Nitrum enim, quod est in aqua forti,

forti, salī vegetabili, vel salī tartari permiscetur, atque ita etiam crystalli formā nitri concreſcunt.

*E salibus plantarum etiam fit Spiritus, modo, qui ibidem, cap. 5. pag. 1357. descriptus est. Et si enim ac liquor omnis separatus sit à sale, is tamen aliorum salium more in vaporem, & hinc in liquorem, quem spiritum vel oleum vocant, redigi potest. Rarò tamen sales è vegetabilibus ita puri sunt, ut non aliquid substantiæ sulphuræ admixtum habeant. Ad separata, quæ è plantis fiunt, pertinent etiam feculæ dictæ, de quibus in Institut. ibid. cap. 19. pag. 1450. dictum.*

*E lacrymis, resinis, gummi, parantur spiritus & olea. Spiritus terebinthina & mastiche exhibent, reliqua verò saltem olea exhibent, de quibus parandis dictum, ibid. cap. 5. & 6. Alii tamen spiritum & oleum Terebinthinæ per retortam destillant. R. Terebinthinam, indunt retortæ & destillationem per arenam instituunt, ac primùm lentum planè ignem adhibent, donec phlegma extillaverit. Hinc calorem augent, ut spiritus destillent, iterumque calorem augent, ut oleum flavum extillet, tandemque, ubi nebulæ quasi apparere incipiunt, cessant. Totum destillatum cucurbitæ indunt, & aquam puram, in qua salis Mj. solutus sit, affundunt, & in B. destillationem instituunt: atque ita primò phlegma, hinc spiritus destillat.*

*E Scammonio tamen etiam extrahunt seu resina, ut alii ap-*

*pellant, paratur, cujus modus loco allegato, cap. 9. pag. 1390. traditus. Videtur tamen nihil aliud esse illud extractum seu resina scammonii, quam purum putum scammonium ab omnibus fecibus & impuritatibus separatum. Sicut etiam extractum aloës, seu balsamum, aloës nihil est, quam ipsa aloë ab omnibus adhaerentibus impuritatibus separata.*

*& Benzoino gummi flores etiam sublimantur, de quibus ibid. cap. 17. pag. 1435.*

*E Tartaro fit cremor, crystalli, li- E tartaros. quor, spiritus, oleum, sal & arcanum ac Magisterium, ut appellant. Cremor & Crystalli, quæ saltem consistentiâ differunt, quomodo parentur, ibid. Spiritus & olei parandi ratio ibi traditū c. 5. & 6. pag. 1352. & 1375. tradita. Sal & magisterium tartari quomodo parentur ibid. cap. 15. pag. 1425. explicatum. Arcanum eodem modo paratur, ut magisterium, ut saltem loco spiritus vini acetum destillatum usurpetur. Hoc saltem addimus, cremorem, ut & crystallas tartari non esse purum salem; cum nec in frigida aqua solvantur, & si per retortam destillantur, etiam oleum exhibeant. Quod verò vulgò appellatur oleum tartari, non esse ejus oleum, sed saltem salem per deliquium solutum.*

*Tandem è coralliis paratur primò magisterium, cujus parandi ratio, loco modo allegato pag. 1427. tradita. Deinde plurimi etiam tincturam è coralliis pollicentur, & quidam*

E lacrymis  
resinis gū-  
mi medica-  
menta.

E coralliis  
& margaritis.

operandi modos, quos optimos putavi, in Institut. loco alleg. *cap. 9. pag. 1393.* proposui. Verum si rem diligentius perpendamus, etiam peritissimi Chymici hic veram tincturam, quæ è corpore suo extrahatur, promittere non audent, sed quod exhibetur, est solutio seu magisterium coralliorum cum menstruo aliquo mixtum, de quo supra, ubi de tincturis in genere egimus, dictum. Et si quid omnino ex iis, ut & gemmis plerisque, extrahi videatur, illud est è corpore illo, cum quo calcinata fuere, quodq; tenuissimè corpori calcinato adhærescit. Ita si cū sulphure vivo calcinantur corallia, quod quidam impostor pro maximo secreto habebat, & hinc affunditur acetum destillatum, postea spiritus vini, tinctura rubicundissima extrahitur, sed quæ non est è corallis, sed sulphure; quod etiam summus factor, dum acetum affunditur, arguit. Si quis tamen veram tincturam promittat, is noverit, eam ita comparatam esse debere, ut menstruo separato colorem illum retineat, eamque non ex aliorum admixtione habeat. De quo rectè nemo judicare potest, nisi de modo artificii constet. In hoc genere *scire tuum nibil est, nisi te scire, hoc sciat alter.*

*E corallis, ut & margaritis & oculis cancri, de quibus infra, olei aliquid, ob sulphur combustibile, quod paucum in se continent, elici potest; sed paucum illud est. Quæ verò vulgò ex iis quidam etiam olea*

promittunt, illa improprie ita dicta sunt, seu talia, qualia oleum salis & vitrioli dicuntur; nec tota & pura corporis ejus, cujus esse dicuntur, sed bonam partem constant etiam ex sale menstrui. Salem eorum quod attinet, eum corallis & margaritis non derogamus; imò plurima eò constare putamus. Et ubi calcinantur, relinquuntur calx, lapidum calci non absimilis, qui quidem purus & merus sal non est, salis tamen, ut & aliarum calces, multum participat. Unde etiam si calci corallorum spiritus vini affundatur, sal volatilis spiritus vini se cum sale illo fixo unit, & calx inde redditur acerrima & instar ignis utens. Si quis verò amplius laborare velit, ut sallem illum à terreo corpore plane separet, ei id licet.

In secunda classe corporum, in quibus Chymici labor occupatur, sunt animalia. Præbent enim Chymicæ materiam; vel quæ ab animalibus fiunt, ut mel, cera; vel quæ ab iis petuntur, ut butyrum, urina, vel eorum partes & quæ ad eorum constitutionem pertinent, atque in iis inveniuntur, sanguis, caro, cornua, ossa, calculi, margaritæ, lapides percarum, oculi cancrorum, fel.

*E melle fit aqua, quam spiritum alii appellant, de quâ in Institut. lib. 3. part. 3. sect. 3. cap. 5. pag. 1353.*

*E cera fit oleum, cujus parandi modus traditus ibid. cap. 6. pag. 1373.*

*E butyro fit oleum, quod quomodo paratur, eodem capite pag. 1372. traditum.*

*Ex animalibus que fiunt.*

*E melle.*

*E cera.*

*E butyro.*

*E pin-*

*E pinguedinibus.* *E pinguedinibus animalium etiam olea destillantur: sed quæ non eas vires habent, quam ipsæ pinguedines, sed multo sunt calidiora & sicciora.*

*Ex urina.* *Ex urina fit sal, cujus parandi ratio exstat in Institut. eodem loco cap. 15. pag. 1427. Spiritus verò urinæ qui dicitur, nihil est, nisi sal urinæ refo- lutus.*

*E sanguine.* *E sanguine animalium nonnulli quidem plurima parare docent; verum vix aliud inde fieri commodè potest, quam salcùm fixus, tum imprimis volatilis, aqua & oleum. Nam dum destillatur igne primùm lento, aquea pars prodit sola: si ignis augeatur, sumi prodeunt. In liquore illo est oleum nigrum & sætidum, quod separandum. In aqua reliqua est sal volatilis, qui ab aquâ per phiolam commodissimè separatur in balneo vel lento cinerum calore. E capite mortuo sal fixus vulgari modo fecernitur.*

Verùm de oleis, quæ è sanguine, cornibus, & ossibus animalium, fiunt, notandum, ea esse graveolentia & sætidissima, & propterea eorũ usum internum non esse tutum, neque etiam extrâ fatis commodè adhiberi. Cùm enim passim multa in hunc finem existant utilia medicamenta, quid sætidis istis ægrum offendere opus est?

Utilior est spiritus seu liquor ille, sale volatili imprægnatus. Est enim sal ille maximè volatilis, & corpus nostrum subito pervadit. Danda verò est opera, ut æmper

ma ab eo, quantum fieri potest, tollatur.

Nonnulli præterea etiam mumi- am, quam appellant; è sanguine parant, quæ nihil aliud est, quam pars illa fibrosa sanguinis & rudimentum carnis à serosâ separata & in Sole exsiccata.

*E carne humanâ* nonnulli etiam *E carne* Mumiam parant. & ex hominis sa- *humana.* ni occisi cadavere musculosam carnem, eamque pulvere myrrhæ & aloës conspergunt; & in spiritu vini macerant aliquot diebus; postea in aère hotis 6. suspendunt, iterumq; spiritu vini imbibunt, tandem in aère in loco umbroso siccant, ut fiat instar carnis fumo indurata. E qua postea cum spiritu vini tincturam extrahunt, atque extractum hoc cum Theriaca, terrâ sigillata & aliis pro usu suo miscent.

Alii cum oleo olivaram mumiã parant, de quâ Quercetanus, *medic. spagyricæ ex animal. preparand. c. 1. & Andr. Libavius lib. 7. Alch. p. 142. 151.*

*E cordibus animalium aqua de-* stillatur, quarum duas in Institut. loco *E cordibus.* allegato cap. 5. pag. 1352. descripsimus.

*E cornibus eorum,* præcipuè cervi & aliis varia parantur. Primò *E cornibus.* è novellis C. C. fit aqua, de quâ eodem loco dictum. Deinde eadem vel simpliciter uruntur, & fit C. C. vulgari modo præparatum. Postea præparatur idem sine unctione, modo loco allegato sect. 3. cap. 6. pag. 1278. descripto. Præterea destillantur in retorto, & sic elicitur liquor cum oleo

crasso & fœtido, quod separandum. Sal verò volatilis recipientis lateribus adhæret, qui seorsim colligendus. C.C. in retorta reliquum, quod adhuc nigrum est, amplius urendū, ut fiat C.C. præparatum.

*E cranio  
& ossibus.*

Eodem modo cranium humanū & ossa hominis & aliorum animalium ustione in medicum usum parantur: vel destillantur per retortam & inde liquor, oleum & sal volatilis elicitur. *Quercetanus, in Pharmacop. restit. c. 25.* etiam extractum è Cranio parare docet. Ubi etiam qua ratione *extractum ex epate vituli, pulmonibus vulpis, cornibus cervorum, castoreo, matrice leporina* parari possit, monstrat.

*E calcibus.*

*E calcibus in corpore humano, ut & in aliis animalibus genitis, qua ratione sal & oleum parari debeat, dictum in Institut. loco alleg. cap. 6. pag. 1376.* Docet idem etiam *Crollius pag. 247.*

*E margaritis, oculis capri, lapideis percarum.*

*E margaritis, oculis capri, lapideis percarum, quomodo magisterium dictum parari possit, monstratum ibid. cap. 15. pag. 1426.* Quomodo verò inde *spiritus* paratur *cap. 5. pag. 1366.* explicatum. Verum dubito, an liquor ille purus putus spiritus sit margaritarum, & an sit admixtus spiritus salis menstrui. Et sit sanè, ut igne forti aliquis liquor vel etiam oleosi quid evocetur: tamen dubium est, an non à forti illo igne vires margaritarum destruantur. Ideoque in ea sum sententia, ut etiam supra de magisterio coralliorum dictum, in multis morbis non

minori cum commodo margaritas vulgari modo præparatas, quàm eorum solubile magisterium, & multò magis, quàm oleum dictum exhiberis, quibus phthificis & hecticis humidi radicalis instaurationem, nonnulli frustra promittunt. Sunt enim margaritæ frigidæ & siccæ, & ratione spirituum aceti, qui ipsis adhærescunt, non solum exsiccata non humectant, sed etiam exiccant, incidunt, & sudores movent, quibus amplius alimentarius humor absorbitur.

In tertiâ tandem classe corporum, in quibus Chymici labor occupatur, sunt mineralia, metalla, & alia, quæ sunt præter animalia & vegetabilia, atque è terra & aquis eruantur.

*Succinum* primò quod attinet, paratur ex eo oleum, ut in Institut. lib. 5. part. 3. sect. 3. cap. 6. pag. 1376. monstratum. Ubi simul etiam sal volatilis collo retortæ adhærescit. Et subtiliter pulverisato etiam cum spiritu vini tinctura extrahitur. Paratur ex eo & magisterium. Oleum istud etiam si accuratissimè destilletur: quia tamen in prima destillatione aliquid *εμπυρεύματι* contrahit, rectificandum, ut allegato loco dictum. Ita enim mitius evadit.

*E sale seu marino seu fossili seu ex aqua cocto paratur spiritus seu oleum dictum, modo, qui in Institut. loco allegat. cap. 5. pag. 1353.* Nonnulli retortam parant cum canali, huic induunt salis *℥ij.* vel *℥ij.* Aptant recipientis

piens vas commissuris non clausis, eique aquam infundunt. Accenditur ignis, qui gradatim augetur, donec sal fluat. Quod ubi fit, tolle aër in retortam inflatur continuo, atque ita spiritus elevati facilius in recipiens transibunt.

*Enitro fit primò sal prunella, quem appellant; de quo ibidem cap. 15. pag. 1429.* In qua præparatione illud agi videtur; ut si quid sulphurei & pinguis in se contineat adhuc nitrum, illud à sulphure injecto eliciatur, & cum eo deflagret. Deinde spiritus, qui eodem modo paratur, ut spiritus salis, ut eodem loco *sect. 2. cap. 6. pag. 1277.* dictum.

De nitro autem hoc monendum, primò vulgò quidem statui, id inflammabile esse, siquæ vulgò docent Philosophi & Peripatetici & Chymici, atque ipse hæcenus etiã in ea sui sententia. Verùm nunc puto se aliter rem habere, & nitrum non accendi, sed potius ab igne aufergere, illumque maximè averfari & contra ignem nitrum. Etenim si ferro candenti injiciatur nitrum, non accenditur, sed saltem exhalat. Si verò in carbonem ignitum injiciatur, tum flamma equidem excitatur, non quod nitrum inflammetur, sed quod ignis, cum in carbonem nitrum sese penitus insinuat, nitrum fugit. Neque adeò volatile per se videtur esse nitrum; cum etiã fusionè ferat, ut in præparatione salis prunellæ videre est, ubi etiã si sulphur ei injiciatur, ipsum non deflagrat, & evolat, sed sulphur in se non

admittit, unde etiã in superficie ejus sulphur accensum hinc inde transcurrit. Verùm si cum igne, quod fit præcipuè in flammâ in carbonibus accensis, misceatur, illum summè averfatur, atque fugit, & eò magis id accidit, quò magis per minima misceantur.

Atque idem hic accidit, ac cum oleo, butyro vel vernici accensis aqua infunditur. Tum enim ignis aquam fugiens in akum attollitur, ita ut hoc modo maxima incendia orta sint. Atque hinc procul dubio etiã est pulveris pyrii vis, dum non solum sulphur & nitrum accensa locum ampliorem requirunt, sed & sese averfatur.

Deinde & hoc hic notandum, ut inter ignem & nitrum, ita etiã maximam esse inter nitrum & sulphur, cum vulgare tum metallorum ac mineralium, & inter spiritum inde confectum, ut & alios spiritus acidos & sulphur metallorum, imò inter sulphur & salia antipathiam; id quod ex pulvere pyrii satis patet, ut modo dictum; & exempla etiã aquæ, & pinguedinũ ac oleorum monstrant. Nam si pinguedini non accensæ aqua affunditur, nullæ tales turbæ excitantur, quia solum superficialis fit contactus, neque ulla mistio; verùm ubi pinguedo accenditur, ibi aqua per minima ejus penetrare potest, cujus admistione, ut sibi adversissimâ, cù sulphurea, pingua & oleosa ferre nõ possint, ignis impetu factò à suo hoste fugit & in altũ erũpit. Idem fit in multis aliis.

*Enitro,*

*Nitrum an  
inflammas  
bit.*

*Nitri &  
sulphuris  
antipathia.*

Ubi crocus metallorum paratur & nitrum cum antimon. miscetur, quamprimum liquantur simul & per minima in fusione uniri incipiunt, sulphur antimonii cunctis viribus & facto impetu erumpit, ac flammam concipit cum strepitu, ut in pulvere tormentario accenso fieri solet. Quod postea ubi tertia vel quarta vice nitrum additur & antimonium funditur, non accidit; quia scilicet antimonii sulphur jam deflagavit, aut quod non deflagavit, fixum factum est.

Idem accidit, ubi bezoardicum minerale paratur. Cum enim liquor ille, qui butyrum antimonii vulgò dicitur (etsi maximè ex parte sit  $\text{S}^{\text{e}} \text{M}$ ) Sulphuris aliquid vel ex se, vel ex antimonio acceptum in se contineat, quamprimum spiritus nitri vel aqua fortis affunditur, sulphur illud se conjunctis viribus hosti suo opponit, eumque aversatur, atque hinc liquor incalcescit, sæpè etiam, si incautius tractetur, & confestim liquor butyro infundatur, flammam concipit.

Idem evenit, si limaturæ chalybis vel ferri spiritus vitrioli affundatur. Nam tum etiam sulphur, quod in ferro & chalybe copiosum est, ubi per minima cum spiritu acido misceri incipit, ejus præsentiam ferre non potest; unde sese unit & se ei opponit, tandemque impetu facto hostis præsentiam non ferens evolat, unde mistura illa incalcescit, imò flammam concipit, & gravem odorem, qui sulphuri inest, expirat.

Idem videmus fieri, dum sal tartari, vel ut appellatur, oleum ejus per deliquium paratum spiritui vitrioli miscetur. Nam cum spiritus vitrioli sulphurei aliquid adhuc in se contineat, ex causa modò dicta liquor incalcescit, & ebullit, verum quia copia sulphuris pauca est, non inflammatur. Eadem de causa calx incalcescit affusa aqua. Cum enim in calce viva partes seu sulphureæ seu igneæ quædam insint: eæ aquam affusam, ut sibi adversissimam, ferre non valentes, unitis viribus sese hosti opponunt, & erumpunt, unde calor, ebullitio, imò flamma sæpe excitatur; quod etiam Jul. Cæsar Scal. *exercit. 5. sect. 8.* admittit.

Hinc etiam causa peti potest, cur auri fulminantis seu ceraunochrysi dicti tanta sit inflammabilitas & vis, ut si vel spatula ferrea agitur, vel alio modo incalcescat, mox flammam concipiat, cum maximo sonitu & strepitu, instar pulveris pyrii. Equidem Crollius in sale ammoniacum hujus rei causam refert; quia nimirum maxima sit inter sale armoniacum & tartarum contrarietas. Verum causam aliunde pendere vel ex eo pater, quod calx Martis eodem modo accenditur & fulminat, si in aqua forti, in qua nihil est salis armoniaci, solvatur, & cum oleo tartari præcipitur. Sed causa est in spiritus nitri & sulphuris auri contrarietate. Cum enim oleum vel sal tartari solutioni auri infunditur sal tartari se, cum sale communi, imò alumine & ammo-

*Auri fulminantis vis.*



niaco unit, atque hinc sibi relicto aurum ad fundum descendit, ut in *Instit. lib. 5. part. 3. sect. 2. cap. 12.* & supra etiam de modo præcipitationis dictum, & si quid de salibus his cum auro relinquatur, id aqua calida abluitur. Relinquatur verò jam solus nitri spiritus subtilissimus, qui se penitus cum auro univit: Is ergò si incalescat, sulphuris auri, hoc est, adversarii sui præsentiam percipiens sese ei opponit, vires conjungit, & impetu facto ac cum strepitu & fragore erumpit, atque accenditur.

Imò non solum hoc accidit, cum spiritus salium sulphuri metallorù ac mineralium misceri incipiunt; quod facillimè fit in spiritibus, sed etiam cum una teruntur, id quod accidit, cum  $\text{S}$  &  $\text{V}$  sublimatus, qui spiritibus salinis abundat, pro butyro Antimonii faciendo terendo miscentur. Nam & tùm massa illa incalescit.

*E sulphure.* E sulphure fiunt per sublimationem flores, qui possunt vel per se parari, vel arena adjecta, vel addito sale & vitriolo calcinato, ut in *Instit. lib. 5. pag. 3. sect. 3. cap. 17. pag. 143.* monstratum. Et quidem sulphuri sublimando sal & vitriolum calcinatum adduntur non eo fine, ut ab iis quicquam unà sublimetur, sed ut si quæ partes impuriore sint in sulphure, ex a sale & vitriolo calcinato, ut corpore fixo in fundo sublimatorii retineantur, & ita tantùm subtilior & purior pars sulphuris sublimetur; ut & ne sulphur tam-

facile liquefeat & fluat. Nonnulli sulphur prius in lixivio coquunt horis tribus vel quatuor, idque ter repetunt: post similiter ter in aqua coquunt: hinc sulphur siccant, & addito sale fuso & arena sublimant.

Aliqui flores sulphuris etiam per se & sine additamento sublimant.

*E floribus sulphuris* paratur *tinctura* & *balsamum sulphuris* cum spiritu terebinthina & vini, ut *ibidem cap. 9. pag. 1394.* monstratum, & aliud, quod *ibid. cap. 34. pag. 1495.* descriptum habetur. Ex iisdem floribus paratur etiam *lac sulphuris*, cujus descriptio habetur *loco allegato cap. 9. pag. 1449.*

Si verò sulphur accenditur in aëre humido, & fumus inde excitatus ac cum aëre humido sese uniens campanam vitream, quæ commodior est, si sit utrinque rostrata, excipitur, liquor inde colligitur, qui vulgò oleum sulphuris per campanam appellatur, cum tamen nihil aliud sit; quam vapor vitriolatus aëri humido unitus & in liquorem concretus; unde etiam omnes qualitates & vires habet, quas spiritus vitrioli. Potest idem etiam fieri per retortam, aut potius per instrumentum fictile, sublimatorio simile, quod oblique in fornacem imponitur, ut utrinque emineat, & quidem altera in parte habet canallem oblique deorsum tendentem, per quem sulphur injicitur, in altera parte ita comparatum est, ut recipiens adaptari possit, de quo loco *alleg. c. 5. p. 1358.* De sulphure & quæ inde parantur medicamentis peculiararem

liarem tractatum edidit Matth. Unzerus, qui videatur.

*Arsenicum* calcinatur cum aqua libus partibus, vel etiam duplo nitri, vel sumuntur arsenici ℥x. & nitri ℥viij. atque vasi fictili induntur. & carbonibus circum circa suppositis in aëre libero postea accenduntur, & nemine præsentente desflagrare permittuntur, ne quis venenatos halitus excipiat, isq; ignis hinc 12. continuatur. *Arsenicum* postea in ferream vel cupream tabulam effunditur, & refrigerato tantumdem nitri additur, iterumq; ut prius, calcinatur. Calcinatū teritur & in lapide in cellam ponitur, ut per deliquium solvatur. Liqueor cum arsenico in lapide residuo in cucurbitam inditur, & in arenam ponitur, & primò 12. horis lento igne, hinc fortiore, ut etiã cucurbita incandescat, destillatur. Liqueorē destillatū *balsamū arsenici* appellant, qui ad cancrū, fistulas & similia ulcera maligna adhibetur.

*Talci oleū.*

De talci etiam oleo multus apud Chymicos sermo est. Verum solum per se in liquorem non redigitur, sed ubi vel igne fortissimo, vel cum nitro calcinatur, atque acetum vel simile quid affunditur, sal ille volatilis, qui est in aceto, sese ungit cum calcinato talco, & postea liquefcit. Aliud tamen monstranti non refragabor.

*E gemmis* fiunt *magisteria*, deinde *tinctura* appellata, ut *Smargdi*, quæ in *Instit lib 5. part. 3. §. 3. cap. 9. pag. 192.* tradita est. Verum si ullus coloratus liquor sit e gemmis, solutio po-

tius ea est gemmarum, quam extracta tinctura.

Atque hactenus proposita non ita obscura & intricata sunt, ac ea, de quibus dicendum restat. Quæ enim è mineralibus reliquis & metallis fieri possint, non ita planum, atque ab aliis alia & quidem varia traduntur, & exstant hæc de re integri libri. Ut de Libavio & Beguino, qui de his omnibus ferè scripserunt, nihil dicam, de calcaetho seu vitriolo exstat tractatus Ramundi Mindereri; de sulphure & mercurio scripsit Unzerus, de antimonio Fraterba filius Valentinus; Alex. Suchtenius, Hamerus Poppius; de Anatomia metallorum Angelus Sala. Pauca tamen de quibusdam etiam hæc dicere libet.

*E vitriolo* destillatione elicitur *phlegma* primum & *spiritus*: quod quomodo fieri debeat, in *Instit. loco allegato cap. 5. pag. 1345.* dictum. Paratur & *spiritus vitrioli* hoc modo: ℞.  $\text{⊕}$  lb. viij. destilla phlegma in cineribus. Postea ℞.  $\text{⊕}$  hoc modo calcinati partem quartam, affunde phlegma, & in calore solve, solutionem iterum destilla. Vitriolum in cucurbita serva, phlegma iterum parti quartæ vitrioli primò calcinati affunde, atq; ita cum reliquis duabus partibus etiam procede. Vitriolum exiccātū inde retorta, atq; horarū duodecim spatio spiritus & oleū inde destillatur, quæ rectificentur.

In vitriolo verò non solum est spiritus ille vulgò notus, sed & alius *volatilis*, quod vel ex eo patet; quod si vi-

si vitriolum cum spiritu vini destilletur, illud, quod ex vitriolo cum spiritu vini ascendit, tam volatile est, ut facile à spiritu vini separari non possit, sed per phiolam angustā & alcam cum spiritu vini ascendat, & spiritui vini saporem quandam quasi terræ sigillatæ tribuat. Atque hic est ille spiritus, qui ad epilepsiam & apoplexiam valde commendatur. Ferunt etiam nonnulli solo phlegmate vitrioli (illo primo & spirituoso procul dubio) epilepsiam & paralyin sanatam fuisse. Ideo ad misturam simplicem dictam parandam non simplici spiritu vitrioli utendum censeo, sed isto, qui cum spiritu vini è vitriolo destillatus & rectificatus, & quantum fieri potest à phlegmate separatus est.

In quos usus etiam sequenti modo spiritus vitrioli parari potest. R. vitrioli q. y. calcinetur ad flavedinem: Affundatur spiritus vini optimi q. l. ut pastæ instar fiat, & secundum artem destilletur, ac rectificetur.

Spiritus ubi extractus est, elicetur inde *sal vitrioli*, aquâ silicet calida capiti mortuo affusa. Quod cur pro sale habere non debeam, causam nullam video.

E vitriolo calcinato, antequam spiritus destillado extractus sit, affusa aquâ etiam terra quædam rubra extrahitur. Continet vitriolum etiam plerunquæ in se aliquid cupri vel ferri, quod præcipitatione separatur, & à nonnullis pro sulphure habetur, cum tamen *sulphur vi-*

trioli non sit. Idem caput mortuum si forti igne funditur, aliquid metalli præbet.

Quidam viride quid ex eo extrahere & spiritum vitrioli viridem parare conantur. Et scio expertos liquorem viridem ex eo elici posse, si urina pueri addatur vitriolo, aliquandiu digerantur, & postea per retortam destillentur. Sed nihil aliud est ille spiritus, quam liquor & sal urinæ, quæ vitrioli crudi aliquam partem per salem urinæ factam volatilem secum rapuit, quæ colorem illum liquori conciliat. De vitriolo videatur Ang. Sala in *anatomia vitrioli*.

*Antimonium* primò calcinati potest, quod quomodo fieri possit, loco alleg. *sect. 2. cap. 5. pag. 1274* dictum. Calcinatum hoc modo antimonium *crocus metallorum* à colore appellatur, ut *ibid.* dictum. Eadem calx fit, dum *regulus antimonii* funditur, atque *sulphur auratum*, ut *ibid. sect. 3. c. ibid. p. 1432* dictum, nominatur. Ubi monendum sulphur illud auratum non sulphur esse, sed saltem calcem subtilem antimonii, quæ etiam in antimonium iterum facile reducitur.

Si antimonium semel per nitrum calcinatum bis tertè iterum calcinetur, & toties, donec antimonium album reddatur, appellatur *antimonium diaphoreticum seu fixum*, cujus præparatio habetur *ibid. c. 19. p. 1448*.

Ex antimonio etiam parantur flores, idque fit per sublimationem, vel ex crudo, ut *ibidem*

Spiritus  
vitrioli  
viridis

Ex antimonio

cap. 17. pag. 1436. dictum, vel ex vitro, ut ibidem monstratum.

Facilior autem est operatio, si antimonium crudum in retortam cum canali indatur & recipiens applicetur, atque cum fluit antimonium, folle per canalem aër infletur. Ita enim flores facilius in recipiens penetrant. Idem potest fieri, si sublimatio instituatür eo modo, qui in Institut. loco allegat. pag. 1436. propositus est. Si enim postquam antimonium per canalem injectum est, folle aër infletur, facilius flores in altum eleuantur.

Fit & seu lapis seu vitrum ex antimonio. R̄ calcem ꝯ cum sale tosto factam. Ablue salem aqua calida, solve in aqua. ʒ. filtra, aquam nitri destillando separa, & remanebit liquor crassus ex rubro nigricans. Hic liquor spiritu vini affuso præcipitatur in pulverem flavum, qui indatur phiole, & in arenam ponatur, atque intra horæ spatium in lapidem colore rubini & ponderosum coagulabitur, cujus gr. ij. vel iij. exhibentur. Nihil tamen aliud, quam vitrum subtilius videtur.

Tincturam antimonii quidam ita parant. R̄ vitrioli, salis communis, calcis vivæ ana ꝑj. Salis armoniaci ꝯ iij. Inde cucurbitæ, effunde aceti vini ꝑj. stent in digestionem hor. 24. Hinc per retortam destillentur, instar aq. fortis. Hujus liquoris R̄ ꝑj. rectificetur. Liquor clarus affundatur super ꝑj. vitri antimonii, digeratur, donec vitrum

solvatur. Liqueor in B. separetur, in fundo remanet massa nigra, quæ solvatur in cella super tabula vitrea in liquorem rubicundum. Liqueor hic coaguletur in cineribus. Huic affunde spiritum vini, ut tinctura rubea extrahatur; spiritum vini tinctum separa, alium affunde, donec tota tinctura sit extracta, quam quidam auro potabili serè æquiparant.

Paratur ex antimonio etiam *Regulus*: verum is nihil aliud est, quam substantia antimonii purior, fixior, candidior, & magis resonans. Quæ ratione paratur in Institut. lib. 5. part. 3. sect. 3. cap. 19. pag. 1447. monstratum. Si fiat cum Marte, appellatur *regulus ꝯ stellatus*.

Ex eodem etiam parari putatur *butyrum antimonii*, & ex hoc *mercurius vita*, & *bezoardicum minerale*, ut *ibid. cap. 18. docui*. Imò & *vitrum*, ut *cap. 19. monstratum*. Verum etsi forsitan in destillatione butyri dicti aliquid antimonii simul exstillare possit, tamen illud paucum est, maxima vero pars liquoris est è mercurio sublimato, unde etiam, ubi per aquam præcipitatus fuerit, pulvis is mercurii nomine merito indigitatur, & quidem vitæ vulgò; cum nisi cautè exhibeatur, etiam mortem quibusdam conciliasse observatum sit.

Dum destillatur butyrum antimonii dictum, corpus quoddam cinnabaris colore in collo retortæ colligitur, quod etiam *Cinnabaris Antimonii* appellatur, ut *ibid. cap. 17.*

*pag. 1439.* dictum. Verum mistum est ex antimonio & mercurio. Ut enim cinnabaris vulgaris paratur ex sulphure vulgari & mercurio simul sublimatis: ita dum pars antimonii mercuriique simul sublimatur, & in collo retortæ colligitur, seseque miscent, corpus istud, cinnabaris antimonii, dictum oritur.

Cinnabarim hanc dictam equidem nonnulli pro sulphure antimonii habent, sed falsò, atque aliud me experientia docuit. Cum enim cinnabarim istam sublimare vellè, nec ex voto res succederet, cinnabaris illa in catillo fusa ipsissimum antimonium mihi iterum exhibuit.

Tandem etiam ex antimonio fit vitrum, cujus parandi modus *ibid. cap. 18. pag. 1444.* traditus est.

*Purgantia ex antimonio.* Cæterum de medicamentis purgantibus ex antimonio præparatis notandum, ea omnia simul & vomitum movere & per alvum purgare. Et si enim plurimi, cum vomitoriam vim plerique abhorreant, valde laborarint, ut vim vomitoriam antimonio demerent, & id ita præpararent, ut saltem per alvum purgaret: tamen, ut rectè & ingenue hinc Crollius scribit, nondum licuit Pyrotechniæ beneficio id impetrare, neque illam præparationem apud ullum Chymicum reperire fuit; quamvis ostentationis gratiâ multi de illa falsò gloriantur. Si enim vis vomitum ciendi planè infringitur, unâ etiam ferè vis per alvum purgandi adimitur. Et licet quidam

sumto antimonio non vomant: tamen id fit saltem vel ob robur ventriculi, vel humorum evacuandorû dispositionem. Etenim si idem postea aliis propinetur, vomitum excitat. Nam ut vomitum non moveat, tota vis evacuandi illi demenda est, quod fit in antimonio diaphoretico; si verò relinquitur, æquè per vomitum ac per alvum purgandi vim habet. Ut tamen solum per alvum purget, fieri etiam potest purgantium admixtione, quæ faciunt, ut humor à medicamento motus potius per alvum evacuetur, quàm vomitu rejiciatur.

Diaphoreticum autem evadit antimonium & vim purgandi amittit, salium fixativorum additione. Id quod fit in antimonii diaphoretici præparatione, ubi antimonium aliquoties cum nitro funditur. Quavis enim hic quis putare possit, id ideo fieri, quod aliqua partes antimonii crudiores exhalent: tamè id ita se non habere, patet ex vitro, quod ex antimonio calcinato & igne vehementi fuso paratur, & nihilominus vim vomitoriam & purgantem obtinet: Ideoque id fit, quia salibus fixativis illa seu volatilitas seu vis corpus nostrum vellicandi tollitur. Licet enim ablutione maxima ex parte tollantur: tamen planè non tolluntur, sed aliquid per minima sese admiscuit. Aut si quis statuere velit, nihil nitri admixtum manere: tamen nitrum alium modum substantiæ antimonio inducit, & ex volatili fixum reddit. Hinc

etiam accidit, ut si cum parva quantitate antimonium calcinerur, vel non sæpius calcinetur, vim partim diaphoreticam, partim vomitoriã & purgandi obtineat, cum scilicet partes aliquæ sint fixæ, aliquæ volatiles. Tale fuit antimonium, cujus mentionem facit civis meus, D. Abraham Seilerus, in *epist. à Scholtz. collect. epist. 7.* Paratur autem illud, si  $\zeta$  cum dimidia saltem parte nitri ter calcinetur, nitrum aquâ communi & tandem aqua rosar. abluatur. Exhibetur à gr. iij. ad plura. Paravit inde etiam rotulas. *R.  $\zeta$  hoc modo preparati*  $\text{Diiij}\beta$ . sacch.  $\text{zj}$ . Fiant rotulæ. Dosis rotula j.

Idem etiam accidit in sulphure aurato, quod, ut supra dictum, è scoris reguli antimonii in lixivio è cineribus fagi & calce viva soluto & per acetum præcipitato paratur. Et si enim à plurimis saltem sudorem eiere putatur: tamen etiam sæpe vomitum movet & per alvum purgat. Idque ideo, quia aliquæ partes quidem à sale cinerum, fagi & calcis vivæ, ut & aceto, vim vomitoriam amiserunt, in aliquibus vero ea adhuc reliqua est. Eadem ratio est mercurii, qui vel totus fixus & diaphoreticus redditur, vel si vis purgandi tota non demitur, simul etiam vim vomitum ciendi habet; etsi id non semper actu præstet, vel ob ventriculi robor, vel humoris naturã, vel purgantium admistionẽ.

De causa autem & cur antimonium, mercurius & similia medicamenta vim habeant nunc vom-

tum movendi & per alvum purgandi, nunc verò sudores ciendi, ut quid mihi videtur, dicam, sum in ea sententiã, (meliora tamen monstranti non repugnaturus) antimonium, mercurium, & similia talia insignem vim habere totum corpus nostrum penetrandi & pervadendi, & obvia quæcunque irritandi, agitandi, & ita naturam nostram ad expulsionem stimulandi. Cum autem natura contra talem sibi adversam actionem partes corporis viventis & humores utiles tueri soleat, in vitiosos actionem suam præcipuè exerunt, sicut idem in externis corporis ulceribus, carne luxuriante, gangræna & similibus præstant. Si verò talia medicamenta sint nimis fortia, aut humores vitiosos in corpore non reperiant, ipsam corporis nostri substantiam aggrediuntur, quod à medicamentis vulgaribus non fit, ut propterea non valde errent, qui antimonialia & mercurialia talia purgantia medicamenta æquè tutò ac mannam vel syrupum laxativum exhiberi posse existimant. Credat id, qui volet. Experientia aliud docet. Habent autem talia vim purgandi, dum adhuc volatilia sunt, seu ita comparata, ut naturam statim stimulare & irritare possunt, ita ut statim vel in ventriculo, vel intestinis natura ab iis molestiam sibi creari, & à se sibi adversa se molestari sentiat. Tunc n. ea statim insurgit, & medicamentum id, atque una opera humores vitiosos vel per-

vomitum vel per alvum ejicit; & si stimulus ille atque irritatio diu duret, non solum humores in primis viis, sed & toto corpore expellit. Hoc tamen non negamus, alia ex his aliis humoribus magis convenire. Mercurius in lue venerea commodius exhibetur, intus & extra, quàm antimonium: contra lepram antimonio curatam fuisse observatum est: sicut & in externis corporis affectibus nunc plumbum, nunc viriolum, nunc mercurius rectius adhibetur, nec quæ simplicibus ulceribus conveniunt, etiam cancrum sanant. Si verò eadem medicamenta salium fixativorum admittione ita parentur, ut ventriculum & intestina statim non lacescant, quod fit in antimon. diaphoretico, bezoardico minerali & similibus; statim quidem corpus totum penetrant, & humores vitiosos sensim fundunt, verùm vis eorum à naturâ demum, ubi ad venas ad ambitum corporis perfertur percipitur, atque ita natura ad expellendum insurgit, sudoremque concitat. Sunt quidem nonnulli in eâ sententiâ, talia habere aliquas partes venenatas & crudas ac noxias, alias verò summè utiles. Verùm mercurius & talia sunt corpora homogenea, & tota instar venenorum, si cruda & non rectè præparata exhibentur, lædunt. Quod verò post utilia sunt, id omne à præparatione habent. Et quidem præcipuè à salibus fixativis. Si quis tamen etiam solo calore & igne figi

& mitiora reddi posse putat, cum eo non pugnabo. Calore tamen lento primùm, ac digestionem, & hinc per gradus aucto id fieri potest. Nam quod ignis fortis in antimonio diaphoretico & bezoardico mirali parando ultimò adhibetur, id non fit, ut volatile fixum reddatur, sed potius, ut si quid adhuc supersit volatile, vel de menstruo, istud evaporet; & separetur.

Quà de causa etiam talia medicamenta diaphoretica vel debent esse summè fixa, hoc est, ita elaborata; ut in eodem gradu, qui salutaris est, perpetuò maneat, vel recens à perito artifice parata sint. Nam si non sint exactè talia, vetustate redeunt ad ingenium & pristinam malitiam, siquæ noxia, quæ prius salutaria erant. Plura videntur apud Angel. Salam, de *Anatom. antimonii.*

Jam ad Mercurium & Metalla accedimus, ubi mox illa quæstio occurrit, an in iis etiam *Allegories* locum habeat; & an illa in partes heterogeneas & diversas, ut plantæ & hæcenus explicata, resolvi possit. Equidem promittuntur talia multa, & quintæ essentia metallorū, & eorundem tincturæ sales, & talia alia venduntur, & quâ ratione plumbum in tria principia dicta resolvi possit, monstrare conatus est Quercetanus, in *defensione contra Anonymū c. 16.* Contra alii sunt in eâ sententiâ, talia, quæ vulgò monstrantur à metallis separata & extracta, nihil aliud esse, quàm vel ipsa menstrua solventia, vel metalla

*Metalla autem in partes diversas resolvi possunt.*

cum menſtruis conjuncta & per minima unita. Et propterea principia Chymicorum in animalibus & vegetabilibus admittunt, atque hæc in illa reſolvi poſſe concedunt: mineralia verò & metalla in principia hæc tria reſolvi poſſe negant. De quo ſi quod ſentio, ſine cujusquã obſtrectatione, & ſalvo cujusque judicio, quod cuique liberum relinquo, dicendum eſt, omninò verum eſſe puto, ea, quæ vulgò proſeparatis & extractis è metallis eſſentiis, ſulphure, tinctura & ſimilibus monſtrantur, nihil aliud eſſe, quam vel ſola menſtrua ſolventia, parum à corpore metalli alterata, & mutata, vel metalla menſtruis mixta; quod ipſa reductio ſatis oſtendit: cum menſtruo ſeparato non id, quod promittitur, aut quod nomen præ ſe fert, relinquatur, ſed ipſum metallum integrum. Sunt nam metalla ita compacta & exactè mixta, ut in diverſas partes arte facile reſolvi non poſſint, imprimis illa perfectiora, aurum & argentum, ut & mercurius, qui vel totus avolat, vel totus manet. Interim tamen negandum non eſt, ea non conſtare ex diverſis partibus, & Chymicorũ principia in iis reperiri. Ipſe certè ſenſus & experientia perſuaſit etiã doctiſſimis Viris, & in Chymia & in Philoſophiã Peripateticã verſatiſſimis, ut id ingenuè faterentur. Inter quos, quod ſupra etiam feci, meritò nomino Virum erudiſſimum, Cornel. Martini, Profeſſorem quondam in Academia Julia, qui

*in præfatione in libros de Mineralibus & Metallis Agricola, ita ſcribit: Sulphur deprehendi in omnibus metallis, excepto auro, vero eſt verius, ſulphur, inquam, combuſtible, quod flammam concipiat & odorem ſulphuris vulgaris exhalet. Penè etiam hoc vicerunt, ex omni metallo, ne quidem auro excepto, imò ex auro maximè elici argentum vivum currens, album, non ſecus atq; illud, quod vulgò venit. Et revera ſulphur omnibus ineſt. Eſt in perfectioribus difficilius deprehenditur. Cum enim metalla imperfectiora ſint combuſtibilis, certè ſulphur in iis & colore flammæ, qui in aliis alius eſt, & odore, qui alius eſt in ferro, alius in cupro deprehenditur. Imò in auro ipſo ſoluto ſulphur inflammabilitate in auro fulminante dicto deprehenditur, ut & in ferro fulminante. Sal etiam ſapore ſatis ſe prodit. Et ſi antimonium in iſta principia reſolvi poteſt, ut rectè monſtravit Angel. Sala, in anatomia antimonii, ſect. 1. cap. 2. cur idem in ferro, cupro &c. fieri poſſe planè impoſſibile ſit? Hoc tamen, ut dictum, verum etiam eſt, ita hæc arte inter ſe coherere, ut arte facile perfectè ſeparari non poſſint, neque ea, quæ pro iis vulgò venduntur, talia revera eſſe, ut poſtea in ſpecie dicetur.*

Jam Mercurium quod attinet, & quidem uſus ejus Medicos, vel totus fixus eſt, vel vim vomitum ciedendi & purgandi habet. Verè tamen eſt *πολύτροπον* & *πολύμορφον*, & quod res una eandem formam inter-

*E Mercurio.*

ternam



ternam & naturam retinens exteras varias suscipere possit, vel unicus mercurius docet, qui in aquam & liquorem, eumque varium solvi, sublimari, præcipitari, & in pulverem verti, figi, in flores argenteos quasi, in vitrum redigi, imò ut metalli naturam referat, coagulari & mutari, & infinitis ferè modis transformari potest, ita tamen, ut ad pristinam naturam facillè redeat. Et quidem semper vel totus avolat, unde & servi fugitivi nomen à Chymicis accepit, vel totus manet, neque anatomia ulla hic locum habet, neque quicquam heterogeneum, quod quidem arte separari possit, in eo reperitur.

Unum atq; alterum saltem præmittam, quæ usus medici non sunt. Mercurius facillè coagulatur, ut plumbum referat, si nimirum in plumbum liquefactum, dum incipit refrigerari, pistillo vel alia re fovea imprimitur, & mercurius vivus infunditur. Tum enim statim instat plumbi coagulatur, quod procul dubio fit à spiritu figente seu coagulante plumbi. Verùm argentum vivum hoc modo nō fit plumbum, ut aliqui existimant, sed manet argentum vivum. Neque etiam, ut plumbum, malleo ducitur.

Sequenti modo, eoque facillè ita coagulatur, ut etiam malleo duci, & ignem semel atque iterum sustinere, atq; ita aurum & argentum referre possit. & nimirum  $\text{Q}$ , viridis æris, salis communis ana  $\text{ʒ}$ iiij. Misce & affusâ aquâ simplici coque in vase fer-

reo, eoque satis denso, continuò agitâdo donec  $\text{Q}$  de spatulâ nō amplius decidat, quod fit ferè dimidiæ horæ spatio, præcavendo item ne aqua regurgitet, quod affusâ interdum aqua frigidâ fieri potest. Postea aquâ per inclinationem separa, & mercurium aquâ pura lava tamdiu, donec aqua non amplius coloretur. Quo facto impone mercurium tabulæ vitreæ, & in unum globulum, compressum colloca in cellam, ut instar vitri coaguletur. Postea & mercurium, adde rutinæ Alexandrinæ, & pulv. rad. curcumæ, & F. s. s. & in catillo clauso horis duabus in ignem circularem pōnantur, ac postea fundantur, quæ massa aurum refert. Si argenti formâ expetitur, aliquid argenti addatur. Quod eo sine saltem affero, ut quid interdum arte fieri possit, videatur; etsi nullius usus sit ista operatio.

Ad usum autem Medicos parantur ex eo primo varia præcipitata, quorum descriptiones passim extant, quarum aliquas etiam in Instit. lib. 5. part. 3. sect. 3. cap. 18. proposui.

Mercurius præcipitatus à quibusdam Turbith vocatur. Quamvis nonnulli inter præcipitatum & Turbith distinguant, & præcipitatum appellent Mercurii rubeum pulverem, volatilem adhuc, turpethum verò fixum. De Præcipitatis & Turbith videatur Libavius Apocalypsoes Hermeticae part. 1. cap. 3. & 4.

Huc pertinet & mercurius vitæ dictus, ex liquore illo, qui butyrum antimonii vel mercurii potius di-

Mercurii  
coagulatio.

Mercurius  
præcipita-  
tus.

icitur, paratus, cujus descriptionem in *Instit. l. 5. part. 3. sect. 3. c. 18. pag. 143.* proposui. Etsi enim in Beguino, editione Barthii, pag. 20. doceatur, mercurium vitæ nihil aliud esse, quàm regulam antimonii spiritu mercurii sublimati vitriolico-dissolutum: tamen res aliter sese habet. Sit enim, ut aliquid simul de regulo antimonii (paratur tamen etiam ex crudo) destillet: tamen maximam partem liquoris, qui destillat, ex mercurio sublimato constare puto: cum nihil mercurii, præter eum, qui vivificatur, & in recipiente colligitur, in retorta relinquatur, sed solùm antimonium. Crollius mercurium vitæ florem butyri antimonii dixit, sed abusive. Neque enim flores dicti subsident, sed ascendunt. Mercurii vitæ descriptiones variæ exstant apud Libav. *Apocalypf. Hermet. part. 1. p. 251.*

Ex eodem butyro antimonii etiam fit *bezardicum minerale* dictum, quod Crollius, sed parum rectè, antimonium Diaphoreticum nominat, cujus parandi modus antea nominatus, non solum hodie planus est, sed, ut mox dicetur, olim notus, ut non opus fuisset à Quercetano, *Pharmacop. restit. ut. c. 23. sub ænigmate* proponi: quod tamen Libavius *Apocalypf. Hermet. part. 1. pag. 258, 259.* explicavit. Quis verò autor hujus medicamenti sit, dubium. Etsi enim recentioribus nonnullis ejus inventio tribuitur: tamen Hieronymo Rubeo jam non ignotum fuisse, ex ejus *libro de destillatione sect. 2. cap. 32. patet.*

Deinde è mercurio paratur *subli-*

*matus vulgaris* passim notus. Postea etiam *mercurius dulcis* dictus, in *Instit. l. 5. part. 3. f. 3. c. 17. pag. 1438.* descriptus. Species mercurii sublimati est etiã *arcanum corallinum*, cujus præparatio est in *Instit. loco modo citato.*

E mercurio fiunt etiam *flores argentei*, quos in *Instit. lib. 3. part. 3. sect. 3. cap. 17. pag. 1435.* descripsimus.

Parantur & ex eo *aqua, liquores, olea & spiritus*, quale est *butyrum antimonii*, quod potius mercuriale dici debebat, & talia alia extant apud Unzerum, *de mercurio, lib. 2. c. 1. 2. & 3.* quæ tamen omnia nihil aliud sunt, quam ipse mercurius cum menstruis mixtus, & seu in liquorem, quod salium proprium est, seu in spiritum cum us quasi redactus.

Quæ verò *c. 2. num. 4.* ab Unzero, ut & aliis, promittitur aqua mercurii, sine salium & menstrui ullius additione, ea fit non aliter, ac oleum ☉ per campanam dictum, aëre humido mercurio in vapores resoluto sese admiscente; sicut & eodem modo per retortam idem oleum sulphuris dictum parari potest. Aquas alias mercuriales descripsit Libavius, in *Apocalypf. Herm. pag. 269.*

Pertinent huc & *precipitata composita*, quæ si cum auro fiunt, auri vitæ nomine veniunt, de quo in *Instit. l. 5. part. 3. sect. 3. cap. 18. pag. 1441.*

Resereda huc & *cinnabaris factitia*, quæ fit ex ☿ & ☿ simul sublimatis.

Plura de mercurio videantur apud Matth. Unzerum, in *Anatomia mercurii*: etsi eo in tractatu non doceatur, quomodo mercurius in par-

tes diversas dividi possit, sed solum quomodo variè variis rebus additis immutari, nihilominus integer manens, possit.

Antequam autem à mercurio discedamus, monendum, In mercurijis præcipitatis & sublimis aris exhibendis cautos omninò medicos esse debere. Neq; enim natura mercurij in iis præparationibus tollitur, sed saltem occultatur salium fixorum admixtione; quæ ubi ad ingenium reddit, ægro maximè nocere potest. Et cum extra corpus salis ammoniaci admixtione resuscitari possit mercurius, cur non idem fieri possit à salibus volatilibus in corpore? Neq; scquitur; æger nihil damni sensit post ejusmodi medicamenti usum, ergò nulla maligna aut venenosa qualitas ei attribuenda. Neq; n. venena omnia statim, sed sæpe longo tempore post nocent. Ideoque & hic quod primò (purgando scil.) profuit, postea nocere potest. Corporum etiã, quibus talia propinantur, non semper eadè ratio est. Nam sicut si ebrius, aut alius, qui cibis ventriculũ replevit, venenum propinetur, atq; ille statim cù cibo & potu id evomat, nullum damnum id infert, quod jejuno propinatum summè nocuisset: ita etiam si fieri possit, ut tale medicamentũ alicui exhibeatur, qui multis crudis & pituitosis humoribus repletus, aut temperato humido præditus, atq; statim iterũ evacuatus fuerit, idq; sine dano tamen non sequitur, quod cuilibet corpori sine damno exhiberi possit.

Quapropter hic nõ prætereunda

videtur quæstio, an per se sit venenatus ac deleteriæ qualitatis particeps. Prolixè hanc quæstionẽ tractat Matth. Unzerus, de anat. Spagy. mercurij, l. 1. c. 16. In quo etiã si mercurij ab omni venenositate absolvere conatur: contraria tamè mihi sententiã verior videtur corũ, qui Quæ sua natura venenositatis non experti putant. Inter quos jam olim fuit Dioscorides, qui l. 5. c. 6. ait & l. 6. c. 28. eũ inter venena retulit, & *διὰ τὴν ὀσμὴν* habere scribit, ac Galenus, qui l. 5. de simp. med. fac. c. 17. totã substantia esse inimicũ naturæ humanæ testatur. Idem sentit Aegineta, l. 5. c. 6. Aëtius, terrab. ser. 2. c. 4. Idem Antiqui alii & Recentiores pleriq; statuerunt. Et collegit ipse Unzerus, loc. alleg. autorum hac de sententia, Cardani, lib. 1. de venen. c. 2. Ferdinand. Ponzetta, l. 2. de venen. c. 21. Conciliatoris, tract. de venen. c. 7. Fernel. l. 2. de abdit. & l. 2. de venen. c. 7. P. Palmarij, de morb. contag. & aliorum plurimorum, quorũ testimonia brevitate studio congerere nõ libet, cum allegat. loc. apud Unzerũ videri possint, qui etiam historicis evincunt, mercuriũ, aliorũ venenorum more, stuporem, convulsiones, tremorẽ, lethargũ, tormina & cruciatus ventris, lipothymias, paralyin, oris & faucium exulcerationes, & alia horrenda symptomata, imò sæpe moriẽ induxisse. Et videtur ista nocendi vis satis in sublimato, qui 3℔ pendere animale necare potest.

Neque est, ut quis summam illam nocendi vim in spiritus salinos & sales admixtos referat. Et enim

An mercurius sit venenatus.

tantillum id sæpè est, quod admixtum est, ut ei tanta nocendi vis attribui non possit. Neque si majori quantitate admiscerentur sal communis vel vitrioli spiritus, tantam nocendi vim habent.

Neque, quæ pro sua sententia affert Unzerus, satis firma sunt. Primò enim quod affert, ideo non esse venenum, quòd non primariò, quòd venenorum propriè dictorum proprium sit, cor petat, illi quæ adverteatur, ad id respondeo, etsi omne venenum tandem calorem nativum in corde extinguere possit: tamen sunt etiam venena, quæ aliis membris sunt primò adversa, Narcotica cerebo adversa, alia pulmonibus, alia vesicæ. Dantur deinde venena septica, quæ non statim occidunt, sed si occidunt, longo post tempore, quæ assumpta fuere, mortem inferunt paulatim ad cor usque factâ successione, ut Galenus, 3. de simpl. med. facult. c. 23. docet, inter quæ & mercurius meritò refertur.

Nam etsi, quod secundò objicitur, à multis observatum, cujus rei exempla *ibid.* recenset Unzerus, argentum vivum sine noxa haustum fuisse: tamen ad id facilis responsio. Etenim vel de vivo, vel de eo Chymicè præparato hoc dicitur. Si de vivo, res plana est. Nam cum argentum vivum sibi cohæreat, mobile sit, & ideo statim per alvum excernatur, hoc modo non nocet, sicut nec globus plumbeus vel ferrum deglutitum, si mox iterum excernatur, daninum corpori infert. At si

in minima resolvatur & ita paretur, ut corpori adhærere possit, summè nocere potest, ut & plumbum, si in corpore resolvatur, gravissimorum malorum autor esse potest, cujus rei historia est apud Fernel. Si verò de præparato sermo sit, adhibetur is, vel ad usus externos, vel internos ut purgans, vel ut diaphoreticum. Si ad usus externos, ejus vis corrodedi manifesta est. Si ut purgans, non semper sine damno exhibetur. Et licet Job causas ante dictas interdum exhibeatur sine noxa, non tamen omnibus. Et ubi exhibetur, certo tamen modo prius elaboratus exhibetur, & nimia ejus violentia, quæ cum volatilitate conjuncta est, aliquomodo figitur. Quod verò purgat, facit hoc partim naturam irritando, partim humores vitiosos in corpore resolvendo & fundendo. Ut enim extra applicatus, ut & alia hujus generis, magis carnem emortuam colliquat, quam sanam, (quia natura semper vivas partes à talium injuria magis tuetur, quam corruptas vel vitiosos humores) ita etiam assumptus totum corpus pervadit, & humores vitiosos fundit, qui fusi & agitati naturam stimulant, & ad excretionem irritant, quæ stimulata unâ medicamentum cum humore vitioso ejicit. Si verò humores tales in corpore non adsint, aut medicamentum nimia copiâ vel non rectè præparatum sumatur, ipsos etiam bonos humores, imò partes corporis sanas corrumpit, & hominem in vitæ periculû conjicit,

ut exempla passim nota sunt. Ubi vero fixus est mercurius, fit diaphoreticus, & minus vehemens est, ea de causa, quæ supra in antimonio est proposita. Etenim non ita statim, utpote fixus, vires suas in ventriculo & intestinis exferit, sed in penitiora corporis penetrans ibi demum humores fundit, quos natura irritata per sudores expellit.

Quod verò Mercurio cum purgante, tum diaphoretico, ut & antimonio, si sæpe morbi curantur, qui aliis frustra tentati fuerunt remediis, idè accidit, quia talia medicamenta penitius se in ipsas corporis partes insinuant, easque penetrant, & humores, quos ipsa partium substantia imbibit, quique domestici quasi facti sunt, fundunt. Sicut & extra videmus in ulceribus pravis profundius penetrare, & corrupta tollere, quæ mitiora tollere non potuerunt.

Tertiò quod dicit, si argentum vivum esset venenum, etiam metalla, ut ferrum, quæ ex eo constant, æquè noxia essent, quod tamen non accidit, cum ex chalybe multa utilia medicamenta præparentur. Verùm sit sanè, concedamus, de quo jam non disputo, talem mercuriū esse in chalybe: tamen aliorum admixtione temperatur. At si ferrum resolvatur & sese mercurius exferat, æquè nocere potest, ut modò de mercurio plumbi dictum.

Ideò quod de antimonio dictum, omnino etiam de mercurio verum est, eos frustra laborare, qui mercurium purgantem præparare volunt,

& vim illi vomitoriam demere; imò nonnullos sine ratione gloriari, se mercurium ita præparare posse, ut dupla aut tripla dosi, & instar sacchari sine noxa usurpari possit. Nihil enim aliud agunt, quam ut vires illas, quas tamen expetunt, præparatione suâ saltem sopiant & abscondant; cum tamen satius fuisset, in dosi parva conveniente modo & cum corrigentibus convenientibus talia exhibere, quam dosim frustrâ augere.

Cum jam ad reliqua metalla accedendum sit; prætermitti non potest questio, etsi ad usum medicum inutilis, an metalla reliqua in mercurium vivum & currentem redigi possint. Ubi quæ in utramque partem ex Physicis & Metaphysicis disputari possint, imò disputentur, non ignoro; neque etiam jam disputo, an mercurius ille vivus sit proxima metallorum materia.

Hoc verò quaritur, an metalla talis corporis formam, qualis est mercurius vulgaris, currentem scilicet & mobilem, assumere possint. Ubi sine cuiusque obtrextatione respondeo, cum Aristotele & J. C. Scaligero, Ubi de re constat, non disputandum esse rationibus contra experientiam, sed rei rationes potius querendas esse: Et cum Galeno, *s. de loc. aff. cap. 7.* Longè præstantius esse ea, quæ fiunt, quomodo fiant querere, quam quod fiant, negare. Possè verò metalla talem mercurii currentis formam suscipere, tot doctorum virorum, qui oculati hujus

*Mercurius  
metallorum.*

rei testes sunt, scriptis proditum, processibusq; monstratum, & qui volet; id experiri poterit. Et quamvis aquæ quædam resuscitavæ dictæ etiam ex mercurio consistunt: tamen processus illi ideo Sophistici non sunt. Modò enim multò plus mercurii ex metallo aliquo exhibeant, quàm in ipsis est mercurii, factis est: quod & de aliis modis dicendum, in quibus mercurius seu vivus seu sublimatus adhibetur. Multò plus tamen dixi mercurii. Nam si parum pondere augeatur, aliquid metalli mercurio permisceri potuit, quod tamen à suâ naturâ immutatum non est. Sunt tamen & alii modi, quibus sine omni mercurii seu vivi seu sublimati additione metalla in mercurium vivum redigi possunt. An verò mercurius iste in corporis pristini naturam reduci possit, jam alia quæstio est. Neque enim de hoc quæritur, An metalla tum suam naturam planè amittant, sed de eo, an talem formam, qualis est mercurii vulgaris, suscipere possint. Etsi enim prius illud negetur: (de quo jam non disputo) tamen hoc propterea negandum non est. Et si mercurius vulgaris ter formas externas recipere, & ut metallum etiam, ut supra dictum, coagulari potest: cur impossibile sit, ex metallo vivificari posse? Quæ de causa etiam consideratione dignum est, an mercurius vulgaris omnis ejusdem planè naturæ sit, an verò hic cum hoc metallo, alius cù alio majorem cognationem habeat.

Sed ad ipsas metallorum, quæ usus etiam medici sunt, præparationes accedamus. Sunt metalla alia fixa, alia non fixa; & fixum quidem verè unū est aurū, cui uni, quamvis diu in igne fusorio servetur, nihil deperit; reliqua omnia ab igne aliquid patiuntur. Quia tamen argentum reliquis fixius est, auro etiam ut fixum accensetur. A reliquis verò non fixis, ut plumbo, stanno, ferro, cupro, etsi aliquid fecerni possit, magnæ tamen id operæ est, ut seorsim excipiat: quæ verò vulgo venditantur, magisteria sunt, ut appellant; seu in forma liquidâ, seu in siccâ. De metallorum autem calcinatione per ignem & menstruum dictum in *Instit. lib. 5. part. 3. sect. 3. cap. 5. Et 6.*

E plumbo fit vulgò *Saccharum Saturni* dictum, cujus descriptio *ibid. cap. 15 pag. 1530.* habetur. Saccharum hoc, si retortæ indatur, & destillatio instituatur, liquor inde elicitur, qui vulgò *oleum Saturni* appellatur. De quo liquore magna inter recentiores controversia est. Aliqui enim ei *spiritum* quendam mercurialem & æthereum, & quidem ex ipso plumbo inesse, & inde lento igne separari posse docent. Alii verò liquorem illum esse spiritum aceti dicunt, in quo plumbum solutum fuit, hoc modo alteratum & ardentem iterum factum. Ubi et quidem malo ἐπιχειρῶ, quàm aliquid temerè asserere. Si tamen aliquid dicendum est, non absurdum videtur, spiritum aceti acidum postliminio,

minio redire atque iterum ardentem fieri posse. Cum enim spiritus aceti ex spiritu vini digestionem fiat, ut de scorbuto c. 3. num. 11. dictum, iterum non iterum spiritus vini fieri poterit.

*E stanno.* E stanno fiunt *crystalli & oleum*, seu liquor, ut in *Inst. lib. 5. part. 3. sect. 3. cap. 15. pag. 1430.* dictum.

*E chalybe.* Cæterum è *chalybe*, in usum parantur medicamenta dum vel aliquid, partes scilicet volatiles & sulphuræ, tollitur, quod commodissime fit igne reverberii, vel saltem is solvitur. Priore modo ꝑ calcinatur, etsi & alio modo id fieri possit, & sine substantiæ minore deperditione, dum frusto *chalybis summæ* ignito affricatur *magdalon sulphuris*. Ita enim instar ceræ liquefcit, *chalybs*, qui si in aquam frigidam subjectam decidat, facile friabilis redditur.

*Croci* ꝑ varia genera *ibid. cap. 16. pag. 1432.* descripta. Paratur ille etiam è vitriolo martis in tigillo calcinato ad rubedinem.

*Tinctura*, quæ tamen nihil aliud sunt, quam ꝑ ad minima resolutus cum menstruo mistus. Parandi verò tincturam martis ratio tradita est *ibidem cap. 9. pag. 1394.* Commoda est & hæc tinctura. R. Martis, salis ammoniaci partes æquales, Misce. Adde paucillum olei olivarum, ut fiat instar pastæ. Ponatur in locum calidum per dies 14. vel donec ꝑ colorem rubiginem contrahat. Postea ponatur in cineres, ut oleum & maxima pars salis ammo-

niaci destillando separetur. Non tamen sal ammoniacus totus separandus est. Hoc modo enim Mars vel in aquâ communi solvi potest. Hinc aqua iterum & cum sale ammon. separati, & tinctura spiritu vini extrahi potest, quæ planè coloris crocei est. Vide etiam *Crollium, p. 252.*

Fit quoque *vitriolum ex ꝑ*, si in aqua & spiritu vitrioli solvatur. Ita enim postea in vitriolum coagulatur. Alium etiam modum habet *Crollius, pag. 219.* Alii limaturam ꝑ solvunt in oleo vitrioli: Hinc affundunt duplum phlegmatis vitrioli, stent hor. tribus, postea filtrentur, quod si non succedat, plus phlegmatis affundunt. Quo factò phlegmatis tertiam partem in B. separant, reliquum in cellam ponunt, & vitriolum coagulatur.

E cupro fit vitriolum, quod vulgo *Veneris vitriolum* nominatur, cujus faciendi ratio ab eodem traditur.

Etsi verò sunt hodiè Empeirici quidam, qui multa è cupro medicamenta usurpant: tamen rectè mihi scripsisse videtur *Ang. Sala, aphor. Chymiat. sect. 2. aphor. 37.* Cuprum quocumque etiam modo præparatum intrò sumere religio sit. Etsi enim empeirici illi curationes recensent, quas hujus ope perfecerunt: malorum tamen vel meminisse, vel etiam non ignorare debebant, quæ ægris attulerint, plurima.

Ex argento *tinctum* ut fiat, monstratum in *Inst. lib. 5. part. 3. sect. 3. cap. 9.*

pag. 1394: Dn. Doct. Hartmanno hæc adscribitur. ℞. Salis ☐ opt. purificati part ij. Terræ sigill. alb. part j. Pulveriscentur in porphyrio tenuissimè, postea in crucibulo forti superius operculato gradibus ignis ab initio observatis in furno anemio ita stuantur, ut tandem igne vehementiori ad fluxum q. usque per hor. 24. maneant (propter terram sigillatam non fluit materia, sed quasi fluere videtur.) ubi omnia refraxerunt, sal ☐ reperietur in crucibulo instar vitri viridis, quem tenuiter reduc in pulverem. Hujus ℞. partem unā, calcis ☐ sinā per Aq. fort. solutā, & cōmūniter per ♀ præcipitatā, ac diligenter postea ab omni acrimonia edulcoratā partes duas. Hæc curiosè terendo invicem denuò in pixide, vel tigillo cæmentatorio perlutato pone in arenam & subministra ignē à primis gradibus lentum, postmodum etiam fortiorem subtus & supra, ut vasculum candeat, & cæmentetur materia per 12 hor; ita tamen ne fluat. ( si fortè fluxerit, laborem denuò repete ) Refrigeratis vasis eximæ totum illud, & subtiliter tere, ac in cucurbita lati fundi, affuso sp. vini opt. extrahere rubedinem ( rubedo non à ☐, quæ tantum cæruleum, vel viridem colorem continet, sed à ☐ ) per dies 6. 7. vel 8. Decantato hoc tincto spiritu vini alium affunde, & in digestionē, ut antea, repetitis vicibus rubedinem vel flavedinem extrahe: Extractiones omnes serva, Luna verò post extractam rubedinē in cucurbita apparebit cærulea ali-

quantum. Hanc igitur paulatim exicca, & in marmore terendo in pulverem reduc, & diligenter serva. Extractions verò rubeas collectas destilla in balneo & prodibit spiritus vini. Rubedo verò tota manebit in fundo instar sanguinis. Hanc cum ☐ illā cæruleā reservatē tere minutissimè; & cum iis junge, vel misce duplum silicum calcinatorum ( quod fit, si igniti aliquoties in aqua extinguantur ) diligenter misce, & ex sublimatorio fictili ( cucurbitā humili ) ad sublimandum, pone in arenam, observatis gradibus ignis, tandem vehementiori, & ascendit; seu elevatur Luna tota cærulea instar Sapphiri, remanente in fundo corpore crasso & nigro. Hanc nigram materiam diligenter exemptam tere in marmore, & calidā aquā aliquoties elue, postea igne calcina ( scilicet in ferreo vase ) ut abeat in calcem levissimam, ut in ☐, semper movendo spatulā. Ex hac calce cum destillato antea à rubedine spiritu vini ad supereminentiā 3. vel 4. digitorū superfundendo extrahe sal digerendo scilicet per tres vel quatuor dies in balneo vase optimè clauso, lactescente aliquantulum spiritu vini. Hunc spiritum vini aufer à fecibus, & perge calcinando & extrahendo, donec nil amplius salis prodierit, nec lactescat spiritus vini. Extractions omnes collige, & spiritum vini indè evoca destillando in B. M. donec circiter quarta duntaxat pars totius in fundo relicta fuerit; pone in locum frigidum humidum



dum, & ☉ Lunæ translucens instar  
 crystallo concreſcet. Spiritum vini  
 reliquum, collecto priore ſale, de-  
 nuo ad quartam uſque partem de-  
 ſtilla, & ſic perge, donec omne ſal  
 collegeris. Salia collecta omnia di-  
 ligenter exicca & ſerua. ☿ Lunæ  
 cæruleæ antea ſublimate vel eleva-  
 tæ part. ij. ſalis jam collecti p. j. Te-  
 re in marmore invicem & in retor-  
 tula per arenam deſtilla in oleum  
 vel liquorem cæruleum Lunarem a-  
 liquantulum virescentem, quem  
 collectum diligenter ſerua. Ejus do-  
 ſis eſt à gutt. ij. ad iij.

Ex auro.

Tandem de auro potabili varix ha-  
 bentur diſputationes, quas meas  
 hic non facio. Videantur, quæ ea  
 de re tradidi in Inſtit. loco ſupra alle-  
 gato pag. 1393. Interim ſum in ea ſen-  
 tentia, quæ paſſim venditantur Auri  
 potabilis nomine, eſſe ſaltem magi-  
 ſteria dicta, ſeu aurum in minimas  
 & ſubtiliſſimas partes ſolutum, &  
 cum menſtruo mixtum. Et quidem  
 varia menſtrua paſſim circumfer-  
 runtur, quorum tamen vis ſolvendi  
 omnis in ſale conſiſtit, aurumque  
 eo tandem redigendum eſt, ut in  
 ſpiritu vini vel quovis liquore ſolvi  
 poſſit. Ad quem ſinem variis me-  
 diis & menſtris perveniri poteſt. Et  
 forſan nihil reſert, quò menſtruo il-  
 lud primum ſolvatur. Eſt enim ſit  
 fortius. tamen reverberatione ite-  
 rum ſeparari poteſt; nihilominus re-  
 linquitur calx ſubtilior, quæ poſtea  
 in ſpiritu ſalis, eoque ſeparato iterum,  
 ut jam ſubtilior redditus, in ſpiritu  
 vini ſolvatur. Atque hoc modo

& menſtruorum mutatione etiam  
 aurum potabile reddi poteſt ad mo-  
 dum tincturæ Martis ſupra propoſi-  
 tæ: ſed calci auri per amalgama fa-  
 ctæ ſalis armoniaci duplum vel tri-  
 plum addi debet. Neque illud ſuffi-  
 ciens argumentum eſt, auri eſſentiã  
 eſſe extractam, aurumque eſſe red-  
 ditum irreducibile, ſi per retortam  
 deſtillari poteſt. Nam etiam fixa, vo-  
 latilium ſalium additione, volatilia  
 reddi poſſunt, ut tamen ſuam eſſen-  
 tiam retineant.

Hinc ad eundem ſinem variis mo-  
 dis perveniri poſſe puto. Alii enim  
 auro ſoluto affundunt menſtrum  
 ex una parte ſpiritus ſalis, & quatuor  
 partibus ſpiritus nitri. Aurum ſo-  
 lutum Mercurii parte æquali præci-  
 pitant. Illud abluunt, cum floribus  
 ☿ aliquoties reverberant, ut fiat ra-  
 rum inſtar lanæ. Hinc affundunt  
 menſtrum ex ſpiritu vini part. ij.  
 & ſalis parte una; aliquoties ſimul  
 deſtillatis.

Alii, qui modus Fr. Ant. Angli à  
 nonnullis eſſe perhibetur, ſolvunt  
 ☉ foliatum in aq. Regis, quæ primò  
 facta eſt parte una nitri & partibus  
 duabus vitrioli, & poſtea iterum, ad-  
 ditâ quartâ parte ſalis armoniaci, de-  
 ſtillata. Solutum oleo tartari præci-  
 pitant. Huic calci ſpiritus ſalis af-  
 fundunt tantum, donec non ampliùs  
 ebulliat. Hinc calci auri dimidiam  
 partem flor. ☿ addunt, & in igne cir-  
 culari reverberant, idque quater re-  
 petunt, donec aurum ſpongioſum  
 & raram fiat. Calci huic auri affun-  
 dunt menſtrum eſt ſale urinæ e parte  
 Ggg. 3 ejus

eius volatili & fixo facto & spiritu vini bene digestionem unitis. Menstruum separatur: liquorem rubicundum remanentem in arena vel cineribus per retortam destillant.

Quia tamen Fr. Antonius aquas fortes rejicit, ut venenatas, alii hoc modo ab Antonio aurum calcinari statuunt. Recipit auri quantum libet, addit salem communem seu esculentum, & hæc duo in igne reverberii collocat, adhibito eo ignis gradu, ne aurum fundatur, sed ut spiritus salis acres saltem corpus auri penetrent, & ad minima solvant, ac spongiæ instar raram faciant. Calcem hanc postea à sale abluit & exiccatur. Sed & hic quaestio est, an nihil de spiritibus salinis auro cohereat, & an sine corrosivo facta sit calcinatio. Auro hoc modo calcinato affundit suam aquam cœlicam Raymundinam dictam, quæ proculdubio nihil est, quam spiritus vini sale proprio fortior redditus. In qua solutione sal volatilis, qui est in menstruo, auro se unit, & facit, ut non solum in liquore, quod salium est, dissolvi, sed & in altum elevari possit. Interim auri natura & substantia manet integra. Qui verò aurum potabile promittunt, quod sine rei alienæ additione liquiditatem habeat, iis hoc probandum, quod cum in calcinatione tum in solutione nihil adhibuerint, in quo salis aliquid insit. Sive enim aquas fortes, sive salem communem, sive spiritum ejus, sive etiam spiritum vini & salem

urinae adhibuerint, sal volatilis salis fixo, qui in auro est, adhærescit, & cum eo per minima unitur. Salis verò cum sit in humido liquefcere, aurum etiam cum sale sibi unito in humido liquefcit. De qua re, ne hic actum agam, videatur Angel. Sala, in *Chrysiologia*.

Alii recipiunt vitriol. Ungaricum bene purgatum, atque inde spiritum & oleum destillant. E capite verò mortuo salem aqua destillata eliciunt. Salis parti uni spiritus & olei destillati partes duas in retortâ affundunt, & in B. octo diebus digerunt. Hinc igne patenti destillant. Capiti mortuo, seu ei, quod post distillationem hanc relinquitur, spiritum destillatum iterum affundunt, per biduum digerunt, iterumque destillant, idque sexies repetunt, ultimò rectificant. Hinc B. partem unam auri foliati, & partes quatuor hujus menstrui, digerunt per mensuram. Si aurum sit prius præparatum, brevius tempore fit solutio. Tandem B. mercurium ex oleo vitrioli (ita ut parti j. mercurii, partes ij. ol. vitrioli affundantur) quater destillati partes iij. solutionis auri prioris part j. Digerantur in phiolâ Hermeticè clausa in athanore, gradu caloris, qui haberi potest, lenissimo seu igne lampadis per mensem & corpus nigrum evadit; calor mense secundo & tertio augeatur paulum, & corpus album redditur; mense quarto & sexto purpureum evadit. Tandem adhibeatur quartus

tus gradus, & redditur corpus rubrum. Hic calor continuetur adhuc quatuor mensibus, donec materia in corpus rubrum Medicinæ utilissimum convertatur.

Si quis vult, qui, sine ullo sale, vel mercurio, vel liquore ex eo, aut alio corpore metallico huic cognato, ob materiæ similitudinem, & omnino mēstruo, quod universale appellant, aurum solvi, & in utile medicamentum verti posse putat, cum eo equidem non pugnet; modò res promissis respondeat, neque ei suam peritiam hæc in re invideo. Ejus tamen fuerit, commodum, quod è tali medicamento in plurimos redundare posset, tot agris non invidere, & si artificium alios celare velit, publica tamen in medendo specimina edere.

De reliquis vero preparationibus, quæ vulgò habentur plurimæ, ita sentio, pluribus modis ad eundem finem perveniri posse, atque in omnibus agi, ut corpus auri, quod est densum & summè compactum, in subtilissimas partes & minutissimas atomos resolvatur, ut ita facilius in corpore vires suas exferere possit. Ideoque et si alii alius menstruis utuntur: omnibus tamen id agitur, ut in subtilissimam calcem corpus auri redigatur, ita ut tandem in spiritu vini, vel etiam quovis liquore solvi possit. Itaque menstrua primò fortiora & magis corrosiva, hinc mitiora adhibentur. Et si quod menstruum naturæ

inimicum videtur, id ablutione vel igne separandum. Aurum tamen non per se in liquorem resolvitur, sed ob sale mēstruo admixtum.

Antequam verò hisce de auro finem imponam, Primò hoc addendum, me in præfatione editionis primæ mentionem fecisse Gallinæ aureæ & argentæ Philosophicæ. Ediderat enim eo anno Prognosticum Astrologicum D. Franciscus Wendlerus, Medicus Gorlicensis, in quo inter alia hæc habet: *Hoc loco facere non possum, quin mentionem faciam, quâ ratione gallina foliis auri & argenti cum saginâ reliquâ cibanda sit; & quàm mira meis oculis viderim, referam.* Cum ☉ signum ♄ ingreditur, quod 22. Junii eveniet, gallinam aliquam, quàm fieri potest, optimè saginâ. *Sagina folia argenti insperge: quorum quò plura cum cibo ingerit gallina, eò melius sese res habet. Primis quidem quatuor diebus argentum cum excrementis per album rejicitur; quinto vero vel sexto die assvescit ventriculus argento, idq; arripit & immutat in suam quintam essentiam, melius, quàm Chymicus aliquis. Si mensem unum ita gallinam nutriveris ac saginaveris, mactare eam licet, & mira videbis. Quæ domi meæ saginata & mactata est, candida fuit, instar argenti: Intus viriditas tanta apparuit, qualem nec Chymicus arte ex argento parare possit. In massa illa, quæ ova continet, innumera ferè ova magna & parva apparuerunt, quasi ab artifice*

artifice aliqua ex argento formata essent. Postea, quando ☉ in ♀ ingreditur, quod accidit 23. Julii, alia gallina eodem modo nutriatur auri foliis. Hoc modo meo suasso, nutrita & saginata est gallina à senatore quodam hic primario & lautioris fortune, qui cum uxore, Dei beneficio, adhuc in vivis est. Comederat illa gallina quatuor circiter volumina (4. Büchlein) aurimalleando in folia ducti. Ubi mactata fuit, mirum, quam pulchra & pura intus fuerit. In pectore verò tres lineas purè aureas habuit, quasi ab artifice aliquo inducta fuissent. Hæc D. Franc. Wendlerus. Quæ tum lectorem celare nolui. De quo ut aliquid amplius addam, feci eo ipso anno, eo modo & tempore, quod præscripsit, periculum, sed nihil tale in Gallina, quale ille describit, reperire potui. Ideoq; ipsum ea de re semel atque iterum literis compellavi: Etsi verò idem factum affirmaret: tamen cum non nihil titubare mihi videretur, idem in auro experiri non libuit. Neque tamen id planè negare volo, sed quilibet hæc in re periculum facere liberum relinquo. Etsi enim in argento non successerit, forsan in auro succedere potest. Sunt enim mirabiles rerum sympathiæ. Et memini Plinium, lib. 29. nat. histor. cap. 4. scribere: Si auro liquefacto gallinarum membra misceantur, consumunt id in se. Ita hoc venenum auri est. Quò facit & id, quod Zacharias à Puteo, in clavi Medica spagyrica & chirurgica habet: Dum Patavii, inquit, studiis operam darem, accidit, quod gallina

quedam domestica mensam. ascendit, super quam muliebria ornamenta reperiebantur, & inter alia pretiosa, quædam margarita (quæ pendeat annexa cuidam inauri industriosè ab artifice constructa & quibusdam aureis cucullis circumcirca obducta) quam margaritam unà cum inauri gallina deglutivit, & deinde quatuor aut quinque horis transactis prædicta inauris jacturâ detecta, ancilla quædam id fecisse gallinam pensavit, quoniam superioribus diebus eandem gallinam quandam Italiæ Gazeta dictam deglutivisse animadvertit. Itaq; gallina illa interfecta, statimq; ei ventriculo semota ac inciso unà cum margaritâ in aurem, nondum in ventriculi cavitatem trajectam, sed in ejusdem orificio contentam, calidissimam tactusq; cere aut paste instar eedentem invenimus, & ipsius ornamenta penè ab ejusdem calore consumpta erant, quæ inauris brevi temporis curriculo deinde cum refrigerationem suceperit, ac caliditatem contractam dimiserit, dura evasit, sicuti prius reperiebatur, omni ejus formâ & venustate orbatâ, ac demum cum alterâ inauri ponderata, tertiam partem ejusdem ponderis penè amiserat, quòd cum visum & à nobis observatum fuerit, illud pro comperto affirmare possumus, & increduli hoc negantes periculum faciant, & nos veridicos invenient. Hæc ille. Ac proinde experientia, optima in Phisicis rerum Magistrâ, porrò consulenda erit.

Deinde de viribus auri in Medicina ut aliquid addamus, Ego primum equidem omnia illa, quæ cum antiqui

antiqui, cum recentiores de auri in Medicina usu scripserunt, in dubiū revocare nolo, neque tamen etiam hic congerere. Collegit ea Francisc. Anton. in tractatu suo de auro potabili, tum etiam suas experientias addidit. Aurum autem duobus modis exhiberi potest, vel integrū, aut in folia redactum, & aliās nihil immutatum, vel arte Chymicā resolutum. Priorem modum quod attinet, hoc modo aurum exhibitum, planè improbant non solum Chymici plerique, sed & Galenici nonnulli, qui auri in Medicina usum nullum esse existimant, & unico fere id probare conantur (nam quæ de incrustatione & inauratione ventriculi & intestinorum, & ita coctionis impedimento objicit Paracelsus, nullius momenti sunt) quod aurum nimis compactum & durum sit, & cui etiam extremo calore & igne fortissimo adhibito nihil deperat, & proinde à calore nostro vinci: & in actum deduci non possit, sed integrum rursus per alvum excernatur, atque ita sumtus saltem inutiliter profundantur, ad ægrum verò nihil commodi & utilitatis inde redundet. Verum ratio ista mihi satis firma non videtur. Etenim actiones illæ occultæ, & quæ magnetica dicuntur, in integris sese exerunt, & à formâ totius fluunt, atque eâ destructâ, vel etiam corpore corrupto & immutato evanescent. Magnes integer ferrum trahit; quod oleum, si à Chymico in id

resolvatur, non præstabit. Talia multa in Medicina occurrunt. Lepis lazuli saltē pulverisatus purgat; Antimoniū & aliā mineralia & metallica, etiam Chymicè non præparata, quæ à calore nostro nullo modo vinci, quorumque compages ab eodem, solvi non potest, nihilominus occulto modo in corpus nostrum agunt, idque variè efficiunt, ut ipsa experientia docet.

Ideoque si aurum tales occultas qualitates habet, eas etiam integrū & non resolutum exserere potest. An verò habeat, experientia consulenda. Tribuerunt eas illi tot docti viri tot seculis, quibus non libenter refragor. Chymicè verò resolutum & præparatum quod multas vires habeat, extra dubium esse puto; cum id experientia testetur. An verò etiam insignem vim occulto modo cor confortandi, spiritusque reficendi habeat, de eo suum cuique iudicium relinquo. Tutissimum est, quemvis non quæ legit vel audivit, sed quæ ipse expertus est, hic statuere. Aliās verò vires plurimas habere aurum certum est. Sed quænam illæ sint, non omnes idem docent. Sunt quidam, qui id penè pro panacea habent. Verum etsi plurimis morbis, iisque periculosissimis medeatur: tamen omnes non tollit, neque quos tollit, solum tollit, sed & aliis Medicamentis opus est. Imprimis verò in cacochymia pertinaci & penitus partibus infixâ tollenda utile est, eodem fere modo, ut

antimonium debito modo præparatum. Unde, ut ipse Fr. Antonius scribit, sæpe supervenit nonnunquam vomitus, aut urinæ copiosa emissio, aliquando alvi subductio, pro humoris & naturæ ad hunc vel illum locum inclinantis & vergentis ratione. Et rem ita sese habere, comperiet, qui historias per aurum potabile curatorum diligenter perpendet. In sanis verò vix aliquem ejus usum esse puto: aut si sanis datur, non nisi neutris corporibus ad præservationem utile est, ut ab epilepsia, apoplexia, lepra hydrope, cancro, arthritide, febribus & ejusmodi morbis è cacochymia ortis tuæatur, exhibetur, ut ipse Franc.

Antonius fatetur.

### Conclusio.

ATque ita, *Lector benevole*, totius Chymixæ ambitum, quatenus quidem Medico præcipue utilis est, vides, & locos communes habes, ad quos, quæcunque in lectione Chymicorum occurrunt, referre poteris. Etsi enim ex ea quidam nescio quem labyrinthum efficiunt: tamen Ariadnæ hoc filum si sequaris, tutò in ea versari poteris. Nec malè scriptum puto ab Angelo Sala, *Aphor. Chymiatr. sect. 2. aph. ult.* Studiosum Medicinæ boni judicii atque impigrum intra menses sex præter propter tantum in Chymia posse addiscere, quantum ad usum Medicum satis sit.

Quid de causa ut iis debentur gratiæ, qui rem planam difficilem non reddunt, sed nihil, quod sive ad intelligendum, sive ad investigandum, sive ad operandum prodesse possit, occultant, sed liberaliter sua in publicum communicant: Ita contra valdè peccant ii, & minimè rebus Chymicis consulunt, qui quamvis totam ætatem in laboribus Chymicis infumserint, & magnam in experiundo auri argenti-que vim prodegerint: nihil tamen in commune conferunt, sed secum ea, quæ invenerunt, intermori patiuntur, & talentum sibi concredutum cum servo illo scelesto perfidè defodiunt.

E qua invidorum classe eximendi non sunt ii, qui cum de rebus Chymicis contrarias sententias non solum fovent, sed & magno conatu publicè defendunt, & quidem eas, quæ non rationibus & demonstrationibus, sed solum experientia & sensuum fide definiri possunt, nihilominus uterque eas, quas jactat, experientias celat, & lectorem hiantem & veritatis avidum, jejunum dimittit, & multas bonas horas vacuo scripto surripit, dum hic ait, ille negat, hic negat, ille ait. Cùm tamen, & sæpe in re exigui momenti, & quam si quis norit vel ignoret, non multò doctior vel indoctior evadit, paucis verbis res componi posset, si uterque suum, cui fidit, operandi modum sine invidia & ambagibus proponeret, & lecto-

lectorem idem experiri, atque secundum id, quod experientia monstrabit, judicare sineret. Ita enim uno mente controversiæ multæ componi possent, quæ sæpe multis annis agitantur. Sed quia multi victoriam potius, quam veritatem in disputationibus suis quærunt, id, quod veritatem facile monstrare, & concertationibus finem imponere posset, supprimunt.

Nec minus peccant ii, qui obscuris & perplexis descriptionibus sua in publicum produnt, quæ interdum planè occultari, quam hoc modo in publicum prodire tutius esset, de quâ re etiam supra dictum. Nam periculosum est parabolicas tales descriptiones sequi, quæ facile errandi, & ægris nocendi occasionem præbere possunt. Et quamvis Quercetanus aliique scribant, obscura ista satis significativa esse, & à veris Philosophis, quique absconditam Philosophiam norint, satis intelligi: tamen an apprimè ea significativa sint, quæ longè petitis similitudinibus, & quæ pluribus applicari possunt, definitur, facile quilibet judicare poterit. Quasi verò etiam Philosophus non sit, qui non sit Oedipus. Et abscondita illa Philosophia tam parum sibi constar, & tam varia est, quam varia Paracelsistarum capita; cum quis liberè & luculentissimè quælibet fingat, ac certum sit, si antiqui illi peritissimi ac doctissimi Chymici, adeoque Hermes re-

viviscerent, eos hanc Philosophiam & verborum ænigmata non intellecturos. Et quò, quæso, sine sua in publicum edunt, si intelligi non velint? Nam eos, qui antea ea intelligunt, ut doceant, necesse non est. Imò eos, qui antea rem norunt impropriis sæpe suis locutionibus turbant. His verò, qui ea non intelligunt, errandi, ac tempus & sumtus perdendi occasionem præbent. Et si causam investigemus, cur obscuram istud loquendi genus affectent, & ænigmatice loquantur multi Chymici, causa præcipua est, ut judices, cum quibus ipsis res est, ludant. Cum enim ejusmodi empiricorum medicamenta, quæ sæpe Magnatum magnis sumptibus & expensis conficiant, interdum doctis Medicis & Chymicis quoque petitis censenda exhibeantur, ænigmatibus suas suas operationes involvunt, ut vel Medicis inscitiam exprobrare possint, vel medicamenta, quæ pro beneficio quibus secretis venditant, vulgaris esse, & aliis saltem nominibus insignita & magnificis titulis commendata non agnoscatur.

Verum istis mistis, viros doctos & bono publico natos, quales Germania nostra, quæ hodie Chymicæ peritiæ nulli Nationi cedit, habet non paucos, merito illo, qui hexametrorum omnium primus fuisse perhibetur, versu alloquor: *Συμ-  
Φέρειτε ἀπὲρὰ διανοδὶ, ἀνθητὲ μέ-  
λισσαι.* Nemo enim se solum sa-

sapere aut omnia in hoc genere perspecta habere, sibi persuadeat; sed, ut Cicero ait, *optimus & gravissimus quisq; confitetur, multa se ignorare, & multa sibi etiam atque etiam esse discenda.* Et rectè Scaliger, *exerc. 148. sect. 4.* scribit: *Ego nequaquam homines esse nos dicere consuevi, sed partes hominis. Ex omnibus enim aliquid fieri posse; idq; non magnum: ex singulis penè minus, quàm nihil.*

DEUS Opt. Max. qui Medicum & Medicamenta creavit, omnium consilia & cogitationes dirigat, ut ad artis Medicæ & Chymicæ *σοφειας* stabilendam, veræque Medicinæ incrementum, atque adeo humani generis commodum tendant, faciantque.

ILLI SOLI HONOR  
ET GLORIA.





# I N D E X.

A.

<p><b>A</b>cria omnia an propter salem. p. 277</p> <p>Actiones natura sunt ordinatae 108</p> <p>Actiones multae à forma substantiali, non mediante temperamento fiunt 344</p> <p><b>A</b>egyptiorum libri Chymici à Diocletiano combusti 26</p> <p>Aër Chymici instrumentum 388</p> <p>Aër qualitates 78</p> <p><b>A</b>es Esdra an Chymicum fuerit 25</p> <p><b>A</b>es Indicum <i>ibid.</i></p> <p><b>A</b>estatis &amp; hyemis causa sec. Parac. 194</p> <p><b>A</b>natomia vitalis Chymicorum localis 251 250</p> <p><b>A</b>nima mundi Platon. de anima mundi Aristotelic: sententia <i>ibid.</i></p> <p><b>A</b>nima vires 88. 89</p> <p><b>A</b>nima an actu in semine operationes anima in semine 95. 99</p> <p><b>A</b>nima non est ex Elementis corporis formatrix 118. 197. 89. 90. 98</p> <p><b>A</b>nima matris non est formationis causa 100</p> <p><b>A</b>nima potestas in corpore formando unæ 89</p> <p><b>A</b>nima asin dicuntur Severino 88</p> <p><b>A</b>nimatum corpus omne an sit organicum 111</p> <p><b>A</b>nimator. propagationis modi 98</p> <p><b>A</b>nimalia ex putredine nata an sint ejusdem speciei cum aliis 205</p> <p><b>A</b>nnulus Trallian. contra Colicam 337</p> <p><b>A</b>nseres Scotici 201</p> <p><b>A</b>ntiquorum errores ut tractandi 18</p>	<p><b>A</b>ntiquorum inventis &amp; laboribus cavere non possumus <i>ibid.</i></p> <p><b>A</b>poplexia generatio sec. Scheunem. 286</p> <p><b>A</b>qua Chymici instrumentum 389</p> <p><b>A</b>guas &amp; spiritus parandi ratio 402</p> <p><b>A</b>rabes Chymiam exercuerunt 25</p> <p><b>A</b>rchaus Paracelsi 54</p> <p><b>A</b>rgonautica expeditio 23</p> <p><b>A</b>ridura Scheuneman. 291</p> <p><b>A</b>rmatura Martia 220</p> <p><b>A</b>rthritis generatio sec. Scheuneman. 288</p> <p><b>A</b>rtificiale quid 156</p> <p><b>A</b>stra quid Paracelsi 86</p> <p><b>A</b>strorum fructus 193</p> <p><b>A</b>urum Chymicum an sit verum aurum 12</p> <p><b>A</b>uri proprietates <i>ibid.</i> vires 40</p> <p><b>C</b>hymica arte facti historia 11. 13</p> <p><b>A</b>urum fulminans 364. ejus vis 410</p> <p><b>A</b>ureum vellus 23</p> <p><b>A</b>uxilium num à diabolo petere liceat non licere 222 227</p>
---	--

B.

Bitumen Libavio idem, quod Chymicum Sulphur.	184
Bombyces	199

C.

Cabala Antiquis quid 2. 8. quotuplex <i>ibid.</i>	
Canticum canticorum male ad Chymiam pertrahitur 24	
Calcinatio qualis sit operatio Chymica 390	
Calor Chymici instrumentum 387	

# INDEX.

Calidum innatum an sit Elementaris natura 115. ab elementari differt 123 cælesti analogum. 126	Chymiatría 15
Calori cælesti frigus elementare non contrarium 123. de calore cælesti doctor. quorund. sentent. 126	Chymica præparationes an nove ibid. an medicamentor. virtus bis destruatúr 373
Cerebrum in Epilepsia affici unde constat. 305	Chymica medicamenta efficacia 15. grata 16. durabilia ibid.
Chaos. 196	Cibi suaves cur utiles 234. ex insuavi etiam per se. bono quidam in febrem inciderunt ibid.
Characteres & Sigilla diaboli tessera militar. 340 & 341. eorum vis unde 337. refutatur 339	Circulatio quid sit? 394
Chrysopæia difficilis & periculosa 13. eâ promittentiũ impostor. fallaciæ 16.	Coagulatio quid 394. 214.
Chymia nomen unde 1. appellatur Spagyria ibid. Ars Hermetica 2. Ars perfecti Magisterii ibid	Cognitionis initium à sensib. 58
Chymia quid 9. 386. non est scientia 8. non est pars Physicæ nec ei subalternatur ibid. per se est Ars 3. Physico utilis & necessaria 16. itid. Medico 15 an ab Arabib. primum pauca antea secula inventa 9. Adamo an nota. ib.	Cognoscendi facultas duplex homini data ibid.
Chymia origo ibid.	Cobobatio quid 394
Inventor Tubalcain ibid	Colicæ causa sec. Severin. 279
Chymia finis duplex 3. 386. externus & internus ibid. veritas & dignitas. 10	Colores unde 186
Chymia subjectum 386. Media ibid. Instrumenta ibid.	Comparisonibus & Analogia quantum tribuendum 66
Chymia an novam pariat Philosophiam & Medicinam 7. an opus habeat novo stylo 54	Concretio quid 394.
Chymici quinam 2. Recentior à Paracels. in quibus dissentiant 260	Concretio dupl. 175
Chymici veri qui 384	Concretio salium 176
Chymicus circa quid versetur 2. quomodo circa corpora naturalia ibid. nõ medetur 8	Contraria contrariis tolluntur 377-379
Chymicus & Pharmacopæus in quo conveniant & differant 4	Coralliorum magisterium 405. tinctura 406. oleum ibid.
	Corpora natural. proxima principia 138.
	ordo ibid. corruptio natural. 155. violenta ibid. resolutio non semper fit in Elementa. 159. de resolutione corpora natural. quomodo judicandum 161
	Corporea an ex incorporæis fieri possint, & contra 198
	Corpus homini dupl. sec. Chym. 243
	Creationem duplicem faciunt Chymici 260
	Crollii impia de fundamento Magiæ Cabalist. opinio 223
	Cuprum ex ferro esse verum cuprum 10
	Cumtio an contrariis an similibus instituenda 377 sumi-

# I N D E X.

<p>familibus sec. Chymic. <i>ibid.</i> &amp; seq. 378            decisio quest. 378</p>	<p>tur 391. 402. ad quod genus operum            Chymicorum pertineant 399            Exiccatio qualis sit operatio Chymica 390            Extractio quid sit Chymicis 391</p>
<p>D.</p>	
<p>Deliquium quid sit Chymicis 394            Democritus 25            Destillatio qualis sit operatio Chymica 391            Destillata 399            Διάξευσις qualis sit operatio Chymica 389. est triplex <i>ibidem.</i>            Diæta ad morbos curandos necessaria 313. à Paracels. neglecta <i>ibid.</i>            Deus nihil mali creavit 260            Diei &amp; noctis causa sec. Paracels. 194            Discrimen inter Chymic. principia &amp; Elementa 163            Doloris causa 282. vehementia unde <i>ib.</i>              an tantum à spiritibus salium 280            Dolentibus an saporum nominatribuen-              da 282            Dûritiei causa 174            Δυσάθεις Hippocrat. 139</p>	<p>Facultas natural. an in morbis cesset 308            Febrium generatio sec. Severin. 278              Scheuneman. <i>ibid.</i>              periodorum causa sec. Severin. 307              continuitat. &amp; intermittentia causa <i>ibid.</i>              improbatur 308            Febres continua ex humoribus mixta              frequentissime <i>ibid.</i>            Fel au pars corporis 247            Ferrum in cuprum mutatur 10            Fides miraculosa 222              natural. Paracels. figmentum 223            Fixorum differentia 214            Fixum, &amp; fixatio quid 213. 394. 395            Flores 399            Fluxum alvi causa sec. Scheuneman. 290</p>
<p>E.</p>	
<p>Elementum quid 77            Elementorum vires 78. fructus 75. di-              visio sec. Severin. 75. Paracels. 77            de Elementis sententia Crollii 75              Quercetan. 76. Béguin. <i>ibid.</i>            Elementa quomodo in Misto maneant 210. iis non solum inhærendum 80            Ens Deale, Astrale, mentale, naturale,              Pagoycum Paracels. 268            Erucarum &amp; papilionum generatio 199            Extracta &amp; separata Chymica an in-              sint in integro 374            Essentia hodie dicta quomodo paren-</p>	<p>Fæmina quid ad generationem conse-              rat 102              quomodo in se generet <i>ibid.</i>            Fomitis in morbo investigatio diffi-              lima 306            Forma quid 87. 88              Unde suas vires habeant 99. 108              an educantur è potentia materia 93              de origine formarum sententia va-              ria 92              sententia Peripateticorum 93              Autor 94            Forma omnis sui multiplicativa <i>ibid.</i>              Forma</p>

<i>Formae an misceantur</i>	105	<i>Tabula Smaragdina</i>	21
<i>non sunt extra Ind. vidua suarum</i>		<i>Hermes Arabs an aliquis fuerit</i>	<i>ibid.</i>
<i>specierum</i>	109	<i>Hermetici hodierni</i>	<i>ibid.</i>
<i>subordinata</i>	109	<i>Hesperidum poma</i>	24
<i>Forma &amp; semina rerum non latent in</i>		<i>Hippocrat. Orcus 191. Lux</i>	<i>ibid.</i>
<i>abyssis</i>	197	<i>Homo quomodo, microcosm. sec. Paracels. 60. 64. &amp; quomodo sec. Peripat.</i>	61
<i>Formatricem vim investigare difficile</i>	91	<i>Homo invisibil. Chymic.</i>	244
<i>Formationis causa princeps est in semine 36. non potest esse aliquid externum</i>	106	<i>Hominis creatio</i>	<i>ibid.</i>
<i>Formationum causa in semine est anima</i>	97	<i>corpus, sec. Paracels. dupl.</i>	61
<i>Fungor. decoctio vel succo arborum radicibus affuso fungi nascuntur</i>	203	<i>partes Mundi partibus ut respondeant</i>	62
<i>Fundamenta Medicina sec. Chymic.</i>	26	<i>partium cum Planetis convenientia</i>	<i>ibid.</i>
<b>G.</b>		<i>Humor quid Galen. 249 sunt morborum causa. 258. sunt corpora mista, quantum morborum cause</i>	263
<i>Galenici qui</i>	384	<i>Humorum natura quomodo explicanda</i>	264
<i>Galenici Chymiam coluerunt</i>	16	<i>Humorum doctrina difficilis</i>	266
<i>Gallina auro &amp; argento quomodo saginanda</i>	429	<i>Humorum differentia à principis Chymicis non negligenda</i>	<i>ibid.</i>
<i>Generationis opus admirandum</i>	91	<i>Humores alimentarii &amp; excrementitii an differant specie</i>	250
<i>Generatio quid Chymic.</i>	190	<i>Humorum vitiosorum origo</i>	265
<i>Generatio in globo inferiori</i>	192	<i>Hydropis causa</i>	293
<i>Generatio animal, plantar, mineral, ex Cagastro, Iliastro Paracels.</i>	<i>ibid.</i>	<i>Hydrops non est ex Sale resolutus quando incurabilis</i>	<i>ibid.</i> 311
<i>Generatio equivoca an detur</i>	293	<b>I.</b>	
<b>H.</b>		<i>Iliadus Paracels.</i>	54
<i>Hellebori nigri folia ferè lapidi Philosophico equiparantur à Scheunem.</i>	316	<i>Imaginationis vires sec. Paracels.</i>	224
<i>Hermes seu Mercurii plures</i>	20	<i>Effectus miri 231. de hujus viribus opinio falsa fons operationum magicarum</i>	242
<i>Hermes Trismegist. quo tempore vixerit.</i>	<i>ibid.</i>	<i>Imaginatio non agit in corpora 231. an agat in externa 235. 241. quomodo humores &amp; spiritus moveat 231. quomodo</i>	
<i>doctissimus</i>	<i>ibid.</i>		
<i>Hermetis an sint libri genuini, qui hodie ejus nomine circumferuntur.</i>	22		

# I N D E X.

modo corpus alteret. <i>ibid.</i> quomodo	<i>Magia</i> quotuplex	122
morbos pariat 232. quomodo mor-	Naturalis 123. Veterum 242. Para-	
bos curet 233. quomodo pestem indu-	celsi. impia 221. Paracelsica funda-	
cat 232. quomodo fœtum mutet 237.	mentum	217
238. quo tempore ei notas imprimat	Vis à diabolo 222. species sex	217
240. quales notas ei imprimere possit	<i>Magica</i> ut dignoscenda	228
<i>ibid.</i>	pro qualitatibus occultis non vendi-	
<i>Immutatio</i> quale sit operationum Chy-	tanda	346
micarum genus	<i>Magisterium</i> quid Chymicis	395-397
<i>Incantatio</i> per imagines	Duplex	398
<i>Inflammabilitas</i> unde	<i>Magisteria</i> an rectè dicantur sales <i>ibid.</i>	
<i>Inflammationum</i> generatio <i>sec. Seve-</i>	<i>Magisteria</i> Perlarum, Coralliorum & c.	
<i>rin.</i>	an sint præstantiora vulgari modo	
<i>Causa</i> externa	preparatis?	398
<i>Intemperies</i> à Paracelsic. rejiciuntur	<i>Margaritarum</i> magisterium	408. spi-
	ritus & oleum	<i>ibid.</i>
<i>Inventa</i> nova non rejicienda	<i>Magnetica</i> actiones quæ & unde dictæ	
	343. Curationes 342. 345. Erast. hoc	
	negat.	343
	<i>Maria</i> Mesis soror an fuerit Chymia	
	perita	223
	<i>Materia</i> prima Paracelsi.	66
	recentior Chymic. 69. Aristotel.	71
	<i>Materia</i> duplex, permanens & tran-	
	siens	151
	Ma <sup>s</sup> quomodo in alio generet	102
	Maximi Olybii lucerna	26
	<i>Medicamenta</i> Chymica composita	401
	<i>Medicamenta</i> Chymica ex animalibus	
	406. ex eorum partibus <i>ibid.</i> & seq.	
	Antimonio	413
	argento	425
	arsenico	412
	auro	427
	chalybe	425
	gemmis.	412
	mercurio	418
	nitro	409
	plumbo	424
	resinis, gummi & lacrymis	405
	salibus	
		336

## K.

*Κεχηεα* doctrina qua 60

## L.

*Lampas* vitæ & mortis Ernest. Burg-  
grav. 346

*Lapidescentia* 180

*Lapidescendi* vis sine sale non est *ibid.*

*Libavii* objection. contra seminum vi-  
tam diluuntur à 101. usq; ad 106.

*Libri* Chymic. an omnes Author. quo-  
rum nomina præ se ferunt 27

*Loci* affecti signa 306

per medicamenta exploratio pericu-  
losa. *ibid.* ægri relatio ad hujus co-  
gnitionem multum facit *ibid.*

*Lumen* gratia Paracelsi. 56

*Lux* Nature Paracelsi. quid. 56. 59

## M.

*Magia* origo

salibus	408	rio cautius usurpanda	363
stanno.	425	Metallica an sola, reliquis rejectis,	
succino	408	usurpanda	364
sulphure	411	Medicamenta fortiora interdum usur-	
tartar. o	405	panda 367. quando vegetabilia, vel	
venere	425	metallica 365. qua cautione ibid. 370	
vitriolo	412	Medicamentorum Chymicorum & Ga-	
Medicamenta Mineralia & Metallic. 16		lenicorum collatio 367. Galenicorum	
à Chymicis commendantur	355	assertio 368. Chymicorum assertio	
Medicamenta naturalia à Magicis ut di-		ibid. 371. Galenicane an Chymica	
scernenda	229	preferenda 371. quando bis, quando	
Medicamēta vulgaria nō rejicienda	349	illis utendum.	ibid.
non frustra habēt diversas partes	357	Medicamenta cū ratione usurpanda	375
Medicamentorum varietas non frustra		Medicina universalis an detur	313, 320
data	322	rationes pro universali Medicina ibi-	
Medicamenta utilia an salva conscientia		harum solutio ibid. rationes contra-	
à Medico Christiano possint occultari	315	universalem medicinam.	322
Medicamenta pauca, probata tamen, &		Mel & saccharum an medicamentis ad-	
propria in usu habere prestat	349	miscenda	361
Medicamentorum compositiones &		Menstruum Chymicis quid.	387
preparationes vulgares. cur Chymici		Mercurius an sit venenatus	422
rejiciant 350. & seq. de medicamē-		Mercurius Metallorum	423
tis compositis Author. sententia	358	Mercurius quid Chymic.	128. 88.
Medicamenta an semper Chymica præ-		in-plumbum mutatur.	12
paratione indigeant ibid. an Chymicè		Mercurius pneumosus Scheuneman. 284.	
preparata semper præstantiora sint?	400	Cremosus ejusd. 285. sublimatus	287
Medicamentorum compositionis causa	359. & seq.	precipitatus.	288
Medicamentor. dosi parva quanti ha-		Metalla an possint transmutari 10. reli-	
benda	360	qua an possint in aurum transmuta-	
Medicamenta ut decoquenda 361. ut in-		ri 11. Transmutationis historia	12
fundenda	ibid.	Metalla & lapides an vivant 111. an cre-	
Medicamentis quando vulgarib9 quan-		scant 113. an semen habeant.	ibid.
do Chymicis utendum 362. Exoticis		non sunt tantum mista.	111
an utendum	ibid.	habent suas formas specificas	ibid.
Mineralibus & Metallic. an utend.		renascuntur 112. renascentium histo-	
	363. 369	ria	ibid.
Medicamenta ex Antimonio & Mercu-		Metalla an sint corpori nostro inimica	364
		an in corpore nostro possint in aëre	
		deduci.	ibid.
			Metall.

# I N D E X.

<i>Metalla an in partes diversas resolvi possint</i>	417	<i>morborum medicatrix</i>	309-382
<i>Metalla an possint fieri potabilia sine alterius rei additione</i>	394-397	<i>conservanda per similia</i>	377
<i>Meteorolog. Paracelsi absurda</i>	298	<i>Natura Fis</i>	89
<i>Mistorum generatio</i>	137	<i>natura beneficio Crises sunt</i>	309
<i>Mista duplic.</i>	374	<i>Natura in morbo. pelleno quid possit, quid Ars</i>	383
<i>Mistio sec. Chymic. 194. In Mistione an solo qualitates primæ operentur</i>	206	<i>Nitrum an inflammabile</i>	409
<i>Mistionis princeps causa</i>	207	<i>Nitri &amp; sulphuris antipathia</i>	ibid.
<i>Monachi Chymia cultores</i>	27	<i>Nomina trita non temerè mutanda</i>	249
<i>Morbis unde nomina imponenda</i>	264	<i>Nox Orphei</i>	192; 196
<i>Morbi, causa &amp; symptomata à Paracelsi. confunduntur</i>	252	<b>O.</b>	
<i>Morbi Paracelsi substantiæ quasi plantæ generantur</i>	255	<i>Olea parandiratio</i>	403
<i>Morborum semina</i>	ibid.	<i>Olea per deliquium parata</i>	396
<i>Morborum seminum origo generatio sec. Severin.</i>	257	<i>Olea &amp; spiritus an differant specie</i>	403
<i>differentia sec. Paracelsi.</i>	268	<i>Oleum Garyophyllorum expressum</i>	ibid.
<i>Monarcha sec. Severin.</i>	269	<i>Oleum Talei</i>	412
<i>Morbi salini</i>	273	<i>Oleo succini duo infantes necati</i>	376
<i>Sulphuris bid. Tartarei</i>	274	<i>Operationes Chymica quot</i>	389
<i>Morbi compositionis saltem pro actionum impedimento habentur à Paracelsi.</i>	258	<i>Opera Chymica 395 quotnam sint</i>	396
<i>non ex seminibus oriuntur</i>	259	<i>Oratio obscura vitiosa</i>	52
<i>Morborum semina rejiciuntur</i>	259 268	<i>Orationis Virtus perspicuitas</i>	55
<i>Morbus quomodo contraria indicet</i>	378	<i>Origo &amp; propagatio rerum naturalium</i>	196
<i>Morbificis causis an convenient contraria</i>	379	<b>P.</b>	
<i>quomodo</i>	380. & seqq.	<i>Paracelsi nativitas</i>	27; 35
<i>Mulus quomodo generetur</i>	105	<i>Genus</i>	31
<i>Mundi major. &amp; minor. analogia</i>	60	<i>Vita dissoluta</i>	49
<i>deciso questioni de hor. analogia</i>	63	<i>Modestia 28. Bibliotheca. 37. Præceptores 34. dogmata absurda 38. impia 40. 41. medicamenta 44. &amp; 45. Curationes infelices 47. peregrinationes 35. Mors 36. Encomia 30. Eruditio</i>	38
<i>Mysterium Paracelsi quid</i>	68	<i>Paracelsus linguarum ignarus 37. Magia Studiosus 50. Chirurgus 47. Ulcera, neglecta diata, feliciter curavit 33. Sacra parum curavit ibid. Sua ebrius distavit</i>	32
<i>quotuplex</i>	ibid.	<i>novas creaturas introduxit</i>	41
<i>Mysterium magnum unde finxerit. ibid.</i>			
<b>N.</b>			
<i>Natura Dei ministra</i>	90		

# INDEX.

<p><i>Paracelsus unde dogmata sua hausit</i> 34  <i>de Mose</i> 41. <i>de Resurrectione mor-</i>  <i>tuor.</i> 42  <i>de Carne Christi quid senserit</i> <i>ibid.</i>  <i>quos morbos curaverit</i> 45  <i>an desperatos curaverit</i> 48  <i>an iustis de causis nova vocabula u-</i>  <i>surpaverit</i> 51  <i>Paracelsi sectatores</i> 28  <i>Paracelsistarum cognoscendi modus</i> 55  <i>Pathemata animi quomodo fetum af-</i>  <i>ficiant</i> 237  <i>Pharmacopoeus non est Medicus</i> 376  <i>Philosophia vitalis Chymic.</i> 135. 215  <i>Physica doctrina unde extruenda</i> 73  <i>Plantae in plantas degenerant</i> 202  <i>quibus Planetis subjiciantur</i> 325  <i>Saturnina, Jovial.</i> 326  <i>Martial. Solar. Vener. Mercur. ibid.</i>  <i>Lunar.</i> 327  <i>aculeata, nodosa</i> 332  <i>animalium Signaturam habentes. ib.</i>  <i>Plantae an certo siderum positu colligen-</i>  <i>da</i> 348  <i>Plantarum vivunt &amp; ut mortuae sunt</i>  <i>confidentio</i> 375  <i>Podagra plerumq; circa trigesimum an-</i>  <i>num invadit.</i> 308  <i>Precipitatio quomodo fiat</i> 391  <i>Principia Chymicorum</i> 127  <i>Unde his Chymici nomina indide-</i>  <i>rint.</i> 128  <i>quid sint</i> 137  <i>non sunt arte</i> 156  <i>à natura ostenduntur</i> 158  <i>non sunt ante Elementa</i> 136  <i>non tollunt Elementa</i> 143  <i>eorum proprietates</i> 128  <i>quotuplicia</i> 144. <i>duplicia</i> 151  <i>Principiorum Chymicorū probatio</i> 144</p>	<p><i>Ufus</i> 165. <i>Numerus</i> 169  <i>Auctoris de his sententia</i> 187  <i>Principia cognoscendi</i> 55  <i>Prognostica Paracelsi</i> 309  <i>Proprietates occultae unde</i> 65  <i>Propagationum diversitas</i> 203  <i>PseudoGalenici qui</i> 385  <i>PseudoChymici.</i> 17. 385  <i>Pulsus mutatio unde</i> 297  <i>de pulsu sententia Paracelsi.</i> <i>ibid.</i>  <i>Purgantia Chym. an vulgaribus beni-</i>  <i>gniora</i> 356  <i>Mineralia an planè possint fieri beni-</i>  <i>gna &amp; lenia</i> 372  <i>Purgantia ex antimonio cur simul vo-</i>  <i>mitum moveant</i> 415  <i>Purificatio qualis sit operatio Chymica</i>  <i>.</i> 389  <i>Purificata ad quod operum Chymicorū</i>  <i>genus pertineant</i> 399  <i>Putrefactio quid sit Chymicis</i> 391  <i>Putredo animalia ex se non generat</i> 205</p> <p style="text-align: center;"><b>Q.</b></p> <p><i>Qualitates primae nō sunt inefficaces</i> 80  <i>ex his omnium ratio reddi non po-</i>  <i>test</i> 81. <i>quocunq; modo mista non pos-</i>  <i>sunt fieri venenata</i> 84. <i>non agunt ul-</i>  <i>tra vires suas.</i> <i>ibid.</i>  <i>in curando quid possint</i> 349  <i>ad naturam humor explicandam</i>  <i>non sufficiunt.</i> 264  <i>Qualitasum primar. temperamento</i>  <i>quae differunt natura specifica</i> <i>ibid.</i>  <i>Qualitates occultae quae</i> 83  <i>earum vis.</i> 82  <i>Quercetanus cautius morborum disse-</i>  <i>rentias venatur, quam Severinus</i>  <i>.</i> 271  <i>Quinta essentia Chymicorum</i> 317. <i>Vi-</i>  <i>res ejus</i> 319  <i>Ra-</i></p>
--	---



# INDEX.

	<b>R.</b>	
<i>Ranunculus carpo applicatus febrem curavit</i>	346	<i>Scheckii opinio de forma examinatur</i>
<i>Radices Paracels. quid</i>	86	96. λόγος & πλάσιδος rejicitur 97
<i>Reductio quid</i>	392	<i>Scheuneman. opinio absurda de febribus</i>
<i>Relolaceum Paracelso quid</i>	53	279
<i>Rerum naturam nemo hominum integer perscrutatus est</i>	17	<i>Medicine reformatio</i>
<i>Rerum multarum essentia sub alterius forme dominio delitescere potest</i>	204	283
<i>Rei essentia quid Chymic.</i>	375	<i>Scientia anima Severino quid</i>
<i>Rerum naturalium ordo &amp; actiones non omnes à cælo</i>	107	89
<i>Res natural. que 154. artificiales que</i>	ibid.	<i>Secreta &amp; separata opera Chymica.</i>
	214	399
<i>Resolutum quid</i>	390	<i>Semina quid Severino</i>
<i>Resolutio qualis sit operatio Chymica</i>	390	86
		<i>Semina &amp; astra Severin. sunt formarum natural. 87. Paracels. quid</i>
		86
		<i>Semina in Element. sec. Paracels.</i>
		86
		<i>Semina rerum natural. non sunt in Elementis</i>
		79
		<i>Semina sua res omnes naturales in se continent</i>
		ibid.
		<i>Semen non solum agens instrumentarium 96. quomodo potentia animatum dicatur 99. vivit 100. 101. an possit dici animal. 104. maris &amp; femina ad generationem necessarium</i>
		101
		<i>Seminis natura admiranda</i>
		99
		<i>In scenam mundanam progressio</i>
		107
		<i>Semen analogum</i>
		204
		<i>Signorum necessitas</i>
		297
		<i>de signis inconstans Paracels.</i>
		296
		<i>Signaturæ determinata quomodo fetui imprimantur</i>
		238
		<i>Signaturæ medicamentorum 325. plantar. an aliquid indicent 333. soli non fidendum</i>
		ibid.
		<i>Signaturam aurium, oculorum, capillorum, dentium, pulmonum 329. Epatis. stomach. Renum 330. Cordis 329. Testium, Vesic. 331. Uteri, Intestinorum, Ling. 331. manuum, pedum habentia</i>
		332
		<i>Soliditas. &amp; duritiei causa</i>
		179
		<i>Species. spirital. natura</i>
		348
		<i>à qualitatib. primis non afficiuntur ib.</i>
		ad
		ad

ad aëria motum non moventur	122	Tartarum quid	274
Sphæra occultar. qualitat. quàm late se extendat	345	differentia	257
Spiritus vocabul. equivocum	116	Tartarei morbi	294
apud Antiquos $\Psi\upsilon\chi\eta\varsigma$ vocab. ex- pressum	117	ex tartaro morbi ventriculi	276
Spiritus quid	116	Tartarum Purgantium vim intendit	359
Chymic. quid	214	Tinctura vera quanam sint 391. è plan- tis 404. è quibus simplicibus commo- de parentur	ibid.
Spiritus Mundi	71	Transplantatio generationum accidens sec. Chymic. 195. 199. in animalibus	ibid.
Spiritus insitus	116	195. mineralibus	ibid.
cujus natura 117. non est ex Elemen- tis 117. quantum possit in morbis de- pellendis	319	Tubalcain Græcorum Vulcanus	19
Spiritus an se mutuo penetrent. 124. an vivat 244. non simpliciter agendi scientia præditi 245. an esuriant ibid.		Chymia inventor	ibid.
Spiritus è salibus plantarum	405	V.	
Spiritus vitrioli, salis &c. unde humi- ditatem habeant	388	Venenorum vis	62
Spiritus animalis non est causa fla- tuum	284	Ventorum generatio sec. Severin.	193
Stomachus quid Chymic.	247	qua vi morbos inducant	261
Stylus Magicus	54	Verborum & Characterum in Medici- na an aliqua vis 334. Ferrerii de his opinio	355
Sudoris causa	292	Verba peregrina & ignota ex pacto cum dæmone operatur 334. Verba sacra 335	
Sublimatio qualis sit operatio Chymi- ca	330	Veritas quid	58
Sublimata	400	omnium Authoritati præferenda	18
Sulphur auratum Antimonii quid sit 43. non solum sudorem movet	416	Verus discendi modus	58
Sulphur quid Chymic.	128	Vermes certi certis ex plantis generan- tur	200
primum adorabile	183	item ex animalibus	205
ejus differentia	184	Vinum spiritu Vini cur commodius bi- batur	357
Sulphur resolutum somni causa	290	Vini etiam magni errarunt	17
Sympathia & antipathia rerum natu- ralium unde	65	Vita quid Aristotelicis	109
Sympathia & antipathia exempla	64	quid Chymic.	ibid.
Synovia Chymic. quid	415. 416	Vitale & mortuum quid Chymic.	135
cujusmodi qualis sit operatio Chymica 399		Vita mineral. sec. Chymic.	109
T.		Vitrioli Spiritus	363
Tartari oleum contra sublimatum anti- dotus	266	Vitrificatio	395
		Viventia quomodo generent	94
		Vivere & agere an differant	110
		Ulcerum generatio sec. Severin.	230
		differe.	

I N D E X.

<i>different. ex princip. Chymic.</i>	281	<i>ex Urinis qua predicent Paracelsi.</i>	
<i>Vocabula nova quando fingere liceat</i>	32	<i>303. ex turbatis quale iudicium in</i>	
<i>Vocabula Anatomie inepte</i>	<i>ibid.</i>	<i>morbis Epidemiis haberi possit</i>	303
<i>Tincturae improprie usurpat Sever. ib.</i>		<i>Urinarum destillatio in morbis gravio-</i>	
<i>Volatile quid Chymicis</i>	395. 213.	<i>ribus non improbanda</i>	<i>ibid.</i>
<i>Urina Paracelsi. quid</i>	298.	<i>Urocriterio Rhenani quid tribuendi.</i>	302.
<i>different. sec. Paracelsi.</i>	298. 299.	<i>Ustio qualis sit operatio Chymica</i>	390.
<i>plurimum salis continet.</i>	298.	<i>Usta &amp; calcinata ad quod operum Chy-</i>	
<i>Urina partes</i>	300.	<i>micorum genus pertineant</i>	379.
<i>quantitas.</i>	301.		
<i>hypostas. &amp; sediment. an differant</i>			
<i>colores.</i>	<i>ibid.</i>	<i>Weigely doctrina Ecclesiastica</i>	36.
<i>color sec. partes figmentum</i>	<i>ibid.</i>		
<i>Tremula, &amp; arenose</i>	<i>ibid.</i>	<i>Zosimus scripsit Χημικα</i>	26.
		<i>Zwingeri de dogm. Parac. iudicium</i>	67.

F I N I S.



WITTEBERGÆ,  
 Typis Heredum SALOMONIS AVERBACH,  
 ANNO M. DC., XXIX.